

Suttantapiṭake Khuddakanikāye

Dhammapadapāliyā samvaṇṇanābhūtā

Bhadantamahābuddhaghosattherena katā

DHAMMAPADATṬHAKATHĀ

(Dutiyo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1950

© Buddhasāsana Society

Aṭṭhakathā Series 22

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa ဘ ha ဠ ḷa ၎ ṁ

VOWELS IN COMBINATION

-၁ ၎ = ā ၎ = i ၎ = ī ၎-၂ = u ၎-၂ = ū - = e -၁ ၎ = o

က ka	ကာ kā	ကိ ki	ကိ kī	ကု ku	ကု kū	ကေ ke	ကော ko
ခ kha	ခါ khā	ခိ khi	ခိ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပာ	ဣ လာ
ကွ kka	ဣ င္ဂa	ဣ န္ဓa	ဣ သ္ဃa	ဣ ပာ	ဣ လာ
ကျ kya	ဣ င္ဂha	ဣ န္ဓa	ဣ န္ဓa	ဣ ဗ္ဃa	ဣ လာ
ကြ kri	ဣ ဣa	ဣ န္ဓa	ဣ န္ဓa	ဣ ဗ္ဃa	ဣ ဖာ
ကလ kla	ဣ ဣာ	ဣ တာ	ဣ န္ဓha	ဣ ဗာ	ဣ တာ
ကွ kva	ဣ ဣာ	ဣ တာ	ဣ န္ဓa	ဣ မာ	ဣ တာ
ချ khya	ဣ ဣာ	ဣ တာ	ဣ န္ဓa	ဣ မာ	ဣ တာ
ခွ khva	ဣ ဣာ	ဣ တာ	ဣ န္ဓa	ဣ မာ	ဣ တာ
ဂွ gga	ဣ ဣာ	ဣ တာ	ဣ န္ဓa	ဣ မာ	ဣ တာ
ဣွ ggha	ဣ ဣာ	ဣ တာ	ဣ န္ဓa	ဣ မာ	ဣ တာ
ဂျ gya	ဣ ဣာ	ဣ တာ	ဣ န္ဓa	ဣ မာ	ဣ တာ
ဂြ gra	ဣ တာ	ဣ သာ	ဣ ပာ	ဣ မာ	ဣ တာ
ကံ ṅka	ဣ တာ	ဣ သာ	ဣ ပာ	ဣ မာ	ဣ တာ
ခံ ṅkha	ဣ တာ	ဣ သာ	ဣ ပာ	ဣ မာ	ဣ တာ
ဝံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Dhammapadaṭṭhakathā

Dutiyabhāga

Mātikā

Piṭṭhaṅka

9. Pāpavagga

1. Cūḷekasāṭakabrāhmaṇavatthu	1
2. Seyyasakattheravatthu	4
3. Lājadevadhītāvatthu	5
4. Anāthapiṇḍikaseṭṭhivatthu	7
5. Asaññataparikkhārahikkhuvatthu	10
6. Biḷālapādakaseṭṭhivatthu	11
7. Mahādhanavāṇijavatthu	14
8. Kukkuṭamittanesādavatthu	15
9. Kokasunakhaluddakavatthu	20
10. Maṇikāraikulūpakatissattheravatthu	22
11. Tayojanavatthu	24
12. Subbabbuddhasakyavatthu	28

10. Daṇḍavagga

1. Chabbaggiyabhikkhuvatthu	31
2. Chabbaggiyabhikkhuvatthu	32
3. Sambahulakumārakavatthu	33
4. Koṇḍadhānattheravatthu	33
5. Uposathika-itthīnaṃ vatthu	37
6. Ajagarapetavatthu	39
7. Mahāmogallānattheravatthu	41
8. Bahubhaṇḍibhikkhuvatthu	45

Mātikā	Piṭṭhaṅka
9. Santatimahāmattevattū	49
10. Pilotikatissattheravattū	53
11. Sukhasāmaṇṇeravattū	55

11. Jarāvagga

1. Visākhāya saḥāyikānaṃ vatthū	64
2. Sirimāvattū	66
3. Uttarātherīvattū	70
4. Sambahula-adhimānikabhikkhuvattū	71
5. Janapadakalyāṇī Rūpanandātherīvattū	72
6. Mallikādevīvattū	75
7. Lāḷudāyittheravattū	77
8. Udānavattū	80
9. Mahādhanaseṭṭhiputtavattū	81

12. Attavagga

1. Bodhirājakumāravattū	85
2. Upanandasakyaputtattheravattū	88
3. Padhānikatissattheravattū	90
4. Kumārakassapamātuttherīvattū	92
5. Mahākāla-upāsakavattū	95
6. Devadattavattū	97
7. Saṃghabhedaparisakkanavattū	98
8. Kālattheravattū	99
9. Cūḷakāla-upāsakavattū	101
10. Attadattattheravattū	102

13. Lokavagga

1. Daharabhikkhuvattū	104
2. Suddhodanavattū	105

Mātikā			Piṭṭhaṅka
3. Pañcasatavipassakabhikkhuvatthu	107
4. Abhayarājakumāravatthu	108
5. Sammajjanattheravatthu	109
6. Aṅgulimālattheravatthu	110
7. Pesakāradhītāvatthu	111
8. Tiṃsabhikkhuvatthu	115
9. Ciñcamāṇavikāvatthu	116
10. Asadisadānavatthu	119
11. Anāthapiṇḍikaputtakālavatthu	123

14. Buddhavagga

1. Māradhītaravatthu	126
2. Devorohaṇavatthu	130
3. Erakapattanāgarājavatthu	149
4. Ānandattherapañhavatthu	153
5. Anabhiratabhikkhuvatthu	155
6. Aggidattabrāhmaṇavatthu	156
7. Ānandattherapañhavatthu	161
8. Sambahulabhikkhuvatthu	162
9. Kassapadasabalassa suvaṇṇacetiyavatthu	163

15. Sukhavagga

1. Ñātikalahavūpasamanavatthu	165
2. Māravatthu	167
3. Kosalarañño parājayavatthu	168
4. Aññatarakuladārikāvatthu	168
5. Eka-upāsakavatthu	169
6. Pasenadikosalavatthu	171
7. Tissattheravatthu	173
8. Sakkavatthu	175

Mātikā

Piṭṭhaṅka

16. Piyavagga

1. Tayojanapabbajitavatthu	178
2. Aññatarakuṭumbikavatthu	180
3. Visākhāvatthu	181
4. Licchavīvatthu	182
5. Anitthigandhakumāravatthu	183
6. Aññatarabrāhmaṇavatthu	185
7. Pañcasatadārakavatthu	187
8. Eka-anāgāmittheravatthu	188
9. Nandiyavatthu	189

17. Kodhavagga

1. Rohinīhattiyakaññāvatthu	192
2. Aññatarabhikkhuvatthu	194
3. Uttarā-upāsikāvatthu	196
4. Mahāmoggallānattherapañhavatthu	203
5. Buddhapitubrāhmaṇavatthu	204
6. Puṇṇadāsīvatthu	206
7. Atula-upāsakavatthu	209
8. Chabbaggiyatthu	211

18. Malavagga

1. Goghātakaputtavatthu	213
2. Aññatarabrāhmaṇavatthu	217
3. Tissattheravatthu	218
4. Lāludāyittheravatthu	220
5. Aññatarakulaputtavatthu	222
6. Cūlasārivatthu	224
7. Pañca-upāsakavatthu	226

Mātikā			Piṭṭhaṅka
8. Tissadahasavatthu	227
9. Pañca-upāsakavatthu	229
10. Meṇḍakaseṭṭhivatthu	232
11. Ujjhānasaññittheravatthu	239
12. Subhaddapariḍājakavatthu	239

19. Dhammaṭṭhavagga

1. Vinicchayamahāmatṭavatthu	241
2. Chabbaggiyatṭhatthu	242
3. Ekudānattherakhīṇāsavavatthu	243
4. Lakūṇḍakabhaddiyattheravatthu	244
5. Sambahulabhikkhuvatthu	246
6. Hatthakavatthu	247
7. Aññatarabrāhmaṇavatthu	248
8. Titthiyavatthu	249
9. Bālisikavatthu	250
10. Sambahulasīlādisampannabhikkhuvatthu	251

20. Maggavagga

1. Pañcasatabhikkhuvatthu	253
2. Aniccalakkhaṇavatthu	255
3. Dukkhalakkhaṇavatthu	255
4. Anattalakkhaṇavatthu	256
5. Padhānakammikatisattheravatthu	256
6. Sūkarapetavatthu	258
7. Poṭṭhilattheravatthu	262
8. Pañcamahallakattheravatthu	264
9. Suvāṇṇakārattheravatthu	266

Mātikā			Piṭṭhaṅka
10. Mahādhanavāṇijavatthu	268
11. Kisāgotamīvatthu	270
12. Paṭācārāvatthu	271

21. Pakiṇṇakavagga

1. Attanopubbakammavatthu	273
2. Kukkuṭa-aṇḍakhādikāvatthu	280
3. Bhaddiyabhikkhuvatthu	282
4. Lakuṇḍakabhaddiyattheravatthu	283
5. Dārusākaṭikaputtavatthu	284
6. Vajjiputtakabhikkhuvatthu	287
7. Cittagahapativatthu	289
8. Cūḷasubhaddāvatthu	290
9. Ekavihārittheravatthu	294

22. Nirayavagga

1. Sundarīparibbājikāvatthu	296
2. Duccaritaphalapīḷitavatthu	298
3. Vaggamudātīriyabhikkhuvatthu	299
4. Khemakaseṭṭhiputtavatthu	300
5. Dubbacabhikkhuvatthu	301
6. Issāpakatitthivatthu	303
7. Sambahulabhikkhuvatthu	304
8. Niḡaṇṭhavatthu	305
9. Titthiyasāvakaavatthu	306

23. Nāgavagga

1. Attadaṇḍavatthu	308
2. Hatthācariyapubbakabhikkhuvatthu	310
3. Parijīṇṇabrāhmaṇaputtavatthu	311

Mātikā			Piṭṭhaṅka
4. Pasenadikosalavatthu	315
5. Sānusāmaṇeravatthu	316
6. Pāveyyakahatthivatthu	320
7. Sambahulabhikkhuvatthu	321
8. Māravatthu	324

24. Taṇhāvagga

1. Kapilamacchavatthu	327
2. Sūkarapotikāvatthu	331
3. Vibbhantabhikkhuvatthu	335
4. Bandhanāgāravatthu	337
5. Khemātherīvatthu	339
6. Uggasenavatthu	340
7. Cūḷadhanuggahapaṇḍitavatthu	345
8. Māravatthu	348
9. Upakājīvakavatthu	349
10. Sakkapañhavatthu	350
11. Aputtakasetthivatthu	353
12. Aṅkuravatthu	355

25. Bhikkhuvagga

1. Pañcabhikkhuvatthu	358
2. Haṃsaghātakabhikkhuvatthu	360
3. Kokālikavatthu	363
4. Dhammārāmattheravatthu	364
5. Vipakkhasevakabhikkhuvatthu	366
6. Pañcaggadāyakabrāhmaṇavatthu	367
7. Sambahulabhikkhuvatthu	369

Mātikā		Piṭṭhaṅka
8. Pañcasatabhikkhuvatthu	377
9. Santakāyatheravatthu	377
10. Naṅgalakulatheravatthu	378
11. Vakkalitheravatthu	380
12. Sumanasāmaṇeravatthu	382

26. Brāhmaṇavagga

1. Pasādabahulabrāhmaṇavatthu	393
2. Sambahulabhikkhuvatthu	394
3. Māravatthu	394
4. Aññatarabrāhmaṇavatthu	395
5. Ānandattheravatthu	396
6. Aññatarabrāhmaṇapabbajitavatthu	397
7. Sāriputtattheravatthu	398
8. Mahāpajāpatigotamīvatthu	400
9. Sāriputtattheravatthu	401
10. Jaṭilabrāhmaṇavatthu	401
11. Kuhakabrāhmaṇavatthu	402
12. Kisāgotamīvatthu	404
13. Ekabrāhmaṇavatthu	405
14. Uggasenaseṭṭhiputtavatthu	406
15. Dvebrāhmaṇavatthu	406
16. Akkosakabhāradvājavatthu	407
17. Sāriputtattheravatthu	409
18. Uppalavaṇṇātherīvatthu	410
19. Aññatarabrāhmaṇavatthu	411
20. Khemābhikkhunīvatthu	411
21. Pabbhāravāsītissattheravatthu	412

Mātikā		Piṭṭhaṅka
22. Aññatarabhikkhuvatthu	...	415
23. Sāmaṇerānaṃ vatthu	...	416
24. Mahāpanthakattheravatthu	...	419
25. Pilindavacchattheravatthu	...	419
26. Aññatarattheravatthu	...	420
27. Sāriputtattheravatthu	...	421
28. Mahāmoggallānattheravatthu	...	422
29. Revatattheravatthu	...	423
30. Candābhattheravatthu	...	423
31. Sīvalittheravatthu	...	426
32. Sundarasamuddattheravatthu	...	428
33. Jaṭilattheravatthu	...	431
34. Jotikattheravatthu	...	446
35. Naṭaputtakattheravatthu	...	447
36. Naṭaputtakattheravatthu	...	448
37. Vaṅgīsattheravatthu	...	449
38. Dhammadinnattherīvatthu	...	451
39. Aṅgulimālattheravatthu	...	452
40. Devahitabrāhmaṇavatthu	...	453
Nigamanakathā	...	455

Dhammapadaṭṭhakathāya dutiyabhāge mātikā niṭṭhitā.

Khuddakanikāya

Dhammapadaṭṭhakathā

(Dutiyo bhāgo)

Namo tassa Bhagavato Arahato Sammāsambuddhassa.

9. Pāpavagga

1. Cūlekasātakabrāhmaṇavattu

Abhittharetha kalyāṇeti imaṃ dhammadesanaṃ Satthā Jetavane viharanto Cūlekasātakabrāhmaṇaṃ ārabha kathesi.

Vipassidasabalassa kālasmiṃhi Mahā-ekasātakabrāhmaṇo nāma ahoṣi, ayaṃ pana etarahi Sāvatthiyaṃ Cūlekasātakako nāma. Tassa hi eko nivāsanāsātakako ahoṣi, brāhmaṇiyāpi eko. Ubhinnampi ekameva pārupanaṃ, bahi gamanakāle brāhmaṇo vā brāhmaṇī vā taṃ pārupati. Atheskadivasam vihāre dhammassavane ghoṣite brāhmaṇo āha “bhoti dhammassavanaṃ ghoṣitaṃ, kiṃ divā dhammassavanaṃ gamissasi¹, udāhu rattiṃ. Pārupanassa hi abhāvena na sakkā amhehi ekato gantun”ti. Brāhmaṇī “sāmi ahaṃ divā gamissāmi”ti sātakaṃ pārupitvā agamāsi. Brāhmaṇo divasabhāgaṃ gehe vītināmetvā rattiṃ gantvā Satthu purato nisinnova dhammaṃ assosi. Athassa sarīraṃ pharamānā pañcavaṇṇā pīti uppajji. So Satthāraṃ pūjitukāmo hutvā “sace imaṃ

1. Dhammasavanāya gacchasi (Sī)

sāṭakaṃ dassāmi, neva brāhmaṇiyā, na mayhaṃ pārūpanaṃ bhavissatī”ti cintesi. Athassa maccheracittānaṃ sahaṣsaṃ uppajji, punekaṃ saddhācittānaṃ uppajji. Taṃ abhibhavitvā puna maccherasahassaṃ¹ uppajji. Itissa balavamaccheraṃ bandhitvā gaṇhantaṃ viya saddhācittānaṃ paṭibāhatiyeva. Tassa “dassāmi, na dassāmi”ti cintentasseva paṭhamayāmo apagato, majjhimayāmo sampatto. Tasmimpi dātuṃ nāsakkhi. Pacchimayāme sampatte so cintesi “mama saddhācittena maccheracittena ca saddhīm yujjhantasseva dve yāmā vītivattā, idaṃ mama ettakaṃ maccheracittānaṃ vaḍḍhamānaṃ catūhi apāyehi sīsaṃ ukkhipitūṃ na dassati, dassāmi nan”ti. So maccherasahassaṃ abhibhavitvā saddhācittānaṃ purecārikaṃ katvā sāṭakaṃ ādāya Satthu pādāmūle ṭhapetvā “jitaṃ me, jitaṃ me”ti tikkhattuṃ mahāsaddamakāsi.

Rājā Pasenadi Kosalo dhammaṃ suṇanto taṃ saddaṃ sutvā “pucchatha naṃ, kiṃ kira² tena jitaṃ”ti āha. So rājapurisehi pucchito tamatthaṃ ārocesi. Taṃ sutvā rājā “dukkaraṃ kataṃ brāhmaṇena, saṅghamaṣṣa karissāmi”ti ekaṃ sāṭakayugaṃ dāpesi. So tampi Tathāgatasseva adāsi. Puna rājā dve cattāri aṭṭha soḷasāti dviguṇaṃ katvā dāpesi. So tānipi Tathāgatasseva adāsi. Athassa rājā dvattimsa yugāni dāpesi. Brāhmaṇo “attano aggahetvā laddhaṃ laddhaṃ vissajjesiyevā”ti vādamocanattaṃ tato ekaṃ yugaṃ attano, ekaṃ brāhmaṇiyāti dve yugāni gahetvā tiṃsa yugāni Tathāgatasseva adāsi. Rājā pana tasmim̐ sattakkhattumpi³ dadante puna dātukāmoyeva ahoṣi. Pubbe Mahā-ekasāṭako catusaṭṭhiyā sāṭakayugesu dve aggahesi, ayaṃ pana dvattimsāya laddhakāle⁴ dve aggahesi. Rājā purise āṇāpesi “dukkaraṃ bhaṇe brāhmaṇena kataṃ, antepure mama dve kambalāni āharāpeyyāthā”ti. Te tathā karim̐su. Rājā sataṣaṣṣagghanake dve kambale dāpesi. Brāhmaṇo “na ime mama sarīre upayogaṃ arahanti, Buddhasāsanasseva ete anucchavikā”ti ekaṃ kambalaṃ antogandhakuṭiyaṃ Satthu sayanassa upari vitānaṃ katvā bandhi, ekaṃ attano ghare nibaddhaṃ bhuñjantassa bhikkhuno bhattakiccaṭṭhāne vitānaṃ katvā bandhi. Rājā

1. Taṃ abhibhavamānaṃ puna maccheracittānaṃ (Sī), tampi abhibhavantaṃ puna maccherasahassaṃ (Syā)

2. Yaṃ kiñci kira (Sī), kiñci kira (Ka)

3. Sattakkhattumpi (Sī)

4. Dvattimsayugaladdhakāle (Syā)

sāyanhasamaye Satthu santikaṃ gantvā taṃ kambalaṃ sañjānitvā “bhante kena pūjā katā”ti pucchitvā “ekasāṭakenā”ti vutte “brāhmaṇo mama pasādaṭṭhāneyeva pasīdati”ti vatvā “cattāro hatthī cattāro asse cattāri kahāpaṇasahassāni catasso itthiyo catasso dāsiyo cattāro purise caturo gāmvare”ti evaṃ yāva sabbasatā¹ cattāri cattāri katvā sabbacatukkaṃ nāma assa dāpesi.

Bhikkhū dhammasabhāyaṃ kathāṃ samuṭṭhāpesuṃ “aho acchariyaṃ Cūḷekasāṭakassa kammaṃ, taṃmuhuttameva sabbacatukkaṃ labhi, idāni katena² kalyāṇakammaṃ ajjameva vipāko dinno”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāma”ti vutte “bhikkhave sacāyaṃ ekasāṭako paṭhamayāme mayhaṃ dātuṃ asakkhissa, sabbasoḷasakaṃ alabhissa. Sace majjhimayāme asakkhissa, sabbaṭṭhakaṃ alabhissa. Balavapacchimayāme³ dinnattā panesa sabbacatukkaṃ labhi. Kalyāṇakammaṃ karontena hi uppannaṃ cittaṃ ahāpetvā taṅkhaṇaṇṇeva kātabbaṃ. Dandhaṃ kataṃ kusalaṇhi sampattiṃ dadamānaṃ dandhameva dadāti, tasmā cittuppādasamanantareva kalyāṇakammaṃ kātabbaṃ”ti vatvā anusandhiṃ ghaṭetvā dhammaṃ desento imaṃ gāthamāha—

116. “Abhittharetha kalyāṇe, pāpā cittaṃ nivāraye.

Dandhaṃ hi karoto puññaṃ, pāpasmim ramatī mano”ti.

Tattha **abhittharethā**ti turitaturitaṃ sīghasīghaṃ kareyyāti attho. Gihinā vā hi “salākabhaddadānādīsu kiñcideva⁴ kusalaṃ karissāmi”ti citte uppanne yathā añṇe okāsaṃ na labhanti, evaṃ “ahaṃ pure, ahaṃ pure”ti turitaturitameva kātabbaṃ. Pabbajitena vā upajjhāyavattādīni karontena añṇassa okāsaṃ adattvā “ahaṃ pure, ahaṃ pure”ti turitaturitameva kātabbaṃ. **Pāpā cittanti** kāyaduccarītādipāpakammato vā akusalacittuppādato vā sabbathāmena⁵ cittaṃ **nivāraye**. **Dandhaṃ hi karototi** yo pana “dassāmi, na dassāmi, sampajjissatī nu kho me, no”ti evaṃ cikkhallaṃ maggena gacchanto viya dandhaṃ puññaṃ karoti, tassa ekasāṭakassa

1. Yāvatā (Sī), yāva satta (Ka)

3. Balavapaccūse (Syā)

5. Sabbaṭṭhāne (Syā)

2. Idāneva khettaṭṭhāne (Syā)

4. Salākabhaddadānādī yaṃ kiñcideva (Sī)

viya maccherasahassam pāpam okāsam labhati. Athassa **pāpasmim ramatī mano**, kusalakammakaraṇakāleyeva hi cittaṃ kusale ramati, tato mucchivā pāpaninnameva hotīti.

Gāthāpariyosāne bahū sotāpattiphalādīni pāpuṇimsūti.

Cūḷekasātakabrāhmaṇavatthu paṭhamam.

2. Seyyasakattheravatthu

Pāpañce purisoti imam dhammadesanam Sathā Jetavane viharanto Seyyasakattheram ārabba kathesi.

So hi Lāḷudāyittherassa saddhivihāriko, attano anabhiratiṃ tassa ārocetvā tena paṭhamasamghādisesakamme samādapito uppannuppannāya anabhiratiyā taṃ kammamakāsi¹. Sathā tassa kiriyam sutvā taṃ pakkosāpetvā “evam kira tvaṃ karosī”ti pucchitvā “āmabhante”ti vutte “kasmā bhāriyam kammaṃ akāsi, ananucchavikaṃ moghapurisā”ti nānappakārato garahitvā sikkhāpadam paññāpetvā “evarūpam hi kammaṃ diṭṭhadhammepi samparāyepi dukkhasamvattanikameva hotī”ti vatvā anusandhim ghaṭetvā dhammam desento imam gāthamāha—

117. “Pāpañce puriso kayirā, na nam kayirā punappunam.

Na tamhi chandam kayirātha, dukkho pāpassa uccayo”ti.

Tassattho—sace **puriso** sakim pāpakammaṃ kareyya, taṅkhaṇeyeva paccavekkhitvā “idam appatirūpam oḷārikan”ti **na nam kayirā punappunam**. Yopi **tamhi** chando vā ruci vā uppajjeyya, tampi vinodetvā na kayirātheva. Kim kāraṇā? **Dukkho pāpassa uccayo**. Pāpassa hi uccayo vuḍḍhi idhalokepi samparāyepi dukkhameva āvahaṭīti.

Desanāvasāne bahū sotāpattiphalādīni pāpuṇimsūti.

Seyyasakattheravatthu dutiyam.

1. Vi 1. 151 piṭṭhe vitthāro.

3. Lājadevadhītāvatthu

Puññañceti imaṃ dhammadesanaṃ Satthā Jetavane viharanto Lājadevadhītaraṃ ārabha katesi. Vatthu Rājagahe samuṭṭhitaṃ.

Āyasmā hi Mahākassapo Pippaliguhāyaṃ viharanto jhānaṃ samāpajjitvā sattame divase vuṭṭhāya dibbena cakkhunā bhikkhācāraṭṭhānaṃ olokeno ekaṃ sālikhettapālikaṃ itthiṃ sālisīsāni gahetvā lāje kurumānaṃ disvā “saddhā nu kho, assaddhā”ti vīmaṃsitvā “saddhā”ti ñatvā “sakkhissati nu kho me saṅgahaṃ kātuṃ, no”ti upadhārento “visāradā kuladhītā mama saṅgahaṃ karissati, katvā ca pana mahāsampattiṃ labhissatī”ti ñatvā cīvaraṃ pārūpitvā pattamādāya sālikhettasamīpeyeva aṭṭhāsi. Kuladhītā therāṃ disvāva pasannacittā pañcavaṇṇāya pītiyā phuṭṭhasarīrā “tiṭṭhatha bhante”ti vatvā lāje ādāya vegena gantvā therassa patte ākiritvā pañcapatiṭṭhitena vanditvā “bhante tumhehi diṭṭhadhammassa bhāginī assan”ti patthanaṃ akāsi. Thero “evaṃ hotū”ti anumodanamakāsi. Sāpi therāṃ vanditvā attanā dinnadānaṃ āvajjamānā nivatti. Tāya ca pana kedāramariyādāya gamanamagge ekasmiṃ bile ghoraviso sappo nipajji. So therassa kāsāyapaṭicchanaṃ jaṅghaṃ ḍaṃsitūṃ nāsakkhi. Itarā dānaṃ āvajjamānā nivattantī taṃ padesaṃ pāpuṇi. Sappo bilā nikkhamitvā taṃ ḍaṃsitvā tattheva pātesi. Sā pasannacittena kālaṃ katvā Tāvatiṃsabhavane tiṃsayojanike kanakavimāne suttappabuddhā viya sabbālaṅkārapaṭiṃḍitena tigāvutena attabhāvena nibbatti. Sā dvādasayojanikaṃ¹ ekaṃ dibbavatthaṃ nivāsetvā ekaṃ pārūpitvā accharāsahassaparivutā pubbakammaṃpakāsanatthāya suvaṇṇalājabharitena olambakena suvaṇṇasarakena paṭiṃḍite vimānavāre ṭhitā attano sampattiṃ oloketvā “kiṃ nu kho me katvā ayaṃ sampatti laddhā”ti dibbena cakkhunā upadhārentī “ayyassa me Mahākassapattherassa dinnalājanissandena sā laddhā”ti aññāsi.

Sā evaṃ parittakena kammena evarūpaṃ sampattiṃ labhitvā “na dāni mayā pamajjitūṃ vaṭṭati, ayyassa vattapaṭivattaṃ katvā imaṃ sampattiṃ thāvaraṃ karissāmi”ti cintetvā pātova kanakamayaṃ sammajjaniñceva kacavarachaḍḍanakañca

1. Dvādasahatthaṃ (Syā)

pacchim ādāya gantvā¹ therassa pariveṇaṃ sammajjitvā pānīyaparibhojanīyaṃ upaṭṭhāpesi. Thero taṃ disvā “kenaci daharena vā sāmaṇerena vā vattaṃ kataṃ bhavissatī”ti sallakkhesi. Sā dutiyadivasepi tatheva akāsi, theropi tatheva sallakkhesi. Tatiyadivase pana thero tassā sammajjanisaddaṃ sutvā tālacchiddādīhi ca pavitṭhaṃ sarīrobhāsaṃ disvā dvāraṃ vivaritvā “ko esa sammajjati”ti pucchi. Ahaṃ bhante tumhākaṃ upaṭṭhāyikā Lājadevadhītāti. Nanu mayhaṃ evaṃnāmikā upaṭṭhāyikā nāma natthīti². “Ahaṃ bhante sālikhettaṃ rakkhamānā lāje datvā pasannacittā nivattantī sappena daṭṭhā kālaṃ katvā Tāvatiṃsadevaloke uppannā, mayā ayyaṃ nissāya ayaṃ sampatti laddhā, idānipi tumhākaṃ vattapaṭivattaṃ katvā sampattiṃ thāvaram karissāmi”ti āgatāmi bhanteti. Hiyyopi parepi tayāvettaṃ ṭhānaṃ sammajjitaṃ, tayāva pānīyabhojanīyaṃ upaṭṭhāpitanti. Āma bhanteti. Apehi devadhīte, tayā kataṃ vattaṃ kataṃva hotu, ito paṭṭhāya imaṃ ṭhānaṃ mā āgamīti. Bhante mā maṃ nāsetha, tumhākaṃ vattaṃ katvā sampattiṃ me thiraṃ kātum dethāti. Apehi devadhīte, mā maṃ anāgate cittabījanaṃ gahetvā nisinnehi dhammakathikehi “Mahākassapattherassa kira ekā devadhītā āgantvā vattapaṭivattaṃ katvā pānīyaparibhojanīyaṃ upaṭṭhāpesi”ti vattabbaṃ kari, ito paṭṭhāya idha mā āgami, paṭikkamāti. Sā “mā maṃ bhante nāsethā”ti punappunaṃ yāciyeva. Thero “nāyaṃ mama vacanaṃ suṇāti”ti cintetvā “tuvaṃ pamāṇaṃ na jānāsī”ti accharaṃ pahari. Sā tattha saṅṭhātum asakkontī ākāse uppatitvā añjaliṃ paggayha “bhante mayā laddhasampattiṃ³ mā nāsetha, thāvaram kātum dethā”ti rodantī ākāse aṭṭhāsi.

Satthā Jetavane Gandhakuṭiyaṃ nisinnova tassā roditasaddaṃ sutvā obhāsaṃ pharitvā devadhītāya sammukhe nisīditvā kathento viya “devadhīte mama puttassa Kassapassa saṃvarakaraṇameva bhāro, puññatthikānaṃ pana ‘ayaṃ no attho’⁴ sallakkhetvā puññakaraṇameva bhāro. Puññakaraṇaṃ hi idha ceva samparāye ca sukhaveva”ti vatvā anusandhim ghaṭetvā dhammaṃ desento imaṃ gāthamāha—

1. Āgantvā (Sī)

3. Laddhasampadaṃ (Sī)

2. Atthīti (Sī)

4. Ayaṃ ayaṃ atthoti (Sī)

118. “Puññañce puriso kayirā, kayirā naṃ punappunaṃ.

Tamhi chandaṃ kayirātha, sukho puññassa uccayo”ti.

Tassattho—sace **puriso puññaṃ** kareyya, “ekavāraṃ me puññaṃ kataṃ, alaṃ ettāvata”ti anoramitvā **punappunaṃ** karotheva. Tassa akaraṇakkhaṇepi **tamhi** puñña **chandaṃ** rucim ussāhaṃ karotheva. Kim kāraṇā? **Sukho puññassa uccayo**. Puññassa hi uccayo vuḍḍhi idhalokaparalokasukhāvahanato sukhoti.

Desanāvasāne devadhītā pañcacattālīsayojanamatthake ṭhitāva sotāpattiphalaṃ pāpuṇīti.

Lājadevadhītāvattu tatiyaṃ.

4. Anāthapiṇḍikaseṭṭhivattu

Pāpopi passatī bhadranti imaṃ dhammadesanaṃ Satthā Jetavane viharanto Anāthapiṇḍikaṃ ārabha kathesi.

Anāthapiṇḍiko hi vihārameva uddissa catupaṇṇāsakoṭidhanaṃ Buddhasāsane vikiritvā Satthari Jetavane viharante devasikaṃ tīṇi mahāupaṭṭhānāni gacchati, gacchanto ca “kim nu kho ādāya āgatoti sāmaṇerā vā daharā vā hatthampi me olokeyyun”ti tucchahattho nāma na gatapubbo. Pātova gacchanto yāguṃ gāhāpetvāva gacchati, katapātarāso sappinavanītādīni bhesajjāni. Sāyanhasamaye mālāgandhavilepanavatthādīni gāhāpetvā gacchati. Evaṃ niccakālemeva divase divase dānaṃ datvā sīlaṃ rakkhati. Aparabhāge dhanam parikkhayaṃ gacchati. Vohārūpajīvinopissa hatthato aṭṭhārasakoṭidhanaṃ iṇaṃ gaṇhiṃsu, kulasantakāpissa aṭṭhārasahiraññakoṭiyo, nadītīre nidahitvā ṭhapitā udakena kūle bhinne mahāsamuddaṃ pavisiṃsu. Evamassa anupubbena dhanam parikkhayaṃ agamāsi. So evambhūtopi saṅghassa dānaṃ detiyeva, paṇītaṃ pana katvā dātum na sakkoti.

So ekadivasam Satthārā “dīyati pana te gahapati kule dānaṃ”ti vutte “dīyati bhante, tañce kho kaṇājakam bilaṅgadutiyaṃ”ti āha. Atha

nam Satthā “gahapati ‘lūkham dānam demī’ti mā cintayi. Cittasmim hi paṇite Buddhādīnam dinnadānam lūkham nāma natthi, apica tvaṃ aṭṭhannaṃ ariyapuggalānam dānam desi, ahaṃ pana Velāmakāle sakalajambudīpaṃ unnaṅgalaṃ katvā mahādānam pavattayamānopi tisaraṇagatampi kañci nālattham, dakkhiṇeyyā nāma evaṃ dullabhā. Tasmā ‘lūkham me dānan’ti mā cintayī”ti vatvā **Velāmasuttamassa**¹ kathesi. Athassa dvārakoṭṭhake adhivatthā devatā Satthari ceva Satthusāvakesu ca gehaṃ pavisantesu tesam tejena saṅghātum asakkontī “yathā ime imaṃ gehaṃ na pavisanti, tathā gahapatiṃ paribhindissāmī”ti taṃ vattukāmāpi issarakāle kiñci vattum nāsakkhi, idāni “panāyaṃ duggato gaṇhissati me vacanan”ti rattibhāge seṭṭhissa sirigabbhaṃ pavisitvā ākāse aṭṭhāsi. Atha seṭṭhi naṃ disvā “ko eso”ti āha. Ahaṃ te mahāseṭṭhi catutthadvārakoṭṭhake adhivatthā devatā, tuyhaṃ ovādadānatthāya āgatāti. Tena hi ovadehīti. Mahāseṭṭhi tayā pacchimakālam anoloketvāva samaṇassa Gotamassa sāsane bahuṃ dhanam vippakiṇṇam, idāni duggato hutvāpi taṃ na muñcasiyeva², evaṃ vattamāno katipāheneva ghāsacchādānamattampi na labhissasi, kiṃ te samaṇena Gotamena, atipariccāgato oramitvā kammante payojento kuṭumbaṃ saṅghāpehīti. Ayaṃ me tayā dinna-ovādoti. Āma seṭṭhīti. Gaccha, nāhaṃ tādīsīnam satenapi sahasseṇapi satahasseṇapi sakkā kampetum³, ayuttaṃ te vuttaṃ, kiṃ tayā mama gehe vasamānāya, sīghaṃ sīghaṃ me gharā nikkhamāhīti. Sā sotāpannassa ariyasāvakassa vacanaṃ sutvā ṭhātum asakkontī dārake ādāya nikkhami, nikkhamitvā ca pana aññattha vasanaṭṭhānam alabhamānā “seṭṭhiṃ khamāpetvā tattheva vasissāmī”ti nagarapariggāhakaṃ devaputtaṃ upasaṅkamtivā attanā katāparādhaṃ ācikkhitvā “chi, maṃ seṭṭhissa santikaṃ netvā khamāpetvā vasanaṭṭhānam dāpehī”ti āha. So “ayuttaṃ tayā vuttaṃ, nāhaṃ tassa santikaṃ gantum ussahāmī”ti⁴ taṃ paṭikkhipi. Sā catunnaṃ mahārājānam santikaṃ gantvā tehipi paṭikkhittā Sakkam devarājānam upasaṅkamtivā taṃ pavattim ācikkhitvā “ahaṃ deva vasanaṭṭhānam alabhamānā

1. Am 3. 195 piṭṭhe.

3. Harāpetum (Sī)

2. Na muñcasiyeva (Sī)

4. Ussahissāmīti (Sī)

dārake hatthena gahetvā anāthā vicarāmi, vasanaṭṭhānaṃ me dāpehī”ti suṭṭhutamaṃ yāci.

Atha naṃ so “ahampi tava kāraṇā seṭṭhiṃ vattuṃ na sakkhissāmi, ekaṃ pana te upāyaṃ kathessāmi”ti āha. Sādhu deva, kathehīti. Gaccha, seṭṭhino āyuttakavesaṃ gahetvā seṭṭhissa hatthato paṇṇaṃ āropetvā¹ vohārūpajīvīhi gahitaṃ aṭṭhārasakoṭidhanaṃ attano ānubhāvena sodhetvā tucchagabbhe pūretvā mahāsamuddaṃ pavīṭṭhaṃ aṭṭhārasakoṭidhanaṃ atthi, aññampi asukaṭṭhāne nāma assāmiṃkaṃ aṭṭhārasakoṭidhanaṃ atthi, taṃ sabbaṃ saṃharitvā tassa tucchagabbhe pūretvā daṇḍakammaṃ katvā khamāpehīti. Sā “sādhu devā”ti vuttanayeneva taṃ sabbaṃ katvā puna tassa sirigabbhaṃ obhāsayamānā ākāse ṭhatvā “ko eso”ti vutte ahaṃ te catutthadvārakoṭṭhake adhivatthā andhabāladevatā, mayā andhabālatāya yaṃ tumhākaṃ santike kathitaṃ, taṃ me khamatha. Sakkassa hi me vacanena catupaṇṇāsakoṭidhanaṃ saṃharitvā tucchagabbhapūraṇaṃ² daṇḍakammaṃ kataṃ, vasanaṭṭhānaṃ alabhamānā kilamāmi. Anāthapiṇḍiko cintesi “ayaṃ devatā ‘daṇḍakammaṃca me katan’ti vadati, attano ca dosaṃ paṭijānāti, Sammāsambuddhassa naṃ dassessāmi”ti. So taṃ Satthu santikaṃ netvā tāya katakammaṃ sabbaṃ ārocesi. Devatā Satthu pādesu siraṣā nipatitvā “bhante yaṃ mayā andhabālatāya tumhākaṃ guṇe ajānitvā pāpakaṃ vacanaṃ vuttaṃ, taṃ me khamathā”ti Satthāraṃ khamāpetvā mahāseṭṭhiṃ khamāpesi. Satthā kalyāṇapāpakaṇaṃ kammānaṃ vipākavasena seṭṭhiñceva devataṃca ovadanto “idha gahapati pāpappuggalopi yāva pāpaṃ na paccati, tāva bhadrampi passati. Yadā panassa pāpaṃ paccati, tadā pāpameva passati. Bhadrappuggalopi yāva bhadrāṃ na paccati, tāva pāpāni passati. Yadā panassa bhadrāṃ paccati, tadā bhadrāmeva passati”ti vatvā anusandhiṃ ghaṭetvā dhammaṃ desento imā gāthā abhāsi—

119. “Pāpopi passatī bhadrāṃ, yāva pāpaṃ na paccati.

Yadā ca paccatī pāpaṃ, atha pāpo pāpāni passati.

120. Bhadropi passatī pāpaṃ, yāva bhadrāṃ na paccati.

Yadā ca paccatī bhadrāṃ, atha bhadro bhadrāni passatī”ti.

1. Āharāpetvā (Syā)

2. Tucchagabbhapūraṇena (Syā)

Tattha **pāpoti** kāyaduccaritādinā pāpakammaena yuttapuggalo. Sopi hi purimasucaritānubhāvena nibbattaṃ sukhaṃ anubhavamāno **bhadrampi passati**. **Yāva pāpaṃ na paccatīti** yāvassa taṃ pāpakammaṃ diṭṭhadhamme vā samparāye vā vipākaṃ na deti. **Yadā** panassa taṃ diṭṭhadhamme vā samparāye vā vipākaṃ deti, **atha** diṭṭhadhamme vividhā kammakāraṇā, samparāye ca apāyadukkhaṃ anubhonto so **pāpo pāpāniyeva passati**. Dutiyagāthāyapi kāyasucaritādinā bhadrakammaena yutto **bhadro**. Sopi hi purimaduccaritānubhāvena nibbattaṃ dukkhaṃ anubhavamāno **pāpaṃ passati**. **Yāva bhadraṃ na paccatīti** yāvassa taṃ bhadraṃ kammaṃ diṭṭhadhamme vā samparāye vā vipākaṃ na deti. **Yadā** pana taṃ vipākaṃ deti, **atha** diṭṭhadhamme lābhasakkārādisukhaṃ, samparāye ca dibbasampattisukhaṃ anubhavamāno so **bhadro bhadrāniyeva passatīti**.

Desanāvasāne sā devatā sotāpatti-phale patiṭṭhahi, sampattaparīsāyapi sātthikā dhammadesanā ahoṣīti.

Anāthapiṇḍikasetṭhivatthucattutthaṃ.

5. Asaññataparikkhārabhikkhuvatthu

Māvamaññetha pāpassāti imaṃ dhammadesanaṃ Satthā Jetavane viharanto ekaṃ Asaññataparikkhāraṃ bhikkhuṃ ārabba kathesi.

So kira yaṃ kiñci mañcapīṭhādibhedam parikkhāraṃ bahi paribhuñjitvā tattheva chaḍḍeti. Parikkhāro vassenapi ātapenapi upacikādīhipi vinassati. So bhikkhūhi “nanu āvuso parikkhāro nāma paṭisāmitabbo”ti vutte “appakaṃ mayā kataṃ āvuso etaṃ, na etassa cittaṃ atthi, na pittaṃ”ti¹ vatvā tattheva karoti. Bhikkhū tassa kiriyam Satthu ārocesum. Satthā taṃ pakkosāpetvā “saccaṃ kira tvam bhikkhu evam karosī”ti pucchi. So Satthārā pucchitopi “kiṃ etaṃ² Bhagavā appakaṃ mayā kataṃ, na tassa cittaṃ atthi, nāssa pittaṃ”ti tattheva avamaññanto āha. Atha nam Satthā “bhikkhūhi evam kātuṃ na vaṭṭati, pāpakammaṃ nāma ‘appakan’ti na avamaññitabbaṃ. Ajjhokāse ṭhapitaṃ hi vivaṭamukhaṃ bhājanam deve vassante kiñcāpi ekabindunā na pūrati,

1. Na nimittanti (Ka)

2. Evam (Sī)

punappunam vassante pana pūrateva, evamevam pāpam karonto puggalo anupubbena mahantaṃ pāparāsim karoti”ti vatvā anusandhim ghaṭetvā dhammaṃ desento imaṃ gāthamāha—

121. “Māvamaññetha pāpassa, na mandaṃ āgamissati.
Udabindunipātena, udakumbhopi pūrati.
Bālo pūrati pāpassa, thokaṃ thokampi ācinan”ti.

Tattha **māvamaññethā**ti na avajāneyya. **Pāpassā**ti pāpam. **Na mandaṃ āgamissatī**ti “appamattakaṃ me pāpakaṃ kataṃ, kadā etaṃ vipaccissatī”ti evaṃ pāpam nāvajāneyyāti attho. **Udakumbhopī**ti deve vassante mukhaṃ vivarivā ṭhapitaṃ yaṃ kiñci kulālabhājanam yathā taṃ ekekassāpi udakabinduno nipātena anupubbena **pūrati**, evaṃ bālapuggalo thokaṃ thokampi pāpam ācinanto karonto vaḍḍhento **pāpassa pūratīyevā**ti attho.

Desanāvasāne bahū sotāpattiphalādīni pāpuṇimsu. Satthāpi “ajjhokāse seyyam santharivā paṭipākatikaṃ akaronto¹ imaṃ nāma āpattimāpajjati”ti sikkhāpadaṃ² paññāpesīti.

Asaññataparikkhārahikkhuvatthu pañcamaṃ.

6. Biḷālapādakaseṭṭhivatthu

Māvamaññetha puññassāti imaṃ dhammaḍḍesaṇaṃ Satthā Jetavane viharanto Biḷālapādakaseṭṭhim³ ārabha kathesi.

Ekasmim hi samaye Sāvattvivāsino vaggabandhanena Buddhappamukhassa bhikkhusaṃghassa dānaṃ denti. Athekadivasam Satthā anumodanaṃ karonto evamāha—

Upāsakā idhekacco attanāva dānaṃ deti, param na samādapeti. So nibbattanibbattaṭṭhāne bhogasampadaṃ labhati, no parivārasampadaṃ. Ekacco attanā dānaṃ na deti, param samādapeti.

1. Akaroto (Syā, Ka)

2. Vi 2. 58 piṭṭhe.

3. Biḷālapādakaseṭṭhim (Syā, Ka)

So nibbattanibbattaṭṭhāne parivārasampadaṃ labhati, no bhogasampadaṃ. Ekacco attanā ca na deti, parañca na samādapeti. So nibbattanibbattaṭṭhāne neva bhogasampadaṃ labhati, na parivārasampadaṃ, vighāsādo hutvā vicarati. Ekacco attanā ca deti, parañca samādapeti. So nibbattanibbattaṭṭhāne bhogasampadañceva labhati, parivārasampadañcāti.

Atheko paṇḍitapuriso taṃ dhammadesanaṃ sutvā “aho acchariyamidaṃ kāraṇaṃ, ahaṃ dāni ubhayasampattisaṃvattanikaṃ kammaṃ karissāmī”ti cintetvā Satthāraṃ uṭṭhāya gamanakāle āha “bhante sve amhākaṃ bhikkhaṃ gaṇhathā”ti. Kittakehi pana te bhikkhūhi atthoti. Sabbabhikkhūhi bhanteti. Satthā adhivāsesi. Sopi gāmaṃ pavisitvā “ammaṭātā mayā svātanāya Buddhappamukho bhikkhusaṃgho nimantito, yo yattakānaṃ bhikkhūnaṃ sakkoti, so tattakānaṃ yāgu-ādīnaṃ atthāya taṇḍulādīni detu, ekasmiṃ ṭhāne pacāpetvā dānaṃ dassāmā”ti ugghosento vicari.

Atha naṃ eko seṭṭhi attano āpaṇadvāraṃ sampattaṃ disvā “ayaṃ attano pahonake bhikkhū animantetvā pana sakalagāmaṃ samādapento vicarati”ti kujjhitvā “tayā gahitabhājanaṃ āhara”ti tīhi aṅgulīhi gahetvā thoke taṇḍule adāsi, tathā mugge, tathā māseti. So tato paṭṭhāya **Bilālapādakasetṭhi** nāma jāto, sappiphāṇitādīni dentopi karaṇḍaṃ kuṭe pakkhipitvā ekato koṇaṃ katvā binduṃ binduṃ paggharāyanto thokathokameva adāsi. Upāsako avasesehi dinnāṃ ekato katvā iminā dinnāṃ visuṃyeva aggahesi. So seṭṭhi tassa kiriyāṃ disvā “kiṃ nu kho esa mayā dinnāṃ visuṃ gaṇhātī”ti cintetvā tassa pacchato pacchato ekaṃ cūḷupaṭṭhākaṃ paṇiṇi “gaccha, yaṃ esa karoti, taṃ jānāhī”ti. So gantvā “seṭṭhissa mahapphalaṃ hotū”ti yāgubhattapūvānaṃ atthāya ekaṃ dve taṇḍule pakkhipitvā muggamāsepi telaphāṇitādibindūnipi sabbabhājanesu pakkhipi. Cūḷupaṭṭhāko gantvā seṭṭhissa ārocesi. Taṃ sutvā seṭṭhi cintesi “sace me so parisamajjhe avaṇṇaṃ bhāsissati, mama nāme gahitamatteyeva naṃ paharivā māressāmī”ti nivāsanantare churikaṃ bandhitvā punadvivase gantvā bhattagge aṭṭhāsi. So puriso Buddhappamukhaṃ bhikkhusaṃghaṃ

parivisitvā Bhagavantaṃ āha “bhante mayā mahājanaṃ samādapetvā imaṃ dānaṃ dannaṃ, tattha samādapitamanussā attano attano balena bahūnipi thokānipi taṇḍulādīni adamsu, tesāṃ sabbesāṃ mahapphalaṃ hotū”ti. Taṃ sutvā so seṭṭhi cintesi “ahaṃ ‘asukena nāma accharāya gaṇhitvā taṇḍulādīni dinnānīti mama nāme gahitamatte imaṃ māressāmi’ti āgato, ayaṃ pana sabbasaṅgāhikaṃ katvā ‘yehipi nāli-ādīhi minitvā dannaṃ, yehipi accharāya gahetvā dannaṃ, sabbesāṃ mahapphalaṃ hotū’ti vadati. Sacāhaṃ evarūpaṃ na khamāpessāmi, devadaṇḍo mama matthake patissati”ti. So tassa pādamaṃle nipajjitvā “khamāhi me sāmī”ti āha. “Kim idan”ti ca tena vutte sabbaṃ taṃ pavattim ārocesi. Taṃ kiriyaṃ disvā Satthā “kim idan”ti dānaveyyāvaṭikaṃ pucchi. So atītadivasato paṭṭhāya sabbaṃ taṃ pavattim ārocesi. Atha naṃ Satthā “evaṃ kira seṭṭhi”ti pucchitvā “āma bhante”ti vutte “upāsaka puññaṃ nāma ‘appakan’ti na avamaññitabbaṃ, mādisassa Buddhappamukhassa bhikkhusaṅghassa dānaṃ datvā ‘appakan’ti na avamaññitabbaṃ. Paṇḍitamanussā hi puññaṃ karontā vivaṭabhājanaṃ viya udakena anukkamena puññaṃ pūrantiyevā”ti,¹ vatvā anusandhiṃ ghaṭetvā dhammaṃ desento imaṃ gāthamāha—

122. “Māvamaññetha puññaṃ, na mandaṃ āgamissati.
Udabindunipātena, udakumbhopi pūrati.
Dhīro pūrati puññaṃ, thokaṃ thokampi ācinan”ti.

Tassattho—paṇḍitamanusso puññaṃ katvā “appakamattaṃ mayā kataṃ, **na mandaṃ** vipākavasena **āgamissati**, evaṃ parittakaṃ kammaṃ kahaṃ maṃ dakkhissati², ahaṃ vā taṃ kahaṃ dakkhissāmi, kadā etaṃ vipaccissati”ti evaṃ puññaṃ **māvamaññetha** na avajāneyya. Yathā hi niraṅgamaṃ **udabindunipātena** vivarivā ṭhapitaṃ kulālabhājanaṃ **pūrati**, evaṃ **dhīro** paṇḍitapuriso **thokaṃ thokampi** puññaṃ ācinanto **puññaṃ pūrati**.

Desanāvasāne so seṭṭhi sotāpattiphalaṃ pāpuṇi, sampattaparisaṃyapi sātthikā dhammadesanā ahoṣīti.

Bilālapādakasetṭhivatthu chaṭṭhaṃ.

1. Puññāni paripūrantiyevāti (Sī)

2. Rakkhissati (Ka)

7. Mahādhanavāṇijavatthu

Vāṇijovāti imam dhammadesanam Sathā Jetavane viharanto Mahādhanavāṇijam ārabha kathesi.

Tassa kira vāṇijassa gehe pañcasatā corā otāram¹ gavesamānā otāram na labhimsu. Aparena samayena vāṇijo pañca sakaṭasatāni bhaṇḍassa pūretvā bhikkhūnam ārocāpesi “aham asukaṭṭhānam nāma vāṇijjathāya gacchāmi, ye ayyā tam ṭhānam² gantukāmā, te nikkhamantu, magge bhikkhāya na kilamissantī”ti. Tam sutvā pañcasatā bhikkhū tena saddhim maggam paṭipajjimsu. Tepi corā “so kira vāṇijo³ nikkhanto”ti gantvā aṭaviyam aṭṭhamso. Vāṇijopi gantvā aṭavimukhe ekasmiṃ gāme vāsam katvā dve tayopi divase goṇasakaṭādāni samvidahi, tesam pana bhikkhūnam nibaddham bhikkham detiyeva. Corā tasmim aticirāyante “gaccha, tassa nikkhamanadivasam ñatvā chi”ti ekam purisam pahiṇimsu. So tam gāmam gantvā ekam sahāyakam pucchi “kadā vāṇijo nikkhamissantī”ti. So “dvihatīhaccayenā”ti vatvā “kimattham pana pucchasi”ti āha. Athassa so “mayam pañcasatā corā etassatthāya aṭaviyam ṭhitā”ti ācikkhi. Itaro “tena hi gaccha, sīgham nikkhamissantī”ti tam uyyojetvā “kim nu kho core vāremi, udāhu vāṇijan”ti cintetvā “kim me corehi, vāṇijam nissāya pañcasatā bhikkhū jīvanti, vāṇijassa saññam dassāmī”ti so tassa santikam gantvā “kadā gamissathā”ti pucchitvā “tatiyadivase”ti vutte mayham vacanam karotha, aṭaviyam kira tumhākam atthāya pañcasatā corā ṭhitā, mā tāva gamitthāti. Tvam katham jānāsīti. Tesam antare mama sahāyo atthi, tassa me kathāya ñātanti. “Tena hi ‘kim me etto gatenā’ti nivattitvā gehameva gamissāmī”ti āha. Tasmim cirāyante puna tehi corehi pesito puriso āgantvā tam sahāyakam pucchitvā tam pavattim sutvā “nivattitvā gehameva kira gamissantī”ti gantvā corānam ārocesi. Tam sutvā corā tato nikkhamitvā itarasmim magge aṭṭhamso, tasmim cirāyante punapi te corā tassa santikam purisam pesesum. So tesam tattha ṭhitabhāvam ñatvā puna vāṇijassa ārocesi. Vāṇijo “idhapi me vekallam natthi, evam

1. Okāsam (Ka)

2. Tattha (Ka)

3. Vāṇijjāya (Sī)

sante neva etto gamissāmi, na ito, idheva bhavissāmī”ti bhikkhūnaṃ santikaṃ gantvā āha “bhante corā kira maṃ vilumpitukāmā magge ʒhitā¹, ‘puna nivattissatī’ti sutvā itarasmim magge ʒhitā, ahaṃ etto vā ito vā agantvā thokaṃ idheva bhavissāmi, bhadantā idheva vasitukāmā vasantu, gantukāmā attano rucim² karontū”ti³. Bhikkhū “evaṃ sante mayam nivattissāmā”ti vāṇijam āpucchitvā punadeva Sāvattim gantvā Satthāram vanditvā nisīdimṣu. Satthā “kim bhikkhave Mahādhanavāṇijena saddhim na gamitthā”ti pucchitvā “āma bhante, Mahādhanavāṇijassa vilumpanatthāya dvīsupi maggesu corā pariyuṭṭhimṣu, tena so tattheva ʒhito, mayam pana tam āpucchitvā āgatā”ti vutte “bhikkhave Mahādhanavāṇijo corānaṃ atthitāya maggam parivajjeti, jīvitukāmo viya puriso halāhalaṃ visam parivajjeti, bhikkhunāpi ‘tayo bhavā corehi pariyuṭṭhitamaggasadisā’ti ṇatvā pāpam parivajjetum vaṭṭatī”ti vatvā anusandhim ghaṭetvā dhammaṃ desento imaṃ gāthamāha—

123. “Vāṇijova bhayaṃ maggaṃ, appasattho mahaddhano.

Visam jīvitukāmo va, pāpāni parivajjaye”ti.

Tattha **bhayanti** bhāyitabbaṃ, corehi pariyuṭṭhitattā sappaṭibhayanti attho. Idaṃ vuttaṃ hoti—yathā Mahādhanavāṇijo **appasattho** sappaṭibhayaṃ **maggaṃ**, yathā ca **jīvitukāmo** halāhalaṃ **visam** parivajjeti, evaṃ paṇḍito bhikkhu appamattakānipi **pāpāni** parivajjeyyāti.

Desanāvasāne te bhikkhū saha paṭisambhidāhi arahattaṃ pāpuṇimṣu, sampattamahājanassāpi sātthikā dhammadesanā ahoṣīti.

Mahādhanavāṇijavatthu sattamaṃ.

8. Kukkuṭamittanesādavatthu

Pāṇimhi ceti imaṃ dhammadesanaṃ Satthā Veḷuvane viharanto Kukkuṭamittaṃ nāma nesādaṃ ārabha kathesi.

1. ʒhatvā (Sī, Syā)

2. Ruciyā (Syā)

3. Bhadantā idheva vasitukāmā attano rucim karontūti (Sī)

Rājagahe kira ekā seṭṭhidhītā vayappattā sattabhūmikapāsādassa upari sirigabbhe ārakkhaṇatthāya ekam paricārikam datvā mātāpitūhi vāsiyamānā¹ ekadivasam sāyanhasamaye vātapānena antaravīthim oloketi pañca pāsasatāni pañca sūlasatāni ādāya mige vadhitvā jīvamānam ekam Kukkuṭamittam nāma nesādam pañca migasatāni vadhitvā tesam maṁsena mahāsakaṭam pūretvā sakaṭadhure nisīditvā maṁsavikkiṇanattāya nagaram pavisantam disvā tasmim paṭibaddhacittā² paricārikāya hatthe paṇṇākāram datvā “gaccha, etassa paṇṇākāram datvā gamanakālam ṇatvā ehi”ti pesesi. Sā gantvā tassa paṇṇākāram datvā pucchi “kadā gamissasi”ti. So “ajja maṁsam vikkiṇitvā pātova asukadvārena nāma nikkhamitvā gamissāmi”ti āha. Sā tena kathitakatham sutvā āgantvā tassā ārocesi. Seṭṭhidhītā attanā gahetabbayuttakam vatthābharaṇajātam³ samvidahitvā pātova malinavattham nivāsetvā kuṭam ādāya dāsīhi saddhim udakatittham gacchanti viya nikkhamitvā tam ṭhānam gantvā tassāgamanam oloketi aṭṭhāsi. Sopi pātova sakaṭam pājento nikkhami. Sā tassa pacchato pacchato pāyāsi. So tam disvā “aham⁴ tam ‘asukassa nāma dhītā’ti na jānāmi, mā mam anubandhi amma”ti āha. Na mam tvaṁ pakkosasi, aham attano dhammatāya āgacchāmi, tvaṁ tuṅhī hutvā attano sakaṭam pājehīti. So punappunam tam nivāretiyeva. Atha nam sā āha “sāmi sirīnāma attano santikam āgacchanti⁵ nivāretum na vaṭṭati”ti. So tassā nissamsayena āgamanakāraṇam ṇatvā tam sakaṭam āropetvā agamāsi. Tassā mātāpitāro ito cito ca pariyesāpetvā apassantā “matā bhavissati”ti matakabhattam karimsu. Sāpi tena saddhim samvāsamanvāya paṭipāṭiyā satta putte vijāyitvā te vayappatte gharabandhanena bandhi.

Athekadivasam Satthā paccūsasamaye lokam volokento Kukkuṭamittam saputtam sasūṇisam attano ṇāṇajālassa anto pavitṭham disvā “kim nu kho etan”ti upadhārento tesam pannarasannampi sotāpattimaggassa upanissayam disvā pātova pattacīvaram ādāya tassa pāsāṭṭhānam

1. Posiyamānā (Sī, Ka) 2. Paṭibandhacittā (Ka) 3. Vatthābharaṇajātarūpam (Ka)

4. Disvā bhaddhe tvaṁ kassa dhītāti pucchi, aham (Ka)

5. Sirim nāma attano santikam āgacchantim (Syā)

agamāsi. Taṃ divasaṃ pāse baddho ekamigopi nāhosi. Satthā tassa pāsamūle padavalañjaṃ dassetvā purato¹ ekassa gumbassa heṭṭhā chāyāyaṃ nisīdi. Kukkuṭamitto pātova dhanuṃ ādāya pāsattḥānaṃ gantvā ādito paṭṭhāya pāse olokayamāno pāse baddhaṃ ekampi migam adisvā Satthu padavalañjaṃ addasa. Athassa etadahosi “ko² mayhaṃ baddhamige mocento vicarati”ti. So Satthari āghātaṃ bandhitvā gacchanto gumbamūle nisinnaṃ Satthāraṃ disvā “iminā mama migā mocitā bhavissanti, māressāmi nan”ti dhanuṃ ākaḍḍhi. Satthā dhanuṃ ākaḍḍhituṃ datvā vissajjetuṃ nādāsi. So saraṃ vissajjetumpi oropetumpi asakkonto phāsukāhi bhijjantihi viya mukhato kheḷena paggharantena kilantarūpo aṭṭhāsi. Athassa puttā gehaṃ gantvā “pitā no cirāyati, kiṃ nu kho etan”ti vatvā “gacchatha tātā pitu santikan”ti mātārā pesitā dhanūni ādāya gantvā pitaraṃ tathāṭṭhitam disvā “ayaṃ no pitu paccāmitto bhavissati”ti sattapi janā dhanūni ākaḍḍhitvā Buddhānubhāvena yathā nesaṃ pitā ṭhito, tatheva aṭṭhaṃsu. Atha nesaṃ mātā “kiṃ nu kho me puttāpi cirāyantī”ti vatvā sattahi suṇisāhi saddhiṃ gantvā te tathāṭṭhite disvā “kassa nu kho ime dhanūni ākaḍḍhitvā ṭhitā”ti oloketi Satthāraṃ disvā bāhā paggayha “mā me pitaraṃ nāsetha, mā me pitaraṃ nāsethā”ti mahāsaddamakāsi. Kukkuṭamitto taṃ saddhaṃ sutvā cintesi “naṭṭho vatamhi, sasuro kira me esa, aho mayā bhāriyaṃ kammaṃ katan”ti. Puttāpissa “ayyako kira no esa, aho bhāriyaṃ kammaṃ katan”ti cintayimsu. Kukkuṭamitto “ayaṃ sasuro me”ti mettacittam upaṭṭhapesi, puttāpissa “ayyako no”ti mettacittam upaṭṭhapesuṃ. Atha te nesaṃ mātā seṭṭhidhītā “khippaṃ dhanūni chaḍḍetvā pitaraṃ me khamāpethā”ti āha.

Satthā tesam muducittataṃ ṇatvā dhanuṃ otāretuṃ adāsi. Te sabbe Satthāraṃ vanditvā “khamatha no bhante”ti khamāpetvā ekamantaṃ nisīdiṃsu. Atha nesaṃ Satthā anupubbim kathaṃ³ kathesi. Desanāvasāne Kukkuṭamitto saddhiṃ puttehi ceva suṇisāhi ca attapañcadasamo sotāpatti-phale patiṭṭhahi. Satthā piṇḍāya caritvā pacchābhattaṃ vihāraṃ agamāsi. Atha naṃ Ānandatthero pucchi “bhante kahaṃ gamitthā”ti. Kukkuṭamittassa

1. Parato (Sī)

2. Koci (Ka)

3. Ānupubbikathaṃ (Sī)

santikam Ānandāti. Pāṇātipātakammassa vo bhante akārako katoti. Āmānanda, so attapañcadasamo acalasaddhāya patiṭṭhāya tīsu ratanesu nikkāṅkho hutvā pāṇātipātakammassa akārako jātoti. Bhikkhū āhaṃsu “nanu bhante bhariyāpissa atthī”ti. Āma bhikkhave, sā kulagehe kumārikā hutvā sotāpattiphalaṃ pattāti. Bhikkhū kathaṃ samuṭṭhāpesuṃ “Kukkuṭamittassa kira bhariyā kumārikakāle eva sotāpattiphalaṃ patvā tassa gehaṃ gantvā satta putte labhi, sā ettakaṃ kālaṃ sāmikena ‘dhanuṃ āhara, sare āhara, sattim āhara, sūlaṃ āhara, jālaṃ āharā’ti vuccamānā tāni adāsi. Sopi tāya dinnāni adāya gantvā pāṇātipātaṃ karoti, kiṃ nu kho sotāpannāpi pāṇātipātaṃ karontī”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave sotāpannā pāṇātipātaṃ karonti, sā pana ‘sāmikassa vacanaṃ karomī’ti tathā akāsi. ‘Idaṃ gahetvā esa gantvā pāṇātipātaṃ karotū’ti tassā cittaṃ natthi. Pāṇitalasmim hi vaṇe asati visaṃ gaṇhantassa taṃ visaṃ anuḍahituṃ na sakkoti, evamevaṃ akusalacetanāya abhāvena pāpaṃ akarontassa dhanu-ādīni nīharitvā dadatopi pāpaṃ nāma na hotī”ti vatvā anusandhim ghaṭetvā dhammaṃ desento imaṃ gāthamāha—

124. “Pāṇimhi ce vaṇo nāssa, hareyya pāṇinā visaṃ.

Nābbaṇaṃ visamanveti, natthi pāpaṃ akubbato”ti.

Tattha **nāssāti** na bhaveyya. **Hareyyāti** harituṃ sakuṇeyya. Kiṃ kāraṇā? Yasmā **nābbaṇaṃ visamanveti** avaṇaṃ hi pāṇim visaṃ anvetuṃ na sakkoti, evameva dhanu-ādīni nīharitvā dentassāpi akusalacetanāya abhāvena pāpaṃ **akubbato pāpaṃ nāma natthi**, avaṇaṃ pāṇim visaṃ viya nāssa cittaṃ pāpaṃ anugacchatīti.

Desanāvasāne bahū sotāpattiphalaḍḍhāni pāpuṇimsūti.

Aparena samayena bhikkhū kathaṃ samuṭṭhāpesuṃ “ko nu kho Kukkuṭamittassa saputtassa sasūṇisassa sotāpattimaggassūpanissayo, kena kāraṇena nesādakule nibbatto”ti. Satthā āgantvā “kāya nuttha

bhikkhave etarahi kathāya sannisinnā”ti pucchitvā “imāya nāmā”ti vutte bhikkhave atīte Kassapadasabalassa dhātucetiyaṃ saṃvidahantā evamāhaṃsu “kiṃ nu kho imassa cetiyassa mattikā bhavissati, kiṃ udakan”ti. Atha nesaṃ etadahosi “haritālamanosilā mattikā bhavissati, tilatelam udakan”ti. Te haritālamanosilā koṭṭetvā tilatelena saṃsanditvā iṭṭhakāya ghaṭetvā¹ suvaṇṇena khacitvā anto ciniṃsu, bahimukhe pana ekagghanasuvaṇṇa-iṭṭhakāva ahesuṃ. Ekekā satasahassagghanikā ahosi. Te yāva dhātunidhānā cetiye niṭṭhite cintayīṃsu “dhātunidhānakāle bahunā dhanena attho, kaṃ nu kho jeṭṭhakaṃ karomā”ti.

Atheko gāmaṃvāsiko seṭṭhi “ahaṃ jeṭṭhako bhavissāmī”ti dhātunidhāne ekaṃ hiraññaakoṭiṃ pakkhipi. Taṃ disvā raṭṭhavāsino “ayaṃ nagaraseṭṭhi dhanameva saṃharati, evarūpe cetiye jeṭṭhako bhavituṃ na sakkoti, gāmaṃvāsī pana koṭidhanam pakkhipitvā jeṭṭhako jāto”ti ujjhāyīṃsu. So tesam katham sutvā “ahaṃ dve koṭiyo datvā jeṭṭhako bhavissāmī”ti dve koṭiyo adāsi. Itaro “ahameva jeṭṭhako bhavissāmī”ti tisso koṭiyo adāsi. Evaṃ vaḍḍhetvā vaḍḍhetvā nagaravāsī aṭṭha koṭiyo adāsi. Gāmaṃvāsino pana gehe navakoṭidhanameva atthi, nagaravāsino cattālīsakoṭidhanam. Tasmā gāmaṃvāsī cintesi “sacāham nava koṭiyo dassāmi, ayaṃ ‘dasa koṭiyo dassāmī’ti vakkhati, atha me niddhanabhāvo paññāyissati”ti. So evamāha “ahaṃ ettakañca dhanam dassāmi, saputtadāro ca cetiyassa dāso bhavissāmī”ti satta putte satta suṇisāyo bhariyañca gahetvā attanā saddhim cetiyassa niyyādesi. Raṭṭhavāsino “dhanam nāma sakkā uppādetuṃ, ayaṃ pana saputtadāro attānam niyyādesi, ayameva jeṭṭhako hotū”ti tam jeṭṭhakaṃ karīṃsu. Iti te soḷasapi janā cetiyassa dāsā ahesuṃ. Raṭṭhavāsino pana te bhujisse akaṃsu. Evaṃ santepi cetiyameva paṭijaggitvā yāvatāyukaṃ thatvā tato cutā devaloke nibbatiṃsu. Tesu ekaṃ Buddhantaram devaloke vasantesu imasmim Buddhuppāde bhariyā tato cavitvā

1. Sannetvā iṭṭhakā chinditvā (Sī)

Rājagahe seṭṭhino dhītā hutvā nibbatti. Sā kumārikāva hutvā sotāpattiphalaṃ pāpuṇi. Adiṭṭhasaccassa pana paṭisandhi nāma bhāriyāti tassā sāmiko samparivattamāno gantvā nesādakule nibbatti. Tassa saha dassaneneva seṭṭhidhītaraṃ pubbasineho ajjhotthari. Vuttampi cetam—

“Pubbeva sannivāseṇa, paccuppannahitena vā.

Evam taṃ jāyate pemaṃ, uppalaṃva yathodake”¹.

Sā pubbasineheneva nesādakulaṃ agamāsi. Puttāpissā devalokā cavitvā tassā eva kucchismim paṭisandhim gaṇhimsu, suṇisāyopissā tattha tattha nibbattitvā vayappattā tesameva gehaṃ agamaṃsu. Evam te sabbepi tadā cetiyam paṭijaggitvā tassa kammassānubhāvena sotāpattiphalaṃ pattāti.

Kukkuṭamittanesādavatthu aṭṭhamam.

9. Kokasunakhaluddakavatthu

Yo appadutṭhassāti imaṃ dhammadeśanaṃ Satthā Jetavane viharanto Kokam nāma sunakhaluddakaṃ ārabha kathesi.

So kira ekadivasam pubbaṅhasamaye dhanuṃ ādāya sunakhaparivuto araṇṇam gacchanto antarāmagge ekaṃ piṇḍāya pavisantaṃ bhikkhuṃ disvā kujjhivā “Kāḷakaṇṇi me diṭṭho, ajja kiñci na labhissāmi”²ti cintetvā pakkāmi. Theropi gāme piṇḍāya caritvā katabhattakicco puna vihāraṃ pāyāsi. Itaropi araṇṇe² vicarivā kiñci alabhitvā paccāgacchanto puna theram disvā “ajjāham imaṃ Kāḷakaṇṇim disvā araṇṇam gato kiñci na labhim, idāni me punapi abhimukho jāto, sunakhehi naṃ khādāpessāmi”²ti saṇṇam datvā sunakhe vissajjesi. Theropi “mā evam kari upāsakā”²ti yāci. So “ajjāham tava sammukhībhūtattā kiñci nālatthaṃ, punapi me sammukhībhāvamāgatosi, khādāpessāmeva tan”²ti vatvā sunakhe uyyojesi. Thero vegena ekaṃ rukkham abhiruhitvā purisappamaṇe ṭhāne nisīdi.

1. Khu 5. 66 piṭṭhe Jātake.

2. Araṇṇam (Sī, Ka)

sunakhā rukkhaṃ parivāresuṃ. Luddako gantvā “rukkhaṃ abhiruhatopi te mokkho natthi”ti taṃ saratuṇḍena pādātaḷe vijjhi. Thero “mā evaṃ karohi”ti taṃ yāciyeva. Itaro tassa yācanaṃ anādiyitvā punappunaṃ vijjhiyeva. Thero ekasmiṃ pādātaḷe vijjhiyamāne taṃ ukkhipitvā dutiyaṃ pādaṃ olambitvā tasmīṃ vijjhiyamāne tampi ukkhipati, evamassa so yācanaṃ anādiyitvāva dvepi pādātalāni vijjhiyeva. Therassa sarīraṃ ukkāhi ādittaṃ viya ahosi. So vedanānuvattiko hutvā satīṃ paccupaṭṭhāpetuṃ nāsakki, pārutacīvaraṃ bhassantampi na sallakkesi. Taṃ patamānaṃ kokaṃ sīsato paṭṭhāya parikkhipantameva pati. Sunakhā “thero patito”ti saññāya cīvarantaraṃ pavisitvā attano sāmikaṃ luñcitvā khādantā aṭṭhimattāvasesaṃ kariṃsu. Sunakhā cīvarantarato nikkhamitvā bahi aṭṭhaṃsu.

Atha nesaṃ thero ekaṃ sukkhadaṇḍakaṃ bhañjitvā khipi. Sunakhā therāṃ disvā “sāmikova amhehi khādito”ti ñatvā araññaṃ pavisiṃsu. Thero kukkuccaṃ uppādesi “mama cīvarantaraṃ pavisitvā esa naṭṭho, arogaṃ nu kho me sīlaṃ”ti. So rukkhaṃ otarivā Satthu santikaṃ gantvā ādito paṭṭhāya sabbaṃ taṃ pavattiṃ ārocetvā “bhante mama cīvaraṃ nissāya so upāsako naṭṭho, kacci me arogaṃ sīlaṃ, atthi me samaṇabhāvo”ti pucchi. Satthā tassa vacanaṃ sutvā “bhikkhu arogaṃ te sīlaṃ, atthi te samaṇabhāvo, so appaduṭṭhassa padussitvā vināsaṃ patto, na kevalaṅca idāneva, atītepi appaduṭṭhānaṃ padussitvā vināsaṃ pattoyevā”ti vatvā tamatthaṃ pakāsento atītaṃ āhari—

Atīte kireko vejjo vejjakammatthāya gāmaṃ vicaritvā kiñci kammaṃ alabhitvā chātajjhatto nikkhamitvā gāmadvāre sambahule kumārake kīlante disvā “ime sappena ḍaṃsāpetvā tikicchitvā āhāraṃ labhissāmī”ti ekasmiṃ rukkhabile sīsaṃ nīharitvā nipannaṃ sapparaṃ dassetvā “ambho kumārakā eso sālīkapotako, gaṇhatha nan”ti āha. Atheke kumārako sapparaṃ gīvāyaṃ daḷhaṃ gahetvā nīharitvā tassa sappabhāvaṃ ñatvā viravanto avidūre ṭhitassa vejjassa matthake khipi. Sappo vejjassa khandhaṭṭhikaṃ parikkhipitvā daḷhi ḍaṃsitvā tattheva jīvitakkhayaṃ pāpesi, evamesa Koko sunakhaluddako pubbepi appaduṭṭhassa padussitvā vināsaṃ pattoyevāti.

Satthā imaṃ atītaṃ āharitvā anusandhiṃ ghaṭetvā dhammaṃ desento imaṃ gāthamāha—

125. “Yo appaduṭṭhassa narassa dussati,
Suddhassa posassa anaṅgaṇassa.
Tameva bālaṃ pacceti pāpaṃ,
Sukhumo rajo paṭivātaṃva khitto”ti.

Tattha **appaduṭṭhassā**ti attano vā sabbasattānaṃ vā aduṭṭhassa. **Narassā**ti sattassa. **Dussatī**ti aparajjhati. **Suddhassā**ti niraparādhasseva. **Posassā**ti-idampi aparenākāreṇa sattādhivacanameva. **Anaṅgaṇassā**ti nikkilesassa. **Paccetī**ti pati-eti. **Paṭivātanti** yathā ekena purisena paṭivāte ṭhitaṃ paharitukāmatāya **khitto sukhumo rajo** tameva purisaṃ pacceti, tasseva uparī patati, evameva yo puggalo apaduṭṭhassa purisassa pāṇippaharādīni dadanto padussati, **tameva bālaṃ** diṭṭheva dhamme, samparāye vā nirayādīsu vipaccamānaṃ taṃ **pāpaṃ** vipākadukkhavasena paccetīti attho.

Desanāvasāne so bhikkhu arahatte patiṭṭhahi, sampattaparisāyapi sātthikā dhammadesanā ahoṣīti.

Kokasunakhaluddakavatthu navamaṃ.

10. Maṇikāraikulūpakatissattheravatthu

Gabbhameketi imaṃ dhammadesanaṃ Satthā Jetavane viharanto Maṇikāraikulūpakaṃ Tissattheraṃ ārabha kathesi.

So kira thero ekassa Maṇikāraṃ kule dvādasa vassāni bhuñji. Tasmim kule jayampatikā mātāpituṭṭhāne¹ ṭhatvā therāṃ paṭijaggimsu. Athekadivasāṃ so Maṇikāro therassa purato maṃsaṃ chindanto nisinno hoti. Tasmim khaṇe rājā Pasenadi Kosalo ekaṃ maṇiratanaṃ “imaṃ dhovivā vijjhivā pahiṇatū”ti pesesi. Maṇikāro

1. Mātāpitiṭṭhāne (Sī)

salohiteneva hatthena taṃ paṭiggahetvā peḷāya upari ṭhapetvā hatthadhovanatthaṃ anto pāvīsi. Tasmim̐ pana gehe posāvaniyakoñcasakuṇo atthi. So lohitagandhena maṃsasaññāya taṃ maṇim̐ therassa passantasseva gili. Maṇikāro āgantvā maṇim̐ apassanto “maṇi kena gahito”ti bhariyañca puttake ca paṭipāṭiyā pucchitvā tehi “na gaṇhāmā”ti vutte “therena gahito bhavissatī”ti cintetvā bhariyāya saddhim̐ mantesi “therena maṇi gahito bhavissatī”ti. Sā sāmi mā evaṃ avaca, ettakaṃ kālaṃ mayā therassa na kiñci vajjaṃ diṭṭhapubbaṃ, na so maṇim̐ gaṇhātīti. Maṇikāro theram̐ pucchi “bhante-imasmim̐ ṭhāne maṇiratanam̐ tumhehi gahitan”ti. Na gaṇhāmi upāsakāti. Bhante na idha añño atthi, tumhehiyeva gahito bhavissati, detha me maṇiratananti. So tasmim̐ asampaṭicchante¹ puna bhariyam̐ āha “thereneva maṇi gahito, piḷetvā naṃ pucchissāmī”ti. Sā sāmi mā no nāsai², varam̐ amhehi dāsabyam̐ upagantum̐, na ca theram̐ evarūpaṃ vattunti. So “sabbeva mayam̐ dāsattam̐ upagacchantā maṇimūlam̐ na agghāmā”ti rajjum̐ gahetvā therassa sīsam̐ veṭhetvā daṇḍena ghaṭṭesi³. Therassa sīsato ca kaṇṇanāsāhi ca lohitaṃ pagghari, akkhīni nikkhamanākārappattāni ahesum̐, so vedanāpamatto⁴ bhūmiyam̐ pati. Koñco lohitagandhenāgantvā lohitaṃ pivi. Atha naṃ Maṇikāro there uppannakodhavegena “tvam̐ kim̐ karosī”ti pādena paharivā khiṇi. So ekappahāreneva maritvā uttāno⁵ ahoṣi.

Thero taṃ disvā upāsaka sīse veṭhanam̐ tāva me sithilaṃ katvā imam̐ koñcam̐ olokehi “mato vā, no vā”ti. Atha naṃ so āha “eso viya tvampi marissasī”ti. Upāsaka iminā so maṇi gilito, sace ayam̐ na amarissā, na te aham̐ marantopi maṇim̐ ācikkhissanti. So tassa udaram̐ phāletvā maṇim̐ disvā pavedhento sam̐vigamānaso therassa pādamūle nipajjitvā “khamatha me bhante, ajānantena mayā katan”ti āha. Upāsaka neva tuyham̐ doso atthi, na mayham̐, vaṭṭassevesa doso, khamāmi teti. Bhante sace me khamatha, pakatiniyāmeneva me gehe nisīditvā bhikkham̐ gaṇhathātī. “Upāsaka na dānāham̐ ito paṭṭhāya

1. Asampaṭicchite (Sī)

2. Nāsai (Syā)

3. Daṇḍakena yantesi (Sī)

4. Vedanāpamatto (Syā)

5. Parivattamāno (Syā)

paresaṃ gehassa antochadanaṃ pavisissāmi. Antogehapavesanasseva hi ayam doso, ito paṭṭhāya pādesu āvahantesu gehadvāre ṭhitova bhikkhaṃ gaṇhissāmi”ti vatvā dhutaṅgaṃ samādāya imaṃ gāthamāha—

“Paccati Munino bhattaṃ, thokaṃ thokaṃ kule kule.
Piṇḍikāya carissāmi, atthi jaṅghabalaṃ mamā”ti¹—

Idaṅca pana vatvā thero teneva byādhinā na cirasseva parinibbāyi. Koṅco maṇikārassa bhariyāya kucchismiṃ paṭisandhiṃ gaṇhi. Maṇikāro kālaṃ katvā niraye nibbatti. Maṇikārassa bhariyā there muducittatāya kālaṃ katvā devaloke nibbatti. Bhikkhū Satthāraṃ tesāṃ abhisamparāyaṃ pucchimsu. Satthā “bhikkhave idhekacce gabbhe nibbattanti, ekacce pāpakārino niraye nibbattanti, ekacce katakalyāṇā devaloke nibbattanti, anāsavā pana parinibbāyanti”ti vatvā anusandhiṃ ghaṭetvā dhammaṃ desento imaṃ gāthamāha—

126. “Gabbhameke uppajjanti, nirayaṃ pāpakammino.
Saggaṃ sugatino yanti, parinibbanti anāsava”ti.

Tattha **gabbhanti** idha manussagabbhova adhippeto. Sesametta uttānatthameva.

Desanāvasāne bahū sotāpattiphalādīni pāpuṇimsūti.

Maṇikāraikulūpakatissattheravatthu dasamaṃ.

11. Tayojanavatthu

Na antalikkheti imaṃ dhammaḍḍesaṃ Satthā Jetavane viharanto tayo jane ārabba kathesi.

Satthari kira Jetavane viharante sambahulā bhikkhū Satthu dassanattāya āgacchantā ekaṃ gāmaṃ piṇḍāya pavisimsu. Gāmaḍḍesino te sampatte² ādāya āsanāsālāya nisīdāpetvā yāgukhajjakaṃ datvā piṇḍapātavelaṃ āgamayamānā dhammaṃ suṇantā nisīdimsu. Tasmim̐ khaṇe bhattaṃ

1. Khu 2. 266 piṭṭhe Theragāthāyaṃ.

2. Tesāṃ patte (Syā, Ka)

pacitvā sūpabyañjanam dhūpayamānāya¹ ekissā itthiyā bhājanato² aggijālā uṭṭhahitvā chadanam gaṇhi. Tato ekaṃ tiṇakaraḷam uṭṭhahitvā jalamānam ākāsam³ pakkhandi. Tasmim̄ khaṇe eko kāko ākāsenā gacchanto tattha gīvam̄ pavesetvā tiṇavalliveṭṭhito jhāyitvā gāmamajjhe pati. Bhikkhū tam̄ disvā “aho bhāriyam̄ kammaṃ, passathāvuso kākena pattam̄ vippakāram̄, iminā⁴ katakammaṃ aññatra Satthārā ko jānissati, Satthāramassa kammaṃ pucchissāmā”ti cintetvā pakkamimsu.

Apaesampibhikkhūnam̄ Satthu dassanattḥāya nāvam̄ abhiruyha gacchantānam̄ nāvā samudde niccalā aṭṭhāsi. Manussā “Kāḷakaṇṇinā ettha bhavitabban”ti salākam̄ vicāresum̄. Nāvikaṃ ca bhariyā paṭhamavaye ṭhitā dassanīyā pāsādikā, salākā tassā pāpuṇi. “Salākam̄ puna vicārethā”ti vatvā yāvatiyam̄ vicāresum̄, tikkhattumpi tassā eva pāpuṇi. Manussā “kiṃ sāmī”ti nāvikaṃ mukham̄ olokesum̄. Nāviko “na sakkā ekissā atthāya mahājanam̄ nāsetum̄, uduke nam̄ khipathā”ti āha. Sā gahetvā uduke khipiyamānā maraṇabhayaatajjitā viravam̄ akāsi⁵. Tam̄ sutvā nāviko ko attho imissā ābharaṇehi naṭṭhehi, sabbābharaṇāni omuñcitvā ekaṃ pilotikam̄ nivāsāpetvā chaḍḍetha nam̄, aham̄ panetaṃ udakapiṭṭhe plavamānam̄ daṭṭhum̄ na sakkhissāmi, tasmā yathā nam̄ aham̄ na passāmi, tathā ekaṃ vālukakuṭam̄ gīvāya bandhitvā samudde khipathāti. Te tathā karimsu. Tampi patitaṭṭhāneyeva macchakacchapā vilumpimsu. Bhikkhū tam̄ pavattim̄ ṇatvā “ṭhapetvā Satthāram̄ ko añño etissā itthiyā katakammaṃ jānissati, Satthāram̄ tassā kammaṃ pucchissāmā”ti icchitaṭṭhānam̄ patvā nāvāto oruyha pakkamimsu.

Aparepi satta bhikkhū Satthu dassanattḥāya gacchantā sāyam̄ ekaṃ vihāram̄ pavisitvā vasanaṭṭhānam̄ pucchimsu. Ekasmim̄ ca leṇe satta mañcā honti. Tesam̄ tadeva labhitvā tattha nipannānam̄ rattibhāge kūṭāgāramatto pāsāṇo pavaṭṭamāno āgantvā leṇadvāram̄ pidahi. Nevāsikā bhikkhū “mayam̄ imam̄ leṇam̄ āgantukabhikkhūnam̄ pāpayimhā, ayañca mahāpāsāṇo leṇadvāram̄ pidahanto aṭṭhāsi, apanessāma nan”ti samantā sattahi

1. Pacamānāya (Syā)

2. Uddhanato (Syā)

3. Ākāse (Ka)

4. Imassa (Ka)

5. Vissaram̄ akāsi (Sī), mahāvīravamakāsi (Syā)

gāmehi manusse sannipātetvā vāyamantāpi ṭhānā cāletum nāsakkhim̐su. Anto pavitṭhabhikkhūpi vāyamimsuyeveva. Evaṃ santepi sattāhaṃ pāsāṇaṃ cāletum nāsakkhim̐su. Āgantukā sattāhaṃ chātajjhata mahādukkhaṃ anubhaviṃsu. Sattame divase pāsāṇo sayameva pavaṭṭitvā apagato. Bhikkhū nikkhamitvā “amhākaṃ imaṃ pāpaṃ aññatra Satthārā ko jānissati, Satthāraṃ pucchissāma”ti cintetvā pakkamiṃsu. Te purimehi saddhiṃ antarāmagge samāgantvā sabbe ekatova Satthāraṃ upasaṅkamitvā vanditvā ekamantaṃ nisinnā Satthārā katapaṭisanthārā attanā attanā diṭṭhānubhūtāni kāraṇāni paṭipāṭiyā pucchiṃsu.

Satthāpi tesāṃ paṭipāṭiyā evaṃ byākāsi—bhikkhave so tāva kāko attanā katakammameva anubhosi. Atītakāle hi Bārāṇasiyaṃ eko kassako attano goṇaṃ damento dametum nāsakkhi. So hissa goṇo thokaṃ gantvā nipajji, pothetvā uṭṭhāpitopi thokaṃ gantvā punapi tatheva nipajji. So vāyamitvā taṃ dametum asakkonto kodhābhībhūto hutvā “ito dāni paṭṭhāya sukhaṃ nipajjissasi”ti palālapinḍaṃ viya karonto palālena tassa gīvaṃ paliveṭhetvā aggimadāsi, goṇo tattheva jhāyitvā mato. Tadā bhikkhave tena kākena taṃ pāpakammaṃ kataṃ. So tassa vipākena dīgharattaṃ niraye paccitvā vipākāvasesena sattakkhattum kākayoniyaṃ nibbattitvā evameva ākāse jhāyitvāva matoti.

Sāpi bhikkhave itthi attanā katakammameva anubhosi. Sā hi atīte Bārāṇasiyaṃ ekassa gahapatikassa bhariyā udakaharaṇakoṭṭanapacanaḍḍini sabbakiccāni sahattheneva akāsi. Tassā eko sunakho taṃ gehe sabbakiccāni kurumānaṃ olokontova nisīdati. Khethe bhattaṃ harantiyā dārupaṇṇādīnaṃ vā atthāya araṇṇaṃ gacchantiyā tāya saddhiṃyeveva gacchati. Taṃ disvā daharamanussā “ambho nikkhanto sunakhaluddako, ajja mayaṃ maṃsena bhuñjissāma”ti uppaṇḍenti. Sā tesāṃ kathāya maṅku hutvā sunakhaṃ leḍḍudaṇḍādīhi paharitvā palāpeti, sunakho nivattitvā puna anubandhati. So kirassā tatiye attabhāve bhattā ahoṣi, tasmā sinehaṃ chinditum na sakkoti. Kiñcāpi hi anamatagge saṃsāre jāyā vā pati vā abhūtapubbā nāma natthi, avidūre pana attabhāve nātakesu adhimatto

sineho hoti, tasmā so sunakho taṃ vijahitum na sakkoti. Sā tassa kujjhitvā khettaṃ¹ sāmikassa yāguṃ haramānā rajjuṃ ucchaṅge ṭhapetvā agamāsi, sunakho tāyeva saddhim gato. Sā sāmikassa yāguṃ datvā tucchakuṭaṃ ādāya ekaṃ udakaṭṭhānaṃ gantvā kuṭaṃ vālukāya pūretvā samīpe oloketvā ṭhitassa sunakhassa saddamakāsi. Sunakho “cirassaṃ vata me ajja madhurakathā laddhā”ti naṅguṭṭhaṃ cāleno taṃ upasaṅkami. Sā taṃ gīvāyaṃ daḷhaṃ gahetvā ekāya rajjukotiyaṃ kuṭaṃ bandhitvā ekaṃ rajjukotiṃ sunakhassa gīvāyaṃ bandhitvā kuṭaṃ udakābhimukhaṃ pavaṭṭesi. Sunakho kuṭaṃ anubandhanto udake pativā tattheva kālamakāsi. Sā tassa kammaṃ vipākena dīgharattaṃ niraye paccitvā vipākāvasesena attabhāvasate vālukakuṭaṃ gīvāyaṃ bandhitvā udake pakkhittā kālamakāsīti.

Tumhehipi bhikkhave attanā katakammameva anubhūtaṃ. Atītasmiṃ hi Bārāṇasivāsino satta gopālakadārakā ekasmiṃ aṭavipadese sattāhavārena gāvīyo vicarantā ekadivasāṃ gāvīyo vicāretvā āgacchantā ekaṃ mahāgodhaṃ disvā anubandhiṃsu. Godhā palāyitvā ekaṃ vammikaṃ pāvīsi. Tassa pana vammikassa satta chiddāni, dārakā “mayāṃ dāni gahetum na sakkhissāma, sve āgantvā gaṇhissāmā”ti ekeko ekekaṃ sākhabhaṅgamuṭṭhiṃ ādāya sattapaṃ janā satta chiddāni pidahitvā pakkamiṃsu. Te punadivase taṃ godhaṃ amanasikatvā aññasmiṃ padese gāvīyo vicāretvā sattame divase gāvīyo ādāya gacchantā taṃ vammikaṃ disvā satim paṭilabhitvā “kā nu kho tassā godhāya pavattī”ti attanā attanā pidahitāni chiddāni vivariṃsu. Godhā jīvite nirālayā hutvā aṭṭhicammāvasesā pavedhamānā nikkhami. Te taṃ disvā anukampaṃ katvā “mā naṃ māretha, sattāhaṃ chinnabhattā jātā”ti tassā piṭṭhiṃ parimajjitvā “sukhena gacchāhī”ti vissajjesum. Te godhāya amāritattā niraye tāva na pacciṃsu. Te pana satta janā ekato hutvā cuddasasu attabhāvesu satta satta divasāni chinnabhattā ahesum. Tadā bhikkhave tumhehi sattahi gopālakehi hutvā taṃ kammaṃ katanti. Evaṃ Satthā tehi puṭṭhapuṭṭhaṃ pañhaṃ byākāsi.

1. Khetta (Syā, Ka)

Atheko bhikkhu Satthāraṃ āha “kiṃ pana bhante pāpakammaṃ katvā ākāse uppatitassapi samuddaṃ pakkhandassāpi pabbatantaraṃ pavittḥassāpi mokkho natthi”ti. Satthā “evametaṃ bhikkhave¹, ākāśādisupi ekapadesopi natthi, yattha t̥hito pāpakammato mucceyyā”ti vatvā anusandhiṃ ghaṭetvā dhammaṃ desento imaṃ gāthamāha—

127. “Na antalikkhe na samuddamajjhe,
Na pabbatānaṃ vivaraṃ pavissa.
Na vijjatī so jagatippadeso,
Yatthaṭṭhito mucceyya pāpakammā”ti.

Tassattho—sace hi koci “iminā upāyena pāpakammato mucchissāmi”ti **antalikkhe** vā nisīdeyya, caturāsītiyojanasahassagambhīraṃ mahāsamuddaṃ vā paviseyya, pabbatantare vā nisīdeyya, neva pāpakammato **mucceyya**. Puratthimādisu jagatipadesesu pathavībhāgesu na so vālaggamattopi okāso atthi, yattha t̥hito pāpakammato mucchituṃ sakkuṇeyyāti.

Desanāvasāne te bhikkhū sotāpattiḥalādīni pāpuṇimsu, sampattamahājanassāpi sātthikā dhammadesanā ahoṣīti.

Tayojanavatthu ekādasamaṃ.

12. Suppabuddhasakyavatthu

Na antalikkheti imaṃ dhammadesanaṃ Satthā Nigrodhārāme viharanto Suppabuddhaṃ Sakkaṃ ārabba kathesi.

So kira “ayaṃ mama dhītaraṃ chaḍḍetvā nikkhanto ca, mama puttaṃ pabbājetvā tassa veriṭṭhāne t̥hito cā”ti imehi dvīhi kāraṇehi Satthari āghātaṃ bandhitvā ekadivasam “na dānissa nimantanaṭṭhānaṃ gantvā bhuñjituṃ dassāmi”ti gamanamaggaṃ pidahitvā antaravīthiyaṃ suraṃ pivanto nisīdi. Athassa Satthari bhikkhusaṃghaparivute taṃ t̥hānaṃ āgate “Satthā āgato”ti

1. Bhikkhu (?)

ārocesuṃ. So āha “purato¹ gacchāti tassa vadetha, nāyaṃ mayā mahallakataro, nāssa maggaṃ dassāmi”ti punappunaṃ vuccamānopi tatheva vatvā nisīdi. Satthā mātulassa santikā maggaṃ alabhitvā tato nivatti. Sopi ekaṃ carapurisaṃ pesesi “gaccha, tassa kathaṃ sutvā ehi”ti. Satthāpi nivattanto sitaṃ katvā Ānandattherena “ko nu kho bhante sitassa pātukammassa paccayo”ti puṭṭho āha “passasi Ānanda Suppabuddhan”ti. Passāmi bhanteti. Bhāriyaṃ tena kammaṃ kataṃ mādisassa Buddhassa maggaṃ adentena, ito sattame divase heṭṭhāpāsāde Sopānapādamūle pathaviṃ pavisissatīti. Carapuriso taṃ kathaṃ sutvā Suppabuddhassa santikaṃ gantvā “kiṃ mama bhāgineyyena nivattantena vuttan”ti puṭṭho yathāsutaṃ ārocesi. So tassa vacanaṃ sutvā “na dāni mama bhāgineyyassa kathāya doso atthi, addhā yaṃ so vadati, taṃ tatheva hoti. Evaṃsantepi naṃ idāni musāvādena niggaṇhissāmi. So hi maṃ ‘sattame divase pathaviṃ pavisissatī’ti aniyamena avatvā ‘heṭṭhāpāsāde Sopānapādamūle pathaviṃ pavisissatī’ti” āha. “Ito dāni paṭṭhāyāhaṃ taṃ ṭhānaṃ na gamissāmi, atha naṃ tasmiṃ ṭhāne pathaviṃ apavisitvā musāvādena niggaṇhissāmi”ti attano² upabhogaḷātaṃ sabbaṃ sattabhūmikapāsādassa upari āropetvā sopānaṃ harāpetvā dvāraṃ pidahāpetvā ekekasmim dvāre dve dve malle ṭhapetvā “sacāhaṃ pamādena heṭṭhā orohitukāmo³ homi, nivāreyyātha man”ti vatvā sattame pāsādātaḷe sirigabbhe nisīdi. Satthā taṃ pavattiṃ sutvā “bhikkhave Suppabuddho na kevalaṃ pāsādātaḷe⁴ vehāsaṃ uppatitvā ākāse vā nisīdatu, nāvāya vā samuddaṃ pakkhandatu, pabbatantaraṃ vā pavisatu, Buddhānaṃ kathāya dvidhābhāvo nāma natthi, mayā vuttaṭṭhāneyeva so pathaviṃ pavisissatī”ti vatvā anusandhiṃ ghaṭetvā dhammaṃ desento imaṃ gāthamāha—

128. “Na antalikkhe na samuddamajjhe,
Na pabbatānaṃ vivaraṃ pavissa.
Na vijjatī so jagatippadeso,
Yatthaṭṭhitaṃ nappasaheyya maccū”ti.

1. Parato (Sī)

3. Oropitukāmo (Sī)

2. So attano (sabbattha)

4. Pāsādātaḷaṃ (Sī)

Tattha **yattha ʒhitam nappasaheyya maccū**ti yasmim padese ʒhitam maraṇam nappasaheyya nābhibhaveyya, kesaggamattopi pathavippadeso natthi. Sesam purimasadisamevāti.

Desanāvasāne bahū sotāpattiphalādīni pāpuṇimsūti.

Sattame divase Satthu bhikkhācāramaggassa niruddhavelāya heṭṭhāpāsāde Suppabuddhassa maṅgalasso uddāmo hutvā tam tam bhittim pahari. So upari nisinnovassa saddam sutvā “kimetan”ti pucchi. Maṅgalasso uddāmoti¹. So panasso Suppabuddham disvāva sannisīdati. Atha nam so gaṇhitukāmo hutvā nisinnaṭṭhānā uṭṭhāya dvārābhimukho ahosi, dvārāni sayameva vivaṭāni, sopānam sakaṭṭhāneyeva ʒhitam. Dvāre ʒhitā mallā tam gīvāyam gahetvā heṭṭhābhimukham khipimsu. Etenupāyena sattasupi talesu dvārāni sayameva vivaṭāni, sopānāni yathāṭṭhāne ʒhitāni. Tattha tattha mallā tam gīvāyameva gahetvā heṭṭhābhimukham khipimsu. Atha nam heṭṭhāpāsāde Sopānapādamūlam sampattameva mahāpathavī vivaramānā bhijjitvā sampaṭicchi, so gantvā Avīcimhi nibbattīti.

Suppabuddhasakyavatthu dvādasamam.

Pāpavaggavaṇṇanā niṭṭhitā.

Navamo vaggo.

1. Utrāsoti (Ka)

10. Daṇḍavagga

1. Chabbaggiyabhikkhuvatthu

Sabbe tasantīti imaṃ dhammadesanaṃ Satthā Jetavane viharanto chabbaggiye bhikkhū ārabha kathesi.

Ekasmiṃ hi samaye sattarasavaggiyehi senāsane paṭijaggite chabbaggiyā bhikkhū “nikkhamatha, maya mahallakatarā, amhākaṃ etaṃ pāpuṇāti”ti vatvā tehi “na mayaṃ dassāma, amhehi paṭhamāṃ paṭijaggitan”ti vutte te bhikkhū paharīmsu. Sattarasavaggiyā maraṇabhayatajjitā mahāviraṃsaṃ viraviṃsu. Satthā tesāṃ saddaṃ sutvā “kiṃ idan”ti pucchitvā “idaṃ nāma”ti ārocite “na bhikkhave ito paṭṭhāya bhikkhunā nāma evaṃ kattabbaṃ, yo karoti, so imaṃ nāma āpattim āpajjati”ti **Pahāradānasikkhāpadam**¹ paññāpetvā “bhikkhave bhikkhunā nāma ‘yathā ahaṃ, tatheva aññepi daṇḍassa tasanti, maccuno bhāyantī”ti ñatvā paro na paharitaḥ, na ghātetabho”ti vatvā anusandhiṃ ghaṭetvā dhammaṃ desento imaṃ gāthamāha—

129. “Sabbe tasanti daṇḍassa, sabbe bhāyanti maccuno.

Attānaṃ upamaṃ katvā, na haneyya na ghātaye”ti.

Tattha **sabbe tasantī**ti sabbepi sattā attani daṇḍe patante tassa daṇḍassa tasanti. **Maccunoti** maraṇassāpi **bhāyanti**eva. Imissā ca desanāya byañjanaṃ niravasesaṃ, attho pana sāvaseso. Yathā hi raññā “sabbe sannipatantū”ti bheriyā carāpitāyapi rājamahāmatte ṭhapetvā sesā sannipatanti, evamidha² “sabbe tasanti”ti vuttepi hatthājāneyyo assājāneyyo usabhājāneyyo khīṇāsavoti ime cattāro ṭhapetvā avasesāva tasantīti veditabbā. Imesu hi khīṇāsavo sakkāyadiṭṭhiyā pahīnattā maraṇakasattaṃ³ apassanto na bhāyati, itare tayo sakkāyadiṭṭhiyā balavattā attano paṭipakkhabhūtaṃ sattaṃ apassantā na bhāyantīti. **Na haneyya na ghātayeti** yathā

1. Vi 2. 192 piṭṭhe.

2. Evamevaṃ (Sī)

3. Amaraṇasattaṃ (Ka)

ahaṃ, evaṃ aññepi sattāti neva paraṃ pahareyya na paharāpeyyāti attho.

Desanāvasāne bahū sotāpattiphalādīni pāpuṇimsūti.

Chabbaggiyabhikkhuvatthu paṭhamāṃ.

2. Chabbaggiyabhikkhuvatthu

Sabbe tasantīti imaṃ dhammadeśanaṃ Satthā Jetavane viharanto chabbaggiye bhikkhū ārabba kathesi.

Teyeva ekasmiṃ hi samaye teneva kāraṇena purimasikkhāpade sattarasavaggiye paharīmsu. Teneva kāraṇena tesāṃ talasattikaṃ uggirīmsu. Idhāpi Satthā tesāṃ saddaṃ sutvā “kiṃ idan”ti pucchitvā “idaṃ nāma”ti ārocite “na bhikkhave ito paṭṭhāya bhikkhunā nāma evaṃ kattabbaṃ, yo karoti, so imaṃ nāma āpattim āpajjati”ti **Talasattikasikkhāpadam**¹ paññāpetvā “bhikkhave bhikkhunā nāma ‘yathā ahaṃ, tatheva aññepi daṇḍassa tasanti, yathā ca mayhaṃ, tatheva nesāṃ jīvitāṃ piyaṃ’ti ñatvā paro na paharitaḍḍo na ghāṭetabbo”ti vatvā anusandhiṃ ghāṭetvā dhammaṃ desento imaṃ gāthamāha—

130. “Sabbe tasanti daṇḍassa, sabbesaṃ jīvitāṃ piyaṃ.

Attānaṃ upamaṃ katvā, na haneyya na ghātaye”ti.

Tattha **sabbesaṃ jīvitāṃ piyaṃ**ti khīṇāsavaṃ ṭhapetvā sesasattānaṃ jīvitāṃ piyaṃ madhuraṃ², khīṇāsavo pana jīvite vā maraṇe vā upekkhakoḍḍa hoti. Sesāṃ purimasadisamevāti.

Desanāvasāne bahū sotāpattiphalādīni pāpuṇimsūti.

Chabbaggiyabhikkhuvatthu dutiyaṃ.

1. Vi 2. 193 piṭṭhe.

2. Piyataraṃ (Syā)

3. Sambahulakumārakavatthu

Sukhakāmāni bhūtāniti imaṃ dhammadesanaṃ Satthā Jetavane viharanto sambahule kumārake ārabba kathesi.

Ekasmiṃ hi samaye Satthā Sāvatthiyaṃ piṇḍāya pavisanto antarāmagge sambahule kumārake ekaṃ gharasappajātikaṃ ahiṃ daṇḍakena paharante disvā “kumārakā kiṃ karothā”ti pucchitvā “ahiṃ bhante daṇḍakena paharāmā”ti vutte “kiṃ kāraṇā”ti puna pucchitvā “ḍaṃsanabhayena bhante”ti vutte “tumhe ‘attano sukhaṃ karissāmā’ti imaṃ paharantā¹ nibbattanibbattaṭṭhāne sukhālābhino na bhavissatha. Attano sukhaṃ patthentena hi paraṃ paharituṃ na vaṭṭati”ti vatvā anusandhiṃ ghaṭetvā dhammaṃ desento imā gāthā abhāsi—

131. “Sukhakāmāni bhūtāni, yo daṇḍena vihimsati.

Attano sukhamesāno, pecca so na labhate sukhaṃ.

132. Sukhakāmāni bhūtāni, yo daṇḍena na himsati.

Attano sukhamesāno, pecca so labhate sukhaṃ”ti.

Tattha **yo daṇḍenāti** yo puggalo daṇḍena vā leḍḍu-ādīhi vā viheṭheti. **Pecca so na labhate sukhaṃ**ti so puggalo paraloke manussasukhaṃ vā dibbasukhaṃ vā paramatthabhūtaṃ vā nibbānasukhaṃ na labhati. Dutiyagāthāya **pecca so labhateti** so puggalo paraloke vuttappakāraṃ tividdhampi **sukhaṃ** labhatīti attho.

Desanāvasāne pañcasatāpi te kumārakā sotāpattiphale patiṭṭhahimsūti.

Sambahulakumārakavatthu tatiyaṃ.

4. Koṇḍadhānattheravatthu

Māvoca pharusam kañcīti imaṃ dhammadesanaṃ Satthā Jetavane viharanto Koṇḍadhānattheraṃ ārabba kathesi.

1. Hanantā (Sī)

Tassa kira pabbajitadivasato paṭṭhāya ekaṃ itthirūpaṃ therena saddhiṃ yeva vicarati. Taṃ thero na passati, mahājano pana passati. Antogāmaṃ piṇḍāya caratopissa manussā ekaṃ bhikkhaṃ datvā “bhante ayaṃ tumhākaṃ hotu, ayaṃ pana tumhākaṃ sahāyikāyā”ti vatvā dutiyampi dadanti¹.

Kim tassa pubbakammanti. Kassapasammāsambuddhakāle kira dve sahāyakā bhikkhū ekamātukucchito nikkhantasadisā ativiya samaggā ahesuṃ. Dīghāyukabuddhakāle ca anusamvaccharaṃ vā anuchamāsaṃ vā bhikkhū uposathatthāya sannipatanti. Tasmā tepi “uposathaggaṃ gamissāmā”ti vasanaṭṭhānā nikkhamimsu. Te ekā Tāvatiṃsabhavane nibbattadevatā disvā “ime bhikkhū ativiya samaggā, sakkā nu kho ime bhinditun”ti cintetvā attano² bālatāya cintitasamanantameva āgantvā³ tesu ekena “āvuso muhuttaṃ āgamehi, sarīrakiccenamhi atthiko”ti vutte sā devatā ekaṃ manussitthivaṇṇaṃ⁴ māpetvā therassa gacchantaraṃ pavisitvā nikkhamanakāle ekena hatthena kesakalāpaṃ, ekena nivāsanaṃ saṅṭhāpayamānā tassa piṭṭhito nikkhami. So taṃ na passati, tamāgamayamāno pana purato ṭhitabhikkhu nivattitvā olokayamāno taṃ tathā katvā nikkhamantaṃ passi. Sā tena diṭṭhabhāvaṃ ñatvā antaradhāyi. Itaro taṃ bhikkhum attano santikaṃ āgatakāle āha “āvuso sīlaṃ te bhinnan”ti. Natthāvuso mayhaṃ evarūpanti. Idāneva te mayā pacchato nikkhamamānā taruṇa-itthī idaṃ nāma karontī diṭṭhā, tvaṃ “natthi mayhaṃ evarūpan”ti kim vadesīti⁵. So asaniyā matthake avatthaṇo viya mā maṃ āvuso nāsehi, natthi mayhaṃ evarūpanti. Itaro “mayā sāmāṃ akkhīhi diṭṭhaṃ, kim tava saddahissāmī”ti daṇḍako viya⁶ bhijjitvā pakkāmi, uposathaggepi “nāhaṃ iminā saddhiṃ uposathaṃ karissāmī”ti nisīdi. Itaro “mayhaṃ bhante sīle aṇumattampi kāḷaṃ⁷ natthī”ti bhikkhūnaṃ kathesi. Sopi “mayā sāmāṃ diṭṭhan”ti āha. Devatā taṃ tena saddhiṃ uposathaṃ kātum anicchantaṃ disvā “bhāriyaṃ mayā kammaṃ katan”ti cintetvā “bhante mayhaṃ ayyassa sīlabhedo natthi, mayā pana vīmaṃsanavasenetāṃ kataṃ, karotha

1. Dutiyakabhikkhampi dadanti (Sī)

2. Attanā (Ka)

3. Cintitamattameva katvā (Sī)

4. Manussitthirūpaṃ (Ka)

5. Evarūpanti vadesīti (Syā)

6. Daṇḍakoṭiyaṃ (Sī, Ka)

7. Aṇumattampi kalaṅkaṃ (Sī), tilamattampi kāḷakaṃ (Syā)

tena saddhim uposathan”ti āha. So tassā ākāse thatvā kathentiya saddahitvā uposatham akāsi, na pana there pubbe viya muducitto ahosi. Ettakam devatāya pubbakammaṃ.

Āyupariyosāne pana te therā yathāsukham devaloke nibbattiṃsu. Devatā Avīcimhi nibbattitvā ekaṃ Buddhantaram tatha paccitvā imasmim Buddhuppāde Sāvatthiyam nibbattitvā vuddhimanvāya sāsane pabbajitvā upasampadam labhi. Tassa pabbajitadivasato paṭṭhāya taṃ itthirūpaṃ tatheva paññāyi. Tenevassa **Koṇḍadhānattheroti**¹ nāmaṃ karimṃsu. Taṃ tathāvicarantaṃ disvā bhikkhū Anāthapiṇḍikaṃ āhaṃsu “mahāseṭṭhi imaṃ dussīlaṃ tava vihārā nīhara. Imaṃ hi nissāya sesabhikkhūnaṃ ayaso uppajjissatī”ti. Kim pana bhante Satthā vihāre natthīti. Atthi upāsakāti. Tena hi bhante Satthāva jānissatīti. Bhikkhū gantvā Visākhāyapi tatheva kathesum. Sāpi nesam tatheva paṭivacanaṃ adāsi.

Bhikkhūpi tehi asampaṭicchitavacanā rañño ārocesum “mahārāja Koṇḍadhānatthero² ekaṃ itthim gahetvā vicaranto sabbesam ayasam uppādesi, taṃ tumhākaṃ vijitā nīharathā”ti. Kataṃ pana so bhanteti. Vihāre mahārājāti. Katarasmim senāsane viharatīti. Asukasim nāmāti. “Tena hi gacchatha, ahaṃ taṃ gaṇhissāmī”ti so sāyanhasamaye vihāraṃ gantvā taṃ senāsanam purisehi parikkhipāpetvā therassa vasanaṭṭhānābhimukho agamāsi. Thero mahāsaddam sutvā vihārā nikkhamitvā pamukhe aṭṭhāsi. Tampissa itthirūpaṃ piṭṭhipasse ṭhitam rājā addasa. Thero rañño āgamaṇam ṇatvā vihāraṃ abhiruhitvā nisīdi. Rājā theram na vandi, tapi itthim nāddasa. So dvārantarepi heṭṭhāmañcepi olokento adisvāva theram āha “bhante imasmim ṭhāne ekaṃ itthim addasam, kahaṃ sā”ti. Na passāmi mahārājāti. “Idāni mayā tumhākaṃ piṭṭhipasse ṭhitā diṭṭhā”ti vuttepi “ahaṃ na passāmi”ccevāha. Rājā “kim nu kho etan”ti cintetvā “bhante ito tāva nikkhamathā”ti āha³. There nikkhamitvā pamukhe ṭhite puna sā therassa piṭṭhipasse aṭṭhāsi. Rājā taṃ disvā puna uparitalam abhiruhi, tassa āgatabhāvaṃ ṇatvā thero nisīdi. Puna rājā taṃ sabbaṭṭhānesu olokontopi adisvā “bhante kahaṃ sā itthī”ti puna

1. Koṇḍadhānoti (Sī, Syā)

2. Koṇḍadhāno bhikkhu (Sī, Syā)

3. Tiṭṭhathāti āha (Sī)

theraṃ pucchi. Nāhaṃ passāmi mahārājāti. “Kiṃ kathetha¹ bhante, mayā idāneva tumhākaṃ piṭṭhipasse ṭhitā diṭṭhā”ti āha. Āma mahārāja, mahājanopi “me pacchato pacchato itthī vicarati”ti vadati, ahaṃ pana na passāmīti. Rājā “paṭirūpakena bhavitabban”ti sallakkhetvā puna theraṃ “bhante ito tāva otarathā”ti² vatvā there otarivā pamukhe ṭhite puna taṃ tassa piṭṭhipasse ṭhitam disvā uparitalam abhiruhi. Puna nāddasa. So puna theraṃ pucchitvā tena “na passāmi”cceva vutte “paṭirūpakamevetan”ti niṭṭham gantvā theraṃ āha “bhante evarūpe saṃkilese tumhākaṃ piṭṭhito vicarante añño koci tumhākaṃ bhikkham na dassati, nibaddham mama geham pavisatha, ahameva catūhi paccayehi upaṭṭhahissāmi”ti theraṃ nimantetvā pakkāmi.

Bhikkhū “passathāvuso rañño pāpakiriyam³, ‘etaṃ vihārato nīharā’ti vutte āgantvā catūhi paccayehi nimantetvā gato”ti ujjhāyimsu. Tampi theraṃ āhaṃsu “ambho dussīla idānisi rājakoṇḍo jāto”ti. Sopi pubbe bhikkhū kiñci vattum asakkonto “tumhe dussīlā, tumhe koṇḍā, tumhe itthim gahetvā vicarathā”ti āha. Te gantvā Satthu ārocesum “bhante Koṇḍadhānatthero amhehi vutto amhe ‘dussīlā’ti-ādāni vatvā akkosati”ti. Satthā taṃ pakkosāpetvā pucchi “saccam kira tvaṃ bhikkhu evaṃ vadesi”ti. Saccam bhanteti. Kiṃ kāraṇāti. Mayā saddhim kathitakāraṇāti. Tumhe bhikkhave iminā saddhim kasmā kathethāti. Imassa pacchato itthim vicarantim disvā bhanteti. Ime kira tayā saddhim itthim vicarantim disvā vadanti, tvaṃ kasmā kathesi, ete tāva disvā kathenti. Tvaṃ adisvāva imehi saddhim kasmā kathesi, nanu pubbe taveva pāpikam diṭṭhim nissāya idam jātam, idāni kasmā puna pāpikam diṭṭhim gaṇhāsīti. Bhikkhū “kiṃ pana bhante iminā pubbe katan”ti pucchimsu. Atha nesam Satthā tassa pubbakammaṃ kathetvā “bhikkhu idam pāpakammaṃ nissāya tvaṃ imam vippakāram patto, idāni te puna tathārūpaṃ pāpikam diṭṭhim gahetum na yuttam, mā puna bhikkhūhi saddhim kiñci kathehi, nissaddo mukhavaṭṭiyam chinnakamsathālasadiso⁴ hohi, evam karonto nibbānappatto nāma

1. Kathetha (Sī, Syā)

2. Uṭṭhahathāti (Sī, Ka)

3. Pāparañño kiriyam (Syā)

4. Chinnakamsatālasadiso (Syā)

bhavissatī”ti vatvā anusandhiṃ ghaṭetvā dhammaṃ desento imā gāthā abhāsi—

133. “Māvoca pharusaṃ kañci, vuttā paṭivadeyyu taṃ.
Dukkhā hi sārambhakathā, paṭidaṇḍā phuseyyu taṃ.

134. Sace neresi attānaṃ, kaṃso upahato yathā.
Esa pattosi nibbānaṃ, sārambho te na vijjati”ti.

Tattha **māvoca pharusaṃ kañcī**ti kañci ekapuggalampi pharusaṃ mā avaca. **Vuttā**ti tayā pare “dussilā”ti vuttā, tampi tatheva **paṭivadeyyuṃ**. **Sārambhakathā**ti esā karaṇuttarā yugaggāhakahā nāma **dukkhā**. **Paṭidaṇḍā**ti kāyadaṇḍādīhi paraṃ paharantassa¹ tādisā paṭidaṇḍā ca tava matthake pateyyuṃ. **Sace neresī**ti sace attānaṃ niccalaṃ kātuṃ sakkhissasi. **Kaṃso upahato yathā**ti mukhavaṭṭiyaṃ chinditvā talamattaṃ katvā ṭhapitakaṃsathālaṃ viya. Taṃ hi hatthapādehi vā daṇḍakena vā pahaṭampi saddaṃ na karoti, **esa pattosī**ti sace evarūpo bhavituṃ sakkhissasi, imaṃ paṭipadaṃ pūrayamāno idāni appattopi eso nibbānappatto nāma. **Sārambho te na vijjati**ti evaṃ sante ca pana “tvaṃ dussilo, tumhe dussilā”ti-evamādiko uttarakaraṇavācālakkaṇo sārambhopi te na vijjati, na bhavissatiyevāti attho.

Desanāvasāne bahū sotāpattiṃ phalādīni pāpuṇiṃsu, Koṇḍadhānattheropi Sathhārā dinna-ovāde ṭhatvā arahattaṃ pāpuṇi, na cirasseva ākāse uppatitvā paṭhamam salākaṃ gaṇhīti.

Koṇḍadhānattheravatthu catuttham.

5. Uposathika-itthīnaṃ vatthu

Yathā daṇḍenāti imaṃ dhammadesanaṃ Sathhā Pubbārāme viharanto Visākhādīnaṃ upāsikānaṃ uposathakammaṃ ārabha kathesi.

Sāvattthiyaṃ kira ekasmiṃ mahā-uposathadivase pañcasatamattā itthiyo uposathikā hutvā vihāraṃ agamimsu. Visākhā tāsu mahallakitthiyo upasaṅkamitvā pucchi “ammā kimatthaṃ uposathikā jātathā”ti. Tāhi “dibbasampattiṃ patthetvā”ti vutte majjhimitthiyo pucchi, tāhi “sapattivāsā muccanattāyā”ti vutte taruṇitthiyo pucchi, tāhi “paṭhamagabbhe puttapaṭilābhatthāyā”ti vutte kumārikāyo pucchi, tāhi “taruṇabhāveyeva patikulagamanattāyā”ti vutte taṃ sabbampi tāsāṃ kathaṃ sutvā tā ādāya Satthu santikaṃ gantvā paṭipāṭiyā ārocesi. Taṃ sutvā Satthā “Visākhe imesaṃ sattānaṃ jāti-ādayo nāma daṇḍahattakagopālakasadisā, jāti jarāya santikaṃ, jarā byādhino santikaṃ, byādhi maraṇassa santikaṃ pesetvā maraṇaṃ kuṭhāriyā chindantā viya jīvitāṃ chindati, evaṃ santepi vivaṭṭaṃ patthentā nāma natthi, vaṭṭameva pana patthenti”ti vatvā anusandhiṃ ghaṭetvā dhammaṃ desento imaṃ gāthamāha—

135. “Yathā daṇḍena gopālo, gāvo pājeti¹ gocaraṃ.

Evam jarā ca maccu ca, āyumaṃ pājenti pāṇinan”ti.

Tattha **pājetī**ti cheko **gopālo** kedārantaraṃ pavisantiyo **gāvo daṇḍena** nivāretvā teneva pothento sulabhataṇḍakāṃ **gocaraṃ** neti. **Āyumaṃ pājenti**ti jīvitindriyaṃ chindanti khepenti. Gopālako viya hi jarā ca maccu ca, gogaṇo viya² jīvitindriyaṃ, gocarabhūmi viya maraṇaṃ. Tattha jāti tāva sattānaṃ jīvitindriyaṃ jarāya santikaṃ pesesi, jarā byādhino santikaṃ, byādhi maraṇassa santikaṃ. Tameva maraṇaṃ kuṭhāriyā chedaṃ viya chinditvā³ gacchatīti idamettha opammasampanāpādanaṃ.

Desanāvasāne bahū sotāpattiphalādīni pāpuṇimsūti.

Uposathika-itthīnaṃ vatthu pañcamāṃ.

1. Pāceti (Sī)

2. Goṇe viya (Sī)

3. Kuṭhāricchedaṃ chinditvā (Sī)

6. Ajagarapetavatthu

Atha pāpāni kammānīti imañ dhammadesanaṃ Satthā Veļuvane viharanto Ajagarapetaṃ ārabba kathesi.

Ekasmiṃ hi samaye Mahāmogallānatthero Lakkhaṇattherena saddhiṃ Gijjhakūṭato otaranto dibbena cakkhunā pañcaviṣatiyojanikaṃ Ajagarapetaṃ nāma addasa. Tassa sīsato aggijālā uṭṭhahitvā pariyaṇṇaṃ gacchanti, pariyaṇṇato uṭṭhahitvā sīsāṃ gacchanti, ubhayato uṭṭhahitvā majjhe otaranti. Thero taṃ disvā sitaṃ pātvākāsi. Lakkhaṇattherena sitakāraṇaṃ puṭṭho “akālo āvuso imassa pañhassa veyyākaraṇāya, Satthu santike maṃ puccheyyāsi”ti vatvā Rājagahe piṇḍāya caritvā Satthu santikaṃ gatakāle Lakkhaṇattherena puṭṭho āha “tatrāhaṃ āvuso ekaṃ petaṃ addasaṃ, tassa evarūpo nāma attabhāvo, ahaṃ taṃ disvā ‘na vata me evarūpo attabhāvo diṭṭhapubbo’ti sitaṃ pātvākāsin”ti. Satthā “cakkhubhūta vata bhikkhave sāvaka viharanti”ti-ādīni¹ vadanto therassa kathaṃ patiṭṭhāpetvā “mayāpi eso bhikkhave peto Bodhimaṇḍeyeva diṭṭho, ‘ye ca pana me vacanaṃ na saddaheyyuṃ, tesaṃ taṃ ahitāya assā’ti na kathesiṃ, idāni Mogallānaṃ sakkhiṃ labhitvā kathaṃ”ti vatvā bhikkhūhi tassa pubbakammaṃ puṭṭho byākāsi—

Kassapabuddhakāle kira Sumaṅgalaseṭṭhi nāma suvaṇṇiṭṭhakāhi bhūmiṃ santharitvā viṣati-usabhaṭṭhāne tattakeneva dhanena vihāraṃ kāretvā tāvattakeneva vihāramahaṃ kāresi. So ekadivasāṃ pātova Satthu santikaṃ gacchanto nagaradvāre ekissā sālāya kāsāvaṃ² sasīsaṃ pārupitvā kalalamakkhitehi pādehi nipannaṃ ekaṃ coraṃ disvā “ayaṃ kalalamakkhitapādo rattiṃ vicaritvā divā nipannamanusso bhavissati”ti āha. Coro mukhaṃ vivaritvā seṭṭhiṃ disvā “hotu, jānissāmi te kattabban”ti āghātaṃ bandhitvā sattakkhattuṃ khettaṃ jhāpesi, sattakkhattuṃ vaje gunnaṃ pāde chindī, sattakkhattuṃ gehaṃ jhāpesi, so ettakenāpi kopāṃ nibbāpetuṃ asakkonto tassa cūlūpaṭṭhākena saddhiṃ mittasanthavaṃ katvā

1. Vi 1. 145; Saṃ 1. 447 piṭṭhesu.

2. Kāsāvena (Syā)

“kiṃ te seṭṭhino piyaṃ”ti puṭṭho “Gandhakuṭito aññaṃ tassa piyataraṃ natthi”ti sutvā “hotu, Gandhakuṭim jhāpetvā kopam nibbāpessāmi”ti Satthari piṇḍāya pavitṭhe pāṇiyaparibhojanīyaghaṭe bhinditvā Gandhakuṭiyam aggim adāsi. Seṭṭhi “Gandhakuṭi kira jhāyati”ti sutvā āgacchanto jhāmakāle āgantvā Gandhakuṭim jhāmaṃ olokeno vālaggamattampi domanassaṃ akatvā vāmaabāhum¹ samañjitvā dakkhiṇena hatthena mahā-apphoṭanaṃ apphoṭesi². Atha naṃ samīpe ṭhitā pucchimsu “kasmā sāmi ettakaṃ dhanam vissajjetvā katagandhakuṭiyā jhāmakāle apphoṭesi”ti. So āha “ettakaṃ me tātā aggi-ādīhi asādhāraṇe Buddhassa sāsane dhanam nidahitum laddham, “punapi ettakaṃ dhanam vissajjetvā Satthu Gandhakuṭim kātum labhissāmi”ti tuṭṭhamānaso apphoṭesi”ti. So puna tattakaṃ dhanam vissajjetvā Gandhakuṭim kāretvā vīsatisahassabhikkhuparivārassa Satthuno dānam adāsi. Tam disvā coro cintesi “ahaṃ imaṃ amāretvā maṅkukātum na sakkhissāmi, hotu, māressāmi naṃ”ti nivāsanantare churikaṃ bandhitvā sattāhaṃ vihāre vicarantopi okāsam na labhi. Mahāseṭṭhipi satta divasāni Buddhappamukhassa bhikkhusaṃghassa dānam datvā Satthāram vanditvā āha “bhante mama ekena purisena sattakkhattum khettaṃ jhāpitaṃ, sattakkhattum vaje gunnaṃ pādā chinnā, sattakkhattum gehaṃ jhāpitaṃ, idāni Gandhakuṭipi teneva jhāpitā bhavissati, ahaṃ imasmim dāne paṭhamam pattim tassa dammi”ti.

Tam sutvā coro “bhāriyam vata me kammaṃ kataṃ, evam aparādhakārake mayi imassa kopamattampi natthi, imasmimpi dāne mayhameva paṭhamam pattim deti, ahaṃ imasmim dubbhāmi, evarūpaṃ me purisaṃ akhamāpentassa devadaṇḍopi me matthake pateyyā”ti gantvā seṭṭhissa pādāmūle nipajjitvā “khamāhi me sāmī”ti vatvā “kiṃ idan”ti vutte “sāmi evam ayuttakaṃ³ kammaṃ mayā kataṃ, tassa me khamāhi”ti āha. Atha naṃ seṭṭhi “tayā me idaṅcīdaṅca katan”ti sabbam pucchitvā “āma mayā katan”ti vutte “tvaṃ mayā na diṭṭhapubbo, kasmā me kujjhitvā evamakāsi”ti pucchi. So ekadivasaṃ nagarā nikkhantena tena vuttavacanaṃ sāretvā “iminā me kāraṇena kopo uppādito”ti āha. Seṭṭhi attanā vuttam⁴ saritvā “āma tāta, vuttam

1. Vāmaabāham (Sī)

3. Sāmi etaṃ ettakaṃ (Syā)

2. Mahā-apphoṭitaṃ apphoṭheti (Sī)

4. Vuttabhāvam (Sī, Syā)

mayā, taṃ me khamāhī”ti coraṃ khamāpetvā “uṭṭhehi tāta, khamāmi te, gaccha tātā”ti āha. Sace me sāmi khamasi, saputtadāraṃ maṃ gehe dāsaṃ karohīti. Tāta tvaṃ mayā ettake kathite evarūpaṃ chedanāṃ akāsi, gehe vasantena pana saddhiṃ na sakkā kiñci kathetuṃ, na me tayā gehe vasantena kiccaṃ atthi, khamāmi te, gaccha tātāti. Coro taṃ kammaṃ katvā āyupariyosāne Avīcimhi nibbatto dīgharattaṃ tattha paccitvā vipākāvasesena idāni Gijjhakūṭe pabbate paccatīti.

Evāṃ Satthā tassa pubbakammaṃ kathetvā “bhikkhave bālā nāma pāpāni kammāni karontā na bujjhanti, pacchā pana attanā katakammehi ḍayhamānā attanāva attano dāvaggisadisāva hontī”ti vatvā anusandhiṃ ghaṭetvā dhammaṃ desento imaṃ gāthamāha—

136. “Atha pāpāni kammāni, karaṃ bālo na bujjhati.

Sehi kammehi dummedho, aggidaḍḍhova tappatī”ti.

Tattha **atha pāpānī**ti na kevalaṃ **bālo** kodhavasena pāpāni karoti, karontopi pana **na bujjhatī**ti attho. Pāpaṃ karonto ca “pāpaṃ karomī”ti abujjhanako nāma natthi. “Imassa kammaṃ evarūpo nāma vipāko”ti ajānanatāya¹ “na bujjhatī”ti vuttaṃ. **Sehī**ti so tehi attano santakehi **kammehi dummedho** nippaṇṇo puggalo niraye nibbattitvā **aggidaḍḍhova tappatī**ti attho.

Desanāvasāne bahū sotāpattiphalādīni pāpuṇimsūti.

Ajagarapetavatthu chaṭṭhaṃ.

7. Mahāmoggallānattheravatthu

Yo daṇḍenāti imaṃ dhammadesanaṃ Satthā Veḷuvane viharanto Mahāmoggallānattheraṃ ārabha kathesi.

Ekasmim hi samaye titthiyā sannipatitvā mantesuṃ² “jānāthāvuso ‘kena kāraṇena samaṇassa Gotamassa lābhasakkāro mahā hutvā

1. Ajānanto (Si)

2. Cintesuṃ (Syā, Ka)

nibbatto'ti. Mayam na jānāma, tumhe pana jānāthāti. Āma jānāma, Mahāmoggallānam nāma ekaṃ nissāya uppanno. So hi devalokaṃ gantvā devatāhi katakammaṃ pucchitvā āgantvā manussānam katheti 'idaṃ nāma katvā evarūpaṃ sampattiṃ labhanti'ti. Niraye nibbattānampi kammaṃ pucchitvā āgantvā manussānam katheti 'idaṃ nāma katvā evarūpaṃ dukkhaṃ anubhavanti'ti. Manussā tassa kathaṃ sutvā mahantaṃ lābhasakkāraṃ abhiharanti, sace taṃ māretuṃ sakkhissāma, so lābhasakkāro amhākaṃ nibbattissati'ti. Te "attheko¹ upāyo"ti sabbe ekacchandā hutvā "yamkiñci katvā taṃ mārāpessāmā"ti attano upaṭṭhāke samādapetvā kahāpaṇasahassaṃ labhitvā purisaghātakammaṃ katvā carante core pakkosāpetvā "Mahāmoggallānatthero nāma Kāḷasilāyamaṃ vasati, tattha gantvā taṃ mārethā"ti tesam kahāpaṇe adamsu. Corā dhanalobhena sampatiçchitvā "theraṃ māressāmā"ti gantvā tassa vasanaṭṭhānaṃ parivāresuṃ. Thero tehi parikkhittabhāvaṃ ñatvā kuñcikasiddhena nikkhamitvā pakkāmi. Te corā taṃ divasaṃ theraṃ adisvā punekadivasaṃ gantvā parikkhipimsu. Thero ñatvā kaṇṇikāmaṇḍalaṃ bhinditvā ākāsaṃ pakkhandi. Evaṃ te paṭhamamāsepi majjhimamāsepi theraṃ gahetuṃ nāsakkhimsu. Pacchimamāse pana sampatte thero attanā katakammaṃ ākaḍḍhanabhāvaṃ² ñatvā na apagacchi. Corā gantvā theraṃ gahetvā taṇḍulakaṇamattānissa aṭṭhīni karontābhindimsu. Atha naṃ "mato"ti saññāya ekasmiṃ gumbapiṭṭhe khipitvā pakkamimsu.

Thero "Satthāraṃ passitvāva parinibbāyissāmī"ti attabhāvaṃ jhānavethanena veṭhetvā thiraṃ katvā ākāseṇa Satthu santikaṃ gantvā Satthāraṃ vanditvā "bhante parinibbāyissāmī"ti āha. Parinibbāyissasi Moggallānāti. Āma bhanteti. Kattha gantvāti. Kāḷasilāpadesaṃ bhanteti. Tena hi Moggallāna mayhaṃ dhammaṃ kathetvā yāhi. Tādisassa hi me sāvakassa idāni dassanaṃ natthīti. So "evaṃ karissāmi bhante"ti Satthāraṃ vanditvā ākāsaṃ uppatitvā parinibbānadivase Sāriputtatthero viya nānapakārā iddhiyo katvā dhammaṃ kathetvā Satthāraṃ

1. Attheso (Syā, Ka)

2. Ākaḍḍhitabhāvaṃ (Ka)

vanditvā Kāḷasilātavim¹ gantvā parinibbāyi. “Theraṃ kira corā māresun”ti ayampi kathā sakalajambudīpe patthari. Rājā Ajātasattu core pariyesanattthāya carapurise payojesi. Tesupi coresu surāpāne suraṃ pivantesu eko ekassa piṭṭhim² paharivā pātesi. So taṃ santejjitvā “ambho dubbinīta tvaṃ kasmā me piṭṭhim pātesi”ti āha. Kim pana hare duṭṭhacora tayā Mahāmoggallānatthero paṭhamam pahaṭoti. Kim pana mayā pahaṭabhāvaṃ tvaṃ na jānāsīti. Iti nesaṃ “mayā pahaṭo, mayā pahaṭo”ti vadantānamvacanam sutvā te carapurisā te sabbe core gahetvā rañño ārocesuṃ. Rājā core pakkosāpetvā pucchi “tumhehi thero mārito”ti. Āma devāti. Kena tumhe uyyojitāti. Naggasamaṇakehi devāti. Rājā pañcasate naggasamaṇake gāhāpetvā pañcasatehi corehi saddhim rājaṅgaṇe nābhippamaṇesu āvāṇesu nikhaṇāpetvā palālehi paṭicchādāpetvā aggim dāpesi. Atha nesaṃ jhāmabhāvaṃ ñatvā ayaṇaṅgalehi kasāpetvā sabbe khaṇḍākhaṇḍikaṃ kārāpesi.

Bhikkhū dhammasabhāyaṃ katham samuṭṭhāpesuṃ

“Mahāmoggallānatthero attano ananurūpameva maraṇam patto”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “bhikkhave Moggallāno imasseva attabhāvassa ananurūpaṃ maraṇam patto, pubbe pana tena katassa kammaṃ ananurūpameva maraṇam patto”ti vatvā “kim panassa bhante pubbakammaṃ”ti puṭṭho vitthāretvā kathesi—

Atīte kira Bārāṇasivāsī eko kulaputto sayameva koṭṭanapacanādīni kammāni karonto mātāpitaro paṭijaggi. Athassa mātāpitaro naṃ “tāta tvaṃ ekakova gehe ca araṇṇe ca kammaṃ karonto kilamasi, ekaṃ te kumārikaṃ ānessāmā”ti vatvā “ammaṭātā na mayhaṃ evarūpāyattho³, ahaṃ yāva tumhe jīvatha, tāva vo sahatthā upaṭṭhahissāmī”ti tena paṭikkhittā punappunaṃ taṃ yācitvā kumārikaṃ ānayimsu. Sā katipāhameva te upaṭṭhahitvā pacchā tesam dassanampi anicchantī “na sakkā tava mātāpitūhi saddhim ekaṭṭhānevasitun”ti ujjhāyitvā

1. Kāḷasilāyaṃ aṭavim (Syā)

2. Vittham (Sī)

3. Evarūpena attho (Sī)

tasmim attano katham aggaṇhante tassa bahigatakāle makacivākakhaṇḍāni ca yāgupheṇaṅca gahetvā tattha tattha ākiritvā tenāgantvā “kim idan”ti puṭṭhā āha “imesaṃ andhamahallakānaṃ etaṃ kammaṃ, sabbaṃ gehaṃ kiliṭṭhaṃ karontā vicaranti, na sakkā etehi saddhiṃ ekaṭṭhāne vasitun”ti. Evaṃ tāya naṃ punappunaṃ kathayamānāya evarūpopi pūritapāramī satto mātāpitūhi saddhiṃ bhijji¹. So “hotu, jānissāmi nesaṃ kattabban”ti te bhojetvā “ammatātā asukaṭṭhāne nāma tumhākaṃ ṇātakā āgamaṇaṃ paccāsīsanti, tattha gamissāmā”ti te yānakaṃ² āropetvā ādāya gacchanto aṭavimajjhaṃ pattakāle “tāta rasmiyo gaṇhātha, gāvo patodasaññāya³ gamissanti, imasmimṭhāne corā vasanti, ahaṃ otarāmī”ti pitu hatthe rasmiyo datvā otarivā gacchanto saddaṃ parivattetvā corānaṃ uṭṭhitasaddamakāsi. Mātāpitaro saddaṃ sutvā “corā uṭṭhitā”ti saññāya “tāta mayaṃ mahallakā, tvaṃ attānameva rakkhāhi”ti āhaṃsu. So mātāpitaro tathāviravantepi corasaddaṃ karonto koṭṭetvā māretvā aṭaviyaṃ khipitvā paccāgami.

Satthā idaṃ tassa pubbakammaṃ kathetvā “bhikkhave Moggallāno ettakaṃ kammaṃ katvā anekavassasatasahassāni niraye paccivā vipākāvasesena attabhāvasate evameva koṭṭetvā saṃcuṇṇito maraṇaṃ patto. Evaṃ Moggallānena attano kammānurūpameva maraṇaṃ laddhaṃ, pañcahi corasatehi saddhiṃ pañca titthiyasatānipi mama putte appaduṭṭhe⁴ padussitvā anurūpameva maraṇaṃ labhiṃsu. Appaduṭṭhesu⁵ hi padussanto dasahi kāraṇehi anayabyasanaṃ pāpuṇātiyevā”ti vatvā anusandhiṃ ghaṭetvā dhammaṃ desento imā gāthā abhāsi—

137. “Yo daṇḍena adaṇḍesu, appaduṭṭhesu dussati.

Dasannamaññataraṃ ṭhānaṃ, khippameva nigacchati.

138. Vedanaṃ pharusam jānīm, sarīrassa va⁶ bhedanaṃ.

Garukaṃ vāpi ābādhaṃ, cittakkhepaṃ va pāpuṇe.

1. Saddhiṃ mittabhāvaṃ bhijji (Ka)

3. Goṇā padasaññāya (Sī)

5. Appaduṭṭhassa (Syā)

2. Yānake (Ka)

4. Puttassa appaduṭṭhassa (Syā)

6. Ca (Ka)

139. Rājato vā upasaggaṃ, abbhakkhānaṃ va dāruṇaṃ.
Parikkhayaṃ va ñātīnaṃ, bhogaṇaṃ va pabhaṅguraṃ.

140. Atha vāssa agārāni, aggi ḍahati pāvako.
Kāyassa bhedaḍḍappaṇṇo, nirayaṃ sopapajjati”ti.

Tattha **adaṇḍesūti** kāyadaṇḍādirahitesu khīṇāsavesu. **Appadutṭhesūti** paresu vā attani vā niraparādhesu. **Dasannamaññataraṃ ṭhānanti** dasasu dukkhakāraṇesu aññataraṃ kāraṇaṃ. **Vedananti** sīsarogādibhedanā **pharusāṃ** vedanaṃ. **Jāninti** kicchādhigatassa dhanassa jāniṃ. **Bhedananti** hatthacchedādikaṃ sarīrabhedanaṃ. **Garukanti** pakkhahata-ekacakkhukapīṭhasappikuṇībhāvakuṭṭharogādibhedanā garukābādhanā vā. **Cittakkhepanti** ummādaṃ. **Upasagganti** yasavilopasenāpatiṭṭhānādi-acchindanādikaṃ **rājato** upasaggaṃ vā. **Abbhakkhānanti** adiṭṭha-asuta-acintitapubbaṃ “idaṃ sandhicchedādikammaṃ, idaṃ vā¹ rājāparādhitakammaṃ tayā katan”ti evarūpaṃ **dāruṇaṃ** abbhakkhānaṃ vā. **Parikkhayaṃ va ñātīnanti** attano avassayo bhavituṃ samatthānaṃ **ñātīnaṃ** parikkhayaṃ vā. **Pabhaṅguranti** pabhaṅgubhāvaṃ pūtibhāvaṃ. Yaṃ hissa gehe dhaññaṃ, taṃ pūtibhāvaṃ āpajjati, suvaṇṇaṃ aṅgārabhāvaṃ, muttā kappāsattībhāvaṃ, kahāpaṇaṃ kapālakhaṇḍādibhāvaṃ, dvipadacatuppadā kāṇakuṇādibhāvanti attho. **Aggi ḍahatīti** ekasaṃvacchare dvattikkhattuṃ aññasmim ḍāhake avijjamānēpi asani-aggi vā patitvā ḍahati, attanova dhammatāya utṭhito pāvako vā ḍahatiyeva. **Nirayanti** diṭṭheva dhamme imesaṃ dasannaṃ ṭhānānaṃ aññataraṃ patvāpi ekaṃsena samparāye pattabbaṃ dassetuṃ “nirayaṃ sopapajjati”ti vuttaṃ.

Desanāvasāne bahū sotāpattiphalādīni pāpuṇimsūti.

Mahāmoggallānattheravatthu sattamaṃ.

8. Bahubhaṇḍikabhikkhuvatthu

Na naggacariyāti imaṃ dhammadesanaṃ Sathā Jetavane viharanto Bahubhaṇḍikaṃ bhikkhuṃ ārabba kathesi.

1. Aññaṃ vā (Sī, Ka)

Sāvattvivāsī kireko kuṭumbiko bhariyāya kālakatāya pabbaji. So pabbajanto attano pariveṇaṅca aggisālaṅca bhaṇḍagabbhaṅca kāretvā sabbampi bhaṇḍagabbhaṃ sappimadhutelādīhi pūretvā pabbaji, pabbajitvā ca pana attano dāse pakkosāpetvā yathārucikaṃ āhāraṃ pacāpetvā bhuñjati. Bahubhaṇḍo ca bahuparikkhāro ca ahoṣi. Rattim aññaṃ nivāsanapārūpanaṃ hoti, divā aññaṃ nivāsanapārūpanaṃ hoti, divā aññaṃ vihārapaccante vasati. Tassekadivasam cīvarapaccattharaṇāni sukkhāpentassa senāsanacārikaṃ āhiṇḍantā bhikkhū passitvā “kassimāni āvuso”ti pucchitvā “mayhan”ti vutte “āvuso Bhagavatā ticīvarāni anuññātāni, tvaṅca pana evaṃ appicchassa Buddhassa sāsane pabbajitvā evaṃ bahuparikkhāro jāto”ti taṃ Satthu santikaṃ netvā “bhante ayaṃ bhikkhu atibahubhaṇḍo”ti ārocesuṃ. Satthā “saccaṃ kira taṃ bhikkhū”ti pucchitvā “saccaṃ bhante”ti vutte āha “kasmā pana tvaṃ bhikkhu mayā appicchatāya dhamme desite evaṃ bahubhaṇḍo jāto”ti. So tāvattakeneva kupito “iminā dāni nīhārena carissāmi”ti pārūpanaṃ chaḍḍetvā parisamajjhe ekacīvaro aṭṭhāsi. Atha naṃ Satthā upatthambhayamāno nanu tvaṃ bhikkhu pubbe hirottappagavesako dakarakkhasakālepi hirottappaṃ gavesamāno dvādasa vassāni vihāsi, kasmā idāni evaṃ garuke Buddhasāsane pabbajitvā catuparisamajjhe pārūpanaṃ chaḍḍetvā hirottappaṃ pahāya ṭhitosīti. So Satthu vacanaṃ sutvā hirottappaṃ paccupaṭṭhāpetvā taṃ cīvaraṃ pārūpitvā Satthāraṃ vanditvā ekamantaṃ nisīdi. Bhikkhū tassa atthassa āvibhāvatthaṃ Bhagavantaṃ yācimsu. Bhagavā atītaṃ āharitvā kathesi—

Atīte kira Bārāṇasiraṅgā aggamaheṣiyā kucchismim bodhisatto paṭisandhim gaṇhi. Tassa nāmaggaṇḍadivase¹ **Mahimsakumāro**² nāmaṃ karimsu. Tassa kaniṭṭhabhātā **Candakumāro** nāma ahoṣi. Tesam mātari kālakatāya rājā aññaṃ aggamaheṣiṭṭhāne ṭhapesi. Sāpi puttaṃ vijāyi, **Sūriyakumāro**tissa nāmaṃ karimsu. Taṃ disvā rājā tuṭṭho “puttassa te varaṃ dammi”ti āha. Sāpi kho “deva icchitakāle gaṇhissāmi”ti vatvā puttassa vayappattakāle rājānaṃ āha “devena mayhaṃ puttassa jātakāle varo dīno, idāni me puttassa rajjaṃ

1. Nāmakaraṇadivase (Sī)

2. Mahissāsakumārotissa (Syā)

dehī”ti. Rājā “mama dve puttā aggikkhandhā viya jalantā vicaranti, na sakkā tassa rajjam dātun”ti paṭikkhipitvāpi tam punappunam yācamānameva disvā “ayam me puttānam anathampi kareyyā”ti putte pakkosāpetvā “tātā aham Sūriyakumārassa jātakāle varam adāsim, idānissa mātā rajjam yācati, aham tassa na dātukāmo, tassa mātā tumhākam anathampi kareyya, gacchatha tumhe, araṇṇe vasitvā mamaccayenāgantvā rajjam gaṇhathā”ti uyyojesi. Te pitaram vanditvā pāsādā otarante rājaṅgaṇe kīlamāno Sūriyakumāro disvā tam kāraṇam ṇatvā tehi saddhim nikkhami. Tesam Himavantaṃ pavitṭhakāle bodhisatto maggā okkamma aññatarasmim rukkhamūle nisīditvā Sūriyakumāram āha “tāta etaṃ saram gantvā nhatvā ca¹ pivitvā ca amhākampi paduminipaṇṇehi udakam āharā”ti. So pana saro Vessavaṇassa santikā ekena dakarakkhasena laddho hoti. Vessavaṇo ca tam āha “ṭhapetvā devadhammajānanake ye ca aññe imam saram otaranti, te khādītum labhasī”ti. Tato paṭṭhāya so tam saram otiṇṇotiṇṇe devadhamme pucchitvā ajānante khādāti, Sūriyakumāropi tam saram avīmaṃsitvāva otari, tena ca “devadhamme jānāsī”ti pucchito “devadhammā nāma candimasūriyā”ti āha. Atha nam “tvam devadhamme na jānāsī”ti udakam pavesetvā attano bhavane ṭhapesi. Bodhisattopi tam cirāyantaṃ disvā Candakumāram pesesi. Sopi tena “devadhamme jānāsī”ti pucchito “devadhammā nāma catasso disā”ti āha. Dakarakkhaso tampi udakam pavesetvā tattheva² ṭhapesi.

Bodhisatto tasmimpi cirāyante “antarāyena bhavitabban”ti sayam gantvā dvinnampi otaraṇapadaṃyeva disvā “ayam saro rakkhasapariggahito”ti ṇatvā khaggaṃ sannayhitvā dhanum gahetvā aṭṭhāsī. Rakkhaso tam anotarantaṃ disvā vanakammikapurisavesenāgantvā āha “bho purisa tvam maggakilanto, kasmā imam saram otarivā nhatvā ca pivitvā ca bhisamulālam khādītva pupphāni pilandhitvā na gacchasi”ti. Bodhisatto tam disvāva “esa so yakkho”ti ṇatvā “tayā me bhātaro gahitā”ti āha. Āma mayā gahitāti. Kim kāraṇāti. Aham imam saram otiṇṇotiṇṇe

1. Nhatvā (Ka)

2. Tattheva (Syā, Ka)

labhāmīti. Kim pana sabbeva labhasīti. Devadhammajānanake t̥hapetvā avasese labhāmīti. Atthi pana te devadhammehi atthoti. Āma atthīti. Ahaṃ kathessāmīti. Tena hi kathehīti. Na sakkā kiliṭṭhena gattena kathetunti. Yakkho bodhisattaṃ nhāpetvā pāṇīyaṃ pāyevā alaṅkaritvā alaṅkatamaṇḍapamajjhe pallaṅkaṃ āropetvā sayamassa pādāmūle nisīdi. Atha naṃ bodhisatto “sakkaccaṃ suṇāhī”ti vatvā imaṃ gāthamāha—

“Hiri-ottappasampannā, sukkadhammasamāhitā.

Santo sappurisā loke, **devadhammā**ti vuccare”ti¹.

Yakkho imaṃ dhammadesanaṃ sutvā pasanno bodhisattaṃ āha “paṇḍita ahaṃ te pasanno, ekaṃ bhātaraṃ dammi, kataraṃ ānemī”ti. Kaniṭṭhaṃ ānehīti. Paṇḍita tvam kevalaṃ devadhamme jānāsiyeva, na pana tesu vattasīti. Kim kāraṇāti. Yasmā jeṭṭhaṃ t̥hapetvā kaniṭṭhaṃ āharāpento jeṭṭhāpacāyikakammaṃ na karosīti, devadhamme cāhaṃ yakkha jānāmi, tesu ca vattāmi. Mayañhi etaṃ nissāya imaṃ araṇṇaṃ pavitṭhā. Etassa hi atthāya amhākaṃ pitaraṃ etassa mātā rajjaṃ yāci, amhākaṃ pana pitā taṃ varaṃ adatvā amhākaṃ anurakkhaṇatthāya araṇṇe vāsaṃ anujāni, so kumāro anivattitvā amhehi saddhiṃ āgato. “Taṃ araṇṇe eko yakkho khādī”ti vuttepi na koci saddahissati. Tenāhaṃ garahabhayabhīto tamevāharāpemīti. Yakkho bodhisattassa pasīditvā “sādhu paṇḍita, tvameva devadhamme jānāsi, devadhammesu ca vattasī”ti dve bhātaro ānetvā adāsi. Atha naṃ bodhisatto yakkhabhāve ādīnavaṃ kathetvā pañcasu sīlesu patiṭṭhāpesi. So tena susaṃvihitārakkho tasmim araṇṇe vasitvā pitari kālakate yakkhaṃ ādāya Bārāṇasim gantvā rajjaṃ gahetvā Candakumārassa uparajjaṃ, Sūriyakumārassa senāpatiṭṭhānaṃ datvā yakkhassa ramaṇīye t̥hāne āyatanam kārapetvā yathā so lābhaggappatto hoti, tathā akāsi.

1. Khu 5. 2 piṭṭhe Jātake.

Satthā imaṃ dhammadesanaṃ āharitvā jātaṃ samodhānesi “tadā rakkhaso Bahubhaṇḍikabhikkhu ahoṣi, Sūriyakumāro Ānando, Candakumāro Sāriputto, Mahimsakumāro pana ahamevā”ti. Evaṃ Satthā jātaṃ kathetvā “evaṃ tvaṃ bhikkhu pubbe devadhamme gavesamāno hiri-ottappasampanno vicarivā idāni catuparisamajjhe iminā nihārena ṭhatvā mama purato ‘appicchomhī’ti vadanto ayuttaṃ akāsi. Na hi sātakaapaṭikkhepādimattena samaṇo nāma hotī”ti vatvā anusandhim ghaṭetvā dhammaṃ desento imaṃ gāthamāha—

141. “Na naggacariyā na jaṭā na paṅkā,
Nānāsakā thaṇḍilasāyikā vā.
Rajojallaṃ ukkuṭikappadhānaṃ,
Sodhenti maccaṃ avitiṇṇakaṅkhaṇ”ti.

Tattha **nānāsakā**ti na anasakā, bhattapaṭikkhepakāti attho. **Thaṇḍilasāyikā**ti bhūmisayanā¹. **Rajojallanti** kaddamalepanākārena² sarīre sannihitarajo³. **Ukkuṭikappadhānanti** ukkuṭikabhāvena āraddhavīriyaṃ. Idaṃ vuttaṃ hoti—yo hi macco “evaṃ ahaṃ lokanissaraṇasaṅkhātaṃ suddhim pāpuṇissāmi”ti imesu naggacariyādīsu yaṃ kiñci samādāya vatteyya, so kevalaṃ micchādassanañceva vaḍḍheyya, kilamathassa ca bhāgī assa. Na hi etāni susamādinānīpi aṭṭhavatthukāya kaṅkhāya avitiṇṇabhāvena **avitiṇṇakaṅkhaṇ maccaṃ sodhenti**ti.

Desanāvasāne bahū sotāpattiphalādīni pāpuṇimsūti.

Bahubhaṇḍikabhikkhuvatthu aṭṭhamaṇ.

9. Santatimahāmatavattu

Alaṅkato cepīti imaṃ dhammadesanaṃ Satthā Jetavane viharanto Santatimahāmatavattaṃ ārabha kathesi.

So hi ekasmiṃ kāle rañño Pasenadikosalassa paccantaṃ kupitaṃ vūpasamtvā āgato. Athassa rājā tuṭṭho satta divasāni rajjaṃ datvā

1. Bhūmisayanāṃ sayikā vā (Ka)

2. Kaddamalimpanākārena (Sī)

3. Sannicitarajo (Sī, Syā)

ekam naccagītakusalam itthim adāsi. So satta divasāni surāmadamatto hutvā sattame divase sabbālaṅkārapaṭimaṇḍito hatthikkhandhavaragato nhānatittham gacchanto Satthāram piṇḍāya pavisantaṃ dvārantare disvā hatthikkhandhavaragatova sīsam cāletvā vanditvā pakkāmi. Satthā sitam katvā “ko nu kho bhante sitapātukaraṇe hetū”ti Ānandattherena puṭṭho sitakāraṇam ācikkhanto¹ āha “passānanda² Santatimahāmatam, ajja sabbābharaṇapaṭimaṇḍitova mama santikam āgantvā catuppadikagāthāvasāne arahattam patvā sattatālamatte ākāse nisīditvā parinibbāyissati”ti. Mahājano therena saddhim kathentassa Satthu vacanam assosi. Tattha micchādiṭṭhikā cintayimsu “passatha samaṇassa Gotamassa kiriyam, mukhappattameva bhāsati, ajja kira esa evam surāmadamatto yathālaṅkatova etassa santike dhammam sutvā parinibbāyissati, ajjeva tam musāvādena niggaṇhissāmā”ti. Sammādiṭṭhikā cintesum “aho Buddhānam mahānubhāvata³, ajja Buddhalīlaṅceva Santatimahāmattalīlaṅca daṭṭhum labhissāmā”ti.

Santatimahāmattopi nhānatitthe divasabhāgam udakakīlam kīlitvā uyyānam gantvā āpānabhūmiyam nisīdi. Sāpi itthi raṅgamajjham otarivā naccagītam dassetuṃ ārabhi. Tassā sarīralīlāya dassanattham sattāham appāhāratāya tam divasam naccagītam dassayamānāya antokucchiyam satthakavātā samuṭṭhāya hadayamaṅsam kantitvā agamaṅsu. Sā taṅkhaṇañṇeva mukhena ceva akkhīhi ca vivaṭchi kālamakāsi. Santatimahāmatto “upadhāretha nan”ti vatvā “niruddhā sāmī”ti ca vuttamatteyeva balavasokena abhibhūto taṅkhaṇañṇevassa sattāham pītasurā tattakapāle udakabindu viya parikkhayam agamāsi. So “na me imam sokaṃ aṅṅe nibbāpetum sakkhissanti aṅṅatra Tathāgatenā”ti balakāyaparivuto sāyanhasamaye Satthu santikam gantvā vanditvā evamāha “bhante ‘evarūpo me soko uppanno, tam me tumhe nibbāpetum sakkhissathā’ti āgatomhi, paṭisaraṇam me hothā”ti. Atha nam Satthā “sokaṃ nibbāpetum samatthasseva santikam āgatosi. Imissā hi itthiyā imināva ākārena

1. Āvikaronto (Sī)

2. Passathānanda (Sī)

3. Mahānubhāvo (Syā, Ka)

matakāle tava rodantassa paggharita-assūni catunnaṃ mahāsamuddānaṃ udakato atirekatarānī”ti vatvā imaṃ gāthamāha—

“Yaṃ pubbe taṃ visosehi, pacchā te māhu kiñcanaṃ.
Majjhe ce no gahessasi, upasanto carissasi”ti¹.

Gāthāpariyosāne santatimahāmatto arahattaṃ patvā attano āyusañkhāraṃ olokeno tassa appavattanabhāvaṃ ñatvā Satthāraṃ āha “bhante parinibbānaṃ me anujānāthā”ti. Satthā tena katakammaṃ jānantopi “musāvādena niggaṇhanatthaṃ sannipatitā micchādiṭṭhikā okāsaṃ na labhissanti, ‘Buddhalīlañceva Santatimahāmattalīlañca passissāmā’ti sannipatitā sammādiṭṭhikā iminā katakammaṃ sutvā puññesu ādaraṃ karissanti”ti sallakkhetvā “tena hi tayā katakammaṃ mayhaṃ kathehi, kathento ca bhūmiyaṃ ṭhito akathetvā sattatālamatte ākāse ṭhito kathehī”ti āha. So “sādhu bhante”ti Satthāraṃ vanditvā ekatālappamāṇaṃ uggamma orohitvā puna Satthāraṃ vanditvā uggacchanto paṭipāṭiyā sattatālappamāṇe ākāse pallaṅkena nisīditvā “suṇātha me bhante pubbakammaṃ”ti vatvā āha—

Ito ekanavutikappe Vipassīsammasambuddhakāle ahaṃ Bandhumatinagare ekasmiṃ kule nibbattitvā cintesiṃ “kiṃ nu kho paresaṃ chedaṃ vā pīlaṃ vā akaraṇakammaṃ”ti upadhārento dhammaghosakakammaṃ disvā tato paṭṭhāya taṃ kammaṃ karonto mahājanaṃ samādapetvā “puññāni karotha, uposathadivasesu uposathaṃ samādiyatha, dānaṃ detha, dhammaṃ suṇātha, Buddharatanādīhi sadisaṃ aññaṃ nāma natthi, tiṇṇaṃ ratanānaṃ sakkāraṃ karotha”ti ugghosento vicarāmi. Tassa mayhaṃ saddaṃ sutvā Buddhapitā Bandhumatimahārājā maṃ pakkosāpetvā “tāta kiṃ karonto vicarasi”ti pucchitvā “deva tiṇṇaṃ ratanānaṃ guṇaṃ pakāsetvā mahājanaṃ puññakammesu samādapento vicarāmi”ti vutte “kattha nisinno vicarasi”ti maṃ pucchitvā “padasāva devā”ti mayā vutte “tāta na tvaṃ evaṃ vicarituṃ arahasi, imaṃ pupphadāmaṃ pilandhitvā assapiṭṭhe nisinnova vicarā”ti mayhaṃ muttādāmasadisāṃ pupphadāmaṃ datvā dantaṃ assaṃ adāsi. Atha maṃ raññā dinnaparihārena theveva

1. Khu 1. 425, 445; Khu 8. 146 piṭṭhesu.

uggosetvā vicarantaṃ puna rājā pakkosāpetvā “tāta kiṃ karonto vicarasī”ti pucchitvā “tadeva devā”ti vutte “tāta assopi te nānucchaviko, idha nisīditvā vicarā”ti catusindhavayuttarathaṃ adāsi. Tatiyavārepi me rājā saddaṃ sutvā pakkosāpetvā “tāta kiṃ karonto vicarasī”ti pucchitvā “tadeva devā”ti vutte “tāta rathopi te nānucchaviko”ti mayhaṃ mahantaṃ bhogakkhandhaṃ mahāpasādhanañca datvā ekañca hatthiṃ adāsi. Svāhaṃ sabbābharaṇapaṭimaṇḍito hatthikkhandhe nisinno asīti vassasahassāni dhammaghosakakammaṃ akāsim, tassa me ettakaṃ kālaṃ kāyato candanagandho vāyati, mukhato uppalaṅgandho vāyati. Idaṃ mayā katakammanti.

Evam so attano pubbakammaṃ kathetvā ākāse nisinnova tejodhātuṃ samāpajjitvā parinibbāyi. Sarīre aggijālā uṭṭhahitvā maṃsalohitaṃ jhāpesi, sumanapupphāni viya¹ dhātuyo avasissimsu. Satthā suddhavatthaṃ pasāresi, dhātuyo tattha patimsu. Tā patte pakkhipitvā catumahāpathe thūpaṃ kāresi “mahājano vanditvā puññabhāgī bhavissatī”ti. Bhikkhū dhammasabhāyaṃ kathaṃ samuṭṭhāpesuṃ “āvuso Santatimahāmatto gāthāvasāne arahattaṃ patvā alaṅkatapaṭiyattoyeva ākāse nisīditvā parinibbuto, kiṃ nu kho etaṃ ‘samaṇo’ti vattuṃ vaṭṭati udāhu brāhmaṇo”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “bhikkhave mama puttaṃ ‘samaṇo’tipi vattuṃ vaṭṭati, ‘brāhmaṇo’tipi vattuṃ vaṭṭatiyevā”ti vatvā dhammaṃ desento imaṃ gāthamāha—

142. “Alaṅkato cepi samaṃ careyya,
Santo danto niyato brahmacārī.
Sabbesu bhūtesu nidhāya daṇḍaṃ,
So brāhmaṇo so samaṇo sa bhikkhū”ti.

Tattha **alaṅkatoti** vatthābharaṇehi paṭimaṇḍito. Tassattho—
vatthālaṅkāradīhi alaṅkato **cepi** puggalo kāyādīhi **samaṃ careyya**,
rāgādivūpasamena **santo** indriyadamanena **danto** catumagganiyamena **niyato**

1. Suvanṇapupphāni viya (Ka)

seṭṭhacariyāya **brahmacārī** kāyadaṇḍādīnaṃ oropitatāya **sabbesu bhūtesu nidhāya daṇḍaṃ**¹. So evarūpo bāhitapāpattā **brāhmaṇotipi** samitapāpattā **samaṇotipi** bhinnakilesattā **bhikkhūtipi** vattabbojevāti.

Desanāvasāne bahū sotāpattiphalādīni pāpuṇimsūti.

Santatimahāmattavattu navamaṃ.

10. Pilotikatissattheravattu

Hirīnisedhoti imaṃ dhammadesanaṃ Satthā Jetavane viharanto Pilotikattheraṃ ārabba kathesi.

Ekasmiṃ hi samaye Ānandatthero ekaṃ pilotikakhaṇḍanivatthaṃ kapālaṃ ādāya bhikkhāya carantaṃ dāraḥ disvā “kiṃ te evaṃ vicaritvā jīvanato² pabbajjā na uttaritarā”ti vatvā “bhante ko maṃ pabbājessatī”ti vutte “ahaṃ pabbājessāmi”ti taṃ ādāya gantvā sahatthā nhāpetvā kammaṭṭhānaṃ datvā pabbājesi. Tañca³ pana nivatthapilotikakhaṇḍaṃ pasāretvā olokento parissāvanakaraṇamattampi gayhūpagaṃ kañci padesaṃ adisvā kapālena saddhiṃ ekissā rukkhāsākhāya ṭhapesi. So pabbajitvā laddhūpasampado Buddhānaṃ uppānalābhasakkāraṃ paribhuñjamāno mahagghāni cīvarāni acchādetvā vicaranto thūlasarīro hutvā ukkaṇṭhitvā “kiṃ me janassa saddhādeyyaṃ nivāsetvā vicaraṇena, attano pilotikameva nivāsessāmi”ti taṃ ṭhānaṃ gantvā pilotikaṃ gahetvā “ahirika nillajja evarūpānaṃ vatthānaṃ acchādanaṭṭhānaṃ pahāya imaṃ pilotikakhaṇḍaṃ nivāsetvā kapālahattho bhikkhāya caritum gacchasi”ti taṃ ārammaṇaṃ katvā attanāva attānaṃ ovadi, ovadantasseva panassa cittaṃ sannisīdi⁴. So taṃ pilotikaṃ tattheva paṭisāmetvā nivattitvā vihārameva gato. So katipāhaccayena punapi ukkaṇṭhitvā tattheva vatvā nivatti, punapi tathevāti. Taṃ evaṃ aparāparaṃ vicarantaṃ disvā bhikkhū

1. Nihitadaṇḍo (Sī)

3. Tena (Syā)

2. Jivitato (Syā, Ka)

4. Pasīdi (Syā)

“kahaṃ āvuso gacchasi”ti pucchanti. So “ācariyassa santikaṃ gacchāmāvuso”ti vatvā eteneva nīhārena attano pilotikakhaṇḍameva ārammaṇaṃ katvā attānaṃ nisedhetvā katipāheneva arahattaṃ pāpuṇi. Bhikkhū āhaṃsu “kiṃ āvuso na dāni ācariyassa santikaṃ gacchasi, nanu ayaṃ te vicaraṇamaggo”ti. Āvuso ācariyena saddhiṃ saṃsagge sati gatomi, idāni pana me chinno saṃsaggo, tenassa santikaṃ na gacchāmīti. Bhikkhū Tathāgatassa ārocesuṃ “bhante Pilotikatthero aññaṃ byākaroti”ti. Kimāha bhikkhave. Idaṃ nāma bhanteti. Taṃ sutvā Satthā “āma bhikkhave, mama putto saṃsagge sati ācariyassa santikaṃ gato, idāni panassa saṃsaggo chinno, attanāva attānaṃ nisedhetvā arahattaṃ patto”ti vatvā imā gāthā abhāsi—

143. “Hirīnisedho puriso, koci lokasmiṃ vijjati.

Yo niddaṃ apabodheti, asso bhadro kasāmiva.

144. Asso yathā bhadro kasāniviṭṭho,

Ātāpino saṃvegiṇo bhavātha.

Saddhāya sīlena ca vīriyena ca,

Samādhinā dhammavinicchayena ca.

Sampannavijjācaraṇā patissatā,

Jahissatha dukkhamidaṃ anappakaṃ”ti.

Tattha anto uppannaṃ akusalavitakkaṃ hiriyā nisedhetīti **hirīnisedho**. **Kocilokasmiṃ**ti evarūpo puggalo dullabho, kocideva lokasmiṃ **vijjati**. **Yo niddanti** appamatto samaṇadhammaṃ karonto attano uppannaṃ niddaṃ apaharanto bujjhatīti **apabodheti**¹. **Kasāmivā**ti yathā **bhadro asso** attani patamānaṃ kasaṃ apaharati, attani patitum na deti. Yo evaṃ niddaṃ apabodheti, so dullabhoti attho.

Dutiya-gāthāya ayaṃ saṅkhepattho—“bhikkhave yathā **bhadro asso** pamādamāgamma kasāya nivīṭṭho, ahampi nāma kasāya paḥaṭo”ti aparabhāge ātappaṃ karoti, evaṃ tumhepi **ātāpino saṃvegiṇo**

1. Apabodhati (Sī)

bhavatha, evaṃbhūtā lokiyalokuttarāya duvidhāya **saddhāya** ca catupārisuddhisīlena ca kāyikacetasikavīriyena ca aṭṭhasamāpattisamādhinā ca kāraṇākāraṇajānanalakkhaṇena **dhammavinicchayena** ca samannāgatā hutvā tissannaṃ vā aṭṭhannaṃ vā vijjānaṃ, pañcadasannaṃ ca caraṇānaṃ sampattiyā **sampannavijjācaraṇā**. Upaṭṭhitasatitāya **patissatā** hutvā idaṃ anappakaṃ vaṭṭadukkhaṃ pajahissathāti.

Desanāvasāne bahū sotāpattiphalādīni pāpuṇimsūti.

Pilotikatissattheravatthu dasamaṃ.

11. Sukhasāmaṇeravatthu

Udakaṃ hi nayantīti imaṃ dhammadesanaṃ Sathā Jetavane viharanto Sukhasāmaṇeraṃ ārabha kathesi.

Atītasmiṃ hi Bārāṇasiseṭṭhino Gandhakumāro nāma putto ahosi. Rājā tassa pitari kālakate taṃ pakkosāpetvā samassāsetvā mahantena sakkārena tasseva seṭṭhiṭṭhānaṃ adāsī. So tato paṭṭhāya **Gandhaseṭṭhīti** paññāyi. Athassa bhaṇḍāgāriko dhanagabbhadvāraṃ vivarivā “sāmi idaṃ te ettakaṃ pitu dhanāṃ, ettakaṃ pitāmahādīnaṃ”ti nīharivā dassesi. So taṃ dhanarāsīṃ oloketvā āha “kiṃ pana te imaṃ dhanāṃ gahetvā na gamimsū”ti. Sāmi dhanāṃ gahetvā gatā nāma natthi. Attanā kataṃ kusalākusalameva hi ādāya sattā gacchantīti. So cintesi “te bālatāya dhanāṃ saṅṭhāpetvā¹ pahāya gatā, ahaṃ panetaṃ gahetvāva gamissāmi”ti. Evaṃ pana cintento “dānaṃ vā dassāmi, pūjāṃ vā karissāmi”ti acintetvā “idaṃ sabbaṃ khāditvāva gamissāmi”ti cintesi. So satasahassaṃ vissajjetvā phalikamayaṃ nhānakoṭṭhakaṃ kāresi, satasahassaṃ datvā phalikamayameva nhānaphalakaṃ, satasahassaṃ datvā nisīdanapallaṅkaṃ, satasahassaṃ datvā bhojanapātiṃ, satasahassameva datvā bhojanaṭṭhāne maṇḍapaṃ kārāpesi, satasahassaṃ datvā bhojanapātiyā āsittakūpadhānaṃ kāresi, satasahasseneva

1. Thapetvā (Sī)

gehe sīhapañjaraṃ saṅṭhāpesi, attano pātarāsattāya sahasaṃ adāsi, sāyamāsattāyapi sahasameva. Puṇṇamadivase pana bhojanattāya satahasaṃ dāpesi, taṃ bhattaṃ bhuñjanadivase satahasaṃ vissajjetvā nagaraṃ alaṅkaritvā bheriṃ carāpesi “Gandhaseṭṭhissa kira bhattabhuñjanākāraṃ oloketū”ti.

Mahājano mañcātimañce bandhitvā sannipati. Sopi satahasagghanake nhānakoṭṭhake satahasagghanake phalake nisīditvā soḷasahi gandhodakaghaṭehi nhatvā taṃ sīhapañjaraṃ vivaritvā tasmim̐ pallaṅke nisīdi. Athassa tasmim̐ āsittakūpadhāne taṃ pātim̐ ṭhapetvā satahasagghanakaṃ bhojanaṃ vadḍhesuṃ. So nāṭakaparivuto evarūpāya sampattiyā taṃ bhojanaṃ bhuñjati. Aparena samayena eko gāmikamanusso attano paribbayāharaṇatthaṃ dāru-ādīni yānake pakkhipitvā nagaraṃ gantvā sahāyakassa gehe nivāsaṃ gaṇhi. Tadā pana puṇṇamadivaso hoti. “Gandhaseṭṭhino bhuñjanalīlaṃ oloketū”ti¹ nagare bheriṃ carāpesi. Atha naṃ sahāyako āha “samma Gandhaseṭṭhino te bhuñjanalīlaṃ diṭṭhapubban”ti. Na diṭṭhapubbaṃ sammāti. “Tena hi ehi, gacchāma, ayaṃ nagare bherī carati², etassa mahāsampattim̐ passāmā”ti nagaravāsī janapadavāsīm̐ gahetvā agamāsi. Mahājanopi mañcātimañce abhiruhitvā passati. Gānavāsī bhattagandhaṃ ghāyitvāva nagaravāsīm̐ āha “mayhaṃ etāya pātiyā bhattapiṇḍe pipāsā jātā”ti. Samma mā etaṃ patthayi, na sakkā laddhanti. Samma alabhanto na jīvissāmīti. So taṃ paṭibāhituṃ asakkonto parisapariyante ṭhatvā “paṇamāmi te sāmī”ti tikkhattuṃ mahāsaddaṃ nicchāretvā “ko eso”ti vutte ahaṃ sāmīti. Kimetanti. Ayaṃ eko gānavāsī tumhākaṃ pātiyaṃ bhattapiṇḍe pipāsaṃ uppādesi, ekaṃ bhattapiṇḍaṃ dāpethāti. Na sakkā laddhanti. Kim̐ samma sutāṃ teti. Sutāṃ me, apica labhanto jīvissāmi, alabhantassa me maraṇaṃ bhavissatīti. So punapi viravi “ayaṃ kira sāmī alabhanto marissati, jīvitamassa dethā”ti. Ambho bhattapiṇḍo nāma satampi agghati, satadvayampi agghati. Yo yo yācati, tassa tassa dadamāno ahaṃ kim̐ bhuñjissāmīti. Sāmī ayaṃ alabhanto marissati, jīvitamassa dethāti. Na sakkāva mudhā laddhuṃ, yadi

1. Oloketūti (Sī, Ka)

2. Bheriṃ carāpeti (Syā, Ka)

pana alabhanto na jīvati, tīṇi saṁvaccharāni mama gehe bhatim karotu, evamassa bhattapātim dāpessāmīti. Gāmvāsī tam sutvā “evam hotu sammā”ti sahāyakam vatvā puttadāram pahāya “bhattapāti-atthāya tīṇi saṁvaccharāni bhatim karissāmī”ti seṭṭhissa geham pāvīsi. So bhatim karonto sabbakiccāni sakkaccam akāsi. Gehe vā araṅṅe vā rattim vā divā vā¹ sabbāni kattabbakammāni katāneva paññāyimsu. “Bhattabhatiko”ti ca vutte sakalanagarepi paññāyi. Athassa divase paripuṇṇe bhattaveyyāvaṭiko “bhattabhatikassa sāmi divaso puṇṇo, dukkaram tena katam tīṇi saṁvaccharāni bhatim karontena, ekampi kammam na kopitapubban”ti āha.

Athassa seṭṭhi attano sāyapātarāsathāya dve sahasāni, tassa pātarāsathāya sahasanti tīṇi sahasāni dāpetvā āha “ajja mayham kattabham parihāram tasseva karoṭhā”ti. Vatvā ca pana ṭhapetvā ekam cintāmaṇim nāma piyabhariyam avasesajanampi “ajja tameva parivārethā”ti vatvā sabbasampattim tassa niyyādesi. So seṭṭhino nhānodakena tasseva² koṭṭhake tasmim phalake nisimmo nhatvā tasseva nivāsanasātake nivāsetvā tasseva pallaṅke nisīdi. Seṭṭhipi nagare bherim carāpesi “bhattabhatiko Gandhaseṭṭhissa gehe tīṇi saṁvaccharāni bhatim katvā pātim labhi, tassa bhuñjanasampattim oloketū”ti. Mahājano mañcātimañce abhiruhitvā passati, gāmvāsissa olokitolokitattāhānam kampanākārappattam ahosi. Nāṭakā parivāretvā aṭṭhamasu, tassa purato bhattapātim vaḍḍhetvā ṭhapayimsu. Athassa hatthadhovanavelāya Gandhamādane eko Paccekabuddho sattame divase samāpattito vuṭṭhāya “kattha nu kho ajja bhikkhācārathāya gacchāmī”ti upadhārento bhattabhatikam addasa. Atha so³ “ayam tīṇi saṁvaccharāni bhatim katvā bhattapātim labhi, atthi nu kho etassa saddhā, natthi”ti upadhārento “atthi”ti ṇatvā “saddhāpi ekacce saṅgaham kātum na sakkonti, sakkhissati nu kho me saṅgaham kātum”ti cintetvā “sakkhissati ceva mama ca saṅgahakaraṇam nissāya mahāsampattim

1. Divā vā rattim vā (Sī)

2. Tattheva (Syā)

3. Athassa etadahosi (Sī, Ka)

labhissatī”ti ñatvā cīvaram pārupitvā pattamādāya vehāsam abhuggantvā parisantarena gantvā tassa purato ÷hitameva attānam dassesi.

So Paccekabuddham disvā cintesi “aham pubbe adinnabhāvena ekissā bhattapātiyā atthāya tīṇi samvaccharāni paragehe bhatim akāsim, idāni me idam bhattam ekaṃ rattindivam rakkheyya, sace pana nam ayyassa dassāmi, anekānipi kappakoṭisahasāni rakkhissati, ayyasseva nam dassāmi”ti. So tīṇi samvaccharāni bhatim katvā laddhabhattapātito ekapiṇḍampi mukhe aṭṭhapetvā taṇham vinodetvā sayameva pātīm ukkhipitvā Paccekabuddhassa santikam gantvā pātīm aññassa hatthe datvā pañcapatiṭṭhitena vanditvā pātīm vāmahatthena gahetvā dakkhiṇahatthena tassa patte bhattam ākiri. Paccekabuddho bhattassa upaḍḍhasesakāle pattam hatthena pidahi. Atha nam so āha “bhante ekova paṭiviso na sakkā dvidhā kātum, mā maṃ idhalokena¹ saṅgaṇhatha, paralokena² saṅgahameva karoṭha, sāvasesam akatvā niravasesameva dassāmi”ti. Attano hi thokampi anavasesetvā dinnam niravasesadānam nāma, tam mahapphalam hoti. So tathā karonto sabbam datvā puna vanditvā āha “bhante ekaṃ bhattapātīm nissāya tīṇi samvaccharāni me paragehe bhatim karontena dukkham anubhūtam, idāni me nibbattanibbattaṭṭhāne sukhameva hotu, tumhehi diṭṭhadhammasseva bhāgī assan”ti. Paccekabuddho “evam hotu, cintāmaṇi viya te sabbakāmadado manosānkappā³ puṇṇacando viya pūrentū”ti anumodanam karonto—

“Icchitam patthitam tuyham, sabbameva samijjhatu.

Sabbe pūrentu saṅkappā, cando pannaraso yathā⁴.

Icchitam patthitam tuyham, khippameva samijjhatu.

Sabbe pūrentu saṅkappā, maṇi jotiraso yathā”ti—

Vatvā “ayam mahājano yāva Gandhamādanapabbatagamanā maṃ passanto tiṭṭhatū”ti adhiṭṭhāya ākāsenā Gandhamādanam agamāsi.

1. Idhaloke (Syā, Ka)

2. Paraloke (Syā, Ka)

3. Sabbakāme dadamānā saṅkappā (Syā)

4. Dī-Ṭṭha 2. 82; Am-Ṭṭha 1. 146; Dhammapada-Ṭṭha 1. 127 piṭṭhesupi.

Mahājanopi nam passantova aṭṭhāsi. So tattha gantvā taṃ piṇḍapātaṃ pañcasatānaṃ Paccekabuddhānaṃ vibhajitvā adāsi. Sabbe attano pahonakaṃ gaṇhimṣu. “Appo piṇḍapāto kathaṃ pahosī”ti na cintetabbaṃ. Cattāri hi acinteyyāni¹ vuttāni, tatrāyaṃ Paccekabuddhavisayoti. Mahājano Paccekabuddhānaṃ piṇḍapātaṃ vibhajitvā diyyamānaṃ disvā sādhu-kārasahassāni pavattesi, asanisatanipātasaddo viya² ahosi. Taṃ sutvā Gandhaseṭṭhi cintesi “bhattabhatiko mayā dinnasampattiṃ dhāretuṃ nāsakkhi maññe, tenāyaṃ mahājano parihāsaṃ karonto sannipatito nadati”ti. So tappavattijānanatthaṃ manusse pesesi. Te āgantvā “sampattidhārakā nāma sāmi evaṃ hontū”ti³ vatvā taṃ pavattiṃ ārocesuṃ. Seṭṭhi taṃ sutvāva pañcavaṇṇāya pītiyā phuṭṭhasarīro hutvā “aho dukkaraṃ tena kataṃ, ahaṃ ettakaṃ kālaṃ evarūpāya sampattiyā ṭhito kiñci dātuṃ nāsakkhin”ti taṃ pakkosāpetvā “saccaṃ kira tayā idam nāma katan”ti pucchitvā “āma sāmi”ti vutte “handā sahasaṃ gahetvā tava dāne mayhampi pattim dehi”ti āha. So tathā akāsi. Seṭṭhipissa sabbaṃ attano santakaṃ majjhe bhinditvā adāsi.

Catasso hi sampadā nāma vatthusampadā paccayasampadā cetanāsampadā guṇātirekasampadāti. Tattha nirodhasamāpattiraho⁴ arahā vā anāgāmī vā dakkhiṇeyyo **vatthusampadā** nāma. Paccayānaṃ dhammena samena uppatti **paccayasampadā** nāma. Dānato pubbe dānakāle pacchā bhāgeti tīsu kālesu cetanāya somanassasahagatañānasampayuttabhāvo **cetanāsampadā** nāma. Dakkhiṇeyyassa samāpattito vuṭṭhitabhāvo **guṇātirekasampadā** nāmāti. Imassa ca khīṇāsavo Paccekabuddho dakkhiṇeyyo, bhatim katvā laddhabhāvena paccayo dhammato uppanno, tīsu kālesu parisuddhā cetanā, samāpattito vuṭṭhitamatto Paccekabuddho guṇātirekoti catassopi sampadā nipphannā. Etāsaṃ ānubhāvena diṭṭheva dhamme mahāsampattiṃ pāpuṇanti⁵. Tasmā so seṭṭhino santikā sampattiṃ labhi.

1. Am 1. 392 piṭṭhe.

3. Sampattidhārako nāma sāmi evarūpo hotīti (Syā)

4. Nirodhasamāpattito vuṭṭhito (Sī, Ka)

2. Asanipātasaddo viya (Syā)

5. Pāpuṇāti (Syā, Ka)

aparabhāge ca rājāpi iminā katakammaṃ sutvā taṃ pakkosāpetvā sahaṣṣaṃ datvā pattim̃ gahetvā tuṭṭhamānaso mahantaṃ bhogakkhandhaṃ datvā seṭṭhiṭṭhānaṃ adāsi. **Bhattabhatikaseṭṭhī**tissa nāmaṃ akāsi. So Gandhaseṭṭhinā saddhim̃ sahāyo hutvā ekato khādanto pivanto yāvatāyukaṃ ṭhatvā tato cuto devaloke nibbattitvā ekaṃ Buddhantaraṃ dibbasampattim̃ anubhavitvā imasmim̃ Buddhuppāde Sāvattiyam̃ Sāriputtattherassūpaṭṭhākakule paṭisandhim̃ gaṇhi. Athassa mātā laddhagabbhaparihārā katipāhaccayena “aho vatāhaṃ pañcasatehi bhikkhūhi saddhim̃ Sāriputtattherassa satarasabhojanaṃ datvā kāsāyavatthanivatthā suvaṇṇasarakam̃ ādāya āsanapariyante nisinnā tesam̃ bhikkhūnaṃ ucchiṭṭhāvesesakam̃ paribhuñjeyyan”ti dohaḷinī hutvā tatheva katvā dohaḷam̃ paṭivinodesi¹. Sā sesamaṅgalesupi tathārūpameva dānaṃ datvā puttam̃ vijāyitvā nāmaggaḥaṇadivase “puttassa me bhante sikkhāpadāni dethā”ti theram̃ āha. Thero “kimassa nāman”ti pucchi. “Bhante puttassa me paṭisandhiggaḥaṇato paṭṭhāya imasmim̃ gehe kassaci dukkham̃ nāma na bhūtapubbam̃, tenevassa **Sukhakumāro**ti nāmaṃ bhavissati”ti vutte tadevassa nāmaṃ gahetvā sikkhāpadāni adāsi.

Tadā evaṅcassa mātu “nāhaṃ mama puttassa ajjhāsayaṃ bhindissāmī”ti cittam̃ uppajji. Sā tassa kaṇṇavijjhanamaṅgalādīsipi tatheva dānaṃ adāsi. Kumāropi sattavassikakāle “icchāmahaṃ amma therassa santike pabbajitun”ti āha. Sā “sādhu tāta, nāhaṃ tava ajjhāsayaṃ bhindissāmī”ti theram̃ nimantetvā bhojetvā “bhante putto me pabbajitum̃ icchatī, imāhaṃ sāyanhasamaye vihāraṃ ānessāmī”ti theram̃ uyyojetvā nātake sannipātetvā “puttassa me gihikāle kattabbam̃ kiccaṃ ajjeva karissāmā”ti vatvā puttam̃ alaṅkaritvā mahantena sirisobhaggena vihāraṃ netvā therassa niyyādesi. Theropi taṃ “tāta pabbajjā nāma dukkarā, sakkhissasi abhiramitun”ti vatvā “karissāmī vo bhante ovādan”ti vutte kammaṭṭhānaṃ datvā pabbājesi. Mātāpitaropissa pabbajjāya sakkāraṃ karontā antovihāreyeva sattāhaṃ Buddhappamukhassa bhikkhusaṃghassa satarasabhojanaṃ datvā sāyaṃ attano geham̃ agamaṃsu. Aṭṭhame divase Sāriputtatthero bhikkhusaṃghe gāmaṃ pavitṭhe vihāre kattabbakiccaṃ katvā sāmaṇeraṃ pattacīvaram̃

1. Paṭivinesī (Si)

gāhāpetvā gāmaṃ piṇḍāya pāvīsi. Sāmaṇero antarāmagge mātīkāḍīni disvā Paṇḍitasāmaṇero viya pucchi. Theropi tassa tatheva byākāsi. Sāmaṇero tāni kāraṇāni sutvā “sace tumhe attano pattacīvaraṃ gaṇheyyātha, ahaṃ nivatteyyan”ti vatvā therena tassa ajjhāsayaṃ abhinditvā “sāmaṇera dehi mama pattacīvaran”ti pattacīvare gahite theram vanditvā nivattamāno “bhante mayhaṃ āhāraṃ āharamāno satarasabhojanaṃ āhareyyāthā”ti āha. Kuto taṃ labhissāmīti. Attano puññaena alabhanto mama puññaena labhissatha bhanteti. Athassa thero kuñcikaṃ datvā gāmaṃ piṇḍāya pāvīsi. Sopi vihāraṃ āgantvā therassa gabbhaṃ vivaritvā pavisitvā dvāraṃ pidhāya attano kāye ñāṇaṃ otāretvā nisīdi.

Tassa guṇatejena Sakkassa āsanaṃ uṇhākāraṃ dassesi. Sakko “kiṃ nu kho etan”ti olokento sāmaṇeraṃ disvā “Sukhasāmaṇero attano upajjhāyassa pattacīvaraṃ datvā ‘samaṇadhammaṃ karissāmī’ti nivatto, mayā tattha gantuṃ vaṭṭatī”ti cintetvā cattāro mahārāje pakkosāpetvā “gacchatha tātā, vihārassūpavane dussaddake¹ sakuṇe palāpethā”ti uyyojesi. Te tathā katvā sāmanta² ārakkhaṃ gaṇhimsu. Candimasūriye³ “attano vimānāni gahetvā tiṭṭhathā”ti āṇāpesi. Tepi tathā karimsu. Sayampi āviñchanaṭṭhāne ārakkhaṃ gaṇhi. Vihāro⁴ sannisinno niravo ahosi. Sāmaṇero ekaggacittena vipassanaṃ vadḍhetvā tīṇi maggaphalāni pāpuṇi. Thero “sāmaṇerena ‘satarasabhojanaṃ āhareyyāthā’ti vuttaṃ, kassa nu kho ghare sakkā laddhun”ti olokento ekaṃ ajjhāsayasampannaṃ upaṭṭhākakulaṃ disvā tattha gantvā “bhante sādhu vo kataṃ ajja idhāgacchantehī”ti tehi tuṭṭhamānasehi pattam gahetvā nisīdāpetvā yāgukhajjakaṃ datvā yāva bhattakālaṃ dhammakathaṃ yācito tesam saraṇīyadhammakathaṃ kathetvā kālaṃ sallakkhetvā desanaṃ niṭṭhāpesi. Athassa satarasabhojanaṃ datvā taṃ ādāya gantukāmaṃ theram disvā “bhuñjatha bhante, aparampi te dassāmā”ti theram bhojetvā puna pattapūraṃ adamsu. Thero taṃ ādāya “sāmaṇero me chāto”ti

1. Dussadde (Ka) 2. Samantā (Sī) 3. Candimasūriyā (Sī) 4. Vihāre (Sī, Ka)

turitaturito vihāraṃ pāyāsi. Taṃ divasaṃ Satthā pātova nikkhamitvā Gandhakuṭiyāṃ nisinnova āvajjesi “ajja Sukhasāmaṇero upajjhāyassa pattacīvaraṃ datvā ‘samaṇadhammaṃ karissāmi’ti nivatto, nipphannaṃ nu kho tassa kiccaṃ”ti. So tiṇṇaṃyeva maggaphalānaṃ pattabhāvaṃ disvā uttaripe upadhārento “sakkhissatāyaṃ ajja arahattaṃ pāpuṇitum, Sāriputto pana ‘sāmaṇero me chāto’ti vegena bhattaṃ ādāya nikkhamati, sace imasmiṃ arahattaṃ appatte bhattaṃ āharissati, imassa antarāyo bhavissati, mayā gantvā dvārakoṭṭhake ārakkhaṃ gaṇhitum vaṭṭatī”ti cintetvā Gandhakuṭito nikkhamitvā dvārakoṭṭhake ṭhatvā ārakkhaṃ gaṇhi.

Theropi bhattaṃ āhari. Atha naṃ heṭṭhā vuttanayeneva cattāro pañhe pucchi. Pañhavissajjanāvasāne sāmaṇero arahattaṃ pāpuṇi. Satthā therāṃ āmantetvā “gaccha Sāriputta, sāmaṇerassa te bhattaṃ dehi”ti āha. Thero gantvā dvāraṃ ākoṭesi. Sāmaṇeropi nikkhamitvā upajjhāyassa vattaṃ katvā “bhattakiccaṃ karohi”ti vutte therassa bhattena anattikabhāvaṃ ñatvā Sattavassikakumāro taṅkhaṇaṇṇeva arahattaṃ patto nīcāsanaṭṭhānaṃ¹ paccavekkhanto bhattakiccaṃ katvā pattaṃ dhovi. Tasmīṃ kāle cattāro mahārājāno ārakkhaṃ vissajjesuṃ. Candimasūriyāpi vimānāni muñcīmsu. Sakkopi āviñchanaṭṭhāne ārakkhaṃ vissajjesi. Sūriyo nabhamajjhaṃ atikkantoyeva paññāyati. Bhikkhū “sāyanho paññāyati, sāmaṇerena ca idāneva bhattakiccaṃ kataṃ, kiṃ nu kho ajja pubbaṇho balavā jāto, sāyanho mando”ti vadīmsu. Satthā āgantvā “kāya nuttha bhikkhave etarahi kathāya sannisinnā”ti pucchitvā “bhante ajja pubbaṇho balavā jāto, sāyanho mando, sāmaṇerena ca idāneva bhattakiccaṃ kataṃ, atha ca pana sūriyo nabhamajjhaṃ atikkantoyeva paññāyati”ti vutte “bhikkhave evamevaṃ hoti puññavantānaṃ samaṇadhammakaraṇakāle. Ajja hi cattāro mahārājāno sāmantaṃ ārakkhaṃ gaṇhiṃsu, candimasūriyā vimānāni gahetvā aṭṭhaṃsu, sakko āviñchanaṃ ārakkhaṃ gaṇhi, ahampi dvārakoṭṭhake ārakkhaṃ gaṇhiṃ, ajja Sukhasāmaṇero mātīkāya udakaṃ harante, usukāre usuṃ ujum

1. Nibbānaṭṭhānaṃ (Sī, Ka)

karonte, tacchake cakkādīni karonte disvā attānaṃ dametvā arahattaṃ patto”ti vatvā imaṃ gāthamāha—

145. “Udakaṃ hi nayanti nettikā, usukārā namayanti tejanaṃ.

Dāruṃ namayanti tacchakā, attānaṃ damayanti subbatā”ti.

Tattha **subbatā**ti suvadā, sukkena ovaḍḍitabbā anusāsitaḍḍatāti attho. Sesam heṭṭhā vuttanayameva.

Desanāvasāne bahū sotāpattiphalādīni pāpuṇimsūti.

Sukhasāmaṇḍeravattu ekādasamaṃ.

Daṇḍavaggavaṇṇanā niṭṭhitā.

Dasamo vaggo.

11. Jarāvagga

1. Visākhāya sahāyikānaṃ vatthu

Ko nu hāso kimānandoti imaṃ dhammadesanaṃ Sathā Jetavane viharanto Visākhāya sahāyikāyo ārabba kathesi.

Sāvatthiyaṃ kira pañcasatā kulaputtā “evaṃ imā appamādavihāriniyo bhavissantī”ti attano attano bhariyāyo Visākhaṃ mahā-upāsikaṃ sampatiḥchāpesuṃ. Tā uyyānaṃ vā vihāraṃ vā gacchantiyo tāya saddhimyeva gacchanti. Tā ekasmiṃ kāle “sattāhaṃ surāchaṇo bhavissatī”ti chaṇe saṅghuṭṭhe attano attano sāmikānaṃ suraṃ paṭiyādesuṃ. Te sattāhaṃ surāchaṇaṃ kīḷitvā aṭṭhame divase kammantabheriyā nikkhantāya kammante agamaṃsu¹. Tāpi itthiyo “mayaṃ sāmikānaṃ sammukhā suraṃ pātum na labhimhā, avasesā surā ca atthi, idaṃ yathā te na jānanti, tathā pivissāmā”ti Visākhāya santikaṃ gantvā “icchāma ayye uyyānaṃ daṭṭhun”ti vatvā “sādhu ammā, tena hi kattabbakiccāni katvā nikkhamathā”ti vutte tāya saddhim gantvā paṭicchannākārena suraṃ niharāpetvā uyyāne pivitvā mattā vicarimsu. Visākhāpi “ayuttam imāhi kataṃ, idāni maṃ ‘samaṇassa Gotamassa sāvika Visākhā suraṃ pivitvā vicarati’ti titthiyāpi garahissantī”ti cintetvā tā itthiyo āha “ammā ayuttam vo kataṃ, mamapi ayaso uppādito, sāmikāpi vo kujjhissanti, idāni kim karissathā”ti. Gilānālayaṃ dassayissāma ayyeti. Tena hi paññāyissatha sakena kammenāti. Tā gehaṃ gantvā gilānālayaṃ karimsu. Atha tāsā sāmikā “itthannāmā ca itthannāmā ca kahaṃ”ti pucchitvā “gilānā”ti sutvā “addhā etāhi avasesasurā pītā bhavissantī”ti sallakkhetvā tā pothetvā anayabyasanaṃ pāpesuṃ. Tā aparasmimpi chaṇavāre tatheva suraṃ pivitukāmā Visākhaṃ upasaṅkamtivā “ayye uyyānaṃ no nehī”ti vatvā “pubbepi me tumhehi ayaso uppādito, gacchatha, na vo ahaṃ nessāmi”ti tāya paṭikkhittā “idāni evaṃ na karissāmā”ti sammantayitvā² puna taṃ upasaṅkamtivā āhaṃsu

1. Kammantakiriyaṃ nikkhantā agamaṃsu (Syā)

2. Samassāsetvā (Syā, Ka)

“ayye Buddhapūjam kātukāmāmhā, vihāraṃ no nehi”ti. Idāni ammā yujjati, gacchatha, parivacchaṃ karoṭhāti. Tā caṅkoṭakehi gandhamālādīni gāhāpetvā surāpuṇṇe muṭṭhivārake hatthehi olambetvā mahāpaṭe pārupitvā Visākhaṃ upasaṅkamitvā tāya saddhim viharāṃ pavisamānā ekamantaṃ gantvā¹ muṭṭhivārakeheva suraṃ pivitvā vārake chaḍḍetvā dhammasabhāyaṃ Satthu purato nisīdimsu.

Visākhā “imāsaṃ bhante dhammaṃ kathethā”ti āha. Tāpi madavegena kampamānasarīrā “naccāma, gāyāmā”ti² cittaṃ uppādesuṃ. Athekā mārakāyikā devatā “imāsaṃ sarīre³ adhimuccitvā samaṇassa Gotamassa purato vipakāraṃ dassessāmi”ti cintetvā tāsāṃ sarīre³ adhimucci. Tāsu ekaccā Satthu purato paṇiṃ paharitvā hasituṃ, ekaccā naccituṃ ārabhimsu. Satthā “kiṃ idan”ti āvajjento taṃ kāraṇaṃ ñatvā “na idāni mārakāyikānaṃ otāraṃ⁴ labhituṃ dassāmi. Na hi mayā ettakaṃ kālaṃ pāramiyo pūrentena mārakāyikānaṃ otāralābhatthāya pūritā”ti tā saṃvejetuṃ bhamukalomato rasmiyo vissajjesi, tāvadeva andhakāratimisā⁵ ahosi. Tā bhītā ahesuṃ maraṇabhayaatajjitā. Tena tāsāṃ kucchiyaṃ surā jīri. Satthā nisinnapallaṅke antarahito Sinerumuddhani ṭhatvā uṇṇālomato⁶ rasmim vissajjesi, taṅkhaṇamyeva candasahassuggamaṇaṃ viya ahosi. Atha Satthā tā itthiyo āmantetvā “tumhehi mama santikaṃ āgacchamānāhi pamattāhi āgantūṃ na vaṭṭati. Tumhākaṃ hi pamādeneva mārakāyikā devatā otāraṃ labhitvā tumhe hasādīnaṃ akaraṇaṭṭhāne hasādīni⁷ kārāpesi, idāni tumhehi rāgādīnaṃ aggīnaṃ nibbāpanatthāya ussāhaṃ kātuṃ vaṭṭatī”ti vatvā imaṃ gāthamāha—

146. “Ko nu hāso kimānando, niccaṃ pajjalite sati.

Andhakārena onaddhā, padīpaṃ na gavesathā”ti.

Tattha **Ānandoti** tuṭṭhi. Idam vuttaṃ hoti—imasmim lokasannivāse rāgādīhi ekādasahi aggīhi **niccaṃ pajjalite sati ko nu tumhākaṃ hāso**

1. Nisīditvā (Ka)

2. Naccissāma gāyissāmāti (Sī, Syā)

3. Sarīresu (Syā, Ka)

4. Okāsaṃ (Ka)

5. Andhakāratimirā (Ka)

6. Uṇṇālomato (Sī)

7. Hassādīni (Sī)

vā tuṭṭhi vā? Nanu esa akattabbarūpoyeva. Aṭṭhavatthukena hi avijjāndhakārena **onaddhā** tumhe tasseva andhakārassa vidhamanattihāya kiṃ kāraṇā ñāṇappadīpaṃ **na gavesatha** na karoṭhāti.

Desanāvasāne pañcasatāpi tā itthiyo sotāpattiphale patiṭṭhahimsu.

Satthā tāsāṃ acalasaddhāya patiṭṭhitabhāvaṃ ñatvā Sinerumatthakā otaritvā Buddhāsane nisīdi. Atha naṃ Visākhā āha “bhante surā nāmesā pāpikā. Evarūpā hi nāma imā itthiyo tumhādisassa Buddhassa purato nisīditvā iriyāpathamattampi saṅṭhāpetuṃ asakkontiyo uṭṭhāya paṇiṃ paharivā hasanagītanaccādīni ārabhimsū”ti. Satthā “āma Visākhe, pāpikā eva esā surā nāma. Etañhi nissāya aneke sattā anayabyasanāṃ pattā”ti vatvā “kadā panesā bhante uppannā”ti vutte tassā uppattiṃ vitthārena kathetuṃ atītaṃ āharitvā **Kumbhajātakaṃ**¹ kathesīti.

Visākhāya sahāyikānaṃ vatthu paṭhamāṃ.

2. Sirimāvattu

Passa cittakatanti imaṃ dhammadesanaṃ Satthā Veļuvane viharanto Sirimaṃ ārabba kathesi.

Sā kira Rājagahe abhirūpā gaṇikā. Ekasmiṃ pana antovasse Sumanaseṭṭhiputtassa bhariyāya Puṇṇakaseṭṭhissa dhītāya Uttarāya nāma upāsikāya aparajjhivā taṃ pasādetukāmā tassā gehe bhikkhusaṃghena saddhiṃ katabhattakiccaṃ Satthāraṃ khamāpetvā taṃ divasaṃ Dasabalassa bhattānumodanaṃ sutvā—

“Akkodhena jine kodhaṃ, asādhurū sādhunā jine.

Jine kadariyaṃ dānena, saccenā’likavādinan”ti²—

1. Khu 5. 361 piṭṭhe.

2. Khu 5. 36; Khu 1. 46 piṭṭhesu.

gāthāpariyosāne sotāpattiphalaṃ pāpuṇi. Ayamettha saṅkhepo, vitthārakathā pana Kodhavagge anumodanagāthāvaṇṇanāyameva āvibhavissati. Evaṃ sotāpattiphalaṃ pattā pana Sirimā Dasabalaṃ nimantetvā¹ punadivase mahādānaṃ datvā saṅghassa aṭṭhakabhattaṃ² nibaddhaṃ dāpesi³. Ādito paṭṭhāya nibaddhaṃ aṭṭha bhikkhū gehaṃ gacchanti. “Sappiṃ gaṇhatha, khīraṃ gaṇhathā”ti-ādīni vatvā tesaṃ patte pūreti. Ekena laddhaṃ tiṇṇampi catunnampi pahoti. Devasikaṃ soḷasakahāpaṇaparibbayena piṇḍapāto dīyati. Athekadivasaṃ eko bhikkhu tassā gehe aṭṭhakabhattaṃ bhuñjitvā tiyojanamatthake ekaṃ vihāraṃ agamāsi. Atha naṃ sāyaṃ therupaṭṭhāne nisinnaṃ pucchimsu “āvuso kahaṃ bhikkhaṃ gahetvā āgatosi”ti. Sirimāya aṭṭhakabhattaṃ me bhuttanti. Manāpaṃ katvā deti āvusoti. “Na sakkā tassā bhattaṃ vaṇṇetuṃ, ativiya paṇītaṃ katvā deti, ekena laddhaṃ tiṇṇampi catunnampi pahoti, tassā pana deyyadhammatopi dassanameva uttaritaraṃ. Sā hi itthi evarūpā ca evarūpā cā”ti tassā guṇe vaṇṇesi.

Atheko bhikkhu tassā guṇakathaṃ sutvā adassaneneva sinehaṃ uppādetvā “mayā gantvā taṃ daṭṭhuṃ vaṭṭati”ti attano vassaggaṃ kathetvā taṃ bhikkhuṃ ṭhitikaṃ pucchitvā “sve āvuso tasmim gehe tvaṃ saṅghatthero hutvā aṭṭhakabhattaṃ labhissasi”ti sutvā taṅkhaṇaṇṇeva pattacīvaraṃ ādāya pakkantopi pātova aruṇe uggate salākaggaṃ pavisitvā ṭhito saṅghatthero hutvā tassā gehe aṭṭhakabhattaṃ labhi. Yo pana bhikkhu hiyyo bhuñjitvā pakkāmi, tassa gatavelāyameva assā sarīre rogo uppajji. Tasmā sā ābharaṇāni omuñcitvā nipajji. Athassā dāsiyo aṭṭhakabhattaṃ labhitvā āgate bhikkhū disvā ārocesuṃ. Sā sahatthā patte gahetvā nisīdāpetuṃ vā parivisituṃ vā asakkontī dāsiyo āṇāpesi “ammā patte gahetvā ayye nisīdāpetvā yāguṃ pāyetvā khajjakaṃ datvā bhattavelāya patte pūretvā dethā”ti. Tā “sādhu ayye”ti bhikkhū pavesetvā yāguṃ pāyetvā khajjakaṃ datvā bhattavelāya bhattassa patte pūretvā tassā ārocayimsu. Sā “maṃ pariggahetvā netha, ayye vandissāmī”ti vatvā tāhi pariggahetvā bhikkhūnaṃ santikaṃ nītā vedhamānena sarīrena bhikkhū vandi. So bhikkhu taṃ

1. Patvā bhikkhusaṅghaṃ nimantetvā (Ka)

2. Aṭṭhasalākabhattaṃ (Si)

3. Ṭhapesi (Syā)

oloketvā cintesi “gilānāya tāva evarūpā ayaṃ etissā rūpasobhā, arogakāle pana sabbābharaṇapaṭimaṇḍitāya imissā kīdisī rūpasampattī”ti. Athassa anekavassakoṭṭisannicito kilesa samudācari, so aññāṇī¹ hutvā bhattaṃ bhuñjitum asakkonto pattamādāya vihāraṃ gantvā pattam pidhāya ekamante ṭhapetvā cīvaram² pattharivā nipajji.

Atha naṃ eko saḥāyako bhikkhu yācantopi bhojetum nāsakkhi. So chinnabhatta ahoṣi. Taṃ divasameva sāyanhasamaye Sirimā kālamakāsi. Rājā Satthu sāsanam pesesi “bhante Jīvakassa kaniṭṭhabhaginiṃ Sirimā kālamakāsi”ti. Satthā taṃ sutvā rañño sāsanam paṇiṃ “Sirimāya jhāpanakiccaṃ natthi, āmakasusāne taṃ yathā kākasunakhādayo na khādanti, tathā nipajjāpetvā rakkhāpetvā”ti. Rājāpi tathā akāsi. Paṭipāṭiyā tayo divasā atikkantā, catutthe divase sarīraṃ uddhumāyi, navahi vaṇamukhehi puḷavā paggharimṣu, sakalasarīraṃ bhinnam sālibhattacāṭi viya ahoṣi. Rājā nagare bherim carāpesi “ṭhapetvā geharakkhake dārake Sirimāya dassanattam anāgacchantānam aṭṭha kahāpaṇāni daṇḍo”ti. Satthu santikañca pesesi “Buddhappamukho kira bhikkhusaṃgho Sirimāya dassanattam āgacchatū”ti. Satthā bhikkhūnam ārocesi “Sirimāya dassanattam gamissāmā”ti. Sopi daharabhikkhu cattāro divase kassaci vacanam aggahetvā chinnabhattova nipajji. Patte bhattaṃ pūṭikam jātam, patte malam uṭṭhahi. Atha naṃ so saḥāyako bhikkhu upasaṅkamitvā “āvuso Satthā Sirimāya dassanattam gacchatī”ti āha. So tathā chātajjhatoṭṭopi³ “Sirimā”ti vuttapadeyeva sahasā uṭṭhahitvā “kiṃ bhaṇasī”ti āha. “Satthā Sirimā dattum gacchati, tvampi gamissasī”ti vutte “āmagamissāmī”ti bhattaṃ chaḍḍetvā pattam dhovivā thavikāya pakkhipivā bhikkhusaṃghena saddhim agamāsi. Satthā bhikkhusaṃghaparivuto ekapasse aṭṭhāsi, bhikkhunisaṃghopi rājaparisāpi upāsakaparisāpi upāsikāparisāpi ekekapasse aṭṭhamṣu.

Satthā rājānam pucchi “kā esā mahārājā”ti. Bhante Jīvakassa bhaginiṃ Sirimā nāmāti. Sirimā esāti. Āma bhanteti.

1. Anaññāmano (Syā)

2. Cīvarakaṇṇam (Sī, Ka)

3. Nipajjantopi (Sī)

tena hi nagare bherim carāpehi “sahassam datvā Sirimam gaṇhantū”ti. Rājā tathā kāresi. Ekopi ‘han’ti vā ‘hun’ti vā¹ vadanto nāma nāhosi. Rājā Satthu ārocesi “na gaṇhanti bhante”ti. Tena hi mahārāja aggham ohārehīti. Rājā “pañcasatāni datvā gaṇhantū”ti bherim carāpetvā kañci gaṇhanakam adisvā “aḍḍhateyyāni satāni, dve satāni, satam, paṇṇāsam, pañcaviṣati kahāpaṇe, dasa kahāpaṇe, pañca kahāpaṇe, ekam kahāpaṇam, aḍḍham, pādam, māsakam, kākaṇikam datvā Sirimam gaṇhantū”ti bherim carāpesi. Koci tam na icchi. “Mudhāpi gaṇhantū”ti bherim carāpesi. ‘Han’ti vā ‘hun’ti vā vadanto nāma nāhosi. Rājā “mudhāpi bhante gaṇhanto nāma natthi”ti āha. Satthā “passatha bhikkhave mahājanassa piyam mātugāmam, imasminyeva nagare sahaṣsam datvā pubbe ekadivasam labhimsu, idāni mudhā gaṇhantopi natthi, evarūpaṃ nāma rūpaṃ khayavayappattam, passatha bhikkhave āturaṃ attabhāvan”ti vatvā imam gāthamāha—

147. “Passa cittakataṃ bimbarṃ, arukāyaṃ samussitaṃ.

Āturaṃ bahusaṅkappaṃ, yassa natthi dhuvam ṭhiti”ti.

Tattha **cittakatanti** katacittam, vatthābharaṇamālālattakādīhi vicittanti² attho. **Bimbanti** dīghādiyuttatthānesu dīghādīhi aṅgapaccāngehi saṅghitam attabhāvaṃ. **Arukāyanti** navannaṃ vaṇamukhānaṃ vasena arubhūtaṃ kāyaṃ. **Samussitanti** tīhi aṭṭhisatehi samussitam. **Āturanti** sabbakālam iriyāpathādīhi pariharitabbatāya niccagilānaṃ. **Bahusaṅkappanti** mahājanena bahudhā saṅkappitam. **Yassa natthi dhuvam ṭhiti**ti yassa dhuvabhāvo vā ṭhitibhāvo vā natthi, ekantena bhedanavikiraṇavidhamśanadhamamevetam, imam passathāti attho.

Desanāvasāne caturāsītiyā pāṇasahaṣṣānaṃ dhammābhisamayo ahoṣi, sopi bhikkhu sotāpattiphale patiṭṭhahīti.

Sirimāvatthu dutiyaṃ.

1. Ahanti vā ahanti vā (Syā)

2. Vatthābharaṇamālālankārādīhi cittakatanti (Syā, Ka)

3. Uttarātherīvatthu

Parijñnamidanti imañ dhammadesanañ Satthā Jetavane viharanto Uttarātheriñ nāma bhikkhuniñ ārabha katesi.

Therī kira vīsavassasatikā jātiyā piṇḍāya caritvā laddhapīṇḍapātā antaravīthiyañ ekañ bhikkhuñ disvā piṇḍapātena āpucchitvā tassa apaṭikkhipitvā gaṇhantassa sabbañ datvā nirāhārā ahoṣi. Evañ dutiyepi tatiyepi divase tasseva bhikkhuno tasmiṃyeva ṭhāne bhattañ datvā nirāhārā ahoṣi, catutthe divase pana piṇḍāya carantī ekasmiñ sambādhaṭṭhāne Satthārañ disvā paṭikkamantī olambantañ attano cīvarakaṇṇaṃ akkamitvā saṅṭhātum asakkontī parivattitvā pati. Satthā tassā santikañ gantvā “bhagini parijñño te attabhāvo na cirasseva bhijjissatī”ti vatvā imañ gāthamāha—

148. “Parijñnamidañ rūpañ, rogañiḷaṃ pabhaṅgurañ.

Bhijjati pūtisandeho, maraṇantañ hi jīvitāñ”ti.

Tassattho—bhagini **idañ** tava sarīrasaṅkhātañ **rūpañ** mahallakabhāvena **parijñnañ**, tañca kho sabbarogaṇaṃ nivāsaṭṭhānaṭṭhena **rogañiḷaṃ**¹, yathā kho pana taruṇopi siṅgālo “jarasiṅgālo”ti vuccati, taruṇāpi gaḷocīlatā “pūtilatā”ti vuccati, evañ tadahujātañ suvaṇṇavaṇṇampi samānañ niccañ paggharaṇaṭṭhena pūtitāya **pabhaṅgurañ**², so esa pūtikko samāno tava deho **bhijjati**, na cirasseva bhijjissatīti veditaḅbo. Kim kāraṇā? **Maraṇantañ hi jīvitañ** yasmā³ sabbasattānañ jīvitañ maraṇapariyosānamevāti vuttañ hoti.

Desanāvasāne sā therī sotāpattiphalañ pattā, mahājanassāpi sātthikā dhammadesanā ahoṣīti.

Uttarātherīvatthu tatiyañ.

1. Roganiḍḍhañ (Sī), roganiddhañ (Syā)

2. Pabhaṅguṇaṃ (Syā)

3. Tasmā (Sī, Ka)

4. Sambahula-adhimānikabhikkhuvatthu

Yānimānīti imaṃ dhammadesanaṃ Satthā Jetavane viharanto sambahule adhimānike bhikkhū ārabha kathesi.

Pañcasatā kira bhikkhū Satthu santike kammaṭṭhānaṃ gahetvā araṇṇaṃ pavisitvā ghaṭentā vāyamaṇṇā jhānaṃ nibbattetvā “kilesānaṃ asamudācārena pabbajitakiccaṃ no nipphannaṃ¹, attanā paṭiladdhaguṇaṃ Satthu āroccasāma²”ti āgamiṃsu. Satthā tesāṃ bahidvārakoṭṭhakaṃ pattakāleyeva Ānandattheraṃ āha “Ānanda etesaṃ bhikkhūnaṃ pavisitvā mayā² diṭṭhena kammaṃ natthi, āmakasūsaṇaṃ gantvā tato āgantvā maṃ passantū”ti. Thero gantvā tesāṃ tamatthaṃ āroccesi. Te “kiṃ amhākaṃ āmakasūsaṇeṇā”ti avatvāva “dīghadassinā Buddhena kāraṇaṃ diṭṭhaṃ bhavissati”ti āmakasūsaṇaṃ gantvā tattha kuṇapāni passantā ekāhadvīhapatitesu kuṇapesu āghātaṃ paṭilabhivā taṃ khaṇaṃ patitesu allasarīresu rāgaṃ uppādayiṃsu, tasmim khaṇe attano sakilesabhāvaṃ jāniṃsu. Satthā Gandhakuṭiyāṃ nisinnova obhāsaṃ pharivā tesāṃ bhikkhūnaṃ sammukhe kathento viya “nappatirūpaṃ nu kho³ bhikkhave tumhākaṃ evarūpaṃ aṭṭhisāṅghātaṃ disvā rāgaratiṃ uppādetuṃ”ti vatvā imaṃ gāthamāha—

149. “Yānimāni apatthāni, alābūneva sārade.

Kāpotakāni aṭṭhīni, tāni disvāna kā rati”ti.

Tattha **apatthānī**⁴ chaḍḍitāni. **Sāradeti** saradakāle vātātapapahatāni tattha tattha vip̐pakiṇṇa-alābūni viya. **Kāpotakānī**ti kapotakavaṇṇāni. **Tāni disvānī**ti tāni evarūpāni aṭṭhīni disvā tumhākaṃ kā rati, nanu appamattakampi kāmaratiṃ kātum na vaṭṭatiyevāti attho.

Desanāvasāne te bhikkhū yathāḥhitāva arahattaṃ patvā Bhagavantaṃ abhitthavamānā āgantvā vandimsūti.

Sambahula-adhimānikabhikkhuvatthu catutthaṃ.

1. Nipphannanti maññaṃānā (Syā)

3. Patirūpaṃ nu kho (Syā, Ka)

2. Maṃ (Ka)

4. Apattānīti (Ka)

5. Janapadakalyāṇī Rūpanandātherīvatthu

Aṭṭhīnaṃ nagaraṃ katanti imaṃ dhammadesanaṃ Satthā Jetavane viharanto Janapadakalyāṇiṃ Rūpanandātheriṃ ārabha kathesi.

Sā kira ekadivasaraṃ cintesi “mayhaṃ jeṭṭhabhātiko rajjasiriṃ pahāya pabbajitvā loke aggapuggalo Buddho jāto, puttopissa Rāhulakumāro pabbajito, bhattāpi me pabbajito, mātāpi me pabbajitā, ahampi ettake ñātijane pabbajite gehe kiṃ karissāmi, pabbajissāmi”ti. Sā bhikkhunupassayaṃ gantvā pabbaji ñātisineheneva, no saddhāya, abhirūpatāya pana **Rūpanandā**ti paññāyi. “Satthā kira ‘rūpaṃ aniccaṃ dukkhaṃ anattā, vedanā, saññā, saṅkhārā, viññāṇaṃ aniccaṃ dukkhaṃ anattā’ti vadetī”ti sutvā sā evaṃ dassaniye pāsādike mamaṃ rūpe dosaṃ katheyyāti Satthu sammukhībhāvaṃ na gacchati. Sāvattvivāsino pātova dānaṃ datvā samādinuposathā suddhuttarāsaṅgā gandhamālādihattā sāyanhasamaye Jetavane sannipatitvā dhammaṃ suṇanti. Bhikkhunisaṃghopi Satthu dhammadesanāya uppannacchando vihāraṃ gantvā dhammaṃ suṇāti. Dhammaṃ sutvā nagaraṃ pavisanto Satthu guṇakathaṃ kathentova pavisati.

Catuppamāṇike hi lokasannivāse appakāva te sattā, yesaṃ Tathāgataṃ passantānaṃ pasādo na uppajjati. Rūpappamāṇikāpi hi Tathāgatassa lakkhaṇānubyañjanapaṭimaṇḍitaṃ suvaṇṇavaṇṇaṃ sarīraṃ disvā pasīdanti, ghosappamāṇikāpi anekāni jātisatāni nissāya pavattaṃ Satthu guṇaghosañceva aṭṭhaṅgasamannāgataṃ dhammadesanāghosañca sutvā pasīdanti, lūkhappamāṇikāpissa cīvarādilūkhataṃ paṭicca pasīdanti, dhammappamāṇikāpi “evarūpaṃ Dasabalassa sīlaṃ, evarūpo samādhi, evarūpā paññā, Bhagavā sīlādīhi guṇehi asamo appaṭipuggalo”ti pasīdanti. Tesā Tathāgatassa guṇaṃ kathentānaṃ mukhaṃ nappahoti. Rūpanandā bhikkhunīnañceva upāsikānañca santikā Tathāgatassa guṇakathaṃ sutvā cintesi “ativiya me bhātikassa vaṇṇaṃ kathentiyeva. Ekadivasampi me rūpe dosaṃ kathento kittakaṃ kathessati. Yaṃnūnāhaṃ bhikkhunīhi saddhiṃ gantvā attānaṃ adassetvāva Tathāgataṃ passitvā dhammamassa suṇitvā āgaccheyyan”ti. Sā “ahampi ajja dhammassavanaṃ gamissāmi”ti bhikkhunīnaṃ ārocesi.

Bhikkhuniyo “cirassaṃ vata Rūpanandāya Satthu upaṭṭhānaṃ gantukāmatā uppannā, ajja Satthā imaṃ nissāya vicitradhammadesanaṃ nānānayaṃ desessatī”ti tuṭṭhamānasā taṃ ādāya nikkhamiṃsu. Sā nikkhantakālato paṭṭhāya “ahaṃ attānaṃ neva dassessāmī”ti cintesi. Satthā “ajja rūpanandā mayhaṃ upaṭṭhānaṃ āgamissati, kīdisī nu kho tassā dhammadesanā sappāyā”ti cintetvā “rūpagarukā esā attabhāve balavasinehā, kaṇṭakena kaṇṭakuddharaṇaṃ viya rūpenevassā rūpamadanimmadanā sappāyan”ti sannitṭhānaṃ katvā tassā vihāraṃ pavisanasamaye ekaṃ pana abhirūpaṃ itthiṃ soḷasavassuddesikaṃ rattavatthanivatthaṃ sabbābharaṇapaṭimaṇḍitaṃ bījanaṃ gahetvā attano santike ṭhatvā bījayamānaṃ iddhibalena abhinimmini. Taṃ kho pana itthiṃ Satthā ceva passati Rūpanandā ca. Sā bhikkhunīhi saddhiṃ vihāraṃ pavisitvā bhikkhunīnaṃ piṭṭhipasse ṭhatvā pañcapatiṭṭhitena Satthāraṃ vanditvā bhikkhunīnaṃ antare nisinnā pādantato paṭṭhāya Satthāraṃ oloketī lakkhaṇavicittaṃ anubyañjanasamujjalaṃ byāmapabhāparikkhittaṃ Satthu sarīraṃ disvā puṇṇacandasassirikaṃ mukhaṃ oloketī samīpe ṭhitaṃ itthirūpaṃ addasa. Sā taṃ oloketvā attabhāvaṃ oloketī suvaṇṇarājahaṃsiyā purato kākīsadiṣaṃ attānaṃ avamaññi. Iddhimayarūpaṃ¹ diṭṭhakālato paṭṭhāyeva hi tassā akkhīni bhamiṃsu. Sā “aho imissā kesā sobhanā, aho nalātaṃ² sobhanan”ti sabbesaṃ sārīrappadesānaṃ³ rūpasiriyā samākaḍḍhitacittā⁴ tasmiṃ rūpe balavasinehā ahosi.

Satthā tassā tattha abhiratiṃ ṇatvā dhammaṃ desentova taṃ rūpaṃ soḷasavassuddesikabhāvaṃ atikkamitvā vīsativassuddesikaṃ katvā dassesi. Rūpanandā oloketvā “na vatidaṃ⁵ rūpaṃ purimasadisaṃ”ti thokaṃ virattacittā ahosi. Satthā anukkameneva tassā itthiyā sakiṃ vijātavaṇṇaṃ majjhimitthivaṇṇaṃ jarājiṇṇamahallikitthivaṇṇaṅca dassesi. Sāpi anupubbeneva “idampi antarahitaṃ, idampi antarahitan”ti jarājiṇṇakāle taṃ virajjamānā khaṇḍadantiṃ palitasiraṃ obhaggaṃ gopānasivaṅkaṃ daṇḍaparāyaṇaṃ pavedhamānaṃ disvā ativiya virajji. Atha Satthā taṃ byādhinā abhibhūtaṃ katvā dassesi. Sā taṅkhaṇaṅñeva daṇḍaṅca tālavaṇṭaṅca chaḍḍetvā

1. Iddhimayarūpassa (Sī)

2. Lalātaṃ (Syā)

3. Sarīrappadesānaṃ (Syā, Ka)

4. Samākaḍḍhitacittatāyā (Sī)

5. Nevidaṃ (Ka)

mahāviraṃ viravamānā bhūmiyaṃ pativā sake muttakarīse nimuggā aparāparaṃ parivatti. Rūpanandā tampi disvā ativiya virajji. Satthāpi tassā itthiyā maraṇaṃ dassesi. Sā taṅkhaṇaṃyeva uddhumātakabhāvaṃ āpajji, navahi vaṇamukhehi pubbavaṭṭiyo ceva puḷavā ca paggharīṃsu, kākādayo sannipatitvā vilumpiṃsu. Rūpanandāpi taṃ oloketvā “ayaṃ itthi imasmiṃ yeva thāne jaraṃ pattā, byādhiṃ pattā, maraṇaṃ pattā, imassāpi me attabhāvassa evameva jarābyādhimaraṇāni āgamissanti”ti attabhāvaṃ aniccato passi. Aniccato diṭṭhattā eva pana dukkhato anattato diṭṭhoyeva hoti. Athassā tayo bhavā ādittā gehā viya gīvāya baddhakuṇapaṃ viya ca upaṭṭhahīṃsu, kammaṭṭhānābhimukhaṃ cittaṃ pakkhandi. Satthā tāya aniccato diṭṭhabhāvaṃ ñatvā “sakkhissati nu kho sayameva attano patiṭṭhaṃ kātun”ti oloketo “na sakkhissati, bahiddhā paccayaṃ laddhuṃ vaṭṭati”ti cintetvā tassā sappāyavasena dhammaṃ desento āha—

“Āturaṃ asuciṃ pūtiṃ, passa Nande samussayaṃ.
Uggharantaṃ paggharantaṃ, bālānaṃ abhipatthitaṃ.
Yathā idaṃ tathā etaṃ, yathā etaṃ tathā idaṃ.
Dhātuto¹ suññato passa, mā lokaṃ punarāgami.
Bhave chandaṃ virājetvā, upasanto carissati”ti.

Itthaṃ sudam² Bhagavā Nandaṃ bhikkhuniṃ ārabba imā gāthāyo abhāsithāti. Nandā desanānusāreṇa ñāṇaṃ pesetvā sotāpattiphalaṃ pāpuṇi. Athassā upari tiṇṇaṃ maggaphalānaṃ vipassanāparivāsathāya suññatākammaṭṭhānaṃ kathetuṃ “Nande mā ‘imasmiṃ sarīre sāro atthi’ti saññaṃ kari. Appamattakopi hi ettha sāro natthi, tiṇi aṭṭhisatāni ussāpetvā kataṃ Aṭṭhinagarametan”ti vatvā imaṃ gāthamāha—

150. “Aṭṭhīnaṃ nagaraṃ kataṃ, maṃsalohitalepanaṃ.
Yattha jarā ca maccu ca, māno makkho ca ohito”ti.

Tassattho—yatheva hi pubbaṇṇāparaṇṇādīnaṃ odahanatthāya kaṭṭhāni ussāpetvā vallīhi bandhitvā mattikāya vilimpetvā nagarasaṅkhātāṃ bahiddhā

1. Dhātuyo (Syā)

2. Idam suttam (Ka)

gehaṃ karonti, evamidam ajjhattikampi tīṇi aṭṭhisatāni ussāpetvā
 nhāruvinaddham mānsalohitalepanam tacapaṭicchannam jīraṇalakkhaṇāya
 jarāya maraṇalakkhaṇassa maccuno ārohasampadādīni paṭicca
 maññanalakkhaṇassa¹ mānassa sukatakāraṇavināsanalakkhaṇassa makkhassa
 ca odahanatthāya **nagam katam**. Evarūpo eva hi ettha kāyikacetasiko
 ābādho ohito, ito uddham kiñci gayhūpagam natthīti.

Desanāvasāne sā therī arahattam pāpuṇi, mahājanassāpi sātthikā
 dhammadesanā ahoṣīti.

Janapadakalyāṇī rūpanandātherīvatthu pañcamam.

6. Mallikādevīvatthu

Jiranti veti imam dhammadesanam Sathā Jetavane viharanto Mallikam
 devim ārabha kathesi.

Sā kira ekadivasam nhānakoṭṭhagam pavittā mukham dhovivā
 onatarārā jaṅgham dhovitum ārabhi. Tāya ca saddhimyeva pavittā eko
 vallabhasunakho atthi. So tam tathā onatam disvā asaddhammasanthavam
 kātum ārabhi. Sā phassam sādiyanti aṭṭhāsi. Rājāpi uparipāsāde vātapānena
 olokento tam disvā tato āgatakāle “nassa vasali, kasmā evarūpamakāsi”ti
 āha. Kim mayā katam devāti. Sunakhena saddhim santhavoti. Natthetam
 devāti. Mayā sāmam diṭṭham, nāham tava saddahissāmi, nassa vasalīti.
 “Mahārāja yo koci imam koṭṭhagam pavittā iminā vātapānena olokentassa
 ekova dvidhā paññāyatī”ti abhūtam kathesi. Deva sace me na saddahasi,
 etam koṭṭhagam pavisa, aham tam iminā vātapānena olokessāmīti. Rājā
 mūḷhadhātuko² tassā vacanam saddahitvā koṭṭhagam pāvisi. Sāpi kho devī
 vātapāne ṭhatvā lolokenti “andhabāla mahārāja kim nāmetam, ajikāya
 saddhim santhavam karosī”ti āha. “Nāham bhadde evarūpam karomī”ti ca
 vuttepi “mayā sāmam diṭṭham, nāham tava saddahissāmī”ti āha.

1. Majjanalakkhaṇassa (Syā)

2. Mandadhātuko (Syā)

Tam sutvā rājā “addhā imam koṭṭhakaṃ pavitṭho ekova dvidhā paññāyati”ti saddahi. Mallikā cintesi “ayaṃ rājā andhabālatāya mayā vañcito, pāpaṃ me kataṃ, ayañca me abhūtena abbhācikkhito, idaṃ me kammaṃ Satthāpi jānissati, dve aggasāvakaṃpi asīti mahāsāvakaṃpi jānissanti, aho vata me bhāriyaṃ kammaṃ katan”ti. Ayaṃ kira rañño asadisadāne saḥāyikā aho. Tattha ca ekadivasaṃ katapariccāgo dhanassa cuddasakoṭṭi-agghanako aho. Tathāgatassa setacchattaṃ nisīdanapallaṅko ādhārako pādapiṭṭhanti imāni pana cattāri anagghāneva ahesuṃ. Sā maraṇakāle evarūpaṃ mahāpariccāgaṃ nānussarivā tadeva pāpakammaṃ anussaranti kālaṃ katvā Avīcimhi nibbatti. Rañño pana sā ativiya piyā aho. So balavasokābhībhūto tassā sarīrakiccaṃ kāretvā “nibbattaṭṭhānamassā pucchissāmi”ti Satthu santikaṃ agamāsi. Satthā yathā so āgatakāraṇaṃ na sarati, tathā akāsi. So Satthu santike sāraṇīyadhammakathaṃ sutvā gehaṃ pavitṭhakāle sarivā “ahaṃ bhaṇe Mallikāya nibbattaṭṭhānaṃ pucchissāmi”ti Satthu santikaṃ gantvā pamuṭṭho, sve puna pucchissāmi”ti punadivasepi agamāsi. Satthāpi paṭipāṭiyā satta divasāni yathā so na sarati, tathā akāsi. Sāpi sattāhameva niraye paccivā aṭṭhame divase tato cutā Tusitabhavane nibbatti. Kasmā panassa Satthā asaraṇabhāvaṃ akāsīti? Sā kira tassa ativiya piyā aho manāpā, tasmā tassā niraye nibbattabhāvaṃ sutvā “sace evarūpā saddhāsampannā niraye nibbattā, dānaṃ datvā kiṃ karissāmi”ti micchādīṭṭhiṃ gahetvā pañcannaṃ bhikkhusatānaṃ gehe pavattaṃ niccabhattaṃ harāpetvā niraye nibbatteyya, tenassa Satthā sattāhaṃ asaraṇabhāvaṃ katvā aṭṭhame divase piṇḍāya caranto sayameva rājikuladvāraṃ agamāsi.

Rājā “Satthā āgato”ti sutvā nikkhamitvā pattaṃ ādāya pāsādam abhiruhitum ārabhi. Satthā pana rathasālāya nisīditum ākāraṃ dassesi. Rājā Satthāraṃ tattheva nisīdāpetvā yāgukhajjakena paṭimānetvā vanditvā nisinnova ahaṃ bhante Mallikāya deviyā nibbattaṭṭhānaṃ pucchissāmi”ti gantvā pamuṭṭho, kattha nu kho sā bhante nibbattāti. Tusitabhavane mahārājāti, bhante tāya Tusitabhavane anibbattantiyā¹ko añño

1. Anibbattiyā (Syā, Ka)

nibbattissati, bhante natthi tāya sadisā itthī. Tassā hi nisinnaṭṭhānādīsu “sve Tathāgatassa idaṃ dassāmi, idaṃ karissāmi”ti dānasamvidhānaṃ ṭhapetvā aññaṃ kiccameva natthi, bhante tassā paralokaṃ gatakā lato paṭṭhāya sarīraṃ me na vahaṭīti¹. Atha naṃ Satthā “mā cintayi mahārāja, sabbesaṃ dhuvadhammo ayan”ti vatvā “ayaṃ mahārāja ratho kassā”ti pucchi. Taṃ sutvā rājā sirasmiṃ añjaliṃ patiṭṭhāpetvā “pitāmahassa me bhante”ti āha. Ayaṃ kassāti. Pitu me bhanteti. Ayaṃ pana ratho kassāti. Mama bhanteti. Evaṃ vutte Satthā “mahārāja tava pitāmahassa ratho tenevākārena² tava pitu rathaṃ na pāpuṇi, tava pitu ratho tava rathaṃ na pāpuṇi, evarūpassa nāma kaṭṭhakaliṅgarassāpi jarā āgacchati, kimaṅgaṃ pana attabhāvassa. Mahārāja sappurisadhammasseva hi jarā natthi, sattā pana ajīrakā nāma natthī”ti vatvā imaṃ gāthamāha—

151. “Jīranti ve rājarathā sucittā,
Atho sarīrampi jaraṃ upeti.
Satañca dhammo na jaraṃ upeti,
Santo have sabbhi pavedayantī”ti.

Tattha **veti** nipāto. **Sucittā**ti sattahi ratanehi aparehi ca rathālaṅkārehi suṭṭhu cittitā³ rājūnaṃ rathāpi **jīranti**. **Sarīrampī**ti na kevalaṃ rathā eva, idaṃ suppaṭijaggitaṃ sarīrampi khaṇḍiccādīni pāpuṇantaṃ⁴ **jaraṃ upeti**. **Satañcā**ti Buddhādīnaṃ pana santānaṃ navavidho lokuttaradhammo ca kiñci upaghātaṃ na upetīti⁵ **na jaraṃ upeti** nāma. **Pavedayantī**ti evaṃ **santo** Buddhādayo **sabbhi** paṇḍitehi saddhiṃ kathentīti attho.

Desanāvasāne bahū sotāpattiphalādīni pāpuṇimsūti.

Mallikādevīvatthu chaṭṭhaṃ.

7. Lāḷudāyittheravatthu

Appassutāyanti imaṃ dhammadesanaṃ Satthā Jetavane viharanto Lāḷudāyittheraṃ ārabha kathesi.

1. Sarīrameva na bhavaṭīti (Si)

2. Kena kāraṇena (Syā, Ka)

3. Cittā (Syā), cittaḥ (Ka)

4. Pāpuṇāti (Syā, Ka)

5. Na Karoti (Syā, Ka)

So kira maṅgalaṃ karontānaṃ gehaṃ gantvā “tirokuṭṭesu tiṭṭhanti”ti-
 ādinā¹ nayena avamaṅgalaṃ katheti, avamaṅgalaṃ karontānaṃ gehaṃ
 gantvā tirokuṭṭādisu kathetabbesu “dānañca dhammacariyā cā”ti-ādinā²
 nayena maṅgalagāthā vā “yaṃ kiñci vittaṃ idha vā hurāṃ vā”ti
 Ratanasuttam³ vā katheti. Evaṃ tesu tesu ṭhānesu “aññaṃ kathessāmi”ti
 aññaṃ kathentopi “aññaṃ kathemi”ti na jānāti. Bhikkhū tassa kathaṃ sutvā
 Satthu ārocesuṃ “kiṃ bhante Lāḷudāyissa maṅgalāmaṅgalaṭṭhānesu
 gamanena, aññasmiṃ kathetabbe aññaṃeva katheti”ti. Satthā “na bhikkhave
 idānevesa evaṃ katheti, pubbepi aññasmiṃ kathetabbe aññaṃeva kathesi”ti
 vatvā atītaṃ āhari—

Atīte kira Bārāṇasiyaṃ Aggidattassa nāma brāhmaṇassa putto
 Somadattakumāro nāma rājānaṃ upaṭṭhahi. So rañña piyo ahoṣi maṇāpo.
 Brāhmaṇo pana kasikammaṃ nissāya jīvati. Tassa dveyeva goṇā ahesuṃ.
 Tesu eko mato. Brāhmaṇo puttāṃ āha “tāta Somadatta rājānaṃ me yācitvā
 ekaṃ goṇaṃ āharā”ti. Somadatto “sacāhaṃ rājānaṃ yācissāmi, lahubhāvo
 me paññāyissati”ti cintetvā “tumheyeva tāta rājānaṃ yācathā”ti vatvā “tena
 hi tāta maṃ gahetvā yāhi”ti vutto cintesi “ayaṃ brāhmaṇo dandhapañño
 abhikkamādivacanamattampi na jānāti, aññasmiṃ vattabbe aññaṃeva
 vadati, sikkhāpetvā pana naṃ nessāmi”ti. So taṃ ādāya bīraṇatthambhakaṃ
 nāma susānaṃ gantvā tiṇakalāpe bandhitvā “ayaṃ rājā, ayaṃ uparājā, ayaṃ
 senāpati”ti nāmāni katvā paṭipāṭiyā pitu dassetvā “tumhehi rājakulaṃ gantvā
 evaṃ abhikkamitabbaṃ, evaṃ paṭikkamitabbaṃ, evaṃ nāma rājā vattabbo,
 evaṃ nāma uparājā, rājānaṃ pana upasaṅkamitvā ‘jayatu bhavaṃ
 mahārājā’ti vatvā evaṃ ṭhatvā imaṃ gāthaṃ vatvā goṇaṃ yāceyyāthā”ti
 gāthaṃ uggaṇhāpesi—

“Dve me goṇā mahārāja, yehi khettaṃ kasāmase.

Tesu eko mato deva, dutiyaṃ dehi khattiyā”ti.

So hi saṃvaccharamattena taṃ gāthaṃ paṇaṇaṃ katvā paṇaṇabhāvaṃ
 puttassa ārocetvā “tena hi tāta kañcideva paṇṇākāraṃ ādāya āgacchatha,

1. Khu 1. 8; Khu 2. 129 piṭṭhesu.

2. Khu 1. 4, 319 piṭṭhesu.

3. Khu 1. 5, 312 piṭṭhesu.

ahaṃ purimataraṃ gantvā rañño santike ṭhassāmi”ti vutte “sādhu tātā”ti paṇṇākāraṃ gahetvā Somadattassa rañño santike ṭhitakāle ussāhappatto rājakulaṃ gantvā raññā tuṭṭhacittena katapaṭṭisammodano “tāta cirassaṃ vata āgatattha, idamāsaṃ nisīditvā vadatha, yenattho”ti vutte imaṃ gāthamāha—

“Dve me goṇā mahārāja, yehi khettaṃ kasāmase.
Tesu eko mato deva, dutiyaṃ gaṇha khattiyā”ti.

Raññā “kiṃ vadesi tāta, puna vadehī”ti vuttepi tameva gātham āha. Rājā tena virajjhivā kathitabhāvaṃ ṇatvā sitaṃ katvā “Somadatta tumhākaṃ gehe bahū maññe goṇā”ti vatvā “tumhehi dinnā bahū bhavissanti devā”ti vutte bodhisattassa tussitvā brāhmaṇassa soḷasa goṇe alaṅkārabhaṇḍakaṃ nivāsagāmañcassa brahmadeyyaṃ datvā mahantena yasena brāhmaṇaṃ uyyojesīti.

Satthā imaṃ dhammadesanaṃ āharitvā “tadā rājā Ānando ahosi, brāhmaṇo Lāḷudāyī, Somadatto pana ahamevā”ti jātakam samodhānetvā “na bhikkhave idāneva, pubbepesa attano appassutatāya aññasmiṃ vattabbe aññameva vadati. Appassutapuriso hi balibaddasadiso nāma hotī”ti vatvā imaṃ gāthamāha—

152. “Appassutāyaṃ puriso, balibaddova jīrati.

Mamsāni tassa vaḍḍhanti, paññā tassa na vaḍḍhati”ti.

Tattha **appassutāyanti** ekassa vā dvinnaṃ vā paṇṇāsakānaṃ. Atha vā pana vaggānaṃ¹ sabbantimena paricchena ekassa vā dvinnaṃ vā suttantānaṃ vāpi² abhāvena appassuto ayaṃ. Kammatṭhānaṃ pana uggahetvā anuyuñjanto bahussutova. **Balibaddova jīratīti** yathā hi balibaddo jīramāno vaḍḍhamāno neva mātu, na pitu, na sesaññātakānaṃ atthāya vaḍḍhati, atha kho niratthakameva jīrati, evamevaṃ ayampi na upajjhāyavattaṃ karoti, na ācariyavattaṃ, na āgantukavattādīni, na bhāvanārāmataṃ³ anuyuñjati, niratthakameva jīrati, **mamsāni tassa vaḍḍhantīti** yathā balibaddassa “yuganaṅgalādīni vahitum asamattho eso”ti araṇṇe vissatṭhassa tattheva

1. Suttavaggānaṃ (Syā), pannarasavaggānaṃ (Ka)

2. Suttantānampi (Syā)

3. Bhāvanāmattaṃ (Ka)

vicarantassa khānantassa pivantassa maṃsāni vaḍḍhanti, evameva imassāpi upajjhāyādīhi viassaṅghassa saṅgham¹ nissāya cattāro paccaye labhitvā uddhavirecanādīni katvā kāyaṃ posentassa maṃsāni vaḍḍhanti, thūlasarīro hutvā vicarati. **Paññā tassāti** lokiyalokuttarā panassa paññā ekaṅgulamattāpi **na vaḍḍhati**, araññe pana gacchalatādīni viya cha dvārāni nissāya taṇhā ceva navavidhamāno ca vaḍḍhatīti attho.

Desanāvasāne mahājano sotāpattiphalādīni pāpuṇīti.

Lāḷudāyittheravatthu sattamaṃ.

8. Udānavatthu

Anekajātisaṃsāranti imaṃ dhammadesanaṃ Satthā Bodhirukkhamūle nisinno udānavasena udānetvā aparabhāge Ānandattherena puṭṭho kathesi.

So hi Bodhirukkhamūle nisinno sūriye anattaṅgateyeva mārabalam viddhamsetvā paṭhamayāme pubbenivāsapaṭicchādakaṃ tamaṃ padāletvā majjhimayāme dibbacakkhuṃ visodhetvā pacchimayāme sattesu kāruṇṇataṃ paṭicca paccayākāre ñāṇaṃ otāretvā taṃ anulomapaṭilomavasena sammāsanto aruṇuggamanavelāya sammāsambodhiṃ abhisambujjhivā anekehi Buddhasatasahashehi avijahitaṃ udānaṃ udānento imā gāthā abhāsi—

153. “Anekajātisaṃsāraṃ, sandhāvissaṃ anibbisāṃ.

Gahakāraṃ gavesanto, dukkhā jāti punappunaṃ.

154. Gahakāraka diṭṭhosi, puna gehaṃ na kāhasi.

Sabbā te phāsukā bhaggā, gahakūṭaṃ visaṅkhatāṃ.

Visaṅkhāragataṃ cittaṃ, taṇhānaṃ khayamajjhagā”ti.

Tattha **gahakāraṃ gavesantoti** ahaṃ imassa attabhāvasaṅkhātassa gehassa kāraṃ taṇhāvaḍḍhakiṃ gavesanto yena ñāṇena sakkā taṃ²

1. Jaṅghaṃ (Ka)

2. So (Syā, Ka)

daṭṭhum, tassa bodhiñāṇassatthāya Dīpaṅkarapādamūle katābhinihāro ettakam kalam **anekajātisamsāram** anekajātisatasahassasaṅkhātam imam samsāravatṭam **anibbisam** tam nāṇam avindanto alabhantoyeva **sandhāvissam** samsarim, aparāparam anuvicarinti attho. **Dukkha jāti punappunanti** idam gahakārakagavesanassa kāraṇavacanam¹. Yasmā jarābyādhimaraṇamissitāya jāti nāmesā punappunam upagantum dukkhā, na ca sā tasmim adiṭṭhe nivattati. Tasmā tam gavesanto sandhāvissanti attho. **Diṭṭhosīti** sabbaññutaññānam paṭivijjhantena mayā idāni diṭṭhosi. **Puna gehanti** puna imasmim samsāravatṭe attabhāvasaṅkhātam mama geham **na kāhasi**. **Sabbā te phāsukā bhaggāti** tava sabbā avasesā kilesaphāsukā mayā bhaggā. **Gahakūṭam visaṅkhatanti** imassa tayā katassa attabhāvagehassa avijjāsaṅkhātam kaṇṇikamaṇḍalampi mayā viddhamsitam. **Visaṅkhāragatam cittanti** idāni mama cittam visaṅkhāram nibbānam ārammaṇakaraṇavasena gatam anupaviṭṭham. **Taṇhānam khayamajjhagāti** taṇhānam khayasaṅkhātam arahattam adhigatosmīti.

Udānavatthu aṭṭhamam.

9. Mahāadhanasetṭhiputtavatthu

Acaritvāti imam dhammadesanam Sathā Isipatane Migadāye viharanto Mahāadhanasetṭhiputtam ārabha kathesi.

So kira Bārāṇasiyam asītkoṭivibhave kule nibbatti. Athassa mātāpitaro cintesum “amhākam kule mahābhogakkhandho, puttassa no hatthe ṭhapetvā yathāsukham paribhogam karissāma, aññena kamma kiccam natthī”ti. Tam naccagītavāditamattameva sikkhāpesum. Tasmimyeva nagare aññasmim asītkoṭivibhave kule ekā dhītāpi nibbatti. Tassāpi mātāpitaro tatheva cintetvā tam naccagītavāditamattameva sikkhāpesum. Tesam vayappattānam āvāhavivāho aho. Atha nesam aparabhāge mātāpitaro kalamakamsu. Dve-asītkoṭidhanam ekasmimyeva gehe aho. Setṭhiputto divasassa tikkhattum

1. Gahakārakam gavesantassa punappunajananam cavanam dukkham (Sī)

rañño upaṭṭhānaṃ gacchati. Atha tasmim̐ nagare dhuttā cintesuṃ “sacāyaṃ seṭṭhiputto surāsoṇḍo bhavissati, amhākaṃ phāsukaṃ bhavissati, uggaṇhāpema naṃ surāsoṇḍabhāvan”ti. Te suraṃ ādāya khajjakamaṃse¹ ceva loṇasakkharā ca dussante² bandhitvāmūlakande gahetvā tassa rājakulato āgacchantassa maggaṃ olokayamānā nisīditvā taṃ āgacchantam̐ disvā suraṃ pivitvā loṇasakkharaṃ mukhe khipitvā mūlakandaṃ ḍamsitvā “vassasataṃ jīva sāmī, seṭṭhiputta taṃ nissāya mayaṃ khādanapivanasamatthā bhaveyyāmā”ti āhamsu. So tesam̐ vacanaṃ sutvā pacchato āgacchantam̐ cūlūpaṭṭhākaṃ pucchi “kiṃ ete pivanti”ti. Ekaṃ pānakaṃ sāmīti. Manāpajātikaṃ etanti. Sāmī imasmim̐ jīvaloke iminā sadisaṃ pātabbayuttakaṃ nāma natthīti. So “evaṃ sante mayāpi pātum̐ vaṭṭati”ti thokaṃ thokaṃ āharāpetvā pivati. Athassa na cirasseva te dhuttā pivanabhāvaṃ ñatvā taṃ parivārayimsu. Gacchante kāle parivāro mahā ahoṣi. So satenapi satadvayenapi suraṃ āharāpetvā pivanto iminā anukkameneva nisinnaṭṭhānādīsū kahāpaṇarāsīm̐ ṭhapetvā suraṃ pivanto “iminā mālā āharatha, iminā gandhe, ayaṃ jano jute cheko, ayaṃ nacce, ayaṃ gīte, ayaṃ vādīte. Imassa sahasaṃ detha, imassa dve sahasānī”ti evaṃ vikiranto na cirasseva attano santakaṃ asītikoṭidhanaṃ khetvā “khīṇam̐ te sāmī dhanan”ti vutte kiṃ bhariyāya me santakaṃ natthīti. Atthi sāmīti. Tena hi taṃ āharathāti. Tampi tatheva khetvā anupubbena khetta-ārāmuyyānayoggādīkampi antamaso bhājanabhaṇḍakampi attharaṇapāvuraṇanisīdanampi sabbaṃ attano santakaṃ vikkiṇitvā khādi. Atha naṃ mahallakakāle yehissa kulasantakaṃ gehaṃ vikkiṇitvā gahitaṃ, te taṃ gehā nīharimsu. So bhariyaṃ ādāya parajanassa gehabhittim̐ nissāya vasanto kapālakhaṇḍam̐ ādāya bhikkhāya caritvā janassa ucchiṭṭhakaṃ bhuñjitum̐ ārabhi.

Atha naṃ ekadivasaṃ āsanāsālāya dvāre ṭhatvā daharasāmaṇerehi diyyamānaṃ ucchiṭṭhakabhōjanaṃ paṭiggaṇhantaṃ disvā Satthā sitaṃ pātvākāsi. Atha naṃ Ānandatthero sitakāraṇam̐ pucchi. Satthā sitakāraṇam̐ kathento “passānanda imaṃ Mahādhanaseṭṭhiputtaṃ imasmim̐yeva nagare

1. Bhajjitamaṃse (Sī), khajjamaṃse (Syā)

2. Dasante (Sī)

dve-asītikoṭidhanam̐ khepetvā bhariyam̐ ādāya bhikkhāya carantam̐. Sace hi ayam̐ paṭhamavaye bhoge akhepetvā kammante payojayissa, imasmim̐yeva nagare aggasetṭhi abhavissa. Sace pana nikkhamitvā pabbajissa, arahattam̐ pāpuṇissa, bhariyāpissa anāgāmiphale patiṭṭhahissa. Sace majjhimavaye bhoge akhepetvā kammante payojayissa, dutiyasetṭhi abhavissa, nikkhamitvā pabbajanto anāgāmī abhavissa. Bhariyāpissa sakadāgāmiphale patiṭṭhahissa. Sace pacchimavaye bhoge akhepetvā kammante payojayissa, tatiyasetṭhi abhavissa, nikkhamitvā pabbajantopi sakadāgāmī abhavissa, bhariyāpissa sotāpattiphale patiṭṭhahissa. Idāni panesa gihibhogatopi parihīno sāmāññatopi. Parihāyitvā ca pana sukkhapallale koṇcasakuṇo viya jāto”ti vatvā imā gāthā abhāsi—

155. “Acaritvā brahmacariyam̐, aladdhā yobbane dhanam̐.
Jiṇṇakoṇcāva jhāyanti, khīṇamaccheva pallale.

156. Acaritvā brahmacariyam̐, aladdhā yobbane dhanam̐.
Senti cāpātikhīṇāva, purāṇāni anutthunan”ti.

Tattha **acaritvā**ti brahmacariyavāsam̐ avasitvā. **Yobbaneti** anuppanne vā bhoge uppādetum̐ uppanne vā bhoge rakkhitum̐ samatthakāle dhanampi alabhivā. **Khīṇamaccheti** te evarūpā bālā udakassa abhāvā khīṇamacche **pallale** parikkhīṇapattā **jiṇṇakoṇcā** viya avajhāyanti. Idam̐ vuttam̐ hoti— pallale udakassa abhāvo viya hi imesam̐ vasanaṭṭhānassa abhāvo, macchānam̐ khīṇabhāvo viya imesam̐ bhogānam̐ abhāvo, khīṇapattānam̐ koṇcānam̐ uppativā gamanābhāvo viya imesam̐ idāni jalathalopathādīhi bhoge saṅṭhāpetum̐ asamatthabhāvo. Tasmā te khīṇapattā koṇcā viya ettheva bajjhivā avajhāyantīti. **Cāpātikhīṇāvā**ti cāpato atikhīṇā¹, cāpā vinimuttāti attho. Idam̐ vuttam̐ hoti—yathā cāpā vinimuttā sarā yathāvegam̐ gantvā patitā, tam̐ gahetvā ukkhipante asati tattheva upacikānam̐ bhattam̐ honti, evam̐ imepi

1. Cāpātikhittā vāti cāpato atikhittā (Sī)

tayo vaye atikkantā idāni attānaṃ uddharitum asamatthatāya maraṇaṃ
 upagamissanti. Tena vuttaṃ “senti cāpātikhīṇāvā”ti. **Purāṇāni anutthunanti**
 “iti amhehi khāditāni iti pītan”ti pubbe katāni
 khāditapivitanaccagītavāditādīni anutthunantā socantā anusocantā sentīti.

Desanāvasāne bahū sotāpattiphalādīni pāpuṇimsūti.

Mahādhanaṣeṭṭhiputtavatthu navamaṃ.

Jarāvaggavaṇṇanā niṭṭhitā.

Ekādasamo vaggo.

12. Attavagga

1. Bodhirājakumāravatthu

Attānañceti imam dhammadesanam Sathā Bhesakaḷāvane viharanto Bodhirājakumāram ārabha kathesi.

So kira pathavītale aññehi pāsādehi asadisarūpaṃ ākāse uppatamānaṃ viya kokanudam¹ nāma pāsādam kāretvā vaḍḍhakim pucchi “kim tayā aññatthāpi evarūpo pāsādo katapubbo, udāhu paṭhamasippameva te idan”ti. “Paṭhamasippameva devā”ti ca vutte cintesi “sace ayam aññassapi evarūpaṃ pāsādam karissati, ayam pāsādo anacchariyo bhavissati. Imam mayā māretum vā hatthapāde vāssa chinditum akkhini vā uppātetum vaṭṭati, evam aññassa pāsādam na karissati”ti. So tamattham attano piyasahāyakassa Sañjīvakaputtassa² nāma māṇavakassa kathesi. So cintesi “nissamsayam esa vaḍḍhakim nāsessati, anaggho sippī, so³ mayi passante mā nassatu, saññamassa dassāmī”ti. So tam upasaṅkamitvā “pāsāde te kammaṃ niṭṭhitam, no”ti pucchitvā “niṭṭhitan”ti vutte “Rājakumāro tam nāsetukāmo attānam rakkheyyāsi”ti āha. Vaḍḍhakīpi “bhaddakam te sāmi kataṃ mama ārocentena, ahamettha kattabbaṃ jānissāmī”ti vatvā “kim samma amhākam pāsāde kammaṃ niṭṭhitan”ti rājakumārena puṭṭho “na tāva deva niṭṭhitam, bahu avasiṭṭhan”ti āha. Kim kammaṃ nāma avasiṭṭhanti. Pacchā deva ācikkhissāmi, dārūni tāva āharāpethāti. Kim dārūni nāmāti. Nissārāni sukkhadārūni devāti. So āharāpetvā adāsi. Atha nam āha “deva te ito paṭṭhāya mama santikam nāgantabbaṃ. Kim kāraṇā? Sukhumakammaṃ karontassa hi aññehi saddhim sallapantassa me⁴ kammavikkhepo hoti, āhāraṇelāyam pana me bhariyāva āhāram āharissati”ti. Rājakumāropi “sādhū”ti paṭissuṇi. Sopi ekasmiṃ gabbhe nisīditvā tāni dārūni tacchetvā attano puttadārassa antonisīdanayoggaṃ garuḷasakuṇam katvā āhāraṇelāya pana bhariyam āha “gehe vijjamānakam sabbaṃ vikkiṇitvā

1. Kokanadam (Sī, Syā)

3. Sippiyo (Syā, Ka)

2. Sañjīkaputtassa (Sī)

4. Sallāpe sati (Syā, Ka)

hiraññasuvaṇṇaṃ gaṇhāhī”ti. Rājakumāropi vaḍḍhakissa anikkhamanattāya gehaṃ parikkhipitvā ārakkhaṃ ṭhapesi. Vaḍḍhakīpi sakuṇassa niṭṭhitakāle “ajja sabbepe dārake gahetvā āgaccheyyāsī”ti bhariyaṃ vatvā bhuttapātārāso puttadāraṃ sakuṇassa kucchiyaṃ nisīdāpetvā vātapānena nikkhamitvā palāyi. So tesam “deva vaḍḍhakī palāyati”ti kandantānaṃyeva gantvā Himavante otaritvā ekaṃ nagaraṃ māpetvā Kaṭṭhavāhanarājā nāma jāto.

Rājakumāropi “pāsādamahaṃ karissāmī”ti Satthāraṃ nimantetvā pāsāde catujjātiyagandhehi paribhaṇḍikaṃ katvā paṭhama-ummārato paṭṭhāya celapaṭikaṃ¹ patthari. So kira aputtako, tasmā “sacāhaṃ puttāṃ vā dhītaraṃ vā lacchāmi, Satthā imaṃ akkamissati”ti cintetvā patthari. So Satthari āgate Satthāraṃ pañcapaṭiṭṭhitena vanditvā pattaṃ gahetvā “pavisatha bhante”ti āha. Satthā na pāvisi, so dutiyampi tatiyampi yāci. Satthā apavisitvāva Ānandattheraṃ olokesi. Thero olokitasāññāyeva vatthānaṃ anakkamanabhāvaṃ ñatvā taṃ “saṃharatu Rājakumāra dussāni, na Bhagavā celapaṭikaṃ akkamissati, pacchimajanataṃ Tathāgato oloketi”ti dussāni saṃharāpesi. So dussāni saṃharitvā Satthāraṃ antonivesanaṃ pavesetvā yāgukhajjena sammānetvā ekamantaṃ nisinna vanditvā āha “bhante ahaṃ tumhākaṃ upakārako tikkhattuṃ saraṇaṃ gato, kucchigato ca kiramhi ekavāraṃ saraṇaṃ gato, dutiyaṃ taruṇadāraṃkāle, tatiyaṃ viññubhāvaṃ pattakāle. Tassa me kasmā celapaṭikaṃ na akkamitthā”ti. Kiṃ pana tvaṃ kumāra cintetvā celāni attharīti. “Sace puttāṃ vā dhītaraṃ vā lacchāmi, Satthā me celapaṭikaṃ akkamissati”ti idaṃ cintetvā bhanteti. Tenevāhaṃ taṃ na akkaminti. Kiṃ panāhaṃ bhante puttāṃ vā dhītaraṃ vā neva lacchāmīti. Āma kumārāti. Kiṃ kārāṇāti. Purimaka-attabhāve jāyāya saddhiṃ pamādaṃ āpannattāti. Kasmim kāle bhanteti. Athassa Satthā atītaṃ āharitvā dassesi²—

Atīte kira anekasatā manussā mahatiyā nāvāya samuddaṃ pakkhandimsu. Nāvā samuddamajjhe bhijji. Dve jayampatikā ekaṃ phalakaṃ gahetvā antaradīpakaṃ pavisiṃsu, sesā sabbe tattheva marimsu. Tasmim kho pana

1. Celapattikāṃ (Sī)

2. Desesi (Ka)

dīpake mahāsakuṇasaṅgho vasatī. Te aññaṃ khāditabbakaṃ adisvā chātājhattā sakuṇa-aṇḍāni aṅgāresu pacitvā khādimsu, tesu appahontesu sakuṇacchāpe gahetvā khādimsu. Evaṃ paṭhamavayepi majjhimavayepi pacchimavayepi khādimsuyeva. Ekasmimpi vaye appamādaṃ nāpajjimsu, ekopi ca nesaṃ appamādaṃ nāpajji.

Satthā idaṃ tassa pubbakammaṃ dassetvā “sace hi tvaṃ kumāra tadā ekasmimpi vaye bhariyāya saddhiṃ appamādaṃ āpajjissa, ekasmimpi vaye putto vā dhītā vā uppajjeyya. Sace pana vo ekopi appamatto abhaviṣṣa, taṃ paṭicca putto vā dhītā vā uppajjissa. Kumāra attānaṃ hi piyaṃ maññaṃānena tīsupi vayesu appamattena attā rakkhitabbo, evaṃ asakkontena ekavayepi rakkhitabboevā”ti vatvā imaṃ gāthamāha—

157. “Attānañce piyaṃ jaññā, rakkheyya naṃ surakkhitaṃ.

Tiṇṇaṃ aññataraṃ yāmaṃ, paṭijaggeyya paṇḍito”ti.

Tattha **yāmanti** Satthā attano dhammissaratāya desanākusalatāya ca idha tiṇṇaṃ vayānaṃ aññataraṃ vayaṃ yāmanti katvā desesi, tasmā evamettha attho veditabbo. Sace **attānaṃ piyaṃ** jāneyya, **rakkheyya naṃ surakkhitanti** yathā so surakkhito hoti, evaṃ naṃ rakkheyya. Tattha sace gihī samāno “attānaṃ rakkhissāmi”ti uparipāsādātaḷe susaṃvutaṃ gabbhaṃ pavisitvā sampannārakkho hutvā vasantopi, pabbajito hutvā susaṃvute pihitadvāravātapāne leṇe viharantopi attānaṃ na rakkhatiyeva. Gihī pana samāno yathābalaṃ dānasilādīni puññaṃ karonto, pabbajito vā pana vattapaṭivattapariyattimanasikāresu ussukkaṃ āpajjanto attānaṃ rakkhati nāma. Evaṃ tīsu vayesu asakkonto aññatarasmimpi vaye paṇḍitapuriso attānaṃ paṭijaggatiyeva. Sace hi gihibhūto paṭhamavaye khiḍḍāpasutatāya kusalaṃ kātum na sakkoti, majjhimavaye appamattena hutvā kusalaṃ kātubbaṃ. Sace majjhimavaye puttadāraṃ posento kusalaṃ kātum na sakkoti, pacchimavaye kātabbameva. Evampi karontena¹ attā paṭijaggitova hoti. Evaṃ akarontassa pana attā piyo nāma na hoti, apāyaparāyaṇameva naṃ karoti. Sace

1. Tena (Syā, Ka)

pana pabbajito paṭhamavaye sajjhāyaṃ karonto dhārento vācento vattaṭṭhivattam karonto pamādam āpajjati, majjhimavaye appamattena samaṇadhammo kātabbo. Sace paṭhamavaye uggahitapariyattiyā Aṭṭhakatham vinicchayaṃ kāraṇākāraṇaṅca pucchanto majjhimavaye pamādam āpajjati, pacchimavaye appamattena samaṇadhammo kātabboyeva. Evampi karontena attā paṭijaggitova hoti. Evaṃ akarontassa pana attā piyo nāma na hoti, pacchānutāpeneva nam tāpetīti.

Desanāvasāne Bodhirājakumāro sotāpattiphale patitṭhahi, sampattaparisāyapi sātthikā dhammadesanā ahosīti.

Bodhirājakumāravatthu paṭhamam.

2. Upanandasakyaputtattheravatthu

Attānameva paṭhamanti imaṃ dhammadesanaṃ Satthā Jetavane viharanto Upanandaṃ Sakyaputtaṃ ārabha kathesi.

So kira thero dhammakatham kathetuṃ cheko. Tassa appicchatādi paṭisaṃyuttaṃ dhammakatham sutvā bahū bhikkhū taṃ ticīvarehi pūjetvā dhutaṅgāni samādiyimsu. Tehi vissaṭṭhaparikkhāre soyeva gaṇhi. So ekasmiṃ antovasse upakaṭṭhe janapadaṃ agamāsi. Atha naṃ ekasmiṃ vihāre daharasāmaṇerā dhammakathikapemena “bhante idha vassaṃ upethā”ti vadimsu. “Idha kittakaṃ vassāvāsikaṃ labbhatī”ti pucchitvā tehi “ekeko sātako”ti vutte tattha upāhanā ṭhapetvā aññaṃ vihāraṃ agamāsi. Dutiyam vihāraṃ gantvā “idha kiṃ labbhatī”ti pucchitvā “dve sātakā”ti vutte kattarayaṭṭhim ṭhapesi. Tatiyam vihāraṃ gantvā “idha kiṃ labbhatī”ti pucchitvā “tayo sātakā”ti vutte tattha udakatumbaṃ ṭhapesi. Catuttham vihāraṃ gantvā “idha kiṃ labbhatī”ti pucchitvā “cattāro sātakā”ti vutte “sādhu idha vasissāmī”ti tattha vassaṃ upagantvā gahaṭṭhānaṅceva bhikkhūnaṅca dhammakatham kathesi. Te naṃ bahūhi vatthehi ceva cīvarehi ca pūjesuṃ. So vuṭṭhavasso itaresupi vihāresu sāsanaṃ pesetvā “mayā parikkhārassa ṭhapitattā vassāvāsikaṃ laddhabbam, taṃ me paṇṇantū”ti sabbam āharāpetvā yānakaṃ pūretvā pāyāsi.

Athekasmim vihare dve daharabhikkhū dve sātake ekañca kambalaṃ labhitvā “tuyhaṃ sātakā hontu, mayhaṃ kambalo”ti bhājetuṃ asakkontā maggasamīpe nisīditvā vivadanti. Te taṃ therāṃ āgacchantāṃ disvā “bhante tumhe no bhājetvā dethā”ti vadimsu. Tumheyeva bhājethāti. Na sakkoma bhante, tumheyeva no bhājetvā dethāti. Tena hi mama vacane ṭhassathāti. Āma ṭhassāmāti. “Tena hi sādhu”ti tesāṃ dve sātake datvā “ayaṃ dhammakathaṃ kathentānaṃ amhākaṃ pārupanāraho”ti mahagghaṃ kambalaṃ ādāya pakkāmi. Daharabhikkhū vipphaṇṣārino hutvā Satthu santikaṃ gantvā tamatthaṃ ārocesuṃ. Satthā “na bhikkhave idāneva tumhākaṃ santakaṃ gahetvā tumhe vipphaṇṣārino karoti, pubbepe akāsiyevā”ti vatvā atītaṃ āhari—

Atītasim anutīracārī ca gambhīracārī cāti dve uddā mahantaṃ rohitamacchaṃ labhitvā “mayhaṃ sīsaṃ hotu, tava naṅguṭṭhaṃ”ti vivādāpannā bhājetuṃ asakkontā ekaṃ siṅgālaṃ disvā āhaṃsu “mātula imaṃ no bhājetvā dehī”ti. Ahaṃ raññā vinicchayaṭṭhāne ṭhapito, tattha ciraṃ nisīditvā jaṅghavihāratthāya āgatomi, idāni me okāso natthīti. Mātula mā evaṃ karotha, bhājetvā eva no dethāti. Mama vacane ṭhassathāti. Ṭhassāma mātulāti. “Tena hi sādhu”ti so sīsaṃ chinditvā ekamante akāsi, naṅguṭṭhaṃ ekamante. Katvā ca pana “tātā yena vo anutīre caritaṃ, so naṅguṭṭhaṃ gaṇhātu. Yena gambhīre caritaṃ, tassa sīsaṃ hotu. Ayaṃ pana majjhimo khaṇḍo mama vinicchayadhamme ṭhitassa bhavissatī”ti te saññāpento—

“Anutīracārī naṅguṭṭhaṃ, sīsaṃ gambhīracārino.

Accāyaṃ¹ majjhimo khaṇḍo, dhammaṭṭhassa bhavissatī”ti²—

Imaṃ gāthaṃ vatvā majjhimakhaṇḍaṃ ādāya pakkāmi. Tepi vipphaṇṣārino taṃ oloketvā aṭṭhaṃsu.

Satthā imaṃ atītaṃ dassetvā “evamesa atītepi tumhe vipphaṇṣārino akāsiyevā”ti te bhikkhū saññāpetvā Upanandaṃ garahanto

1. Athāyaṃ (Sī, Syā)

2. Khu 5. 159 piṭṭhe Jātake.

“bhikkhave param̃ ovaḍantena nāma paṭhamameva attā patirūpe patiṭṭhāpetabbo”ti vatvā imaṃ gāthamāha—

158. “Attānameva paṭhamam̃, patirūpe nivesaye.

Athaññamanusāseyya, na kilisseyya paṇḍito”ti.

Tattha **patirūpe nivesayeti** anucchavike guṇe patiṭṭhāpeyya. Idaṃ vuttaṃ hoti—yo appicchatādiguṇehi vā ariyavaṃsapaṭipadādīhi vā param̃ anusāsītukāmo, so **attānameva paṭhamam̃** tasmim̃ guṇe patiṭṭhāpeyya. Evaṃ patiṭṭhāpetvā **athaññam̃** tehi guṇehi **anusāseyya**. Attānam̃ hi tattha anivesetvā kevalam̃ parameva anusāsamāno parato nindaṃ labhitvā kilissati nāma, tattha attānam̃ nivesetvā anusāsamāno parato pasamsam̃ labhati, tasmā na kilissati nāma. Evaṃ karonto **paṇḍito na kilisseyyāti**.

Desanāvasāne te bhikkhū sotāpattiphale patiṭṭhahimsu, mahājanassāpi sātthikā dhammadesanā ahoṣīti.

Upanandasakyaputtattheravatthu dutiyam̃.

3. Padhānikatissattheravatthu

Attānañceti imaṃ dhammadesanam̃ Satthā Jetavane viharanto Padhānikatissattheram̃ ārabba kathesi.

So kira Satthu santike kammaṭṭhānam̃ gahetvā pañcasate bhikkhū ādāya araññe vassam̃ upagantvā “āvuso dharamānakassa Buddhassa santike vo kammaṭṭhānam̃ gahitaṃ, appamattāva samaṇadhammam̃ karoṭhā”ti ovaḍitvā sayam̃ gantvā nipajjitvā supati. Te bhikkhū paṭhamayāme caṅkamitvā majjhimayāme vihāram̃ pavisanti. So niddāyitvā pabuddhakāle tesam̃ santikam̃ gantvā “kim̃ tumhe ‘nipajjitvā niddāyissāmā’ti āgatā, sīgham̃ nikkhamitvā samaṇadhammam̃ karoṭhā”ti vatvā sayam̃ gantvā tatheva supati. Itare majjhimayāme bahi caṅkamitvā pacchimayāme vihāram̃ pavisanti. So punapi pabujjhitvā tesam̃ santikam̃ gantvā te vihārā nīharitvā sayam̃ puna gantvā tatheva supati. Tasmim̃ niccakālam̃ evam̃ karonte te bhikkhū sajjhāyam̃ vā

kammaṭṭhānaṃ vā manasikātuṃ nāsakkhiṃsu, cittaṃ aññathattaṃ agamāsi. Te “amhākaṃ ācariyo ativiya āradhaviṃsiyo, pariggaṇhissāma nan”ti pariggaṇhantā tassa kiriyāṃ disvā “naṭṭhamhā āvuso, ācariyo no tuccharavaṃ ravatī”ti vadimsu. Tesāṃ ativiya niddāya kilamantānaṃ ekabhikkhupi visesaṃ nibbattetuṃ nāsakkhi. Te vuṭṭhavassā Satthu santikaṃ gantvā Satthārā katapaṭisanthārā “kiṃ bhikkhave appamattā hutvā samaṇadhammaṃ karitthā”ti pucchitā tamatthaṃ ārocesuṃ. Satthā “na bhikkhave idāneva, pubbepesa tumhākaṃ antarāyamakāsiyevā”ti vatvā tehi yācito—

“Amātāpitarasaṃvaḍḍho¹, anācerakule vasaṃ.
Nāyaṃ kālaṃ akālaṃ vā, abhijānāti kukkuṭo”ti²—

Imaṃ **Akālarāvīkukkuṭajātakaṃ** vitthāretvā kathesi. “Tadā hi so kukkuṭo ayaṃ Padhānikatissatthero ahosi, ime pañca satā bhikkhū te māṇavā ahesuṃ, disāpāmokkho ācariyo ahamevā”ti Satthā imaṃ jātakaṃ vitthāretvā “bhikkhave paraṃ ovadantena nāma attā sudanto kātabbo. Evaṃ ovadanto hi sudanto hutvā dameti nāmā”ti vatvā imaṃ gāthamāha—

159. “Attānañce tathā kayirā, yathāññamanusāsati.
Sudanto vata dametha, attā hi kira duddamo”ti.

Tassattho—yo³ hi bhikkhu “paṭhamayāmādīsū caṅkamaṭṭabbānaṃ”ti vatvā paraṃ ovadati, sayāṃ caṅkamanādīni adhiṭṭhahanto **attānañce tathā kayirā, yathāññamanusāsati**, evaṃ sante **sudanto vata damethā**ti yena guṇena paraṃ anusāsati, tena attanā sudanto hutvā dameyya. **Attā hi kira duddamoti** ayaṃ hi attā nāma duddamo. Tasmā yathā so sudanto hoti, tathā dametabboti.

Desanāvasāne pañca satāpi te bhikkhū arahattaṃ pāpuṇimsūti.

Padhānikatisattheravatthu tatiyaṃ.

1. Amātāpitasamvaḍḍho (Sī, Syā, Ka)

2. Khu 5. 28 piṭṭhe Jātaka.

3. Yathā (Sī, Syā, Ka)

4. Kumārakassapamātutherīvatthu

Attā hi attano nāthoti imam dhammadesanam Sathā Jetavane viharanto Kumārakassapattherassa mātaram ārabha kathesi.

Sā kira Rājagahanagare seṭṭhidhītā viññutam pattakālato paṭṭhāya pabbajjam yāci. Atha sā punappunam yācamānāpi mātāpitūnam santikā pabbajjam alabhitvā vayappattā patikulam gantvā patidevatā hutvā agāram ajjhāvasi. Athassā nacirasseva kucchismiṃ gabbho patiṭṭhahi. Sā gabbhassa patiṭṭhitabhāvaṃ ajānitvāva sāmikam ārādhētva pabbajja yāci. Atha nam so mahantena sakkārena bhikkhunupassayaṃ netvā ajānanto Devadattapakkhikānam bhikkhunīnam santike pabbājesi. Aparena samayena bhikkhuniyo tassā gabbhinibhāvaṃ ñatvā tāhi “kim idan”ti vuttā¹ nāham ayye jānāmi “kimetaṃ”, silam vata me arogamevāti. Bhikkhuniyo tam Devadattassa santikam netvā “ayaṃ bhikkhunī saddhāpabbajitā, imissā mayam gabbhassa patiṭṭhitabhāvaṃ jānāma, kālam na jānāma, kim dāni karomā”ti pucchimsu. Devadatto “mā mayham ovādakārikānam bhikkhunīnam ayaso uppajjatū”ti ettakameva cintetvā “uppabbājetha nan”ti āha. Tam sutvā sā daharā mā mam ayye nāsetha, nāham Devadattam uddissa pabbajitā, etha, mam Sathu santikam Jetavanam nethāti. Tā tam ādāya Jetavanam gantvā Sathu ārocesum. Sathā “tassā gihikāle gabbho patiṭṭhito”ti jānantopi paravādamocanattam rājānam Pasenadikosalam Mahā-anāthapiṇḍikam Cūḷa-anāthapiṇḍikam Visākhā-upāsikam aññāni ca mahākulāni pakkosāpetvā Upālittheram āṇāpesi “gaccha, imissā daharāya bhikkhuniyā catuparisamajjhe kammaṃ parisodhehi”ti. Thero rañño purato Visākhā pakkosāpetvā tam adhikaraṇam paṭicchāpesi. Sā sāṇipākāram parikkhipāpetvā antosāṇiyam tassā hatthapādanābhi-udarapariyosānāni oloketvā māsadivase samānetvā “gihibhāve imāya gabbho laddho”ti ñatvā therassa tamattam ārocesi. Athassā thero parisamajjhe parisuddhabhāvaṃ patiṭṭhāpesi. Sā aparena samayena Padumuttarabuddhassa pādamūle pattitapatthanam mahānubhāvaṃ puttam vijāyi.

1. Puṭṭhā (Syā)

Athekadivasam rājā bhikkhunupassayasamīpena gacchanto dārakasaddam sutvā “kim idan”ti pucchitvā “deva ekissā bhikkhuniyā putto jāto, tassesā saddo”ti vutte tam kumāram attano gharam netvā dhātinam adāsi. Nāmaggaḥaḍḍivase cassa **Kassapoti** nāmam katvā kumāraparihārena vaḍḍhitattā **Kumārakassapoti** sañjānimsu. So kilāmaṇḍale dārake paharivā “nimmātāpitikenamhā pahaḍḍā”ti vutte rājānam upasaṅkamitvā “deva mam ‘nimmātāpitiko’ti vadanti, mātaram me ācikkhathā”ti pucchitvā raññā dhātiyo dassetvā “imā te mātaro”ti vutte “na ettikā me mātaro, ekāya me mātārā bhavitabbam, tam me ācikkhathā”ti āha. Rājā “na sakkā imam vañcetun”ti cintetvā tāta tava mātā bhikkhunī, tvaṁ mayā bhikkhunupassayā ānītoti. So tāvatakenaeva samuppannasamvego hutvā “tāta pabbājetha man”ti āha. Rājā “sādhu tātā”ti tam mahantena sakkārena Satthu santike pabbājesi. So laddhūpasampado **Kumārakassapattheroti** paññāyi. So Satthu santike kammatṭhānam gahetvā araññam pavisitvā vāyāmitvā visesam nibbattetum asakkonto “puna kammatṭhānam visesetvā gahessāmī”ti Satthu santikam gantvā Andhavane vihāsi.

Atha nam Kassapabuddhakāle ekato samaṇadhammam katvā anāgāmiphalam patvā brahmaloke nibbattabhikkhu brahmalokato āgantvā pannarasa pañhe pucchitvā “ime pañhe ṭhapetvā Satthāram añño byākātuṁ samattho nāma natthi, gaccha, Satthu santike imesam attham uggaṇhā”ti uyyojesi. So tathā katvā pañhavissajjanāvasāne arahattam pāpuṇi. Tassa pana nikkhantadivasato paṭṭhāya dvādasa vassāni mātubhikkhuniyā akkhīhi assūni pavattimsu. Sā puttaviyogadukkhita assutinteneva mukhena bhikkhāya caramānā antaravīthiyam theram disvāva “putta puttā”ti viravantī tam gaṇhitum¹ upadhāvamānā parivattitvā pati. Sā thanehi khīram muñcantehi uṭṭhahitvā allacīvarā gantvā theram gaṇhi. So cintesi “sacāyam mama santikā madhuravacanam labhissati, vinassissati. Thaddhameva katvā imāya saddhim sallapissāmī”ti. Atha nam āha “kim karontī vicarasi, sinehamattampi chinditum na sakkosī”ti. Sā “aho kakkhaḷā

1. Pāpuṇitum (Ka)

therassa kathā”ti cintetvā “kiṃ vadesi tātā”ti vatvā punapi tena tatheva vuttā cintesi “ahaṃ imassa kāraṇā dvādasa vassāni assūni sandhāretum¹ na sakkomi, ayaṃ panevaṃ thaddhadayo, kiṃ me iminā”ti puttasiṃhaṃ chinditvā taṃdivasameva arahattaṃ pāpuṇi.

Aparena samayena dhammasabhāyaṃ kathaṃ samuṭṭhāpesum “āvuso Devadattena² evaṃ upanissayasampanno Kumārakassapo ca therī ca nāsitā, Satthā pana tesaṃ patiṭṭhā jāto, aho Buddhā nāma lokānukampakā”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave idāneva ahaṃ imesaṃ paccayo patiṭṭhā jāto, pubbepi nesaṃ ahaṃ patiṭṭhā ahoṣimyevā”ti vatvā—

“Nigrodhameva seveyya, na sākhamupasaṃvase.

Nigrodhasmiṃ mataṃ seyyo, yañce sākhasmi jīvitān”ti³—

Imaṃ **Nigrodhajātakam** vitthārena kathetvā “tadā sākhamigo Devadatto ahosi, parisāpissa Devadattaparīsā, vārappattā migadhenu therī ahosi, putto Kumārakassapo, gabbhinīmigiya jīvitāṃ pariccajitvā gato Nigrodhamigarājā pana ahamevā”ti jātakam samodhānetvā puttasiṃhaṃ chinditvā theriyā attanāva attano patiṭṭhānakatabhāvaṃ pakāsentō “bhikkhave yasmā parassa attani ṭhitena saggaparāyaṇena vā maggaparāyaṇena vā bhavituṃ na sakkā, tasmā attāva attano nātho, paro kiṃ karissatī”ti vatvā imaṃ gāthamāha—

160. “Attā hi attano nātho, ko hi nātho paro siyā.

Attanā hi sudantena, nātham labhati dullabhan”ti.

Tattha **nātho**ti patiṭṭhā. Idaṃ vuttam hoti—yasmā attani ṭhitena attasampanna⁴ kusalam katvā saggam vā pāpuṇitum, maggam vā bhāvetum, phalam vā sacchikātum sakkā. Tasmā hi attāva **attanō** patiṭṭhā hoti, **paro ko** nāma kassa patiṭṭhā **siyā**. **Attanā** eva **hi sudantena**

1. Nivāretum (Syā)

2. Manam vata Devadattena (Si)

3. Khu 5. 4, 212 piṭṭhesu Jātake.

4. Attanā sampanna (Syā)

nibbisevanena arahattaphalasaṅkhātāṃ **dullabhaṃ nāthaṃ labhati.**

Arahattañhi sandhāya idha “nāthaṃ labhati dullabhan”ti vuttaṃ.

Desanāvasāne bahū sotapattiphalādīni pāpuṇimsūti.

Kumārakassapamātutherivatthu catutthaṃ.

5. Mahākāla-upāsakavatthu

Attanā hi kataṃ pāpanti imaṃ dhammadesanaṃ Satthā Jetavane viharanto ekaṃ Mahākālaṃ nāma sotāpanna-upāsakaṃ ārabba kathesi.

So kira māsassa aṭṭhadvasesu¹ uposathiko hutvā vihāre sabbarattim dhammakathaṃ suṇāti. Atha rattim corā ekasmiṃ gehe sandhim chinditvā bhaṇḍakaṃ gahetvā lohahājānasaddena pabuddhehi sāmikehi anubaddhā gahitabhaṇḍaṃ chaḍḍetvā palāyimsu. Sāmikāpi te anubandhimsuyeva, te disā pakkhandimsu. Eko pana vihāramaggaṃ gahetvā Mahākālassa rattim dhammakathaṃ sutvā pātova pokkharāṇitīre mukhaṃ dhovantassa purato bhaṇḍikaṃ chaḍḍetvā palāyi. Core anubandhitvā āgatamanussā bhaṇḍikaṃ disvā “tvaṃ no gehasandhim² chinditvā bhaṇḍikaṃ haritvā dhammaṃ suṇanto³ viya vicarasi”ti taṃ gahetvā pothetvā māretvā chaḍḍetvā agamimsu. Atha naṃ pātova pānīyaghaṭaṃ ādāya gatā daharasāmaṇera disvā “vihāre dhammakathaṃ sutvā sayita-upāsako ayuttaṃ maraṇaṃ labhati”ti vatvā Satthu ārocesuṃ. Satthā “āma bhikkhave, imasmiṃ attabhāve kālena appatirūpaṃ maraṇaṃ laddhaṃ, pubbe katakammaṃ pana tena yuttameva laddhan”ti vatvā tehi yācito tassa pubbakammaṃ kathesi—

Atīte kira Bārāṇasiraṇṇo vijite ekassa paccantagāmassa aṭṭavimukhe corā paharanti⁴. Rājā aṭṭavimukhe ekaṃ rājabhaṭaṃ ṭhapesi, so bhatim gahetvā manusse orato pāraṃ neti, pārato oraṃ āneti. Atheko manusso abhirūpaṃ attano bhariyaṃ cūḷayānakaṃ

1. Aṭṭha divase (Syā)

3. Karonto (Sī)

2. Gehe sandhim (Syā)

4. Viharanti (Syā)

āropetvā taṃ ṭhānaṃ agamāsi. Rājabhāṭo taṃ itthiṃ disvāva sañjātasineho tena “aṭaviṃ no sāmi atikkāmehi”ti vuttepi “idāni vikālo, pātova atikkāmessāmi”ti āha. So sakālo sāmi, idāneva no nehīti. Nivatta bho, amhākaṃyeva gehe āhāro ca nivāso ca bhavissatīti. So neva nivattitum icchi. Itaro purisānaṃ saññaṃ datvā yānakaṃ nivattāpetvā anicchantasseva dvārakoṭṭhake nivāsaṃ datvā āhāraṃ paṭiyādāpesi. Tassa pana gehe ekaṃ maṇiratanam atthi. So taṃ tassa yānakantare pakkipāpetvā paccūsakāle corānaṃ pavīṭṭhasaddaṃ kāresi. Athassa purisā “maṇiratanam sāmi corehi haṭan”ti¹ ārocesum. So gāmadvāresu ārakkham ṭhapetvā “antogāmato nikkhamante vicinathā”ti āha. Itaropi pātova yānakaṃ yojetvā pāyāsi. Athassa yānakaṃ sodhentā attanā ṭhapitaṃ maṇiratanam disvā santajjetvā “tvaṃ maṇiṃ gahetvā palāyasī”ti pothetvā “gahito no sāmi coro”ti gāmahojakassa dassesum. So “bhatakassa vata me gehe nivāsaṃ datvā bhattaṃ dinnam, maṇiṃ gahetvā gato, gaṇhatha naṃ pāpapurisan”ti pothāpetvā māretvā chaddāpesi. Idam tassa pubbakammaṃ. So tato cuto Avīcimhi nibbattitvā tattha dīgharattaṃ paccitvā vipākāvasesena attabhāvasate tatheva pothito maraṇam pāpuṇi.

Evam Sathā Mahākālassa pubbakammaṃ dassetvā “bhikkhave evam ime satte attanā katapāpakammameva catūsu apāyesu abhimatthati”ti vatvā imaṃ gāthamāha—

161. “Attanā hi kataṃ pāpaṃ, attajaṃ attasambhavaṃ.

Abhimatthati dummedham, vajiraṃva’smamayaṃ maṇiṃ”ti.

Tattha **vajiraṃva’smamayaṃ maṇinti** vajiraṃva asmamayaṃ maṇiṃ. Idam vuttam hoti—yathā pāsāṇamayaṃ pāsāṇasambhavaṃ vajiraṃ tameva asmamayaṃ maṇiṃ attano uṭṭhānatṭhānasaṅkhātaṃ pāsāṇamaṇiṃ khāditvā chiddam chiddam khaṇḍam khaṇḍam² katvā aparibhogam karoti, evameva **attanā kataṃ** attani jātam

1. Gahitanti (Sī, Syā)

2. Chiddāvachiddam khaṇḍāvakhāṇḍikam (Sī)

attasambhavaṃ pāpaṃ **dummedhaṃ** nippaṇṇaṃ puggalaṃ catūsu apāyesu **abhimatthati** kantati viddhaṃsetīti.

Desanāvasāne sampattabhikkhū sotāpattiḥhalādīni pāpuṇimsūti.

Mahākāla-upāsakavatthu pañcamam.

6. Devadattavatthu

Yassa accantadussīlyanti imaṃ dhammadesanaṃ Satthā Veļuvane viharanto Devadattaṃ ārabba kathesi.

Ekasmim hi divase bhikkhū dhammasabhāyaṃ kathaṃ samuṭṭhāpesuṃ “āvuso Devadatto dussīlo pāpadhammo dussīlyakāraṇena¹ vadḍhitāya taṇhāya Ajātasattuṃ saṅgaṇhitvā mahantaṃ lābhasakkāraṃ nibbattetvā Ajātasattuṃ pituvadhe samādapetvā tena saddhiṃ ekato hutvā nānappakārena Tathāgatassa vadhāya parisakkatī”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave idāneva, pubbepi Devadatto nānappakārena mayhaṃ vadhāya parisakkatī”ti vatvā **Kuruṅgamigajātakādīni**² kathetvā “bhikkhave accantadussīlapuggalaṃ nāma dussīlyakāraṇā uppannā taṇhā māluvā viya sālaṃ pariyonandhitvā sambhañjamānā nirayādīsu pakkhipatī”ti vatvā imaṃ gāthamāha—

162. “Yassa accantadussīlyam, māluvā sālamiṅvotthataṃ.

Karoti so tathattānaṃ, yathā naṃ icchatīdiso”ti.

Tattha **accantadussīlyanti** ekantadussīlabhāvo. Gihī vā jātito paṭṭhāya dasa akusalakammapathe karonto, pabbajito vā upasampannadivasato paṭṭhāya garukāpattiṃ āpajjamāno accantadussīlo nāma. Idha pana yo dvīsu tīsu attabhāvesu dussīlo, etassa gatiyā āgataṃ dussīlabhāvaṃ sandhāyetaṃ vuttaṃ. **Dussīlabhāvoti** cettha dussīlassa

1. Dussīlyakāraṇeneva (Syā)

2. Khu 5. 55 piṭṭhe.

cha dvārāni nissāya uppannā taṇhā veditabbā. **Māluvā sālami**voththanti yassa puggalassa taṃ taṇhāsaṅkhātāraṃ dussīlaṃ yathā nāma māluvāsālaṃ ottharanti¹ deve vassante pattehi udakaṃ sampaṭicchitvā sambhañjanavasena sabbatthakameva pariyonandhati, evaṃ attabhāvaṃ otthataṃ pariyonandhitvā ṭhitaṃ. So māluvāya sambhañjitvā bhūmiyaṃ pāṭiyamāno rukkho viya tāya dussīlyasaṅkhātāya taṇhāya sambhañjitvā apāyesu pāṭiyamāno, yathā naṃ anattakāmo diso icchati, tathā attānaṃ karoti nāmāti attho.

Desanāvasāne bahū sotāpattiphalādīni pāpuṇimsūti.

Devadattavattu chaṭṭhaṃ.

7. Saṅghabhedaparisakkanavattu

Sukarānīti imaṃ dhammadesanaṃ Satthā Veḷuvane viharanto saṅghabhedaparisakkaṇaṃ ārabba kathesi.

Ekadivasañhi Devadatto saṅghabhedāya parisakkanto āyasmantaṃ Ānandaṃ piṇḍāya carantaṃ disvā attano adhippāyaṃ ārocesi. Taṃ sutvā thero Satthu santikaṃ gantvā Bhagavantaṃ etadavoca “idhāhaṃ bhante pubbaṅhasamayaṃ nivāsetvā pattacīvaramādāya Rājagahaṃ piṇḍāya pāvīsīm. Addasā kho maṃ bhante Devadatto Rājagahe piṇḍāya carantaṃ. Disvā yenāhaṃ tenupasaṅkami, upasaṅkamtivā maṃ etadavoca ‘ajjatagge dānāhaṃ āvuso Ānanda aññatreva Bhagavatā aññatra bhikkhusaṅghena² uposathaṃ karissāmi saṅghakammañcā’ti. Ajja Bhagavā Devadatto saṅghaṃ bhindissati, uposathañca karissati saṅghakammāni cā’ti. Evaṃ vutte Satthā—

“Sukaraṃ sādhuṇā sādhu, sādhu³ pāpena dukkaraṃ.

Pāpaṃ pāpena sukaraṃ, pāpamariyehi dukkaraṃ”ti⁴—

1. Otthataṃ (Syā, Ka)

3. Sādhuṃ, sādhuṃ (Ka)

2. Bhikkhusaṅghā (Sī)

4. Khu 1. 150 piṭṭhe Udāne.

imaṃ udānaṃ udānetvā “Ānanda attano ahitakammaṃ nāma sukaraṃ, hitakammameva dukkaraṃ”ti vatvā imaṃ gāthamāha—

163. “Sukarāni asādhūni, attano ahitāni ca.

Yaṃ ve hitaṅca sādhuṅca, taṃ ve paramadukkaraṃ”ti.

Tassattho—yāni kammāni **asādhūni** sāvajjāni apāyasaṃvattanikattāyeva¹ **attano ahitāni ca** honti, tāni **sukarāni**. **Yaṃ** pana sugatisaṃvattanikattā attano **hitaṅca** anavajjatthena **sādhuṅca** sugatisaṃvattanikaṅceva nibbānasaṃvattanikaṅca kammaṃ, **taṃ** pācīnaninnāya Gaṅgāya ubbattetvā pacchāmukhakarāṇaṃ viya atidukkaranti.

Desanāvasāne bahū sotāpattiphalādīni pāpuṇimsūti.

Samghabhedaparisakkanavatthu sattamaṃ.

8. Kālattheravatthu

Yo sāsananti imaṃ dhammadesanaṃ Satthā Jetavane viharanto Kālattheraṃ ārabha kathesi.

Sāvattthiyaṃ kirekā itthī mātuṭṭhāne ṭhatvā taṃ therāṃ upaṭṭhahi. Tassā paṭivissakageche manussā Satthu santike dhammaṃ sutvā āgantvā “aho Buddhā nāma acchariyā, aho dhammadesanā madhurā”ti pasaṃsanti. Sā itthī tesāṃ kathaṃ sutvā “bhante ahampi Satthu dhammadesanaṃ sotukāmā”ti tassa ārocesi. So “tattha mā gamī”ti taṃ nivāresi. Sā punadivase punadivasepīti² yāvatatiyaṃ tena nivāriyamānāpi sotukāmāva ahosi. Kasmā so panetaṃ nivāresīti. Evaṃ kirassa ahosi “Satthu santike dhammaṃ sutvā mayi bhijjissatī”ti. Sā ekadivasaṃ pātova bhuttapātarāsā uposathaṃ samādiyitvā “amma sādhukaṃ ayyaṃ pariviseyyāsi”ti dhītaṃ āṇāpetvā vihāraṃ agamāsi. Dhītapissā taṃ bhikkhuṃ āgatakāle parivisitvā “kuhiṃ mahā-upāsikā”ti vuttā

1. Apāyasaṃvattanikāni katattāyeva (Syā, Ka)

2. Sā punadivasepi yācamānā (Syā)

“dhammassavanāya vihāraṃ gatā”ti āha. So taṃ sutvāva kucchiyaṃ
 uṭṭhitena dāhena¹ santappamāno “idāni sā mayi bhinnā”ti vegena gantvā
 Satthu santike dhammaṃ suṇamānaṃ disvā Satthāraṃ āha “bhante ayaṃ
 itthī dandhā sukhumaṃ dhammakathaṃ na jānāti, imissā
 Khandhādipaṭisaṃyuttaṃ sukhumaṃ dhammakathaṃ akathetvā dānakathaṃ
 vā silakathaṃ vā kathetuṃ vaṭṭatī”ti. Satthā tassajjhāsayāṃ viditvā “tvam
 duppañño pāpikaṃ diṭṭhiṃ nissāya Buddhānaṃ sāsanaṃ paṭikkosasi.
 Attaghātāyeva² vāyamasī”ti vatvā imaṃ gāthamāha—

164. “Yo sāsanaṃ arahataṃ, ariyānaṃ dhammajīvināṃ.

Paṭikkosati dummedho, diṭṭhiṃ nissāya pāpikaṃ.

Phalāni kaṭṭhakasseva, attaghātāya phallatī”ti.

Tassattho—**yo dummedho** puggalo attano sakkārahānibhayena **pāpikaṃ
 diṭṭhiṃ nissāya** “dhammaṃ vā sossāma, dānaṃ vā dassāmā”ti vadante
 paṭikkosanto **arahataṃ ariyānaṃ dhammajīvināṃ Buddhānaṃ sāsanaṃ
 paṭikkosati**, tassa taṃ paṭikkosanaṃ sā ca pāpikā diṭṭhi veḷusaṅkhātassa
kaṭṭhakassa phalāni viya hoti. Tasmā yathā kaṭṭhako phalāni gaṇhanto
attaghātāya³ phallati, attano ghātathameva phalati, evaṃ sopi attaghātāya
 phallatīti. Vuttampi cetam—

“Phalaṃ ve kadaliṃ hanti, phalaṃ veḷuṃ phalaṃ naḷaṃ.

Sakkāro kāpurisaṃ hanti, gabbho assatarim yathā”ti⁴.

Desanāvasāne upāsikā sotāpattiphale patiṭṭhahi, sampattaparisāyapi
 sātthikā dhammadesanā ahoṣīti.

Kālattheravatthu aṭṭhamaṃ.

1. Dosena (Ka)

2. Attaghaññāyeva (Sī)

3. Attaghaññāya (Sī, Syā)

4. Vi 4. 346; Am 1. 385 piṭṭhesu.

9. Cūlakāla-upāsakavatthu

Attanā hi katanti imañ dhammadesanañ Satthā Jetavane viharanto Cūlakālaṃ upāsakaṃ ārabha kathesi.

Ekadivasañhi Mahākālavatthusmiṃ vuttanayeneva umaṅgacorā sāmikehi anubaddhā rattiṃ vihāre dhammakathaṃ sutvā pātova vihārā nikkhamitvā Sāvattiṃ āgacchantassa tassa upāsakassa purato bhaṅḍikaṃ chaḍḍetvā palāyimsu. Manussā taṃ disvā “ayaṃ rattiṃ corakammaṃ katvā dhammaṃ suṇanto viya carati, gaṇhatha nan”ti taṃ pothayimsu. Kumbhadāsiyo udakatitthaṃ gacchamānā taṃ disvā “apetha sāmi, nāyaṃ evarūpaṃ karotī”ti taṃ mocesuṃ. So vihāraṃ gantvā “bhante ahamhi manussehi nāsito, kumbhadāsiyo me nissāya jīvitam laddhan”ti bhikkhūnaṃ ārocesi. Bhikkhū Tathāgatassa tamatthaṃ ārocesuṃ. Satthā tesam kathaṃ sutvā “bhikkhave Cūlakāla-upāsako kumbhadāsiyo ceva nissāya, attano ca akaraṇabhāvena jīvitam labhi. Ime hi nāma sattā attanā pāpakammaṃ katvā nirayādīsu attanāva kilissanti, kusalam katvā pana sugatiñceva nibbānañca gacchantā attanāva visujjhanti”ti vatvā imañ gāthamāha—

165. “Attanā hi¹ kataṃ pāpaṃ, attanā saṅkilissati.

Attanā akataṃ pāpaṃ, attanāva visujjhati.

Suddhī asuddhi paccattaṃ, nāñño aññaṃ visodhaye”ti.

Tassattho—yena **attanā** akusalakammaṃ **kataṃ** hoti, so catūsu apāyesu dukkhaṃ anubhavanto **attanāva saṅkilissati**. Yena pana **attanā akataṃ pāpaṃ**, so sugatiñceva nibbānañca gacchanto **attanāva visujjhati**. Kusalakammasaṅkhātā **suddhi** akusalakammasaṅkhātā ca **asuddhi paccattaṃ** kārakasattānaṃ attaniyeva vipaccati. **Añño** puggalo **aññaṃ** puggalaṃ **na visodhaye** neva visodheti, na kilesetīti vuttaṃ hoti.

1. Attanāva (Sī, Syā)

Desanāvasāne Cūlakālo sotāpattiphale patiṭṭhahi, sampattaparisāyapi sātthikā dhammadesanā ahosīti.

Cūlakāla-upāsakavatthu navamaṇi.

10. Attadatthatheravatthu

Attadatthanti imaṇi dhammadesanaṇi Sattḥā Jetavane viharanto Attadatthatheraṇi ārabba kathesi.

Sattḥārā hi parinibbānakāle “bhikkhave ahaṇi ito catumāsaccayena parinibbāyissāmi”ti vutte uppannaṇaṇi vegā sattasatā puthujjanā bhikkhū Sattu santikaṇi avijahitvā “kiṇi nu kho āvuso karissāma”ti sammantayamaṇā vicaranti. Attadatthathero pana cintesi “Sattḥā kira catumāsaccayena parinibbāyissati, ahaṇi camhi avītarāgo, Sattḥāri dharamāneyeva arahattatthāya vāyamiṇi”ti. So bhikkhūnaṇi santikaṇi na gacchati. Atha naṇi bhikkhū “kasmā āvuso tvaṇi neva amhākaṇi santikaṇi āgacchasi, na kiṇi mantesi”ti vatvā Sattu santikaṇi netvā “ayaṇi bhante evaṇi nāma karoti”ti ārocayimsu. So Sattḥārāpi “kasmā evaṇi karosi”ti vutte “tunhe kira bhante catumāsaccayena parinibbāyissatha, ahaṇi tunhesu dharantesuyeva arahattappattiyā vāyamiṇi”ti. Sattḥā tassa sādhuḥkārāṇi datvā “bhikkhave yassa mayi sineho atthi, tena attadatthena viya bhavituṇi vaṭṭati. Na hi gandhādīhi pūjenti māṇi pūjenti, dhammānudhammapaṭṭipattiyā pana māṇi pūjenti. Tasmā añṇenapi Attadatthasadiseneva bhavitabbaṇi”ti vatvā imaṇi gāthamāha—

166. “Attadatthaṇi paratthena, bahunāpi na hāpaye.

Attadatthamabhiññāya, sadatthapasuto siyā”ti.

Tassattho—gihibhūto tāva kākaṇikamattampi attano atthaṇi sahasamattenāpi parassa atthena na hāpaye. Kākaṇikamattenāpi¹ hissa attadatthova khādanīyaṇi vā bhojanīyaṇi vā nipphādeyya, na parattho.

1. Kākaṇikamattopi (Syā, Ka)

Idaṃ pana evaṃ akathetvā kammaṭṭhānasīsenā kathitaṃ, tasmā
 “Attadatthaṃ na hāpemi”ti bhikkhunā nāma saṃghassa uppannaṃ
 cetiyapaṭisaṅkharaṇādikiccaṃ vā upajjhāyādivattaṃ vā na hāpetabbaṃ.
 Ābhisamācārikavattaṃhi pūrentoyeva ariyaphalādīni sacchikaroti, tasmā
 ayampi Attadatthova. Yo pana accāradhavi-passako “ajja vā suve vā”ti¹
 paṭivedhaṃ patthayamāno vicarati, tena upajjhāyavattādīnīpi hāpetvā attano
 kiccomeva kātabbaṃ. Evarūpaṃ hi **attadatthamabhiññāya** “ayaṃ me attano
 attho”ti sallakkhetvā, **sadatthapasuto siyāti** tasmim sake atthe
 uyyuttapayutto bhavēyyāti.

Desanāvasāne so thero arahatte paṭiṭṭhahi, sampattabhikkhūnampi
 sātthikā dhammadesanā ahoṣīti.

Attadatthattheravatthu dasamaṃ.

Attavaggavaṇṇanā niṭṭhitā.

Dvādasamo vaggo.

1. Ajja ajjevāti (Sī, Syā)

13. Lokavagga

1. Daharabhikkhuvatthu

Hīnaṃ dhammanti imaṃ dhammadesanaṃ Satthā Jetavane viharanto aññatarāṃ daharabhikkhūṃ ārabha kathesi.

Aññataro kira thero daharabhikkhūnā saddhiṃ pātova Visākhāya gehaṃ agamāsi. Visākhāya gehe pañcasatānaṃ bhikkhūnaṃ dhuvayāgu niccapaññattā hoti. Thero tattha yāguṃ pivitvā daharabhikkhūṃ nisīdāpetvā sayāṃ aññaṃ gehaṃ agamāsi. Tena ca samayena Visākhāya puttassa dhītā ayyikāya ṭhāne ṭhatvā bhikkhūnaṃ veyyāvaccāṃ karoti. Sā tassa daharassa udakaṃ parissāventī cāṭiyaṃ attano mukhanimittaṃ disvā hasi, daharopi taṃ oloketvā hasi. Sā taṃ hasamānaṃ disvā “chinnasīso hasatī”ti āha. Atha naṃ daharo “tvaṃ chinnasīsā, mātāpitaropi te chinnasīsā”ti akkosi. Sā rodamānā mahānase ayyikāya santikaṃ gantvā “kiṃ idaṃ amma”ti vutte tamatthaṃ ārocesi. Sā daharassa santikaṃ āgantvā¹ “bhante mā kujjhi, na etaṃ chinnakesanakhassa chinnanivāsanapārūpanassa majjhe chinnakapālaṃ ādāya bhikkhāya carantassa ayyassa agarukan”ti² āha. Daharo āma upāsike, tvaṃ mama chinnakesādibhāvaṃ jānāsi, imissā maṃ “chinnasīso”ti katvā akkosituṃ vaṭṭissatīti. Visākhā neva daharaṃ saññāpetuṃ asakkhi, napi dārikaṃ. Tasmim̐ khaṇe thero āgantvā “kimidaṃ upāsike”ti pucchitvā tamatthaṃ sutvā daharaṃ ovadanto āha “apehi āvuso, nāyaṃ chinnakesanakhavatthassa majjhe chinnakapālaṃ ādāya bhikkhāya carantassa akkoso³, tuṅhī hohī”ti. Āma bhante, kiṃ tumhe attano upaṭṭhāyikaṃ atajjetvā maṃ tajjetha, maṃ “chinnasīso”ti akkosituṃ vaṭṭissatīti. Tasmim̐ khaṇe Satthā āgantvā “kiṃ idan”ti pucchi. Visākhā ādito paṭṭhāya taṃ pavattiṃ ārocesi. Satthā tassa daharassa sotāpattiphalūpanissayaṃ disvā “mayā imaṃ daharaṃ anuvattituṃ vaṭṭatī”ti cintetvā Visākhāṃ āha “kiṃ pana Visākhe tava dārikāya chinnakesādīmattakeneva mama

1. Gantvā (Sī)

2. Abhigarukanti (Syā, Ka)

3. Akkosi (Syā)

sāvake chinnaśīse katvā akkositum vaṭṭatī”ti. Daharo tāvadeva uṭṭhāya añjalim paggahetvā “bhante etaṃ pañham tumheva suṭṭhu jānātha, amhākaṃ upajjhāyo ca upāsikā ca suṭṭhu na jānantī”ti āha. Sathhā daharassa attano anukulabhāvaṃ ñatvā “kāmaguṇaṃ ārabba hasanabhāvo nāma hīno dhammo, hīnañca nāma dhammaṃ seviturū pamādena saddhim saṃvasiturū na vaṭṭatī”ti vatvā imaṃ gāthamāha—

167. “Hīnaṃ dhammaṃ na seveyya, pamādena na saṃvase.
Micchādiṭṭhim na seveyya, na siyā lokavaḍḍhano”ti.

Tattha **hīnaṃ dhammanti** pañcakāmaguṇaṃ dhammaṃ. So hi hīno dhammo na antamaso¹ oṭṭhagoṇādīhipi paṭisevitabbo. Hīnesu ca nirayādīsu ṭhānesu nibbattāpetīti hīno nāma, taṃ **na seveyya. Pamādenāti** sativossagalakkhaṇena pamādenāpi **na saṃvase. Na seveyyāti** micchādiṭṭhimpī na gaṇheyya. **Lokavaḍḍhanoti** yo hi evaṃ karoti, so lokavaḍḍhano nāma hoti. Tasmā evaṃ akaraṇena na siyā lokavaḍḍhanoti.

Desanāvasāne so daharo sotāpattiphale patiṭṭhahi, sampattānampi sātthikā dhammadesanā ahoṣīti.

Daharabhikkhuvatthu paṭhamam.

2. Suddhodanavatthu

Uttiṭṭheti imaṃ dhammadesanaṃ Sathhā Nigrodhārāme viharanto pitaraṃ ārabba kathesi.

Ekasmiṃ hi samaye Sathhā paṭhamagamanena Kapilapuraṃ gantvā ñātīhi katapaccuggamano Nigrodhārāmaṃ patvā ñātīnaṃ mānabhindanathāya ākāse ratanacaṅkamaṃ māpetvā tattha caṅkamanto dhammaṃ desesi. Ñātī pasannacittā Suddhodanamahārājānaṃ ādim katvā vandīmsu. Tasmīṃ ñātisamāgame pokkharavassaṃ vassi. Taṃ ārabba mahājanena

1. So hi hīnena antamaso (Syā, Ka)

kathāya samuṭṭhāpitāya “na bhikkhave idāneva, pubbepi mayham ñāṭisamāgame pokkharavassam vassiyevā”ti vatvā **Vessantarajātakam**¹ kathesi. Dhammadesanam sutvā pakkamantesu ñāṭisu ekopi Satthāram na nimantesi. Rājāpi “mayham putto mama geham anāgantvā khamam gamissati”ti animantetvāva agamāsi. Gantvā ca pana gehe vīsatiyā bhikkhasahassānam yāgu-ādīni paṭiyādāpetvā āsanāni paññāpesi. Punadivase Satthā piṇḍāya pavisanto “kiṃ nu kho atītabuddhā pitu nagaram patvā ujukameva ñāṭikulam pavisimsu, udāhu paṭipāṭiyā piṇḍāya carimsū”ti āvajjento “paṭipāṭiyā carimsū”ti disvā paṭhamagehato paṭṭhāya piṇḍāya caranto pāyāsi. Rāhulamātā pāsādātales nisinnāva disvā tam pavattim rañño ārocesi. Rājā sātakam saṅghāpento² vegena nikkhamitvā Satthāram vanditvā putta kasmā mam nāsesi, ativiya te piṇḍāya carantena lajjā uppādītā, yuttam nāma vo³ imasmimyeva nagare suvaṇṇasivikādīhi vicaritvā piṇḍāya caritum⁴, kiṃ mam lajjāpesīti. Nāham tam mahārāja lajjāpemi, attano pana kulavaṃsam anuvattāmīti. Kiṃ pana tāta piṇḍāya caritvā jīvanavaṃso mama vaṃsoti⁵. “Neso mahārāja tava vaṃso, mama paneso vaṃso. Anekāni hi Buddhasahassāni piṇḍāya caritvāva jīvimsū”ti vatvā dhammam desento imā gāthā abhāsi—

168. “Uttiṭṭhe nappamajjeyya, dhammam sucaritam care.
Dhammacārī sukham seti, asmiṃ loke paramhi ca.

169. Dhammam care sucaritam, na nam duccharitam care.
Dhammacārī sukham seti, asmiṃ loke paramhi cā”ti.

Tattha **uttiṭṭheti** uṭṭhahitvā⁶ paresam gharadvāre ṭhatvā gahetabbapiṇḍe. **Nappamajjeyyāti** piṇḍacārikavattam hi hāpetvā paṇitabhojanāni pariyesanto uttiṭṭhe pamajjati nāma, sapadānam piṇḍāya caranto pana na pamajjati nāma. Evaṃ karonto uttiṭṭhe nappamajjeyya. **Dhammanti** anesanam

1. Khu 6. 312 piṭṭhe.

2. Asaṅghāpento (Ka) Vi-Ṭṭha 3. 289 piṭṭhe pana passitabbam.

3. Ayuttam nāma te kataṃ (Syā)

4. Caritum vaṭṭati (Syā)

5. Jīvanam mama vaṃsoti (Syā)

6. Uttiṭṭha (Sī), uṭṭhapetvā (Ka)

pahāya sapaḍānaṃ caranto tameva bhikkhācariyadhammaṃ **sucaritaṃ care**. **Sukhaṃ setīti** desanāmettaṃ, evaṃ panetaṃ bhikkhācariyadhammaṃ caranto **dhammacārī** idha loke catūhi iriyāpathehi **sukhaṃ** viharatīti attho. **Na naṃ duccharitanti** vesiyādibhede agocare caranto bhikkhācariyadhammaṃ duccharitaṃ carati nāma. Evaṃ acaritvā **dhammaṃ care sucaritaṃ, na naṃ duccharitaṃ care**. Sesāṃ vuttatthameva.

Desanāvasāne rājā sotāpattiṭṭhahi, sampattānampi sātthikā dhammadeśanā ahoṣīti.

Suddhodanavattu dutiyaṃ.

3. Pañcasatavipassakabhikkhuvattu

Yathā pubbuḷakanti imaṃ dhammadeśanaṃ Satthā Jetavane viharanto pañcasate vipassake bhikkhū ārabha kathesi.

Te kira Satthu santike kammaṭṭhānaṃ gahetvā araṇṇaṃ pavisitvā ghaṭentā vāyamaṇṭā appattavisesā “viseṣetvā kammaṭṭhānaṃ gahessāmā”ti Satthu santikaṃ āgacchantā antarāmagge marīcikammaṭṭhānaṃ¹ bhāventāva āgamimsu. Tesāṃ viharāṃ pavitṭhakkhaṇeṃ devo vassi. Te tatha tatha pamukhesu ṭhatvā dhārāvegena² utṭhahitvā bhijjante pubbuḷake disvā “ayampi attabhāvo uppajjitvā bhijjanatthena pubbuḷakasadisoyevā”ti ārammaṇaṃ gaṇhimsu. Satthā Gandhakuṭiyaṃ nisinnova te bhikkhū oloketvā tehi saddhiṃ kathento viya obhāsaṃ pharitvā imaṃ gāthamāha—

170. “Yathā pubbuḷakaṃ passe, yathā passe marīcikaṃ.

Evaṃ lokaṃ avekkhantaṃ, maccurājā na passaṭī”ti.

Tatha **marīcikaṃ** mayūkhaṃ. Te hi³ dūratova gehasaṇṭhānādivasena upaṭṭhitāpi upagacchantānaṃ agayhūpagā rittakā tucchakāva. Tasmā yathā

1. Marīcim disvā marīcikammaṭṭhānaṃ (Syā)

2. Vātavegena (Ka)

3. Marīcikaṃ māyaṃ. Māyā hi (Syā, Ka)

uppajjitvā bhijjanatthena **pubbuḷakaṃ** rittatucchādibhāveveva passeyya, evaṃ khandhādilokaṃ **avekkhantaṃ maccurājā na passatī**ti attho.

Desanāvasāne te bhikkhū ṭhitaṭṭhāneyeva arahattaṃ pāpuṇimsūti.

Pañcasatavipassakabhikkhuvatthu tatiyaṃ.

4. Abhayarājakumāravatthu

Etha passathimaṃ lokanti imaṃ dhammadeśanaṃ Satthā Veḷuvane viharanto Abhayarājakumāraṃ ārabha kathesi.

Tassa kira paccantaṃ vūpasamētvā āgataṃ pitā Bimbisāro tussitvā ekaṃ naccagītakusalaṃ nāṭakitthiṃ datvā sattāhaṃ¹ rajjamadāsi. So sattāhaṃ gehā bahi anikkhantova rajjasiriṃ anubhavitvā aṭṭhame divase nadītithaṃ gantvā nhatvā uyyānaṃ pavisitvā Santatimahāmatto viya tassā itthiyā naccagītaṃ passanto nisīdi. Sāpi taṅkhaṇaṇṇeva Santatimahāmattassa nāṭakitthi viya satthakavātānaṃ vasena kālamakāsi. Kumāro tassā kālakiriyāya uppannasoko “na me imaṃ sokaṃ ṭhapētvā Satthāraṃ añño nibbāpetuṃ sakkhissatī”ti Satthāraṃ upasaṅkamitvā “bhante sokaṃ me nibbāpethā”ti āha. Satthā taṃ samassāsetvā “tayā hi kumāra imissā itthiyā evameva matakāle rodantena pavattitānaṃ assūnaṃ anamatagge saṃsāre pamāṇaṃ natthī”ti vatvā tāya desanāya sokassa tanubhāvaṃ ñatvā “kumāra mā soci, bālajanānaṃ saṃsīdanaṭṭhānametan”ti vatvā imaṃ gāthamāha—

171. “Etha passathimaṃ lokaṃ, cittaṃ rājarathūpamaṃ.

Yattha bālā visīdanti, natthi saṅgo vijānatan”ti.

Tattha **etha passathā**ti rājakumārameva sandhāyāha. **Imaṃ lokanti** imaṃ khandhalokādisaṅkhātaṃ attabhāvaṃ. **Cittanti** sattaratanādivicittaṃ rājarathaṃ viya vatthālaṅkāradicittitaṃ². **Yattha bālā**ti yasmim attabhāve bālā

1. Disvā taṅca sattāhaṃ (Sī)

2. Vatthālaṅkāradivicittaṃ (Syā)

evaṃ visīdanti. **Vijānatanti** vijānantānaṃ paṇḍitānaṃ ettha rāgasāṅgādīsu ekopi **saṅgo natthīti** attho.

Desanāvasāne rājakumāro sotāpattiṭṭhale patiṭṭhahi, sampattānampi sātthikā dhammadesanā ahoṣīti.

Abhayarājakumāravatthu catutthaṃ.

5. Sammajjanattheravatthu

Yo ca pubbeti imaṃ dhammadesanaṃ Satthā Jetavane viharanto Sammajjanattheraṃ ārabha kathesi.

So kira pāto vā sāyaṃ vāti velaṃ pamāṇaṃ¹ akatvā abhikkhaṇaṃ sammajjantova vicarati. So ekadivasam sammajjanaṃ gahetvā divāṭṭhāne nisinnassa Revatattherassa santikaṃ gantvā “ayaṃ mahākusīto janassa saddhādeyyaṃ bhuñjitvā āgantvā nisīdati, kiṃ nāmetassa sammajjanaṃ gahetvā ekaṃ ṭhānaṃ sammajjituṃ na vaṭṭatī”ti āha. Thero “ovādamassa dassāmī”ti cintetvā ehāvusoti. Kiṃ bhanteti. Gaccha nhatvā ehīti. So tathā akāsi. Atha naṃ thero ekamantaṃ nisīdāpetvā ovadanto āha “āvuso bhikkhunā nāma na sabbakālaṃ sammajjantena vicarituṃ vaṭṭati, pāto eva pana sammajjitvā piṇḍāya caritvā piṇḍapātaṭṭhāntena āgantvā rattiṭṭhāne vā divāṭṭhāne vā nisinnena dvattiṃ sākāraṃ sajjhāyitvā attabhāve khayavayaṃ paṭṭhapetvā sāyanhe uṭṭhāya sammajjituṃ vaṭṭati, niccakālaṃ asammajjitvā attanopi nāma okāso kātabbo”ti. So therassa ovāde ṭhatvā na cirasseva arahattaṃ pāpuṇi. Taṃ taṃ ṭhānaṃ uklāpaṃ ahoṣi. Atha naṃ bhikkhū āhaṃsu “āvuso Sammajjanatthera taṃ taṃ ṭhānaṃ uklāpaṃ kasmā na sammajjasī”ti. Bhante mayā pamādakāle evaṃ kataṃ, idānāmi appamattoti. Bhikkhū “ayaṃ thero aññaṃ byākaroti”ti Satthu ārocesuṃ. Satthā “āma bhikkhave, mama putto pubbe pamādakāle sammajjanto vicari, idāni pana maggaphalasukhena vītināmento na sammajjati”ti vatvā imaṃ gāthamāha—

1. Velāya pamāṇaṃ tattha (Sī)

172. “Yo ca pubbe pamajjitvā, pacchā so nappamajjati.

So’maṃ lokam pabhāseti, abbhā muttova candimā”ti.

Tassattho—yo puggalo **pubbe** vattapaṭivattakaraṇena vā sajjhāyādīhi vā **pamajjitvā pacchā** maggaphalasukhena vītināmento **nappamajjati**, so abbhādīhi **mutto** candova-okāsalokam maggañāṇena **imam** khandhādilokam obhāseti, ekālokam karotīti.

Desanāvasāne bahū sotāpattiphalādīni pāpuṇimsūti.

Sammajjanattheravatthu pañcamam.

6. Aṅgulimālattheravatthu

Yassa pāpanti imam dhammadesanam Satthā Jetavane viharanto Aṅgulimālattheram ārabha kathesi. Vatthu **Aṅgulimālasuttantavaseneva**¹ veditabban.

Thero pana Satthu santike pabbajitvā arahattam pāpuṇi. Atha kho āyasmā Aṅgulimālo rahogato paṭisallīno vimuttisukhapaṭisaṃvedī. Tāyam velāyam imam udānam udānesi—

“Yo ca pubbe pamajjitvā, pacchā so nappamajjati.

So’maṃ lokam pabhāseti, abbhā muttova candimā”ti—

Ādinā nayena udānam udānetvā anupādisesāya nibbānadhātuyā parinibbuto. Bhikkhū “kham nu kho āvuso thero uppanno”ti dhammasabhāyam katham samuṭṭhāpesum. Satthā āgantvā “kāya nuttha bhikkhave etarahi kathāya sannisinnā”ti pucchitvā “bhante Aṅgulimālattherassa nibbattaṭṭhānakathāyā”ti vutte parinibbuto ca bhikkhave mama puttoti. Bhante ettake manusse māretvā parinibbutoti. “Āma bhikkhave, so pubbe ekam kalyāṇamittam alabhitvā ettakam pāpamakāsi, pacchā pana kalyāṇamittapaccayam labhitvā appamatto ahoṣi. Tenassa tam pāpakammaṃ kusalena pihitan”ti vatvā imam gāthamāha—

1. Ma 2. 301 piṭṭhe.

173. “Yassa pāpaṃ kataṃ kammaṃ, kusalena pidhīyati.
So’maṃ lokaṃ pabhāseti, abbhā muttova candimā”ti.

Tattha **kusalenā**ti arahattamaggaṃ sandhāya vuttaṃ. Sesam
uttānatthamevāti.

Desanāvasāne bahū sotāpattiphalādīni pāpuṇimsūti.

Angulimālattheravatthu chaṭṭham.

7. Pesakāradhītāvatthu

Andhabhūtoti imaṃ dhammadesanaṃ Satthā Aggāḷave cetiye viharanto
ekaṃ Pesakāradhītaraṃ ārabha kathesi.

Ekadivasam hi Āḷavivāsino Satthari Āḷaviṃ sampatte nimantetvā dānaṃ
adamsu. Satthā bhattakiccavasāne anumodanaṃ karonto “addhuvaṃ me
jīvitaṃ, dhuvaṃ me maraṇaṃ, avassaṃ mayā maritabbameva,
maraṇapariyosānaṃ me jīvitaṃ, jīvimeva aniyataṃ, maraṇaṃ niyatanti
evaṃ maraṇassatiṃ bhāvettha. Yesam hi maraṇassati abhāvitā, te pacchime
kāle āsīvisaṃ disvā bhīta-adaṇḍapuriso viya santāsappattā bheravaravaṃ
ravantā kālaṃ karonti. Yesam pana maraṇassati bhāvitā, te dūratova
āsīvisaṃ disvā daṇḍakena gahetvā chaḍḍetvā ṭhitapuriso viya pacchime kāle
na santasanti, tasmā maraṇassati bhāvetabbā”ti āha. Taṃ dhammadesanaṃ
sutvā avasesajanā sakiccappasutāva ahesuṃ. Ekā pana soḷasavassuddesikā
pesakāradhītā “aho Buddhānaṃ kathā nāma acchariyā, mayā pana
maraṇassatiṃ bhāvetuṃ vaṭṭati”ti rattindivaṃ maraṇassatimeva bhāvesi.
Satthāpi tato nikkhamitvā Jetavanaṃ agamāsi. Sāpi kumārikā tīṇi vassāni
maraṇassatiṃ bhāvesiyeva.

Athekadivasam Satthā paccūsasamaye lokaṃ olokeno taṃ kumārikaṃ
attano nāṇajālassa antopaviṭṭhaṃ disvā “kiṃ nu kho bhavissati”ti
upadhārento “imāya kumārikāya mama dhammadesanāya sutadivasato
paṭṭhāya tīṇi vassāni maraṇassati bhāvitā, idānāhaṃ tattha gantvā imaṃ
kumārikaṃ cattāro pañhe pucchitvā tāya

vissajjentiya¹ catūsuṭhānesu sādhuḥkāraṃ datvā imaṃ gāthaṃ bhāsissāmi. Sā gāthāvasāne sotāpattiṭṭhale patitṭhahissati, taṃ nissāya mahājanassāpi sātthikā dhammadesanā bhavissati”ti ñatvā pañcasatabhikkhuparivāro Jetavanā nikkhamitvā anupubbena Aggālavavihāraṃ agamāsi. Ālavivāsino “Satthā āgato”ti sutvā taṃ vihāraṃ gantvā nimantayimsu. Tadā sāpi kumārikā Satthu āgamaṇaṃ sutvā “āgato kira mayhaṃ pitā sāmi ācariyo puṇṇacandamukho Mahāgotamabuddho”ti tuṭṭhamānasā “ito me tiṇṇaṃ saṃvaccharānaṃ matthake suvaṇṇavaṇṇo Satthā diṭṭhapubbo, idānissa suvaṇṇavaṇṇaṃ sarīraṃ daṭṭhumaṃ madhurojaṇca varadhammaṃ² sotumaṃ labhissāmi”ti cintesi. Pitā paṇassā sālaṃ gacchanta āha “amma parasantako me sātako āropito, tassa vidatthimattaṃ anitṭhitaṃ, taṃ ajja niṭṭhāpessāmi, sīghaṃ me tasaraṃ vaṭṭetvā³ āhareyyāsi”ti. Sā cintesi “ahaṃ Satthu dhammaṃ sotukāmā, pitā ca maṃ evaṃ āha. Kiṃ nu kho Satthu dhammaṃ suṇāmi, udāhu pitu tasaraṃ vaṭṭetvā harāmi”ti. Athassā etadahosi “pitā maṃ tasare anāhariyamāne potheyyapi pahareyyapi, tasmā tasaraṃ vaṭṭetvā tassa datvā pacchā dhammaṃ sossāmi”ti pīṭhake nisīditvā tasaraṃ vaṭṭesi.

Ālavivāsiniṇopi Satthāraṃ parivisitvā pattamaṃ gahetvā anumodanattāya aṭṭhaṃsu. Satthā “yamahaṃ kuladhītaraṃ nissāya tiṃsayojanamaggaṃ āgato. Sā ajjāpi okāsaṃ na labhati. Tāya okāse laddhe anumodanaṃ karissāmi”ti tuṇṇihbhūto ahosi. Evaṃ tuṇṇihbhūtampi Satthāraṃ sadevake loke koci kiñci vattumaṃ na visahati. Sāpi kho kumārikā tasaraṃ vaṭṭetvā pacchiyaṃ ṭhapetvā pitu santikaṃ gacchamānā parisapariyante ṭhatvā Satthāraṃ olokayamānāva aṭṭhāsi. Satthāpi gīvaṃ ukkhipitvā taṃ olokesi. Sā olokitākāreṇeva⁴ aññāsi “Satthā evarūpāya parisāya majjhe nisīditvāva maṃ olovento mamāgamaṇaṃ paccāsīsati, attano santikaṃ āgamaṇameva paccāsīsati”ti. Sā tasarapacchiṃ ṭhapetvā Satthu santikaṃ agamāsi. Kasmā pana naṃ Satthā olokesīti. Evaṃ kirassa ahosi “esā ettova gacchamānā

1. Vissajjitāya (Sī)

3. Vaḍḍhetvā (Sī)

2. Ovādadhammaṃ (Syā, Ka)

4. Olokitākāreṇena (Ka)

puthujjanakālakiriyaṃ katvā aniyatagatikā bhavissati, mama santikaṃ āgantvā gacchamānā sotāpattiphalaṃ patvā niyatagatikā hutvā Tusitavimāne nibbattissatī”ti. Tassā kira taṃ divasaṃ maraṇato mutti nāma natthi. Sā olokitasaññāneva Satthāraṃ upasaṅkamtivā chabbaṇṇaramsīnaṃ antaraṃ pavisitvā vanditvā ekamantaṃ aṭṭhāsi. Tathārūpāya parisāya majjhe nisīditvā tuṅhībhūtaṃ Satthāraṃ vanditvā ṭhitakkaṇe yaeva taṃ āha “kumārike kuto āgacchasi”ti. Na jānāmi bhanteti. Kattha gamissasīti. Na jānāmi bhanteti. Na jānāsīti. Jānāmi bhanteti. Jānāsīti. Na jānāmi bhanteti. Iti naṃ Satthā cattāro pañhe pucchi. Mahājano ujjhāyi “ambho passatha, ayaṃ Pesakāradhītā Sammāsambuddhena saddhiṃ icchiticchitaṃ kathesi, nanu nāma imāya ‘kuto āgacchasi’ti vutte ‘Pesakāragehato’ti vattabbaṃ. ‘Kahaṃ gacchasi’ti vutte ‘Pesakārasālan’ti vattabbaṃ siyā”ti.

Satthā mahājanaṃ nissaddaṃ katvā “kumārike tvaṃ kuto āgacchasi”ti vutte “kasmā na jānāmīti vadesī”ti pucchi. Bhante tumhe mama Pesakāragehato āgatabhāvaṃ jānātha, “kuto āgatāsī”ti pucchantā pana “kuto āgantvā idha nibbattāsī”ti pucchatha. Ahaṃ pana na jānāmi “kuto ca āgantvā idha nibbattāmhi”ti. Athassā Satthā “sādhu sādhu kumārike, mayā pucchitapañhova tayā vissajjito”ti paṭhamaṃ sādhukāraṃ datvā uttarimpi pucchi “kattha gamissasīti puna puṭṭhā kasmā ‘na jānāmī’ti vadesī”ti. Bhante tumhe maṃ tasarapacchiṃ gahetvā Pesakārasālaṃ gacchantim¹ jānātha, “ito gantvā kattha nibbattissasī”ti pucchatha. Ahañca ito cutā na jānāmi “kattha gantvā nibbattissāmī”ti. Athassā Satthā “mayā pucchitapañhoyeva tayā vissajjito”ti dutiyaṃ sādhukāraṃ datvā uttarimpi pucchi “atha kasmā ‘na jānāsī’ti puṭṭhā ‘jānāmī’ti vadesī”ti. Maraṇabhāvaṃ jānāmi bhante, tasmā evaṃ vademīti. Athassā Satthā “mayā pucchitapañhoyeva tayā vissajjito”ti tatiyaṃ sādhukāraṃ datvā uttarimpi pucchi “atha kasmā ‘jānāsī’ti puṭṭhā ‘na jānāmī’ti vadesī”ti. Mama maraṇabhāvameva ahaṃ jānāmi bhante, “rattindivapubbaṇhādīsu pana asukakāle nāma marissāmī”ti

1. Gacchati (Sī), gacchissatī (Ka)

na jānāmi, tasmā evaṃ vademīti. Athassā Satthā “mayā pucchitapañhoyeva tayā vissajjito”ti catuttham sādhu-kāram datvā parisam āmantetvā “ettakam nāma tumhe imāya kathitam na jānātha, kevalam ujjhāyatheva. Yesañhi paññācakkhu natthi, te andhā eva. Yesam paññācakkhu atthi, te eva cakkhumanto”ti vatvā imam gāthamāha—

174. “Andhabhūto ayam loko, tanuke’ttha vipassati.

Sakuṇo jālamuttova, appo saggāya gacchatī”ti.

Tattha **andhabhūto ayam lokoti** ayam lokiyamahājano paññācakkhuno abhāvena andhabhūto. **Tanuke’tthāti** tanuko ettha, na bahu jano aniccādivasena **vipassati**. **Jālamuttovāti** yathā chekena sākuṇikena jālena ottharivā gayhamānesu vaṭṭakesu kocideva jālato muccati, sesā antojālameva pavisanti, tathā marañajālena¹ otthaṭesu sattesu bahū apāyagāmino honti, **appo** kocideva satto **saggāya gacchati**, sugatim vā nibbānam vā pāpuṇātīti attho.

Desanāvasāne kumārikā sotāpatti-phale patiṭṭhahi, mahājanassāpi sātthikā dhammadesanā ahoṣīti.

Sāpi tasarapacchim gahetvā pitu santikam agamāsi, sopi nisinnakova niddāyi. Tassā asallakketvāva tasarapacchim upanāmentiyā tasarapacchi vemakoṭiyam paṭihaññitvā saddam kurumānā pati. So pabujjhitvā gahitanimitteneva vemakoṭim ākaḍḍhi. Vemakoṭi gantvā tam kumārikam ure pahari, sā tattheva kālam katvā Tusitabhavane nibbatti². Athassā pitā tam olokeno sakalasarirena lohitamakkhiteṇa pativā matam addasa. Athassa mahāsoko uppajji. So “na mama sokam añño nibbāpetum sakkhissatī”ti rodanto Satthu santikam gantvā tamattham ārocetvā “bhante sokam me nibbāpethā”ti āha. Satthā tam samassāsetvā “mā soci upāsaka. Anamataggasmim hi saṃsāre tava evameva dhītu marañakāle paggharita- assu catunnam mahāsamuddānam udakato atirekataran”ti vatvā anamataggakatham

1. Mārajālena (Sī, Syā)

2. Kālam katvā papatā (Sī)

kathesi. So tanubhūtasoko Sathhāraṃ pabbajjaṃ yācitvā laddhūpasampado na cirasseva arahattaṃ pāpuṇīti.

Pesakāradhītāvattu sattamaṃ.

8. Timsabhikkhuvatthu

Haṃsā'diccapatheti imaṃ dhammadesanaṃ Satthā Jetavane viharanto tiṃsa bhikkhū ārabha kathesi.

Ekasmiṃ hi divase tiṃsamattā disāvāsikā bhikkhū Satthāraṃ upasaṅkamimsu. Ānandatthero Satthu vattakaraṇavelāya āgantvā te bhikkhū disvā “Satthārā imehi saddhiṃ paṭisanthāre kate vattaṃ karissāmi”ti dvārakoṭṭhake aṭṭhāsi. Satthāpi tehi saddhiṃ paṭisanthāraṃ katvā tesāṃ sāraṇīyadhammaṃ kathesi. Taṃ sutvā te sabbepi arahattaṃ patvā uppatitvā ākāseṇa agamimsu. Ānandatthero tesu cirāyantesu Satthāraṃ upasaṅkamtivā “bhante idāneva¹ tiṃsamattā bhikkhū āgatā, te kuhin”ti² pucchi. Gatā Ānandāti. Katarena maggena bhanteti. Ākāsenānandāti. Kim pana te bhante khīṇāsavāti. Āmānanda, mama santike dhammaṃ sutvā arahattaṃ pattāti. Tasmīṃ pana khaṇe ākāseṇa haṃsā āgamimsu. Satthā “yassa kho paṇānanda cattāro iddhipādā subhāvitā, so haṃsā viya ākāseṇa gacchatī”ti vatvā imaṃ gāthamāha—

175. Haṃsā'diccapathe yanti, ākāse yanti iddhiyā.

Nīyanti dhīrā lokamhā, jetvā māraṃ savāhinin”ti.

Tassattho—ime **haṃsā ādiccapathe ākāse** gacchanti. Yesāṃ iddhipādā subhāvitā, tepi ākāse **yanti iddhiyā. Dhīrā** paṇḍitā **savāhinim māraṃ jetvā** imamhā vaṭṭalokā **nīyanti**, nibbānaṃ pāpuṇantīti attho.

Desanāvasāne bahū sotāpattiphalādīni pāpuṇimsūti.

Timsabhikkhuvatthu aṭṭhamaṃ.

1. Idha (Sī, Syā)

2. Kahanti (Sī, Syā)

9. Ciñcamāṇavikāvattu

Ekam dhammanti imam dhammadesanam Satthā Jetavane viharanto Ciñcamāṇavikam ārabha kathesi.

Paṭhamabodhiyañhi Dasabalassa puthubhūtesu sāvakesu appamāṇesu devamanussesu ariyabhūmim okkantesu patthaṭe guṇasamudaye mahālābhasakkāro udapādi. Titthiyā sūriyuggamane khajjopanakasadisā ahesum hatalābhasakkārā. Te antaravīthiyam ṭhatvā “kim samaṇo Gotamova Buddho, mayampi Buddhā, kim tasseva dinnam mahapphalam, amhākampi dinnam mahapphalameva, amhākampi detha sakkaroṭhā”ti evam manusse viññāpentāpi lābhasakkāram alabhitvā raho sannipatitvā “kena nu kho upāyena samaṇassa Gotamassa manussānam antare avaṇṇam uppādetvā lābhasakkāram nāseyyāmā”ti cintayimsu.

Tadā Sāvattthiyam Ciñcamāṇavikā nāmekā paribbājikā uttamarūpadharā sobhaggappattā devaccharā viya. Assā sarīrato rasmiyo niccharanti. Atheko kharamantī evamāha “Ciñcamāṇavikam paṭicca samaṇassa Gotamassa avaṇṇam uppādetvā lābhasakkāram nāsessāmā”ti. Te “attheko upāyo”ti sampaṭicchimsu. Atha sā titthiyārāmaṇam gantvā vanditvā aṭṭhāsi, titthiyā tāya saddhim na kathesum. Sā “ko nu kho me doso”ti yāvattiyam “vandāmi ayyā”ti vatvā “ayyā ko nu kho me doso, kim mayā saddhim na kathethā”ti āha. Bhagini samaṇam Gotamam amhe viheṭṭhayantaṇam hatalābhasakkāre katvā vicarantaṇam na jānāsīti. Na jānāmi ayyā kim panettha mayā kattabbanti. Sace tvam bhagini amhākam sukhamicchasi, attānam paṭicca samaṇassa Gotamassa avaṇṇam uppādetvā lābhasakkāram nāsehīti.

Sā “sādhu ayyā, mayhamveso bhāro, mā cintayitthā”ti vatvā pakkamitvā itthimāyāsu kusalatāya tato paṭṭhāya Sāvattthivāsīnam dhammakatham sutvā Jetavanā nikkhamanasamaye indagopakavaṇṇam paṭam pārupitvā gandhamālādihatthā Jetavanābhimukhī gacchati. “Imāya velāya kuhiṇ gacchasi”ti vutte “kim tumhākam mama gamanaṭṭhānenā”ti vatvā Jetavanasamīpe titthiyārāme vasitvā pātova “aggavandanam vandissāmā”ti nagarā nikkhamante

upāsakajane Jetavanassa antovuṭṭhā viya hutvā nagaraṃ pavisati¹. “Kuhim vuṭṭhāsī”ti vutte “kim tumhākaṃ mama vuṭṭhaṭṭhānenā”ti vatvā māsaddhamāsaccayena² pucchiyamānā Jetavane samaṇena Gotamena saddhim ekagandhakuṭiyā vuṭṭhāmhīti. Puthujjanānaṃ “saccaṃ nu kho etaṃ, no”ti kaṅkhaṃ uppādetvā temāsacatumāsaccayena pilotikāhi udaraṃ veṭhetvā gabbhinivaṇṇaṃ dassetvā upari rattapaṭaṃ pārupitvā “samaṇaṃ Gotamaṃ paṭicca gabbho uppanno”ti andhabāle saddahāpetvā aṭṭhanavamāsaccayena udare dārumaṇḍalikaṃ bandhitvā upari paṭaṃ pārupitvā hatthapādapiṭṭhiyo gohanukena koṭṭāpetvā ussade dassetvā kilantindriyā hutvā sāyanhasamaye Tathāgate alaṅkatadhammāsane nisīditvā dhammaṃ desente dhammasabhaṃ gantvā Tathāgatassa purato ṭhatvā “mahāsamaṇa mahājanassa tāva dhammaṃ desesi, madhuro te saddo, samphusitaṃ dantāvaraṇaṃ. Ahaṃ pana taṃ paṭicca gabbhaṃ labhitvā paripuṇṇagabbhā jātā, neva me sūtiḥharaṃ jānāsi, sappitelādīni sayāṃ akaronto upaṭṭhākānampi aññataraṃ Kosalarājānaṃ vā Anāthapiṇḍikaṃ vā Visākhaṃ upāsikaṃ vā ‘imissā Ciṅcamāṇavikāya kattabbayuttakaṃ karohī’ti na vadesi, abhiraṃmituṃyeva jānāsi, gabbhaparihāraṃ na jānāsi”ti gūthapiṇḍaṃ gahetvā candamaṇḍalaṃ dūsetuṃ vāyamaṇṭi viya parisamajjhe Tathāgataṃ akkosi. Tathāgato dhammakathaṃ ṭhapetvā sīho viya abhinadanto “bhagini tayā kathitassa tathabhāvaṃ vā vitathabhāvaṃ vā ahameva ca tvaṅca jānāmā”ti āha. Āma mahāsamaṇa, tayā ca mayā ca ñātabhāvenetaṃ jātanti³.

Tasmim khaṇe Sakkassa āsanaṃ uṇhākāraṃ dassesi. So āvajjamāno “Ciṅcamāṇavikā Tathāgataṃ abhūtena akkosati”ti ñatvā “idaṃ vatthuṃ sodhessāmī”ti catūhi devaputtehi saddhim āgami. Devaputtā mūsikapotakā hutvā dārumaṇḍalikassa bandhanarajjūke ekappahāreneva chindimsu, pārutapaṭaṃ vāto ukkhipi, dārumaṇḍalikaṃ patamānaṃ tassā pādapiṭṭhiyaṃ pati, ubho aggapādā chijjimsu⁴. Manussā “dhī kālakaṇṇi, Sammāsambuddhaṃ akkosī”ti sīse kheḷaṃ pātetvā leḍḍudaṇḍādihatthā Jetavanā nīharimsu. Athassā Tathāgatassa cakkhupathaṃ atikkantakāle mahāpathavī

1. Pavisantī (Syā, Ka) 2. Ekamāsadvimāsaccayena (Syā), aḍḍhamāsaccayena (Ka)
 3. Ñātabhāvaṃ ke na jānantīti (Sī), ñātabhāvaṃ ke taṃ jānantīti (Ka)
 4. Bhijjimsu (Syā, Ka)

bhijjivā vivaramadāsi, Avīcito aggijālā uṭṭhahi. Sā kuladattiyam kambalam pārupamānā viya gantvā Avīcimhi nibbatti. Aññatitthiyānam lābhasakkāro parihāyi, Dasabalassa bhiiyoso mattāya vaḍḍhi. Punadvase dhammasabhāyam katham samuṭṭhāpesum “āvuso Ciñcamāṇavikā evam uḷāraguṇam aggadakkhiṇeyyam Sammāsambuddham abhūtena akkositvā mahāvināsam pattā”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave idāneva, pubbepi esā maṃ abhūtena akkositvā vināsam pattāyevā”ti vatvā—

“Nā’daṭṭhā parato dosam, aṇum thūlāni sabbaso.

Issaro paṇaye daṇḍam, sāmam appaṭivekkhiyā”ti—

Imam Dvādasanipāte **Mahāpadumajātakam**¹ vitthāretvā kathesi—

Tadā kiresā Mahāpadumakumārassa bodhisattassa mātu sapattī rañño aggamaheṣī hutvā mahāsattam asaddhammena nimantevā tassa manam alabhitvā attanāva attani vippakāram katvā gilānālayam dassetvā “tava putto mam anicchantim imam vippakāram pāpesi”ti rañño ārocesi. Rājā kuddho mahāsattam corapapāte khiṇi. Atha nam pabbatakucchiyam adhivatthā devatā paṭiggahetvā nāgarājassa phaṇagabbhe paṭiṭṭhapesi. Nāgarājā tam Nāgabhavanam netvā upaḍḍharajjena sammānesi. So tattha samvaccharam vasitvā pabbajitukāmo Himavantappadesam patvā pabbajitvā jhānābhinnāyo nibbatesi. Atha nam eko vanacarako disvā rañño ārocesi. Rājā tassa santikam gantvā katapaṭisanthāro sabbam tam pavattim ṇatvā mahāsattam rajjena nimantevā tena “mayham rajjena kiccam natthi, tvam pana dasa rājadhamme akopetvā agatigamanam pahāya dhammena rajjam kārehi”ti ovadito uṭṭhāyāsana roditvā nagaram gacchanto antarāmagge amacce pucchi “aham kam nissāya evam ācārasampannaena puttana viyogam patto”ti. Aggamahesim nissāya devāti. Rājā tam uddhampādam gahetvā corapapāte khiṇipetvā nagaram pavisitvā dhammena rajjam kāresi. Tadā Mahāpadumakumāro Satthā² ahosi, mātu sapattī Ciñcamāṇavikāti.

1. Khu 5. 253 piṭṭhe.

2. Mahāsatto (Sī, Syā)

Satthā imamatthaṃ pakāsetvā “bhikkhave ekaṃ dhammaṃ hi saccavacanaṃ pahāya musāvāde patiṭṭhitānaṃ vissaṭṭhaparalokānaṃ akattabbapāpakammaṃ nāma natthī”ti vatvā imaṃ gāthamāha—

176. “Ekaṃ dhammaṃ atītassa, musāvādissa jantuno.
Vitiṇṇaparalokassa, natthi pāpaṃ akāriyaṃ”ti.

Tattha **ekaṃ dhammanti** saccaṃ. **Musāvādissāti** yassa dasasu vacanesu ekampi saccaṃ natthi, evarūpassa musāvādino. **Vitiṇṇaparalokassāti** vissaṭṭhaparalokassa. Evarūpo hi manussasampattim devasampattim avasāne nibbānasampattinti imā tissopi sampattiyo na passati. **Natthi pāpanti** tassa evarūpassa idaṃ nāma pāpaṃ akattabbanti natthi.

Desanāvasāne bahū sotāpattiphalādīni pāpuṇim sūti.

Ciñcamāṇavikāvattu navamaṃ.

10. Asadisadānavatthu

Na ve kadariyāti imaṃ dhammadešanaṃ Satthā Jetavane viharanto asadisadānaṃ ārabha kathesi.

Ekasmim hi samaye Satthā cārikaṃ caritvā pañcasatabhikkhuparivāro Jetavanaṃ pāvisi. Rājā vihāraṃ gantvā Satthāraṃ nimantevā punadivase āgantukadānaṃ sajjetvā “dānaṃ me passantū”ti nāgare pakkosi. Nāgarā āgantvā rañño dānaṃ disvā punadivase Satthāraṃ nimantevā dānaṃ sajjetvā “amhākampi dānaṃ devo passatū”ti rañño pahiṇimsu. Rājā tesam dānaṃ disvā “imehi mama dānato uttaritaraṃ kataṃ, puna dānaṃ karissāmi”ti punadivasepi dānaṃ sajjesi. Nāgarāpi taṃ disvā punadivase sajjayimsu. Evaṃ neva rājā nāgare parājetuṃ sakkoti, na nāgarā rājānaṃ. Atha chaṭṭhe vāre nāgarā sataguṇaṃ saḥassaguṇaṃ vaḍḍhetvā yathā na sakkā hoti “idaṃ nāma imesaṃ dāne natthī”ti vattuṃ, evaṃ dānaṃ sajjayimsu. Rājā taṃ disvā “sacāhaṃ imesaṃ dānato uttaritaraṃ kātuṃ na sakkhissāmi, kiṃ me jīvitena”ti upāyaṃ cintento nipajji. Atha naṃ

Mallikā devī upasaṅkamitvā “kasmā mahārāja evaṃ nipannosi, kena te indriyāni kilantāni viyā”ti pucchi. Rājā āha “na dāni tvaṃ devī jānāsī”ti. Na jānāmi devāti. So tassā tamatthaṃ ārocesi.

Atha naṃ Mallikā āha “deva mā cintayi, kahaṃ tayā pathavissaro rājā nāgarehi parājjyamāno diṭṭhapubbo vā sutapubbo vā, ahaṃ te dānaṃ saṃvidahissāmī”ti. Itissa asadisadānaṃ saṃvidahitukāmatāya evaṃ vatvā mahārāja sālakalyāṇipadarehi pañcannaṃ bhikkhusatānaṃ anto āvaṭṭe nisīdanamaṇḍapaṃ kārehi, sesā bahi-āvaṭṭe nisīdissanti. Pañca setacchattasatāni kārehi, tāni gahetvā pañcasatā hatthī pañcannaṃ bhikkhusatānaṃ matthake dhārayamānā ṭhassanti. Aṭṭha vā dasa vā rattasuvaṇṇanāvāyo kārehi, tā maṇḍapamajjhe bhavissanti. Dvinnāṃ dvinnāṃ bhikkhūnaṃ antare ekekā khattiyadhītā nisīditvā gandhe pisissati, ekekā khattiyadhītā bījanīṃ ādāya dve dve bhikkhū bījamānā ṭhassati, sesā khattiyadhītaro pise pise gandhe haritvā suvaṇṇanāvāsu pakkhipissanti, tāsu ekaccā khattiyadhītaro nīluppalakalāpe gahetvā suvaṇṇanāvāsu pakkhittagandhe āloletvā vāsaṃ gāhāpessanti. Nāgarānañhi neva khattiyadhītaro atthi, na setacchattāni, na hatthino ca. Imehi kāraṇehi nāgarā parājjissanti, evaṃ karohi mahārājāti. Rājā “sādhu devī, kalyāṇaṃ te kathitaṃ”ti tāya kathitanīyāmena sabbaṃ kāresi. Ekassa pana bhikkhuno eko hatthi nappahosi. Atha rājā Mallikaṃ āha “bhadde ekassa bhikkhuno eko hatthi nappahoti, kiṃ karissāmā”ti. Kiṃ deva pañca hatthisatāni natthīti. Atthi devī, avasesā duṭṭhahatthino, te bhikkhū disvāva verambhavātā viya caṇḍā hontīti. Deva ahaṃ ekassa duṭṭhahatthipotakassa chattaṃ gahetvā tiṭṭhanaṭṭhānaṃ jānāmīti. Kattha naṃ ṭhappessāmāti. Ayyassa Aṅgulimālassa santiketī. Rājā tathā kāresi. Hatthipotako vāladhiṃ antarasatthimhi pakkhipitvā ubho kaṇṇe pātetvā akkhīni nimīletvā aṭṭhāsī. Mahājano “evarūpassa nāma caṇḍahatthino ayamākāro”ti hatthimeva olokesi.

Rājā Buddhappamukhaṃ bhikkhusaṃghaṃ parivisitvā Satthāraṃ vanditvā “bhante yaṃ imasmīṃ dānagge kappiyabhaṇḍaṃ vā akappiyabhaṇḍaṃ vā, sabbaṃ taṃ tumhākameva dammī”ti

āha. Tasmim̄ pana dāne ekadivaseneva¹ pariccattam̄ cuddasakoṭidhanam̄ hoti. Satthu pana setacchattam̄ nisīdanapallaṅko ādhārako pādapīṭhikāti² cattāri anagghāneva. Puna evarūpaṃ katvā Buddhānam̄ dānam̄ nāma dātum̄ samattho nāhosi, teneva taṃ “asadisadānan”ti paññāyi. Taṃ kira sabbabuddhānam̄ ekavāram̄ hotiyeva, sabbesaṃ pana³ itthīyeva saṃvidahati. Rañño pana Kāḷo ca Juṅho cāti dve amaccā ahesum̄. Tesu Kāḷo cintesi “aho rājakulassa parihāni, ekadivaseneva cuddasakoṭidhanam̄ khayam̄ gacchati, ime imam̄ dānam̄ bhuñjitvā gantvā nipannā niddāyissanti, aho nattham̄ rājakulan”ti. Juṅho cintesi “aho rañño dānam̄ sudinnam̄. Na hi sakkā rājabhāve aṭṭhitena evarūpaṃ dānam̄ dātum̄, sabbasattānam̄ pattim̄ adento nāma natthi, aham̄ panidam̄ dānam̄ anumodāmi”ti.

Satthu bhattakiccāvasāne rājā anumodanattāya pattam̄ gaṇhi. Satthā cintesi “raññā mahogham̄ pavattentena viya mahādānam̄ dinnam̄, asakkhī nu kho mahājano cittam̄ pasādetum̄, udāhu no”ti. So tesam̄ amaccānam̄ cittācāram̄ ñatvā “sace rañño dānānucchavikam̄ anumodanam̄ karissāmi, Kāḷassa muddhā sattadhā phalissati, Juṅho sotāpattiphale patiṭṭhahissati”ti ñatvā Kāḷe anukampaṃ paṭicca evarūpaṃ dānam̄ datvā ṭhitassa rañño catuppadikam̄ gāthameva vatvā uṭṭhāyāsanaṃ vihāram̄ gato. Bhikkhū Aṅgulimālam̄ pucchimsu “na kim̄ nu kho āvuso duṭṭhahatthim̄ chattam̄ dhāretvā ṭhitam̄ disvā bhāyī”ti. Na bhāyim̄ āvusoti. Te Satthāram̄ upasaṅkamitvā āham̄su “Aṅgulimālo bhante aññam̄ byākarosī”ti. Satthā “na bhikkhave Aṅgulimālo bhāyati. Khīṇāsava-usabhānañhi antare jeṭṭhaka-usabhā mama puttasadisā bhikkhū na bhāyanti”ti vatvā Brāhmaṇavagge imam̄ gāthamāha—

“Usabham̄ pavaram̄ vīram̄, mahesim̄ vijitāvinam̄.

Anejam̄ nhātakam̄ Buddhānam̄, tamaham̄ brūmi brāhmaṇan”ti⁴.

Rājāpi domanassappatto “evarūpāya nāma parisāya dānam̄ datvā ṭhitassa mayham̄ anucchavikam̄ anumodanam̄ akatvā gāthameva vatvā Satthā uṭṭhāyāsanaṃ gato, mayā Satthu anucchavikam̄ dānam̄ akatvā ananucchavikam̄ katam̄

1. Ekadivaseyeva (Si)

3. Satthu ca sabbesaṃ ca (Syā)

2. Pādapīṭhakoti (Syā)

4. Khu 1. 74, 378 piṭṭhesu.

bhavissati, kappiyabhaṇḍaṃ adatvā akappiyabhaṇḍaṃ vā dinnāṃ bhavissati, Sathhārā me kupitena bhavitabbaṃ. Etañhi asadisadānaṃ nāma¹, dānānurūpaṃ anumodanaṃ kātuṃ vaṭṭati”ti vihāraṃ gantvā Sathhāraṃ vanditvā etadavoca “kiṃ nu kho me bhante dātabbayuttakaṃ dānaṃ na dinnāṃ, udāhu dānānurūpaṃ kappiyabhaṇḍaṃ adatvā akappiyabhaṇḍameva dinnan”ti. Kimetaṃ mahārājāti. Na me tumhehi dānānucchavikā anumodanā katāti. Mahārāja anucchavikameva te dānaṃ dinnāṃ. Etañhi asadisadānaṃ nāma, ekassa Buddhassa ekavārameva sakkā dātuṃ, puna evarūpaṃ nāma dānaṃ duddadanti. Atha kasmā bhante me dānānurūpaṃ anumodanaṃ na karitthāti. Parisāya asuddhattā mahārājāti. Ko nu kho bhante parisāya dosoti. Athassa Sathhā dvinnampi amaccānaṃ cittācāraṃ ārocetvā Kāḷe anukampaṃ paṭicca anumodanāya akatabhāvaṃ ācikkhi. Rājā “saccaṃ kira te Kāḷa evaṃ cintitan”ti pucchitvā “saccan”ti vutte “tava santakaṃ aggahetvā mama puttadārehi saddhiṃ mayi attano santakaṃ dente tuyhamkā pīḷā, gaccha bho, yaṃ te mayā dinnāṃ, taṃ dinnameva hotu, raṭṭhato pana me nikkhamā”ti taṃ raṭṭhā nīharitvā juṇhaṃ pakkosāpetvā “saccaṃ kira te evaṃ cintitan”ti pucchitvā “saccan”ti vutte “sādhu mātula, pasannosmi, tvaṃ mama parijanaṃ gahetvā mayā dinnaniyāmeneva satta divasāni dānaṃ dehī”ti sattāhaṃ rajjaṃ niyyādetvā Sathhāraṃ āha “passatha bhante bālassa karaṇaṃ, mayā evaṃ dinnadāne pahāramadāsī”ti. Sathhā “āma mahārāja, bālā nāma parassa dānaṃ anabhinanditvā duggatiparāyaṇā hontī, dhīrā pana paresampi dānaṃ anumoditvā saggaparāyaṇā eva hontī”ti vatvā imaṃ gāthamāha—

177. “Na ve kadariyā devalokaṃ vajanti,
 Bālā have nappasaṃsanti dānaṃ.
 Dhīro ca dānaṃ anumodamāno,
 Teneva so hoti sukhī paratthā”ti.

Tattha **kadariyā**ti thaddhamaccharino. **Bālā**ti idhalokaparalokaṃ ajānanakā. **Dhīro**ti paṇḍito. **Sukhī paratthā**ti **teneva so** dānānumodanapuñṇena paraloke dibbasampattim anubhavamāno sukhī **hotī**ti.

1. Yassa kassaci nāma (Sī, Syā)

Desanāvasāne juṅho sotāpattiphale patiṭṭhahi, sampattaparisāyapi
sāthikā dhammadesanā ahosi, Juṅhopi sotāpanno hutvā sattāhaṃ raññā
dinnaniyāmeneva dānaṃ adāsīti.

Asadisadānavatthu dasamaṃ.

11. Anāthapiṇḍikaputtakālavatthu

Pathabyā ekarajjenāti imaṃ dhammadesanaṃ Satthā Jetavane viharanto
kālaṃ nāma Anāthapiṇḍikassa puttaṃ ārabha kathesi.

So kira tathāvidhassa saddhāsampannessa seṭṭhino putto hutvā neva
Satthu santikaṃ gantuṃ, na gehaṃ āgatakāle daṭṭhuṃ, na dhammaṃ sotuṃ,
na saṃghassa veyyāvaccam kātuṃ icchati. Pitarā “mā evaṃ tāta karī”ti
vuttopi tassa vacanaṃ na suṇāti. Athassa pitā cintesi “ayaṃ evarūpaṃ
diṭṭhiṃ gahetvā vicaranto Avīciparāyaṇo bhavissati, na kho panetaṃ
patirūpaṃ, yaṃ mayi passante mama putto nirayaṃ gaccheyya. Imasmiṃ
kho pana loke dhanadānena abhijjanakasatto nāma natthi, dhanena naṃ
bhindissāmi”ti. Atha naṃ āha “tāta uposathiko hutvā vihāraṃ gantvā
dhammaṃ sutvā ehi, kahāpaṇasataṃ te dassāmi”ti. Dassatha tātāti. Dassāmi
puttāti. So yāvatatiyaṃ paṭiññaṃ gahetvā uposathiko hutvā vihāraṃ
agamāsi. Dhammassavanena panassa kiccaṃ natthi, yathāphāsukaṭṭhāne
sayitvā pātova gehaṃ agamāsi. Athassa pitā “putto me uposathiko ahosi,
sīghamassa yāgu-ādīni āharathā”ti vatvā dāpesi. So “kahāpaṇe aggahetvā na
bhuñjissāmi”ti āhaṭāhaṭaṃ paṭikkhipi. Athassa pitā piḷaṃ asahanto
kahāpaṇabhaṇḍaṃ dāpesi. So taṃ hatthena gahetvāva āhāraṃ paribhuñji.

Atha naṃ punadivase seṭṭhi “tāta kahāpaṇasahassaṃ te dassāmi, Satthu
purato ṭhatvā ekaṃ dhammapadaṃ uggaṇhitvā āgaccheyyāsī”ti pesesi. Sopi
vihāraṃ gantvā Satthu purato ṭhatvāva ekameva padaṃ uggaṇhitvā
palāyitukāmo ahosi. Athassa Satthā asallakkhaṇākāraṃ akāsi. So taṃ padaṃ
asallakkhetvā uparipadaṃ uggaṇhissāmīti ṭhatvā

assosiyeva. Uggaṇhissāmīti suṇantova kira sakkaccaṃ suṇāti nāma¹. Evañca kira suṇantānaṃ dhammo sotāpattimaggādayo deti. Sopi uggaṇhissāmīti suṇāti, Satthāpissa asallakkhaṇākāraṃ karoti. So “uparipadaṃ uggaṇhissāmī”ti tathavā suṇantova sotāpattiphale patiṭṭhāsi.

So punadivase Buddhappamukhena bhikkhusaṃghena saddhimyeva Sāvattim pāvisi. Mahāseṭṭhi taṃ disvā “ajja mama puttassa ākāro rucati”ti cintesi. Tassapi etadahosi “aho vata me pitā ajja Satthu santike kahāpaṇe na dadeyya, kahāpaṇakāraṇā mayhaṃ uposathikabhāvaṃ paṭicchādeyyā”ti. Satthā panassa hiyyova kahāpaṇassa kāraṇā uposathikabhāvaṃ aññāsi. Mahāseṭṭhi Buddhappamukhassa bhikkhusaṃghassa yāguṃ dāpetvā puttassapi dāpesi. So nisīditvā tuṇhībhūtova yāguṃ pivi, khādanīyaṃ khādi, bhattaṃ bhuñji. Mahāseṭṭhi Satthu bhattakiccāvasāne puttassa purato sahasabhaṇḍikaṃ tṭhapāpetvā “tāta mayā te ‘sahassaṃ dassāmī’ti vatvā uposathaṃ samādāpetvā vihāraṃ pahito. Idam te sahasan”ti āha. So Satthu purato kahāpaṇe diyyamāne disvā lajjanto “alam me kahāpaṇehī”ti vatvā “gaṇha tātā”ti vuccamānopi na gaṇhi. Athassa pitā Satthāraṃ vanditvā “bhante ajja me puttassa ākāro rucati”ti vatvā “kim mahāseṭṭhī”ti vutte “mayā esa purimadivase ‘kahāpaṇasataṃ te dassāmī’ti vatvā vihāraṃ pesito, punadivase kahāpaṇe aggahetvā bhuñjitum na icchi, ajja pana diyyamānepi kahāpaṇe na icchati”ti āha. Satthā “āma mahāseṭṭhi ajja tava puttassa cakkavattisampattitopi devalokabrahmalokasampattīhipi sotāpattiphalemeva varan”ti vatvā imaṃ gāthamāha—

178. “Pathabyā ekarajjena, saggassa gamanena vā.

Sabbalokādhipaccena, sotāpattiphalaṃ varan”ti.

Tattha **pathabyā ekarajjenā**ti cakkavattirajjena. **Saggassa gamanena vā**ti chabbīsatividhassa saggassa adhigamanena. **Sabbalokādhipaccenā**ti na ekasmim

1. Suṇantāva kira sakkaccaṃ suṇanti nāma (Syā)

ettake loke¹ nāgasupaṇṇavemānikapetehi saddhim, sabbasmim loke
 ādhipaccena. **Sotāpattiphalam varanti** yasmā ettake ṭhāne rajjam kāretvāpi
 nirayādīhi amuttova hoti, sotāpanno pana pihitāpāyadvāro hutvā
 sabbadubbalopi aṭṭhame bhava na nibbattati, tasmā sotāpattiphalameva
 varam uttamanti attho.

Desanāvasāne bahū sotāpattiphalādīni pāpuṇimsūti.

Anāthapiṇḍakaputtakālavatthu ekādasamaṃ.

Lokavaggavaṇṇanā niṭṭhitā.

Terasamo vaggo.

1. Etasmim ettake loke (Syā, Ka)

14. Buddhavagga

1. Māradhītaravatthu¹

Yassa jītanti imañ dhammadesanañ Satthā Bodhimaṇḍe viharanto māradhītarō ārabha kathesi. Desanañ pana Sāvatthiyañ samuṭṭhāpetvā puna Kururaṭṭhe Māgaṇḍiyabrāhmaṇassa kathesi.

Kururaṭṭhe kira Māgaṇḍiyabrāhmaṇassa dhītā Māgaṇḍiyāyeva nāma ahosi uttamarūpadharā. Tañ patthayamānā anekabrāhmaṇamahāsālā ceva khattiyamahāsālā ca “dhītarañ no detū”ti Māgaṇḍiyassa paṇiṇimsu. Sopi “na tumhe mayhañ dhītu anucchavikā”ti sabbe paṭikkhipateva. Athekadivasañ Satthā paccūsasamaye lokañ volokento attano ñāṇajālassa anto pavīṭṭhañ Māgaṇḍiyabrāhmaṇañ disvā “kiñ nu kho bhavissati”ti upadhārento brāhmaṇassa ca brāhmaṇiyā ca tiṇṇañ maggaphalānañ upanissayañ addasa. Brāhmaṇopi bahigāme nibaddhañ aggiñ paricarati. Satthā pātova pattacīvaramādāya tañ ṭhānañ agamāsi. Brāhmaṇo Satthu rūpasirīñ olokento “imasmiñ loke iminā sadiso puriso nāma natthi, ayañ mayhañ dhītu anucchaviko, imassa me dhītarañ dassāmā”ti cintetvā Satthārañ āha “samaṇa mama ekā dhītā atthi, ahañ tassā anucchavikañ purisañ apassanto tañ na kassaci adāsīñ, tvañ panassā anucchaviko, ahañ te dhītarañ pādapari-carikañ katvā dātukāmo, yāva nañ ānemi, tāva idheva tiṭṭhāhi”ti. Satthā tassa kathañ sutvā neva abhinandi, na paṭikkosi.

Brāhmaṇopi gehañ gantvā brāhmaṇiñ āha “bhoti ajja me dhītu anucchaviko puriso diṭṭho, tassa nañ dassāmā”ti dhītarañ alaṅkārāpetvā ādāya brāhmaṇiyā saddhiñ tañ ṭhānañ agamāsi. Mahājanopi kutūhalajāto nikkhami. Satthā brāhmaṇena vuttaṭṭhāne aṭṭhatvā tattha padacetiyañ dassetvā aññasmiñ ṭhāne aṭṭhāsi. Buddhānañ kira padacetiyañ “idañ asuko nāma passatū”ti adhiṭṭhahitvā akkantaṭṭhāneyeva paññāyati, sesaṭṭhāne tañ passanto nāma natthi. Brāhmaṇo attanā

1. Māgaṇḍiyavatthu (Ka)

saddhim̄ gacchamānāya brāhmaṇiyā “kahaṃ so”ti puṭṭho “imasmiṃ ṭhāne tiṭṭhāhīti taṃ avacan”ti olokeno padavalañjaṃ disvā “idamassa padan”ti dassesi. Sā lakkhaṇamantakusalatāya “na-idam̄ brāhmaṇa kāmabhogino padan”tivatvā brāhmaṇena “bhoti tvaṃ udakapātimhi susumāraṃ passati, mayā so samaṇo diṭṭho ‘dhītaraṃ te dassāmī’ti vutto, tenāpi adhvāsitan”ti vutte “brāhmaṇa kiñcāpi tvaṃ evaṃ vadesi, idam̄ pana nikkilesasseva padan”ti vatvā imaṃ gāthamāha—

“Rattassa hi ukkuṭikaṃ padaṃ bhava,
Duṭṭhassa hoti sahasānupīḷitaṃ.
Mūḷhassa hoti avakaḍḍhitaṃ padaṃ,
Vivaṭṭacchadassa idamīdisaṃ padan”ti¹.

Atha naṃ brāhmaṇo “bhoti mā viravi, tuṇhībhūtāva ehi”ti gacchanto Satthāraṃ disvā “ayaṃ so puriso”ti tassā dassetvā Satthāraṃ upasaṅkamitvā “samaṇa dhītaraṃ te dassāmī”ti āha. Satthā “na me tava dhītāya attho”ti avatvā “brāhmaṇa ekaṃ te kāraṇaṃ kathessāmi, suṇissasī”ti vatvā “kathehi bho samaṇa suṇissāmī”ti vutte abhinikkhamanato paṭṭhāya atītaṃ āharitvā dassesi.

Tatrāyaṃ saṅkhepakathā—Mahāsatto rajjasiriṃ pahāya Kaṇṭakaṃ² āruyha Channasahāyo abhinikkhamanto nagaradvāre ṭhitena mārena “Siddhattha nivatta, ito te sattame divase cakkaratanam̄ pātubhavissatī”ti vutte “ahametaṃ māra jānāmi, na me tenattho”ti āha. Atha kimatthāya nikkhamasīti. Sabbaññutaññāṇatthāyāti. “Tena hi sace ajjato paṭṭhāya kāmavitakkādīnaṃ ekampi vitakkaṃ vitakkessasi, jānissāmi te kattabban”ti āha. So tato paṭṭhāya otārāpekkho satta vassāni mahāsattaṃ anubandhi.

Satthāpi chabbassāni dukkarakārikaṃ caritvā paccattapurisakāraṃ nissāya bodhimūle sabbaññutaññāṇaṃ paṭivijjhivā vimuttisukhaṃ paṭisaṃvedayamāno pañcamasattāhe Ajapālanigrodhamūle nisīdi. Tasmim̄ samaye māro

1. Visuddhi 1. 101; Am̄-Ṭṭha 1. 335; Dhammapada-Ṭṭha 1. 129 piṭṭhesupi.

2. Kanthakaṃ (Sī, Syā)

“ahaṃ ettakaṃ kālaṃ anubandhitvā otārāpekkhopi imassa kiñci khalitaṃ nāddasaṃ, atikkanto idāni esa mama visayan”ti domanassappatto mahāmagge nisīdi. Athassa Taṇhā Aratī Ragāti imā tisso dhītarō “pitā no na paññāyati, kahaṃ nu kho etarahī”ti olokayamānā taṃ tathā nisinnaṃ disvā upasaṅkamitvā “kasmā tāta dukkhī dummanosī”ti pucchimsu. So tāsāṃ tamatthaṃ ārocesi. Atha naṃ tā āhaṃsu “tāta mā cintayi, mayaṃ taṃ attano vase katvā ānessāmā”ti. Na sakkā ammaṃ esa kenaci vase kātunti. “Tāta mayaṃ itthiyo nāma idāneva naṃ rāgapāsādihi bandhitvā ānessāma, tumhe mā cintayitthā”ti Sattāraṃ upasaṅkamitvā “pāde te samaṇa paricāremā”ti āhaṃsu. Sattā neva tāsāṃ vacanaṃ manasākāsi, na akkhīni ummīletvā olokesi.

Puna māradhītarō “uccāvacaṃ kho purisānaṃ adhippāyā, kesañci kumārīkāsu pemaṃ hoti, kesañci paṭhamavaye ṭhitāsu, kesañci majjhimavaye ṭhitāsu, kesañci pacchimavaye ṭhitāsu, nānappakārehi taṃ palobhessāmā”ti ekekā kumārīkavaṇṇādivasena sataṃ sataṃ attabhāve abhinimminivā kumārīyo, avijātā, sakiṃ vijātā, duvijātā, majjhimitthiyo, mahallakittthiyo ca hutvā chakkhattuṃ¹ Bhagavantaṃ upasaṅkamitvā “pāde te samaṇa paricāremā”ti āhaṃsu. Tampi Bhagavā na manasākāsi yathā taṃ anuttare upadhisāṅkhaye vimuttoti. Atha Sattā ettakenapi tā anugacchantiyo² “apetha, kiṃ disvā evaṃ vāyamatha, evarūpaṃ nāma vītarāgānaṃ purato kāturiṃ na vaṭṭati. Tathāgatassa pana rāgādayo pahīnā. Kena taṃ kāraṇena attano vasaṃ nessathā”ti vatvā imā gāthā abhāsi—

179. “Yassa jitaṃ nāvajīyati,
 Jitaṃ yassa³ no’yāti koci loke.
 Taṃ Buddhamanantagocaraṃ,
 Apadaṃ kena padena nessatha.

1. Sattakkhattuṃ (Ka)

2. Anapagacchantiyo (Sī)

3. Jitamassa (Sī, Syā, Ka)

180. Yassa jālinī visattikā,
 Taṇhā natthi kuhiñci netave.
 Taṃ Buddhamanantagocaraṃ,
 Apadaṃ kena padena nessathā”ti.

Tattha **yassa jitaṃ nāvajīyatīti** yassa Sammāsambuddhassa tena tena maggena jitaṃ rāgādikilesajātaṃ puna asamudācaraṇato nāvajīyati, dujjitaṃ nāma na hoti. **No’yātīti** na uyyāti, yassa jitaṃ kilesajātaṃ rāgādīsu koci eko kilesopi loke pacchato vattī nāma na hoti, nānubandhatīti attho.

Anantagocaranti anantārammaṇassa sabbaññutaññāṇassa vasena apariyantagocaraṃ. **Kena padenāti** yassa hi rāgapadādīsu ekapadampi atthi, taṃ tumhe tena padena nessatha. Buddhassa pana ekapadampi natthi, taṃ apadaṃ Buddhaṃ tumhe kena padena nessatha.

Dutiyagāthāya taṇhā nāmesā saṃsibbitapariyonandhanaṭṭhena¹ jālamassā atthītipi jālakārikātipi jālūpamātipi **jālinī**, rūpādīsu ārammaṇesu visattatāya² visattamanatāya visāharatāya visapupphatāya visaphalatāya visaparibhogatāya **visattikā**. Sā evarūpā taṇhā **yassa kuhiñci** bhave **netuṃ** natthi, taṃ tumhe apadaṃ Buddhaṃ kena padena nessathāti attho.

Desanāvasāne bahūnaṃ devatānaṃ dhammābhisamayo ahoṣi.
 Māradhītaropi tattheva antaradhāyimsu.

Satthā imaṃ dhammadesanaṃ āharitvā “Māgaṇḍiya ahaṃ pubbe imā tisso māradhītaro addasaṃ semhādīhi apalibuddhena suvaṇṇakkhandhasadisena attabhāvena samannāgatā, tadāpi methunasmiṃ chando nāhosiyeva. Tava dhītu sarīraṃ dvattiṃ sākārakuṇapaparipūraṃ bahivicitto viya asuciḡhaṭo. Sace hi mama pādo asucimakkhito bhavyeya, ayañca ummāraṭṭhāne tiṭṭheyya, tathāpissā sarīre ahaṃ pāde na phuseyyan”ti vatvā imaṃ gāthamāha—

1. Saṃsibbitaparisāsaṃsibbitapariyonaddhaṭṭhena (Sī)

2. Visattatāya visattikā. Sā pana (Sī, Ka)

“Disvāna Taṇhaṃ Aratim Ragañca,
Nāhosi chando api methunasmiṃ.
Kimevidam muttakarīsapuṇṇam,
Pādāpi nam samphusitum na icche”¹.

Desanāvasāne ubhopi jayampatikā anāgāmiphale patiṭṭhahimsūti.

Māradhītaravatthu paṭhamam.

2. Devorohaṇavatthu

Ye jhānapasutā dhīrāti imam dhammadesanam Sattā
Saṅkassanagaradvāre bahū devamanusse ārabba kathesi. Desanā pana
Rājagahe samuṭṭhitā.

Ekasmim hi samaye Rājagahasetṭhi parissayamocanattahañceva
pamādena galitānam ābharaṇādīnam rakkhaṇattahañca jālakaraṇḍakam
parikkhipāpetvā Gaṅgāya udakakīlam kīli. Atheko rattacandanarukkho
Gaṅgāya uparitīre jāto Gaṅgodakena dhotamūlo pativā tattha tattha
pāsāṇesu sambhajjamāno² vippakiri. Tato ekā ghaṭappamāṇā ghaṭikā
pāsāṇehi ghaṃsiyamānā udaka-ūmihi pothiyamānā maṭṭhā hutvā
anupubbena vuyhamānā sevālapariyonaddhā āgantvā tassa jāle laggi. Seṭṭhi
“kimetan”³ti vatvā “rukkhaghaṭikā”³ti sutvā tam āharāpetvā “kim nāmetan”³ti
upadhāraṇattam vāsikaṇṇena tacchāpesi. Tāvadeva alattakavaṇṇam
rattacandanam paññāyi. Seṭṭhi pana neva sammādiṭṭhi na micchādiṭṭhi,
majjhattadhātuko. So cintesi “mayham gehe rattacandanam bahu, kim nu
kho iminā karissāmī”³ti. Athassa etadahosi “imasmiṃ loke ‘mayam arahanto
mayam arahanto’³ti vattāro bahū, aham ekam arahantampi na passāmī³.
Gehe bhamaṃ yojetvā pattam likhāpetvā sikkāya ṭhapetvā veḷuparamparāya
saṭṭhihatthamatte ākāse olambāpetvā ‘sace arahā atthi, imam ākāsenāgantvā
gaṇhātū’³ti vakkhāmi. Yo tam gahessati, tam saputtadāro saraṇam
gamissāmī”³ti. So cintitaniyāmeneva pattam likhāpetvā veḷuparamparāya
ussāpetvā “yo imasmim loke arahā, so ākāsenāgantvā imam pattam
gaṇhātū”³ti āha.

1. Khu 1. 409; Khu 7. 140 piṭṭhesu.

2. Sambhañjamāno (Syā, Ka)

3. Na jānāmi (Sī, Syā)

Cha satthāro “amhākaṃ esa anucchaviko, amhākameva naṃ dehī”ti vadimsu. So “ākāsenāgantvā gaṇhathā”ti āha. Atha chaṭṭhe divase Nigaṇṭho Nāṭaputto antevāsike pesesi “gacchatha, seṭṭhim evaṃ vadetha ‘amhākaṃ ācariyasseva anucchaviko yaṃ, mā appamattakassa kāraṇā ākāsenāgamaṇaṃ kari, dehi kira me taṃ pattan’ti”. Te gantvā seṭṭhim tathā vadimsu. Seṭṭhi “ākāsenāgantvā gaṇhituṃ samatthova gaṇhātū”ti āha. Nāṭaputto sayāṃ gantukāmo¹ antevāsikānaṃ saññaṃ adāsi “ahaṃ ekaṃ hatthañca pādañca ukkhipitvā uppatitukāmo viya bhavissāmi, tumhe maṃ ‘ācariya kiṃ karotha, dārumayapattassa kāraṇā paṭicchannaṃ arahattaguṇaṃ mahājanassa mā dassayitthā”ti vatvā maṃ hatthesu ca pādesu ca gahetvā ākaḍḍhantā bhūmiyaṃ pāteyyāthā”ti. So tatha gantvā seṭṭhim āha “mahāseṭṭhi mayhaṃ ayaṃ patto anucchaviko, aññesaṃ nānucchaviko, mā te appamattakassa kāraṇā mama ākāse uppatanaṃ rucchi, dehi me pattan’ti. Bhante ākāse uppatitvāva gaṇhathāti. Tato Nāṭaputto “tena hi apetha apethā”ti antevāsike apanetvā “ākāse uppatissāmi”ti ekaṃ hatthañca pādañca ukkhipi. Atha naṃ antevāsikā “ācariya kiṃ nāmetaṃ karotha, chavassa lāmakassa dārumayapattassa kāraṇā paṭicchannaguṇena mahājanassa dassitena² ko attho”ti taṃ hatthapādesu gahetvā ākaḍḍhitvā bhūmiyaṃ pātesuṃ. So seṭṭhim āha “ime mahāseṭṭhi uppatituṃ na denti, dehi me pattan’ti. Uppatitvā gaṇhatha bhanteti. Evaṃ titthiyā cha divasāni vāyamitvāpi taṃ pattanā na labhiṃsuyeva.

Sattame divase āyasmato Mahāmoggallānassa ca āyasmato Piṇḍolabhāradvājassa ca “Rājagahe piṇḍāya carissāmā”ti gantvā ekasmiṃ piṭṭhipāsāṇe thatvā cīvaraṃ pārupanakāle dhuttakā kathaṃ samuṭṭhāpesuṃ “ambho pubbe cha satthāro loke ‘mayaṃ arahantamhā’ti vicariṃsu, Rājagahaseṭṭhino pana ajja sattamo divaso pattanā ussāpetvā ‘sace arahā atthi, ākāsenāgantvā gaṇhātū’ti vadantassa, ekopi ‘ahaṃ arahā’ti ākāse uppatanto natthi. Ajja no loke arahantānaṃ natthibhāvo nāto”ti. Taṃ kathaṃ sutvā

1. Gaṇhitukāmo (Sī)

2. Paṭicchannaguṇe tumhehi mahājanassa dassite (Sī)

āyasmā Mahāmoggallāno āyasmantaṃ Piṇḍolabhāradvājaṃ āha “sutaṃ te āvuso Bhāradvāja imesaṃ vacanaṃ, ime Buddhassa sāsanaṃ pariggaṇhantā viya vadanti. Tvañca mahiddhiko mahānubhāvo, gaccha taṃ pattaṃ ākāseṇa gantvā gaṇhāhi”ti. Āvuso Mahāmoggallāna tvaṃ iddhimantānaṃ aggo, tvaṃ etaṃ gaṇhāhi, tayi pana aggaṇhante ahaṃ gaṇhissāmīti. “Gaṇhāvuso”ti vutte āyasmā Piṇḍolabhāradvājo abhiññāpādakaṃ catutthajjhānaṃ samāpajjitvā utthāya tigāvutaṃ piṭṭhipāsāṇaṃ pādantena paṭicchādento¹ tulapicu viya ākāse utthāpetvā Rājagahanagaraṃ upari sattakkhattuṃ anupariyāyi. So tigāvutapamaṇassa nagaraṃ pidhānaṃ viya paññāyi. Nagaravāsino “pāsāṇo no avattharivā gaṇhāti”ti bhītā suppādīni matthake katvā tattha tattha niliyimsu. Sattame vāre therō piṭṭhipāsāṇaṃ bhindivā attānaṃ dassesi. Mahājano therāṃ disvā “bhante Piṇḍolabhāradvāja tava pāsāṇaṃ dalham² katvā gaṇha, mā no sabbe nāsayī”ti³. Thero pāsāṇaṃ pādantena khipivā vissajjesi. So gantvā yathāṭhāneyeva patiṭṭhāsi. Thero seṭṭhissa gehamatthake aṭṭhāsi. Taṃ disvā seṭṭhi urena nipajjitvā “otaratha sāmī”ti vatvā ākāso otiṇṇaṃ therāṃ nisīdāpetvā pattaṃ otārāpetvā catumadhurapuṇṇaṃ katvā therassa adāsi. Thero pattaṃ gahetvā vihārābhimukho pāyāsi. Athassa ye arañṇagatā vā suñṇāgāragatā vā taṃ pāṭihāriyaṃ nāddasaṃsu. Te sannipatitvā “bhante amhākampi pāṭihāriyaṃ dassēhi”ti therāṃ anubandhimsu. So tesāṃ tesāṃ pāṭihāriyaṃ dassetvā vihāraṃ agamāsi.

Satthā taṃ anubandhitvā unnādentassa mahājanassa saddaṃ sutvā “Ānanda kasseso saddo”ti pucchitvā “bhante Piṇḍolabhāradvājena ākāse uppatitvā candanapatto gahito, tassa santike eso saddo”ti sutvā Bhāradvājaṃ pakkosāpetvā “saccam kira tayā evaṃ katan”ti pucchitvā “saccam bhante”ti vutte “kasmā te Bhāradvāja evaṃ katan”ti therāṃ garahitvā taṃ pattaṃ khaṇḍākhaṇḍaṃ bhedaṭṭevā bhikkhūnaṃ añjanapisanattāyā dāpetvā pāṭihāriyassa akaraṇattāyā sāvakānaṃ sikkhāpadaṃ⁴ paññāpesi.

1. Paricchindanto (Sī)

2. Gālham (Sī)

3. Nassi (Sī)

4. Vi 4. 247 piṭṭhe.

Titthiyā “samaṇo kira Gotamo taṃ pattam bhedaṭṭvā pāṭihāriyassa akaraṇatthāya sāvakanāṃ sikkhāpadam paññāpesī”ti sutvā “samaṇassa Gotamassa sāvakā paññattam sikkhāpadam jīvitahetupināṭikkamanti, samaṇopi Gotamo taṃ rakkhissateva. Idāni amhehi okāso laddho”ti nagaravīthīsu ārocentā vicariṃsu “mayam attano guṇam rakkhantā pubbe dārumayapattassa kāraṇā attano guṇam mahājanassa na dassayimhā, samaṇassa Gotamassa sāvakā pattakamattassa kāraṇā attano guṇam mahājanassa dassesum. Samaṇo Gotamo attano paṇḍitatāya pattam bhedaṭṭvā sikkhāpadam paññāpesi, idāni mayam teneva saddhim pāṭihāriyam karissāmā”ti.

Rājā Bimbisāro taṃ katham sutvā Satthu santikam gantvā “tumhehi kira bhante pāṭihāriyassa akaraṇatthāya sāvakanāṃ sikkhāpadam paññattan”ti. Āma mahārājāti. Idāni titthiyā “tumhehi saddhim pāṭihāriyam karissāmā”ti vadanti, kim idāni karissathāti. Tesu karontesu karissāmi mahārājāti. Nanu tumhehi sikkhāpadam paññattanti. Nāham mahārāja attano sikkhāpadam paññāpesim, taṃ mameva sāvakanāṃ paññattanti. Tumhe ṭhapetvā aññattha sikkhāpadam paññattam nāma hoti bhanteti. Tena hi mahārāja tamevettha paṭipucchāmi, atthi pana te mahārāja vijite uyyānanti. Atthi bhanteti. Sace te mahārāja uyyāne mahājano ambādīni khādeyya, kimassa kattabbanti. Daṇḍo bhanteti. Tvam pana khādītum labhasīti. Āma bhante mayham daṇḍo natthi, aham attano santakam khādītum labhāmīti. Mahārāja yathā tava tiyojanasatike rajje āṇā pavattati, attano uyyāne ambādīni khādantassa daṇḍo natthi, aññesam atthi, evam mamapi cakkavāḷakoṭisatasahassee āṇā pavattati, attano sikkhāpadapaññattiyā atikkamo nāma natthi, aññesam pana atthi, karissāmham pāṭihāriyanti. Titthiyā taṃ katham sutvā “idānamhā naṭṭhā, samaṇena kira Gotamena sāvakanāmyeva sikkhāpadam paññattam, na attano. Sayameva kira pāṭihāriyam kattukāmo, kim nu kho karomā”ti mantayimsu.

Rājā Satthāram pucchi “bhante kadā pāṭihāriyam karissathā”ti. Ito catumāsaccayena āsāḷhipuṇṇamāyam¹ mahārājāti. Kattha karissatha

1. Āsāḷhipuṇṇamāsiyam (Sī)

bhanteti. Sāvattim̄ nissāya mahārājāti. Kasmā pana Satthā evam̄ dūraṭṭhānam̄ apadisīti? Yasmā tam̄ sabbabuddhānam̄ mahāpāṭihāriyakaraṇaṭṭhānam̄, apica mahājanassa sannipātanatthāyapi dūraṭṭhānameva apadisīti. Titthiyātam̄ katham̄ sutvā “ito kira catunnam̄ māsānam̄ accayena samaṇo Gotamo Sāvattiyam̄ pāṭihāriyam̄ karissati, idāni tam̄ amuñcitvāva anubandhissāma, mahājano amhe disvā ‘kim idan’ti pucchissati. Athassa vakkhāma ‘mayam̄ samaṇena Gotamena saddhim̄ pāṭihāriyam̄ karissāmā’ti vadimhā. So palāyati, mayamassa palāyitum̄ adatvā anubandhāmā”ti. Satthā Rājagahe piṇḍāya caritvā nikkhami. Titthiyāpissa pacchatova nikkhamitvā bhattakiccaṭṭhāne vasanti. Vasitaṭṭhāne punadivase pātarāsam̄ karonti. Te manussehi “kimidan”ti pucchitā heṭṭhā cintitaniyāmeneva ārocesum̄. Mahājanopi “pāṭihāriyam̄ passissāmā”ti anubandhi.

Satthā anupubbena Sāvattim̄ pāpuṇi. Titthiyāpi tena saddhim̄yeva gantvā upaṭṭhāke samādapetvā satahassam̄ labhitvā khadirathambhehi maṇḍapam̄ kāretvā nīluppalehi chādāpetvā “idha pāṭihāriyam̄ karissāmā”ti nisīdim̄su. Rājā Pasenadi Kosalo Satthāram̄ upasaṅkamitvā “bhante titthiyehi maṇḍapo kārito, ahampi tumhākam̄ maṇḍapam̄ karissāmī”ti. Alam̄ mahārāja atthi mayham̄ maṇḍapakārakoti. Bhante mam̄ ṭhapetvā ko añño kātum̄ sakkhissatīti. Sakko devarājāti. Kham̄ pana bhante pāṭihāriyam̄ karissathāti. Kaṇḍambarukkhāmūle mahārājāti. Titthiyā “ambarukkhāmūle kira pāṭihāriyam̄ karissatī”ti sutvā attano upaṭṭhākānam̄ āroce tvā yojanabbhantare ṭhāne antamaso tadahujātampi ambapotakam̄ uppāṭetvā araṇṇe khīpāpesum̄.

Satthā āsālhipuṇṇamadivase antonagaram̄ pāvīsi. Raṇṇopi uyyānapālo Kaṇḍo nāma ekam̄ piṅgalakipillikehi katapattapuṭassa antare mahantam̄ ambapakkam̄ disvā tassa gandharasalobhena sampatante vāyase palāpetvā raṇṇo khādanatthāya ādāya gacchanto antarāmagge Satthāram̄ disvā cintesi “rājā imam̄ ambam̄ khādīt vā mayham̄ aṭṭha vā soḷasa vā kahāpaṇe dadeyya, tam̄ me ekattabhāvepi jīvitavuttiyā nālam̄. Sace panāham̄ Satthu imam̄ dassāmi, avassam̄ tam̄ me dīghakālam̄ hitāvaham̄ bhavissatī”ti. So tam̄ ambapakkam̄ Satthu upanāmesi. Satthā Ānandattheram̄

olokesi. Athassa thero catumahārājadattiyam pattam nīharitvā hatthe ṭhapesi. Sathā pattam upanāmetvā ambapakkam paṭiggahetvā tattheva nisīdanākāram dassesi. Thero cīvaram paññāpetvā adāsi. Athassa tasmim nisinne thero pānīyam parissāvetvā ambapakkam madditvā pānakam katvā adāsi. Sathā ambapānakam pivitvā Kaṇḍam āha “imam ambaṭṭhim idheva paṃsum viyūhitvā ropehī”ti. So tathā akāsi. Sathā tassa upari hattham dhovi. Hatthe dhovitamatteyeva naṅgalasīsamattakkhandho hutvā ubbedhena paṇṇāsahattho ambarukkho uṭṭhahi. Catūsu disāsu ekekā, uddham ekāti pañcamahāsākhā paṇṇāsahatthā ahesum. So tāvadeva pupphaphalasañchanno hutvā ekekasmim ṭhāne paripakka-ambapiṇḍidharo ahosi. Pacchato āgacchantā bhikkhū ambapakkāni khādantā eva āgamimsu. Rājā “evarūpo kira ambarukkho uṭṭhito”ti sutvā “mā nam koci chindī”ti ārakkham ṭhapesi. So pana Kaṇḍena ropitattā **Kaṇḍambarukkhot**veva paññāyi. Dhuttakāpi ambapakkāni khāditvā “hare duṭṭhatitthiyā ‘samaṇo kira Gotamo kaṇḍambarukkhamūle pāṭihāriyam karissatī’ti tumhehi yojanabbhantare tadahujātāpi ambapotakā uppāṭāpitā, Kaṇḍambo nāma ayan”ti vatvā te ucchiṭṭha-ambaṭṭhīhi paharimsu.

Sakko vātavalāhakaṃ devaputtam āṇāpesi “titthiyānam maṇḍapam vātehi uppāṭetvā ukkārabhūmiyam khipāpehī”ti. So tathā akāsi. Sūriyampi devaputtam āṇāpesi “sūriyamaṇḍalam nikaḍḍhanto¹ tāpehī”ti. So tathā akāsi. Puna vātavalāhakaṃ āṇāpesi “vātamaṇḍalam uṭṭhāpento yāhī”ti. So tathā karonto titthiyānam paggharitasedasarīre rajovaṭṭiyā okiri. Te tambamattikasadisā² ahesum. Vassavalāhakampi āṇāpesi “mahantāni bindūni pātehī”ti. So tathā akāsi. Atha nesam kāyo kabaragāvisadiso ahosi. Te nigaṇṭhā lajjamānā hutvā sammukhasammukhaṭṭhāneneva palāyimsu. Evaṃ palāyantesu Purāṇakassapassa upaṭṭhāko eko kassako “idāni me ayyānam pāṭihāriyakaṇḍavelā, gantvā pāṭihāriyam passissāmī”ti goṇe vissajjetvā pātova ābhataṃ yāgukuṭaṇceva yottakaṇca gahetvā āgacchanto purāṇam tathā palāyantam disvā

1. Niggaṇhanto (Sī, Syā)

2. Tambavammikasadisā (Sī, Syā)

“bhante ajja ‘ayyānaṃ pāṭihāriyaṃ passissāmi’ti āgacchāmi, tumhe kahaṃ gacchathā”ti. Kiṃ te pāṭihāriyena, imaṃ kuṭaṅca yottaṅca dehīti. So tena dinnāṃ kuṭaṅca yottaṅca ādāya nadītīraṃ gantvā kuṭaṃ yottena attano gīvāya bandhitvā lajjanto kiṅci akathetvā rahade patitvā udakapubbule uṭṭhāpento kālaṃ katvā Avīcimhi nibbatti.

Sakko¹ ākāse ratanacaṅkamaṃ māpesi. Tassa ekā koṭi pācīnacakkavālamukhavaṭṭiyaṃ ahosi, ekā pacchamacakkavālamukhavaṭṭiyaṃ. Satthā sannipatitāya chattimsayojanikāya parisāya vaḍḍhamānakacchāyāya “idāni pāṭihāriyakaraṇavelā”ti Gandhakuṭito nikkhamitvā pamukhe aṭṭhāsi. Atha naṃ **Gharaṇī** nāma iddhimantī ekā anāgāmi-upāsikā upasaṅkamtivā “bhante mādisāya dhītari vijjamānāya tumhākaṃ kilamanakiccaṃ natthi, ahaṃ pāṭihāriyaṃ karissāmi”ti āha. Kathaṃ tvaṃ karissasi Gharaṇīti. Bhante ekasmiṃ cakkavālagabbhe mahāpathaviṃ udakaṃ katvā udakasakuṇikā viya nimujjitvā pācīnacakkavālamukhavaṭṭiyaṃ attānaṃ dassessāmi, tathā pacchima-uttaradakkhiṇacakkavālamukhavaṭṭiyaṃ, tathā majjhe. Mahājano maṃ disvā “kā esā”ti vutte vakkhati “Gharaṇī nāmesā, ayaṃ tāva ekissā itthiyā ānubhāvo, Buddhānubhāvo pana kīdiso bhavissatī”ti. Evaṃ titthiyā tumhe adisvāva palāyissantīti. Atha naṃ Satthā “jānāmi te Gharaṇī evarūpaṃ pāṭihāriyaṃ kātuṃ samatthabhāvaṃ, na panāyaṃ tavatthāya baddho mālapuṭo”ti vatvā paṭikkhipi. Sā “na me Satthā anujānāti, addhā mayā uttaritaraṃ pāṭihāriyaṃ kātuṃ samattho añño atthi”ti ekamantaṃ aṭṭhāsi. Satthāpi “evameva tesaṃ guṇo pākaṭo bhavissatīti evaṃ chattimsayojanikāya parisāya majjhe sīhanādaṃ nadissatī”ti maññamāno aparepi pucchi “tumhe kathaṃ pāṭihāriyaṃ karissathā”ti. Te “evaṅca evaṅca karissāma bhante”ti Satthu purato ṭhitāva sīhanādaṃ nadimsu. Tesu kira **Cūla-anāthapiṇḍiko** “mādisa anāgāmi-upāsake putte vijjamāne Satthu kilamanakiccaṃ natthi”ti cintetvā “ahaṃ bhante pāṭihāriyaṃ karissāmi”ti vatvā “kathaṃ karissasī”ti puṭṭho ahaṃ bhante dvādasayojanikaṃ brahmattabhāvaṃ nimminivā imissā parisāya majjhe mahāmeghagajjitasadisena saddena brahma-apphoṭanaṃ nāma apphoṭessāmīti. Mahājano “kiṃ nāmeso saddo”ti pucchitvā “Cūla-anāthapiṇḍikassa

1. Satthā (Syā)

kira brahma-apphoṭanasaddo nāmā”ti vakkhati. Titthiyā “gahapatikassa kira tāva eso ānubhāvo, Buddhānubhāvo kīdiso bhavissatī”ti tumhe adisvā va palāyissantīti. Satthā “jānāmi te ānubhāvan”ti tassapi tatheva vatvā pāṭihāriyakaraṇaṃ nānujāni.

Athekā paṭisambhidappattā sattavassikā cīrasāmaṇerī kira nāma Satthāraṃ vanditvā “ahaṃ bhante pāṭihāriyaṃ karissāmī”ti āha. Kathaṃ karissasi cīreti. Bhante Sineruñca cakkavāḷapabbatañca Himavantañca āharitvā imasmim̐ ṭhāne paṭipāṭiyā ṭhapetvā ahaṃ haṃsasakuṇī viya tato tato nikkhamitvā asajjamānā gamissāmi, mahājano maṃ disvā “kā esā”ti pucchitvā “cīrasāmaṇerī”ti vakkhati. Titthiyā “sattavassikāya tāva sāmaṇeriyā ayamānubhāvo, Buddhānubhāvo kīdiso bhavissatī”ti tumhe adisvāva palāyissantīti. Ito paraṃ evarūpāni vacanāni vuttānusārenea veditabbāni. Tassāpi Bhagavā “jānāmi te ānubhāvan”ti vatvā pāṭihāriyakaraṇaṃ nānujāni. Atheko paṭisambhidappatto khīṇāsavo **Cundasāmaṇero** nāma jātiyā sattavassiko Satthāraṃ vanditvā “ahaṃ Bhagavā pāṭihāriyaṃ karissāmī”ti vatvā “kathaṃ karissasi”ti puṭṭho āha “ahaṃ bhante jambudīpassa dhajabhūtaṃ mahājamburukkhaṃ khandhe gahetvā cāletvā mahājambupesiyō āharitvā imaṃ parisāṃ khādāpessāmi, pārīcchattakakusumāni ca āharitvā tumhe vandissāmī”ti. Satthā “jānāmi te ānubhāvan”ti tassa pāṭihāriyakaraṇaṃ paṭikkhipi.

Atha Uppalavaṇṇā therī Satthāraṃ vanditvā “ahaṃ bhante pāṭihāriyaṃ karissāmī”ti vatvā “kathaṃ karissasi”ti puṭṭhā āha “ahaṃ bhante samantā dvādasayojanikaṃ parisāṃ dassetvā āvaṭṭato chattimsayojanāya parisāya parivuto cakkavattirājā hutvā āgantvā tumhe vandissāmī”ti. Satthā “jānāmi te ānubhāvan”ti tassāpi pāṭihāriyakaraṇaṃ paṭikkhipi. Atha Mahāmoggallānatthero Bhagavantaṃ vanditvā “ahaṃ bhante pāṭihāriyaṃ karissāmī”ti vatvā “kathaṃ karissasi”ti puṭṭho āha “ahaṃ bhante Sinerupabbatarājānaṃ dantantare ṭhapetvā māsasāsapabījaṃ viya khādissāmī”ti. Aññaṃ kiṃ karissasīti. Imaṃ mahāpathaviṃ kaṭasārakaṃ viya samvellitvā aṅgulantare nikkhipissāmīti. Aññaṃ kiṃ karissasīti. Mahāpathaviṃ kulālacakkaṃ viya parivattetvā mahājanaṃ

pathavojaṃ khādāpessāmīti. Aññaṃ kiṃ karissasīti. Vāmahatthe pathaviṃ katvā ime satte dakkhiṇahatthena aññaṃ kiṃ karissasīti. Sineruṃ chattadaṇḍaṃ viya katvā mahāpathaviṃ ukkhipitvā tassupari ṭhapetvā chattahattho bhikkhu viya ekahatthenādāya ākāse caṅkamissāmīti. Satthā “jānāmi te ānubhāvan”ti tassapi pāṭihāriyakaraṇaṃ nānujāni. So “jānāti maññe Satthā mayā uttaritaraṃ pāṭihāriyaṃ kātuṃ samatthan”ti ekamantaṃ aṭṭhāsi.

Atha naṃ Satthā “nāyaṃ Moggallāna tavatthāya baddho mālāpuṭo. Ahaṃ hi asamadhuro, mama dhuraṃ añño vahituṃ samattho nāma natthi. Anacchariyametaṃ, yaṃ idāni mama dhuraṃ vahituṃ samattho nāma bhaveyya. Ahetukatiracchānayaṇiyaṃ nibbattakālepi mama dhuraṃ añño vahituṃ samattho nāma nāhosiyevā”ti vatvā “kadā pana bhante”ti therena puṭṭho atītaṃ āharitvā—

“Yato yato garu dhuraṃ, yato gambhīravattanī.

Tadāssu kaṇhaṃ yuñjanti, svāssu taṃ vahate dhuraṃ”ti—

Idaṃ **Kaṇha-usabhajātakaṃ**¹ vitthāretvā puna tameva vatthuṃ visesetvā dassento—

“Manuññaṃeva bhāseyya, nāmanuññaṃ² kudācanaṃ.

Manuññaṃ bhāsamānassa, garuṃ bhāraṃ udaddhari.

Dhanañca naṃ alābhesi, tena ca’ttamano ahū”ti—

Idaṃ **Nandivīsālajātakaṃ**¹ vitthāretvā kathesi. Kathetvā ca pana Satthā ratanacaṅkamaṃ abhiruhi, purato dvādasayojanikā parisā ahosi tathā pacchato ca uttarato ca dakkhiṇato ca. Ujukaṃ pana catuvīsatiyojanikāya parisāya majjhe Bhagavā yamakapāṭihāriyaṃ akāsi.

Taṃ Pālito tāva evaṃ veditabbaṃ³—katamaṃ Tathāgatassa yamakapāṭihāriye ñāṇaṃ? Idha Tathāgato yamakapāṭihāriyaṃ karoti asādhāraṇaṃ sāvakehi, uparimakāyato aggikkhandho pavattati,

1. Khu 5. 7 piṭṭhe.

2. Manāpameva bhāseyya, nāmanāpaṃ (Sī, Syā) Vi 2. 8 piṭṭhe ca.

3. Khu 9. 120 piṭṭhe Paṭisambhidāmagge.

heṭṭhimakāyato udakadhārā pavattati. Heṭṭhimakāyato aggikkhandho pavattati, uparimakāyato udakadhārā pavattati. Puratthimakāyato, pacchimakāyato. Pacchimakāyato, puratthimakāyato. Dakkhiṇa-akkhito, vāma-akkhito. Vāma-akkhito, dakkhiṇa-akkhito. Dakkhiṇakaṇṇasotato, vāmakaṇṇasotato. Vāmakaṇṇasotato, dakkhiṇakaṇṇasotato. Dakkhiṇanāsikāsotato, vāmanāsikāsotato. Vāmanāsikāsotato, dakkhiṇanāsikāsotato. Dakkhiṇa-aṃsakūṭato, vāma-aṃsakūṭato. Vāma-aṃsakūṭato, dakkhiṇa-aṃsakūṭato. Dakkhiṇahatthato, vāmahatthato. Vāmahatthato, dakkhiṇahatthato. Dakkhiṇapassato, vāmapassato. Vāmapassato, dakkhiṇapassato. Dakkhiṇapādato, vāmapādato. Vāmapādato, dakkhiṇapādato. Aṅgulaṅgulehi, aṅgulantarikāhi. Aṅgulantarikāhi aṅgulaṅgulehi. Ekekalomakūpato aggikkhandho pavattati, ekekalomato udakadhārā pavattati. Ekekalomato aggikkhandho pavattati, ekekalomakūpato udakadhārā pavattati channaṃ vaṇṇānaṃ nīlānaṃ pītakānaṃ lohitakānaṃ odātānaṃ mañjeṭṭhānaṃ pabhassarānaṃ. Bhagavā caṅkamati, Buddhanimitto tiṭṭhati vā nisīdati vā seyyaṃ vā kappeti -panimmitto seyyaṃ kappeti, Bhagavā caṅkamati vā tiṭṭhati vā nisīdati vā. Idam Tathāgatassa yamakapāṭihāriye ñāṇanti.

Idam pana pāṭihāriyaṃ Bhagavā tasmim caṅkame caṅkamitvā akāsi. Tassa tejokasiṇasamāpattivāsena uparimakāyato aggikkhandho pavattati, āpokasiṇasamāpattivāsena heṭṭhimakāyato udakadhārā pavattati. Na pana udakadhārāya pavattanaṭṭhānato aggikkhandho pavattati¹, aggikkhandhassa pavattanaṭṭhānato udakadhārā pavattatīti² dassetum “heṭṭhimakāyato uparimakāyato”ti vuttaṃ. Eseva nayo sabbapadesu. Aggikkhandho panettha udakadhārāya asammisso ahosi, tathā udakadhārā aggikkhandhena. Ubhayampi kira cetam yāva brahmalokā uggantvā cakkagālamukhavatṭiyam patati. “Channaṃ vaṇṇānaṃ”ti vuttā panassa chabbaṇṇaramsiyo ghaṭṭhi āsiṅcamānaṃ vilīnasuvaṇṇaṃ viya yantanālikato nikkhantasuvaṇṇarasadhārā viya ca ekacakkavālagabbhato uggantvā brahmalokaṃ āhacca

1. Aggikkhandhassa pavattim (Sī)

2. Udakadhārāya pavattim (Sī)

paṭṇivattitvā cakkavālamukhavaṭṭimeva gaṇhiṃsu. Ekacakkavālagabbhaṃ vaṅkagopānasikaṃ viya¹ bodhigharaṃ ahosi ekālokaṃ.

Tamdivasaṃ Satthā caṅkamtivā pāṭihāriyaṃ karonto antarantarā mahājanassa dhammaṃ kathesi. Kathento ca janaṃ nirassāsaṃ akatvā tassa assāsavāraṃ deti². Tasmim̃ khaṇe mahājano sādhuḱāraṃ pavattesi. Tassa sādhuḱārapavattanakāle Satthā tāvamahatiyā parisāya cittaṃ olokento ekekassa soḷasannaṃ ākāraṇaṃ vasena cittaḱāraṃ aññāsi. Evaṃ lahuḱaparivattaṃ Buddhānaṃ cittaṃ. Yo yo yasmiṃ ca dhamme yasmiṃ ca pāṭihāre pasanno, tassa tassa ajjhāsaya vaseneva dhammaṅca kathesi, pāṭihāraṅca akāsi. Evaṃ dhamme desiyamāne pāṭihāre ca kariyamāne mahājanassa dhammābhisamayo ahosi. Satthā pana tasmim̃ samāgame attano manaṃ gahetvā aññaṃ paṇhaṃ pucchituṃ samatthaṃ adisvā nimmitabuddhaṃ māpesi. Tena pucchitaṃ paṇhaṃ Satthā vissajjesi, Satthārā pucchitaṃ so vissajjesi. Bhagavato caṅkamanakāle nimmito ṭhānādīsu aññataraṃ kappesi, nimmitassa caṅkamanakāle Bhagavā ṭhānādīsu aññataraṃ kappesi. Tamatthaṃ dassetuṃ “nimmito caṅkamati vā”ti-ādi vuttaṃ. Evaṃ karontassa Satthu pāṭihāriyaṃ disvā dhammakathaṃ sutvā tasmim̃ samāgame vīsatiyā paṇakoṭīnaṃ dhammābhisamayo ahosi.

Satthā pāṭihāraṃ karontova “kattha nu kho atītabuddhā idaṃ pāṭihāraṃ katvā vassaṃ upenti”ti āvajjetvā “Tāvatiṃsabhavane vassaṃ upagantvā mātu Abhidhammapiṭakaṃ desenti”ti disvā dakkhiṇapādaṃ ukkhipitvā Yugandharamatthake ṭhapetvā itaraṃ pādaṃ ukkhipitvā Sinerumatthake ṭhapesi. Evaṃ aṭṭhasaṭṭhiyojanasatasahassaṭṭhāne tayo padavārā ahesuṃ, dve pādachiddāni. Satthā pādaṃ pasāretvā akkamīti na sallakkhetabbaṃ. Tassa hi pādukkhipanakāleyeva pabbatā pādamaḷaṃ āgantvā sampaṭicchīṃsu, Satthārā akkamanakāle te pabbatā uṭṭhāya sakaṭṭhāneyeva aṭṭhaṃsu. Sakko Satthāraṃ disvā cintesi “Paṇḱukambalasilāya maññe Satthā imaṃ vassāvāsaṃ upessati, bahūnaṅca devatānaṃ upakāro bhavissati, Satthari panettha vassāvāsaṃ upagate añña devatā hatthampi ṭhapetuṃ na sakkhissanti. Ayaṃ

1. Ekagopānasikaṃ viya (Sī), vaṅkagopānasivinaddhaṃ viya (Syā)

2. Nirussāhaṃ akatvā tassa assāsavāsaṃ deti (Ka)

kho pana Paṇḍukambalasilā dīghato saṭṭhiyojanā, vitthārato paṇṇāsayojanā, puthulato pannarasayojanā, Sathhari nisinnepi tuccham bhavissatī”ti. Sathhā tassa ajjhāsayaṃ vidisvā attano saṃghāṭim silāsanam paṭicchādayamānam khihi. Sakko cintesi “cīvaram tāva paṭicchādayamānam khihi, sayam pana parittake ṭhāne nisīdissatī”ti. Sathhā tassa ajjhāsayaṃ viditvā nīcapīṭhakaṃ mahāpaṃsukūliko viya Paṇḍukambalasilam antocīvarabhogeyeva katvā nisīdi. Mahājanopi taṃkhaṇaññeva Sathhāram olokento nāddasa, candassa atthaṅgamitakālo viya sūriyassa ca atthaṅgamitakālo viya ahosi. Mahājano—

“Gato nu Cittakūṭam vā, Kelāsam vā Yugandharam.

Na no dakkhemu Sambuddham, Lokajeṭṭham narāsabhan”ti—

imaṃ gātham vadanto paridevi. Apare “Sathhā nāma pavivekarato, so ‘evarūpāya me parisāya evarūpaṃ pāṭihīram katan’ti lajjāya aññam raṭṭham vā janapadam vā gato bhavissati, na dāni taṃ dakkhissāmā”¹ti paridevantā imaṃ gāthamāhaṃsu—

“Pavivekarato dhīro, nimaṃ lokaṃ punchiti.

Na no dakkhemu Sambuddham, Lokajeṭṭham narāsabhan”ti.

Te Mahāmogallānam pucchiṃsu “kham bhante Sathhā”ti. So sayam jānantopi “paresampi guṇā pākaṭā hontū”ti ajjhāsayena “Anuruddham pucchathā”ti āha. Te theram tathā pucchisu “kham bhante Sathhā”ti. Tāvatiṃsabhavane Paṇḍukambalasilāyam vassam upagantvā mātu Abhidhammapīṭhakaṃ desetum gatoti. Kadā āgamissati bhanteti. Tayo māse Abhidhammapīṭhakaṃ desetvā mahāpavāraṇadivaseti. Te “Sathhāram adisvā na gamissāmā”ti tattheva khandhāvāram bandhiṃsu. Ākāsameva kira nesam chadanam ahosi. Tāya ca mahatiyā parisāya sarīranighaṃso nāma na paññāyi, pathavī vivaram adāsi, sabbattha parisuddhameva bhūmitalam ahosi.

Sathhā paṭhamameva Moggallānattheram avoca “Moggallāna tvam etissāya parisāya dhammam deseyyāsi, Cūla-anāthapiṇḍiko āhāram dassatī”ti.

1. Nanu dāni taṃ dakkhissāmāti (Sī), nanu idāni no dakkhissāmāti (Ka)

Tasmā taṃ temāsaṃ Cūḷa-anāthapiṇḍikova tassā parisāya yāpanaṃ¹
yāgubhattaṃ khādanīyaṃ tambulatelagandhamālāpilandhanāni ca adāsi.
Mahāmogallāno dhammaṃ desesi, pāṭihāriyadassanattamaṃ āgatāgatehi
puṭṭhapañhe ca vissajjesi. Satthārampi mātu abhidhammadesanattamaṃ
Paṇḍukambalasilāyaṃ vassaṃ upagataṃ dasasahassacakkavāḷadevatā
parivārayiṃsu. Tena vuttaṃ—

“Tāvatiṃse yadā Buddho, silāyaṃ Paṇḍukambale.
Pāricchattakamūlamhi, vihāsi purisuttamo.

Dasasu lokadhātūsu, sannipatitvāna devatā.
Payirupāsanti Sambuddhaṃ, vasantaṃ nagamuddhani.

Na koci devo vaṇṇena, Sambuddhassa virocati.
Sabbe deve atikkamma, Sambuddhova virocati”²ti.

Evam sabbā devatā attano sarīrappabhāya abhibhavitvā nisinnassa
panassa mātā Tusitavimānato āgantvā dakkhiṇapasse nisīdi. Indakopi
devaputto āgantvā dakkhiṇapasseyeva nisīdi, Aṅkuro vāmapasse nisīdi. So
mahesakkhāsu devatāsu sannipatantīsu apagantvā dvādasayojanike ṭhāne
okāsaṃ labhi, Indako tattheva nisīdi. Satthā te ubhopi oloketvā attano sāsane
dakkhiṇeyyapuggalānaṃ dinnadānassa mahapphalabhāvaṃ nāpetukāmo
evamāha “Aṅkura tayā dīghamantare dasavassasahassaparimāṇakāle
dvādasayojanikaṃ uddhanapantiṃ katvā mahādānaṃ dinnam, idāni mama
samāgamaṃ āgantvā dvādasayojanike ṭhāne okāsaṃ labhi, kiṃ nu kho ettha
kāraṇaṃ”³ti. Vuttampi cetam—

“Oloketvāna Sambuddho, Aṅkurañcāpi Indakam.
Dakkhiṇeyyaṃ sambhāvento³, idaṃ vacanamabravi.

1. Sāyapātaṃ sabbakāle (Syā), pātarāsakāle (Ka)

2. Khu 2. 159, 160 piṭṭhesu Petavatthumhi.

3. Vibhāvento (Sī), pabhāvento (Syā)

Mahādānaṃ tayā dinnāṃ, Aṅkura dīghamantare.
Atidūre nisinnosi, āgaccha¹ mama santike”ti².

So saddo pathavītaṃ pāpuṇi. Sabbāpi naṃ sā parisā assosi. Evaṃ
vutte—

Codito bhāvitattena, Aṅkuro etamabravi.
“Kiṃ mayhaṃ tena dānena, dakkhiṇeyyena suññataṃ
Ayaṃ so Indako yakkho, dajjā dānaṃ parittakaṃ.
Atirocati amhehi, cando tārāgaṇe yathā”ti².

Tattha **dajjā**ti datvā³. Evaṃ vutte Satthā Indakaṃ āha “Indaka tvaṃ
mama dakkhiṇapasse nisinno, kasmā anapagantvāva nisīdasī”ti. So “ahaṃ
bhante sukhetta appakabījaṃ vapanakassako viya dakkhiṇeyyasampadaṃ
alatthan”ti dakkhiṇeyyaṃ pabhāvento āha—

“Ujjaṅgale yathā khetta, bījaṃ bahumpi ropitaṃ.
Na phalaṃ vipulaṃ hoti, napi toseti kassakaṃ.
Tatheva dānaṃ bahukaṃ, dussīlesu patiṭṭhitaṃ.
Na phalaṃ vipulaṃ hoti, napi toseti dāyakaṃ.
Yathāpi bhaddake khetta, bījaṃ appampi ropitaṃ.
Sammā dhāraṃ paveccante, phalaṃ toseti kassakaṃ.
Tatheva sīlavantesu, guṇavantesu tādisu.
Appakampi kataṃ kāraṃ, puññaṃ hoti mahapphalan”ti².

Kiṃ panetassa pubbakammanti? So kira Anuruddhattherassa
antogāmaṃ piṇḍāya pavīṭṭhassa attano ābhataṃ kaṭacchubhikkhaṃ dāpesi.
Tadā tassa puññaṃ Aṅkurena dasavassasahassāni dvādasayojanikaṃ
uddhanapantiṃ katvādinnaḍānato mahapphalataraṃ jātaṃ. Tasmā evamāha.

Evaṃ vutte Satthā “Aṅkura dānaṃ nāma viceyya dātuṃ vaṭṭati, evaṃ
taṃ sukhettesu vuttabījaṃ viya mahapphalaṃ hoti. Tvaṃ pana na tathā
akāsi, tena te dānaṃ mahapphalaṃ na jātan”ti imamatthaṃ vibhāvento—

1. Āgantvā (Sī), āgacchaṃ (Syā)

2. Khu 2. 160 piṭṭhe Petavatthumhi.

3. Adattha (Sī)

“Viceyya dānaṃ dātabbaṃ, yattha dinnaṃ mahapphalaṃ -pa-
 Viceyya dānaṃ sugatappasatthaṃ,
 Ye dakkhiṇeyyā idha jīvaloke.
 Etesu dinnāni mahapphalāni,
 Bījāni vuttāni yathā sukhette”¹—

Vatvā uttarimpi dhammaṃ desento imā gāthā abhāsi—

“Tiṇadosāni khettāni, rāgadosā ayaṃ pajā.
 Tasmā hi vītarāgesu, dinnaṃ hoti mahapphalaṃ.
 Tiṇadosāni khettāni, dosadosā ayaṃ pajā.
 Tasmā hi vītadosesu, dinnaṃ hoti mahapphalaṃ.
 Tiṇadosāni khettāni, mohadosā ayaṃ pajā.
 Tasmā hi vītamohesu, dinnaṃ hoti mahapphalaṃ.
 Tiṇadosāni khettāni, icchādosā ayaṃ pajā.
 Tasmā hi vigaticchesu, dinnaṃ hoti mahapphalaṃ”¹.

Desanāvasāne Aṅkuro ca Indako ca sotāpattiphale patiṭṭhahimsu,
 mahājanassāpi sātthikā dhammadesanā ahosīti.

Atha Satthā devaparisāya majjhe nisinno mātaraṃ ārabha “kusalā
 dhammā, akusalā dhammā, abyākatā dhammā”¹ti Abhidhammapiṭakaṃ
 paṭṭhapesi. Evaṃ tayo māse nirantaraṃ Abhidhammapiṭakaṃ kathesi.
 Kathento pana bhikkhācāraṇelāya “yāva mamāgamanā ettakaṃ nāma
 dhammaṃ desetū”¹ti nimmitabuddhaṃ māpetvā Himavantaṃ gantvā
 nāgalatādantakaṭṭhaṃ khāditvā Anotattadahe mukhaṃ dhovivā
 Uttarakuruto piṇḍapātāṃ āharivā mahāsālamāḷake nisinno bhattakiccaṃ
 akāsi. Sāriputtatthero tattha gantvā Satthu vattaṃ karoti. Satthā
 bhattakiccapariyosāne “Sāriputta ajja mayā ettako nāma dhammo bhāsito,
 tvaṃ attano antevāsikānaṃ bhikkhūnaṃ vācehi”¹ti therassa kathesi.
 Yamakapāṭihīre kira pasīditvā pañcasatā kulaputtā therassa santike
 pabbajimsu. Te sandhāya

1. Khu 2. 160, 161 piṭṭhesu.

theraṃ evamāha. Vatvā ca pana devalokaṃ gantvā nimmitabuddhena desitaṭṭhānato paṭṭhāya sayam dhammaṃ desesi. Theropi gantvā tesam bhikkhūnaṃ dhammaṃ desesi. Te Satthari devaloke viharanteyeva sattapakaraṇikā ahesum.

Te kira Kassapabuddhakāle Khuddakavagguliyo hutvā ekasmiṃ pabbhāre olambantā dvinnam therānaṃ caṅkamitvā abhidhammaṃ sajjhāyantānaṃ saddaṃ sutvā sare nimittaṃ aggahesum. Te “ime khandhā nāma, imā dhātuyo nāmā”ti ajānitvā sare nimittagahaṇamatteneva tato cutā devaloke nibbattā, ekaṃ Buddhantaraṃ dibbasampattiṃ anubhavitvā tato cavitvā Sāvatthiyaṃ kulagharesu nibbattā. Yamakapāṭihīre uppannapasādā therassa santike pabbajitvā sabbapaṭhamamāṃ sattapakaraṇikā ahesum. Satthāpi teneva nīhārena taṃ temāsaṃ abhidhammaṃ desesi. Desanāvasāne asīkoṭṭisahasānaṃ devatānaṃ dhammābhisamayo ahosi, Mahāmāyāpi sotāpattiphale patiṭṭhahi.

Sāpi kho chattimsayojanaparimaṇḍalā parisā “idāni sattame divase mahāpavāraṇā bhavissati”ti Mahāmoggallānattheraṃ upasaṅkamitvā āha “bhante Satthu oroḥaṇadivasam saññātum vaṭṭati. Na hi mayaṃ Satthāraṃ adisvā gamissāmā”ti. Āyasmā Mahāmoggallāno taṃ kathaṃ sutvā “sādhāvuso”ti vatvā tattheva pathaviyaṃ nimuggo Sinerupādaṃ gantvā “maṃ abhiruhantaṃ parisā passatū”ti adhiṭṭhāya maṇiratanena āvutaṃ¹ Paṇḍukambalasuttaṃ viya paññāyamānarūpova Sinerumajjhena abhiruhi. Manussāpi naṃ “ekayojanaṃ abhiruḥho, dviyojanaṃ abhiruḥho”ti olokayimsu. Theropi Satthu pāde sīsena ukkhipanto viya abhiruhitvā vanditvā evamāha “bhante parisā tumhe disvāva gantukāmā, kadā orohissathā”ti. Kahaṃ pana te Moggallāna jeṭṭhabhātiko Sāriputtoti. Bhante Saṅkassanagare vassaṃ upagatoti. Moggallāna ahaṃ ito sattame divase mahāpavāraṇāya Saṅkassanagaradvāre otarissāmi, maṃ daṭṭhukāmā tattha āgacchantu, Sāvattthito Saṅkassanagaradvāraṃ tiṃsayojanāni, ettake magge kassaci pātheyyakiccaṃ natthi, uposathikā hutvā dhuravihāraṃ

1. Maṇiratane āvutaṃ (Syā), maṇiratanāvuta (Sī)

dhammassavanatthāya gacchantā viya āgaccheyyāthāti tesam āroceyyāsīti. Thero “sādhu bhante”ti gantvā tathā ārocesi.

Satthā vuṭṭhavasso pavāretvā Sakkassa ārocesi “mahārāja manussapatham gamissāmī”ti. Sakko suvaṇṇamayam maṇimayam rajatamayanti tīni sopānāni māpesi. Tesam pādā Saṅkassanagaradvāre patiṭṭhahimsu, sīsāni Sinerumuddhani. Tesu dakkhiṇapasse suvaṇṇamayam sopānam devatānam ahosi, vāmapasse rajatamayam sopānam mahābrahmānam ahosi, majjhe maṇimayam sopānam Tathāgatassa ahosi. Satthāpi Sinerumuddhani ṭhatvā devorohaṇasamaye yamakapāṭihāriyam¹ katvā uddham olokesi, yāva brahmalokā² ekaṅgaṇā ahesum. Adho olokesi, yāva Avīcīto ekaṅgaṇam ahosi. Disāvidisā olokesi, anekāni cakkavālasatasahassāni ekaṅgaṇāni ahesum. Devā manusse passimsu, manussāpi deve passimsu, sabbe sammukhāva passimsu.

Bhagavā chabbaṇṇaramsiyo vissajjesi. Tam divasam Buddhasirim oloketvā chattimsayojanaparimaṇḍalāya parisāya ekopi Buddhabhāvam apatthento nāma natthi. Suvaṇṇasopānena devā otarimsu, rajatasopānena mahābrahmāno otarimsu, maṇisopānena Sammāsambuddho otari. Pañcasikho Gandhabbadevaputto Beluvapaṇḍuvīṇam ādāya dakkhiṇapasse ṭhatvā Satthu gandhabbamadhuradibbavīṇāya saddena pūjam karonto otari, Mātali saṅgāhako vāmapasse ṭhatvā dibbagandhamālāpuppham gahetvā namassamāno pūjam katvā otari, mahābrahmā chatham dhāresi, Suyāmo vālabījanim dhāresi. Satthā iminā parivārena saddhim otarivā Saṅkassanagaradvāre patiṭṭhahi. Sāriputtattheropi āgantvā Satthāram vanditvā yasmā Sāriputtattherena tathārūpāya Buddhasiriyā otaranto Satthā ito pubbe na diṭṭhapubbo, tasmā—

“Na me diṭṭho ito pubbe, na suto uda kassaci.

Evam vagguvado³ Satthā, Tusitā gaṇimāgato”ti⁴—

1. Devorohaṇayamakapāṭihīram (Sī), devorohaṇe yamakapāṭihīram (Syā)

2. Naveva brahmalokā (Sī)

3. Vaggugado (Syā), vaggugato (Ka)

4. Khu 1. 426; Khu 7. 352 piṭṭhesu.

ādīhi attano tuṭṭhiṃ pakāsetvā “bhante ajja sabbepi devamanussā tumhākaṃ pihayanti¹, patthenti”ti āha. Atha naṃ Satthā “Sāriputta evarūpehi guṇehi samannāgatā Buddhā devamanussānaṃ piyā hontiyevā”ti vatvā dhammaṃ desento imañ gāthamāha—

181. “Ye jhānapasutā dhīrā, nekkhammūpasame ratā.

Devāpi tesañ pihayanti, Sambuddhānaṃ satīmatan”ti.

Tattha **ye jhānapasutā**ti lakkhaṇūpanijjhānaṃ ārammaṇūpanijjhānanti imesu dvīsu jhānesu āvajjanasamāpajjana-adhiṭṭhānavuṭṭhānapaccavekkhaṇehi yuttappayuttā. **Nekkhammūpasame ratā**ti ettha pabbajjā nekkhammanti na gahetabbā, kilesavūpasamanibbānaratiṃ pana sandhāyetaṃ vuttaṃ. **Devāpī**ti devāpi manussāpi tesañ pihayanti patthenti. **Satīmatanti** evarūpaguṇānaṃ tesañ satiyā samannāgatānaṃ Sambuddhānaṃ. “Aho vata mayaṃ Buddhā bhaveyyāmā”ti Buddhabhāvaṃ icchamānā pihayantīti attho.

Desanāvasāne tiṃsamattānaṃ pāṇakoṭīnaṃ dhammābhisamayo ahosi, therassa saddhivihārikā pañcasatabhikkhū arahatte patiṭṭhahimsu.

Sabbabuddhānaṃ kira avijahitameva yamakapāṭihīraṃ katvā devaloke vassaṃ vasitvā Saṅkassanagaradvāre otaraṇaṃ. Tattha pana dakkhiṇapādassa patiṭṭhitatṭhānaṃ acalacetiyatṭhānaṃ nāma hoti. Satthā tattha ṭhatvā puthujjanādīnaṃ visaye pañhaṃ pucchi, puthujjanā attano visaye pañhe vissajjetvā sotāpannavisaye pañhaṃ vissajjetuṃ nāsakkhimsu. Tathā sakadāgāmi-ādīnaṃ visaye sotāpannādayo, Mahāmoggallānavisaye sesamahāsāvakā, Sāriputtattherassa visaye Mahāmoggallāno, Buddhavisaye ca Sāriputtopi vissajjetuṃ nāsakkhiyeva. So pācīnadisaṃ ādiṃ katvā sabbadisā olokesi, sabbattha ekaṅgaṇameva ahosi. Aṭṭhasu disāsu devamanussā uddhaṃ yāva brahmalokā² heṭṭhā bhūmaṭṭhā ca yakkhanāgasupaṇṇā añjaliṃ paggahetvā “bhante idha tassa pañhassa vissajjetā³ natthi, ettheva upadhārethā”ti āhaṃsu. Satthā “Sāriputto kilamati. Kiñcāpi hesa—

1. Pihenti (Sī)

2. Navabrahmalokā (Sī)

3. Vissajjanto (Syā, Ka)

‘Ye ca saṅkhātadhammāse, ye ca sekhā puthū idha.
Tesaṃ me nipako iriyaṃ, puṭṭho pabrūhi mārisā’¹—

Imaṃ Buddhavisaye puṭṭhapañhaṃ sutvā ‘Sattā maṃ sekhāsekhānaṃ āgamanapaṭipadaṃ pucchatī’²ti pañhe nikkāṅkho, khandhādīsu pana katarena nu kho mukhena imaṃ paṭipadaṃ kathento ‘ahaṃ Satthu ajjhāsayaṃ gaṇhituṃ na sakkhissāmi’³ti mama ajjhāsaye kaṅkhati, so mayā naye adinne kathetuṃ na sakkhissati, nayamassa dassāmi’⁴ti nayaṃ dassento “bhūtamidaṃ Sāriputta samanupassasī”⁵ti āha. Evaṃ kirassa ahosi “Sāriputto mama ajjhāsayaṃ gahetvā kathento khandhavasena kathessatī”⁶ti. Therassa saha nayadānena so pañho nayasatena nayasahassena nayasatasahassena upaṭṭhāsī. So Sattārā dinnanaye ṭhatvā taṃ pañhaṃ kathesi. Ṭhapetvā kira Sammāsambuddhaṃ añño Sāriputtattherassa paññaṃ pāpuṇituṃ samattho nāma natthi. Teneva kira thero Satthu purato ṭhatvā sīhanādaṃ nadi “ahaṃ bhante sakalakappampi deve vuṭṭhe ‘ettakāni bindūni mahāsamudde patitāni, ettakāni bhūmiyaṃ, ettakāni pabbate’⁷ti gaṇetvā lekhaṃ⁸ āropetuṃ samattho”⁹ti. Sattāpi naṃ “jānāmi Sāriputta gaṇetuṃ samatthabhāvan”¹⁰ti āha. Tassa āyasmato paññāya upamā nāma natthi. Tenevāha—

“Gaṅgāya vālukā khīye, udakaṃ khīye mahaṇṇave.
Mahiyā mattikā khīye, na khīye³ mama buddhiyā”¹¹ti.

Idaṃ vuttaṃ hoti—sace hi bhante buddhisampanna lokanātha mayā ekasmim pañhe vissajjite ekaṃ vā vālukaṃ ekaṃ vā udakabinduṃ ekaṃ vā paṃsukhaṇḍaṃ akhipitvā⁴ pañhānaṃ satena vā sahassena vā satasahassena vā vissajjite Gaṅgāya vālukādīsu ekekaṃ ekamante khipeyya, khippataraṃ Gaṅgādīsu vālukādayo parikkhayaṃ gaccheyyūṃ, na tveva mama pañhānaṃ vissajjananti. Evaṃ mahāpaññopi hi bhikkhu Buddhavisaye pañhassa antaṃ vā koṭiṃ vā adisvā Sattārā dinnanaye ṭhatvā pañhaṃ vissajjesi. Taṃ sutvā bhikkhū kathaṃ samuṭṭhāpesuṃ “yaṃ pañhaṃ puṭṭho sabbopi jano kathetuṃ na sakkhi, taṃ Dhammasenāpati Sāriputto ekakova kathesi”⁵ti. Sattā taṃ kathaṃ sutvā “na idāneva Sāriputto yaṃ pañhaṃ mahājano vissajjetuṃ

1. Khu 1. 434; Khu 8. 34 piṭṭhesu.

3. Lakkhena (Sī, Syā)

2. Lakkhaṃ (Sī, Syā)

4. Pakkhipitvā (Syā, Ka)

nāsakkhi, taṃ vissajjesi, pubbepi anena vissajjito yevā”ti vatvā atītaṃ āharitum—

“Parosahassampi samāgatānaṃ,
Kandeyyum te vassasataṃ apaññā.
Ekova seyyo puriso sapañño,
Yo bhāsitassa vijānāti atthan”ti—

Imaṃ jātakam¹ vitthārena kathesīti.

Devorohaṇavatthu dutiyaṃ.

3. Erakapattanāgarājavatthu

Kiccho manussapaṭilābhoti imaṃ dhammadesanaṃ Satthā Bārāṇasiyaṃ upanissāya sattasirīsakarukkhamūle viharanto Erakapattaṃ nāma nāgarājaṃ ārabha kathesi.

So kira pubbe Kassapabuddhasāsane daharabhikkhu hutvā Gaṅgāya nāvāṃ abhiruyha gacchanto ekasmiṃ erakagumbe Erakapattaṃ gahetvā nāvāya vegasā gacchamānāyapi na muñci, Erakapattaṃ chijjivā gataṃ. So “appamattakaṃ etan”ti āpattiṃ adesetvā vīsati vassasahassāni araññe samaṇadhammaṃ katvāpi maraṇakāle Erakapattena gīvāya gahito viya āpattiṃ desetukāmopi aññaṃ bhikkhuṃ apassamāno “aparissuddhaṃ me sīlan”ti uppannavipphaṇṇāro tato cavitvā ekarukkhadōṇikanāvappamāṇo² nāgarājā hutvā nibbatti, **Erakapattot**vevassa nāmaṃ ahosi. So nibbattakkhaṇeyeva attabhāvaṃ oloketvā “ettakaṃ nāma kālāṃ samaṇadhammaṃ katvā ahētukayoniyaṃ maṇḍūkabhakkhaṭṭhāne nibbattomhī”ti vipphaṇṇāro ahosi. So aparabhāge ekaṃ dhītaraṃ labhitvā majjhe Gaṅgāya udakapiṭṭhe mahantaṃ phaṇaṃ ukkhipitvā dhītaraṃ tasmim̐ ṭhapetvā naccāpetvā gāyāpesi. Evaṃ kirassa ahosi “addhā ahaṃ idha iminā upāyena Buddhe uppanne tassa uppannabhāvaṃ suṇissāmī”ti. Yo me gītassa paṭigītaṃ

1. Khu 5. 23 piṭṭhe.

2. Erakarukkhanāvappamāṇo (Sī), ekadoṇikanāvappamāṇo (Syā)

āharati, tassa mahantena Nāgabhavenena saddhim dhītarāṃ dassāmīti
anvaḍḍhamāsaṃ uposathadivase taṃ dhītarāṃ phaṇe ṭhapesi. Sā tattha ṭhitā
naccantī—

“Kimsu adhippatī rājā, kimsu rājā rajjissaro.
Kathaṃsu virajo hoti, kathaṃ bālota vuccatī”ti—

Imaṃ gītaṃ gāyati.

Sakalajambudīpavāsino “nāgamāṇavikaṃ gaṇhissāmā”ti gantvā attano
attano paññābalena paṭigītaṃ katvā gāyanti. Sā taṃ paṭikkhipati. Tassā
anvaḍḍhamāsaṃ phaṇe ṭhatvā evaṃ gāyantiyāva ekaṃ Buddhantaraṃ
vītivattaṃ, atha amhākaṃ Satthā loke uppajjitvā ekadivasaṃ paccūsakāle
lokaṃ volokento Erakapattaṃ ādiṃ katvā Uttaramāṇavaṃ nāma attano
ñāṇajālassa anto pavitṭhaṃ disvā “kiṃ nu kho bhavissatī”ti āvajjento “ajja
Erakapattassa dhītarāṃ phaṇe ṭhapetvā naccāpanadivaso, ayaṃ
Uttaramāṇavo mayā dinnāṃ paṭigītaṃ gaṇhantova sotāpanno hutvā taṃ
ādāya nāgarājassa santikaṃ gamissati, so taṃ sutvā ‘Buddho uppanno’ti
ñatvā mama santikaṃ āgamissati, ahaṃ tasmim āgate mahāsamāgame
gāthaṃ kathessāmi, gāthāpariyosāne caturāsītiyā pāṇasahassānaṃ
dhammābhisamayo bhavissatī”ti addasa. So tattha gantvā Bārāṇasito avidūre
satta sirīsakarukkhā atthi, tesu ekassa mūle nisīdi. Jambudīpavāsino
gītapāṭigītaṃ ādāya sannipatiṃsu. Satthā avidūre ṭhāne gacchantaṃ
Uttaramāṇavaṃ disvā “ehi Uttarā”ti āha. Kiṃ bhanteti. Ito tāva ehīti. Atha
naṃ āgantvā vanditvā nisinnaṃ āha “kahaṃ gacchasi”ti. Erakapattassa dhītu
gāyanaṭṭhānanti. Jānāsi pana gītapāṭigītanti. Jānāmi bhanteti. Vadehi tāva
nanti. Atha naṃ attano jānananiyāmeneva vadantaṃ “na Uttara etaṃ
paṭigītaṃ, ahaṃ te paṭigītaṃ dassāmi, ādāya naṃ gamissasi”ti. Sādhu
bhanteti. Atha naṃ Satthā “Uttara tvaṃ nāgamāṇavikāya gītakāle—

‘Chadvārādhippatī rājā, rajjamāno rajjissaro.
Arajaṃ virajo hoti, rajjaṃ bālota vuccatī’ti—

Imaṃ paṭigītaṃ gāyeyyāsī”ti āha.

Māṇavikāya gītassa attho—**kiṃsu adhippatī rājā**ti kiṃ adhippati rājā nāma hoti. **Kiṃsu rājā rajjissaroti** kathaṃ pana rājā rajjissaro nāma hoti. **Kathamsu virajo hotī**ti kathaṃ nu kho so rājā virajo nāma hotīti.

Paṭigītaṃ pana attho—**chadvārādhīpatī rājā**ti yo channaṃ dvārānaṃ adhippati, ekadvārepi rūpādīhi anabhibhūto, ayaṃ rājā nāma. **Rajjamāno rajjissaroti** yo pana tesu ārammaṇesu rajjati, so rajjamāno rajjissaro nāma. **Arajjanti** arajjamāno pana virajo nāma hoti. **Rajjanti** rajjamāno bāloti vuccatīti.

Evamassa Satthā paṭigītaṃ datvā “Uttara tayā imasmim̄ gīte gāyite imassa gītassa imaṃ paṭigītaṃ gāyissati—

‘Kenassu vuyhati bālo, kathaṃ nudati paṇḍito.

Yogakkhemī kathaṃ hoti, taṃ me akkhāhi pucchito’ti.

Athassa tvaṃ imaṃ paṭigītaṃ gāyeyyāsi—

‘Oghena vuyhati bālo, yogā nudati paṇḍito.

Sabbayogavisamyutto, yogakkhemīti vuccatī’ti”.

Tassattho—kāmoghādīnā catubbidhena oghena bālo vuyhati, taṃ oghaṃ paṇḍito sammappadhānasaṅkhātēna yogena nudati. So sabbehi kāmāyogādīhi visamyutto yogakkhemī nāma vuccatīti.

Uttaro imaṃ paṭigītaṃ gaṇhantova sotāpattiphale patiṭṭhahi. So sotāpanno hutvā taṃ gāthaṃ ādāya gantvā “ambho mayā gītaṃ paṭigītaṃ āhaṃ, okāsaṃ me dethā”ti vatvā nirantaraṃ ṭhitassa mahājanassa jaṇṇunā¹ akkamanto agamāsi. Nāgamāṇavikā pitu phaṇe ṭhatvā naccamānā “kiṃsu adhippatī rājā”ti gītaṃ gāyati. Uttaro “chadvārādhīpatī rājā”ti paṭigītaṃ gāyati. Puna nāgamāṇavikā “kenassu vuyhati”ti tassa gītaṃ gāyati. Athassa paṭigītaṃ gāyanto uttaro “oghena vuyhati”ti imaṃ gāthamāha. Nāgarājā taṃ sutvāva Buddhassa uppanabhāvaṃ ṇatvā “mayā ekaṃ Buddhantaṃ evarūpaṃ padam² nāma na sutapubbaṃ, uppanno vata bho

1. Jattunāva (Sī), jannunāva (Syā)

2. Evarūpassa saddaṃ (Ka)

loke Buddho”ti tuṭṭhamānaso naṅguṭṭhena udakaṃ pahari, mahāvīciyo uṭṭhahimsu, ubho tīrāni bhijjimsu. Ito cito ca usabhamatte ṭhāne manussā udake nimujjimsu. So ettakaṃ mahājanam phaṇe ṭhapetvā ukkhipitvā thale patiṭṭhapesi. So Uttaram upasaṅkamitvā “kahaṃ sāmi Satthā”ti pucchi. Ekasmiṃ rukkhamūle nisinno mahārājāti. So “ehi sāmi gacchāmā”ti Uttarena saddhiṃ agamāsi. Mahājanopi tena saddhiṃyeva gato. Nāgarājā gantvā chabbaṇṇaramsīnam antaram pavisitvā Satthāram vanditvā rodamāno aṭṭhāsi. Atha naṃ Satthā āha “kiṃ idaṃ mahārājā”ti. Ahaṃ bhante tumhādisassa Buddhassa sāvako hutvā vīsati vassasahassāni samaṇadhammaṃ akāsiṃ, sopi maṃ samaṇadhammo niddhāretuṃ nāsakkhi. Appamattakaṃ erakapattachindanamattaṃ nissāya ahetukapaṭisandhiṃ gahetvā urena parisakkaṇaṭṭhāne nibbattosmi, ekaṃ Buddhantaram neva manussattaṃ labhāmi, na saddhammassavanaṃ, na tumhādisassa Buddhassa dassanan”ti Satthā tassa kathaṃ sutvā “mahārāja manussattaṃ nāma dullabhameva, tathā saddhammassavanaṃ, tathā Buddhuppādo, idaṃ kicchena kasirena labbhatī”ti vatvā dhammaṃ desento imaṃ gāthamāha—

182. “Kiccho manussapaṭilābho, kicchaṃ maccāna jīvitam.

Kicchaṃ saddhammassavanaṃ, kiccho Buddhānamuppādo”ti.

Tassattho—mahantena hi vāyāmena mahantena kusalena laddhattā manussattapaṭilābho nāma kiccho dullabho. Nirantaram kasikammādīni katvā jīvitavuttiṃ ghaṭanatoṃ parittaṭṭhāyitāyapi¹ maccānam jīvitam kicchaṃ. Anekesupi kappesu dhammadesakassa puggalassa dullabhatāya saddhammassavanampi kicchaṃ. Mahantena vāyāmena abhinīhārassa samijjhanato samiddhābhinihārassa ca anekehipi kappakoṭisahashehi dullabhuppādato Buddhānam uppādopi kicchoyeva, ativiya dullabhoti.

Desanāvasāne caturāsītiyā pāṇasahassānam dhammābhisamayo ahoṣi. Nāgarājāpi taṃdivasaṃ sotāpattiphalaṃ labheyya, tiracchānagatattā pana nālattha. So yesu paṭisandhigahaṇatacajahanavissatṭhaniddokkamanasajātiyāmethunasevanacut isaṅkhātesu pañcasu ṭhānesu

1. Parittatāyapi (Syā)

nāgasarīrameva gahetvā kilamanti, tesu akilamanabhāvaṃ patvā
māṇavarūpeneva vicarituṃ labhatīti.

Erakapattanāgarājavatthu tatiyaṃ.

4. Ānandattherapañhavatthu

Sabbapāpassa akaraṇanti imaṃ dhammadesanaṃ Satthā Jetavane
viharanto Ānandattherassa pañhaṃ ārabha kathesi.

Thero kira divāṭṭhāne nisinno cintesi “Satthārā sattannaṃ Buddhānaṃ
mātāpitaro āyuparicchedo bodhi sāvakasannipāto aggasāvakasannipāto
aggasāvaka-upaṭṭhākoti idaṃ sabbaṃ kathitaṃ, uposatho pana akathito, kiṃ
nu kho tesampi ayameva uposatho, añño”ti. So Satthāraṃ upasaṅkamitvā
tamatthaṃ pucchi. Yasmā pana tesāṃ Buddhānaṃ kālabhedova ahosi, na
kathābhedo. Vipassī Sammāsambuddho hi sattame sattame saṃvacchare
uposathaṃ akāsi, ekadivasaṃ dinnovādoyeva hissa sattannaṃ
saṃvaccharānaṃ alaṃ hoti. Sikhī ceva Vessabhū ca chaṭṭhe chaṭṭhe
saṃvacchare uposathaṃ kariṃsu, Kakusandho Koṇāgamaṇo ca
saṃvacchare saṃvacchare. Kassapadasabalo chaṭṭhe chaṭṭhe māse
uposathaṃ akāsi. Ekadivasaṃ dinnovādo eva hissa channaṃ māsānaṃ alaṃ
ahosi. Tasmā Satthā tesāṃ imaṃ kālabhedāṃ ārocetvā “ovādagāthā pana
nesaṃ imāyevā”ti vatvā sabbesaṃ ekameva uposathaṃ āvikaronto imā
gāthā abhāsi—

183. “Sabbapāpassa akaraṇaṃ, kusalassa upasampadā.
Sacittapariyodapanāṃ, etaṃ Buddhāna sāsanaṃ.

184. Khantī paramaṃ tapo titikkhā,
Nibbānaṃ paramaṃ vadanti Buddhā.
Na hi pabbajito parūpaghātī,
Na samaṇo hoti paraṃ viheṭṭhayanto.

185. Anūpavādo anūpaghāto, pātimokkhe ca saṁvaro.
Mattaññutā ca bhattasmiṁ, pantañca sayanāsanam.
Adhicitte ca āyogo, etaṁ Buddhāna sāsanan”ti.

Tattha **sabbapāpassāti** sabbassa akusalakammasa. **Upasampadāti** abhinikkhamanato paṭṭhāya yāva arahattamaggā kusalassa uppādanam ceva uppāditassa ca bhāvanā. **Sacittapariyodapananti** pañcahi nīvaraṇehi attano cittassa vodāpanam. **Etaṁ Buddhāna sāsanananti** sabbabuddhānam ayamanusiṭṭhi.

Khantīti yā esā titikkhāsankhātā khantī nāma, idaṁ imasmiṁ sāsane paramam uttamaṁ tapo. Nibbānam **paramam vadanti Buddhāti** Buddhā ca Paccekabuddhā ca anubuddhā cāti ime tayo Buddhā nibbānam uttamanti vadanti. **Na hi pabbajitoti** paṇi-ādīhi param upahananto viheṭhento parūpaghātī pabbajito nāma na hoti. **Na samaṇoti** vuttanayeneva param viheṭhayanto samaṇopi na hotiyeva.

Anūpavādoti anūpavādanañceva anūpavādāpanaṅca. **Anūpaghātoti** anūpaghātanañceva anūpaghātāpanaṅca. **Pātimokkheti** jeṭṭhakasīle. **Saṁvaroti** pidahanam. **Mattaññutāti** mattaññubhāvo pamāṇajānanam. **Pantanti** vivittam. **Adhicitteti** aṭṭhasamāpattisaṅkhāte adhicitte. **Āyogoti** payogakaraṇam. **Etanti** etaṁ sabbesaṁ Buddhānam sāsanam. Ettha hi anūpavādena vācasikaṁ sīlam kathitam, anūpaghātena kāyikasīlam, “pātimokkhe ca saṁvaro”ti iminā pātimokkhasīlañceva indriyasamvaraṅca, mattaññutāya ājīvapārisuddhi ceva paccayasannissitasīlaṅca, pantasenāsanena sappāyasenāsanam, adhicittena aṭṭha samāpattiyo. Evaṁ imāya gāthāya tissopi sikkhā kathitā eva hontīti.

Desanāvasāne bahū sotāpattiṭṭhalādīni pāpuṇimsūti.

Ānandattherapañhavatthu catuttham.

5. Anabhiratabhikkhuvatthu

Na **kahāpaṇavassenā**ti imañ dhammadesanañ Satthā Jetavane viharanto ekañ anabhiratabhikkhuñ ārabha kathesi.

So kira sāsane pabbajitvā laddhūpasampado “asukatṭhānañ nāma gantvā uddesañ uggaṇhāhi”ti upajjhāyena pesito tattha agamāsi. Athassa pituno rogo uppajji. So puttāñ daṭṭhukāmo hutvā tañ pakkosituñ samatthañ kañci alabhitvā puttasokena vippalapantoyeva āsannamaraṇo hutvā “idañ me puttassa pattacīvaramūlañ kareyyāsi”ti kahāpaṇasatañ kaniṭṭhassa hatthe datvā kālamakāsi. So daharassa āgatakāle pādamūle nipatitvā pavatṭento roditvā “bhante pitā te vippalapantova kālakato, mayhañ pana tena kahāpaṇasatañ hatthe ṭhapitañ, tena kiñ karomī”ti āha. Daharo “na me kahāpaṇehi attho”ti paṭikkhipitvā aparabhāge cintesi “kiñ me parakulesu piṇḍāya caritvā jīvitena, sakkā tañ kahāpaṇasatañ nissāya jīvitum, vibbhamissāmī”ti. So anabhiratiyā pīḷito vissaṭṭhasajjhāyanakammaṭṭhāno paṇḍurogī viya ahosi. Atha nañ daharasāmaṇerā “kiñ idan”ti pucchitvā “ukkaṇṭhitomhī”ti vutte ācariyupajjhāyānañ ācikkhimsu. Atha nañ te Satthu santikañ netvā Satthu dassesum. Satthā “saccañ kira tvañ ukkaṇṭhito”ti pucchitvā “āma bhante”ti vutte “kasmā evamakāsi, atthi pana te koci jīvitapaccayo”ti āha. Āma bhanteti. Kiñ te atthīti. Kahāpaṇasatañ bhanteti. Tena hi katthaci tāva sakkharā āhara, gaṇetvā jānissāma “sakkā vā tāvattakena jīvitum, no vā”ti. So sakkharā āhari. Atha nañ Satthā āha “paribhogatthāya tāva paṇṇāsañ ṭhapehi, dvinnañ goṇānañ atthāya catuvīsati, ettakañ nāma bījatthāya, yuganaṅgalatthāya, kuddālavāsipharasu-atthāyā”ti evañ gaṇiyamāne tañ kahāpaṇasatañ nappahoti. Atha nañ Satthā “bhikkhu tava kahāpaṇā appakā, kathañ ete nissāya taṇhañ pūressasi, atīte kira cakkavattirajjam kāretvā apphoṭitamattena dvādasayojanaṭṭhāne kaṭippamāṇena ratanavassam vassāpetum samattho yāva chattiṃsa sakkā cavanti, ettakañ kalam devarajjam kāretvāpi

maraṇakāle taṇhaṃ apūretvāva kālamakāsi”ti vatvā tena yācito atītaṃ āharitvā **Mandhātu-jātakam**¹ vitthāretvā—

“Yāvataṃ candimasūriyā pariharanti, disā bhanti virocana.
Sabbeva dāsā mandhātu, ye pāṇā pathavissitā”ti—

Imissā gāthāya anantarā imā dve gāthā abhāsi—

186. “Na kahāpaṇavassena, titti kāmesu vijjati.
Appassādā dukhā kāmā, iti viññāya paṇḍito.

187. Api dibbesu kāmesu, ratim so nādhigacchati.
Taṇhakkhayarato hoti, Sammāsambuddhasāvako”ti.

Tattha **kahāpaṇavassenā**ti yaṃ so apphoṭevā sattaratanavassaṃ vassāpesi, taṃ idha kahāpaṇavassanti vuttaṃ. Tenapi hi vatthukāmakilesakāmesu titti nāma natthi. Evaṃ duppūrā esā taṇhā. **Appassādā**ti supinasadisatāya parittasukhā. **Dukhā**ti dukkhakkhandhādīsu āgatadukkhavasena pana bahudukkhāva. **Iti viññāyā**ti evamete kāme jānitvā. **Api dibbesū**ti sace hi devānaṃ upakappanakakāmehi nimanteyyāpi āyasmā samiddhi viya evampi tesu kāmesu ratim na vindatiyeva. **Taṇhakkhayaratoti** arahatte ceva nibbāne ca abhirato hoti, taṃ patthayamāno viharati. **Sammāsambuddhasāvakoti** Sammāsambuddhena desitassa dhammassa savanena jāto yogāvacarabhikkhūti.

Desanāvasāne so bhikkhu sotāpattiphale patitṭhahi, sampattaparīsāyapi sātthikā dhammadesanā ahoṣīti.

Anabhiratabhikkhuvatthu pañcamaṃ.

6. Aggidattabrāhmaṇavatthu

Bahuṃ ve saraṇaṃ yantīti imaṃ dhammadesanaṃ Sathā Jetavane viharanto vālikarāsīmhi nisinnaṃ Aggidattaṃ nāma Kosalarañño purohitaṃ ārabba kathesi.

1. Khu 5. 73 piṭṭhe.

So kira Mahākosalassa purohito ahosi. Atha naṃ pitari kālakate rājā Pasenadi Kosalo “pitu me purohito”ti gāravena tasmim̐ yeva ṭhāne ṭhapetvā tassa attano upaṭṭhānaṃ āgatakāle paccuggamaṇaṃ karoti, “ācariya idha nisīdathā”ti samānāsaṇaṃ dāpesi. So cintesi “ayaṃ rājā mayi ativiya gāraṇaṃ karoti, na kho pana rājūnaṃ niccakārameva sakkā cittaṃ gahetuṃ. Samānavayeneva hi saddhim̐ rajjasukhaṃ nāma sukhaṃ hoti, ahañcamhi mahallako, pabbajituṃ me yuttan”ti. So rājānaṃ pabbajjaṃ anujānāpetvā nagare bherim̐ carāpetvā sattāhena sabbaṃ attano dhaṇaṃ dānamukhe vissajjetvā bāhirakapabbajjaṃ pabbaji. Taṃ nissāya dasa purisaṣaḥassāni anupabbajimsu. So tehi saddhim̐ Aṅgamagadhānaṃ ca Kururaṭṭhassa ca antare vāsaṃ kappetvā imaṃ ovādaṃ deti “tātā yassa kāmavitakkādayo uppajjanti, so nadito¹ ekekaṃ vālukapuṭaṃ uddharitvā imasmim̐ okiratū”ti. Te “sādhū”ti paṭissuṇitvā kāmavitakkādīnaṃ uppannakāle tathā karimsu. Aparena samayena mahāvālukarāsi ahosi, taṃ Ahicchatto nāma nāgarājā paṭiggahesi. Aṅgamagadhavāsino ceva Kururaṭṭhavāsino ca māse māse tesāṃ mahantaṃ sakkāraṃ abhiharitvā dānaṃ denti. Atha nesaṃ Aggidatto imaṃ ovādaṃ adāsi “pabbataṃ saraṇaṃ yātha, vanaṃ saraṇaṃ yātha, āraṃ saraṇaṃ yātha, rukkhaṃ saraṇaṃ yātha, evaṃ sabbadukkhato muccissathā”ti. Attano antevāsikepi iminā ovādena ovadi.

Bodhisattopi katābhinikkhamano sammāsambodhim̐ patvā tasmim̐ samaye Sāvattim̐ nissāya Jetavane viharanto paccūsakāle lokaṃ volokento Aggidattabrāhmaṇaṃ saddhim̐ antevāsikehi attano nāṇajālassa anto pavitṭhaṃ disvā “sabbepi ime arahattassa upanissayasampannā”ti ṇatvā sāyanhasamaye Mahāmoggallānattheraṃ āha “Moggallāna kiṃ passasi Aggidattabrāhmaṇaṃ mahājanaṃ atitthe pakkhandāpentaṃ. Gaccha tesāṃ ovādaṃ dehī”ti. Bhante bahū ete, ekakassa mayhaṃ avisayhā. Sace tumhepi āgamissatha, visayhā bhavissantīti. Moggallāna ahampi āgamissāmi, tvaṃ purato yāhīti. Thero purato gacchantova cintesi “ete balavanto ceva bahū ca. Sace sabbesaṃ samāgamatṭhāne

kiñci kathessāmi, sabbepi vaggavaggena uṭṭhaheyyunti attano ānubhāvena thūlaphusitakaṃ devaṃ vuṭṭhāpesi. Te thūlaphusitakesu patantesu uṭṭhāy' uṭṭhāya attano attano paṇṇasālaṃ pavasiṃsu. Thero Aggidattassa brāhmaṇassa paṇṇasāladvāre thatvā “Aggidattā”ti āha. So Therassa saddaṃ sutvā “maṃ imasmiṃ loke nāmena ālapitum samattho nāma natthi. Ko nu kho maṃ nāmena ālapatī”ti mānathaddhatāya “ko eso”ti āha. Ahaṃ brāhmaṇāti. Kiṃ vadesīti. Ajja me ekarattim idha vasanaṭṭhānaṃ tvaṃ ācikkhāhīti. Idha vasanaṭṭhānaṃ natthi, ekassa ekāva paṇṇasālāti. Aggidatta manussā nāma manussānaṃ, gāvo gunnaṃ, pabbajitā pabbajitānaṃ santikaṃ gacchanti¹, mā evaṃ kari, dehi me vasanaṭṭhānanti. Kiṃ pana tvaṃ pabbajitoti. Āma pabbajitomhīti. Sace pabbajito, kahaṃ te khāribhaṇḍaṃ, ko pabbajitaparikkhāroti. Atthi me parikkhāro, visum pana naṃ gahetvā vicaritum dukkhanti abbhantareneva naṃ gahetvā vicarāmi brāhmaṇāti. So “taṃ gahetvā vicarissasī”ti² Therassa kujjhi. Atha naṃ so āha “amhe Aggidatta mā kujjhi, vasanaṭṭhānaṃ me ācikkhāhī”ti. Natthi ettha vasanaṭṭhānanti. Etasmiṃ pana vālukarāsīmhi ko vasatīti. Eko nāgarājāti. Etaṃ me dehīti. Na sakkā dātum, bhāriyaṃ etassa kammanti. Hotu, dehi meti. Tena hi tvaṃ eva jānāhīti.

Thero vālukarāsi-abhimukho pāyāsi. Nāgarājā taṃ āgacchantaṃ disvā “ayaṃ samaṇo ito āgacchati, na jānāti maññe mama atthibhāvaṃ, dhūmāyitvā naṃ māressāmi”ti dhūmāyi. Thero “ayaṃ nāgarājā ‘ahameva dhūmāyitum sakkomi, aññe na sakkontī”ti maññe sallakkhetī”ti sayampi dhūmāyi. Dvinnampi sarīrato uggatā dhūmā yāva brahmalokā uṭṭhahiṃsu. Ubhopi dhūmā therāṃ abādhetvā nāgarājānameva bādhenti. Nāgarājā dhūmavegaṃ sahitum asakkonto pajjali. Theropi tejodhātum samāpajjitvā tena saddhim yeva pajjali. Aggijālā yāva brahmalokā uṭṭhahiṃsu. Ubhopi therāṃ abādhetvā nāgarājānameva bādhayiṃsu. Athassa sakalasarīraṃ ukkāhi padittam³ viya ahoṣi. Isigaṇo oloketvā cintesi “nāgarājā samaṇaṃ jhāpeti, bhaddako vata samaṇo amhākaṃ vacanaṃ asutvā nattho”ti. Thero

1. Āgacchanti (Sī)

2. So taṃ na gahetvā vicarissasīti (Sī)

3. Padīpitaṃ (Sī), pariḍayhitam (Ka)

nāgarājānaṃ dametvā nibbisevanaṃ katvā vālukarāsīmhi nisīdi. Nāgarājā vālukarāsīm bhogehi parikkhipitvā kūṭāgārakucchipamaṇaṃ phaṇaṃ māpetvā Therassa upari dhāresi.

Isigaṇā pātova “samaṇassa matabhāvaṃ vā amatabhāvaṃ vā jānissāmā”ti therassa santikaṃ gantvā taṃ vālukarāsimatthake nisinnaṃ disvā añjaliṃ paggayha abhitthavantā āhaṃsu “samaṇa kacci nāgarājena na bādhitō”ti. Kiṃ na passatha mama upariphaṇaṃ dhāretvā ʔitanti. Te “acchariyaṃ vata bho, samaṇassa evarūpo nāma nāgarājā damito”ti. Theram parivāretvā aṭṭhaṃsu. Tasmim̄ khaṇe Satthā āgato. Thero Satthāraṃ disvā utṭhāya vandi. Atha naṃ isayo āhaṃsu “ayampi tayā mahantataro”ti. Eso Bhagavā Satthā, ahaṃ imassa sāvakoti. Satthā vālukarāsimatthake nisīdi, isigaṇo “ayaṃ tāva sāvakassa ānubhāvo, imassa pana ānubhāvo kīdiso bhavissatī”ti añjaliṃ paggayha Satthāraṃ abhitthavi. Satthā Aggidattaṃ āmantetvā āha “Aggidatta tvaṃ tava sāvakānaṃca upaṭṭhākānaṃca ovādaṃ dadamāno kinti vatvā desī”ti. “Etaṃ pabbataṃ saraṇaṃ gacchatha, vanaṃ āraṃaṃ rukkhaṃ saraṇaṃ gacchatha. Etāni hi saraṇaṃ gato sabbadukkhā pamuccatīti evaṃ tesam̄ ovādaṃ dammī”ti. Satthā “na kho Aggidatta etāni saraṇaṃ gato sabbadukkhā pamuccati, Buddhaṃ dhammaṃ saṃghaṃ pana saraṇaṃ gantvā sakalavaṭṭadukkhā pamuccatī”ti vatvā imā gāthā abhāsi—

188. “Bahum̄ ve saraṇaṃ yanti, pabbatāni vanāni ca,
Ārāmarukkhacetyāni, manussā bhayatajjitā.

189. Netam̄ kho saraṇaṃ khemaṃ, netam̄ saraṇamuttamaṃ.
Netam̄ saraṇamāgama, sabbadukkhā pamuccati.

190. Yo ca Buddhaṃca dhammaṃca, saṃghaṃca saraṇaṃ gato.
Cattāri ariyasaccāni, sammappaññāya passati.

191. Dukkhaṃ dukkhasamuppādaṃ, dukkhassa ca atikkamaṃ,
Ariyam̄ caṭṭhaṅgikaṃ maggaṃ, dukkhūpasamagāminam̄.

192. Etaṃ kho saraṇaṃ khemaṃ, etaṃ saraṇamuttamaṃ.

Etaṃ saraṇamāgamma, sabbadukkhā pamuccatī”ti.

Tattha **bahunti** bahu. **Pabbatānī**ti tattha tattha Isigilivepullavebhārādike pabbate ca Mahāvanagosiṅgasālavanādīni vanāni ca Veḷuvanañjivakambavanādayo ārāme ca Udenacetiyagotamacetiyaḍḍhāni rukkhacetyāni ca te te manussā tena tena bhayena tajjitā bhayato mucchitukāmā puttalābhādīni vā patthayamānā saraṇaṃ yantīti attho. **Netam saraṇanti** etaṃ sabbampi saraṇaṃ neva khemaṃ na uttamaṃ, na ca etaṃ paṭicca jāti-ādidhammesu sattesu ekopi jāti-ādito sabbadukkhā pamuccatīti attho.

Yo cāti idaṃ akhemaṃ anuttamaṃ saraṇaṃ dassetvā khemaṃ uttamaṃ saraṇaṃ dassanattaṃ āradhmaṃ. Tassattho—yo ca gahaṭṭho vā pabbajito vā “itipi so Bhagavā Arahaṃ Sammāsambuddho”ti-ādikaṃ Buddhadhammasaṃghānussatikammaṭṭhānaṃ nissāya seṭṭhavasena Buddhaṅca dhammaṅca saṃghaṅca saraṇaṃ gato, tassapi taṃ saraṇagamaṇaṃ aññatitthiyavandanādīhi kuppati calati. Tassa pana acalabhāvaṃ dassetuṃ maggena āgatasaraṇameva pakāsanto **cattāri ariyasaccāni sammappaññāya passatīti** āha. Yo hi etesaṃ saccānaṃ dassanavasena etāni saraṇaṃ gato, etassa etaṃ saraṇaṃ khemaṅca uttamaṅca, so ca puggalo etaṃ saraṇaṃ paṭicca sakalasmāpi vaṭṭadukkhā pamuccati, tasmā **etaṃ kho saraṇaṃ khemaṃ** ti-ādi vuttaṃ.

Desanāvasāne sabbepi te isayo saha paṭisambhidāhi arahattaṃ patvā Satthāraṃ vanditvā pabbajjaṃ yācimsu. Satthāpi cīvaragabbhato hatthaṃ pasāretvā “etha bhikkhavo, caratha brahmacariyan”ti āha. Te taṅkhaṇe yeva aṭṭhaparikkhārādhārā vassasatṭhikatherā¹ viya ahesuṃ. So ca sabbesampi Aṅgamaḍḍhakururaṭṭhavāsīnaṃ sakkāraṃ ādāya āgamanadivaso ahoṣi. Te sakkāraṃ ādāya āgatā sabbepi te isayo pabbajite disvā “kiṃ nu kho amhākaṃ Aggidattabrāhmaṇo mahā, udāhu Samaṇo Gotamo”ti cintetvā “samaṇassa Gotamassa āgatattā Aggidattova mahā”ti maññimsu. Satthā tesam ajjhāsayaṃ oloketvā “Aggidatta parisāya kaṅkhaṃ chindā”ti āha. So “ahampi

1. Vassasatikatherā (Sī, Syā)

ettakameva paccāsīsāmī”ti iddhibalena sattakkhattum vehāsam
abbhuggantvā punappunam oruyha Satthāram vanditvā “Satthā me bhante
Bhagavā, sāvako hamasmī”ti vatvā sāvakattam pakāsesīti.

Aggidattabrāhmaṇavatthu chaṭṭham.

7. Ānandattherapañhavatthu

Dullabhoti imam dhammadesanam Satthā Jetavane viharanto
Ānandattherassa pañham ārabha kathesi.

Thero hi ekadivasam divāṭṭhāne nisinno cintesi “hatthājānīyo
chaddantakule vā uposathakule vā uppajjati, assājānīyo sindhavakule vā
valāhakassarājakule vā, usabho go-ājānīyo dakkhiṇapatheti-ādīni vadantena
Satthārā hatthi-ājānīyādīnam uppattiṭṭhānādīni kathitāni, purisājānīyo pana
kham nu kho uppajjati”ti. So Satthāram upasaṅkamitvā vanditvā
ekamantam nisīditvā etamattham pucchi. Satthā “Ānanda purisājānīyo nāma
sabbattha nuppajjati, ujukato pana tiyojanasatāyāme vitthārato
aḍḍhateyyasate āvaṭṭato navayojanasatappamāṇe Majjhimapadesaṭṭhāne
uppajjati. Uppajjanto ca pana na yasmim vā tasmim vā kule uppajjati,
khattiyamahāsālabrāhmaṇamahāsālakulānam pana aññatarasmimyeva
uppajjati”ti vatvā imam gāthamāha—

193. “Dullabho purisājañño, na so sabbattha jāyati.

Yattha so jāyati dhīro, tam kulam sukhamedhatī”ti.

Tattha **dullabhoti** purisājañño hi dullabho, na hatthi-ājānīyādayo viya
sulabho, so sabbattha paccantadese vā nīcakule vā na jāyati, majjhimadesepi
mahājanassa abhivādanādisakkārakaraṇaṭṭhāne khattiyabrāhmaṇakulānam
aññatarasmim kule jāyati. Evam jāyamāno **yattha so jāyati dhīro**
uttamapañño Sammāsambuddho, **tam kulam sukhamedhatīti**
sukhappattameva hotīti attho.

Desanāvasāne bahū sotāpattiphalādīni pāpuṇimsūti.

Ānandattherapañhavatthu sattamam.

8. Sambahulabhikkhuvatthu

Sukho Buddhānanti imaṃ dhammadesanaṃ Satthā Jetavane viharanto sambahulānaṃ bhikkhūnaṃ kathaṃ ārabba kathesi.

Ekadivasam hi pañcasatabhikkhū upaṭṭhānasālāyaṃ nisinnā “āvuso kiṃ nu kho imasmim loke sukhan”ti kathaṃ samuṭṭhāpesuṃ. Tattha keci “rajjasukhasadisam sukham nāma natthi”ti āhaṃsu. Keci kāmasukhasadisam, keci “sālimamsabhojanādisadisam sukham nāma natthi”ti āhaṃsu. Satthā tesam nisinnaṭṭhānaṃ gantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “bhikkhave kiṃ kathetha. Idañhi sabbampi sukham vaṭṭadukkhapariyāpannameva, imasmim loke Buddhuppādo dhammassavanaṃ, saṃghasāmaggī, sammodamānabhāvoti idameva sukhan”ti vatvā imaṃ gāthamāha—

194. “Sukho Buddhānamuppādo, sukhā Saddhammadesanā.

Sukhā saṃghassa sāmaggī, samaggānaṃ tapo sukho”ti.

Tattha **Buddhānamuppādoti** yasmā Buddhā uppajjamānā mahājanaṃ rāgakantārādīhi tārenti, tasmā Buddhānaṃ uppādo sukho uttamo. Yasmā saddhammadesanaṃ āgamma jāti-ādiddhammā sattā jāti-ādīhi muccanti, tasmā **saddhammadesanā sukhā. Sāmaggīti** samacittatā, sāpi sukhā eva. Samaggānaṃ pana ekacittānaṃ yasmā Buddhavacanaṃ vā uggaṇhituṃ dhutaṅgāni vā pariharituṃ samaṇadhammaṃ vā kātuṃ sakkā, tasmā **samaggānaṃ tapo sukhoti** vuttaṃ. Tenevāha “yāvakiṃvañca bhikkhave bhikkhū samaggā sannipatissanti, samaggā vuṭṭhahissanti, samaggā saṃghakaraṇīyāni karissanti, vuddhiyeva bhikkhave bhikkhūnaṃ pāṭikaṅkhā, no parihānī”ti¹.

Desanāvasāne te bhikkhū arahatte patiṭṭhahimsu, mahājanassāpi sātthikā dhammadesanā ahoṣīti.

Sambahulabhikkhuvatthu aṭṭhamaṃ.

1. Dī 2. 65 piṭṭhe.

9. Kassapadasabalassa suvaṇṇacetiyaivatthu

Pūjāraheti imaṃ dhammadesanaṃ Satthā cārikam caramāno
Kassapadasabalassa suvaṇṇacetiyaṃ ārabha kathesi.

Tathāgato Sāvattthito nikkhamitvā anupubbena Bārāṇasim gacchanto
antarāmagge Todeyyagāmassa samīpe mahābhikkhusaṅghaparivāro
aññataraṃ devaṭṭhānaṃ sampāpuṇi. Tatra nisinno Sugato
Dhammabhaṇḍāgārikaṃ pesetvā avidūre kasikammaṃ karontaṃ
brāhmaṇaṃ pakkosāpesi. So brāhmaṇo āgantvā Tathāgataṃ anabhivanditvā
tameva devaṭṭhānaṃ vanditvā aṭṭhāsi. Sugatopi “imaṃ padesaṃ kinti
maññasi brāhmaṇā”ti āha. Amhākaṃ paveṇiyā āgatacetiyaṭṭhānanti vandāmi
bho Gotamāti. “Imaṃ ṭhānaṃ vandantena tayā sādhu kataṃ brāhmaṇā”ti
Sugato taṃ sampahaṃsesi. Taṃ sutvā bhikkhū “kena nu kho kāraṇena
Bhagavā evaṃ sampahaṃsesī”ti saṃsayam sañjanesuṃ. Tato Tathāgato
tesaṃ saṃsayamapanetuṃ Majjhimanikāye **Ghaṭṭikārasuttantaṃ**¹ vatvā
iddhānubhāvena Kassapadasabalassa yojanubbedham kanakacetiyaṃ
aparaṇca kanakacetiyaṃ ākāse nimminivā mahājanaṃ dassetvā “brāhmaṇa
evaṃvidhānaṃ pūjārahānaṃ pūjā yuttatarāvā”ti vatvā
Mahāparinibbānasutte² dassitanayeneva Buddhādike cattāro thūpārahe
pakāsetvā sarīracetiyaṃ uddissacetiyaṃ paribhogacetiyaṃ tīṇi cetiyāni
visesato paridīpetvā imā gāthā abhāsi—

195. “Pūjārahe pūjayato, Buddhe yadi va sāvake.

Papañcasamatikkante, tiṇṇasokapariddave.

196. Te tādise pūjayato, nibbute akutobhaye,

Na sakkā puññaṃ saṅkhātum, imettamapi kenacī”ti³.

Tattha pūjituṃ arahā **pūjārahā**, pūjituṃ yuttāti attho. **Pūjārahe**
pūjayatoti abhivādanādīhi ca catūhi ca paccayehi pūjentassa. Pūjārahe
dasseti **Buddheti**-ādinā. **Buddheti** Sammāsambuddhe. **Yadīti** yadi vā, atha
vāti attho. Tattha Paccekabuddheti kathitaṃ hoti, sāvake ca.
Papañcasamatikkanteti samatikkanta-taṇhādīṭṭhimānapapañce.
Tiṇṇasokapariddaveti

1. Ma 2. 236 piṭṭhe.

2. Dī 2. 117 piṭṭhe.

3. Khu 3. 147 piṭṭhe apadānepi.

atikkanta-sokapariddave, ime dve atikkanteti attho. Etehi pūjārahattaṃ dassitaṃ.

Teti Buddhādayo. **Tādiseti** vuttagahaṇavasena. **Nibbuteti** rāgādinibbutiyā. Natthi kutoci bhavato vā ārammaṇato vā etesaṃ bhayanti akutobhayā, te **akutobhaye**. **Na sakkā puññaṃ saṅkhātunti** puññaṃ gaṇetum na sakkā. Kathanti ce? **Imettamapi kenacīti** imaṃ ettakaṃ, imaṃ ettakanti kenacīti api-saddo idha sambandhitabbo, kenaci puggalena mānena vā. Tatha **puggalenāti** tena brahmādinā. **Mānenāti** tividhena mānena tīraṇena dhāraṇena pūraṇena vā. **Tīraṇaṃ** nāma idaṃ ettakanti nayato tīraṇaṃ. **Dhāraṇanti** tulāya dhāraṇaṃ. **Pūraṇaṃ** nāma aḍḍhapasatapatthanālikādivasena pūraṇaṃ. Kenaci puggalena imehi tīhi mānehi Buddhādike pūjayato puññaṃ vipākavasena gaṇetum na sakkā pariyantarahitatoti dvīsu ṭhānesu pūjayato kiṃ dānaṃ paṭhamaṃ dharamāne Buddhādīpūjayato na sakkā puññaṃ saṅkhātum, puna te tādisa kilesaparinibbānanimittena khandhapariniibbānena nibbutepi pūjayato na sakkā saṅkhātunti bhedā yujjanti. Tena hi Vimānavatthumhi—

“Tiṭṭhante nibbuta cāpi, same citte samaṃ phalaṃ.
Cetopaṇidhihetu hi, sattā gacchanti suggatin”¹.

Desanāvasāne so brāhmaṇo sotāpanno ahoṣīti. Yojanikaṃ kanakacetiyaṃ sattāhamākāseva aṭṭhāsi, mahantena samāgame cāhoṣi, sattāhaṃ cetiyaṃ nānappakārena pūjesum. Tato bhinnaladdhikānaṃ laddhibhedo jāto. Buddhānubhāvena taṃ cetiyaṃ sakaṭṭhānameva gataṃ, tattheva taṃkhaṇe mahantaṃ pāsāṇacetiyaṃ ahoṣi. Tasmim samāgame caturāsītiyā pāṇasahassānaṃ dhammābhisamayo ahoṣi ti².

Kassapadasabalassa suvaṇṇacetiyaavatthu navamaṃ.

Buddhavaggavaṇṇanā niṭṭhitā.

Cuddasamo vaggo.

Paṭṭhamabhāṇavāraṃ niṭṭhitam.

1. Khu 2. 66 piṭṭhe Pītavimānavatthumhi.

2. Idaṃ vatthu Sī-potthakeyeva dissati.

15. Sukhavagga

1. Āṭikalahavūpasamanavatthu

Susukham vatāti imam dhammadesanam Satthā Sakkesu viharanto kalahavūpasamanattham ñātaka ārabha kathesi.

Sākiyakoliyā kira Kapilavatthunagarassa ca Koliyanagarassa ca antare Rohiṇim nāma nadim ekeneva āvaraṇena bandhāpetvā sassāni karonti. Atha jetṭhamūlamāse sassesu milāyantesu ubhayanagaravāsikānampi kammakārā sannipatiṃsu. Tattha Koliyanagaravāsino āhaṃsu “idaṃ udakaṃ ubhayato hariyamānaṃ neva tumhākaṃ, na amhākaṃ pahossati, amhākaṃ pana sassaṃ eka-udakeneva nipphajjissati, idaṃ udakaṃ amhākaṃ dethā”ti. Itarepi āhaṃsu “tumhesu koṭṭhake pūretvā ṭhitesu mayam rattasuvaṇṇanīlamaṇikāḷakahāpaṇe¹ ca gahetvā pacchipasibbakādihatthā na sakkhissāma tumhākaṃ gharadvāre vicarituṃ, amhākampi sassaṃ eka-udakeneva nipphajjissati, idaṃ udakaṃ amhākaṃ dethā”ti. Na mayam dassāmāti. Mayampi na dassāmāti evam katham vaḍḍhetvā eko utṭhāya ekassa pahāraṃ adāsi, sopi aññassāti evam aññamaññaṃ paharivā rājakulānaṃ jātim ghaṭṭetvā kalahaṃ vaḍḍhayiṃsu.

Koliyakammakārā vadanti “tumhe Kapilavattuvāsike² gahetvā gajjatha, ye Soṇasiṅgālādayo viya attano bhaginīhi saddhim samvasiṃsu, etesaṃ hatthino ceva assā ca phalakāvudhāni ca amhākaṃ kiṃ karissantī”ti. Sākiyakammakārāpi vadanti “tumhe idāni kuṭṭhino dārake gahetvā gajjatha, ye anāthā niggaṭikā tiracchānā viya kolarukkhe vasiṃsu, etesaṃ hatthino ca assā ca phalakāvudhāni ca amhākaṃ kiṃ karissantī”ti. Te gantvā tasmim kamme niyuttānaṃ amaccānaṃ kathayiṃsu, amaccā rājakulānaṃ kathesuṃ. Tato Sākiyā “bhaginīhi saddhim samvasitakānaṃ thāmañca balañca dassessāmā”ti yuddhasajjā nikkhamiṃsu. Koliyāpi “kolarukkhavāsīnaṃ thāmañca balañca dassessāmā”ti yuddhasajjā nikkhamiṃsu.

1. Rattasuvaṇṇam nīlamaṇim kāḷakahāpaṇe (Sī)

2. Kapilavattuvāsino dārake (Syā, Ka)

Satthāpi paccūsasamaye lokam volokento ñātake disvā, “mayi agacchante ime nassissanti, mayā gantum vaṭṭati”ti cintetvā ekakova ākāse gantvā Rohiṇinadiyā majjhe ākāse pallaṅkena nisīdi. Ñātakā Satthāraṃ disvā āvudhāni chaḍḍetvā vandimsu. Atha ne Satthā āha “kiṃ kalaho nāmesa Mahārājā”ti. Na jānāma bhanteti. Ko dāni jānissatīti. Te “uparājā jānissati, senāpati jānissati”ti iminā upāyena yāva dāsakammakare pucchitvā “bhante udakakalaho”ti āhamsu. Udakam kiṃ agghati Mahārājāti. Appaggham bhanteti. Khattiyā kiṃ agghanti Mahārājāti. Khattiyā nāma anagghā bhanteti. Ayuttam tumhākam appamattatam udakam nissāya anagge khattiye nāsetunti. Te tuṅhī ahesum. Atha te Satthā āmantetvā, “kasmā Mahārājā evarūpam karotha, mayi asante ajja lohitanadī pavattissati, ayuttam vo kataṃ, tumhe pañcahi verhi saverā viharatha, aham avero viharāmi. Tumhe kilesāturā hutvā viharatha, aham anāturo. Tumhe kāmaguṇapariyesanussukkā hutvā viharatha, aham anussukko viharāmi”ti vatvā imā gāthā abhāsi—

197. “Susukham vata jīvāma, verinesu averino,
Verinesu manussesu, viharāma averino.

198. Susukham vata jīvāma, āturesu anāturā.
Āturesu manussesu, viharāma anāturā.

199. Susukham vata jīvāma, ussukesu anussukā.
Ussukesu manussesu, viharāma anussukā”ti.

Tattha **susukhanti** suṭṭhu sukham. Idam vuttam hoti—ye gihino sandhicchedādivasena, pabbajitā vā pana vejjakammādivasena jīvitavuttim uppādetvā “sukhena jīvāmā”ti vadanti, tehi mayameva susukham vata jīvāma, ye mayam pañcahi verhi verinesu manussesu averino, kilesāturesu manussesu nikkilesatāya anāturā, pañcakāmaguṇapariyesane ussukesu tāya pariyesanāya abhāvena anussukāti. Sesam uttānatthameva.

Desanāvasāne bahū sotāpattiphalādini pāpuṇimsūti.

Ñātikalahavūpasamanavatthu paṭhamam.

2. Māravatthu

Susukhaṃ vata jīvāmāti imañ dhammaḍḍesaṇaṃ Satthā pañcasālāya
brāhmaṇagāme viharanto māraṃ ārabba kathesi.

Ekadivasaṃ hi Satthā pañcasatānaṃ kumārikānaṃ
sotāpattimaggassūpanissayaṃ disvā taṃ gāmaṃ upanissāya vihāsi. Tāpi
kumārikāyo ekasmiṃ nakkhattadivase nadiṃ gantvā nhatvā
alaṅkatapaṭiyattā gāmābhimukhiyo pāyimsu. Satthāpi taṃ gāmaṃ pavisitvā
piṇḍāya carati. Atha Māro sakalagāmaḍḍiṇaṃ sarīre adhimuccitvā yathā
Satthā kaṭacchubhattamattampi na labhati, evaṃ katvā yathāhotena pattena
nikkhamantaṃ Satthāraṃ gāmadvāre ṭhatvā āha “api Samaṇa piṇḍapātaṃ
labhitthā”ti. Kiṃ pana tvaṃ Pāpima tathā akāsi, yathāhaṃ piṇḍaṃ na
labheyyanti. Tena hi bhante puna pavisathāti. Evaṃ kirassa ahosi “sace
puna pavisati¹, sabbesaṃ sarīre adhimuccitvā imassa purato pāṇiṃ
paharivā hassakeḷiṃ² karissāmi”ti. Tasmīṃ khaṇe tā kumārikāyo
gāmadvāraṃ patvā Satthāraṃ disvā vanditvā ekamantaṃ aṭṭhaṃsu. māropi
Satthāraṃ āha “api bhante piṇḍaṃ alabhamānā jighacchāduggahena
pīḷitathā”ti. Satthā “ajja mayaṃ Pāpima kiñci alabhitvāpi ābhassaraloke
mahābrahmāno viya pītisukheneva vītināmessāma”ti vatvā imañ
gāthamāha—

200. “Susukhaṃ vata jīvāma, yesaṃ no natthi kiñcanaṃ.

Pītibhakkhā bhavissāma, devā ābhassarā yathā”ti.

Tattha **yesaṃ noti** yesaṃ amhākaṃ palibujjhanatthena rāgādīsū
kiñcanaṃ ekampi kiñcanaṃ natthi. **Pītibhakkhā**ti yathā ābhassarā devā
pītibhakkhā hutvā pītisukheneva vītināmenti, evaṃ mayampi Pāpima kiñci
alabhitvā pītibhakkhā bhavissāmāti attho.

Desanāvasāne pañcasatāpi kumārikāyo sotāpattiphale patiṭṭhahimsūti.

Māravatthu dutiyaṃ.

1. Pavisissati (Si)

2. Hasanakeḷiṃ (Syā, Ka)

3. Kosalarañño parājayavatthu

Jayaṃ veranti imaṃ dhammadesanaṃ Satthā Jetavane viharanto Kosalarañño parājayam ārabha kathesi.

So kira Kāsikagāmaṃ nissāya bhāgineyyena Ajātasattunā saddhiṃ yujjhanto tena tayo vāre parājito tatiyavāre cintesi “ahaṃ khīramukhampi dāraḥ parājetum nāsakkhiṃ, kiṃ me jīvitena”ti. So āhārūpacchedam katvā mañcake nipajji. Athassa sā pavatti sakalanagaraṃ¹ patthari. Bhikkhū Tathāgatassa ārocesum. “Bhante rājā kira Kāsikagāmaḥ nissāya tayo vāre parājito, so idāni parājitvā āgato ‘khīramukhampi dāraḥ parājetum nāsakkhiṃ, kiṃ me jīvitena’ti āhārūpacchedam katvā mañcake nipanno”ti. Satthā tesam katham sutvā “bhikkhave jinantopi veram pasavati, parājito pana dukkham seti yevā”ti vatvā imaṃ gāthamāha—

201. “Jayaṃ veram pasavati, dukkham seti parājito.

Upasanto sukham seti, hitvā jayaparājayan”ti.

Tattha **jayanti** param jinanto veram paṭilabhati. **Parājitoti** parena parājito “kadā nu kho paccāmittassa piṭṭhiṃ daṭṭhum sakkhissāmi”ti dukkham seti sabbiriyāpathesu dukkameva viharatīti attho. **Upasantoti** abbhantare upasantarāgādikilesa khīṇāsavo jayaṇca parājayaṇca hitvā sukham seti, sabbiriyāpathesu sukameva viharatīti attho.

Desanāvasāne bahū sotāpattiphalādīni pāpuṇimsūti.

Kosalarañño parājayavatthu tatiyam.

4. Aññatarakuladārikāvatthu

Natthi rāgasamoti imaṃ dhammadesanaṃ Satthā Jetavane viharanto aññataram kuladārikam ārabha kathesi.

1. Sakalavihāram nagaraṇca (Sī, Ka)

Tassā kira mātāpitaro āvāhaṃ katvā maṅgaladivase Satthāraṃ nimantayimsu. Satthā bhikkhusaṅghaparivuto tattha gantvā nisīdi. Sāpi kho vadhukā bhikkhusaṅghassa udakaparissāvanādīni karontī aparāparaṃ sañcarati. Sāmiko pissā taṃ olokeno aṭṭhāsi. Tassa rāgavasena oloketassa anto kilesa samudācari. So aññāṇābhībhūto neva Buddhaṃ upaṭṭhahi, na asītimahāthere. Hatthaṃ pasāretvā “taṃ vadhukaṃ gaṇhissāmī”ti pana cittaṃ akāsi. Satthā tassajjhāsayaṃ oloketvā yathā taṃ itthiṃ na passati, evamakāsi. So adisvā Satthāraṃ olokeno aṭṭhāsi. Satthā tassa oloketvā ṭhitakāle “kumāraka na hi rāgagginā sadiso aggi nāma, dosakalinā sadiso kali nāma, khandhahariharaṇadukkhena sadisaṃ dukkhaṃ nāma atthi, nibbānasukhasadisam sukhampi natthi yevā”ti vatvā imaṃ gāthamāha—

202. “Natthi rāgasamo aggi, natthi dosasamo kali.

Natthi khandhasamā dukkhā, natthi santiparaṃ sukhaṃ”ti.

Tattha **natthi rāgasamoti** dhūmaṃ vā jālaṃ vā aṅgāraṃ vā adassetvā anto yeva jhāpetvā bhasmamuṭṭhiṃ kātuṃ samattho rāgena samo añño aggi nāma natthi. **Kalīti** dosena samo aparādhopi natthi. **Khandhasamāti** khandhehi samā. Yathā parihariyamānā khandhā dukkhā, evaṃ aññaṃ dukkhaṃ nāma natthi. **Santiparanti** nibbānato uttariṃ aññaṃ sukhampi natthi. Aññaṃ hi sukhaṃ sukhomeva, nibbānaṃ paramasukhanti attho.

Desanāvasāne kumārikā ca kumārako ca sotāpattiphale patiṭṭhahimsu. Tasmim samaye Bhagavā tesam aññamaññaṃ dassanākāraṃ akāsīti.

Aññatarakuladārikāvattu catuttham.

5. Eka-upāsakavatthu

Jighacchāti imaṃ dhammadesanaṃ Satthā Āḷaviyaṃ viharanto ekaṃ upāsakaṃ ārabha kathesi.

Ekasmiṃ hi divase Satthā Jetavane Gandhakuṭṭiyaṃ nisinnova paccūsakāle lokam volokento Āḷaviyaṃ ekaṃ duggatamanussaṃ disvā tassūpanissayasampattim ṅatvā pañcasatabhikkhuparivāro Āḷaviṃ agamāsi. Āḷavivāsino Satthāraṃ nimantayimsu. Sopi duggatamanusso “Satthā kira āgato”ti sutvā “Satthu santike dhammaṃ sossāmī”ti manam akāsi. Tamdivasameva cassa eko goṇo palāyi. So “kim nu kho goṇam pariyessāmī, udāhu dhammaṃ suṇāmī”ti cintetvā “goṇam pariyesitvā pacchā dhammaṃ sossāmī”ti pātova gehā nikkhami. Āḷavivāsino Buddhappamukhaṃ bhikkhusaṃgham nisīdāpetvā parivisitvā anumodanathāya pattam gaṇhimsu. Satthā “yam nissāya aham timsayojanamaggaṃ āgato, so goṇam pariyesitum araṇṇam pavittḥo, tasmiṃ āgate yeva dhammaṃ desessāmī”ti tuṅhī ahoṣi.

Sopi manusso divā goṇam disvā gogaṇe pakkhipitvā “sacepi añṇam natthi, Satthu vandanamattampi karissāmī”ti jighacchāpīḷitopi geham gamanāya manam akatvā vegena Satthu santikam āgantvā Satthāraṃ vanditvā ekamantaṃ atṭhāsi. Satthā tassa ṭhitakāle dānaveyyāvaṭikam āha “atthi kiñci bhikkhusaṃghassa atirittabhattan”ti. “Bhante sabbam atthī”ti. “Tena hi imam parivisāhī”ti. So Satthārā vuttaṭṭhāneyeva¹ tam nisīdāpetvā yāgukhādānīyabhojanīyehi sakkaccam parivisi. So bhuttabhatto mukham vikkhālesi. Ṭhapetvā kira imam ṭhānam tisu piṭakesu añṇattha gatāgatassa bhattavicāraṇam nāma natthi. Tassa passaddhadarathassa cittaṃ ekaggaṃ ahoṣi. Athassa Satthā anupubbim katham kathetvā saccāni pakāsesi. So desanāvasāne sotāpattiphale patiṭṭhahi. Satthāpi anumodanam katvā uṭṭhāyāsanaṃ pakkāmi. Mahājano Satthāraṃ anugantvā nivatti.

Bhikkhū Satthārā saddhim gacchantā yeva ujjhāyimsu “passathāvuso Satthu kammaṃ, añṇesu divasesu evarūpaṃ natthi, ajja panekam manussaṃ disvāva yāgu-ādini vicāretvā dāpesī”ti. Satthā nivattitvā ṭhitakova “kim kathetha bhikkhave”ti pucchitvā tamattham sutvā “āma bhikkhave aham timsayojanam kantāram āgacchanto tassa upāsakassūpanissayam disvā āgato, so ativiya jighacchito, pātova paṭṭhāya goṇam

1. Vuttaniyameneva (Ka)

pariyesanto araṇṇe vicari. ‘Jighacchadukkhena dhamme desiyamānepi paṭivijjhituṃ na sakkhissatī’ti cintetvā evaṃ akāsim. Jighacchārogasadiso rogo nāma natthī”ti vatvā imaṃ gāthamāha—

203. “Jighacchāparamā rogā, saṅkhāraparamā dukhā.

Etam ñatvā yathābhūtaṃ, nibbānaṃ paramaṃ sukhaṃ”ti.

Tattha **jighacchāparamā rogā**ti yasmā añño rogo sakim tikicchito vinassati vā tadaṅgavasena vā pahīyati, jighacchā pana niccakālaṃ tikicchitabbā yevāti sesarogānaṃ ayaṃ paramā nāma. **Saṅkhārā**ti pañca khandhā. **Etam ñatvā**ti jighacchāsamo rogo natthi, khandhapariharaṇasamaṃ dukkhaṃ nāma natthīti etamatthaṃ yathābhūtaṃ ñatvā paṇḍito nibbānaṃ sacchi karoti. Nibbānaṃ **paramaṃ sukhanti** taṃ hi sabbasukhānaṃ paramaṃ uttamaṃ sukhanti attho.

Desanāvasāne bahū sotāpattiphalādīni pāpuṇimsūti.

Eka-upāsakavatthu pañcamam.

6. Pasenadikosavattu

Ārogyaparamā lābhāti imaṃ dhammadesanaṃ Satthā Jetavane viharanto rājānaṃ Pasenadikosalaṃ ārabha kathesi.

Ekasmiṃ hi samaye Rājā taṇḍuladoṇassa odanaṃ tadupiyena¹ sūpabyañjanaena bhuñjati. Ekadivasam bhuttapātarāso bhattasammadam avinodetvā Satthu santikaṃ gantvā kilantarūpo ito cito ca samparivattati, niddāya abhibhūyamānopi ujukaṃ nipajjituṃ asakkonto ekamantaṃ nisīdi. Atha naṃ Satthā āha “kim Mahārāja avissamitvāva āgatosī”ti. “Āma bhante bhuttakālato paṭṭhāya me mahādukkhaṃ hotī”ti. Atha naṃ Satthā “mahārāja atibahubhojanaṃ evaṃ dukkhaṃ hotī”ti vatvā imaṃ gāthamāha—

1. Tadanucchavikena (Sī), tadanurūpiyena (Ka)

“Middhī yadā hoti mahagghaso ca,
Niddāyitā samparivattasāyī.
Mahāvarāhova nivāpapuṭṭho,
Punappunam gabbhamupeti mando”ti¹.

Imāya gāthāya ovaditvā “mahārāja bhojanam nāma mattāya bhuñjitum vaṭṭati. Mattabhojino hi sukham hoti”ti uttari ovadanto imam gāthamāha—

“Manujassa sadā satīmato,
Mattaṃ jānato laddhabhojane.
Tanukassa bhavanti vedanā,
Saṅikam jīrati āyu pālayan”ti².

Rājā gātham uggaṇhitum nāsakki, samīpe ṭhitam pana bhāgineyyam Sudassanam nāma māṇavam “imam gātham uggaṇha tātā”ti āha. So tam gātham uggaṇhitvā “kim karomi bhante”ti Satthāram pucchi. Atha nam Satthā āha “rañño bhuñjantassa osānapiṇḍakāle imam gātham vadeyyāsi, Rājā attham sallakkhetvā yaṃ piṇḍam chaddessati, tasmim piṇḍe sitthagaṇanāya rañño bhattapacanakāle tattake taṇḍule hareyyāsi”ti. So “sādhu bhante”ti sāyampi pātopi Rañño bhuñjantassa osānapiṇḍakāle tam gātham udāharitvā tena chadditapiṇḍe sitthagaṇanāya taṇḍule hāpesi³. Rājāpi tassa gātham sutvā sahasam sahasam dāpesi. So aparena samayena nālikodanaparamatāya saṅghahitvā sukhappatto tanusarīro ahoṣi.

Athekadivasam Satthu santikam gantvā Satthāram vanditvā āha “bhante idāni me sukham jātam, migampi assampi anubandhitvā gaṇhanasamattho jātomhi. Pubbe me bhāgineyyena saddhim yuddhameva hoti, idāni Vajirakumārim nāma dhītaram bhāgineyyassa datvā so gāmo tassā yeva nhānacuṇṇamūlam katvā dinno, tena saddhim viggaho vūpasanto, imināpi me kāraṇena sukhameva jātam. Kulasantakam rājamaṇiratanam⁴ no gehe

1. Khu 1. 59 piṭṭhe.

2. Sam 1. 82 piṭṭhe.

3. Hāresi (Sī, Syā)

4. Kusarājakālikam maṇiratanampi (Sī), kusarājasantakam maṇiratanampi (Syā)

purimadivase natṭham, tampi idāni hatthapattam āgataṃ, imināpi me kāraṇena sukhomeva jātam. Tumhākaṃ sāvakehi saddhim vissāsam icchantena ñātidhītāpi no gehe katā, imināpi mama kāraṇena sukhomeva jātan”ti. Satthā “ārogyaṃ nāma Mahārāja paramo lābho¹, yathāladdhena santuṭṭhabhāvasadisampi² dhanam, vissāsasadiso ca paramā ñāti, nibbānasadisāṅca sukham nāma natthī”ti vatvā imam gāthamāha—

204. “Ārogyaparamā lābhā, santuṭṭhiparamam dhanam.

Vissāsaparamā ñāti, nibbānaparamam sukham”ti.

Tattha **ārogyaparamā lābhā**ti arogabhāvaparamā lābhā. Rogino hi vijjamānāpi lābhā alābhā yeva, tasmā arogassa sabbalābhā āgatāva honti. Tenetaṃ vuttam “ārogyaparamā lābhā”ti. **Santuṭṭhiparamam dhananti** gihino vā pabbajitassa vā yaṃ attanā laddham attano santakam, teneva tussanabhāvo santuṭṭhī nāma sesadhanehi paramam dhanam. **Vissāsaparamā ñāti**ti mātā vā hotu pitā vā, yena saddhim vissāso natthi, so aññātakova. Yena aññātakena pana saddhim vissāso atthi, so asambandhopi paramo uttamo ñāti. Tena vuttam “vissāsaparamā ñāti”ti. Nibbānasadisam pana sukham nāma natthi, tenevāha **nibbānaparamam sukhanti**.

Desanāvasāne bahū sotāpattiphalādīni pāpuṇimsūti.

Pasenadikosalavatthu chaṭṭham.

7. Tissattheravatthu

Pavivekarasanti imam dhammadesanam Satthā Vesāliyam viharanto aññataram bhikkhum ārabha kathesi.

Satthārā hi “bhikkhave aham ito catūhi māsehi parinibbāyissāmī”ti vutte Satthu santike satta bhikkhusatāni santāsam āpajjimsu,

1. Paramā lābhā (Sī, Syā)

2. Santuṭṭhabhāvasadisam hi (Sī)

khīṇāsavānaṃ dhammasaṃvego uppajji, puthujjanā assūni sandhāretuṃ nāsakkhiṃsu. Bhikkhū vaggā vaggā hutvā “kiṃ nu kho karissāma”ti mantentā vicaranti. Atheko Tissatthero nāma bhikkhu “Satthā kira catumāsaccayena parinibbāyissati, ahañcamhi avītarāgo, Satthari dharamāneyeva mayā arahattaṃ gaṇhituṃ vaṭṭati”ti catūsu iriyāpathesu ekakova vihāsi. Bhikkhūnaṃ santike gamanaṃ vā kenaci saddhiṃ kathāsallāpo vā natthi. Atha naṃ bhikkhū āhaṃsu “āvuso Tissa kasmā evaṃ karosī”ti. So tesāṃ kathaṃ na suṇāti. Te tassa pavattiṃ Satthu ārocetvā “bhante tumhesu Tissattherassa sineho natthī”ti āhaṃsu. Satthā taṃ pakkosāpetvā “kasmā Tissa evaṃ akāsī”ti pucchitvā tena attano adhippāye ārocite “sādhu Tissā”ti sādhu-kāraṃ datvā “bhikkhave mayi sineho Tissasadisova hotu. Gandhamālādīhi pūjaṃ karontāpi neva maṃ pūjenti, Dhammānudhammaṃ paṭipajjamānā yeva pana maṃ pūjenti”ti vatvā imaṃ gāthamāha—

205. “Pavivekarasaṃ pitvā, rasaṃ upasamassa ca.

Niddaro hoti nippāpo, dhammapītirasaṃ pivanti”ti.

Tattha **pavivekarasanti** pavivekato uppannaṃ rasaṃ, ekībhāvasukhanti attho. **Pitvāti** dukkhapariññādīni karonto ārammaṇato sacchikiriyāvasena pivitvā. **Upasamassa cāti** kilesūpasamanibbānassa ca rasaṃ pitvā. **Niddaro hotīti** tena ubhayarasapānena khīṇāsavo bhikkhu abbhantare rāgadarathādīnaṃ abhāvena niddaro ceva nippāpo ca hoti. **Rasaṃ pivanti** navavidhalokuttaradhammavasena uppannaṃ pītirasaṃ pivantopi niddaro nippāpo ca hoti.

Desanāvasāne Tissatthero arahattaṃ pāpuṇi, mahājanassāpi sātthikā dhammadesanā ahosīti.

Tissattheravatthu sattamaṃ.

8. Sakkavatthu

Sāhu dassananti imaṃ dhammadesanaṃ Satthā Veḷuvagāmake viharanto Sakkaṃ ārabha kathesi.

Tathāgatassa hi āyusaṅkhāre vissaṭṭhe lohitaṭṭhakandikābādhaṃ uppabbhāvaṃ nātvā Sakko devarājā “mayā Satthu santikaṃ gantvā gilānupaṭṭhānaṃ kātum vaṭṭati”ti cintetvā tigāvutappamaṇaṃ attabhāvaṃ vijahitvā Satthāraṃ upasaṅkamitvā hatthehi pāde parimajji. Atha naṃ Satthā āha “ko eso”ti. Ahaṃ bhante Sakkoti. Kasmā āgatosīti. Tumhe gilāne upaṭṭhahitum bhanteti. Sakka devānaṃ manussaḡandho yojanasatato paṭṭhāya gale baddhakuṇapaṃ viya hoti, ḡaccha tvaṃ, atthi me gilānupaṭṭhakā bhikkhūti. “Bhante caturāsītiyojanasahassamatthake ṭhito tumhākaṃ sīlagandhaṃ ḡhāyitvā āgato, ahameva upaṭṭhahissāmi”ti so Satthu sarīraṇaṃ jaṇabhājanaṃ aññassa hatthenāpi phusitum adatvā sīse yeva ṭhapetvā nīharanto mukhasaṅkocanamattampi na akāsi, gandhabhājanaṃ pariharanto viya ahosi. Evaṃ Satthāraṃ paṭijaggitvā Satthu phāsukakāle yeva aḡamāsi.

Bhikkhū kathaṃ samuṭṭhāpesum “aho Satthari Sakkassa sineho, evarūpaṃ nāma dibbasampattiṃ pahāya mukhasaṅkocanamattampi akatvā gandhabhājanaṃ nīharanto viya Satthu sarīraṇaṃ jaṇabhājanaṃ sīsenā nīharanto upaṭṭhānamakāsi”ti. Satthā tesāṃ kathaṃ sutvā “kiṃ vadetha bhikkhave, anacchariyaṃ etaṃ, yaṃ Sakko devarājā mayi sinehaṃ karoti. Ayaṃ Sakko hi devarājā maṃ nissāya jarasakkabhāvaṃ vijahitvā sotāpanno hutvā taruṇasakkassa bhāvaṃ patto, ahaṃ hissa maraṇabhayatajjitassa Pañcasikhagandhabbadevaputtaṃ purato katvā āgatakāle Indasālaguhāyaṃ devaparisāya majjhe nisinnassa—

‘Puccha Vāsava maṃ pañhaṃ, yaṃ kiñci manasicchasi.

Tassa tasseva pañhassa, ahaṃ antaṃ karomi te’ti¹—

1. Dī 2. 220 piṭṭhe.

vatvā tassa kaṅkhaṃ vinodento dhammaṃ desesiṃ. Desanā vasāne
cuddasannaṃ paṇakoṭṭinaṃ dhammābhisamayo ahosi, Sakkopi
yathānisinnova sotāpattiphalaṃ patvā taruṇasakko jāto. Evamassāham
bahūpakāro. Tassa mayi sineho nāma anacchariyo. Bhikkhave ariyānañhi
dassanampi sukhaṃ, tehi saddhiṃ ekaṭṭhāne sannivāsopi sukho. Bālehi
saddhiṃ pana sabbametaṃ dukkhaṃ”ti vatvā imā gāthā abhāsi—

206. “Sāhu dassanamariyānaṃ, sannivāso sadā sukho.
Adassanena bālānaṃ, niccameva sukhī siyā.

207. Bālasaṅgatacārī hi, dīghamaddhāna socati.
Dukkho bālehi saṃvāso, amitteneva sabbadā.
Dhīro ca sukhasaṃvāso, ñātīnaṃva samāgamo.

Tasmā hi—

208. Dhīrañca paññañca bahussutañca,
Dhorayhasīlaṃ vatavantamariyaṃ.
Taṃ tādisaṃ sappurisaṃ sumedhaṃ,
Bhajetha nakkhattapaṭhaṃva candimā”ti.

Tattha **sāhū**ti sundaraṃ bhaddakaṃ. **Sannivāsoti** na kevalaṅca tesam
dassanameva, tehi saddhiṃ ekaṭṭhāne nisīdanādibhāvopi tesam
vattapaṭivattaṃ kātuṃ labhanabhāvopi sādhu yeva. **Bālasaṅgatacārīhīti** yo
bālena saha cārī. **Dīghamaddhānanti** so bālasahāyena “ehi sandhicchedādīni
karomā”ti vuccamāno tena saddhiṃ ekacchando hutvā tāni karonto
hatthacchedādīni patvā dīghamaddhānaṃ socati. **Sabbadāti** yathā asihatthena
vā amittena āsīvisādīhi vā saddhiṃ ekato vāso nāma niccaṃ dukkho, tatheva
bālehi saddhinti attho. **Dhīro ca sukhasaṃvāsoti** ettha sukho saṃvāso
etenāti sukhasaṃvāso, paṇḍitena saddhiṃ ekaṭṭhāne saṃvāso sukhoti attho.
Katham? **Ñātīnaṃva samāgamoti** yathāpi ñātīnaṃ samāgamo sukho, evaṃ
sukho.

Tasmā hīti yasmā bālehi saddhiṃ saṃvāso dukkho, paṇḍitena saddhiṃ
sukho, tasmā hi dhitisampannaṃ dhīrañca, lokiyalokuttarapaññāsampannaṃ

paññañca, āgamādhigamasampannaṃ bahussutañca,
 Arahattapāpanakasāṅkhātāya dhuravahanasīlatāya dhorayhasīlaṃ, sīlavatena
 ceva dhutaṅgavatena ca vatavantaṃ, kilesehi ārakatāya ariyaṃ, tathārūpaṃ
 sappurisaṃ sobhanapañhaṃ yathā nimmalaṃ nakkhattapathasaṅkhātāṃ
 ākāsaṃ candimā bhajati, evaṃ bhajetha payirupāsethāti attho.

Desanāvasāne bahū sotāpattiphalādīni pāpuṇimsūti.

Sakkavatthu aṭṭhamaṃ.

Sukhavaggavaṇṇanā niṭṭhitā.

Pannarasamo vaggo.

16. Piyavagga

1. Tayojanapabbajitavatthu

Ayogeti imaṃ dhammadesanaṃ Satthā Jetavane viharanto tayo pabbajite ārabha kathesi.

Sāvatthiyaṃ kira ekasmiṃ kule mātāpitūnaṃ ekaputtako ahoṣi piyo manāpo. So ekadivasaṃ gehe nimantitānaṃ bhikkhūnaṃ anumodanaṃ karontānaṃ dhammakathaṃ sutvā pabbajitukāmo hutvā mātāpitāro pabbajjaṃ yāci. Te nānujānimsu. Tassa etadahosi “ahaṃ mātāpitūnaṃ apassantānaṃyeva bahi gantvā pabbajissāmi”ti. Athassa pitā bahi nikkhamanto “imaṃ rakkheyyāsi”ti mātaraṃ paṭicchāpesi, mātā bahi nikkhamantī pitaraṃ paṭicchāpesi. Athassa ekadivasaṃ pitari bahi gate mātā “puttaṃ rakkhissāmi”ti ekaṃ dvārabāhaṃ nissāya ekaṃ pādehi uppīletvā chamāya nisinnā suttaṃ kantati. So “imaṃ vañcetvā gamissāmi”ti cintetvā “amma thokaṃ tāva apehi, sarīravalāñjaṃ karissāmi”ti vatvā tāya pāde samiñjite nikkhamitvā vegena vihāraṃ gantvā bhikkhū upasaṅkamtivā “pabbājetha maṃ bhante”ti yācitvā tesāṃ santike pabbaji.

Athassa pitā āgantvā mātaraṃ pucchi “kahaṃ me putto”ti. Sāmi imasmiṃ padese ahoṣīti. So “kahaṃ nu kho me putto”ti olokeno taṃ adisvā “vihāraṃ gato bhavissatī”ti vihāraṃ gantvā puttaṃ pabbajitaṃ disvā kanditvā roditvā “tāta kiṃ maṃ nāsesī”ti vatvā “mama putte pabbajite ahaṃ idāni gehe kiṃ karissāmi”ti sayampi bhikkhū yācitvā¹ pabbaji. Athassa mātāpi “kiṃ nu kho me putto ca patī ca cirāyanti, kacci vihāraṃ gantvā pabbajitā”ti te olokentī vihāraṃ gantvā ubhopi pabbajite disvā “imesaṃ pabbajitakāle mama gehena ko attho”ti sayampi bhikkhuni-upassayaṃ gantvā pabbaji. Te pabbajitvāpi vinā bhavituṃ na sakkonti, vihārepi bhikkhuni-upassayepi ekatova nisīditvā sallapantā divasaṃ vītināmenti. Tena bhikkhūpi bhikkhuniyopi ubbāḷhā honti.

1. Bhikkhūnaṃ santike (Syā)

Athekadivasam bhikkhū nesam kiriyaṃ Satthu ārocesuṃ. Satthā te pakkosāpetvā “saccam kira tumhe evaṃ karoṭhā”ti pucchitvā “saccan”ti vutte “kasmā evaṃ karoṭha. Na hi esa pabbajitānaṃ yogo”ti. Bhante vinā bhavituṃ na sakkomāti. “Pabbajitakālato paṭṭhāya evaṃ karaṇaṃ ayuttaṃ. Piyānaṃ hi adassanaṃ, appiyānaṃca dassanaṃ dukkhameva. Tasmā sattu ca saṅkhāresu ca kañci piyaṃ vā appiyaṃ vā kātuṃ na vaṭṭati”ti vatvā imā gāthā abhāsi—

209. “Ayoge yuñja’ mattānaṃ, yogasmiṃca ayojayaṃ.

Atthaṃ hitvā piyaggāhī, piheta’ ttānuyoginaṃ.

210. Mā piyehi samāgañchi, appiyehi kudācanaṃ.

Piyānaṃ adassanaṃ dukkhaṃ, appiyānaṃca dassanaṃ.

211. Tasmā piyaṃ na kayirātha, piyāpāyo hi pāpako.

Ganthā tesam na vijjanti, yesam natthi piyāppiyaṃ”ti.

Tattha **ayogeti** ayuñjitabbe ayonisomanasikāre. Vesiyāgocarādibhedassa hi chabbidhassa agocarassa sevanaṃ idha ayonisomanasikāro nāma, tasmim ayonisomanasikāre attānaṃ yuñjantoti attho. **Yogasminti** tabbiparīte ca yonisomanasikāre ayuñjantoti attho. **Atthaṃ hitvāti** pabbajitakālato paṭṭhāya adhisīlādisikkhattayaṃ attho nāma, taṃ atthaṃ hitvā. **Piyaggāhīti** pañcakāmaguṇasaṅkhātaṃ piyameva gaṇhanto. **Piheta’ ttānuyoginanti** tāya paṭipattiyā sāsanaṭo cuto gihbhāvaṃ patvā pacchā ye attānuyogaṃ anuyuttā sīlādīni sampādetvā devamanussānaṃ santikā sakkāraṃ labhanti, tesam piheti, “aho vatāhampi evarūpo assan”ti icchatīti attho.

Mā piyehīti piyehi sattehi vā saṅkhārehi vā kudācanaṃ ekakkhaṇepi na samāgaccheyya, tathā appiyehi. Kim kāraṇā? Piyānañhi viyogavasena adassanaṃ appiyānaṃca upasaṅkamanavasena dassanaṃ nāma dukkhaṃ. **Tasmāti** yasmā idaṃ ubhayampi dukkhaṃ, tasmā kañci sattaṃ vā saṅkhāraṃ vā piyaṃ nāma na kareyya. **Piyāpāyo hīti** piyehi apāyo

viyogo. **Pāpakoti** lāmako. **Ganthā tesam na vijjantī**ti yesam piyam natthi, tesam abhijjhākāyagantho pahīyati. Yesam appiyam natthi, tesam byāpādo kāyagantho. Tesu pana dvīsu pahīnesu sesaganthā pahīnā hontī. Tasmā piyam vā appiyam vā na kattabbanti attho.

Desanāvasāne bahū sotāpattiphalādīni pāpuṇimsūti. Te pana tayo janā “mayam vinā bhavitum na sakkomā”ti vibbhamitvā gehameva agamimsūti.

Tayojanapabbajitavatthu paṭhamam.

2. Aññatarakuṭumbikavatthu

Piyato jāyatīti imam dhammadesanam Sathā Jetavane viharanto aññataram kuṭumbikam ārabha kathesi.

So hi attano putte kālakate puttasokābhibhūto ālāhanam gantvā rodati, puttasokam sandhāretum na sakkoti. Sathā paccūsakāle lokam volokento tassa sotāpattimagassūpanissayam disvā piṇḍapātapaṭikkanto ekam pacchāsamaṇam gahetvā tassa gehadvāram agamāsi. So Sathu āgatabhāvam sutvā “mayā saddhim paṭisanthāram kātukāmo bhavissatī”ti Sathāram pavesetvā gehamajjhe āsanam paññāpetvā Sathari nisinne āgantvā ekamantam nisīdi. Atha nam Sathā “kim nu kho upāsaka dukkhitosī”ti pucchitvā tena puttaviyogadukkhe ārocite “upāsaka mā cintayi, idam maraṇam nāma na ekasminyeva ṭhāne, na ca ekasseva hoti, yāvatā pana bhavuppatti nāma atthi, sabbasattānam hotiyeva. Ekasaṅkhāropi nicco nāma natthi. Tasmā ‘maraṇadhammam matam, bhijjanadhammam bhinnan’ti yoniso paccavekkhitabbam, na socitabbam. Porāṇapaṇḍitāpi hi puttassa matakāle ‘maraṇadhammam matam, bhijjanadhammam bhinnan’ti sokam akatvā maraṇassatimeva bhāvayimsū”ti vatvā “bhante ke evamakaṃsu, kadā ca akaṃsu, ācikkhatha me”ti yācito tassatthassa pakāsanattham atītam āharitvā—

“Uragova tacam̄ jīṇṇam̄, hitvā gacchati sam̄ tanuṃ.
 Evaṃ sarīre nibbhoge, pete kālakate sati.
 Ḍayhamāno na jānāti, nātīnam̄ paridevitam̄.
 Tasmā etaṃ na socāmi, gato so tassa yā gatī”¹—

Imaṃ Pañcakanipāte **Uragajātakaṃ** vitthāretvā “evaṃ pubbe paṇḍitā piyaputte kālakate yathā etarahi tvaṃ kammante vissajjetvā nirāhāro rodanto vicarasi, tathā avicaritvā maraṇassatibhāvanābalena sokaṃ akatvā āhāraṃ paribhuñjīmsu, kammantañca adhiṭṭhahīmsu. Tasmā ‘piyaputto me kālakato’²ti mā cintayi. Uppajjamāno hi soko vā bhayaṃ vā piyameva nissāya uppajjati”²ti vatvā imaṃ gāthamāha—

212. “Piyato jāyatī soko, piyato jāyatī bhayaṃ.

Piyato vippamuttassa, natthi soko kuto bhayan”²ti.

Tattha **piyatoti** vaṭṭamūlako hi soko vā bhayaṃ vā uppajjamānam piyameva sattaṃ vā saṅkhāraṃ vā nissāya uppajjati, tato pana vippamuttassa ubhayampetaṃ natthīti attho.

Desanāvasāne kuṭumbiko sotāpattiphale patiṭṭhahi, sampattānampi sātthikā dhammadesanā ahoṣīti.

Aññatarakuṭumbikavatthu dutiyam̄.

3. Visākhāvatthu

Pemato jāyatīti imaṃ dhammadesanaṃ Satthā Jetavane viharanto Visākhaṃ upāsikaṃ ārabha kathesi.

Sā kira puttassa dhītaraṃ Sudattaṃ² nāma kumārikaṃ attano ṭhāne ṭhapetvā gehe bhikkhusaṅghassa veyyāvaccam̄ kāresi. Sā aparena samayena kālamakāsi. Sā tassā sarīranikkhepaṃ kāretvā sokaṃ sandhāretuṃ asakkontī dukkhinī dummanā Satthu santikaṃ gantvā vanditvā

1. Khu 5. 122 piṭṭhe.

2. Dantaṃ (Sī), sudattim̄ (Syā)

ekamantaṃ nisīdi. Atha naṃ Satthā “kiṃ nu kho tvaṃ Visākhe dukkhinī dummanā assumukhā rodamānā nisinnā”ti āha. Sā tamatthaṃ ārocetvā “piyā me bhante sā kumārikā vattasampannā, idāni tathārūpaṃ na passāmi”ti āha. Kittakā pana Visākhe Sāvatthiyaṃ manussāti. Bhante tumhehiyeva me kathitaṃ satta janakoṭiyoti. Sace panāyaṃ ettako jano tava nattāya¹ sadiso bhaveyya, iccheyyāsi nanti. Āma bhanteti. Kati pana janā Sāvatthiyaṃ devasikaṃ kālaṃ karontīti. Bahū bhanteti. Nanu evaṃ sante tava asocanakālo na bhaveyya, rattindivaṃ rodantīyeva vicareyyāsīti. Hotu bhante, nātaṃ mayāti. Atha naṃ Satthā “tena hi mā soci, soko vā bhayaṃ vā pematova jāyatī”ti vatvā imaṃ gāthamāha—

213. “Pemato jāyatī soko, pemato jāyatī bhayaṃ.

Pemato vippamuttassa, natthi soko kuto bhayan”ti.

Tattha **pematoti** puttadhītādīsu kataṃ pemameva nissāya soko jāyatīti attho.

Desanāvasāne bahū sotāpattiphalādīni pāpuṇimsūti.

Visākhāvatthu tatiyaṃ.

4. Licchavīvatthu

Ratiyā jāyatīti imaṃ dhammadesanaṃ Satthā Vesālīṃ nissāya Kūṭāgārasālāyaṃ viharanto Licchavī ārabha kathesi.

Te kira ekasmiṃ chaṇḍadivase aññamaññaṃ asadisehi alaṅkārehi alaṅkaritvā uyyānagamanatthāya nagarā nikkhamimsu. Satthā piṇḍāya pavisanto te disvā bhikkhū āmantesi “passatha bhikkhave Licchavayo, yehi devā Tāvatiṃsā na diṭṭhapubbā, te ime olokontū”ti. Vatvā nagaraṃ pāvīsi. Tepi uyyānaṃ gacchantā ekaṃ nagarasobhinaṃ itthiṃ ādāya gantvā taṃ nissāya issābhībūtā aññamaññaṃ paharivā

lohitaṃ nadiṃ viya pavattayim̐su¹. Atha ne mañcenādāya ukkhipitvā āgamaṃsu. Satthāpi katabhattakicco nagarā nikkhami. Bhikkhūpi Licchavayo tathā nīyamāne disvā Satthāraṃ āhaṃsu “bhante Licchavirājāno pātova alaṅkatapaṭiyattā devā viya nagarā nikkhamitvā idāni ekaṃ itthiṃ nissāya imaṃ byasanaṃ pattā”ti. Satthā “bhikkhave soko vā bhayaṃ vā uppajjamānaṃ ratiṃ nissāya uppajjatiyevā”ti vatvā imaṃ gāthamāha—

214. “Ratiyā jāyatī soko, ratiyā jāyatī bhayaṃ.

Ratiyā vippamuttassa, natthi soko kuto bhayaṃ”ti.

Tattha **ratiyā**ti pañcakāmaguṇaratito, taṃ nissāyāti attho.

Desanāvasāne bahū sotāpattiphalādīni pāpuṇim̐sūti.

Licchavīvatthu catuttham̐.

5. Anitthigandhakumāravatthu

Kāmatoti imaṃ dhammadeśanaṃ Satthā Jetavane viharanto Anitthigandhakumāraṃ nāma ārabha kathesi.

So kira brahmalokā cutasatto Sāvatthiyaṃ mahābhogakule nibbatto jātadivasato paṭṭhāya itthisamīpaṃ upagantuṃ na icchati, itthiyā gayhamāno rodati. Vatthacumbāṭakena² naṃ gahetvā thaññaṃ pāyenti. So vayappatto mātāpitūhi “tāta āvāhaṃ te karissāmā”ti vutte “na me itthiyā attho”ti paṭikkhipitvā punappunaṃ yāciyamāno pañcasate suvaṇṇakāre pakkosāpetvā rattasuvaṇṇanikkhasahassaṃ³ dāpetvā ativiya pāsādikaṃ ghanakoṭṭimaṃ itthirūpaṃ kāretvā puna mātāpitūhi “tāta tayi āvāhaṃ akaronte kulavaṃso na patiṭṭhahissati, kumārikaṃ te ānessāmā”ti vutte “tena hi sace me evarūpaṃ kumārikaṃ ānessatha, karissāmi vo vacanaṃ”ti taṃ suvaṇṇarūpakaṃ dasseti. Athassa mātāpitāro abhiññaṭe brāhmaṇe pakkosāpetvā “amhākaṃ putto mahāpuñño, avassaṃ iminā saddhiṃ

1. Lohitanadī viya pavattim̐su (Sī), lohitā nadī viya pavattim̐su (Ka)

2. Vatthacumbāṭakena (Syā), vatthacumbūṭakena (Ka)

3. Tattha suvaṇṇassa nikkhasahassaṃ (Sī)

katapuññā kumārikā bhavissati, gacchatha imaṃ suvaṇṇarūpakam̐ gahetvā evarūpaṃ kumārikam̐ āharathā”ti pahiṇiṃsu. Te “sādhū”ti cārikam̐ carantā Maddaraṭṭhe Sāgalanagaraṃ gatā. Tasmim̐ ca nagare ekā soḷasavassuddesikā abhirūpā kumārikā ahosi, taṃ mātāpitaro sattabhūmikassa pāsādassūparimatale parivāsesuṃ. Tepi kho brāhmaṇā “sace idha evarūpā kumārikā bhavissati, imaṃ disvā ‘ayaṃ asukassa kulassa dhītā viya abhirūpā”ti vakkhanti”ti taṃ suvaṇṇarūpakam̐ titthamagge ṭhapetvā ekamantaṃ nisīdiṃsu.

Athassā kumārikāya dhātī taṃ kumārikam̐ nhāpetvā sayampi nhāyitukāmā hutvā tittham̐¹ āgatā taṃ rūpakam̐ disvā “dhītā me”ti saññāya “dubbinīṭasi, idānevāham̐ nhāpetvā nikkhantā, tvaṃ mayā puretaraṃ idhāgatāsi”ti hatthena paharivā thaddhabhāvañceva nibbikāratañca ñatvā “aham̐ me dhītāti saññamakāsim̐, kiṃ nāmetan”ti āha. Atha naṃ te brāhmaṇā “evarūpā te amma dhītā”ti pucchīṃsu. Ayaṃ mama dhītu santike kiṃ agghatīti. Tena hi te dhītaraṃ amhākaṃ dassēhīti. Sā tehi saddhim̐ gehaṃ gantvā sāmikānaṃ ārocesi. Te brāhmaṇehi saddhim̐ katapaṭṭisammodanā dhītaraṃ otāretvā heṭṭhāpāsāde suvaṇṇarūpakassa santike ṭhapesuṃ. Suvaṇṇarūpakam̐ nippabham̐ ahosi, kumārikā sappabhā ahosi. Brāhmaṇā taṃ tesam̐ datvā kumārikam̐ paṭicchāpetvā gantvā Anitthigandhakumārassa mātāpitūnaṃ ārocayīṃsu. Te tuṭṭhamānasā “gacchatha, naṃ sīgham̐ ānethā”ti mahantena sakkārena pahiṇiṃsu.

Kumāropi taṃ pavattiṃ sutvā “Kañcanarūpatopi kira abhirūpatarā dārikā atthī”ti savanavaseneva sineham̐ uppādetvā “sīgham̐ ānentū”ti āha. Sāpi kho yānaṃ āropetvā ānīyamānā atisukhumālatāya yānugghātena samuppāditavātarogā antarāmaggeyeva kālamakāsi. Kumāropi “āgatā”ti² nirantaram̐ pucchati, tassa atisinehena pucchantassa sahasāva anārocetvā katipāham̐ vikkhepaṃ katvā tamattham̐ ārocayīṃsu. So “tathārūpāya nāma itthiyā saddhim̐ samāgamaṃ nālatthan”ti uppannadomanasso pabbatena viya sokadukkhena

1. Tattha (Sī)

2. Āgatāgamam̐ (Sī)

ajjhotthaṭṭho ahoṣi. Satthā tassūpanissayaṃ disvā piṇḍāya caranto taṃ gehadvāraṃ agamāsi. Athassa mātāpitaro Satthāraṃ antogehaṃ pavesetvā sakkaccaṃ parivisiṃsu. Satthā bhattakiccāvasāne “kahaṃ Anitthigandhakumāro”ti pucchi. Eso bhante āhārūpacchedaṃ katvā antogabbhe nisinnoti. Pakkosatha nanti. So āgantvā Satthāraṃ vanditvā ekamantaṃ nisīdi. Satthā “kiṃ nu kho kumāra balavasoko uppanno”ti vutte “āma bhante ‘evarūpā nāma itthī antarāmagge kālakatā’ti sutvā balavasoko uppanno, bhattampi me nacchādetī”ti. Atha naṃ Satthā “jānāsi pana tvaṃ kumāra kiṃ te nissāya soko uppanno”ti. Na jānāmi bhanteti. “Kāmaṃ nissāya kumāra balavasoko uppanno, soko vā bhayaṃ vā kāmaṃ nissāya uppajjati”ti vatvā imaṃ gāthamāha—

215. “Kāmato jāyatī soko, kāmato jāyatī bhayaṃ.

Kāmato vippamuttassa, natthi soko kuto bhayaṃ”ti.

Tattha **kāmatoti** vatthukāmakilesakāmato, duvidhampetaṃ kāmaṃ nissāyāti attho.

Desanāvasāne Anitthigandhakumāro sotāpattiphale patiṭṭhahi.

Anitthigandhakumāravatthu pañcamaṃ.

6. Aññatarabrāhmaṇavatthu

Taṇhāya jāyatīti imaṃ dhammadesanaṃ Satthā Jetavane viharanto aññatarāṃ brāhmaṇaṃ ārabha kathesi.

So kira micchādiṭṭhiko ekadivasāṃ nadītīraṃ gantvā khettaṃ sodheti. Satthā tassa upanissayasampattiṃ disvā tassa santikaṃ agamāsi. So Satthāraṃ disvāpi sāmīcikkammaṃ akatvā tuṇhī ahoṣi. Atha naṃ Satthā puretaraṃ ālapitvā “brāhmaṇa kiṃ karosī”ti āha. Khettaṃ bho Gotama sodhemīti. Satthā ettakameva vatvā gato. Punadivasepi tassa khettaṃ kasitum āgatassa santikaṃ gantvā “brāhmaṇa kiṃ karosī”ti pucchitvā “khettaṃ kasāmi bho Gotamā”ti sutvā pakkāmi. Punadivasādisupi tatheva gantvā pucchitvā “bho Gotama khettaṃ vapāmi niddemi

rakkhāmi”ti sutvā pakkāmi. Atha naṃ ekadivasam brāhmaṇo āha “bho Gotama tvaṃ mama khettasodhanadivasato paṭṭhāya āgato. Sace me sassam sampajjissati, tuyhampi samvibhāgam karissāmi, tuyham adatvā sayam na khādissāmi, ito dāni paṭṭhāya tvaṃ mama sahāyo”ti.

Athassa aparena samayena sassam sampajji, tassa “sampannam me sassam, sve dāni lāyāpessāmi”ti lāyanattham kattabbakiccassa rattim mahāmegho vassivā sabbam sassam hari, khettaṃ tacchetvā ṭhapitasadisam ahosi. Satthā pana paṭhamadivasamyeva “taṃ sassam na sampajjissati”ti aññāsi. Brāhmaṇo pātova “khettaṃ olokessāmi”ti gato tuccham khettaṃ disvā uppanabalavasoko cintesi “samaṇo Gotamo mama khettasodhanakālato paṭṭhāya āgato, ahampi naṃ ‘imasmiṃ sasse nipphanne tuyhampi samvibhāgam karissāmi, tuyham adatvā sayam na khādissāmi, ito paṭṭhāya dāni tvaṃ mama sahāyo’ti avacam. Sopi me manoratho matthakam na pāpuṇi”ti āhārūpacchedam katvā mañcake nipajji. Athassa Satthā gehadvāram agamāsi. So Satthu āgamanam sutvā “sahāyam me ānetvā idha nisīdāpethā”ti āha. Parijano tathā akāsi. Satthā nisīditvā “kaham brāhmaṇo”ti pucchitvā “gabbhe nipanno”ti vutte “pakkosatha nan”ti pakkosāpetvā āgantvā ekamantaṃ nisinnaṃ āha “kim brāhmaṇā”ti. Bho Gotama tumhe mama khettasodhanadivasato paṭṭhāya āgatā, ahampi “sasse nipphanne tumhākam samvibhāgam karissāmi”ti avacam. So me manoratho anipphanno, tena me soko uppanno, bhattampi me nacchādetīti. Atha naṃ Satthā jānāsi pana brāhmaṇa, kim te nissāya soko uppanno”ti pucchitvā “na jānāmi bho Gotama, tvaṃ pana jānāsi”ti vutte “āma brāhmaṇa uppajjamāno soko vā bhayam vā taṇham nissāya uppajjati”ti vatvā imaṃ gāthamāha—

216. “Taṇhāya jāyatī soko, taṇhāya jāyatī bhayam.

Taṇhāya vippamuttassa, natthi soko kuto bhayan”ti.

Tattha **taṇhāyā**ti chadvārikāya taṇhāya, etaṃ taṇham nissāya uppajjatīti attho.

Desanāvasāne brāhmaṇo sotāpattiphale patiṭṭhahīti.

Aññatarabrāhmaṇavatthu chaṭṭham.

7. Pañcasatadārakavatthu

Sīladassanasampannanti imaṃ dhammadeśanaṃ Satthā Veḷuvane viharanto antarāmagge pañcasatadārake ārabha kathesi.

Ekadivasañhi Satthā asītimahātherehi saddhiṃ pañcasatabhikkhuparivāro Rājagahaṃ piṇḍāya pavisanto ekasmiṃ chaṇadivase pañcasate dārake pūvapakchiyo ukkhipāpetvā nagarā nikkhamma uyyānaṃ gacchante addasa. Tepi Satthāraṃ vanditvā pakkamiṃsu, te ekaṃ bhikkhumpi “pūvaṃ gaṇhathā”ti na vadiṃsu. Satthā tesāṃ gatakāle bhikkhū āha “khādissatha bhikkhave pūve”ti. Kahaṃ bhante pūvāti. Kiṃ na passatha te dārake pūvapakchiyo ukkhipāpetvā atikkanteti. Bhante evarūpā nāma dārakā kassaci pūvaṃ na dentīti. Bhikkhave kiñcāpi ete maṃ vā tumhe vā pūvehi na nimantayiṃsu, pūvasāṃiko pana bhikkhu pacchato āgacchati, pūve khādītvāva gantuṃ vaṭṭatīti. Buddhānañhi ekapuggalepi issā vā doso vā natthi, tasmā imaṃ vatvā bhikkhusaṅghaṃ ādāya ekasmiṃ rukkhamūle chāyāya nisīdi. Dārakā Mahākassapattheraṃ pacchato āgacchantāṃ disvā uppannasinehā pītivegena paripuññasarīrā hutvā pacchiyo otāretvā therāṃ pañcapaṭiṭṭhitena vanditvā pūve pacchīhi saddhiṃ yeva ukkhipitvā “gaṇhatha bhante”ti therāṃ vadiṃsu. Atha ne thero āha “esa Satthā bhikkhusaṅghaṃ gahetvā rukkhamūle nisinno, tumhākaṃ deyyadhammaṃ ādāya gantvā bhikkhusaṅghassa saṃvibhāgaṃ karoṭhā”ti. Te “sādhu bhante”ti nivattitvā therena saddhiṃyeva gantvā pūve datvā olokayamānā ekamante ṭhatvā paribhogāvasāne udakaṃ adaṃsu. Bhikkhū ujjhāyiṃsu “dārakehi mukholokanena bhikkhā dinnā, Sammāsambuddhaṃ vā mahāthere vā pūvehi anāpucchitvā Mahākassapattheraṃ disvā pacchīhi saddhiṃyeva ādāya āgamīṃsū”ti. Satthā tesāṃ kathaṃ sutvā “bhikkhave mama puttana Mahākassapena sadiso bhikkhu devamanussānaṃ piyo hoti, te ca tassa catupaccayena pūjaṃ karontiyevā”ti vatvā imaṃ gāthamāha—

217. “Sīladassanasampannaṃ, dhammaṭṭhaṃ saccavedinaṃ.

Attano kamma kubbānaṃ, taṃ jano kurute piyan”ti.

Tattha **siladassanasampannanti** catupārisuddhisīlena ceva maggaphalasampayuttena ca sammādassanena sampannaṃ. **Dhammaṭṭhanti** navavidhalokuttaradhamme ṭhitaṃ, sacchikatalokuttaradhammanti attho. **Saccavedinanti** catunnaṃ saccānaṃ soḷasahākārehi sacchikatattā saccañāṇena saccavedinaṃ. **Attano kamma kubbānanti** attano kammaṃ nāma tisso sikkhā, tā pūrayamānanti attho. **Taṃ janoti** taṃ puggalaṃ lokiyamahājano piyaṃ karoti, daṭṭhukāmo vanditukāmo paccayena pūjetukāmo hotiyevāti attho.

Desanāvasāne sabbepi te dāraḱā sotāpattiṭhale patiṭṭhahimsūti.

Pañcasatadāraḱavattu sattamaṃ.

8. Eka-anāgāmittheravatthu

Chandajātoti imaṃ dhammadesanaṃ Satthā Jetavane viharanto ekaṃ Anāgāmittheraṃ ārabba kathesi.

Ekadivasañhi taṃ therāṃ saddhivihārikā pucchimsu “atthi pana vo bhante visesādhigamo”ti. Thero “anāgāmiṭhalaṃ nāma gahaṭṭhāpi pāpuṇanti, arahattaṃ pattakāleyeva tehi saddhiṃ kathessāmi”ti harāyamāno kiñci akathetvāva kālakato Suddhāvāsadevaloke nibbatti. Athassa saddhivihārikā roditvā paridevitvā Satthu santikaṃ gantvā Satthāraṃ vanditvā rodantāva ekamantaṃ nisīdīmsu. Atha ne Satthā “kiṃ bhikkhave rodathā”ti āha. Upajjhāyo no bhante kālakatoti. Hotu bhikkhave, mā cintayittha, dhuvadhammo nāmesoti. Āma bhante, mayampi jānāma, apica mayāṃ upajjhāyaṃ visesādhigamaṃ pucchimhā, so kiñci akathetvāva kālakato, tenamha dukkhitāti. Satthā “bhikkhave mā cintayittha, upajjhāyena vo anāgāmiṭhalaṃ pattaṃ, so ‘gihīpetāṃ pāpuṇanti, arahattaṃ patvāva nesaṃ kathessāmi’ti harāyanto tumhākaṃ kiñci akathetvā kālaṃ katvā Suddhāvāse nibbatto, assāsatha bhikkhave, upajjhāyo vo kāmesu appaṭibaddhacittataṃ patto”ti vatvā imaṃ gāthamāha—

218. “Chandajāto anakkhāte, manasā ca phuṭo siyā.

Kāmesu ca appaṭibaddhacittā, uddhamṣototi vuccatī”ti.

Tattha **chanda**jātoti kattukāmatāvasena jātachando ussāhapatto. **Anakkhā**teṭi nibbāne. Tañhi “asukena kataṃ vā nilādīsu evarūpaṃ vā”ti avattabbatāya anakkhātaṃ nāma. **Manasā ca phuṭo** siyāti heṭṭhimehi tīhi maggaphalacittehi phuṭo pūrito bhaveyya. **Appaṭibaddhacittoti** anāgāmiṃmagavasena kāmesu appaṭibaddhacitto. **Uddhamṣototi** evarūpo bhikkhu avihesu nibbattivā tato paṭṭhāya paṭisandhivasena akaniṭṭhaṃ gacchanto uddhamṣototi vuccati, tādīso vo upajjhāyoti attho.

Desanāvasāne te bhikkhū arahattaphale patīṭṭhahimsu, mahājanassāpi sātthikā dhammadesanā ahoṣīti.

Eka-anāgāmittheravatthu aṭṭhamam.

9. Nandiyavatthu

Cirappavāsinti imaṃ dhammadesanaṃ Satthā Isipatane viharanto Nandiyam ārabha kathesi.

Bārāṇasiyam kira saddhāsampannassa kulassa Nandiyo nāma putto ahosi, so mātāpitūnaṃ anurūpo saddhāsampanno saṃghūpaṭṭhāko ahosi. Athassa mātāpitāro vayappattakāle sammukhagehato mātuladhītaṃ Revatim nāma ānetukāmā ahesum. Sā pana assaddhā adānasilā, Nandiyo taṃ na icchi. Athassa mātā Revatim āha “amma tvaṃ imasmim gehe bhikkhusaṃghassa nisajjanaṭṭhānaṃ upalimpitvā āsanāni paññāpehi, ādhārake ṭhapehi, bhikkhūnaṃ āgatakāle pattam gahetvā nisidāpetvā dhammakaraṇena pānīyam parissāvetvā bhuttakāle patte dhova, evam me puttassa ārādhitā bhavissasī”ti. Sā tathā akāsi. Atha naṃ “ovādakkhamā jātā”ti puttassa ārocetvā tena sādhiṭi sampaṭicchite divasaṃ ṭhāpetvā āvāhaṃ karimsu.

Atha nam Nandiyo āha “sace bhikkhusaṅghaṅca mātāpitaro ca me upaṭṭhahissasi, evaṃ imasmim̄ gehe vasitum¹ labhissasi, appamattā hohī”ti. Sā “sādhū”ti paṭissuṇitvā katipāham saddhā viya hutvā bhattāram upaṭṭhahantī dve putte vijāyi. Nandiyassāpi mātāpitaro kālamakaṃsu, gehe sabbissariyaṃ tassāyeva ahosi. Nandiyopi mātāpitūnaṃ kālakiriyato paṭṭhāya mahādānapatī hutvā bhikkhusaṅghassa dānaṃ paṭṭhapesi. Kapaṇaddhikādīnampi gehadvāre pākavattaṃ paṭṭhapesi. So aparabhāge Satthu dhammadesanaṃ sutvā āvāsadāne ānisaṃsaṃ sallakkhetvā Isipatane mahāvihāre catūhi gabbhehi paṭimaṇḍitaṃ catusālaṃ kāretvā mañcapīṭhādīni attharāpetvā taṃ āvāsaṃ niyyādentō² Buddhappamukhassa bhikkhusaṅghassa dānaṃ datvā Tathāgatassa dakkhiṇodakaṃ adāsi. Satthu hatthe dakkhiṇodakapatiṭṭhānena saddhimyeva Tāvatisadevaloke sabbadisāsu dvādasayojaniko uddhaṃ yojanasatubbedho sattaratanamayo nārīgaṇasampanno dibbapāsādo uggacchi.

Athekadivase Mahāmoggallānatthero devacārikaṃ gantvā tassa pāsādassa avidūre ṭhito attano santike āgate devaputte pucchi “kasseso accharāgaṇaparivuto dibbapāsādo nibbato”ti. Athassa devaputtā vimānasāmikaṃ ācikkhantā āhaṃsu “bhante yena Nandiyena nāma gahapatiputtēna Isipatane Satthu vihāraṃ kāretvā dinno, tassatthāya etaṃ vimānaṃ nibbattan”ti. Accharāsaṅghopi nam̄ disvā pāsādato orohitvā āha “bhante mayam̄ ‘Nandiyassa paricārikā bhavissāmā’ti idha nibbattā, taṃ pana apassantī ativiya ukkaṇṭhitamhā, mattikapātīm bhinditvā suvaṇṇapātīgahaṇaṃ viya³ manussasampattīm jahitvā dibbasampattīgahaṇaṃ, idhāgamanatthāya nam̄ vadeyyāthā”ti. Thero tato āgantvā Satthāraṃ upasaṅkamtivā pucchi “nibbattati nu kho bhante manussaloke ṭhitānaṃyeva katakalyāṇānaṃ dibbasampattī”ti. Moggallāna nanu te devaloke Nandiyassa nibbattā dibbasampatti sāmāṃ diṭṭhā, kasmā maṃ pucchasīti. Evaṃ bhante nibbattatīti.

Atha nam̄ Satthā “Moggallāna kim̄ nāmetaṃ kathesi. Yathā hi cirappavuṭṭham̄ puttaṃ vā bhātaraṃ vā vippavāsato āgacchantam̄ gāmadvāre ṭhito

1. Vatthum̄ (Sī, Syā) 2. Nippādentō (Ka) 3. Suvaṇṇapātīgahaṇasadisam̄ hi (Sī)

kocideva disvā vegena gehaṃ āgantvā ‘asuko nāma āgato’ti āroceyya, athassa ñātakā haṭṭhapahaṭṭhā vegena nikkhamitvā ‘āgatosi tāta, arogosi tātā’¹ tam abhinandeyyūm, evameva idha katakalyāṇaṃ itthim vā purisaṃ vā imaṃ lokaṃ jahitvā paralokaṃ gataṃ dasavidhaṃ dibbapaṇṇākāraṃ ādāya ‘ahaṃ purato, ahaṃ purato’ti paccuggantvā devatā abhinandanti’²ti vatvā imā gāthā abhāsi—

219. “Cirappavāsīm purisaṃ, dūrato sotthimāgataṃ.

Ñātimittā suhajjā ca, abhinandanti āgataṃ.

220. Tatheva katapuñṇampi, asmā lokā paraṃ gataṃ.

Puñṇāni paṭigaṇhanti, piyaṃ ñātīva āgatan’³ti.

Tattha **cirappavāsinti** cirappavuṭṭhaṃ. **Dūrato sotthimāgataṃ** vaṇijjaṃ vā rājaporiṣaṃ vā katvā laddhalābhaṃ nipphannasampattiṃ anupaddavena dūraṭṭhānato āgataṃ. **Ñātimittā suhajjā cāti** kulasambandhavasena ñātī ca sandiṭṭhādibhāvena mittā ca suhadayaabhāvena suhajjā ca. **Abhinandanti āgataṃ** nam disvā āgataṃ vacanamattena vā añjalikaraṇamattena vā ghasampattaṃ pana nānappakārapaṇṇākārābhiharaṇavasena abhinandanti. **Tathevāti** tenevākārena katapuñṇampi puggalaṃ imasmā lokā paralokaṃ gataṃ dibbaṃ āyuvāṇṇasukhayasa-ādhipateyyaṃ, dibbaṃ rūpasaddagandharasaphoṭṭhabbanti imaṃ dasavidhaṃ paṇṇākāraṃ ādāya mātāpituṭṭhāne ṭhitāni puñṇāni abhinandantāni² paṭiggaṇhanti. **Piyaṃ ñātīvāti** idhaloke piyañātakāṃ āgataṃ sesañātakā viyāti attho.

Desanāvasāne bahū sotāpattiphalādīni pāpuṇimsūti.

Nandiyavatthu navamaṃ.

Piyavaggavaṇṇanā niṭṭhitā.

Soḷasamo vaggo.

1. Āgatosi tāta āgatosi tātāti (Sī, Syā)

2. Abhinandathāti (Sī), abhinandantā (Ka)

17. Kodhavagga

1. Rohinīkhattiyakaññāvattu

Kodham jaheti imam dhammadesanam Sathā Nigrodhārāme viharanto Rohinīm nāma khattiyakaññam ārabha kathesi.

Ekasmim kira samaye āyasmā Anuruddo pañcasatehi bhikkhūhi saddhim Kapilavatthum agamāsi. Athassa nātakā “thero āgato”ti sutvā therassa santikam agamaṃsu ṭhapetvā Rohinīm nāma therassa bhaginim. Thero nātake pucchi “kham Rohinī”ti. Gehe bhanteti. Kasmā idha nāgatāti. Sarīre tassā chavirogo uppannoti lajjāya nāgatā bhanteti. Thero “pakkosatha nan”ti pakkosāpetvā paṭakañcukam¹ paṭimuñcitvā āgataṃ evamāha “Rohini kasmā nāgatāsi”ti. Sarīre me bhante chavirogo uppanno, tasmā lajjāya nāgatāmhīti. Kim pana te puñnam katum na vaṭṭatīti. Kim karomi bhanteti. Āsanasālam kārehīti. Kim gahetvāti. Kim te pasādhanabhaṇḍakam² natthīti. Atthi bhanteti. Kimmulanti. Dasahassamulam bhavissatīti. Tena hi tam vissajjtvā āsanasālam kārehīti. Ko me bhante kāressatīti. Thero samīpe ṭhitañātake oloketvā “tumhākam bhāro hotū”ti āha. Tumhe pana bhante kim karissathāti. Ahampi idheva bhavissāmīti. Tena hi etissā dabbasambhāre āharathāti. Te “sādhu bhante”ti āharimsu.

Thero āsanasālam samvidahanto Rohinīm āha “dvibhūmikam āsanasālam kāretvā upari padarānam dinnakālato paṭṭhāya heṭṭhāsālam nibaddham sammajjitvā āsanāni paññāpehi, nibaddham pānīyaghaṭe upaṭṭhāpehī”ti. Sā “sādhu bhante”ti pasādhanabhaṇḍakam vissajjtvā dvibhūmika-āsanasālam kāretvā upari padarānam dinnakālato paṭṭhāya heṭṭhāsālam sammajjanādīni³ akāsi. Nibaddham bhikkhū nisīdanti. Athassā āsanasālam sammajjantiyāva⁴ chavirogo milāyi. Sā āsanasālaya niṭṭhitāya Buddhappamukham bhikkhusamgham nimantetvā āsanasālam pūretvā nisinnassa

1. Katakañcukam (Sī)

3. Heṭṭhā opuñchanādīni (Sī)

2. Pasādhanabhaṇḍikam (Ka)

4. Opuñchantiyāva (Sī)

Buddhappamukhassa bhikkhusaṅghassa paṇītaṃ khādanīyaṃ bhojanīyaṃ adāsi. Satthā katabhattakicco “kassetam dānan”ti pucchi. Bhaginiyā me bhante Rohiniyāti. Sā pana kahanti. Gehe bhanteti. Pakkosatha nanti. Sā āgantum na icchi. Atha nam Satthā anicchamānampi pakkosāpesiyeva. Āgantvā ca pana vanditvā nisinnaṃ āha “Rohini kasmā nāgamitthā”ti. Sarīre me bhante chavirogo atthi, tena lajjamānā nāgatāmhīti. Jānāsi pana kim te nissāya esa uppannoti. Na jānāmi bhanteti. Tava kodham nissāya uppanno esoti. Kim pana me bhante katanti. Tena hi suṇāhīti. Athassā Satthā atītaṃ āhari.

Atīte Bārāṇasirañño aggamaheṣī ekissā rañño nāṭakitthiyā āghātaṃ bandhitvā “dukkhamassā uppādessāmī”ti cintetvā mahākacchuphalāni āharāpetvā taṃ nāṭakitthim attano santikaṃ pakkosāpetvā yathā sā na jānāti, evamassā sayane ceva¹ pāvāraḷojavādīnañca antaresu kacchucuṇṇāni ṭhapāpesi², keḷim kurumānā viya tassā sarīrepi okiri. Taṃ khaṇamyeva tassā sarīraṃ uppakkuppakkaṃ gaṇḍāgaṇḍajātaṃ ahosi. Sā kaṇḍuvantī gantvā sayane nipajji, tatrāpissā kacchucuṇṇehi khādiyamānāya kharatarā vedanā uppajji. Tadā aggamaheṣī Rohinī ahoṣīti.

Satthā imaṃ atītaṃ āharitvā “Rohini tadā tayāvetam kammaṃ kataṃ. Appamattakopi hi kodho vā issā vā kātuṃ na yuttarūpo evā”ti vatvā imaṃ gāthamāha—

221. “Kodham jahe vippajaheyya mānaṃ,
 Saṃyojanaṃ sabbamatikkameyya.
 Taṃ nāmarūpasmimasajjamānaṃ,
 Akiñcanaṃ nānupatanti dukkhā”ti.

Tattha **kodhanti** sabbākārampi kodham navavidhampi mānaṃ jaheyya. **Saṃyojananti** kāmarāgasamyōjanādikaṃ dasavidhampi sabbasaṃyojanaṃ atikkameyya. **Asajjamānanti** alaggamānaṃ. Yo hi “mama rūpaṃ mama vedanā”ti-ādinā nayena nāmarūpaṃ paṭiggaṇhāti, tasmim ca bhijjamāne socati

1. Sayaniye ca (Sī)

2. Chupāpesi (Sī)

vihaññati, ayaṃ nāmarūpasmiṃ sajjati nāma. Evaṃ aggaṇhanto avihaññanto na sajjati nāma. Taṃ puggalaṃ evaṃ asajjamānaṃ rāgādīnaṃ abhāvena akiñcanaṃ dukkhā nāma nānupatantīti attho. Desanāvasāne bahū sotāpattiphalādīni pāpuṇimsūti. Rohinīpi sotāpattiphale paṭiṭṭhitā, taṅkhaṇaṅnevassā sarīraṃ suvaṇṇavaṇṇaṃ ahoṣi.

Sā tato cutā Tāvatisabhaṃ catunnaṃ devaputtānaṃ sīmantare nibbattivā pāsādikā rūpasobhaggappattā ahoṣi. Cattāropi devaputtā taṃ disvā uppannasinehā hutvā “mama sīmāya anto nibbattā, mama sīmāya anto nibbattā”ti vivadantā Sakkassa devaraṅṅo santikaṃ gantvā “deva imaṃ no nissāya aḍḍo uppanno, taṃ vinicchīnāthā”ti¹ āhaṃsu. Sakkopi taṃ oloketvāva uppannasineho hutvā evamāha “imāya vo diṭṭhakālato paṭṭhāya kathaṃ cittāni uppannāni”ti. Atheko āha “mama tāva uppannacittaṃ saṅgāmaḥheri viya sannisīdituṃ nāsakkhī”ti. Duttiyo “mama cittaṃ pabbatanadī viya sīghaṃ pavattatiyevā”ti. Tatiyo “mama imissā diṭṭhakālato paṭṭhāya kakkaṭassa viya akkhīni nikkhamimsū”ti. Catuttho “mama cittaṃ cetiye ussāpitadhajo viya niccalaṃ ṭhātuṃ nāsakkhī”ti. Atha ne Sakko āha “tātā tumhākaṃ tāva cittāni pasayharūpāni, ahaṃ pana imaṃ labhanto jīvissāmi, alabhantassa me maraṇaṃ bhavissatī”ti. Devaputtā “mahārāja tumhākaṃ maraṇena attho natthī”ti taṃ Sakkassa vissajjetvā pakkamimsu. Sā Sakkassa piyā ahoṣi manāpā. “Asukakīlaṃ nāma gacchāmā”ti vutte Sakko tassā vacanaṃ paṭikkhipituṃ nāsakkhīti.

Rohinīkhattiyakaṅṅāvatthu paṭhamāni.

2. Aññatarabhikkhuvatthu

Yo ve uppatitanti imaṃ dhammadesanaṃ Satthā Aggālave cetiye viharanto aññataram bhikkhuṃ ārabha kathesi.

1. Pacchindathāti (Sī), nicchathāti (Ka)

Satthārā hi bhikkhusaṅghassa senāsane anuññāte Rājagahaseṭṭhi-ādīhi senāsanesu kariyamānesu eko Āḷaviko bhikkhu attano senāsanaṃ karonto ekaṃ manāparukkhaṃ disvā chindituṃ ārabhi. Tattha pana nibbattā ekā taruṇaputtā devatā puttaṃ aṅkenādāya ṭhitā yāci “mā me sāmi vimānaṃ chindi, na sakkhissāmi puttaṃ ādāya anāvāsā vicarituṃ”ti. So “ahaṃ aññatra īdisaṃ rukkhaṃ na labhissāmi”ti tassā vacanaṃ nādiyi. Sā “imampi tāva dārakaṃ oloketvā oramissatī”ti puttaṃ rukkhasākhāya ṭhapesi. Sopi bhikkhu ukkhipitaṃ pharasuṃ sandhāretuṃ asakkonto dārakassa bāhuṃ chindi, devatā uppanabalavakodhā “paharivā naṃ māressāmi”ti ubho hatthe ukkhipitvā evaṃ tāva cintesi “ayaṃ bhikkhu sīlavā. Sacāhaṃ imaṃ māressāmi, nirayagāminī bhavissāmi. Sesadevatāpi attano rukkhaṃ chindante bhikkhū disvā ‘asukadevatāya evaṃ nāma mārito bhikkhū’ti maṃ pamāṇaṃ katvā bhikkhū māressanti. Ayañca sasāmiko bhikkhu, sāmikasessa naṃ kathessāmi”ti ukkhittahatthe apanetvā rodamānā Satthu santikaṃ gantvā vanditvā ekamantaṃ aṭṭhāsi. Atha naṃ Satthā “kiṃ devate”ti āha. Sā “bhante tumhākaṃ me sāvakena idaṃ nāma kataṃ, ahampi naṃ māretukāmā hutvā idaṃ nāma cintetvā amāretvāva idhāgatā”ti sabbaṃ taṃ pavattim vitthārato ārocesi.

Satthā taṃ sutvā “sādhu sādhu devate, sādhu te kataṃ evaṃ uggataṃ kopam bhantaṃ rathaṃ viya niggaṇhamānāyā”ti vatvā imaṃ gāthamāha—

222. “Yo ve uppatitaṃ kodhaṃ, rathaṃ bhantaṃva vāraye¹.

Tamaṃ sārathim brūmi, rasmiggāho itaro jano”ti.

Tattha **uppatitanti** uppannaṃ. **Rathaṃ bhantaṃvāti** yathā nāma cheko sārathi ativegena dhāvantaṃ rathaṃ niggaṇhitvā yathicchakaṃ ṭhabeti², evaṃ yo puggalo uppannaṃ kodhaṃ vāraye¹ niggaṇhituṃ sakkoti. **Tamahanti** taṃ ahaṃ sārathim brūmi. **Itaro janoti** itaro pana rāja-uparājādīnaṃ rathasārathijano rasmiggāho nāma hoti, na uttamasārathīti.

1. Dhāraye (Sī, Syā)

2. Yadicchakaṃ peseti (Sī), yathāṭhitam ṭhapesi (Ka)

Desanāvasāne devatā sotāpattiphale patitṭhahi, sampattaparisāyapi sātthikā dhammadesanā ahosīti.

Devatā pana sotāpannā hutvāpi rodamānā aṭṭhāsi. Atha nam Sathā “kim devate”ti pucchitvā “bhante vimānaṃ me naṭṭhaṃ, idāni kim karissāmi”ti vutte “alaṃ devate, mā cintayi, ahaṃ te vimānaṃ dassāmi”ti Jetavane Gandhakuṭṭisamāpe purimadivase cutadevataṃ ekaṃ rukkhaṃ apadisanto “amukasmim okāse rukkho vivitto, tattha upagacchā”ti āha. Sā tattha upagañchi. Tato paṭṭhāya “Buddhadattiyam imissā vimānaṃ”ti mahesakkhadevatāpi āgantvā taṃ cāletum nāsakkhimsu. Sathā taṃ atthuppattim katvā bhikkhūnaṃ Bhūtagāmasikkhāpadam paññāpesīti.

Aññatarabhikkhuvatthu dutiyam.

3. Uttarā-upāsikāvatthu

Akkodhena jine kodhanti imaṃ dhammadesanaṃ Sathā Veḷuvane viharanto Uttarāya gehe katabhattakicco Uttaraṃ upāsikaṃ ārabba kathesi.

Tatrāyamanupubbī kathā—Rājagahe kira Sumanasetṭhiṃ nissāya Puṇṇo nāma daliddo bhatim katvā jīvati. Tassa bhariyā ca Uttarā nāma dhītā cāti dveyeva gehamānusakā. Athekadivasaṃ “sattāhaṃ nakkhattaṃ kīḷitabban”ti Rājagahe ghosanaṃ karimsu. Taṃ sutvā Sumanasetṭhi pātova āgataṃ Puṇṇaṃ āmantetvā “tāta amhākaṃ parijano nakkhattaṃ kīḷitukāmo, tvaṃ kim nakkhattaṃ kīḷissasi, udāhu bhatim karissasi”ti āha. Sāmi nakkhattaṃ nāma sadhanānaṃ hoti, mama pana gehe svātanāya yāgutaṇḍulampi natthi, kim me nakkhattena, goṇe labhanto kasitum gamissāmi”ti. Tena hi goṇe gaṇhāhīti. So balavagoṇe ca naṅgalañca gahetvā “bhadde nāgarā nakkhattaṃ kīḷanti, ahaṃ daliddatāya bhatim kātum gamissāmi, mayhampi tāva ajja dviguṇaṃ nivāpaṃ pacitvā bhattaṃ āhareyyāsi”ti bhariyaṃ vatvā khattaṃ agamāsi.

Sāriputtattheropisattāhaṃ nirodhasamāpanno taṃ divasaṃ vuṭṭhāya “kassa nu kho ajja mayā saṅgahaṃ kātuṃ vaṭṭatī”ti olokeno Puṇṇaṃ attano ñāṇajālaṃ anto pavīṭṭhaṃ disvā “saddho nu kho esa, sakkhissati vā me saṅgahaṃ kātun”ti olokeno tassa saddhabhāvañca saṅgahaṃ kātuṃ samatthabhāvañca tappaccayā cassa mahāsampattiṭṭhānañca ñatvā pattacīvaramādāya tassa kasaṇaṭṭhānaṃ gantvā āvāṭatīre ekaṃ gumbaṃ olokeno aṭṭhāsi.

Puṇṇo therāṃ disvāva kasim̐ ṭhapetvā pañcapaṭṭhiṭhena therāṃ vanditvā “dantakaṭṭhena attho bhavissatī”ti dantakaṭṭhaṃ kappiyaṃ katvā adāsi. Athassa thero pattañca parissāvānañca nīharitvā adāsi. So “pānīyena attho bhavissatī”ti taṃ ādāya pānīyaṃ parissāvetvā adāsi. Thero cintesi “ayaṃ paresaṃ pacchimagehe vasati. Sacassa gehadvāraṃ gamissāmi, imassa bhariyā maṃ daṭṭhuṃ na labhissati. Yāvassā bhattaṃ ādāya maggaṃ paṭipajjati, tāva idheva bhavissāmī”ti. So tattheva thokaṃ vītināmetvā tassa maggāruḥhabhāvaṃ ñatvā antonagarābhimukho pāyāsi.

Sā antarāmagge therāṃ disvā cintesi “appekadāhaṃ deyyadhamme sati ayyaṃ na passāmi, appekadā me ayyaṃ passantiyā deyyadhammo na hoti. Ajja pana me ayyo ca diṭṭho, deyyadhammo cāyaṃ atthi, karissati nu kho me saṅgahaṃ”ti. Sā bhattabhājanaṃ oropetvā therāṃ pañcapaṭṭhiṭhena vanditvā “bhante idaṃ lūkhaṃ vā paṇītaṃ vāti acintetvā dāsassa vo saṅgahaṃ karoṭhā”ti āha. Thero pattaṃ upanāmetvā tāya ekena hatthena bhājanaṃ dhāretvā ekena hatthena tato bhattaṃ dadamānāya upaḍḍhabhatte dinne “alan”ti hatthena pattaṃ pidahi. Sā “bhante ekova paṭiviso, na sakkā dvidhā kātuṃ. Tumhākaṃ dāsassa idhalokasaṅgahaṃ akatvā paralokasaṅgahaṃ karoṭha, niravasesameva dātukāmamhī”ti vatvā sabbameva therassa patte paṭiṭṭhapetvā “tumhehi diṭṭhadhammasseva bhāgī assan”ti patthanāṃ akāsi. Thero “evaṃ hotū”ti vatvā ṭhitakova anumodanaṃ karitvā ekasmiṃ udakaphāsukaṭṭhāne nisīditvā bhattakiccamakāsi. Sāpi nivattitvā taṇḍule pariyesitvā bhattaṃ paci. Puṇṇopi aḍḍhakarīsamattaṭṭhānaṃ kasitvā jighacchaṃ sahituṃ asakko goṇe vissajjetvā ekarukkhaḥchāyaṃ pavisitvā maggaṃ olokeno nisīdi.

Athassa bhariyā bhattam ādāya gacchamānā tam disvāva “esa jghacchāya pīlito maṃ olokento nisinno. Sace maṃ ‘ativiya je cirāyī’ti tajjetvā patodalaṭṭhiyā maṃ paharissati, mayā katakammaṃ niratthakaṃ bhavissati. Paṭikaccevassa āroccsāmī”ti cintetvā evamāha “sāmi ajjekadivasam cittaṃ pasādehi, mā mayā katakammaṃ niratthakaṃ kari. Ahañhi pātova te bhattam āharantī antarāmagge Dhammasenāpatim disvā tava bhattam tassa datvā puna gantvā bhattam pacitvā āgatā, pasādehi sāmi cittaṃ”ti. So “kiṃ vadesi bhaddhe”ti pucchitvā puna tamattham sutvā “bhaddhe sādhu vata te kataṃ mama bhattam ayyassa dadamānāya, mayāpissa ajja pātova dantakaṭṭhañca mukhodakañca dinnan”ti pasannamānaso tam vacanam abhinandintvā ussure laddhabhattatāya kilantakāyo tassā aṅke sīsam katvā niddam okkami.

Athassa pātova kasitaṭṭhānam paṃsucunṇam upādāya sabbam rattasuvanṇam kaṇikārapuppharāsi viya sobhamānam aṭṭhāsi. So pabuddho oloketvā bhariyam āha “bhaddhe etam kasitaṭṭhānam sabbam mama suvanṇam hutvā paññāyati, kiṃ nu kho me ati-ussure laddhabhattatāya akkhini bhamanti”ti. Sāmi mayhampi evameva paññāyatīti. So uṭṭhāya tattha gantvā ekapiṇḍam gahetvā naṅgalasīse paharitvā suvanṇabhāvaṃ ñatvā “aho ayyassa Dhammasenāpatissa me dinnadānena ajjeva vipāko dassito na kho pana sakkā ettakam dhanam paṭicchadetvā paribhuñjitum”ti bhariyāya ābhatam bhattapātim suvanṇassa pūretvā rājakulam gantvā raññā katokāso pavisitvā rājānam abhivādetvā “kiṃ tātā”ti vutte “deva ajja mayā kasitaṭṭhānam sabbam suvanṇabharitameva hutvā ṭhitam, idam suvanṇam āharāpetum vaṭṭati”ti. Kosi tvanti. Puṇṇo nāma ahanti. Kiṃ pana te ajja katanti. Dhammasenāpatissa me ajja pātova dantakaṭṭhañca mukhodakañca dinnam, bhariyāyapi me mayham āharaṇabhattam tasseva dinnanti.

Tam sutvā rājā “ajjeva kira bho Dhammasenāpatissa dinnadānena vipāko dassito”ti vatvā “tāta kiṃ karomī”ti pucchi. Bahūni sakaṭasahassāni pahīnitvā suvanṇam āharāpethāti. Rājā sakaṭāni pahīni. Rājapurisesu “rañño santakan”ti gaṇhantesu gahitagahitam mattikāva hoti. Te gantvā rañño ārocetvā “tumhehi

kinti vatvā gahitan”ti puṭṭhā “tumahākaṃ santakan”ti āhaṃsu. Na mayhaṃ tātā santakaṃ, gacchatha “Puṇṇassa santakan”ti vatvā gaṇhathāti. Te tathā karimsu, gahitagahitaṃ suvaṇṇameva ahosi. Sabbampi āharitvā rājaṅgaṇe rāsimaṅkaṃsu, asītihatthubbedho rāsi ahosi. Rājā nāgare sannipātetvā “imasmim nagare atthi kassaci ettakaṃ suvaṇṇan”ti. Natthi devāti. Kim panassa dātuṃ vaṭṭatīti. Setṭhichattam devāti. Rājā “bahudhanasetṭhi nāma hotū”ti mahantena bhogena saddhim tassa setṭhichattamadāsi. Atha naṃ so āha “mayam deva ettakaṃ kālam parakule vasimhā, vasanaṭṭhānaṃ no dethā”ti. “Tena hi passa, esa gumbo paññāyati, etaṃ harāpetvā gehaṃ kārehi”ti purānasetṭhissa gehaṭṭhānaṃ ācikkhi. So tasmim ṭhāne katipāheneva ()¹ gehaṃ kārāpetvā gehappavesanamaṅgalaṅca chattamaṅgalaṅca ekatova karonto sattāhaṃ Buddhappamukhassa bhikkhusaṅghassa dānaṃ adāsi. Athassa Satthā anumodanaṃ karonto anupubbim kathaṃ kathesi. Dhammakathāvasāne Puṇṇasetṭhi ca bhariyā cassa dhītā ca Uttarāti tayo janā sotāpannā ahesum.

Aparabhāge Rājagahasetṭhi Puṇṇasetṭhino dhītaraṃ attano puttassa vāresi. So “nāhaṃ dassāmi”ti vatvā “mā evaṃ karotu, ettakaṃ kālam amhe nissāya vasanteneva te sampatti laddhā, detu me puttassa dhītaraṃ”ti vutte “so micchādīṭṭhiko, mama dhītā tīhi ratanehi vinā vattitum na sakkoti, nevassa dhītaraṃ dassāmi”ti āha. Atha naṃ bahū setṭhigaṇādayo² kulaputtā “mā tena saddhim vissāsaṃ bhindī, dehissa dhītaraṃ”ti yāciṃsu. So tesam vacanaṃ sampañicchitvā āsāḷhipuṇṇamāyaṃ dhītaraṃ adāsi. Sā patikulaṃ gatakālato paṭṭhāya bhikkhuṃ vā bhikkhuṃ vā upasaṅkमितum dānaṃ vā dātuṃ dhammaṃ vā sotum nālattha. Evaṃ aḍḍhatiyesu māsesu vītivattesu santike ṭhitam paricārikaṃ pucchi “idāni kittakaṃ antovassassa avasiṭṭhan”ti. Aḍḍhamāso ayyeti. Sā pitu sāsanaṃ paṇiṇi “kasmā maṃ evarūpe bandhanāgāre pakkhipiṃsu, varam me lakkhaṇāhatam

1. (Vatthum sodhāpetvā ghaṭena ghaṭam nidhikumbham paṭihaññī. Nidhikumbham niharitvā rājānaṃ jānāpesi, “deva nidhikumbham gaṇhāhi”ti. Tava puññaladdham gaṇhāhīti. Bahudhanaṃ labhitvā) (Ka)

2. Setṭhigaṇakādayo (Sī), setṭhigahapatikādayo (Syā)

katvā paresaṃ dāsīṃ sāveturī. Evarūpassa micchādiṭṭhikulassa dātuṃ na vaṭṭati. Āgatakālato paṭṭhāya bhikkhudassanādīsu ekampi puññaṃ kātuṃ na labhāmī”ti.

Athassa pitā “dukkhitā vata me dhītā”ti anattamanataṃ pavedetvā pañcadasa kahāpaṇasahassāni pesesi “imasmiṃ nagare Sirimā nāma gaṇikā atthi, devasikaṃ sahasaṃ gaṇhāti. Imehi kahāpaṇehi taṃ ānetvā sāmikassa pādapari-carikaṃ katvā sayāṃ puññāni karotū”ti. Sā Sirimaṃ pakkosāpetvā “sahāyike ime kahāpaṇe gahetvā imaṃ aḍḍhamāsaṃ tava saha-yakaṃ paricarāhī”ti āha. Sā “sādhū”ti paṭissuṇi. Sā taṃ ādāya sāmikassa santikaṃ gantvā tena Sirimaṃ disvā “kiṃ idan”ti vutte “sāmi imaṃ aḍḍhamāsaṃ mama saha-yikā tumhe paricaratu, ahaṃ pana imaṃ aḍḍhamāsaṃ dānañceva dātukāmā dhammañca sotukāmā”ti āha. So taṃ abhirūpaṃ itthiṃ disvā uppannasineho “sādhū”ti sampaṭicchi.

Uttarāpi kho Buddhappamukhaṃ bhikkhusaṃghaṃ nimantetvā “bhante imaṃ aḍḍhamāsaṃ aññattha agantvā idheva bhikkhā gahetabbā”ti Satthu paṭiññaṃ gahetvā “ito dāni paṭṭhāya yāva mahāpavāraṇā, tāva Satthāraṃ upaṭṭhātuṃ dhammañca sotuṃ labhissāmī”ti tuṭṭhamānasā “evaṃ yāgum pacatha, evaṃ pūve pacathā”ti mahānase sabbakiccāni samvidahantī vicarati. Athassā sāmiko “sve pavāraṇā bhavissatī”ti mahānasābhimukho vātapāne ṭhatvā “kiṃ nu kho karontī sā andhabālā vicarati”ti olokeno taṃ seṭṭhidhītaraṃ sedakilinnaṃ chārikāya okiṇṇaṃ aṅgāramasimakkhitaṃ tathā samvidahitvā vicaramānaṃ disvā “aho andhabālā evarūpe ṭhāne imaṃ sirisampattiṃ nānubhavati, ‘muṇḍakasamaṇe upaṭṭhahissāmī’ti tuṭṭhacittā vicarati”ti hasitvā apagañchi.

Tasmim apagate tassa santike ṭhitā Sirimā “kiṃ nu kho oloketvā esa hasī”ti teneva vātapānena oloketī Uttaraṃ disvā “imaṃ oloketvā iminā hasitaṃ, addhā imassa etāya saddhiṃ santhavo atthī”ti cintesi. Sā kira aḍḍhamāsaṃ tasmim gehebhāhiraka-itthī hutvā vasamānāpi taṃ sampattiṃ anubhavamānā attano bhāhiraka-itthibhāvaṃ ajānitvā “ahaṃ gharasāmini”ti saññamakāsi.

Sā Uttarāya āghātaṃ bandhitvā “dukkhamassā uppādessāmī”ti pāsādā oruyha mahānasaṃ pavisitvā pūvapakanaṭṭhāne pakkuthitaṃ¹ sappiṃ kaṭacchunā ādāya Uttarābhimukhaṃ pāyāsi. Uttarā taṃ āgacchantiṃ disvā “mama sahāyikāya mayhaṃ upakāro kato, cakkavāḷaṃ atisambādhaṃ, brahmaloko atinīcako, mama sahāyikāya guṇova mahanto. Ahañhi etaṃ nissāya dānañca dātuṃ dhammañca sotuṃ labhiṃ. Sace mama etissā upari kopo atthi, idaṃ sappi maṃ dahatu. Sace natthi, mā dahatū”ti taṃ mettāya phari. Tāya tassā matthake āsittaṃ pakkuthitasappi sītudakaṃ viya ahoṣi.

Atha naṃ “idaṃ sītalaṃ bhavissatī”ti kaṭacchum pūretvā ādāya āgacchantiṃ Uttarāya dāsiyo disvā “apehi dubbinīte, na tvaṃ amhākaṃ ayyāya pakkuthitaṃ sappiṃ āsiñcituṃ anucchavikā”ti santajjentiyo ito cito ca uṭṭhāya hatthehi ca pādehi ca pothetvā bhūmiyaṃ pātesum. Uttarā vārentīpi vāretuṃ nāsakkhi. Athassā upari ṭhitā sabbā dāsiyo paṭibāhitvā “kissa te evarūpaṃ bhāriyaṃ katan”ti Sirimaṃ ovaditvā uṇhodakena nhāpetvā satapākatelena abbhañji. Tasmim khaṇe sā attano bāhirakitthibhāvaṃ ṇatvā cintesi “mayā bhāriyaṃ kammaṃ katanā sāmikassa hasanamattakāraṇā imissā upari pakkuthitaṃ sappiṃ āsiñcantiyā, ayaṃ ‘gaṇhatha nan’ti dāsiyo na āṇāpesi. Maṃ viheṭhanakālepi sabbadāsiyo paṭibāhitvā mayhaṃ kattabbameva akāsi. Sacāhaṃ imaṃ na khamāpessāmi, muddhā me sattadhā phaleyyā”ti tassā pādamūle nipajjitvā “ayye khamāhi me”ti āha. Ahaṃ sapitikā dhītā, pitari khamante khamāmīti. Hotu ayye, pitaraṃ te Puṇṇasetthiṃ khamāpessāmīti. Puṇṇo mama vaṭṭajanakapitā, vivaṭṭajanake pitari khamante panāhaṃ khamissāmīti. Ko pana te vivaṭṭajanakapitāti. Sammāsambuddhoti. Mayhaṃ tena saddhiṃ vissāso natthīti. Ahaṃ karissāmi, Satthā sve bhikkhusaṃghaṃ ādāya idhāgamissati, tvaṃ yathāladdhaṃ sakkāraṃ gahetvā idheva āgantvā taṃ khamāpehīti. Sā “sādhu ayye”ti uṭṭhāya attano gehaṃ gantvā pañcasatā parivāritthiyo āṇāpetvā nānāvidhāni khādanīyāni ceva sūpeyyāni ca sampādetvā punadvase taṃ sakkāraṃ

1. Pakkaṭṭhitaṃ (Sī)

ādāya Uttarāya gehaṃ āgantvā Buddhappamukhassa bhikkhusaṃghassa patte patiṭṭhāpetuṃ avisahantī aṭṭhāsi. Taṃ sabbaṃ gahetvā Uttarāva saṃvidahi. Sirimāpi bhattakiccāvasāne saddhiṃ parivārena Satthu pādamūle nipajji.

Atha naṃ Satthā pucchi “ko te aparādho”ti. Bhante mayā hiyyo idaṃ nāma kataṃ, atha me saḥāyikā maṃ viheṭṭhayamānā dāsiyo nivāretvā mayhaṃ upakārameva akāsi. Sāhaṃ imissā guṇaṃ jānitvā imaṃ khamāpesim, atha maṃ esā “tumhesu khamantesu khamissāmi”ti āha. Evaṃ kira Uttareti. Āma bhante, sīse me saḥāyikāya pakkuthitasappi āsittanti. Atha tayā kiṃ cintitanti. “Cakkavāḷaṃ atisambādhaṃ, brahmaloko atinīcako, mama saḥāyikāya guṇova mahanto. Ahañhi etaṃ nissāya dānañca dātuṃ dhammañca sotuṃ alatthaṃ, sace me imissā upari kopo atthi, idaṃ maṃ dahatu. No ce, mā dahatū”ti evaṃ cintetvā imaṃ mettāya phariṃ bhanteti. Satthā “sādhu sādhu Uttare, evaṃ kodhaṃ jinituṃ vaṭṭati. Kodho hi nāma akkodhena, akkosakaparibhāsako anakkosantena aparibhāsantena, thaddhamaccharī attano santakassa dānena, musāvādī saccavacanena jinitabbo”ti vatvā imaṃ gāthamāha—

223. “Akkodhena jine kodhaṃ, asādhum sādhunā jine.

Jine kadariyaṃ dānena, saccenālikavādinan”ti.

Tattha **akkodhenā**ti kodhano hi puggalo akkodhena hutvā jinitabbo. **Asādhunti** abhaddako bhaddakena hutvā jinitabbo. **Kadariyanti** thaddhamaccharī attano santakassa cāgacittena jinitabbo. Alikavādī saccavacanena jinitabbo. Tasmā evamāha “akkodhena jine kodhaṃ -pa-saccenālikavādinan”ti.

Desanāvasāne Sirimā saddhiṃ pañcasatāhi itthīhi sotāpattiphale patiṭṭhahīti.

Uttarā-upāsikāvatthu tatiyaṃ.

4. Mahāmogallānattherapañhavatthu

Saccam bhāṇeti imaṃ dhammadesanaṃ Satthā Jetavane viharanto Mahāmogallānattherassa pañhaṃ ārabha kathesi.

Ekasmim hi samaye thero devacārikaṃ gantvā mahesakkhāya devatāya vimānavāre ṭhatvā taṃ attano santikaṃ āgantvā vanditvā ṭhitaṃ evamāha “devate mahatī te sampatti, kiṃkammaṃ katvā imaṃ alatthā”ti. Mā maṃ bhante pucchathāti. Devatā kira attano parittakammena lajjamānā evaṃ vadati. Sā pana therena “kathehiyevā”ti vuccamānā āha “bhante mayā neva dānaṃ dinnam, na pūjā katā, na dhammo suto, kevalaṃ saccamattaṃ rakkhitaṃ”ti. Thero aññāni vimānavārāni gantvā āgatāgatā aparāpi devadhītarō pucchi. Tāsūpi tatheva niguhitvā theram paṭibāhitum asakkontīsu ekā tāva āha “bhante mayā neva dānādīsu kataṃ nāma atthi¹, aham pana Kassapabuddhakāle parassa dāsī ahoṣim, tassā me sāmiko ativiya caṇḍo pharuso, gahitaggaḥiteneva kaṭṭhena vā kalingarena vā sīsam bhindati. Sāhaṃ uppanne kope ‘esa tava sāmiko lakkhaṇāhataṃ² vā kātum nāsādīni vā chinditum issaro, mā kujjhī’ti attānameva paribhāsetvā kopam nāma na akāsim, tena me ayaṃ sampatti laddhā”ti. Aparā āha “ahaṃ bhante ucchukhettaṃ rakkhamānā ekassa bhikkhuno ucchuyatṭhim adāsim. Aparā ekaṃ timbarusakaṃ adāsim. Aparā ekaṃ eḷālukaṃ adāsim”. Aparā ekaṃ phārusakaṃ adāsim. Aparā ekaṃ mūlamuṭṭhim. Aparā “nimbamuṭṭhin”ti-ādinā nayena attanā attanā kataṃ parittadānaṃ ārocetvā “iminā iminā kāraṇena amhehi ayaṃ sampatti laddhā”ti āhamsu.

Thero tāhi katakammaṃ sutvā Satthāraṃ upasaṅkamitvā pucchi “sakkā nu kho bhante saccakathanamattena, kopanibbāpanamattena, atiparittakena timbarusakādīdānamattena dibbasampattiṃ laddhun”ti. Kasmā maṃ Mogallāna pucchasi, nanu te devatāhi ayaṃ attho kathitoti. Āma bhante, labbhati maññe ettakena dibbasampattīti. Atha maṃ Satthā “Mogallāna saccamattaṃ kathetvāpi kopamattaṃ jahitvāpi parittakaṃ dānaṃ datvāpi devalokaṃ gacchatīyevā”ti vatvā imaṃ gāthamāha—

1. Mayā dānādīsu kataṃ nāma natthi (Sī, Syā)

2. Pakkhāhataṃ (Sī)

224. “Saccam bhaṇe na kujjheyya, dajjā appampi yācito.

Etehi tīhi ṭhānehi, gacche devāna santike”ti.

Tattha **saccam bhaṇeti** saccam dīpeyya vohareyya, sacce patiṭṭhaheyyāti attho. **Na kujjheyyāti** parassa na kujjheyya. **Yācitoti** yācakā nāma sīlavanto pabbajitā. Te hi kiñcāpi “dethā”ti ayācivāva gharadvāre tiṭṭhanti, atthato pana yācantiyeva nāma. Evaṃ sīlavantehi yācito appasmim deyyadhamme vijjamāne appamattakampi dadeyya. **Etehi tīhīti** etesu tīsu ekenāpi kāraṇena devalokam gaccheyyāti attho.

Desanāvasāne bahū sotāpattiphalādīni pāpuṇimsūti.

Mahāmoggallānattherapañhavatthu catuttham.

5. Buddhapitubrahmaṇavatthu

Ahimsakā yeti imam dhammadesanam Satthā Sāketam nissāya Añjanavane viharanto bhikkhūhi puṭṭhapañham ārabba kathesi.

Bhagavato kira bhikkhusaṅghaparivutassa Sāketam piṇḍāya pavisanakāle eko Sāketavāsī mahallakabrāhmaṇo nagarato nikkhamanto antaragharadvāre Dasabalam disvā pādesu nipatitvā gopphakesu daḷham gahetvā “tāta nanu nāma puttehi jīṇṇakāle mātāpitaro paṭijaggitabbā, kasmā ettakam kālam amhākam attānam na dassesi. Mayā tāva diṭṭhosi, mātarampi passitum ehi”ti Satthāram gahetvā attano geham agamāsi. Satthā tattha gantvā paññatte āsane nisīdi saddhim bhikkhusaṅghena. Brāhmaṇīpi āgantvā Satthu pādesu nipatitvā “tāta ettakam kālam kuhim gatosi, nanu nāma mātāpitaro mahallakakāle upaṭṭhātabbā”ti vatvā puttadhītaro “etha bhātaram vandathā”ti vandāpesi. Te ubhopi tuṭṭhamānasā Buddhappamukham bhikkhusaṅgham parivisitvā “bhante idheva nibaddham bhikkham gaṇhathā”ti vatvā “Buddhā nāma ekaṭṭhāneyeva nibaddham bhikkham na gaṇhanti”ti vutte “tena hi bhante ye vo nimantetum āgacchanti, te amhākam santikam paṇeṇeyyāthā”ti āhamsu. Satthā

tato paṭṭhāya nimantetuṃ āgate “gantvā brāhmaṇassa āroceyyāthā”ti pesesi. Te gantvā “mayam svātanāya Satthāraṃ nimantemā”ti brāhmaṇam vadanti. Brāhmaṇo punadivase attano gehato bhattachājanasūpeyyabhājanāni ādāya Satthu nisīdanatṭhānam gacchati. Aññatra pana nimantane asati Satthā brāhmaṇasseva gehe bhattachiccam karoti. Te ubhopi attano deyyadhammam niccakālam Tathāgatassa dentā dhammakatham suṇantā anāgāmiphalam pāpuṇimsu.

Bhikkhū dhammasabhāyam katham samuṭṭhāpesuṃ “āvuso brāhmaṇo ‘Tathāgatassa Suddhodano pitā, Mahāmāyā mātā’ti jānāti, jānantova saddhim brāhmaṇiyā Tathāgataṃ ‘amhākaṃ putto’ti vadati, Satthāpi tatheva adhivāseti. Kim nu kho kāraṇaṃ”ti. Satthā tesam katham sutvā “bhikkhave ubhopi te attano puttameva puttoti vadantī”ti vatvā atītam āhari.

Atīte bhikkhave ayam brāhmaṇo nirantaram pañca jātisatāni mayham pitā ahoṣi, pañca jātisatāni cūlapitā, pañca jātisatāni mahāpitā. Sāpi me brāhmaṇi nirantameva pañca jātisatāni mātā ahoṣi, pañca jātisatāni cūlamātā, pañca jātisatāni mahāmātā. Evāham diyaḍḍhajātisahassam brāhmaṇassa hatthe samvaḍḍho, diyaḍḍhajātisahassam brāhmaṇiyā hattheti tīṇi jātisahassāni tesam puttabhāvam dassetvā imā gāthā abhāsi—

“Yasmim mano nivisati, cittañcāpi pasīdati.

Adiṭṭhapubbake pose, kāmam tasmimpi vissase¹.

Pubbeva sannivāsenā, paccuppannahitena vā.

Evam tam jāyate pemaṃ, uppalamva yathodake”ti².

Satthā temāsameva tam kulam nissāya vihāsi. Te ubhopi arahattam sacchikatvā parinibbāyimsu. Atha nesam mahāsakkāram katvā ubhopi ekakūṭāgārameva āropetvā niharimsu. Satthāpi pañcasatabhikkhuparivāro tehi saddhimyeva ālāhanam agamāsi. “Buddhānam kira mātāpitaro”ti mahājano nikkhami. Satthāpi ālāhanasamīpe ekam

1. Khu 5. 16 piṭṭhe.

2. Khu 5. 66 piṭṭhe Jātake.

sālaṃ pavisitvā aṭṭhāsi. Manussā Satthāraṃ vanditvā ekamante ṭhatvā
 “bhante ‘mātāpitaro vo kālakatā’ti mā cintayitthā”ti Satthārā saddhim
 paṭisanthāraṃ karonti. Satthā te “mā evaṃ avacutthā”ti appaṭikkhipitvā
 parisāya āsayāṃ oloketvā taṅkhaṇānurūpaṃ dhammaṃ desento—

“Appaṃ vata jīvitāṃ idaṃ,
 Oraṃ vassasatāpi miyyati.
 Yo cepi aticca jīvati,
 Atha so jarasāpi miyyatī”ti¹—

Idaṃ **Jarāsuttam** kathesi. Desanāvasāne caturāsītiyā pāṇasahassānaṃ
 dhammābhisamayo ahosi. Bhikkhūbrāhmaṇassa ca brāhmaṇiyā ca
 parinibbutabhāvaṃ ajānantā “bhante tesāṃ ko abhisamparāyo”ti pucchimsu.
 Satthā “bhikkhave evarūpānaṃ asekkhamunīnaṃ abhisamparāyo nāma natthi.
 Evarūpā hi accutaṃ amataṃ mahānibbānameva pāpuṇantī”ti vatvā imaṃ
 gāthamāha—

225. “Ahimsakā ye munayo, niccaṃ kāyena saṃvutā.

Te yanti accutaṃ ṭhānaṃ, yattha gantvā na socare”ti.

Tattha **munayoti** moneyyapaṭipadāya maggaphalapattā asekkhamunayo.
Kāyenāti desanāmetamevetāṃ, tīhipi dvārehi susaṃvutāti attho. **Accutanti**
 sassataṃ. **Ṭhānanti** akuppaṭṭhānaṃ dhuvaṭṭhānaṃ. **Yatthāti** yasmim nibbāne
 gantvā na socare na socanti na vihaññanti, taṃ ṭhānaṃ gacchantīti attho.

Desanāvasāne bahū sotāpattiphalādīni pāpuṇimsūti.

Buddhapitubrahmaṇavatthu pañcamāṃ.

6. Puṇṇadāsīvattu

Sadā jāgaramānānanti imaṃ dhammadesanaṃ Satthā Gijjhakūṭe
 viharanto Puṇṇaṃ nāma Rājagahaseṭṭhino dāsīm ārabha kathesi.

1. Khu 1. 405; Khu 7. 90 piṭṭhesu.

Tassā kira ekadivasam koṭṭanattḥāya bahuvīhim adamsu. Sā rattimpi dīpaṃ jāletvā vīhim koṭṭentī vissamanattḥāya sedatintena gattena bahivāte aṭṭhāsi. Tasmim samaye Dabbo Mallaputto bhikkhūnaṃ senāsanapaññāpako ahosi. So dhammassavanaṃ sutvā attano attano senāsanam gacchantānaṃ bhikkhūnaṃ aṅgulim jāletvā purato purato maggadesanattḥāya gacchanto bhikkhūnaṃ ālokaṃ nimmini. Puṇṇā tenālokena pabbate¹ vicarante bhikkhū disvā “ahaṃ tāva attano dukkhena upaddutā imāyapi velāya niddaṃ na upemi, bhaddantā kim kāraṇā na niddāyanti”ti cintevā “addhā kassaci bhikkhuno aphāsukaṃ vā bhavissati, dīghajātikena vā upaddavo bhavissati”ti saññaṃ katvā pātova kuṇḍakaṃ ādāya udakena temetvā hatthatale pūvaṃ katvā aṅgāresu pacitvā ucchaṅge katvā titthamagge khādissāmiti ghaṭaṃ ādāya titthābhimukhī pāyāsi. Satthāpi gāmaṃ piṇḍāya pavisitum tameva maggaṃ paṭipajji.

Sā Satthāraṃ disvā cintesi “aññesu divasesu Satthari diṭṭhepi mama deyyadhammo na hoti, deyyadhamme sati Satthāraṃ na passāmi, idāni me deyyadhammo ca atthi, Satthā ca sammukhībhūto. Sace lūkhaṃ vā paṇītaṃ vāti acintevā gaṇheyya, dadeyyāhaṃ imaṃ pūvaṃ”ti ghaṭaṃ ekamante nikkhipitvā Satthāraṃ vanditvā “bhante imaṃ lūkhaṃ dānaṃ paṭiggaṇhantā mama saṅghaṃ karothā”ti āha. Satthā Ānandattheraṃ oloketvā tena nīharitvā dinnam mahārājadattiyam pattam upanāmetvā pūvaṃ gaṇhi. Puṇṇāpi tam Satthu patte patiṭṭhapetvāva pañcapatiṭṭhitena vanditvā “bhante tumhehi diṭṭhadhammoyeva me samijjhatū”ti āha. Satthā “evaṃ hotū”ti ṭhitakova anumodanaṃ akāsi.

Puṇṇāpi cintesi “kiñcāpi me Satthā saṅghaṃ karonto pūvaṃ gaṇhi, na panidaṃ khādissati. Addhā purato kākassa vā sunakhassa vā datvā rañño vā rājaputtassa vā gehaṃ gantvā paṇītabhojanaṃ bhuñjissati”ti. Satthāpi “kim nu kho esā cintesi”ti² tassā cittācāraṃ ñatvā Ānandattheraṃ oloketvā nisīdanākāraṃ dassesi. Thero cīvaraṃ paññāpetvā adāsi. Satthā bahinagareyeva nisīditvā bhattakiccaṃ akāsi. Devatā sakalacakkavāḷagabbhe devamanussānaṃ upakappanaṃ ojaṃ madhupaṭalaṃ viya

1. Sabbete (Ka)

2. Satthāpi nu kho evamesā cintesīti (Si)

pīletvā tattha pakkhipim̄su. Puṇṇā ca oloketī aṭṭhāsi. Bhattakiccāvasāne thero udakaṃ adāsi. Satthā katabhattakicco Puṇṇaṃ āmantetvā “kasmā tvaṃ Puṇṇe mama sāvake paribhavasī”ti āha. Na paribhavāmi bhanteti. Atha tayā mama sāvake oloketvā kiṃ kathitanti. “Ahaṃ tāva iminā dukkhupaddavena niddaṃ na upemi, bhaddantā kimatthaṃ niddaṃ na upenti, addhā kassaci aphāsukaṃ vā bhavissati, dīghajātikena vā upaddavo bhavissati”ti ettakaṃ mayā bhante cintitanti. Satthā tassā vacanaṃ sutvā “Puṇṇe tvaṃ na tāva dukkhupaddavena niddāyasi, mama sāvakā sadā jāgariyamanuyuttatāya na niddāyanti”ti vatvā imaṃ gāthamāha—

226. “Sadā jāgaramānānaṃ, ahorattānusikkhinaṃ.

Nibbānaṃ adhimuttānaṃ, atthaṃ gacchanti āsavā”ti.

Tattha **ahorattānusikkhinanti** divā ca rattiṃ ca tisso sikkhā sikkhamānānaṃ. Nibbānaṃ **adhimuttānanti** nibbānajjhāsayaṇaṃ. **Atthaṃ gacchantī**ti evarūpānaṃ sabbepi āsavā atthaṃ vināsaṃ natthibhāvaṃ gacchantīti attho.

Desanāvasāne yathāḥitā Puṇṇā sotāpattiphale patiṭṭhahi, sampattaparisāyapi sātthikā dhammadesanā ahoṣīti.

Satthā kuṇḍaka-aṅgārapūvena bhattakiccaṃ katvā vihāraṃ agamāsi. Bhikkhū dhammasabhāyaṃ kathaṃ samuṭṭhāpesuṃ “dukkaraṃ āvuso Sammāsambuddhena kataṃ Puṇṇāya dinnena kuṇḍaka-aṅgārapūvena bhattakiccaṃ karontenā”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave idāneva, pubbepi mayā imāya dinnakuṇḍakaṃ paribhuttamevā”ti vatvā atītaṃ āharitvā—

“Bhutvā tiṇaparighāsaṃ, bhutvā ācāmaṃ kuṇḍakaṃ.

Etaṃ te bhojanaṃ āsi, kasmā dāni na bhuñjasi.

Yattha posāṃ na jānanti, jātiyā vinayena vā.

Bahuṃ tattha mahābrahme, api ācāmaṃ kuṇḍakaṃ.

Tvañca kho mañ pajānāsi, yādisāyañ hayuttamo.
Jānanto jānamāgamma, na te bhakkhāmi kuṇḍakan”ti¹—

Imaṃ **Kuṇḍakasindhavapotakajātakam** vitthāretvā kathesi.

Puṇṇadāsīvatthu chaṭṭham.

7. Atula-upāsakavatthu

Porāṇametanti imaṃ dhammadesanaṃ Satthā Jetavane viharanto
Atulaṃ nāma upāsakaṃ ārabha kathesi.

So hi Sāvattvivāsī upāsako pañcasata-upāsakaparivāro ekadivasam te
upāsake ādāya dhammassavanatthāya vihāraṃ gantvā Revatattherassa
santike dhammaṃ sotukāmo hutvā Revatattheraṃ vanditvā nisīdi. So
panāyasmā paṭisallānārāmo sīho viya ekacāro, tasmā tena saddhiṃ na kiñci
kathesi. So “ayaṃ thero na kiñci kathesi”ti kuddho utthāya
Sāriputtattherassa santikaṃ gantvā ekamantaṃ ṭhito therena “kenatthena
āgatatthā”ti vutte “ahaṃ bhante ime upāsake ādāya dhammassavanatthāya
Revatattheraṃ upasaṅkamim, tassa me thero na kiñci kathesi, svāhaṃ tassa
kujjhivā idhāgato, dhammaṃ me kathethā”ti āha. Atha thero “tena hi
upāsakā nisīdathā”ti vatvā bahukaṃ katvā abhidhammakathaṃ kathesi.
Upāsakopi “abhidhammakathā nāma atisaṅhā, thero bahum
abhidhammameva kathesi, amhākaṃ iminā ko attho”ti kujjhivā parisam
ādāya Ānandattherassa santikaṃ agamāsi.

Therenāpi “kiṃ upāsakā”ti vutte “bhante mayaṃ dhammassavanatthāya
Revatattheraṃ upasaṅkamimhā, tassa santike ālāpasallāpamattampi
alabhitvā kuddhā Sāriputtattherassa santikaṃ agamimhā, sopi no atisaṅhaṃ
bahum abhidhammameva kathesi, ‘iminā amhākaṃ ko attho’ti etassāpi
kujjhivā idhāgamimhā, kathehi no bhante dhammakathan”ti. Tena hi
nisīditvā suṇāthāti thero tesam suviññeyyaṃ katvā

1. Khu 5. 72 piṭṭhe.

appakameva dhammaṃ kathesi. Te therassapi kujjhitvā Satthu santikaṃ gantvā vanditvā ekamantaṃ nisīdimsu, atha ne Satthā āha “kasmā upāsakā āgatatthā”ti. Dhammassavanāya bhanteti. Suto pana vo dhammoti. Bhante mayam ādito Revatattheram upasaṅkamimhā, so amhehi saddhim na kiñci kathesi, tassa kujjhitvā Sāriputtattheram upasaṅkamimhā, tena no bahu abhidhammo kathito, tam asallakkhetvā kujjhitvā Ānandattheram upasaṅkamimhā, tena no appamattakova dhammo kathito, tassapi kujjhitvā idhāgatamhāti.

Satthā tassa kathaṃ sutvā “atula¹ porāṇato paṭṭhāya āciṇṇamevetam, tuṅhībhūtampi bahukathampi mandakathampi garahantiyeva. Ekantaṃ garahitabboyeva vā hi pasamsitabboyeva vā natthi. Rājānopi ekacce nindanti, ekacce pasamsanti. Mahāpathavimpi candimasūriyepi ākāsādayopi catuparisamajjhe nisīditvā dhammaṃ kathentampi Sammāsambuddham ekacce garahanti, ekacce pasamsanti. Andhabālānañhi nindā vā pasamsā vā appamāṇā, paṇḍitena pana medhāvinā nindito nindito nāma, pasamsito ca pasamsito nāma hotī”ti vatvā imā gāthā abhāsi—

227. “Porāṇametaṃ atula, netam ajjatanāmiva.

Nindanti tuṅhimāsīnam, nindanti bahubhāṇīnam.

Mitabhāṇimpi nindanti, natthi loke anindito.

228. Na cāhu na ca bhavissati, na cetarahi vijjati.

Ekantaṃ nindito poso, ekantaṃ vā pasamsito.

229. Yam ce viññū pasamsanti, anuvicca suve suve.

Acchiddavuttim medhāvim, paññāsīlasamāhitam.

230. Nikkham² jambonadasseva, ko tam ninditumarahati.

Devāpi nam pasamsanti, brahmunāpi pasamsito”ti.

Tattha **porāṇametanti** purāṇakaṃ etaṃ. **Atulā**ti tam upāsakaṃ nāmena ālapati. **Netam ajjatanāmivā**ti idam nindanam vā pasamsanam vā

1. Atulālam (Sī)

2. Nekkham (Sī)

ajjatanam̐ adhunā uppannam̐ viya na hoti. **Tuṇhimāsīnanti** kim̐ eso mūgo viya badhiro viya kiñci ajānanto viya tuṇhī hutvā nisinnoti nindanti.

Bahubhāṇanti kim̐ esa vātāhatatālapaṇṇam̐ viya taṭataṭāyati, imassa kathāpariyantoyeva natthīti nindanti. **Mitabhāṇimpīti** kim̐ esa suvaṇṇahiraññam̐ viya attano vacanam̐ maññamāno ekam̐ vā dve vā vatvā tuṇhī ahosīti nindanti. Evaṃ sabbathāpi imasmim̐ loke anindito nāma natthīti attho. **Na cāhūti** atītepi nāhosi, anāgatepi na bhavissati.

Yaṃ ce viññūti bālānam̐ nindā vā pasamsā vā appamaṇā, yaṃ pana paṇḍitā divase divase anuvicca nindakāraṇam̐ vā pasamsakāraṇam̐ vā jānitvā pasamsanti, acchiddāya vā sikkhāya acchiddāya vā jīvitavuttiyā samannāgatattā acchiddavuttim̐ dhammojapaññāya samannāgatattā medhāvim̐ lokiyalokuttarapaññāya ceva catupārisuddhisīlena ca samannāgatattā paññāsīlasamāhitam̐ pasamsanti, tam̐ suvaṇṇadosavirahitam̐ ghaṭṭanamajjanakkhamam̐ jambonadanikkham̐ viya ko ninditurarahatīti attho. **Devāpīti** devatāpi paṇḍitamanussāpi tam̐ bhikkhum̐ upaṭṭhāya¹ thomenti pasamsanti. **Brahmunāpīti** na kevalam̐ devamanussehi, dasasahassacakkavāle mahābrahmunāpi esa pasamsitoyevāti attho.

Desanāvasāne pañcasatāpi upāsakā sotāpattiphale patiṭṭhahimsūti.

Atula-upāsakavatthu sattamanam̐.

8. Chabbaggiyavatthu

Kāyappakopanti imam̐ dhammadesanam̐ Sathā Veḷuvane viharanto chabbaggiye bhikkhū ārabha kathesi.

Ekadivasam̐ hi Sathā Veḷuvane viharanto tesam̐ chabbaggiyānam̐ ubhohi hatthehi yaṭṭhiyo gahetvā kaṭṭhapādukā āruyha piṭṭhipāsāne caṅkamantānam̐ khaṭakhaṭātisaddam̐² sutvā “Ānanda kim̐ saddo nāmeso”ti

1. Uṭṭhāya (Syā)

2. Khaṭakhaṭāyasaddam̐ (Sī)

pucchitvā “chabbaggiyānaṃ pādukā āruyha caṅkamantānaṃ khaṭakhaṭasaddo”¹ti¹ sutvā sikkhāpadaṃ paññāpetvā “bhikkhunā nāma kāyādīni rakkhituṃ vaṭṭati”²ti vatvā dhammaṃ desento imā gāthā abhāsi—

231. “Kāyappakopaṃ rakkheyya, kāyena saṃvuto siyā.
Kāyaduccaritaṃ hitvā, kāyena sucaritaṃ care.
232. Vacīpakopaṃ rakkheyya, vācāya saṃvuto siyā.
Vacīduccaritaṃ hitvā, vācāya sucaritaṃ care.
233. Manopakopaṃ rakkheyya, manasā saṃvuto siyā.
Manoduccaritaṃ hitvā, manasā sucaritaṃ care.
234. Kāyena saṃvutā dhīrā, atho vācāya saṃvutā.
Manasā saṃvutā dhīrā, te ve suparisānvutā”³ti.

Tattha **kāyappakopanti** ti vidhaṃ kāyaduccaritaṃ rakkheyya. **Kāyena saṃvutoti** kāyadvāre² duccharitapavesanaṃ nivāretvā saṃvuto pihitadvāro siyā. Yasmā pana kāyaduccaritaṃ hitvā kāyasucaritaṃ caranto ubhayampetaṃ karoti, tasmā **kāyaduccaritaṃ hitvā, kāyena sucaritaṃ careti** vuttaṃ. Anantaragāthāsūpi eseva nayo. **Kāyena saṃvutā dhīrāti** ye paṇḍitā pāṇātipātādīni akarontā kāyena, musāvādādīni akarontā vācāya, abhijjhādīni asamuṭṭhapentā manasā saṃvutā, te idha lokasmiṃ susānvutā surakkhitā sugopitā supihitadvārāti attho.

Desanāvasāne bahū sotāpattiphalādīni pāpuṇimsūti.

Chabbaggiyavatthu aṭṭhamāṃ.

Kodhavaggavaṇṇanā niṭṭhitā.

Sattarasamo vaggo.

1. Khaṭakhaṭāyasaddoti (Sī)

2. Kāyadvārena (Sī)

18. Malavagga

1. Goghātakaputtavattu

Paṇḍupalāsova dānisīti imam dhammadesanam Satthā Jetavane viharanto ekaṃ goghātakaputtam ārabha kathesi.

Sāvattiyam kireko goghātako gāvo vadhitvā varamamsāni gahetvā pacāpetvā puttadārehi saddhim nisīditvā maṃsaṃca khādati, mūlena ca vikkiṇitvā jīvikam kappesi. So evam pañcapaṇṇāsa vassāni goghātakakammaṃ karonto dhuravihāre viharantassa Satthu ekadivasampi kaṭacchumattampi yāgum vā bhattam vā na adāsi. So ca vinā maṃsena bhattam na bhuñjati. So ekadivasam divasabhāge maṃsam vikkiṇitvā attano atthāya pacitum ekaṃ maṃsakhaṇḍam bhariyāya datvā nhāyitum agamāsi. Athassa sahāyako geham gantvā bhariyam āha “thokam me vikkiṇiyamaṃsam dehi, geham me pāhunako¹ āgato”ti. Natthi vikkiṇiyamaṃsam, sahāyako te maṃsam vikkiṇitvā idāni nhāyitum gatoti. Mā evam kari, sace maṃsakhaṇḍam atthi, dehīti. Sahāyakassa te nikkhattamaṃsam ṭhapetvā aññam natthīti. So “sahāyakassa me atthāya ṭhapitamaṃsato aññam maṃsam natthi, so ca vinā maṃsena na bhuñjati, nāyam dassatī”ti sāmānyeva tam maṃsam gahetvā pakkāmi.

Goghātakopi nhatvā āgato tāya attano pakkapaṇṇena saddhim vadḍhetvā bhatte upanīte āha “kham maṃsan”ti. Natthi sāmīti. Nanu aham pacanathāya maṃsam² datvā gatoti. Tava sahāyako āgantvā “pāhunako¹ me āgato, vikkiṇiyamaṃsam dehi”ti vatvā mayā “sahāyakassa te ṭhapitamaṃsato aññam maṃsam natthi, so ca vinā maṃsena na bhuñjati”ti vuttepi balakkārena tam maṃsam sāmānyeva gahetvā gatoti. Aham vinā maṃsena bhattam na bhuñjāmi, harāhi nanti. Kim sakkā katum, bhuñja sāmīti. So “nāham bhuñjāmī”ti tam bhattam harāpetvā Sattham ādāya pacchāgehe ṭhito goṇo atthi, tassa santikam gantvā mukhe hattham pakkhipitvā jivham nīharitvā Satthena

1. Pahenako (Sī)

2. Sayam (Ka)

mūle chinditvā ādāya gantvā aṅgāresu pacāpetvā bhattamatthake ṭhapetvā nisinno ekaṃ bhattapiṇḍaṃ bhuñjitvā ekaṃ maṃsakaṇḍaṃ mukhe ṭhapesi. Taṅkhaṇaṅṅevassa jivhā chijjitvā bhattapātiyaṃ pati. Taṅkhaṇaṅṅeva kammasarikkhakam vipākam labhi. Sopi kho goṇo viya lohitadhārāya mukhato paggharantiyā antogeham pavisitvā jaṇṇukehi vicaranto viravi.

Tasmim samaye goghātakassa putto pitaram olokento samipe ṭhito hoti. Atha nam mātā āha “passa putta imam goghātakam goṇam viya gehamajjhe jaṇṇukehi vicarivā viravantam, idam dukkham tava matthake patissati, mamampi anoloketvā attano sottim karonto palāyassū”ti. So maraṇabhayatajjito mātaram vanditvā palāyi, palāyivā ca pana Takkasilam agamāsi. Goghātakopi goṇo viya gehamajjhe viravanto vicarivā kālakato Avīcimhi nibbatti. Goṇopi kalamakāsi. Goghātakaputtopi Takkasilam gantvā suvaṇṇakāramam uggaṇhi. Athassācariyo gāmam gacchanto “evarūpam nāma alaṅkāram kareyyāsi”ti vatvā pakkāmi. Sopi tathārūpam alaṅkāram akāsi. Athassācariyo āgantvā alaṅkāram disvā “ayam yattha katthaci gantvā jivitum samattho”ti vayappattam attano dhītaram adāsi. So puttadhītāhi vaḍḍhi.

Athassa puttā vayappattā sippam uggaṇhitvā aparabhāge Sāvattiyam gantvā tattha gharāvāsam saṅghapetvā vasantā saddhā pasannā ahesum. Pitāpi nesam Takkasilāyam kiñci kusalam akatvāva jaram pāpuṇi. Athassa puttā “pitā no mahallako”ti attano santikam pakkosāpetvā “pitu atthāya dānam dassāmā”ti Buddhappamukham bhikkhusamgham nimantayimsu. Te punadivase antogeha Buddhappamukham bhikkhusamgham nisīdāpetvā sakkaccam parivisitvā bhattakiccāvasāne Sathhāram āhamso “bhante amhehi idam pitu jivabhattam dinnam, pitu no anumodanam karothā”ti. Sathhā tam āmantetvā “upāsaka tvam mahallako paripakkasarīro paṇḍupalāsasadiso, tava paralokagamanāya kusalapātheyyam natthi, attano patiṭṭham karohi, paṇḍito bhava, mā bālo”ti anumodanam karonto imā dve gāthā abhāsi—

235. “Paṇḍupalāsova dānisi,
 Yamapurisāpi ca te upaṭṭhitā.
 Uyyogamukhe ca tiṭṭhasi,
 Pātheyyampi ca te na vijjati.

236. So karohi dīpamattano,
 Khippaṃ vāyama paṇḍito bhava.
 Niddhantamalo anaṅgaṇo,
 Dibbaṃ ariyabhūmiṃ upehisī”ti¹.

Tattha **paṇḍupalāsova dānisī**ti upāsaka tvaṃ idāni chijjivā bhūmiyaṃ patitapaṇḍupalāso viya ahoṣi. **Yamapurisā**ti yamadūtā vuccanti, idaṃ pana maraṇameva sandhāya vuttaṃ, maraṇaṃ te paccupaṭṭhitanti attho. **Uyyogamukheti** parihānimukhe, avuḍḍhimukhe ca ṭhitosīti attho. **Pātheyyanti** gamikassa taṇḍulādipātheyyaṃ viya paralokaṃ gacchantassa tava kusalapātheyyampi natthīti attho. **So karohī**ti so tvaṃ samudde nāvāya bhinnāya dīpasankhātāṃ patiṭṭhaṃ viya attano kusalapatiṭṭhaṃ karohi. Karonto ca khippaṃ vāyama, sīghaṃ sīghaṃ vīriyaṃ ārabha, attano kusalakammapatiṭṭhakarāṇena paṇḍito bhava. Yo hi maraṇamukhaṃ appatvā kātuṃ samatthakāleva kusalaṃ karoti, esa paṇḍito nāma, tādiso bhava, mā andhabālota attho. **Dibbaṃ ariyabhūminta** evaṃ vīriyaṃ karonto rāgādīnaṃ malānaṃ nīhaṭatāya niddhantamalo aṅgaṇābhāvena anaṅgaṇo nikkilesa hutvā pañcavidhaṃ suddhāvāsabhūmiṃ pāpuṇissasīti attho.

Desanāvasāne upāsako sotāpattiṭṭhale patiṭṭhahi, sampattānampi sātthikā dhammadesanā ahoṣīti.

Te punadivasatthāyapi Sattthāraṃ nimantetvā dānaṃ datvā katabhattakiccaṃ Sattthāraṃ anumodanakāle āhaṃsu “bhante idampi amhākaṃ pitu jīvabhattameva, imasseva anumodanaṃ karoṭhā”ti. Sattthā tassa anumodanaṃ karonto imā dve gāthā abhāsi—

1. Ariyabhūmimchisīti (Sī, Syā)

237. “Upanītavayo ca dānisi.

Sampayātosī yamassa santikaṃ¹.

Vāso² te natthi antarā,

Pātheyyampi ca te na vijjati.

238. So karohi dīpamattano,

Khippaṃ vāyama paṇḍito bhava.

Niddhantamalo anaṅgaṇo,

Na puna jātijaraṃ upehisi³ti.

Tattha **upanītavayoti upā**tinipātamattam, **nītavayoti** vigatavayo³ atikkantavayo, tvañcasi dāni tayo vaye atikkamivā maraṇamukhe ṭhitoti attho. **Sampayātosī yamassa santikanti** maraṇamukhaṃ gantum sajjō⁴ hutvā ṭhitosīti attho. **Vāso te natthi antarā**ti yathā maggaṃ gacchantā tāni tāni kiccāni karontā antarāmagge vasanti, na evaṃ paralokaṃ gacchantā. Na hi sakkā paralokaṃ gacchantena “adhivāsetha katipāhaṃ, dānaṃ tāva demi, dhammaṃ tāva suṇāmi”ti-ādīni vattum. Ito pana cavitvā paraloke nibbattova hoti. Imamatthaṃ sandhāyetaṃ vuttam. **Pātheyyanti** idaṃ kiñcāpi heṭṭhā vuttameva, upāsakassa pana punappunaṃ dalhīkaraṇatthaṃ idhāpi Satthārā kathitaṃ. **Jātijaranti** ettha byādhimaraṇānīpi gahitāneva honti. Heṭṭhimagāthāhi ca anāgāmi maggo kathito, idha arahattamaggo kathito. Evaṃ santēpi yathā nāma rañṇā attano mukhapamaṇeṇa kabaḷaṃ vaḍḍhetvā puttassa upanīte so kumāro attano mukhapamaṇeṇeṇa gaṇhāti, evameva Satthārā uparimaggasena dhamme desitepi upāsako attano upanissayavasena heṭṭhā sotāpattiphalaṃ patvā imissā anumodanāya avasāne anāgāmi phalaṃ patto. Sesaparisiyāyapi sātthikā dhammadesanā ahoṣīti.

Goghātakaputtavattu paṭhamaṃ.

1. Santike (Ka)

3. Nītavayo gatavayo (Sī, Syā)

2. Vāsopi ca (Sī, Syā, Ka)

4. Sajjito (Sī)

2. Aññatarabrāhmaṇavatthu

Anupubbenāti imaṃ dhammadesanaṃ Satthā Jetavane viharanto aññatarabrāhmaṇaṃ ārabha kathesi.

So kira ekadivasaṃ pātova nikkhamitvā bhikkhūnaṃ cīvarapārūpanaṭṭhāne bhikkhū cīvaraṃ pārūpante olokeno aṭṭhāsi. Taṃ pana ṭhānaṃ virūḷhataṇaṃ hoti. Athekassa bhikkhuno cīvaraṃ pārūpantassa cīvarakaṇṇo tiṇesu pavaṭṭento ussāvabindūhi temi. Brāhmaṇo “imaṃ ṭhānaṃ appaharitaṃ kātuṃ vaṭṭatī”ti punadivase kuddālaṃ ādāya gantvā taṃ ṭhānaṃ tacchetvā khalamaṇḍalasadisaṃ akāsi. Punadivasepi taṃ ṭhānaṃ āgantvā bhikkhūsu cīvaraṃ pārūpantesu ekassa cīvarakaṇṇaṃ bhūmiyaṃ patitvā paṃsumhi pavaṭṭamaṇaṃ disvā “idha vālukaṃ okirituṃ vaṭṭatī”ti cintetvā vālukaṃ āharitvā okiri.

Athekadivasaṃ purebhattaṃ caṇḍo ātapo ahoṣi, tadāpi bhikkhūnaṃ cīvaraṃ pārūpantānaṃ gattato sede muccante disvā “idha mayā maṇḍapaṃ kāretuṃ vaṭṭatī”ti cintetvā maṇḍapaṃ kāresi. Punadivase pātova vassaṃ vassi, vaddalikaṃ ahoṣi. Tadāpi brāhmaṇo bhikkhū oloketova ṭhito tintacīvarake bhikkhū disvā “ettha mayā sālaṃ kāretuṃ vaṭṭatī”ti sālaṃ kāretvā “idāni sālamahaṃ karissāmi”ti cintetvā Buddhappamukhaṃ bhikkhusaṃghaṃ nimantetvā anto ca bahi ca bhikkhū nisidāpetvā bhattakiccāvasāne anumodanattāya Satthu pattaṃ gahetvā “bhante ahaṃ bhikkhūnaṃ cīvarapārūpanakāle imasmiṃ ṭhāne olokeno ṭhito idañcidaṇca disvā idañcidaṇca kāresin”ti-ādito paṭṭhāya sabbaṃ taṃ pavattim ārocesi. Satthā tassa vacanaṃ sutvā “brāhmaṇa paṇḍitā nāma khaṇe khaṇe thokaṃ thokaṃ kusalaṃ karontā anupubbena attano akusalamaṇaṃ nīharantiyevā”ti vatvā imaṃ gāthamāha—

239. “Anupubbena medhāvī, thokaṃ thokaṃ khaṇe khaṇe.

Kammāro rajatasseva, niddhame malamattano”ti.

Tattha **anupubbenā**ti anupaṭipāṭiyā. **Medhāvī**ti dhammojapaññāya samannāgato. **Khaṇe khaṇeti** okāse okāse kusalaṃ karonto, **Kammāro rajatassevā**ti yathā suvaṇṇakāro ekavārameva suvaṇṇaṃ tāpetvā keṭṭetvā malaṃ nīharitvā pīlandhanavikatiṃ kātuṃ na

sakkoti, punappunam tāpento koṭṭento pana malam niharati, tato anekavidham pilandhanavikatiṃ karoti, evameva punappunam kusalam karonto paṇḍito attano rāgādimalam niddhameyya, evam niddhantamalo nikkilesova hotīti attho.

Desanāvasāne brāhmaṇo sotāpattiphale patiṭṭhahi, mahājanassāpi sātthikā dhammadesanā ahoṣīti.

Aññatarabrāhmaṇavatthu dutiyam.

3. Tissattheravatthu

Ayasāva malanti imam dhammadesanam Satthā Jetavane viharanto Tissattheram nāma bhikkhum ārabha kathesi.

Eko kira Sāvattvivāsī kulaputto pabbajitvā laddhūpasampado Tissattheroti paññāyi. So aparabhāge janapadavihāre vassūpagato aṭṭhahatthakam thūlasātakam labhitvā vutthavasso pavāretvā tam ādāya gantvā bhaginiyā hatthe ṭhapesi. Sā “na me eso sāṭako bhātu anucchaviko”ti tam tikhiṇāya vāsiyā chinditvā hīrahīram katvā udukkhale koṭṭetvā pavisetvā¹ pothetvā vaṭṭetvā sukhumasuttam kantitvā sāṭakam vāyāpesi. Theropi suttañceva sūciyo ca samvidahitvā cīvarakārake daharasāmaṇere sannipātetvā bhaginiyā santikam gantvā “tam me sāṭakam detha, cīvaram kāressāmi”ti āha. Sā navahattham sāṭakam nīharitvā kaniṭṭhabhātikassa hatthe ṭhapesi. So tam gahetvā vitthāretvā² oloketvā “mama sāṭako thūlo aṭṭhahattho, ayam sukhumo navahattho. Nāyam mama sāṭako, tumhākam esa, na me iminā attho, tameva me dethā”ti āha. Bhante tumhākameva eso, gaṇhatha nanti. So neva icchi. Athassa attanā katakiccam sabbam ārocetvā “bhante tumhākamevesa, gaṇhatha nan”ti adāsi. So tam ādāya vihāram gantvā cīvarakammam paṭṭhapesi.

1. Piñchetvā (Sī), vijātetvā (Syā)

2. Vicāretvā (Syā)

Athassa bhaginī cīvarakārānaṃ atthāya yāgubhattādīni sampādesi. Cīvarassa niṭṭhitadivase pana atirekasakkāraṃ kāresi. So cīvaraṃ oloketvā tasmim̄ uppannasineho “sve dāni naṃ pārupissāmi”ti samharitvā cīvaravaṃse ṭhapetvā taṃ rattim̄ bhuttāhāraṃ jirāpetum̄ asakkonto kālaṃ katvā tasmim̄yeva cīcare ūkā hutvā nibbatti. Bhaginīpissa kālakiriyaṃ sutvā bhikkhūnaṃ pādesu pavattamānā rodī. Bhikkhū tassa sarīrakiccaṃ katvā gilānupaṭṭhākassa abhāvena saṃghasseva taṃ pāpuṇāti. “Bhājessāma naṃ”ti taṃ cīvaraṃ nīharāpesum̄. Sā ūkā “ime mama santakaṃ vilumpantī”ti viravantī ito cito ca sandhāvi. Satthā Gandhakuṭiyaṃ nisinnova dibbāya sotadhātuyā taṃ saddaṃ sutvā “Ānanda Tissassa cīvaraṃ abhājetvā sattāhaṃ nikkhipitum̄ vadehī”ti āha. Thero tathā kāresi. Sāpi sattame divase kālaṃ katvā Tusitavimāne nibbatti. Satthā “aṭṭhame divase Tissassa cīvaraṃ bhājetvā gaṇhathā”ti¹ āṇāpesi. Bhikkhū tathā karimsu.

Bhikkhū dhammasabhāyaṃ kathaṃ samuṭṭhāpesum̄ “kasmā nu kho Satthā Tissassa cīvaraṃ satta divase ṭhapāpetvā aṭṭhame divase gaṇhitum̄ anujānī”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “bhikkhave Tisso attano cīvare ūkā hutvā nibbatto, tumhehi tasmim̄ bhājijyamāne ‘ime mama santakaṃ vilumpantī’ti viravantī ito cito ca dhāvi. Sā tumhehi cīvare gayhamāne tumhesu manaṃ padussitvā niraye nibbatteyya, tena cāhaṃ cīvaraṃ nikkhipāpesim̄. Idāni pana sā Tusitavimāne nibbattā, tena vo mayā cīvaragahaṇaṃ anuññātan”ti vatvā puna tehi “bhāriyā vata ayaṃ bhante taṇhā nāmā”ti vutte “āma bhikkhave imesaṃ sattānaṃ taṇhā nāma bhāriyā. Yathā ayato malaṃ uṭṭhahitvā ayameva khādati vināseti aparibhogaṃ karoti, evamevāyaṃ taṇhā imesaṃ sattānaṃ abbhantare uppajjitvā te satte nirayādīsu nibbattāpeti, vināsaṃ pāpeti”ti vatvā imaṃ gāthamāha—

240. “Ayaṃ malaṃ samuṭṭhitam²,
Tatuṭṭhāya³ tameva khādati.
Evaṃ atidhona cārīnaṃ,
Sāni kammāni nayanti duggatin”ti.

1. Gaṇhantūti (Sī, Syā)

2. Samuṭṭhāya (Syā, Ka)

3. Taduṭṭhāya (Sī, Syā)

Tattha **ayasāvā**ti ayato samuṭṭhitam¹. **Tatuṭṭhāyā**ti tato uṭṭhāya². **Atidhonacārinanti** dhonā vuccati cattāro paccaye “idamattham ete”ti paccavekkhitvā paribhuñjanapaññā, tam atikkamitvā caranto atidhonacārī nāma. Idam vuttam hoti—yathā ayato malam samuṭṭhāya tato samuṭṭhitam tameva khādati, evamevaṃ catupaccaye apaccavekkhitvā paribhuñjantam atidhonacārinam sāni³ kammāni attani ṭhitattā attano santakāneva tāni kammāni duggatim nayantīti.

Desanāvasāne bahū sotāpattiphalādīni pāpuṇimsūti.

Tissattheravatthu tatiyam.

4. Lāludāyittheravatthu

Asajjhāyamalāti imam dhammadesanam Sathā Jetavane viharanto Lāludāyittheram ārabha kathesi.

Sāvattiyam kira pañcakoṭimattā ariyasāvakā vasanti, dve koṭimattā puthujjanā vasanti. Tesu ariyasāvakā purebhattam dānam datvā pacchābhattam sappitelamadhuphāṇitavatthādīni gahetvā vihāram gantvā dhammakatham suṇanti. Dhammam sutvā gamanakāle ca Sāriputtamoggallānānam guṇakatham kathenti. Udāyitthero tesam katham sutvā “etesam tāva dhammam sutvā tumhe evam kathetha, mama dhammakatham sutvā kim nu kho na kathessathā”ti⁴ vadati. Manussā tassa katham sutvā “ayam eko dhammakathiko bhavissati, imassapi amhehi dhammakatham sotum vaṭṭati”ti te ekadivasam theram yācitvā “bhante ajja amhākam dhammassavanadivaso”ti saṃghassa dānam datvā “bhante tumhe amhākam divā dhammakatham katheyyāthā”ti āhamsu. Sopi tesam adhivāsesi.

Tehi dhammassavanavelāya āgantvā “bhante no dhammam kathethā”ti vutte Lāludāyitthero āsane nisīditvā cittabjjanim

1. Samuṭṭhāyāti samuṭṭhahitvā (Syā)

2. Taduṭṭhāyāti tato uṭṭhahitvā (Sī, Syā)

3. Yāni (Sī)

4. Kathessathāti (Syā)

gahetvā cāleno ekampi dhammapadam adisvā “aham sarabhaññaṃ¹ bhaṇissāmi, añño dhammakatham kathetū”ti vatvā otari. Te aññena dhammakatham kathāpetvā sarabhāṇatthāya² puna tam āsanam āropayimsu. So punapi kiñci adisvā “aham rattim kathessāmi, añño sarabhaññaṃ bhaṇatū”ti vatvā āsanā otari. Te aññena sarabhaññaṃ bhaṇāpetvā puna rattim theram ānayimsu³. So rattimpi kiñci adisvā “aham paccūsakāle kathessāmi, rattim añño kathetū”ti vatvā otari. Te aññena rattim kathāpetvā puna paccūse tam ānayimsu. So punapi kiñci nāddasa. Mahājano leḍḍudaṇḍādīni gahetvā “andhabāla tvaṃ Sāriputtamoggallānānam vaṇṇe kathiyamāne evañcevaṇca vadesi, idāni kasmā na kathesi”ti santajjetvā palāyantam anubandhi. So palāyanto ekissā vaccakuṭiyā pati.

Mahājano katham samuṭṭhāpesi “ajja Lāludāyī Sāriputtamoggallānānam guṇakathāya pavattamānāya ussūyanto attano dhammakathikabhāvaṃ pakāsetvā manussehi sakkāram katvā ‘dhammam suṇomā’ti vutte catukkhattum āsane nisīditvā kathetabbayuttakam kiñci apassanto ‘tvaṃ amhākam ayyehi Sāriputtamoggallānattherehi saddhimyugaggāham gaṇhāsī’ti leḍḍudaṇḍādīni gahetvā santajjetvā palāpiyamāno vaccakuṭiyā patito”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave idāneva, pubbepi eso gūthakūpe nimuggoyevā”ti vatvā atītam āharitvā—

“Catuppado aham samma, tvampi samma catuppado.

Ehi samma nivattassu, kim nu bhīto palāyasi.

Asucipūtilomosi, duggandho vāsi sūkara.

Sace yujjhitukāmosi, jayam samma dadāmi te”ti⁴—

Imam **jātakam** vitthāretvā kathesi. Tadā siho Sāriputto ahosi, sūkaro Lāludāyīti. Satthā imam dhammadesanam āharitvā “bhikkhave Lāludāyīnā appamattakova dhammo uggahito, sajjhāyam pana

1. Padabhānam (Sī, Syā)

2. Padabhāṇāya (Sī, Syā)

3. Āropayimsu (Sī)

4. Khu 5. 36 piṭṭhe.

neva akāsi, kiñci pariyattim uggahetvā tassā asajjhāyakaraṇaṃ malamevā”ti vatvā imaṃ gāthamāha—

241. “Asajjhāyamalā mantā, anuṭṭhānamalā gharā.

Malaṃ vaṇṇassa kosajjaṃ, pamādo rakkhato malan”ti.

Tattha **asajjhāyamalā**ti yākāci pariyatti vā sippaṃ vā¹ yasmā asajjhāyantassa ananuyuñjantassa vinassati vā nirantaraṃ vā na upaṭṭhāti, tasmā “asajjhāyamalā mantā”ti vuttaṃ. Yasmā pana gharāvāsaṃ vasantassa uṭṭhāyuṭṭhāya jīṇapaṭisaṅkharanādīni akarontassa gharaṃ nāma vinassati, tasmā “**anuṭṭhānamalā gharā**”ti vuttaṃ. Yasmā gihissa vā pabbajitassa vā kosajjavasena sarīrapaṭijagganaṃ vā parikkhārapaṭijagganaṃ vā akarontassa kāyo dubbaṇṇo hoti, tasmā “**malaṃ vaṇṇassa kosajjan**”ti vuttaṃ. Yasmā gāvo rakkhantassa pamādavasena niddāyantassa vā kīlantassa vā tā gāvo atitthapakkhandanādīnā vā vālamigacorādi-upaddavena vā paresaṃ sālīkhetādīni otaritvā khādanavasena vināsaṃ āpajjanti, sayampi daṇḍaṃ vā paribhāsaṃ vā pāpuṇāti, pabbajitaṃ vā pana cha dvārāni arakkhantaṃ pamādavasena kilesā otaritvā sāsanaṃ cāventi, tasmā “**pamādo rakkhato malan**”ti vuttaṃ. So hissa vināsāvahanena² malaṭṭhāniyattā malanti attho.

Desanāvasāne bahū sotāpattiphalādīni pāpuṇimsūti.

Lāludāyittheravatthu catutthaṃ.

5. Aññatarakulaputtavatthu

Malitthiyā duccharitanti imaṃ dhammadesanaṃ Satthā Veḷuvane viharanto aññataraṃ kulaputtaṃ ārabba kathesi.

Tassa kira samānajātikaṃ kulakumārikaṃ ānesuṃ. Sā ānītadivasato paṭṭhāya aticārinī ahoṣi. So kulaputto tassā aticārena lajjito kassaci sammukhībhāvaṃ upagantuṃ asakkonto

1. Yamkiñci pariyattim vā sippaṃ vā (Sī)

2. Vināsāharaṇena (Syā)

Buddhupaṭṭhānādīni pacchinditvā katipāhaccayena Satthāraṃ upasaṅkamtivā vanditvā ekamantaṃ nisinno “kiṃ upāsaka na dissasī”ti vutte tamattham ārocesi. Atha naṃ Satthā “upāsaka pubbepi mayā ‘itthiyo nāma nadī-ādisadisā, tāsu paṇḍitena kodho na kātabbo’ti vuttaṃ, tvaṃ pana bhavapaṭicchannattā na sallakkhesī”ti vatvā tena yācito—

“Yathā nadī ca pantho ca, pānāgāraṃ sabhā papā.

Evaṃ lokitthiyo nāma, velā tāsāṃ na vijjati”ti¹—

Jātakaṃ vitthāretvā “upāsaka itthiyā hi aticārinibhāvo malaṃ, dānaṃ dentassa maccheraṃ malaṃ, idhalokaparalokesu sattānaṃ akusalakammaṃ vināsanatthena malaṃ, avijjā pana sabbamalānaṃ uttamamalan”ti vatvā imā gāthā abhāsi—

242. “Malitthiyā duccharitaṃ, maccheraṃ dadato malaṃ.

Malā ve pāpakā dhammā, asmim loke paramhi ca.

243. Tato malā malataraṃ, avijjā paramaṃ malaṃ.

Etaṃ malaṃ pahantvāna, nimmalā hotha bhikkhavo”ti.

Tattha **duccaritanti** aticāro. Aticārinim hi itthim sāmikopi gehā nīharati, mātāpitūnaṃ santikaṃ gatampi² “tvaṃ kulassa agāravabhūtā³, akkhīhipi na daṭṭhabbā”ti taṃ nīharanti⁴. Sā anāthā vicarantī mahādukkhaṃ pāpuṇāti. Tenassā duccharitaṃ “malan”ti vuttaṃ. **Dadatoti** dāyakassa. Yassa hi khettakasanakāle “imasim khetto sampanne salākabhattādīni dassāmi”ti cintetvā nipphanne sassepi maccheraṃ uppajjitvā cāgacittaṃ nivāreti, so maccheravasena cāgacitte avirūhante manussasampattiṃ dibbasampattiṃ nibbānasampattinti tisso sampattiyo na labhati. Tena vuttaṃ “**maccheraṃ dadato malan**”ti. Sesesupi eseva nayo. **Pāpakā dhammā**ti akusaladhammā pana idhaloke ca paraloke ca malameva.

Tatoti heṭṭhā vuttamalato. **Malataranti** atirekamalaṃ vo kathamīti attho. **Avijjā**ti aṭṭhavatthukaṃ aññāṇameva paramaṃ malaṃ.

1. Khu 5. 16, 242 piṭṭhesu.

2. Aṅgārabhūtā (Sī)

2. Gacchantam (Syā), gantvā (Ka)

4. Nīharati (Ka)

pahantvānāti etaṃ malaṃ jahitvā bhikkhave tumhe nimmalā hothāti attho.

Desanāvasāne bahū sotāpattiphalādīni pāpuṇimsūti.

Aññatarakulaputtavatthu pañcamaṃ.

6. Cūlasārivatthu

Sujīvanti imaṃ dhammadesanaṃ Satthā Jetavane viharanto Cūlasāriṃ nāma Sāriputtattherassa saddhivihārikaṃ ārabha kathesi.

So kira ekadivase vejjakammaṃ katvā paṇṭabhojanaṃ labhitvā ādāya nikkhamanto antarāmagge therāṃ disvā “bhante idaṃ mayā vejjakammaṃ katvā laddhaṃ, tumhe aññattha evarūpaṃ bhojanaṃ na labhissatha, imaṃ bhuñjatha, ahaṃ te vejjakammaṃ katvā niccakālaṃ evarūpaṃ āhāraṃ āharissāmi”¹ ti āha. Thero tassa vacanaṃ sutvā tuṇhībhūtova pakkāmi. Bhikkhū vihāraṃ gantvā Satthu tamatthaṃ ārocesuṃ. Satthā “bhikkhave ahiriko nāma pagabbho kākasadiso hutvā ekavīsatividhāya anesanāya ṭhatvā sukhaṃ jīvati, hiri-ottappasampanno pana dukkhaṃ jīvati”² ti vatvā imā gāthā abhāsi—

244. “Sujīvaṃ ahirikena, kākasūrena dhamsinā.

Pakkhandinā pagabbhena, saṃkiliṭṭhena jīvitam.

245. Hirīmatā ca dujjīvaṃ, niccaṃ sucigavesinā.

Alīnenāppagabbhena, suddhājīvena passatā”³ ti.

Tattha **ahirikenāti** chinnahirottappakena. Evarūpena hi amātaremeva “mātā me”⁴ ti apitādayo eva ca “pitā me”⁵ ti-ādinā nayena vatvā ekavīsatividhāya anesanāya patiṭṭhāya sukkena jīvitum sakkā. **Kākasūrenāti** sūrakākasadisena. Yathā hi sūrakāko kulagharesu yāgu-ādīni gaṇhitukāmo bhitti-ādīsu nisīditvā attano olokanabhāvaṃ ñatvā anolokento viya² aññavihitako

1. Āhāressāmīti (Sī)

2. Attamano olokeno viya (Sī)

viya niddāyanto viya ca hutvā manussānaṃ pamādaṃ sallakkhetvā anupatitvā “sūsū”ti vadantesuyeva bhājanato mukhapūraṃ gahetvā palāyati, evamevaṃ ahirikapuggalopi bhikkhūhi saddhiṃ gāmaṃ pavisitvā yāgubhattaṭṭhānādīni vavatthapeti. Tattha bhikkhū piṇḍāya caritvā yāpanamattaṃ ādāya āsanasālaṃ gantvā paccavekkhantā yāguṃ pivitvā kammaṭṭhānaṃ manasi karonti¹ sajjhāyanti āsanasālaṃ sammajjanti. Ayaṃ pana kiñci akatvā gāmābhimukhova hoti.

So hi bhikkhūhi “passathiman”ti olokiyamānopi anolokento viya aññavihito viya niddāyanto viya gaṇṭhikaṃ paṭimuñcanto viya cīvaraṃ saṃvidahanto viya hutvā “asukāṃ nāma me kammaṃ atthī”ti vadanto uṭṭhāyāsanaṃ gāmaṃ pavisitvā pātova vavatthapitagehesu aññataraṃ gehaṃ upasaṅkamtivā gharamānusakesu thokaṃ kavāṭaṃ pidhāya dvāre nisīditvā kandantesupi ekena hatthena kavāṭaṃ paṇāmetvā anto pavisati. Atha naṃ disvā akāmakāpi āsane nisīdāpetvā yāgu-ādīsu yaṃ atthi, taṃ denti. So yāvadatthaṃ bhujjivā avasesaṃ pattenādāya pakkamati. Ayaṃ kākasūro nāma. Evarūpena ahirikena sujīvanti attho.

Dhamsināti “asukatthero nāma appiccho”ti-ādīni vadantesu “kiṃ pana mayāṃ na appicchā”ti-ādivacanena paresaṃ guṇadhamśanatāya dhamsinā. Tathārūpassa vacanaṃ sutvā “ayampi appicchataḍḍiguṇe yutto”ti maññamānā manussā dātabbaṃ maññanti. So pana tato paṭṭhāya viññūpurisānaṃ cittaṃ ārādhetuṃ asakko tamhāpi lābhā parihāyati. Evaṃ dhamsipuggalo attanopi parassapi lābhaṃ nāsetiyeva.

Pakkhandināti pakkhandacārinā. Paresaṃ kiccānipi attano kiccāni viya dassento pātova bhikkhūsu cetiyaṅgaṇādīsu vattaṃ katvā kammaṭṭhānāmanasikārena thokaṃ nisīditvā uṭṭhāya gāmaṃ pavisantesu mukhaṃ dhovitvā paṇḍukāsāvapārūpana-akkhi-añjanaśisamakkaṇādīhi attabhāvaṃ maṇḍetvā sammajjanto viya dve tayo sammajjanipahāre datvā dvārakoṭṭhakābhimukho hoti. Manussā pātova “cetiyaṃ vandissāma, mālāpūjaṃ

1. Manasi karontā (Sī, Syā)

karissāmā”ti āgatā taṃ ditvā “ayaṃ vihāro imaṃ daharaṃ nissāya paṭijagganaṃ labhati, imaṃ mā pamajjitthā”ti vatvā tassa dātabbaṃ maññanti. Evarūpena pakkhandināpi sujīvaṃ. **Pagabbhenāti** kāyapāgabbhiyādīhi samannāgatena. **Samkiliṭṭhena jīvanti** evaṃ jīvikaṃ kappetvā jīvantena hi puggalena samkiliṭṭhena hutvā jīvitaṃ nāma hoti, taṃ dujjīvitaṃ pāpamevāti attho.

Hirimatā cāti hirottappasampanna puggalena dujjīvaṃ. So hi amātādayova “mātā me”ti-ādīni avatvā adhammike paccaye gūthaṃ viya jīgucchanto dhammena samena pariyesanto sapadānaṃ piṇḍāya caritvā jīvikaṃ kappento lūkhaṃ jīvikaṃ jīvatīti attho. **Sucigavesināti** sucīni kāyakammādīni gavesantena. **Alīnenāti** jīvitavuttimanallīnena¹. **Suddhājīvena passatāti** evarūpo hi puggalo suddhājīvo nāma hoti. Tena evaṃ suddhājīvena tameva suddhājīvaṃ sārato passatā lūkhaṃ jīvitavasena dujjīvaṃ hotīti attho.

Desanāvasāne bahū sotāpattiphalādīni pāpuṇimsūti.

Cūlasārivatthu chaṭṭhaṃ.

7. Pañca-upāsakavatthu

Yo pāṇanti imaṃ dhammadesanaṃ Satthā Jetavane viharanto pañca-upāsake² ārabha kathesi.

Tesu hi eko pāṇatipātāveramaṇisikkhāpadameva rakkhati, itare itarāni. Te ekadivasam “ahaṃ dukkaraṃ karomi, dukkaraṃ rakkhāmī”ti vivādāpannā Satthu santikaṃ gantvā vanditvā tamatthaṃ ārocesum. Satthā tesam kathaṃ sutvā ekasīlampi kaniṭṭhakaṃ akatvā “sabbāneva durakkhānī”ti vatvā imā gāthā abhāsi—

246. “Yo pāṇamatipātetī, musāvādañca bhāsati.

Loke adinnamādiyati, paradārañca gacchati.

1. Jīvitavuttiṃ anu-anallīnena (Sī), jīvitavuttiyā alīnena (Syā)

2. Pañcasata-upāsake (Sī), pañcasate upāsake (Ka)

247. Surāmerayapānañca, yo naro anuyuñjati.

Idheva meso lokasmiṃ, mūlaṃ khaṇati attano.

248. Evaṃ bho purisa jānāhi, pāpadhammā asaṅṅatā.

Mā taṃ lobho adhammo ca, ciraṃ dukkhāya randhayun”ti.

Tattha **yo pāṇamatipātetīti** yo sāhatthikādīsu chasu payogesū ekapayogenāpi parassa jīvitindriyaṃ upacchindati. **Musāvādanti** paresaṃ atthabhañjanakaṃ musāvādañca bhāsati. **Loke adinnamādiyātīti** imasmiṃ satta-loke theyyāvahārādīsu ekenapi avahārena parapariggahitaṃ ādiyati. **Paradārañca gacchatīti** parassa rakkhitagopitesu bhaṇḍesu aparajjhanto uppathacāraṃ carati. **Surāmerayapānanti** yassa kassaci surāya ceva merayassa ca pānaṃ. **Anuyuñjatīti** sevati bahulīkaroti. **Mūlaṃ khaṇatīti** tiṭṭhatu paraloko, so pana puggalo idha lokasmiṃyeva yena khattavattu-ādīnā mūlena patiṭṭhapeyya, tampi aṭṭhapetvā vā vissajjetvā vā suraṃ pivanto attano mūlaṃ khaṇati, anātho kapaṇo hutvā vicarati. **Evaṃ bhoti** pañcadussīlyakammakāraṃ puggalaṃ ālapati. **Pāpadhammāti** lāmakadhammā. **Asaṅṅatāti** kāyasaṅṅatādirahitā. Acetasātipi pāṭho, acittakāti attho. **Lobho adhammo cāti** lobho ceva doso ca. Ubhayampi hetāṃ akusalameva¹. **Ciraṃ dukkhāya randhayunti** cirakālaṃ nirayadukkhādīnaṃ atthāya taṃ ete dhammā mā randhentu mā mathentūti² attho.

Desanāvasāne te pañca upāsakā sotāpattiphale patiṭṭhahimsu, sampattānampi sātthikā dhammadesanā ahoṣīti.

Pañca-upāsakavatthu sattamaṃ.

8. Tissadaharavatthu

Dadāti veti imaṃ dhammadesanaṃ Sathā Jetavane viharanto Tissadaharaṃ nāma ārabha kathesi.

1. Akusalamūlaṃ (Sī)

2. Maddentūti (Ka)

So kira Anāthapiṇḍikassa gahapatino Visākhāya upāsikāyāti pañcannaṃ ariyasāvakaḥkoṭṭināṃ dānaṃ nindanto¹ vicari, asadisadānampi nindiyeva. Tesāṃ tesāṃ dānagge sītaṃ labhitvā “sītaṃ”ti nindi, uṇhaṃ labhitvā “uṇhaṃ”ti nindi. Appaṃ dentepi “kiṃ ime appamattakaṃ dentī”ti nindi, bahuṃ dentepi “imesaṃ gehe ṭhapaṇṭhānaṃ maññe natthi, nanu nāma bhikkhūnaṃ yāpanamattaṃ dātabbaṃ, ettakaṃ yāgubhattaṃ niraṭṭhakameva vissajjati”ti nindi. Attano pana nātaka ārabba “aho amhākaṃ nātakānaṃ gehaṃ catūhi disāhi āgatāgatānaṃ bhikkhūnaṃ opānabhūtaṃ”ti² ādini vatvā pasāṃsaṃ pavattesi. So paṇekassa Dovārikassa putto janapadaṃ vicarantehi vaḍḍhakīhi saddhiṃ vicaranto Sāvattiṃ patvā pabbajito. Atha naṃ bhikkhū evaṃ manussānaṃ dānādini nindantaṃ disvā “pariggaṇhissāma naṃ”ti cintetvā “āvuso tava nātakā kahaṃ vasanti”ti pucchitvā “asukagāme nāmā”ti sutvāva katipaye dahare pesesūṃ. Te tattha gantvā gāmaṃvāsikehi āsanāsālāya nisīdāpetvā katasakkārā pucchimsu “imamhā gāmaṃ nikkhamitvā pabbajito Tisso nāma daharo atthi, tassa katame nātakā”ti. Manussā “idha kulagehato nikkhamitvā pabbajitadārako natthi, kiṃ nu kho ime vadanti”ti cintetvā “bhante eko Dovārikaputto vaḍḍhakīhi saddhiṃ vicarivā pabbajitoti suṇoma, taṃ sandhāya vadetha maññe”ti āhaṃsu. Daharabhikkhū Tissassa tattha issarañātakānaṃ abhāvaṃ natvā Sāvattiṃ gantvā “akāraṇameva bhante Tisso vilapanto vicarati”ti taṃ pavattiṃ bhikkhūnaṃ ārocesūṃ. Bhikkhūpi taṃ Tathāgatassa ārocesūṃ.

Satthā “na bhikkhave idāneva vikatthento vicarati, pubbepi vikatthakova ahoṣi”ti vatvā bhikkhūhi yācito atītaṃ āharitvā—

“Bahumpi so vikattheyya, aññaṃ janapadaṃ gato.

Anvāgantvāna dūseyya, bhuñja bhoge kaṭāhaka”ti³—

Imaṃ **Kaṭāhajātakaṃ** vitthāretvā “bhikkhave yo hi puggalo parehi appake vā bahuke vā lūkhe vā paṇīte vā dinne aññesaṃ vā datvā

1. Pañcasatānampi ariyasāvakādīnaṃ dānaṃ paṭikkamanto (Sī)

2. Āpānabhūtanti (Sī)

3. Khu 5. 29 piṭṭhe.

attano adinne maṅku hoti, tassa jhānaṃ vā vipassanaṃ vā maggaphalādīni vā na uppajjantī”ti vatvā dhammaṃ desento imā gāthā abhāsi—

249. “Dadāti ve yathāsaddhaṃ, yathāpasādanam¹ jano.
Tattha yo ca maṅku hoti², paresaṃ pānabhōjane.
Na so divā vā rattim vā, samādhimadhigacchati.

250. Yassa cetam samucchinnam, mūlaghaccaṃ samūhataṃ.
Sa ve divā vā rattim vā, samādhimadhigacchati”ti.

Tattha **dadāti ve yathāsaddhanti** lūkhapaṇītādīsu yaṃkiñci dento jano yathāsaddhaṃ attano saddhānurūpameva deti. **Yathāpasādananti** theranavādīsu cassa yasmim yasmim pasādo uppajjati, tassa dento yathāpasādanaṃ attano pasādānurūpameva deti. **Tatthāti** tasmiṃ parassa dāne “mayā appaṃ vā laddhaṃ, lūkhaṃ vā laddhan”ti maṅkubhāvaṃ āpajjati. **Samādhinti** so puggalo divā vā rattim vā upacārappanāvasena vā maggaphalavasena vā samādhim nādhigacchati. **Yassa cetanti** yassa puggalassa etaṃ etesu ṭhānesu maṅkubhāvasaṅkhātaṃ akusalaṃ samucchinnam mūlaghaccaṃ katvā arahattamaggañāṇena samūhataṃ, so vuttappakāraṃ samādhim adhigacchatiṭi attho.

Desanāvasāne bahū sotāpattiphalādīni pāpuṇimsūti.

Tissadahaṃavatthu aṭṭhamam.

9. Pañca-upāsakavatthu

Natthi rāgasamo aggīti imaṃ dhammadesanaṃ Satthā Jetavane viharanto pañca upāsake ārabha kathesi.

Te kira dhammaṃ sotukāmā vihāraṃ gantvā Satthāraṃ vanditvā ekamantaṃ nisīdimsu. Buddhānañca “ayaṃ khattiyo, ayaṃ brāhmaṇo, ayaṃ adḍho, ayaṃ duggato, imassa ulāraṃ katvā dhammaṃ desessāmi, imassa no”ti cittaṃ na uppajjati. Yaṃkiñci ārabha dhammaṃ desento dhammagāravaṃ purakkhatvā

1. Yattha pasādanam (Sī)

2. Tattha so maṅkubhāvaṃ vā (Sī), tattha yo maṅkuto hoti (Syā)

ākāsagaṅgaṃ otārento viya deseti. Evaṃ desentassa pana Tathāgatassa santike nisinnānaṃ tesam eko nisinnakova niddāyi, eko aṅguliya bhūmiṃ likhanto nisīdi, eko ekaṃ rukkhaṃ cārento nisīdi, eko ākāsaṃ ullokento nisīdi, eko pana sakkaccaṃ dhammaṃ assosi.

Ānandatthero Sathhāraṃ bijayamāno tesam ākāraṃ olokento Sathhāraṃ āha “bhante tumhe imesaṃ mahāmeghagajjitaṃ gajjantā viya dhammaṃ desetha, ete pana tumhesupi dhammaṃ kathentesu idañcidañca karontā nisinnā”ti. Ānanda tvaṃ ete na jānāsīti. Āma na jānāmi bhanteti. Etesu hi yo esa niddāyanto nisinno, esa pañca jātisatāni sappayoniyam nibbattivā bhogesu sīsaṃ ṭhapetvā niddāyi, idānipissa niddāya titti natthi, nāssa kaṇṇaṃ mama saddo pavisatīti. Kiṃ pana bhante paṭipāṭiyā kathetha, udāhu antarantarāti. Ānanda etassa hi kālena manussattaṃ, kālena devattaṃ, kālena nāgattanti evaṃ antarantarā uppajjantassa upapattiyo sabbaññutaññāṇepi na sakkā paricchinditum. Paṭipāṭiyā panesa pañca jātisatāni nāgayoniyam nibbattivā niddāyantopi niddāya atittoyeva. Aṅguliya bhūmiṃ likhanto nisinnapurisopi pañca jātisatāni gaṇḍuppādayoniyam nibbattivā bhūmiṃ khaṇi, idānipi bhūmiṃ khaṇantova mama saddaṃ na suṇāti. Esa rukkhaṃ cārento nisinnapurisopi paṭipāṭiyā pañca jātisatāni makkaṭayoniyam nibbatti, idānipi pubbāciṇṇavasena rukkhaṃ cāletiyeva, nāssa kaṇṇaṃ mama saddo pavisati. Esa ākāsaṃ ulloketvā nisinnapurisopi pañca jātisatāni nakkhattapāṭhako hutvā nibbatti, idāni pubbāciṇṇavasena ajjāpi ākāsameva ulloketi, nāssa kaṇṇaṃ mama saddo pavisati. Esa sakkaccaṃ dhammaṃ suṇanto nisinnapuriso pana paṭipāṭiyā pañca jātisatāni tiṇṇaṃ vedānaṃ pāragū mantajjhāyakabrāhmaṇo hutvā nibbatti, idānipi mantam saṃsandanto viya sakkaccaṃ suṇātīti.

Bhante tumhākaṃ dhammadesanā chavi-ādīni chinditvā aṭṭhimiñjaṃ āhacca tiṭṭhati, kasmā ime tumhesupi dhammaṃ desentesu sakkaccaṃ na suṇantīti. Ānanda mama dhammo sussavanīyoti saññaṃ karosi maññeti. Kiṃ pana bhante dussavanīyoti. Āma Ānandāti. Kasmā bhanteti. Ānanda

Buddhoti vā Dhammoti vā Saṅghoti vā padaṃ imehi sattehi anekesupi kappakoṭṭisatasahassesu asutapubbaṃ. Yasmā¹ imaṃ dhammaṃ sotuṃ na sakkontā anamatagge saṃsāre ime sattā anekavihiṭaṃ tīracchānakathaṃyeva suṇantā āgatā, tasmā surāpānakeḷimaṇḍalādīsu gāyantā naccantā vicaranti, dhammaṃ sotuṃ na sakkontīti. Kiṃ nissāya panete na sakkonti bhanteti.

Athassa Satthā “Ānanda rāgaṃ nissāya dosaṃ nissāya mohaṃ nissāya taṇhaṃ nissāya na sakkonti. Rāgaggisadiso aggī nāma natthi, so chārikampi asetvā satte dahati. Kiñcāpi sattaṣūriyapātubhāvaṃ nissāya uppanno kappavināsako aggipi kiñci anavasesetvāva lokaṃ dahati, so pana aggī kadāciyeva dahati. Rāgaggino adahanakālo nāma natthi, tasmā rāgasamo vā aggī dosasamo vā gaho mohasamaṃ vā jālaṃ taṇhāsamā vā nadī nāma natthī”ti vatvā imaṃ gāthamāha—

251. “Natthi rāgasamo aggī, natthi dosasamo gaho.

Natthi mohasamaṃ jālaṃ, natthi taṇhāsamā nadī”ti.

Tattha **rāgasamoti** dhūmādīsu kiñci adassetvā antoyeva uṭṭhāya jhāpanavasena rāgena samo aggī nāma natthi. **Dosasamoti** yakkhagaha-ajagaragahakumbhilagahādayo² ekasmiṃyeva attabhāve gaṇhituṃ sakkonti, dosagaho pana sabbattha ekantameva³ gaṇhātīti dosena samo gaho nāma natthi. **Mohasamanti** onandhanapariyonandhanaṭṭhena pana mohasamaṃ jālaṃ nāma natthi. **Taṇhāsamāti** Gaṅgādīnaṃ nadīnaṃ puṇṇakālopi ūnakālopi sukkhakālopi paññāyati, taṇhāya pana puṇṇakālo vā sukkhakālo vā natthi, niccaṃ ūnāva paññāyatīti duppūraṇaṭṭhena taṇhāya samā nadī nāma natthīti attho.

Desanāvasāne sakkaccaṃ dhammaṃ suṇanto upāsako sotāpattiphale patiṭṭhahi, sampattānampi sātthikā dhammadesanā ahoṣīti.

Pañca-upāsakavatthu navamaṃ.

1. Tasmā (Syā, Ka)

2. Yakkhagāha-ajagaragāhakumbhilagāhādayo (Sī, Ka)

3. Na Ekameva (Sī)

10. Meṇḍakaseṭṭhivatthu

Sudassam vajjanti dhammadesanam Sathā Bhaddiyanagaram nissāya Jātiyāvane viharanto Meṇḍakaseṭṭhim ārabha kathesi.

Sathā kira Aṅguttarāpesu¹ cārikam caranto Meṇḍakaseṭṭhino ca, bhariyāya cassa Candapadumāya, puttassa ca Dhanañcayaseṭṭhino, suṇisāya ca Sumanadeviyā, nattāya cassa Visākhāya, dāsassa ca Puṇṇassāti imesam sotāpattiṭṭhalūpanissayam disvā Bhaddiyanagaram gantvā Jātiyāvane vihāsi. Meṇḍakaseṭṭhi Satthu āgamanam assosi. Kasmā panesa Meṇḍakaseṭṭhi nāma jātoti? Tassa kira pacchimagehe aṭṭhakarīsamatte ṭhāne hatthi-assa-usabhapamāṇā suvaṇṇameṇḍakā pathaviṃ bhinditvā piṭṭhiyā piṭṭhim paharamāṇā utṭhahimsu. Tesam mukhesu pañcavaṇṇānam sutṭānam geṇḍukā pakkhittā honti. Sappitelamadhuphāṇitādīhi vā vatthacchādanahiraññasuvaṇṇādīhi vā atthe sati tesam mukhato geṇḍuke apanenti, ekassāpi Meṇḍakassa mukhato jambudīpavāsīnam pahonakam sappitelamadhuphāṇitavatthacchādanahiraññasuvaṇṇam nikkhamati. Tato paṭṭhāya Meṇḍakaseṭṭhī paññāyi.

Kim panassa pubbakammanti? Vipassībuddhakāle kira esa Avarojava nāma kuṭumbikassa bhāgineyyo mātulena samānanāmo Avarojo nāma ahosi. Athassa mātulo Satthu Gandhakuṭim kātum ārabhi. So tassa santikam gantvā “mātula ubhopi saheva karomā”ti vatvā “aham aññehi saddhim asādhāraṇam katvā ekakova karissāmi”ti tena pana paṭikkhittakāle “imasmim ṭhāne Gandhakuṭiyā katāya imasmim nāma ṭhāne kuñjarasālam nāma laddhum vaṭṭatī”ti cintetvā araññato dabbasambhāre āharāpetvā ekam thambham suvaṇṇakhacitam, ekam rajatakhacitam, ekam maṇikhacitam, ekam sattaratanakhacitanti evam tulāsaṅghātadvāarakavāṭavātapānagopānasīchadaniṭṭhakā sabbāpi suvaṇṇādikhacitāva kāretvā Gandhakuṭiyā sammukhaṭṭhāne Tathāgatassa sattaratanamayam kuñjarasālam kāresi. Tassā upari ghanarattasuvaṇṇamayā kambalā pavāḷamayā sikharathūpikāyo² ahesum. Kuñjarasālaya majjhe

1. Aṅguttarāpathesu (Syā), aṅguttaresu (Ka)

2. Ghanarattasuvaṇṇamayam kapālam pavāḷamayā sikharathupiyo (Si), ghanarattasuvaṇṇaphalikapavāḷamayā tisso sikharathupiyo (Syā)

ṭhāne ratanamaṇḍapaṃ kāretvā dhammāsaṇaṃ paṭiṭṭhāpesi. Tassa ghanarattasuvaṇṇamayā pādā ahesuṃ, tathā catasso aṇiyo. Cattāro pana suvaṇṇameṇḍake kārāpetvā āsanassa catunnaṃ pādānaṃ heṭṭhā ṭhapesi, dve meṇḍake kārāpetvā pādapiṭṭhakāya heṭṭhā ṭhapesi, cha suvaṇṇameṇḍake kārāpetvā maṇḍapaṃ parikkhipento ṭhapesi. Dhammāsaṇaṃ paṭṭhamāṃ suttamayehi rajjukehi vāyāpetvā majjhe suvaṇṇasuttamayehi upari muttamayehi suttehi vāyāpesi. Tassa candanamayo apassayo ahosi. Evaṃ kuñjarasālaṃ niṭṭhāpetvā sālāmahaṃ karonto aṭṭhasaṭṭhīhi bhikkhusatasahasseehi¹ saddhiṃ Satthāraṃ nimantetvā cattāro māse dānaṃ datvā osānadivase ticivaraṃ adāsi. Tattha saṃghanavakassa satasahasagghanikaṃ² pāpuṇi.

Evaṃ Vipassībuddhakāle puññakammaṃ katvā tato cuto devesu ca manussesu ca saṃsaranto imasmim Bhaddakappe Bārāṇasiyaṃ mahābhogakule nibbattitvā Bārāṇasiseṭṭhi nāma ahosi. So ekadivasaṃ rājūpaṭṭhānaṃ gacchanto purohitaṃ disvā “kiṃ ācariya nakkhattamuhuttaṃ, upadhārethā”ti āha. Āma upadhāremi, kiṃ aññaṃ amhākaṃ kammanti. Tena hi kīdisaṃ janapadacārittanti³. Ekaṃ bhayaṃ bhavissatīti. Kiṃ bhayaṃ nāmāti. Chātakabhayaṃ seṭṭhīti. Kadā bhavissatīti. Ito tiṇṇaṃ saṃvaccharānaṃ accayenāti. Taṃ sutvā seṭṭhi bahuṃ kasikammaṃ kāretvā gehe vijjamānadhanenāpi dhaññaṃeva gahetvā aḍḍhaterasāni koṭṭhasatāni kāretvā sabbakoṭṭhake vīhīhi paripūresi. Koṭṭhesu appahontesu cāṭi-ādīni pūretvā avasesaṃ bhūmiyaṃ āvāṭe katvā nikhaṇi. Nidhānāvasesaṃ mattikāya saddhiṃ madditvā bhittiyo limpāpesi.

So aparena samayena chātakabhaye sampatte yathānikkhittaṃ dhaññaṃ paribhuñjanto koṭṭhesu ca cāṭi-ādīsū ca nikkhattadhaññaṃ parikkhīṇe parijane pakkosāpetvā āha “gacchatha tātā, pabbatapādaṃ pavisitvā jīvantaṃ subhikkhakāle mama santikaṃ āgantukāmā āgacchatha, anāgantukāmā tattha tattheva jīvathā”ti. Te rodamānā assumukhā hutvā seṭṭhiṃ vanditvā khamāpetvā sattāhaṃ nisīditvā tathā akaṃsu. Tassa pana

1. Aṭṭhasaṭṭhiyā bhikkhusahasena (Sī), aṭṭhasaṭṭhibhikkhusatasahasseehi (Syā)

2. Sahassagghanikaṃ (Sī)

3. Janapadacārikanti (Ka)

santike veyyāvaccakaro ekova Puṇṇo nāma dāso ohīyi, tena saddhim setthijāyā setthiputto setthisuṇisāti pañceva janā ahesum. Te bhūmiyaṃ āvātesu nihitadhaññepi parikkhīṇe bhittimattikaṃ pātetvā temetvā tato laddhadhaññena yāpayimsu. Athassa jāyā chātake avattharante mattikāya khīyamānāya bhittipādesu¹ avasiṭṭhamattikaṃ pātetvā temetvā aḍḍhāḷhakamattaṃ vīhim labhitvā koṭṭetvā ekaṃ taṇḍulanāḷim gahetvā “chātakakāle corā bahū hontī”ti corabhayena ekasmiṃ kuṭe pakkhipitvā pidahitvā bhūmiyaṃ nikhaṇitvā ṭhapesi. Atha naṃ setthi rājūpaṭṭhānato āgantvā āha “bhadde chātomhi, atthi kiñcī”ti. Sā vijjamānaṃ “natthī”ti avatvā “ekā taṇḍulanāḷi atthī”ti āha. Kahaṃ sāti. Corabhayena me nikhaṇitvā ṭhapitāti. Tena hi naṃ uddharitvā kiñci pacāhīti. “Sace yāgum pacissāmi, dve vāre labhassati. Sace bhattaṃ pacissāmi, ekavārameva labhissati, kiṃ pacāmi sāmī”ti āha. Amhākaṃ añño paccayo natthi, bhattaṃ bhuñjitvā marissāma, bhattameva pacāhīti. Sā bhattaṃ pacitvā pañca koṭṭhāse katvā setthino koṭṭhāsaṃ vaḍḍhetvā purato ṭhapesi.

Tasmim khaṇe Gandhamādanapabbate Paccakabuddho samāpattito vuṭṭhāti. Antosamāpattiyaṃ kira samāpattibalena jighacchā na bādhati. Samāpattito vuṭṭhitānaṃ pana balavatī hutvā udarapaṭalaṃ ḍayhantī viya uppajjati. Tasmā te labhanatṭhānaṃ oloketvā gacchanti. Taṃ divasaṃ ca tesaṃ dānaṃ datvā senāpatiṭṭhānādīsu aññatarasampattiṃ labhanti. Tasmā sopi dibbena cakkhunā olokeno “sakalajambudīpe chātakabhayaṃ uppannaṃ, setthigehe ca pañcannaṃ janānaṃ nāḷikodanova pakko, saddhā nu kho ete, sakkhissanti vā mama saṅgahaṃ kātun”ti tesaṃ saddhabhāvañca saṅgahaṃ kātum samatthabhāvañca disvā pattacīvaramādāya mahāsetthissa purato dvāre ṭhitameva attānaṃ dassesi. So taṃ disvā pasannacitto “pubbepi mayā dānassa adinnattā evarūpaṃ chātakaṃ diṭṭhaṃ, idaṃ kho pana bhattaṃ maṃ ekadivasaṃ rakkheyya. Ayyassa pana dīnaṃ anekāsu kappakoṭṭīsu mama hitasukhāvahaṃ bhavissati”ti taṃ bhattapātiṃ apantvā Paccakabuddhaṃ upasaṅkamtivā pañcapatiṭṭhitena vanditvā gehaṃ pavesetvā āsane

1. Bhittipādāyeva (Sī)

nisinnassa pāde dhovitvā suvaṇṇapādapīṭhe ṭhapetvā bhattapātimādāya Paccekabuddhassa patte okiri. Upaḍḍhāvasese bhatte Paccekabuddho hatthena pattam̐ pidahi. Atha nam̐ “bhante ekāya taṇḍulanāḷiyā pañcannaṃ janānaṃ pakka-odanassa ayaṃ eko koṭṭhāso, imaṃ dvidhā kātuṃ na sakkā. Mā mayham̐ idhaloke saṅghaṃ karotha, aham̐ niravasesaṃ dātukāmomhī”ti vatvā sabbaṃ bhattamadāsi. Datvā ca pana patthanaṃ paṭṭhapesi “mā bhante puna nibbattanibbattaṭṭhāne evarūpaṃ chātakabhayaṃ addasaṃ, ito paṭṭhāya sakalajambudīpavāsīnaṃ bijabhattaṃ dātuṃ samattho bhavyeṃ, sahatthena kammaṃ katvā jīvikaṃ na kappeyyaṃ, aḍḍhaterasa koṭṭhasatāni sodhāpetvā sīsaṃ nhāyitvā tesāṃ dvāre nisīditvā uddham̐ olokitaḅhaṇeyeva me rattasālīdhārā patitvā sabbakoṭṭhe pūreyyūṃ. Nibbattanibbattaṭṭhāne ca ayameva bhariyā, ayameva putto, ayameva suṇisā, ayameva dāso hotū”ti.

Bharyāpissa “mama sāmike jighacchāya pīḷiyamāne na sakkā mayā bhuñjitun”ti cintetvā attano koṭṭhāsaṃ Paccekabuddhassa datvā patthanaṃ paṭṭhapesi “bhante idāni nibbattanibbattaṭṭhāne evarūpaṃ chātakabhayaṃ na passeyyaṃ, bhattathālikam̐ purato katvā sakalajambudīpavāsīnaṃ bhattaṃ dentiyāpi ca me yāva na uṭṭhahissāmi, tāva gahitagahitaṭṭhānaṃ pūritameva hotu. Ayameva sāmiko, ayameva putto, ayameva suṇisā, ayameva dāso hotū”ti. Puttopissa attano koṭṭhāsaṃ Paccekabuddhassa datvā patthanaṃ paṭṭhapesi “bhante ito paṭṭhāya evarūpaṃ chātakabhayaṃ na passeyyaṃ, ekañca me saḅassathavikaṃ gahetvā sakalajambudīpavāsīnaṃ kahāpaṇaṃ dentassāpi ayaṃ saḅassathavikā paripuṇṇāva hotu, imeyeva mātāpitaro hontu, ayaṃ bhariyā, ayaṃ dāso hotū”ti.

Suṇisāpissa attano koṭṭhāsaṃ Paccekabuddhassa datvā patthanaṃ paṭṭhapesi “ito paṭṭhāya evarūpaṃ chātakabhayaṃ na passeyyaṃ, ekañca me dhañṇapīṭakaṃ purato ṭhapetvā sakalajambudīpavāsīnaṃ bijabhattaṃ dentiyāpi khīṇabhāvo mā paññāyittha, nibbattanibbattaṭṭhāne imeyeva sasurā hontu, ayameva sāmiko, ayameva dāso hotū”ti. Dāsopi attano koṭṭhāsaṃ Paccekabuddhassa datvā patthanaṃ

paṭṭhapesi “ito paṭṭhāya evarūpaṃ chātakabhayaṃ na passeyyaṃ, sabbe ime sāmikā hontu, kasantassa ca me ito tisso, etto tisso, majjhe ekāti dāru-ambañamattā satta satta sītāyo gacchantū”ti. So taṃ divasaṃ senāpatiṭṭhānaṃ patthetvā laddhuṃ samatthopi sāmikesu sinehena “imeyeva me sāmikā hontū”ti patthanaṃ paṭṭhapesi. Paccekabuddho sabbesampi vacanāvasāne “evaṃ hotū”ti vatvā—

“Icchitaṃ patthitaṃ tuyhaṃ, khippameva samijjhatu.
Sabbe pūrentu saṅkappā, cando pannaraso yathā.
Icchitaṃ patthitaṃ tuyhaṃ, khippameva samijjhatu.
Sabbe pūrentu saṅkappā, maṇi jotiraso yathā”ti—

Paccekabuddhagāthāhi anumodanaṃ katvā “mayā imesaṃ cittaṃ pasādetuṃ vaṭṭati”ti cintetvā “yāva Gandhamādanapabbatā ime maṃ passantū”ti adhiṭṭhahitvā pakkāmi. Tepi oloketvāva aṭṭhaṃsu. So gantvā taṃ bhattaṃ pañcahi Paccekabuddhasatehi saddhiṃ saṃvibhaji. Taṃ tassānubhāvena sabbesampi pahoti. Te oloketāyeva aṭṭhaṃsu.

Atikkante pana majjhanhike seṭṭhibhariyā ukkhalim dhovivā pidahivā ṭhapesi. Seṭṭhipi jigghacchāya pīlito nipajjitvā niddaṃ okkami. So sāyanhe pabujjhitvā bhariyaṃ āha “bhadde ativiya chātomhi, atthi nu kho ukkhaliyā tale jhāmakasitthānī”ti. Sā dhovivā ukkhaliyā ṭhapitabhāvaṃ jānantīpi “natthī”ti avatvā “ukkhalim vivarivā ācikkhissāmi”ti uṭṭhāya ukkhalimūlaṃ gantvā ukkhalim vivari, tāvadeva sumanamakulasadisavaṇṇassa bhattassa pūrā ukkhali pidhānaṃ ukkhipivā aṭṭhāsi. Sā taṃ disvāva pītiyā phuṭṭhasarīrā seṭṭhim āha “uṭṭhehi sāmi, ahaṃ ukkhalim dhovivā pidahim, sā pana sumanamakulasadisavaṇṇassa bhattassa pūrā, puññāni nāma kattabbarūpāni, dānaṃ nāma kattabbayuttakaṃ. Uṭṭhehi sāmi bhuñjassū”ti. Sā dvinnaṃ pitāputtānaṃ bhattaṃ adāsi. Tesu bhutvā uṭṭhitesu suṇisāya saddhiṃ nisīditvā bhuñjitvā puṇṇassa bhattaṃ adāsi. Gahitagahitaṭṭhānaṃ na khīyati, kaṭacchunā sakim gahitaṭṭhānameva paññāyati. Taṃdivasameva koṭṭhādayo pubbe pūritaniyāmeneva puna pūrayimsu. “Seṭṭhissa gehe bhattaṃ uppannaṃ, bījabhattehi atthikā āgantvā gaṇhantū”ti

nagare ghosanaṃ kāresi. Manussā tassa gehato bijabhattaṃ gaṇhiṃsu. Sakalajambudīpavāsino taṃ nissāya jīvitāṃ labhimsuyeva.

So tato cuto devaloke nibbattitvā devamanussesu saṃsaranto imasmim̃ Buddhuppāde Bhaddiyanagare seṭṭhikule nibbatti. Bhariyāpissa mahābhogakule nibbattitvā vayappattā tasseva gehaṃ agamāsi. Tassa taṃ pubbakammaṃ nissāya pacchāgehe pubbe vuttappakārā Meṇḍakā uṭṭhahiṃsu. Puttopi nesaṃ puttova, suṇisā suṇisāva, dāso dāsova ahosi. Athekadivasaṃ seṭṭhi attano puññaṃ vīmaṃsitukāmo aḍḍhaterasāni koṭṭhasatāni sodhāpetvā sīsaṃ nhāto dvāre nisīditvā uddhaṃ olokesi. Sabbānīpi vuttappakārānaṃ rattasālīnaṃ pūrayiṃsu. So sesānampi puññaṃ vīmaṃsitukāmo bhariyañca puttādayo ca “tumhākampi puññaṃ vīmaṃsissathā”ti āha.

Athassa bhariyā sabbālaṅkārehi¹ alaṅkaritvā mahājanassa passantasseva taṇḍule mināpetvā² tehi bhattaṃ pacāpetvā dvārakoṭṭhake paññattāsane nisīditvā suvaṇṇakaṭacchum̃ ādāya “bhattena atthikā āgacchantū”ti ghosāpetvā āgatāgatānaṃ upanītabhājanāni pūretvā adāsi. Sakaladivasampi dentiyaṃ kaṭacchunā gahitaṭṭhānameva paññāyati. Tassā pana purimabuddhānampi bhikkhusaṃghassa vāmahatthena ukkhalim̃ dakkhiṇahatthena kaṭacchum̃ gahetvā evameva patte pūretvā bhattassa dinnattā vāmahatthatalaṃ pūretvā padumalakkhaṇaṃ nibbatti, dakkhiṇahatthatalaṃ pūretvā candalakkhaṇaṃ nibbatti. Yasmā pana vāmahatthato dhammakaraṇaṃ³ ādāya bhikkhusaṃghassa udakaṃ parissāvetvā dadamānā aparāparaṃ vicari, tenassā dakkhiṇapādatalaṃ pūretvā candalakkhaṇaṃ nibbatti, vāmapādatalaṃ pūretvā padumalakkhaṇaṃ nibbatti. Tassā iminā kāraṇena Candapadumāti nāmaṃ kariṃsu.

Puttopissa sīsaṃ nhāto sahasathavikaṃ ādāya “kahāpaṇehi atthikā āgacchantū”ti vatvā āgatāgatānaṃ gahitabhājanāni pūretvā adāsi. Thavikāya kahāpaṇasahassaṃ ahosiyeva. Suṇisāpissa sabbālaṅkārehi alaṅkaritvā vīhipītaṃ ādāya ākāsaṅgaṇe nisinnā “bījabhattehi atthikā āgacchantū”ti vatvā āgatāgatānaṃ gahitabhājanāni pūretvā adāsi. Pītaṃ yathāpūritameva ahosi.

1. Sabbālaṅkāraṃ (Sī)

2. Taṇḍulaṃ ekanāḷimattāṃ gahetvā (Ka)

3. Dhammakaraṇaṃ (Ka)

Dāsopissa sabbālaṅkārehi alaṅkaritvā suvaṇṇayugesu suvaṇṇayottehi goṇe yojetvā suvaṇṇapatodayaṭṭhim ādāya dvinnam goṇānam gandhapañcaṅgulikāni datvā visāṇesu suvaṇṇakosake paṭimuñcitvā khettaṃ gantvā pājesi. Ito tisso, etto tisso, majjhe ekāti satta sītā bhijjivā agamaṃsu. Jambudīpavāsino bhattabījahiraññasuvaṇṇādīsu yathārucitaṃ seṭṭhigehatoyeva gaṇhimsu. Ime pañca mahāpuññā.

Evam mahānubhāvo seṭṭhi “Satthā kira āgato”ti sutvā “Satthu paccuggamaṃ karissāmī”ti nikkhamanto antarāmagge titthiye disvā tehi “kasmā tvaṃ gahapati kiriyavādo samāno akiriyavādassa samaṇassa Gotamassa santikaṃ gacchasi”ti nivāriyamānopi tesam vacanam anādiyivā gantvā Satthāraṃ vanditvā ekamantaṃ nisīdi. Athassa Satthā anupubbim katham kathesi. So desanāvasāne sotāpattiphalam patvā Satthu titthiyehi avaṇṇam vatvā attano nivāritabhāvam ārocesi. Atha nam Satthā “gahapati ime sattā nāma mahantampi attano dosam na passanti, avijjamānampi paresam dosam vijjamānam katvā tattha tattha bhusam viya opunantī”ti vatvā imam gāthamāha—

252. “Sudassam vajjamaññesam, attano pana duddasam.

Paresam hi so vajjāni, opunāti yathā bhusam.

Attano pana chādeti, kalimva kitavā saṭho”ti.

Tattha **sudassam vajjanti** parassa aṇumattampi vajjam khalitam sudassam sukheneva passitum sakkā, attano pana atimahantampi duddasam. **Paresam hīti** teneva kāraṇena so puggalo samghamajjhādīsu paresam vajjāni uccaṭṭhāne ṭhapetvā bhusam opunanto viya opunāti. **Kalimva kitavā saṭhoti** ettha sakuṇesu aparajjhanabhāvena¹ attabhāvo kali nāma, sākhahaṅgādikaṃ paṭicchādanam kitavā nāma, sākuṇiko saṭho nāma. Yathā sakuṇaluddako sakuṇe gahetvā māretukāmo kitavā viya attabhāvam paṭicchādeti, evam attano vajjam chādetīti attho.

Desanāvasāne bahū sotāpattiphalādīni pāpuṇimsūti.

Meṇḍakasetṭhivatthu dasamaṃ.

1. Aparajjhanavasena (Syā)

11. Ujjhānasaññittheravatthu

Paravajjānupassissāti imam dhammadesanam Sathā Jetavane viharanto Ujjhānasaññim nāma ekaṃ theram ārabba kathesi.

So kira “ayam evam nivāseti, evam pārupatī”ti bhikkhūnam antarameva¹ gavesanto vicarati. Bhikkhū “asuko nāma bhante thero evam karotī”ti Satthu ārocesum. Sathā “bhikkhave vattasīse ṭhatvā evam ovadanto ananupavādo. Yo pana niccam ujjhānasaññitāya paresam antaram pariyesamāno evam vatvā vicarati, tassa jhānādīsu ekopi viseso nuppajjati, kevalam āsavāyeva vaḍḍhanti”ti vatvā imam gāthamāha—

253. “Paravajjānupassissa, niccam ujjhānasaññino.
Āsavā tassa vaḍḍhanti, ārā so āsavakkhayā”ti.

Tattha **ujjhānasaññinoti** evam nivāsetabbanam evam pārupitabbanti paresam antaragavesitāya² ujjhānabahulassa puggalassa jhānādīsu ekadhammopi na vaḍḍhati, atha kho āsavāva tassa vaḍḍhanti. Teneva kāraṇena so arahattamaggasañkhātā āsavakkhayā ārā dūram gatova³ hotīti.

Desanāvasāne bahū sotāpattiphalādīni pāpuṇimsūti.

Ujjhānasaññittheravatthu ekādasamam.

12. Subhaddaparibbājakavatthu

Ākāseti imam dhammadesanam Sathā Kusinārāyam upavattane Mallānam Sālavane parinibbānamañcake nipanno Subhaddam paribbājakam ārabba kathesi.

So kira atīte kaniṭṭhabhātari ekasmiṃ sasse navakkhattum aggadānam dente dānam dātum anicchanto osakkitvā avasāne adāsi. Tasmā paṭhamabodhiyampi majjhimabodhiyampi Sathhāram daṭṭhum nālattha. Pacchimabodhiyam pana Satthu parinibbānakāle “aham tīsu pañhesu attano kaṅkham mahallake

1. Randhameva (Sī)

2. Randhagavesitāya (Sī)

3. Dūratova (Syā)

paribbājake pucchitvā samaṇaṃ Gotamaṃ ‘daharo’ti saññāya na pucchim,
tassa ca dāni parinibbānakālo, pacchā me samaṇassa Gotamassa
apucchitakāraṇā vippaṭṭisāro uppajjeyyā”ti Satthāraṃ upasaṅkamtivā
Ānandattherena nivāriyamānopi Satthārā okāsaṃ katvā “Ānanda mā
Subhaddaṃ nivārayi, pucchatu maṃ pañhan”ti vutte antosaṇiṃ pavisitvā
heṭṭhāmañcake nisinno “bho samaṇa kiṃ nu kho ākāse padaṃ nāma atthi,
ito bahiddhā samaṇo nāma atthi, saṅkhārā sassatā nāma atthi”ti ime pañhe
pucchi. Athassa Satthā tesaṃ abhāvaṃ ācikkhanto imāhi gāthāhi dhammaṃ
desesi—

254. Ākāseva padaṃ natthi, samaṇo natthi bāhire.

Papañcābhiratā pajā, nippapañcā Tathāgatā.

255. Ākāseva padaṃ natthi, samaṇo natthi bāhire.

Saṅkhārā sassatā natthi, natthi Buddhānamiñjitan”ti.

Tattha **padanti** imasmim ākāse vaṇṇasaṅghānavasena evarūpanti
paññāpetabbaṃ kassaci padaṃ nāma natthi. **Bāhireti** mama sāsano
bahiddhā maggaphalaṭṭho samaṇo nāma natthi. **Pajāti** ayaṃ
sattalokasaṅkhātā pajā taṇhādīsu papañcesuyevābhiratā. **Nippapañcāti**
bodhimūleyeva sabbapapañcānaṃ samucchinnatā nippapañcā Tathāgatā.
Saṅkhārāti pañcakkhandhā. Tesu hi ekopi sassato nāma natthi. **Iñjitan**
Buddhānaṃ pana taṇhāmānādīsu iñjitesu yena saṅkhārā sassatāti gaṇheyya,
taṃ ekaṃ iñjitampi nāma natthīti attho.

Desanāvasāne Subhaddo anāgāmiphale patiṭṭhahi, sampattaparisāyapi
sātthikā dhammadeśanā ahoṣīti.

Subhaddaparibbājakavatthu dvādasamaṃ.

Malavaggavaṇṇanā niṭṭhitā.

Aṭṭhārasamo vaggo.

19. Dhammaṭṭhavagga

1. Vinicchayamahāmattevattthu

Na tena hotīti imaṃ dhammadesanaṃ Satthā Jetavane viharanto Vinicchayamahāmatte ārabha kathesi.

Ekadivasaṃ hi bhikkhū Sāvattiyaṃ Uttaradvāragāme piṇḍāya caritvā piṇḍapātaṭṭikkantā nagaramajjhena vihāraṃ āgacchanti. Tasmim̐ khaṇe meggho uṭṭhāya pāvassi. Te sammukhāgataṃ vinicchayasālaṃ pavisitvā Vinicchayamahāmatte lañjaṃ gahetvā sāmike asāmike karonte disvā “aho ime adhammikā, mayaṃ pana ‘ime dhammena vinicchayaṃ karontī’ti saññino ahumhā”ti cintetvā vasse vigate vihāraṃ gantvā Satthāraṃ vanditvā ekamantaṃ nisinnā tamatthaṃ ārocesuṃ. Satthā “na bhikkhave chandādivasikā hutvā sāhasena atthaṃ vinicchinantā dhammaṭṭhā nāma honti, aparādhaṃ pana anuvijjivā aparādhanurūpaṃ asāhasena vinicchayaṃ karontā eva dhammaṭṭhā nāma hontī”ti vatvā imā gāthā abhāsi—

256. “Na tena hoti dhammaṭṭho, yenatthaṃ sāhasā¹ naye.

Yo ca atthaṃ anatthañca, ubho niccheyya paṇḍito.

257. Asāhasena dhammena, samena nayatī pare.

Dhammassa gutto medhāvī, ‘dhammaṭṭho’ti pavuccatī”ti.

Tattha **tenāti** ettakeneva kāraṇena. **Dhammaṭṭhoti** rājā hi attano kātabbe vinicchayadhamme ṭhitopi dhammaṭṭho nāma na hoti. **Yenāti** yena kāraṇena. **Atthanti** otiṇṇaṃ vinicchitabbaṃ atthaṃ. **Sāhasā nayeti** chandādīsu patiṭṭhito sāhasena musāvādena viniccheyya. Yo hi chande patiṭṭhāya ñātīti vā mittoti vā musā vatvā² asāmikameva sāmikaṃ karoti, dose patiṭṭhāya attano verīnaṃ musā vatvā sāmikameva asāmikaṃ karoti, mohe patiṭṭhāya lañjaṃ gahetvā

1. Sahasā (Sī, Syā)

2. Attano ñātīm vā mittam vā musā vatvā (Sī), attano ñātīm vā mittam vā musāvādaṃ vatvā (Syā)

vinicchayakāle aññavihito viya ito cito ca olokento musā vatvā “iminā jitaṃ, ayaṃ parājito”ti paraṃ nīharati, bhaye patiṭṭhāya kassacideva issarajātikassa parājayaṃ pāpuṇantassāpi jayaṃ āropeti, ayaṃ sāhasena atthaṃ neti nāma. Eso dhammaṭṭho nāma na hotīti attho. **Atthaṃ anattañcāti** bhūtañca abhūtañca kāraṇaṃ. **Ubho niccheyyāti** yo pana paṇḍito ubho atthānatthe vinicchinitvā vadati. **Asāhasenāti** amusāvādena. **Dhammenāti** vinicchayadhammena, na chandādivasena. **Samenāti** aparādhānurūpeneva pare nayati, jayaṃ vā parājayaṃ vā pāpeti. **Dhammassa guttoti** so dhammagutto dhammarakkhito dhammojapaññāya samannāgato medhāvī vinicchayadhamme ṭhitattā dhammaṭṭhoti pavuccatīti attho.

Desanāvasāne bahū sotāpattiphalādīni pāpuṇimsūti.

Vinicchayamahāmatavattu paṭhamam.

2. Chabbaggiyavattu

Na tena paṇḍito hotīti imaṃ dhammadesanaṃ Satthā Jetavane viharanto chabbaggiye ārabba kathesi.

Te kira vihārepi gāmepe bhattaggaṃ ākulaṃ karontā vicaranti. Athekadivase bhikkhū gāme bhattakiccaṃ katvā āgate¹ dahare sāmaṇere ca pucchimsu “kīdisaṃ āvuso bhattaggaṃ”ti. Bhante mā pucchatha, chabbaggiyā “mayameva viyattā, mayameva paṇḍitā, ime paharivā sīse kacavaraṃ ākiritvā nīharissāmā”ti vatvā amhe piṭṭhiyaṃ gahetvā kacavaraṃ okirantā bhattaggaṃ ākulaṃ akaṃsūti. Bhikkhū Satthu santikaṃ gantvā tamatthaṃ ārocesuṃ. Satthā “nāhaṃ bhikkhave bahuṃ bhāsivā pare viheṭṭhayamānaṃ ‘paṇḍito’ti vadāmi, kheminaṃ pana averīnaṃ abhayameva paṇḍitoti vadāmi”ti vatvā imaṃ gāthamāha—

258. “Na tena paṇḍito hoti, yāvataṃ bahu bhāsati.

Khemī averī abhayo, ‘paṇḍito’ti pavuccatī”ti.

1. Āgatā (Sī)

Tattha **yāvatāti** yattakena kāraṇena saṅghamajjhādīsū bahum̐ katheti, tena paṇḍito nāma na hoti. Yo pana sayam̐ khemī pañcannaṃ verānaṃ abhāvena averī nibbhayo, yaṃ vā āgamma mahājanassa bhayaṃ na hoti, so paṇḍito nāma hotīti attho.

Desanāvasāne bahū sotāpattiphalādīni pāpuṇimsūti.

Chabbaggiyavattu dutiyaṃ.

3. Ekudānattherakhīṇāsavavattu

Na tāvatāti imaṃ dhammadesanaṃ Satthā Jetavane viharanto Ekudānattheraṃ nāma khīṇāsavaṃ ārabha kathesi.

So kira ekakova ekasmim̐ vanasaṇḍe viharati, ekamevassa udānaṃ paḡuṇaṃ—

“Adhicetaso appamajjato,
Munino monapathesu sikkhato.
Sokā na bhavanti tādino,
Upasantassa sadā satīmato”ti¹.

So kira uposathadivasesu sayameva dhammassavanaṃ ghosetvā imaṃ gāthaṃ vadati. Pathavi-undriyanasaddo viya devatānaṃ sādhu kārasaddo hoti. Athekasmim̐ uposathadivase pañcapañcasataparivārā dve tipīṭakadharā bhikkhū tassa vananaṭṭhānaṃ agamaṃsu. So te disvāva tuṭṭhamānaso “sādhu vo kataṃ idha āgacchantehi, ajja mayaṃ tumhākaṃ dhammaṃ suṇissāma”ti āha. Atthi² pana āvuso idha dhammaṃ sotukāmāti³. Atthi bhante, yaṃ vanasaṇḍo dhammassavanadivase devatānaṃ sādhu kārasaddena ekaninnādo hotīti. Tesu eko tipīṭakadharo dhammaṃ osāresi, eko kathesi. Ekadevatāpi sādhu kāraṃ nādāsi. Te āhaṃsu “tvaṃ āvuso dhammassavanadivase imasmim̐ vanasaṇḍe devatā mahantena saddena sādhu kāraṃ dentīti vadesi, kim̐ nāmetan”ti. Bhante aññesu divasesu sādhu kārasaddena ekaninnādo eva hoti, na ajja

1. Vi 2. 77; Khu 1. 128 piṭṭhesu.

2. Natthi (Sī)

3. Sotāroṭi (Sī, Syā)

pana jānāmi “kimetan”ti. Tena hi āvuso tvaṃ tāva dhammaṃ kathehīti. So bījanim̄ gahetvā āsane nisinno tameva gātham̄ vadesi. Devatā mahantena saddena sādhuḥkāramadamsu. Atha nesaṃ parivārā bhikkhū ujjhāyimsu “imasmiṃ vanasaṇḍe devatā mukholokanena sādhuḥkāram̄ dadanti, tipīṭakadharabhikkhūsū ettakam̄ bhaṇantesupī kiñci pasamsanamattampi¹ avatvā ekena mahallakattherena ekagāthāya kathitāya mahāsaddena sādhuḥkāram̄ dadanti”ti. Tepi vihāram̄ gantvā Satthu tamattham̄ ārocesum̄.

Satthā “nāham̄ bhikkhave yo bahumpi uggaṇḥati vā bhāsati vā, tam̄ dhammadharoti vadāmi. Yo pana ekampi gātham̄ uggaṇḥitvā saccāni paṭivijjhati, ayaṃ dhammadharo nāmā”ti vatvā dhammaṃ desento imam̄ gāthamāha—

259. “Na tāvatā dhammadharo, yāvatā bahu bhāsati.

Yo ca appampi sutvāna, dhammaṃ kāyena passati.

Sa ve dhammadharo hoti, yo dhammaṃ nappamajjati”ti.

Tattha **yāvatā**ti yattakena uggaṇḥadhāraṇavācanādinā kāraṇena bahum̄ bhāsati, tāvattakena dhammadharo na hoti, vaṃsānurakkhako pana pavenipālako nāma hoti. **Yo ca appampī**ti yo pana appamattakampi sutvā dhammamānvāya atthamānvāya dhammānudhammappaṭipanno hutvā nāmākāyena dukkhādīni pariṇānto catusaccadhammaṃ passati, sa ve dhammadharo hoti. **Yo dhammaṃ nappamajjati**ti yopi āraddhavīriyo hutvā ajja ajjevāti paṭivedham̄ ākaṅkhanto dhammaṃ nappamajjati, ayampi dhammadharoyevāti attho.

Desanāvasāne bahū sotāpattiphalādīni pāpuṇimsūti.

Ekudānakhīṇāsavatttheravatthu tatiyam̄.

4. Lakūṇḍakabhaddiyattheravatthu

Na tena thero so hotīti imam̄ dhammadesanam̄ Satthā Jetavane viharanto Lakūṇḍakabhaddiyattheram̄ ārabbha kathesi.

1. Vacanamattampi (Sī)

Ekadivasam hi tasmim there Satthu upaṭṭhānam gantvā pakkantamatte¹ tiṃsamattā āraññikā bhikkhū taṃ passantā eva āgantvā Satthāraṃ vanditvā nisīdimṃsu. Satthā tesam arahattūpanissayaṃ disvā imam pañham pucchi “ito gataṃ ekaṃ theram passathā”ti. Na passāma bhanteti. Kim nu diṭṭho voti. Ekaṃ bhante sāmaṇeram passimhāti. Na so bhikkhave sāmaṇero, thero eva soti. Ativiya khuddako bhanteti. “Nāham bhikkhave mahallakabhāvena therāsane nisinnamattakena theroti vadāmi. Yo pana saccāni paṭivijjhivā mahājanassa ahimsakabhāve ṭhito, ayam thero nāmā”ti vatvā imā gāthā abhāsi—

260. “Na tena thero so hoti, yenassa palitam siro.

Paripakko vayo tassa, ‘moghajjīṇṇo’ti vuccati.

261. Yamhi saccañca dhammo ca, ahimsā saṃyamo damo.

Sa ve vantamalo dhīro, ‘thero’iti pavuccatī”ti.

Tattha **paripakkoti** pariṇato², vuḍḍhabhāvaṃ pattoti attho.

Moghajjīṇṇoti anto therakarānam dhammānam abhāvena tucchajjīṇṇo nāma.

Yamhi saccañca dhammo cāti yamhi pana puggale soḷasahākārehi

paṭividdhattā catubbidham saccam, ñāṇena sacchikatattā navavidho

lokuttaradhammo ca atthi. **Ahimsāti** ahimsanabhāvo. Desanāmettamam,

yamhi pana catubbidhāpi appamaññābhāvanā atthīti attho. **Saṃyamo damoti**

sīlañceva indriyasamvaro ca. **Vantamaloti** maggañāṇena nīhaṭamalo. **Dhīroti**

dhitisampanno. **Theroti** so imehi thirabhāvākārahehi samannāgatattā theroti

vuccatīti attho.

Desanāvasāne te bhikkhū arahatte paṭiṭṭhahimsūti.

Lakuṇḍakabhaddiyattheravatthu catuttham.

1. Pakkamante (Si)

2. Parijīṇṇo (Si)

5. Sambahulabhikkhuvatthu

Na vākkaraṇamattenāti imaṃ dhammadesanaṃ Satthā Jetavane viharanto sambahule bhikkhū ārabha kathesi.

Ekasmiṃ hi samaye dahare ceva sāmaṇere ca attano dhammācariyānameva cīvararajanādīni veyyāvaccāni karonte disvā ekacce therā cintayīṃsu “mayampi byañjanasamaye kusalā, amhākameva kiñci natthi. Yaṃnūna mayam Satthāraṃ upasaṅkamtivā evaṃ vadeyyāma ‘bhante mayam byañjanasamaye kusalā, aññesaṃ santike dhammaṃ uggaṇhitvāpi imesaṃ santike asodhetvā mā sajjhāyitthāti daharasāmaṇere āṇāpethā’ti. Evañhi amhākaṃ lābhasakkāro vaḍḍhissatī”ti. Te Satthāraṃ upasaṅkamtivā tathā vadīṃsu.

Satthā tesam vacanaṃ sutvā “imasmiṃ sāsane paveṇivaseneva evaṃ vattuṃ labhati, ime pana lābhasakkāre nissitāti ñatvā ahaṃ tumhe vākkaraṇamattena sādhurūpāti na vadāmi. Yassa panete issādayo dhammā arahattamaggena samucchinnā, eso eva sādhurūpo”ti vatvā imā gāthā abhāsi—

262. “Na vākkaraṇamattena, vaṇṇapokkharatāya vā.
Sādhurūpo naro hoti, issukī maccharī saṭho.

263. Yassa cetam samucchinnaṃ, mūlaghaccaṃ samūhataṃ.
Sa vantadoso medhāvī, sādhurūpoti vuccatī”ti.

Tattha **na vākkaraṇamattenā**ti vacīkaraṇamattena saddalakkhaṇasampannavacanamattena. **Vaṇṇapokkharatāya vā**ti sarīravaṇṇassa manāpabhāvena vā. **Naroti** ettakeneva kāraṇena paralābhādīsu issāmanako pañcavidhena maccherena samannāgato kerāṭīkabhāvena¹ saṭho naro sādhurūpo na hoti. **Yassa cetanti** yassa ca puggalassetam issādidosajātam arahattamaggañāṇena samūlakaṃ chinnaṃ, mūlaghātam katvā

1. Kerāṭīkapakkhabhajanena (Sī, Syā)

samūhataṃ, so vantadoso dhammojapaññāya samannāgato sādhurūpoti vuccatīti attho.

Desanāvasāne bahū sotāpattiphalādīni pāpuṇimsūti.

Sambahulabhikkhuvatthu pañcamaṃ.

6. Hatthakavatthu

Na muṇḍakena samaṇoti imaṃ dhammadesanaṃ Satthā Sāvatthiyaṃ viharanto Hatthakaṃ ārabha kathesi.

So kira vādakkhitto “tumhe asukavelāya asukaṭṭhānaṃ nāma āgaccheyyātha, vādaṃ karissāmā”ti vatvā puretameva tattha gantvā “passatha, titthiyā mama bhayena nāgatā, esova pana nesaṃ parājayo”ti-ādīni vatvā vādakkhitto aññenaññaṃ paṭicaranto vicarati. Satthā “Hatthako kira evaṃ karotī”ti sutvā taṃ pakkosāpetvā “saccaṃ kira tvaṃ Hatthaka evaṃ karosi”ti pucchitvā “saccan”ti vutte “kasmā evaṃ karosi. Evarūpañhi musāvādaṃ karonto sīsamuṇḍanādimmatteneva¹ samaṇo nāma na hoti. Yo pana aṇūni vā thūlāni vā pāpāni sametvā ṭhito, ayameva samaṇo”ti vatvā imā gāthā abhāsi—

264. “Na muṇḍakena samaṇo, abbato alikaṃ bhaṇaṃ.

Icchālobhasamāpanno, samaṇo kiṃ bhavissati.

256. Yo ca sameti pāpāni, aṇuṃ thūlāni sabbaso.

Samitattā hi pāpānaṃ, ‘samaṇo’ti pavuccatī”ti.

Tattha **muṇḍakenā**ti sīsamuṇḍanamattena. **Abbatoti** sīlavatena ca dhutaṅgavatena ca virahito. **Alikaṃ bhaṇanti** musāvādaṃ bhaṇanto asampattesu² ārammaṇesu icchāya pattesu ca³ lobhena samannāgato samaṇo nāma kiṃ bhavissati. **Sametī**ti yo ca parittāni

1. Sīsamuṇḍanādīnā vicaraṇamatteneva (Si)

2. Appamattesu (Ka)

3. Mahattesu ca (Ka)

vā mahantāni vā pāpāni vūpasameti, so tesam samitattā samaṇoti pavuccatīti attho.

Desanāvasāne bahū sotāpattiphalādīni pāpuṇimsūti.

Hatthakavatthu chaṭṭham.

7. Aññatarabrāhmaṇavatthu

Na tena bhikkhu so hotīti imaṃ dhammadesanaṃ Satthā Jetavane viharanto aññataram brāhmaṇaṃ ārabba kathesi.

So kira bāhirasamaye pabbajitvā bhikkhaṃ caranto cintesi “samaṇo Gotamo attano sāvake bhikkhāya caraṇena¹ ‘bhikkhū’ti vadati, mampi² ‘bhikkhū’ti vattum vaṭṭatī”ti. So Satthāraṃ upasaṅkamitvā “bho Gotama ahampi bhikkhaṃ caritvā jīvāmi, mampi³ ‘bhikkhū’ti vadehī”ti āha. Atha naṃ Satthā “nāhaṃ brāhmaṇa bhikkhanamattena bhikkhūti vadāmi. Na hi vissaṃ dhammaṃ samādāya vattanto bhikkhu nāma hoti. Yo pana sabbasaṅkhāresu saṅkhāya carati, so bhikkhu nāmā”ti vatvā imā gāthā abhāsi—

266. “Na tena bhikkhu so hoti, yāvatā bhikkhate pare.

Vissaṃ dhammaṃ samādāya, bhikkhu hoti na tāvatā.

267. Yodha puññaṅca pāpaṅca, bāhetvā brahmacariyavā.

Saṅkhāya loke caratī, sa ve ‘bhikkhū’ti vuccatī”ti.

Tattha **yāvatā**ti yattakena pare bhikkhate, tena bhikkhanamattena bhikkhu nāma na hoti. **Vissanti** visamaṃ dhammaṃ, vissagandhaṃ vā kāyakammādikaṃ dhammaṃ samādāya caranto bhikkhu nāma na hoti. **Yodhā**ti yo idha sāsane ubhayampetaṃ puññaṅca pāpaṅca maggabrahmacariyena bāhetvā panuditvā⁴ brahmacariyavā hoti. **Saṅkhāyā**ti ñāṇena. **Loketi** khandhādiloke “ime ajjhattikā khandhā, ime bāhirā”ti evaṃ sabbepi dhamme

1. Carante (Syā, Ka)

3. Mayhampi (Sī)

2. Mamampi (Sī)

4. Opuṇāpetvā (Sī)

jānitvā carati, so tena ñāṇena kilesānaṃ bhinnattā “bhikkhū”ti vuccatīti attho.

Desanāvasāne bahū sotāpattiphalādīni pāpuṇimsūti.

Aññatarabrāhmaṇavatthu sattamaṃ.

8. Titthiyavatthu

Na monenāti imaṃ dhammadesanaṃ Satthā Jetavane viharanto titthiye ārabba kathesi.

Te kira bhuttaṭṭhānesu manussānaṃ “khemāṃ hotu, sukhaṃ hotu, āyu vaḍḍhatu, asukaṭṭhāne nāma kalalaṃ atthi, asukaṭṭhāne nāma kaṇṭako atthi, evarūpaṃ ṭhānaṃ gantuṃ na vaṭṭati”ti-ādinā nayena maṅgalaṃ vatvā pakkamanti. Bhikkhū pana paṭhamabodhiyaṃ anumodanādīnaṃ ananuññātakāle bhattagge manussānaṃ anumodanaṃ akatvā pakkamanti. Manussā “titthiyānaṃ santikā maṅgalaṃ suṇāma, bhaddantā pana tuṇhībhūtā pakkamantī”ti ujjhāyimsu. Bhikkhū tamatthaṃ Satthu ārocesuṃ. Satthā “bhikkhave ito paṭṭhāya bhattaggādīsu yathāsukhaṃ anumodanaṃ karotha, upanisinnakathaṃ karotha, dhammaṃ kathethā”ti anujāni. Te tathā kariṃsu. Manussā anumodanādīni suṇantā ussāhappattā bhikkhū nimantetvā sakkāraṃ karontā vicaranti. Titthiyā pana “mayāṃ Munino monaṃ karoma, samaṇassa Gotamassa sāvakaṃ bhattaggādīsu mahākathaṃ kathentā vicarantī”ti ujjhāyimsu.

Satthā tamatthaṃ sutvā “nāhaṃ bhikkhave tuṇhībhāvamattena ‘Munī’ti vadāmi. Ekacce hi ajānantā na kathenti, ekacce avisāradatāya, ekacce ‘mā no imaṃ atisayatthaṃ aññe jāniṃsū’ti maccherena. Tasmā monamattena Muni na hoti, pāpavūpasamena pana Muni nāma hoti”ti vatvā imā gāthā abhāsi—

268. “Na monena Munī hoti, mūḷharūpo aviddasu.

Yo ca tulaṃva paggayha, varamādāya paṇḍito.

269. Pāpāni parivajjeti, sa Munī tena so muni.

Yo munāti ubho loke, muni tena pavuccatī”ti.

Tattha **na monenāti** kāmaṃ hi moneyyapaṭipadāsāṅkhātena maggañāṇamonena Muni nāma hoti, idha pana tuṅhībhāvaṃ sandhāya “monenā”ti vuttaṃ. **Mūḷharūpoti** tuccharūpo. **Aviddasūti** aviññū. Evarūpo hi tuṅhībhūtopi Muni nāma na hoti. Atha vā monena Muni nāma na hoti, tucchasabhāvo pana aviññū¹ ca hotīti attho. **Yo ca tulaṃva paggayhāti** yathā hi tulaṃ gahetvā ṭhito atirekaṃ ce hoti, harati. Ūnaṃ ce hoti, pakkhipati. Evameva yo atirekaṃ haranto viya pāpaṃ harati parivajjeti, ūnake pakkhipanto viya kusalaṃ paripūreti. Evañca pana karonto sīlasamādhapaññāvimmuttivimuttiñāṇadassanasāṅkhātaṃ varaṃ uttamameva ādāya pāpāni akusalakammāni parivajjeti. **Sa Munīti** so Muni nāmāti attho. **Tena so Munīti** kasmā pana so Munīti ce? Yaṃ heṭṭhā vuttakāraṇaṃ, tena so Munīti attho. **Yo munāti ubho loketi** yo puggalo imasmiṃ khandhādiloke tulaṃ āropetvā minanto viya “ime ajjhattikā khandhā, ime bāhirā”ti-ādinā nayena ime ubho atthe munāti. **Munitena pavuccatīti** tena kāraṇena Munīti vuccatiyevāti attho.

Desanāvasāne bahū sotāpattiphalādīni pāpuṇimsūti.

Titthiyavatthu aṭṭhamaṃ.

9. Bālisikavatthu

Na tena ariyo hotīti imaṃ dhammadesanaṃ Satthā Jetavane viharanto ekaṃ ariyaṃ nāma Bālisikaṃ ārabba kathesi.

Ekadivasañhi Satthā tassa sotāpattimagassūpanissayaṃ disvā Sāvattiyā Uttaradvāragāme piṇḍāya caritvā bhikkhusaṃghaparivuto tato āgacchati. Tasmīṃ khaṇe so Bālisiko balisena macche gaṇhanto Buddhappamukhaṃ bhikkhusaṃghaṃ disvā balisayaṭṭhim chaḍḍetvā aṭṭhāsi. Satthā tassa

1. Aññāṇī (Syā, Ka)

avidūre ṭhāne nivattitvā ṭhito “tvaṃ kiṃnāmosī”ti Sāriputtattherādīnaṃ nāmāni pucchi. Tepi “ahaṃ Sāriputto, ahaṃ Moggallāno”ti attano attano nāmāni kathayim̐su. Bālisiko cintesi “Satthā sabbesaṃ nāmāni pucchati, mamampi nāmaṃ pucchissati maññe”ti. Satthā tassa icchaṃ ñatvā “upāsaka tvaṃ konāmosī”ti pucchitvā “ahaṃ bhante ariyo nāmā”ti vutte “na upāsaka tādisā pāṇātipātino ariyā nāma honti, ariyā pana mahājanassa ahimsanabhāve ṭhitā”ti vatvā imaṃ gāthamāha—

270. “Na tena ariyo hoti, yena pāṇāni himsati.

Ahimsā sabbapāṇānaṃ, ‘ariyo’ti pavuccatī”ti.

Tattha **ahimsā**ti ahimsanena. Idaṃ vuttaṃ hoti—yena hi pāṇāni himsati, na tena kāraṇena ariyo hoti. Yo pana sabbapāṇānaṃ pāṇi-ādīhi ahimsanena mettādibhāvanāya patiṭṭhitattā himsato ārāva ṭhito, ayaṃ ariyoti vuccatīti attho.

Desanāvasāne bālisiko sotāpattiṭṭhale patiṭṭhahi, sampattānampi sātthikā dhammadesanā ahoṣīti.

Bālisikavatthu navamaṃ.

10. Sambahulasīlādisampannabhikkhuvatthu

Na sīlabbatamattenāti imaṃ dhammadesanaṃ Satthā Jetavane viharanto sambahule sīlādisampanne bhikkhū ārabba kathesi.

Tesu kira ekaccānaṃ evaṃ ahoṣi “mayāṃ sampannasīlā, mayāṃ dhutaṅgadharā, mayāṃ bahussutā, mayāṃ pantasenāsanavāsino, mayāṃ jhānalābhino, na amhākaṃ arahattaṃ dullabhaṃ, icchitadivaseyeva arahattaṃ pāpuṇissāmā”ti. Yepi tattha anāgāmino, tesampi etadahosi “na amhākaṃ idāni arahattaṃ dullabhan”ti. Te sabbepi ekadivasaṃ Satthāraṃ upasaṅkamitvā vanditvā nisinnā “apī nu kho vo bhikkhave pabbajitakiccaṃ matthakaṃ pattan”ti Satthārā puṭṭhā evamāhaṃsu “bhante mayāṃ evarūpā evarūpā ca, tasmā ‘icchiticchitakkhaṇe ye va arahattaṃ pattuṃ samatthamhā’ti cintetvā viharāmā”ti.

Satthā tesam vacanam sutvā “bhikkhave bhikkhunā nāma parisuddhasīlādimattakena vā anāgāmisukhappattamattakena vā ‘appakam no bhavadukkhan’ti vattum¹ na vaṭṭati, āsavakkhayaṃ pana appatvā ‘sukhitomhī’ti cittaṃ na uppādetabban’ti vatvā imā gāthā abhāsi—

271. “Na sīlabbatamattena, bāhusaccena vā pana.
Atha vā samādhilābhena, vivittasayanena vā.

272. Phusāmi nekkhammasukham, aputhujjanasevitam.
Bhikkhu vissāsamāpādi, appatto āsavakkhayan’ti.

Tattha **sīlabbatamattenā**ti catupārisuddhisīlamattena vā terasadhutaṅgamattena vā. **Bāhusaccena vā**ti tiṇṇaṃ piṭakānaṃ uggahitamattena vā. **Samādhilābhenā**ti aṭṭhasamāpattiyā lābhena. **Nekhammasukhanti** anāgāmisukhaṃ. Tam² anāgāmisukhaṃ phusāmīti ettakamattena vā. **Aputhujjanasevanti** puthujjanehi asevitam ariyasevitameva. **Bhikkhū**ti tesam aññataram ālapanto āha. **Vissāsamāpādī**ti vissāsaṃ na āpajjeyya. Idaṃ vuttaṃ hoti—bhikkhu iminā sampannasīlādibhāvamattakeneva “mayhaṃ bhavo appako parittako”ti āsavakkhayaasaṅkhātāṃ arahattaṃ appatto hutvā bhikkhu nāma vissāsaṃ nāpajjeyya. Yathā hi appamattakopi gūtho duggandho hoti, evaṃ appamattakopi bhavo dukkhoti.

Desanāvasāne te bhikkhū arahatte patiṭṭhahimsu, sampattānampi sātthikā dhammadesanā ahoṣīti.

Sambahulasīlādisampannabhikkhuvatthu dasamaṃ.

Dhammaṭṭhavaggavaṇṇanā niṭṭhitā.

Ekūnavīsatiṃ vaggo.

1. Daṭṭhum (Sī, Syā)

2. Tasmā (Syā, Ka)

20. Maggavagga

1. Pañcasatabhikkhuvatthu

Maggānaṭṭhaṅgikoti imam dhammadesanam Sathā Jetavane viharanto pañcasate bhikkhū ārabha kathesi.

Te kira Sathari janapadacārikam caritvā puna Sāvattim āgate upaṭṭhānasālāya nisīditvā “asukagāmato asukagāmassa maggo samo, asukagāmassa maggovisamo, sasakkharo, asakkharo”ti-ādīnā nayena attano vicaritamaggam ārabha maggakatham kathesum. Sathā tesam arahattassūpanissayam disvā tam ṭhānam āgantvā paññattāsane nisinno “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “bhikkhave ayam bāhirakamaggo, bhikkhunā nāma ariyamagge kammaṃ kātum vaṭṭati, evam hi karonto bhikkhu sabbadukkhā pamucati”ti vatvā imā gāthā abhāsi—

273. “Maggānaṭṭhaṅgiko seṭṭho, saccānam caturo padā.

Virāgo seṭṭho dhammānam, dvipadānañca cakkhumā.

274. Eseva maggo natthañño, dassanassa visuddhiyā.

Etañhi tumhe paṭipajjatha, mārassetam pamohanam.

275. Etañhi tumhe paṭipannā, dukkhassantam karissatha.

Akkhāto vo mayā maggo, aññāya sallakantanam.

276. Tumhehi kiccamātappam, akkhātāro Tathāgatā.

Paṭipannā pamokkhanti, jhāyino mārabandhanā”ti.

Tattha **maggānaṭṭhaṅgikoti** jaṅghamaggādayo vā hontu dvāsaṭṭhi diṭṭhigatamaggā vā, tesam sabbesampi maggānam sammādiṭṭhi-ādīhi aṭṭhahi aṅgehi micchādiṭṭhi-ādīnam aṭṭhannam pahānam karonto nirodham ārammaṇam katvā catūsupi saccesu dukkhaparijānanādikiccam sādhamāno aṭṭhaṅgiko maggo

seṭṭho uttamo. **Saccānaṃ caturo padāti** “saccaṃ bhaṇe na kujjheyyā”¹ āgataṃ vacīsaccaṃ vā hotu, “sacco brāhmaṇo sacco khattiyō”² ti-ādibhedāṃ sammutisaccaṃ vā “idameva saccāṃ moghamaññaṃ”³ ti diṭṭhisaccaṃ vā “dukkhaṃ ariyasaccāṃ”⁴ ti-ādibhedāṃ paramatthasaccaṃ vā hotu, sabbesampi imesaṃ saccānaṃ parijānitaḥḥatṭhena sacchikāḥḥatṭhena pahāḥḥatṭhena bhāvetatṭhena ekapaṭivedatṭhena ca tathapaṭivedatṭhena ca dukkhaṃ ariyasaccanti-ādayo caturo padā seṭṭhā nāma. **Virāgo seṭṭho dhammānanti** “yāvata bhikkhave dhammā saṅkhatā vā asaṅkhatā vā, virāgo tesāṃ aggamakkhāyati”⁵ ti vacanato sabbadhammānaṃ nibbānasaṅkhāto virāgo seṭṭho. **Dvipadānaṃ ca cakkhumāti** sabbesaṃ devamanussādibhedānaṃ dvipadānaṃ pañcahi cakkhūhi cakkhumā Tathāgatova seṭṭho. Casaddo sampiṇḍanattho, arūpadhamme sampiṇḍeti. Tasmā arūpadhammānampi Tathāgato seṭṭho uttamo.

Dassanassa visuddhiyāti maggaphaladassanassa visuddhatthaṃ yo mayā “seṭṭho”⁶ ti vutto, esova maggo, natthañño. **Etañhi tumheti** tasmā tumhe etameva paṭipajjatha. **Mārassetaṃ pamohananti** etaṃ māramohanāṃ māramanthananti⁷ vuccati. **Dukkhasantanti** sakalassapi vaṭṭadukkhasa antaṃ paricchedaṃ karissathāti attho. **Aññāya sallakantananti** rāgasallādīnaṃ kantaṃ nimmathanaṃ abbūhaṇaṃ⁸ etaṃ maggaṃ, mayā vinā anussavādīhi attapaccakkhato ṇatvāva ayaṃ maggo akkhāto, idāni tumhehi kilesānaṃ ātāpanena “ātappan”⁹ ti saṅkhaṃ gataṃ tassa adhigamatthāya sammappadhānavīriyaṃ kiccaṃ karaṇīyaṃ. Kevalañhi akkhātārova Tathāgatā. Tasmā tehi akkhātavasena ye paṭipannā dvīhi jhānehi jhāyino, te tebhūmakavaṭṭasaṅkhātā mārabandhanā pamokkhanṭīti attho.

Desanāvasāne te bhikkhū arahatte paṭiṭṭhahimsu, sampattānampi sātthikā dhammadesanā ahoṣīti.

Pañcasatabhikkhuvatthu paṭhamāṃ.

1. Khu 1. 46 piṭṭhe.

2. Abhi 1. 230; Ma 2. 150 piṭṭhādīsu.

3. Khu 1. 254; Am 1. 343 piṭṭhesu.

4. Māravacananti (Syā), mārabandhananti (Sī, Ka)

5. Abbāhanaṃ (Syā, Ka)

2. Aniccalakkhaṇavatthu

Sabbe saṅkhārā aniccāti imañ dhammadesanaṃ Satthā Jetavane viharanto pañcasate bhikkhū ārabha kathesi.

Te kira Satthu santike kammaṭṭhānaṃ gahetvā gantvā araṇṇe vāyamaṅtāpi arahattaṃ appatvā “visesetvā kammaṭṭhānaṃ uggaṇhissāmā”ti Satthu santikaṃ āgamiṃsu. Satthā “kiṃ nu kho imesaṃ sappāyan”ti vīmaṃsanto “ime Kassapabuddhakāle vīsati vassasahassāni aniccalakkhaṇe anuyuṅgiṃsu, tasmā aniccalakkhaṇeneva tesāṃ ekaṃ gātham desetuṃ vaṭṭati”ti cintetvā “bhikkhave kāmabhavādīsu sabbepi saṅkhārā hutvā abhāvaṭṭhena aniccā evā”ti vatvā imañ gāthamāha—

277. “Sabbe saṅkhārā aniccāti, yadā paññāya passati.

Atha nibbindati dukkhe, esa maggo visuddhiyā”ti.

Tattha **sabbe saṅkhārā**ti kāmabhavādīsu uppannā khandhā tattha tattheva nirujjhanato **aniccā**ti yadā vipassanāpaññāya passati, atha imasmim khandhapariharaṇadukkhe nibbindati, nibbindanto¹ dukkhaparijānanādivasena saccāni paṭivijjhati. **Esa maggo visuddhiyā**ti visuddhatthāya vodānatthāya esa maggoti attho.

Desanāvasāne te bhikkhū arahatte paṭiṭṭhahiṃsu, sampattaparisānampi sātthikā dhammadesanā ahoṣīti.

Aniccalakkhaṇavatthu dutiyaṃ.

3. Dukkhalakkhaṇavatthu

Dutiyagāthāyapi evarūpameva vatthu. Tadā hi Bhagavā tesāṃ bhikkhūnaṃ dukkhalakkhaṇe katābhiyogabhāvaṃ ñatvā “bhikkhave sabbepi khandhā paṭipīḷanaṭṭhena dukkhā evā”ti vatvā imañ gāthamāha—

1. Nibbinno (Sī)

278. “Sabbe saṅkhārā dukkhāti, yadā paññāya passati.
Atha nibbindati dukkhe, esa maggo visuddhiyā”ti.

Tattha **dukkhāti** paṭipīḷanaṭṭhena dukkhā. Sesam purimasadisameva.

Dukkhalakkhaṇavatthu tatiyaṃ.

4. Anattalakkhaṇavatthu

Tatiyagāthāyapi eseva nayo. Kevalaṅhi ettha Bhagavā tesam bhikkhūnaṃ pubbe anattalakkhaṇe anuyuttabhāvaṃ ñatvā “bhikkhave sabbepi khandhā avasavattanaṭṭhena anattā evā”ti vatvā imaṃ gāthamāha—

279. “Sabbe dhammā anattāti, yadā paññāya passati.
Atha nibbindati dukkhe, esa maggo visuddhiyā”ti.

Tattha **sabbe dhammāti** pañcakkhandhā eva adhippetā. **Anattāti** “mā jīyantu mā mīyantū”ti vase vattetuṃ na sakkāti avasavattanaṭṭhena anattā attasuññā assāmikā anissarāti attho. Sesam purimasadisamevāti.

Anattalakkhaṇavatthu catuttham.

5. Padhānakammikatissattheravatthu

Uṭṭhānakālamhīti imaṃ dhammadesanaṃ Satthā Jetavane viharanto Padhānakammikatissattheraṃ ārabha kathesi.

Sāvattvivāsino kira pañcasatā kulaputtā Satthu santike pabbajitvā kammaṭṭhānaṃ gahetvā araṅṅaṃ agamaṃsu. Tesu eko tattheva ohīyi. Avasesā araṅṅe samaṇadhammaṃ karontā arahattaṃ patvā “paṭiladdhaguṇaṃ Satthu āroccsāmā”ti puna Sāvattim agamaṃsu. Te Sāvattitho yojanamatte ekasmiṃ gāmake piṇḍāya carante disvā eko upāsako yāgubhattādīhi patimānetvā anumodanaṃ sutvā punadivasatthāyapi nimantesi. Te tadaheva Sāvattim gantvā pattacīvaraṃ paṭisāmetvā

sāyanhasamaye Satthāraṃ upasaṅkamitvā vanditvā ekamantaṃ nisīdimṃsu.
Satthā tehi saddhiṃ ativiya tuṭṭhiṃ pavedayamāno paṭisanthāraṃ akāsi.

Atha nesam̐ tattha ohīno sahāyakabhikkhu¹ cintesi “Satthu imehi
saddhiṃ paṭisanthāraṃ karontassa mukhaṃ nappahoti, mayhaṃ pana
maggaphalābhāvena mayā saddhiṃ na katheti, ajjeva arahattaṃ patvā
Satthāraṃ upasaṅkamitvā mayā saddhiṃ kathāpessāmī”ti. Tepi bhikkhū
“bhante mayam̐ āgamanamagge ekena upāsakena svātanāya nimantitā, tattha
pātova gamissāmā”ti Satthāraṃ apalokesuṃ. Atha nesam̐ sahāyako bhikkhu
sabbarattim̐ caṅkamanto niddāvasena caṅkamakoṭṭiyam̐ ekasmim̐
pāsāṇaphalake pati, ūruṭṭhi bhijji. So mahāsaddena viravi. Tassa te sahāyakā
bhikkhū saddam̐ sañjānitvā ito cito ca upadhāvimsu. Tesam̐ dīpaṃ jāletvā
tassa kattabbakiccaṃ karontānaṃyeva aruṇo uṭṭhahi, te tam̐ gāmaṃ gantuṃ
okāsam̐ na labhimsu. Atha ne Satthā āha “kiṃ bhikkhave
bhikkhācāragāmaṃ na gamitthā”ti. Te “āma bhante”ti tam̐ pavattim̐
ārocesuṃ. Satthā “na bhikkhave esa idāneva tumhākaṃ lābhantarāyam̐
karoti, pubbepi akāsiyevā”ti vatvā tehi yācito atītam̐ āharitvā—

“Yo pubbe karaṇīyāni, pacchā so kātumicchati.

Varuṇakaṭṭhabhaṅjova, sa pacchā manutappatī”ti²—

Jātakam̐ vitthāresi. Tadā kira te bhikkhū pañcasatā māṇavakā ahesuṃ,
kusītamāṇavako ayaṃ bhikkhu ahosi, ācariyo pana Tathāgatova ahosīti.

Satthā imam̐ dhammadesanaṃ āharitvā “bhikkhave yo hi uṭṭhānakāle
uṭṭhānaṃ na karoti, saṃsannasaṅkappo hoti, kusīto so jhānādibhedam̐
visesam̐ nādhigacchatī”ti vatvā imam̐ gāthamāha—

280. “Uṭṭhānakālamhi anuṭṭhahāno,

Yuvā balī ālasiyam̐ upeto.

Saṃsannasaṅkappamano kusīto,

Paññāya maggam̐ alaso na vindatī”ti.

1. Ohito sahāyakabhikkhu (Sī), ohiyasahāyakabhikkhu (Ka)

2. Khu 5. 17 piṭṭhe.

Tattha **anuṭṭhahā**noti anuṭṭhahanto avāyamanto. **Yuvā balī**ti paṭhamayobbane ṭhito balasampannopi hutvā alasabhāvena upato hoti, bhutvā sayati. **Samsannasaṅkappamanoti** tīhi micchāvitakkehi suṭṭhu avasannasammāsaṅkappacitto¹. **Kusī**toti nibbīriyo. **Alasoti** mahā-alaso paññāya daṭṭhabbāṃ ariyamaggāṃ apassanto na vindati, na paṭilabhatīti attho.

Desanāvasāne bahū sotāpattiphalādīni pāpuṇimsūti.

Padhānakammikatissattheravatthu pañcamaṃ.

6. Sūkarapetavatthu

Vācānurakkhīti imāṃ dhammadesanaṃ Satthā Veḷuvane viharanto sūkarapetaṃ ārabha kathesi.

Ekasmiṃ hi divase Mahāmoggallānatthero Lakkhaṇattherena saddhiṃ Gijjhakūṭā orohanto ekasmiṃ padese sitaṃ pātvākāsi. “Ko nu kho āvuso hetu sitassa pātukammāyā”ti Lakkhaṇattherena puṭṭho “akālo āvuso imassa pañhassa, Satthu santike maṃ puccheyyāthā”ti vatvā Lakkhaṇattherena saddhiṃyeva Rājagahe piṇḍāya caritvā piṇḍapātaṭikkanto Veḷuvanaṃ gantvā Satthāraṃ vanditvā nisīdi. Atha maṃ Lakkhaṇatthero tamatthaṃ pucchi. So āha “āvuso ahaṃ ekaṃ petāṃ addasaṃ, tassa tigāvutappamaṇaṃ sarīraṃ, taṃ manussasarīrasadisāṃ. Sīsaṃ pana sūkarassa viya, tassa mukhe naṅguṭṭhaṃ jātaṃ, tato puḷavā paggharanti. Svāhaṃ ‘na me evarūpo satto diṭṭhapubbo’ti taṃ disvā sitaṃ pātvākāsin”ti. Satthā “cakkhubhūtā vata bhikkhave mama sāvakā viharantī”ti vatvā “ahampetaṃ sattam Bodhimaṇḍeyeva addasaṃ. ‘Ye pana me na saddaheyyuṃ, tesaṃ ahitāya assā’ti paresaṃ anukampāya na kathesiṃ. Idāni Moggallānaṃ sakkhiṃ katvā kathemi. Saccāṃ bhikkhave Moggallāno āhā”ti kathesi. Taṃ sutvā bhikkhū Satthāraṃ pucchimsu

1. Avasannasankappacitto (Syā)

“kiṃ pana bhante tassa pubbakammaṃ”ti. Satthā “tena hi bhikkhave suṇāthā”ti atītaṃ āharitvā tassa pubbakammaṃ kathesi.

Kassapabuddhakāle kira ekasmim gāmakāvāse dve therā samaggavāsaṃ vasimsu. Tesu eko saṭṭhivasso, eko ekūnasaṭṭhivasso. Ekūnasaṭṭhivasso itarassa pattacīvaraṃ ādāya vicari, sāmaṇero viya sabbaṃ vattapaṭivattaṃ akāsi. Tesam ekamātukucchiyaṃ vutthabhātūnaṃ viya samaggavāsaṃ vasantānaṃ vasanaṭṭhānaṃ eko dhammakathiko āgami. Tadā ca dhammassavanadivaso hoti. Therā naṃ saṅgaṇhitvā “dhammakathaṃ no kathehi sappurisa”ti āhamsu. So dhammakathaṃ kathesi. Therā “dhammakathiko no laddho”ti tuṭṭhacittā punadivase taṃ ādāya dhuragāmaṃ piṇḍāya pavisitvā tattha katabhattakiccā “āvuso hiyyo kathitaṭṭhānatova¹ thokaṃ dhammaṃ kathehī”ti manussānaṃ dhammaṃ kathāpesuṃ. Manussā dhammakathaṃ sutvā punadivasatthāyapi nimantayimsu. Evaṃ samantā bhikkhācāragāmesu dve dve divase taṃ ādāya piṇḍāya carimsu.

Dhammakathiko cintesi “ime dvepi atimudukā, mayā ubhopete palāpetvā imasmim vihāre vasitum vaṭṭati”ti. So sāyaṃ therūpaṭṭhānaṃ gantvā bhikkhūnaṃ uṭṭhāya gatakāle nivattitvā mahātheraṃ upasaṅkamtivā “bhante kiñci vattabbaṃ atthi”ti vatvā “kathehi āvuso”ti vutte thokaṃ cintevā “bhante kathā nāmesā mahāsāvajjā”ti vatvā akathetvāva pakkāmi. Anotherassāpi santikaṃ gantvā tatheva akāsi. So dutiyadivase tatheva katvā tatiyadivase tesam ativiya kotuhale uppanne mahātheraṃ upasaṅkamtivā “bhante kiñci vattabbaṃ atthi, tumhākaṃ pana santike vattum na visahāmī”ti vatvā therena “hotu āvuso kathehī”ti nippiḷito āha “kiṃ pana bhante anuthero tumhehi saddhiṃ sambhogo”ti. Sappurisa kiṃ nāmetaṃ kathesi, mayam ekamātukucchiyaṃ vutthaputtā viya, amhesu ekena yaṃ laddham, itarenāpi laddhameva hoti. Mayā etassa ettakaṃ kālaṃ aguṇo nāma na diṭṭhapubboti. Evaṃ bhanteti. Āmāvusoti. Bhante maṃ anuthero evamāha “sappurisa tvaṃ kulaputto, ayaṃ mahāthero lajjī pesaloti etena saddhiṃ sambhogam

1. Thitaṭṭhānato (Sī, Syā)

karonto upaparikkhitvā kareyyāsī”ti evamesa maṃ āgatadivasato paṭṭhāya vadatīti.

Mahāthero taṃ sutvāva kuddhamānaso daṇḍābhihatam kulālabhājanam viya bhijji. Itaropi uṭṭhāya anutherassa santikam gantvā tatheva avoca, sopi tatheva bhijji. Tesu kiñcāpi ettakam kalam ekopi visum piṇḍāya pavitṭhapubbo nāma natthi, punadivase pana visum piṇḍāya pavisitvā anuthero puretaram āgantvā upaṭṭhānasālāya aṭṭhāsi, mahāthero pacchā agamāsi. Tam disvā anuthero cintesi “kim nu kho imassa pattacīvaram paṭiggahetabbam, udāhu no”ti. So “na idāni paṭiggahessāmī”ti cintetvāpi “hotu, na mayā evam katapubbam, mayā attano vattam hāpetum na vaṭṭatī”ti cittam mudukam katvā theram upasaṅkamitvā “bhante pattacīvaram dethā”ti āha. Itaro “gaccha dubbiniṭa, na tvam mama pattacīvaram paṭiggahetum yuttarūpo”ti accharam paharitvā tenapi “āma bhante ahampi tumhākam pattacīvaram na paṭiggaṇhāmīti cintesin”ti vutte “āvuso navaka kim tvam cintesi, mama imasmim vihāre koci saṅgo atthī”ti āha. Itaropi “tumhe pana bhante kim evam maññatha ‘mama imasmim vihāre koci saṅgo atthī’ti, eso te vihāro”ti vatvā pattacīvaram ādāya nikkhami. Itaropi nikkhami. Te ubhopi ekamaggenāpi agantvā eko pacchimadvārena maggam gaṇhi, eko puratthimadvārena. Dhammakathiko “bhante mā evam karoṭha, mā evam karoṭhā”ti vatvā “tiṭṭhāvuso”ti vutte nivatti. So punadivase dhuragāmam pavitṭho manussehi “bhante bhaddantā kuhin”ti vutte “āvuso mā pucchatha, tumhākam kulupakā hiyyo kalaham katvā nikkhamimsu, aham yācantopi nivattetum nāsakkhin”ti āha. Tesu bālā tuṅhī ahesum. Paṇḍitā pana “amhehi ettakam kalam bhaddantānam kiñci khalitam nāma na diṭṭhapubbam, tesam bhayam imam nissāya uppannam bhavissatī”ti domanassappattā ahesum.

Tepi therā gataṭṭhāne cittasukham nāma na labhimsu. Mahāthero cintesi “aho navakassa bhikkhuno bhāriyam kammam kataṃ, muhuttam diṭṭham nāma āgantukabhikkhum āha ‘mahātherena saddhim sambhogam mā akāsī’ti”. Itaropi cintesi “aho mahātherassa bhāriyam kammam kataṃ, muhuttam diṭṭham nāma āgantukabhikkhum āha ‘iminā saddhim sambhogam mā akāsī’ti”.

Tesaṃ neva sajjhāyo na manasikāro ahosi. Te vassasataccayena pacchimadisāya ekaṃ vihāraṃ agamaṃsu. Tesaṃ ekameva senāsaṇaṃ pāpuṇi. Mahāthere pavisitvā mañcake nisinne itaropi pāvīsi. Mahāthero taṃ disvāva sañjānitvā assūni sandhāretuṃ nāsakkhi. Itaropi mahātheraṃ sañjānitvā assuṇṇehi nettehi “kathemi nu kho mā kathemī”ti cintetvā “na taṃ saddheyyarūpan”ti therāṃ vanditvā “ahaṃ bhante ettakaṃ kālāṃ tumhākaṃ pattacīvaraṃ gahetvā vicariṃ, api nu kho me kāyadvārādīsu tumhehi kiñci asārappaṃ diṭṭhapubbaṃ”ti. Na diṭṭhapubbaṃ āvusoti. Atha kasmā dhammakathikaṃ avacuttha “mā etena saddhiṃ sambhogamakāsī”ti. Nāhaṃ āvuso evaṃ kathemi, tayā kira mama antare evaṃ vuttanti. Ahampi bhante na vadāmīti. Te tasmim̐ khaṇe “tena amhe bhinditukāmena evaṃ vuttaṃ bhavissati”ti ñatvā aññamaññaṃ accayaṃ desayim̐su. Te vassasataṃ cittassādaṃ alabhantā taṃ divasaṃ samaggā hutvā “āyāma, naṃ tato vihārā nikkadḍhissāmā”ti pakkamitvā anupubbena taṃ vihāraṃ agamaṃsu.

Dhammakathikopi there disvā pattacīvaraṃ paṭiggahetuṃ upagacchi. Therā “na tvaṃ imasmim̐ vihāre vasituṃ yuttarūpo”ti accharaṃ paharim̐su. So saṅghātuṃ asakkonto tāvadeva nikkhamitvā palāyi. Atha naṃ vīsati vassasahassāni kato samaṇadhammo sandhāretuṃ nāsakkhi, tato cavitvā Avīcimhi nibbatto ekaṃ Buddhantaraṃ paccitvā idāni Gijjhakūṭe vuttappakārena attabhāvena dukkhaṃ anubhotīti.

Satthā idaṃ tassa pubbakammaṃ āharitvā “bhikkhave bhikkhunā nāma kāyādīhi upasantarūpena bhavitabbaṃ”ti vatvā imaṃ gāthamāha—

281. “Vācānurakkhī manasā susaṃvuto,
Kāyena ca nākusalaṃ kayirā.
Ete tayo kammaṃpathe visodhaye,
Ārādhaye magga’ misippaveditaṃ”ti.

Tassattho—catunnaṃ vacīduccaritānaṃ vajjanaena vācānurakkhī abhijjhādīnaṃ anuppādanena manasā ca suṭṭhu saṃvuto paṇātipātādayo pajahanto

kāyena ca akusalaṃ na kayirā. Evaṃ ete tayo kamma pathe visodhaye. Evaṃ visodhento hi sīlakkhandhādīnaṃ esakehi Buddhādīhi isihi paveditaṃ aṭṭhaṅgikamaggaṃ ārādheyyāti.

Desanāvasāne bahū sotāpattiphalādīni pāpuṇimsūti.

Sūkarapetavatthu chaṭṭhaṃ.

7. Poṭṭhilattheravatthu

Yogā veti imaṃ dhammadeśanaṃ Satthā Jetavane viharanto Poṭṭhilaṃ nāma therāṃ ārabba kathesi.

So kira sattannampi Buddhānaṃ sāsane tepiṭako pañcannaṃ bhikkhusatānaṃ dhammaṃ vācesi. Satthā cintesi “imassa bhikkhuno ‘attano dukkhanissaraṇaṃ karissāmī’ ti cittampi natthi, saṃvejessāmi naṃ” ti. Tato paṭṭhāya taṃ therāṃ attano upaṭṭhānaṃ āgatakāle “ehi Tucchapoṭṭhila, vanda Tucchapoṭṭhila, nisīda Tucchapoṭṭhila, yāhi Tucchapoṭṭhilā” ti vadati. Uṭṭhāya gatakālepi “Tucchapoṭṭhilo gato” ti vadati. So cintesi “ahaṃ sātṭhakathāni tīṇi piṭakāni dhāremi, pañcannaṃ bhikkhusatānaṃ aṭṭhārasa mahāgaṇe dhammaṃ vācemi, atha pana maṃ Satthā abhikkhaṇaṃ ‘Tucchapoṭṭhilā’ ti vadeti, addhā maṃ Satthā jhānādīnaṃ abhāvena evaṃ vadeti” ti. So uppannasāṃvego “dāni araṇṇaṃ pavasitvā samaṇadhammaṃ karissāmī” ti sayameva pattacīvaraṃ saṃvidahitvā paccūsakāle sabbapaccā dhammaṃ uggaṇhitvā¹ nikkhamantena bhikkhunā saddhimnikkhami. Pariveṇe nisīditvā sajjhāyantā naṃ “ācariyo” ti na sallakkhesuṃ. So vīsayojanasatamaggaṃ gantvā ekasmiṃ araṇṇāvāse tiṃsa bhikkhū vasanti, te upasaṅkamitvā saṃghattherāṃ vanditvā “bhante avassayo me hothā” ti āha. Āvuso tvaṃ dhammakathiko, amhehi nāma taṃ nissāya kiñci jānitabbaṃ bhavēyya, kasmā evaṃ vadesīti. Mā bhante evaṃ karotha, avassayo me hothāti. Te pana sabbe khīṇāsavāva. Atha naṃ mahāthero “imassa uggaṇhaṃ nissāya māno atthiyevā” ti anutherasa santikaṃ paṇiṇi. Sopi naṃ tathevāha.

1. Paggāṇhitvā (Sī)

Iminā nīhārena sabbepi taṃ pesentā divāṭṭhāne nisīditvā sūcikkammaṃ karontassa sabbanavakassa sattavassikasāmaṇerassa santikaṃ paṇiṃsu. Evamassa mānaṃ nīhariṃsu.

So nihata māno sāmaṇerassa santike añjaliṃ paggahevā “avassayo me hohi¹ sappurisā”ti āha. Aho ācariya kiṃ nāmetaṃ kathetha, tumhe mahallakā bahussutā, tumhākaṃ santike mayā kiñci kāraṇaṃ jānītabbaṃ bhavēyyāti. Mā evaṃ kari sappurisa, hohi¹ yeva me avassayoti. Bhante saccepi ovādakkhamā bhavissatha, bhavissāmi vo avassayoti. Homi sappurisa, ahaṃ “aggim pavisā”ti vutte aggim pavisāmiyevāti. Atha naṃ so avidūre ekaṃ saraṃ dassetvā “bhante yathānivatthapārutova imaṃ saraṃ pavisathā”ti āha. So hissa mahagghānaṃ dupaṭṭacīvarānaṃ nivatthapārutabhāvaṃ ñatvāpi “ovādakkhamo nu kho”ti vīmaṃsanto evamāha. Theropi ekavacaneneva udakaṃ otari. Atha naṃ cīvarakaṇṇānaṃ temitakāle “etha bhante”ti vatvā ekavacaneneva āgantvā ṭhitaṃ āha “bhante ekasmiṃ vammike cha chiddāni, tattha ekena chiddena godhā anto pavīṭṭhā, taṃ gaṇhitukāmo itarāni pañca chiddāni thaketvā chaṭṭhaṃ bhinditvā pavīṭṭhachiddeneva gaṇhāti, evaṃ tumhepi chadvārikesu ārammaṇesu sesāni pañcadvārāni pidhāya manodvāre kammaṃ paṭṭhapethā”ti. Bahussutassa bhikkhuno ettakeneva padīpujjalanaṃ viya aho. So “ettakameva hotu sappurisā”ti karajakāye ñāṇaṃ otāretvā samaṇadhammaṃ ārabhi.

Satthā vīsayojanasatamatthakenisinnova taṃ bhikkhuṃ oloketvā “yathevāyaṃ bhikkhu bhūripaṇṇo, evamevaṃ anena attānaṃ patiṭṭhāpetuṃ vaṭṭatī”ti cintetvā tena saddhiṃ kathento viya obhāsaṃ pharitvā imaṃ gāthamāha—

282. “Yogā ve jāyatī bhūri, ayogā bhūrisaṅkhayo.

Etam dvedhāpathaṃ ñatvā, bhavāya vibhavāya ca.

Tathāttānaṃ niveseyya, yathā bhūri pavaddhatī”ti.

Tattha **yogā**ti aṭṭhatimsāya ārammaṇesu yoniso manasikārā. **Bhūrī**ti pathavīsamāya vitthatāya paññāyetaṃ nāmaṃ. **Saṅkhayoti** vināso. **Etam dvedhāpathanti** etaṃ yogañca ayogañca. **Bhavāya vibhavāya cāti** vuddhiyā ca avuddhiyā ca. **Tathāti** yathā ayaṃ bhūrisaṅkhātā paññā pavaḍḍhati, evaṃ attānaṃ niveseyyāti attho.

Desanāvasāne Poṭṭhilatthero arahatte patiṭṭhahīti.

Poṭṭhilattheravatthu sattamaṃ.

8. Pañcamahallakattheravatthu

Vanam chindathāti imaṃ dhammadesanaṃ Satthā Jetavane viharanto sambhule mahallake bhikkhū ārabba kathesi.

Te kira gihikāle Sāvattiyam kuṭumbikā mahaddhanā aññamaññasahāyakā ekato puññāni karontā Satthu dhammadesanaṃ sutvā “mayam mahallakā, kim no gharāvāsenā”ti Satthāraṃ pabbajjam yācitvā pabbajimsu, mahallakabhāvena pana dhammam pariyāpuṇitum asakkontā vihārapariyante paṇṇasālam kāretvā ekatova vasimsu. Piṇḍāya carantāpi yebhuyyena puttadārasseva geham gantvā bhuñjimsu. Tesu ekassa purāṇadutiyaikā madhurapācika nāma, sā tesam sabbesampi upakārikā ahoṣi. Kasmā sabbepi attanā laddhāhāram gahetvā tassā eva gehe nisīditvā bhuñjanti. Sāpi nesam yathāsannihitam sūpabyañjanaṃ deti. Sā aññatarābādheṇa puṭṭhā kalamakāsi. Atha te mahallakattherā sahāyakassa therassa paṇṇasālāya sannipatitvā aññamaññam gīvāsu gahetvā “madhurapācika upāsika kalakatā”ti vilapantā rodimsu. Bhikkhūhi ca samantato upadhāvitvā “kim idam āvuso”ti puṭṭhā “bhante sahāyakassa no purāṇadutiyaikā kalakatā, sā amhākam ativiya upakārikā. Idāni kuto tathārūpim labhissāmāti iminā kāraṇena rodāmā”ti āhamsu.

Bhikkhū dhammasabhāyam katham samuṭṭhāpesum. Satthā āgantvā “kāyanuttha bhikkhave etarahi kathāya sannisinnā”ti pucchitvā “imāya nāmā”ti

vutte “na bhikkhave idāneva, pubbepi te kākayoniyam nibbattitvā samuddatīre caramānā samudda-ūmiyā samuddam pavesetvā māritāya kākiyā¹ roditvā paridevitvā tam nīharissāmāti mukhatuṇḍakehi mahāsamuddam ussiñcantā kilamimsū”ti atītam āharitvā—

“Api nu hanukā santā, mukhañca parisussati.
Oramāma na pārema, pūrateva mahodadhī”ti².

Imam **Kākajātakam** vitthāretvā te bhikkhū āmantetvā “bhikkhave rāgadosamohavanam nissāya tumhehi idam dukkham pattam, tam vanam chinditum vaṭṭati, evam niddukkha bhavissathā”ti vatvā imā gāthā abhāsi—

283. “Vanam chindatha mā rukkham, vanato jāyate bhayam.
Chetvā vanañca vanathañca, nibbanā hotha bhikkhavo.

284. Yāva hi vanatho na chijjati,
Aṇumattopi narassa nārisu.
Paṭibaddhamanova tāva so,
Vaccho khīrapakova mātari”ti.

Tattha **mā rukkham**ti Satthārā hi “vanam chindathā”ti vutte tesam acirapabbajitānam “Satthā amhe vāsi-ādīni gahetvā vanam chindāpeti”ti rukkham chinditukāmatā³ uppajji. Atha ne “mayā rāgādikilesavanam sandhāyetam vuttam, na rukkhe”ti paṭisedhento “mā rukkham”ti āha. **Vanatoti** yathā pākatikavanato sīhādibhayam jāyati, evam jāti-ādibhayampi kilesavanato jāyatīti attho. **Vanañca vanathañcāti** ettha mahantā rukkha vanam nāma, khuddakā tasmim vane ṭhitattā vanathā nāma. Pubbuppattikarukkha vā vanam nāma, aparāparuppattikā vanathā nāma. Evameva mahantamahantā bhavākaḍḍhanakā kilesā vanam nāma, pavattiyam vipākadāyakā vanathā nāma. Pubbuppattikā vanam nāma, aparāparuppattikā vanathā nāma. Tam ubhayam catutthamaggaññena chinditabbam. Tenāha “chetvā vanañca vanathañca, nibbanā hotha bhikkhavo”ti. **Nibbanā hothāti** nikkilesā hotha. **Yāva hi vanathoti** yāva esa aṇumattopi kilesavanatho narassa nārisu na

1. Kākāya (Ka)

2. Khu 5. 34 piṭṭhe.

3. Chinditukāmatācittam (Syā)

chijjati, tāva so khīrapako vaccho mātari viya paṭibaddhamano laggacittova hotīti attho.

Desanāvasāne pañcapi te mahallakattherā sotāpattiphale paṭiṭṭhahimsu, sampattānampi sātthikā dhammadesanā ahosīti.

Pañcamahallakattheravatthu aṭṭhamāṇ.

9. Suvanṇakārattheravatthu

Ucchindāti imaṃ dhammadesanaṃ Satthā Jetavane viharanto Sāriputtattherassa saddhivihārikaṃ ārabha kathesi.

Eko kira suvaṇṇakāraputto abhirūpo Sāriputtattherassa santike pabbaji. Thero “taruṇānaṃ rāgo ussanno hotī”ti cintevā tassa rāgapatiṅghātāya asubhakammaṭṭhānaṃ adāsi. Tassa pana taṃ asappāyaṃ. Tasmā araṇṇaṃ pavisitvā temāsaṃ vāyamanto cittekaggamattampi alabhitvā puna therassa santikaṃ āgantvā therena “upaṭṭhitaṃ te āvuso kammaṭṭhānaṃ”ti vutte taṃ pavattiṃ ārocesi. Athassa thero “kammaṭṭhānaṃ na sampajjatīti vosānaṃ āpajjituṃ na vaṭṭatī”ti vatvā puna tadeva kammaṭṭhānaṃ sādhuṃ kathetvā adāsi. So dutiyavārepi kiñci visesaṃ nibbattetuṃ asakkonto āgantvā therassa ārocesi. Athassa theropi sakāraṇaṃ sa-upamaṃ katvā tadeva kammaṭṭhānaṃ ācikkhi. So punapi āgantvā kammaṭṭhānaṃ asampajjanabhāvaṃ kathesi. Thero cintesi “kāraṇaṃ bhikkhu attani vijjamāne kāmacchandādayo vijjamānāti avijjamāne avijjamānāti pajānāti. Ayaṃ bhikkhu kāraṇaṃ, no akāraṇaṃ, paṭipanno, no appaṭipanno, ahaṃ panetassa ajjhāsayānaṃ na jānāmi, Buddhaveneyyo eso bhavissatī”ti taṃ ādāya sāyanhasamaye Satthāraṃ upasaṅkamitvā “ayaṃ bhante mama saddhivihāriko, imassa mayā iminā kāraṇena idaṃ nāma kammaṭṭhānaṃ dinnan”ti sabbaṃ taṃ pavattiṃ ārocesi.

Atha naṃ Satthā “āsayaṇusayaṇāṇaṃ nāmetaṃ pāramiyo pūretvā dasasahassilokadhātuṃ unnādetvā sabbaññutaṃ pattānaṃ Buddhānaṃyeva

visayo”ti vatvā “katarakulā nu kho esa pabbajito”ti āvajjento
 “suvaṇṇakāarakulā”ti ñatvā atīte attabhāve olokeno tassa
 suvaṇṇakāarakuleyeva paṭipāṭiyā nibbattāni pañca attabhāvasatāni disvā
 “iminā daharena dīgharattaṃ suvaṇṇakāarakammaṃ karontena
 kaṇikārapupphapadumapupphādīni karissāmīti rattasuvaṇṇameva
 samparivattitaṃ, tasmā imassa asubhapaṭikūlakammaṭṭhānaṃ na vaṭṭati,
 manāpamevassa kammaṭṭhānaṃ sappāyan”ti cintetvā “Sāriputta tayā
 kammaṭṭhānaṃ datvā cattāro māse kilamitaṃ bhikkhuṃ ajja
 pacchābhatteyeva arahattaṃ pattāṃ passissasi, gaccha tvan”ti therāṃ
 uyyojetvā iddhiyā cakkamattaṃ suvaṇṇapadumaṃ māpetvā pattehi ceva
 nālehi ca udakabindūni muñcantaṃ viya katvā “bhikkhu imaṃ padumaṃ
 ādāya vihārapaccante vālukaṛāsīmhi ṭhapetvā sammukhaṭṭhāne pallaṅkena
 nisīditvā ‘lohitakaṃ lohitakaṃ’ti parikammaṃ karohī”ti adāsi. Tassa
 Satthuhatthato padumaṃ gaṇhantasseva cittaṃ pasīdi. So vihārapaccantaṃ
 gantvā vālukaṃ ussāpetvā tattha padumanālaṃ pavesetvā sammukhe
 pallaṅkena nisinna “lohitakaṃ lohitakaṃ”ti parikammaṃ ārabhi. Athassa
 taṅkhaṇaṇṇeva nīvaraṇāni vikkhambhimsu¹, upacārajjhānaṃ uppajji.
 Tadanantaraṃ paṭhamajjhānaṃ nibbattetvā pañcahākārehi vasībhāvaṃ
 pāpetvā yathānisinnova dutiyajjhānādīnipi patvā vasībhūto catutthajjhānena
 jhānakīlaṃ kīlanto nisīdi.

Satthā tassa jhānānaṃ uppannabhāvaṃ ñatvā “sakkhissati nu kho esa
 attano dhammatāya uttari visesaṃ nibbattetun”ti olokeno “na sakkhissatī”ti
 ñatvā “taṃ padumaṃ milāyatū”ti adhiṭṭhahi. Taṃ hatthehi madditapadumaṃ
 milāyantaṃ viya kāḷavaṇṇaṃ ahosi. So jhānā vuṭṭhāya taṃ oloketvā “kim nu
 kho imaṃ padumaṃ jarāya pahaṭaṃ paññāyati, anupādiṇṇakepi evaṃ jarāya
 abhibhuyyamaṇe upādiṇṇake kathāva natthi. Idampi hi jarā abhibhavissatī”ti
 aniccalakkhaṇaṃ passi. Tasmim̐ pana diṭṭhe dukkhalakkhaṇaṃ
 anattalakkhaṇaṃ diṭṭhameva hoti. Tassa tayo bhavā ādittā viya kaṇṭhe
 baddhakuṇapā viya ca khāyimsu. Tasmim̐ khaṇe tassa avidūre kumārakā
 ekaṃ saraṃ otarivā kumudāni bhañjitvā thale rāsīm karonti. So jale ca
 thale ca kumudāni olokesi. Athassa jale kumudāni abhirūpāni
 udakapaggharantāni viya upaṭṭhahimsu, itarāni aggaggesu

1. Nikkhamimsu (Ka)

parimilātāni. So “anupādiṇṇakam jarā evaṃ paharati, upādiṇṇakam kiṃ pana na paharissati”ti suṭṭhutam aniccalakkhaṇādīni addasa. Satthā “pākaṭibhūtam idāni imassa bhikkhuno kammaṭṭhānan”ti ñatvā Gandhakuṭiyam nisinnakova obhāsam muñci, so tassa mukham pahari. Athassa “kiṃ nu kho etan”ti oloketassa Satthā āgantvā sammukhe ṭhito viya ahosi. So uṭṭhāya añjalim paggaṇhi. Athassa Satthā sappāyam sallakkhetvā imam gāthamāha—

285. “Ucchinda sinehamattano, kumudam sārādikamva pāṇinā.
Santimaggameva brūhaya, nibbānam Sugatena desitan”ti.

Tattha **ucchindāti** arahattamaggena ucchinda. **Sārādikanti** Saradakāle nibbattam. **Santimagganti** nibbānagāmirim aṭṭhaṅgikam maggam. **Brūhayāti** vadḍhaya. Nibbānam hi Sugatena desitam, tasmā tassa maggam bhāvehīti attho.

Desanāvasāne so bhikkhu arahatte patiṭṭhahi.

Suvaṇṇakārattheravatthu navamam.

10. Mahādhanavāṇijavatthu

Idha vassanti imam dhammadesanam Satthā Jetavane viharanto Mahādhanavāṇijam nāma ārabha kathesi.

So kira Bārāṇasito kusumbharattānam vatthānam pañca sakaṭasatāni pūretvā vaṇijjāya Sāvattim āgato nadītiram patvā “sve nadim uttarissāmī”ti tattheva sakaṭāni mocetvā vasi. Rattim mahāmegho uṭṭhahitvā vassi. Nadī sattāham udakassa pūrā aṭṭhāsi. Nāgarāpi sattāham nakkhattam kīlīmsu. Kusumbharattehi vatthehi kiccam na niṭṭhitam¹. Vāṇijo cintesi “aham dūram āgato. Sace puna gamissāmi, papañco bhavissati. Idheva vassañca hemantañca gimhañca mama kammam karonto vasitvā imāni vikkiṇissāmī”ti. Satthā nagare piṇḍāya caranto tassa cittam ñatvā sitam pātukarivā Ānandattherena sitakāraṇam puṭṭho āha

1. Kiccam natthi (Syā)

“diṭṭho te Ānanda Mahādhanavāṇijo”ti. Āma bhanteti. So attano jīvitantarāyaṃ ajānitvā imaṃ saṃvaccharaṃ idheva vasitvā bhaṇḍaṃ vikkiṇitum cittamakāsīti. Kiṃ pana tassa bhante antarāyo bhavissatīti. Satthā “āmānanda sattāhameva jīvitvā so maccumukhe patissatī”ti vatvā imā gāthā abhāsi—

“Ajjeva kiccamātappaṃ, ko jaññā maraṇaṃ suve.

Na hi no saṅgaram tena, mahāsenena maccunā.

Evaṃ vihāriṃ ātāpiṃ, ahorattamatanditaṃ.

Taṃ ve bhaddekarattoti, santo ācikkhate Munī”ti¹.

Gacchāmissa bhante āroccsāmīti. Vissattho gacchānandāti. Thero sakaṭaṭṭhānaṃ² gantvā bhikkhāya cari. Vāṇijo therāṃ āhārena patimānesi. Atha naṃ thero āha “kittakaṃ kālaṃ idha vasissasī”ti. Bhante ahaṃ dūrato āgato. Sace puna gamissāmi, papañco bhavissati, imaṃ saṃvaccharaṃ idha vasitvā bhaṇḍaṃ vikkiṇitvā gamissāmīti. Upāsaka dujjāno jīvitantarāyo, appamādaṃ kātum vaṭṭatīti. Kiṃ pana bhante antarāyo bhavissatīti. Āma upāsaka, sattāhameva te jīvitaṃ pavattissatīti. So saṃviggamānaso hutvā Buddhappamukhaṃ bhikkhusaṃghaṃ nimantetvā sattāhaṃ mahādānaṃ datvā anumodanattāya pattaṃ gaṇhi. Athassa Satthā anumodanaṃ karonto “upāsaka paṇḍitena nāma ‘idheva vassādīni vasissāmi, idañcidaṅca kammaṃ payojessāmi’ti cintetum na vaṭṭati, attano pana jīvitantarāyameva cintetum vaṭṭatī”ti vatvā imaṃ gāthamāha—

286. “Idha vassaṃ vasissāmi, idha hemantagimhisu.

Iti bālo vicinteti, antarāyaṃ na bujjhatī”ti.

Tattha **idha vassanti** imasmim̐ ṭhāne idañcidaṅca karonto catumāsāṃ vassaṃ vasissāmi. **Hemantagimhisūti** hemantagimhesupi “cattāro māse idañcidaṅca karonto idheva vasissāmi”ti evaṃ diṭṭhadhammikasamparāyikaṃ atthaṃ ajānanto bālo vicinteti. **Antarāyanti** “asukasmim̐ nāma kāle vā dese vā vaye vā marissāmi”ti attano jīvitantarāyaṃ na bujjhatīti.

1. Ma 3. 226 piṭṭhe.

2. Sakaṭāvāraṃ (Sī)

Desanāvasāne so vāṇijo sotāpattiphale patiṭṭhahi, sampattānampi sātthikā dhammadesanā ahosi. Vāṇijopi Satthāraṃ anugantvā nivattivā “sīsarogo viya me uppanno”ti sayane nipajji, Tathānipannova kālaṃ katvā tusitavimāne nibbatti.

Mahādhanavāṇijavatthu dasamaṃ.

11. Kisāgotamīvatthu

Taṃ puttapasusammattanti imaṃ dhammadesanaṃ Satthā Jetavane viharanto Kisāgotamiṃ ārabha kathesi. Vatthu Sahassavagge—

“Yo ca vassasataṃ jīve, apassaṃ amataṃ padaṃ.

Ekāhaṃ jīvitaṃ seyyo, passato amataṃ padan”ti¹—

Gāthavaṇṇanāya vitthāretvā kathitaṃ. Tadā hi Satthā “Kisāgotami laddhā te ekaccharamattā Siddhatthakā”ti āha. Na laddhā bhante, sakalagāme jīvantehi kira matakā eva bahutarāti. Atha naṃ Satthā “tvaṃ ‘mameva putto mato’ti sallakkhesi, dhuvadhammo esa sabbasattānaṃ. Maccurājā hi sabbasatte aparipuṇṇajjhāsaye eva mahogho viya parikaḍḍhamāno apāyasamudde pakkhipatī”ti vatvā dhammaṃ desento imaṃ gāthamāha—

287. “Taṃ puttapasusammattaṃ, byāsattamanasaṃ naraṃ.

Suttaṃ gāmaṃ mahoghova, maccu ādāya gacchatī”ti.

Tattha **taṃ puttapasusammattanti** taṃ rūpabalādisampanne putte ca pasū ca labhitvā “mama puttā abhirūpā balasampannā paṇḍitā sabbakiccasamatthā, mama goṇā abhirūpā arogā mahābhārahā, mama gāvī bahukhīrā”ti evaṃ puttehi ca pasūhi ca sammattaṃ naraṃ.

Byāsattamanasanti hiraññasuvaṇṇādīsu vā pattacīvarādīsu vā kiñcīdeva labhitvā tato uttaritaraṃ patthanatāya āsattamānasaṃ vā, cakkhuviññeyyādīsu āramaṇesu vuttappakāresu vā parikkhāresu yaṃ yaṃ laddhaṃ hoti, tattha tattheva lagganatāya

1. Khu 1. 30 piṭṭhe.

byāsattamānasam vā. **Suttam** gāmanti niddam upagatam sattanikāyam.
Mahoghovāti yathā evarūpam gāmam gambhīravitthato mahanto
mahānadīnam ogho antamaso sunakhampi asesetvā sabbam ādāya gacchati,
evam vuttappakāram naram maccu ādāya gacchatīti attho.

Desanāvasāne Kisāgotamī sotāpattiphale patiṭṭhahi, sampattānampi
sāthikā dhammadesanā ahosīti.

Kisāgotamīvatthu ekādasamam.

12. Paṭācārāvattu

Na santi puttāti imam dhammadesanam Satthā Jetavane viharanto
Paṭācāram ārabha kathesi. Vatthu Sahassavagge—

“Yo ca vassasatam jīve, apassam udayabbayam.

Ekāham jīvitam seyyo, passato udayabbayan”ti¹—

Gāthāvaṇṇanāya vitthāretvā kathitam. Tadā pana Satthā Paṭācāram
tanubhūtasokam ñatvā “Paṭācāre puttādayo nāma paralokam gacchantassa
tānam vā leṇam vā saraṇam vā bhavitum na sakkonti, tasmā vijjamānāpi te
na santiyeva. Paṇḍitena pana sīlam visodhetvā attano
nibbānagāmimaggameva sodhetum vaṭṭati”ti vatvā dhammam desento imā
gāthā abhāsi—

288. “Na santi puttā tāṇāya, na pitā nāpi bandhavā.

Antakenādhipannassa, natthi ñātisu tāṇatā.

289. Etamatthavasam ñatvā, paṇḍito sīlasamvuto.

Nibbānagamanam maggam, khippameva visodhaye”ti.

Tattha **tāṇāyā**ti tāṇabhāvāya patiṭṭhānatthāya. **Bandhavā**ti putte ca
mātāpitaro ca ṭhapetvā avasesā ñātisuhajjā. **Antakenādhipannassā**ti
maraṇena abhibhūtasassa. Pavattiyam hi puttādayo

1. Khu 1. 30 piṭṭhe.

annapānādidānena ceva uppannakiccanittharaṇena ca tāṇā hutvāpi maraṇakāle kenaci upāyena maraṇam paṭibāhitum asamatthatāya tāṇatthāya leṇatthāya na santi nāma. Teneva vuttam “**natthi ñātīsu tāṇatā**”ti.

Etamatthavasanti evam tesam aññamaññassa tāṇam bhavitum asamatthabhāvasaṅkhātam kāraṇam jānitvā paṇḍito catupārisuddhisīlena saṁvuto rakkhitagopito hutvā nibbānagamanam aṭṭhaṅgikam maggam sīgham sīgham visodheyyāti attho.

Desanāvasāne Paṭācārā sotāpattiphale patiṭṭhahi, aññe ca bahū sotāpattiphalaḍḍhāni pāpuṇimsūti.

Paṭācārāvattu dvādasamaṃ.

Maggavaggavaṇṇanā niṭṭhitā.

Vīsatimo vaggo.

21. Pakiṇṇakavagga

1. Attanopubbakammavatthu

Mattāsukhapariccāgāti imañ dhammadesanaṃ Satthā Veļuvane viharanto attano pubbakammaṃ ārabha kathesi.

Ekasmim hi samaye Vesālī iddhā ahosi phītā bahujanā ākiṇṇamanussā. Tattha hi vārena vārena¹ rajjaṃ kārentānaṃ khattiyānaṃyeva sattasatādhikāni sattasahassāni satta ca khattiyā ahesuṃ. Tesāṃ vasanatthāya tattakāyeva pāsādā tattakāneva kūṭāgārāni uyyāne vihāratthāya tattakāyeva ārāmā ca pokkharāṇiyo ca ahesuṃ. Sā aparena samayena dubbhikkhā ahosi dussassā. Tattha chātakabhayena paṭhamaṃ duggatamanussā kālamakaṃsu. Tesāṃ tesāṃ tattha tattha chaḍḍitānaṃ kuṇapānaṃ gandhena amanussā nagaraṃ pavasiṃsu. Amanussūpaddavena bahutarā² kālamakaṃsu. Tesāṃ kuṇapagandhapaṭikkūlatāya sattānaṃ ahivātarogo uppajji. Evaṃ dubbhikkhabhayaṃ amanussabhayaṃ rogabhayanti tiṇi bhayāni uppajjiṃsu.

Nagaravāsino sannipatitvā rājānaṃ āhaṃsu “mahārāja imasmim nagare tiṇi bhayāni uppanāni, ito pubbe yāva sattamā rājaparivaṭṭā evarūpaṃ bhayaṃ nāma na uppannapubbaṃ. Adhammikarājūnaṃ hi kāle evarūpaṃ bhayaṃ uppajjati”ti³. Rājā santhāgāre sabbesaṃ sannipātaṃ kāretvā “sace me adhammikabhāvo atthi, taṃ vicinathā”ti āha. Vesālīvāsino sabbam⁴ paveṇim vicinantaṃ raṇṇo kaṅci dosaṃ adisvā “mahārāja natthi te doso”ti vatvā “kathaṃ nu kho idaṃ amhākaṃ bhayaṃ vūpasamaṃ gaccheyyā”ti mantayimṃsu. Tattha ekaccehi “balikammaṃ āyācanāya maṅgalakiriyaṃ”ti vutte sabbampi taṃ vidhim katvā paṭibāhituṃ nāsakkhimṃsu. Athaññe evamāhaṃsu “cha Satthāro mahānubhāvā, tesu idhāgatamattesu bhayaṃ vūpasameyyā”ti. Apare “Sammāsambuddho loke uppanno. So hi Bhagavā sabbasattahitāya dhammaṃ deseti, mahiddhiko mahānubhāvo. Tasmim idha āgate

1. Vārena vāraṃ (Sī)

2. Bahujanā (Ka)

3. Na uppannaṃ, pubbe dhammikānaṃ rājūnaṃ kāle evarūpaṃ bhayaṃ na uppajjati (Sī, Syā)

4. Sabbe (Sī)

imāni bhayāni vūpasameyyun”ti āhaṃsu. Tesam vacanam sabbepi abhinanditvā “kahaṃ nu kho so Bhagavā etarahi viharatī”ti āhaṃsu. Tadā pana Satthā upakaṭṭhāya vassūpanāyikāya rañño Bimbisārassa paṭiññam datvā Veļuvane viharati. Tena ca samayena Bimbisārasamāgame¹ Bimbisārena saddhim sotāpattiphalaṃ patto Mahāli nāma Licchavī tassam parisāyam² nisinno hoti.

Vesālivāsino mahantaṃ paṇṇākāraṃ sajjetvā rājānaṃ Bimbisāraṃ saññāpetvā “Satthāraṃ idhānethā”ti Mahāliṃ ceva Licchaviṃ purohitaputtaṅca paṇiṃsu. Te gantvā rañño paṇṇākāraṃ datvā taṃ pavattiṃ nivedetvā “mahārāja Satthāraṃ amhākaṃ nagaraṃ pesethā”ti yāciṃsu. Rājā “tumheva jānāthā”ti na sampaṭicchi. Te Bhagavantaṃ upasaṅkamitvā vanditvā yāciṃsu “bhante Vesāliyaṃ tīṇi bhayāni uppannāni, tāni tumhesu āgatesu vūpasamissanti, etha bhante gacchāmā”ti. Satthā tesam vacanam sutvā āvajjento “Vesāliyaṃ **Ratanasutte**³ vutte sā rakkhā cakkavāļānaṃ koṭisatasahassaṃ pharissati, suttapariyosāne caturāsītiyā pāṇasahassānaṃ dhammābhisamayo bhavissati, tāni ca bhayāni vūpasamissanti”ti ṇatvā tesam vacanam sampaṭicchi.

Rājā Bimbisāro “Satthārā kira Vesāligamanaṃ sampaṭicchitan”ti sutvā nagare ghosanaṃ kāretvā Satthāraṃ upasaṅkamitvā “kiṃ bhante Vesāligamanaṃ sampaṭicchitan”ti pucchitvā “āma mahārājā”ti vutte “tena hi bhante āgametha, tāva maggaṃ paṭiyādessāmi”ti⁴ vatvā Rājagahassa ca Gaṅgāya ca antare pañcayojanabhūmiṃ samaṃ kāretvā yojane yojane vihāraṃ paṭiṭṭhāpetvā Satthu gamanakālaṃ ārocesi. Satthā pañcahi bhikkhusatehi saddhim maggaṃ paṭipajji. Rājā yojanantare jaṇṇumattena odhinā pañcavaṇṇāni pupphāni okirāpetvā dhajapaṭākakadali-ādīni ussāpetvā Bhagavato chattāticchantaṃ katvā dve setacchattāni ekamekassa bhikkhuno ekamekaṃ setacchantaṃ upari dhāretvā saparivāro pupphagandhādīhi pūjaṃ karonto Satthāraṃ ekekasmim vihare vassāpetvā mahādānādīni datvā pañcahi divasehi Gaṅgātīraṃ pāpetvā

1. Bimbisārassa samāgame (Syā, Ka)

3. Khu 1. 4, 312 piṭṭhesu.

2. Parisatiṃ (Sī)

4. Paṭijaggissāmīti (Sī)

tattha nāvaṃ alaṅkaronto Vesālikānaṃ sāsanaṃ pesesi “maggaṃ paṭiyādetvā Satthu paccuggamaṇaṃ karontū”ti. Te “diguṇaṃ pūjaṃ karissāma”ti Vesāliyā ca Gaṅgāya ca antare tiyojanabhūmim samaṃ kāretvā Bhagavato catūhi setacchattehi ekamekassa bhikkhuno dvīhi dvīhi setacchattehi chattātichattāni sajjetvā pūjaṃ kurumānā āgantvā Gaṅgātīre aṭṭhaṃsu. Bimbisāro dve nāvā saṃghāṭetvā maṇḍapaṃ kāretvā pupphadāmādīhi alaṅkārapetvā sabbaratanamayaṃ Buddhāsanaṃ paññāpesi. Bhagavā tasmim nisīdi. Bhikkhūpi nāvaṃ abhiruhitvā Bhagavantaṃ parivāretvā nisīdī. Rājā anugacchanto galappamaṇaṃ udakaṃ otarivā “yāva bhante Bhagavā āgacchati, tāvāhaṃ idheva Gaṅgātīre vasissāmi”ti vatvā nāvaṃ uyyojetvā nivatti. Satthā yojanamattaṃ addhānaṃ Gaṅgāya gantvā Vesālikānaṃ sīmaṃ pāpuṇi.

Licchavīrājāno Satthāraṃ paccuggantvā galappamaṇaṃ udakaṃ otarivā nāvaṃ tīraṃ upanetvā Satthāraṃ nāvāto otārayīṃsu. Satthārā otarivā tīre akkantaṃmatteyeva mahāmegho uṭṭhahitvā pokkharavassaṃ vassi. Sabbattha jaṇṇuppamaṇa ūruppamaṇa kaṭippamaṇādīni udakāni sandantāni sabbakuṇapāni Gaṅgaṃ pavesayīṃsu, parisuddho bhūmibhāgo ahoṣi. Licchavīrājāno Satthāraṃ yojane yojane vasāpetvā mahādānaṃ datvā diguṇaṃ pūjaṃ karontā tīhi divasehi Vesālim nayīṃsu. Sakko devarājā devagaṇaparivuto āgamāsi, mahesakkhānaṃ devānaṃ sannipātena amanussā yebhuyyena palāyīṃsu. Satthā sāyaṃ nagaradvāre ṭhatvā Ānandattheraṃ āmantesi “imaṃ Ānanda Ratanasuttaṃ uggaṇhitvā Licchavīkumārehi saddhim vicaranto Vesāliyā tiṇṇaṃ pākārānaṃ antare parittaṃ karohī”ti.

Thero Satthārā dinnāṃ Ratanasuttaṃ uggaṇhitvā Satthu selamayapattena udakaṃ ādāya nagaradvāre ṭhito paṇidhānato paṭṭhāya Tathāgatassa dasa pāramiyo dasa upapāramiyo dasa paramatthapāramiyoti samatiṃsa pāramiyo pañca mahāpariccāge lokatthacariyā nītatthacariyā Buddhatthacariyāti tisso cariyāyo pacchimabhava gabbhavokkantiṃ¹ jātiṃ abhinikkhamaṇaṃ padhānacariyaṃ Bodhipallaṅke māravijayaṃ sabbaññutaññāpaṭivedhaṃ

1. Gabbhāvakkantiṃ (Sī, Syā)

dhammacakkapavattanaṃ navalokuttaradhammeti sabbepime Buddhaguṇe āvajjetvā nagaraṃ pavisitvā tiyāmarattim̐ tisu pākārantaresu parittaṃ karonto vicari. Tena “yaṃkiñcī”ti vuttamatteyeva uddham̐ khitta-udakaṃ amanussānaṃ upari pati. “Yānīdha bhūtānī”ti gāthākathanato¹ paṭṭhāya rajatavaṭaṃsakā viya udakabindūni ākāsenā gantvā gilānāmanussānaṃ upari patimsu. Tāvadeva vūpasantarogā manussā uṭṭhāyuṭṭhāya therāṃ parivāresuṃ. “Yaṃkiñcī”ti vuttapadato paṭṭhāya pana udakaphusitehi phuṭṭhaphuṭṭhā sabbe apalāyantā saṅkārakūṭabhittipadesādinissitā amanussā tena tena dvārena palāyimsu. Dvārāni anokāsāni ahesuṃ. Te² okāsaṃ alabhantā pākāraṃ bhinditvāpi palāyimsu.

Mahājano nagaramajjhe santhāgāraṃ sabbagandhehi upalimpetvā upari suvaṇṇatārakādivicittaṃ vitānaṃ bandhitvā Buddhāsaṇaṃ paññāpetvā Satthāraṃ ānesi. Satthā paññatte āsane nisīdi. Bhikkhusaṃghopi Licchavīgaṇopi Satthāraṃ parivāretvā nisīdi. Sakko devarājā devagaṇaparivuto patirūpe okāse aṭṭhāsi. Theropi sakalanagaraṃ anuvicaritvā vūpasantarogena mahājanena saddhim̐ āgantvā Satthāraṃ vanditvā nisīdi. Satthā paraṃ oloketvā tadeva Ratanasuttaṃ abhāsi. Desanāvāsāne caturāsītiyā pāṇasahassānaṃ dhammābhisamayo ahosi. Evaṃ punadivasepīti sattāhaṃ tadeva Ratanasuttaṃ desetvā sabbabhayānaṃ vūpasantabhāvaṃ ṇatvā Licchavīgaṇaṃ āmantetvā Vesālito nikkhami. Licchavīrājāno diguṇaṃ sakkāraṃ karontā puna tīhi divasehi Satthāraṃ Gaṅgāfirāṃ nayimsu.

Gaṅgāya nibbattanāgarājāno cintesuṃ “manussā Tathāgatassa sakkāraṃ karonti, mayaṃ kiṃ na karomā”ti. Te suvaṇṇarajatamaṇimayā nāvāyo māpetvā suvaṇṇarajatamaṇimaye pallaṅke paññāpetvā pañcavaṇṇapadumasañchannaṃ udakaṃ karitvā “bhante amhākampi anuggahaṃ karoṭhā”ti attano attano nāvāṃ abhiruhaṇatthāya Satthāraṃ yācimsu. “Manussā ca nāgā ca Tathāgatassa pūjaṃ karonti, mayaṃ pana kiṃ na karomā”ti bhūmaṭṭhakadevepi ādim̐ katvā yāva Akaniṭṭhabrahmalokā sabbe devā sakkāraṃ karimsu. Tattha nāgā yojanikāni chattātichattāni ukkhipimsu. Evaṃ heṭṭhā

1. Tatiyagāthāto (Sī)

2. Tesu (Sī)

nāgā bhūmitale rukkhagacchapabbatādīsu¹ bhūmaṭṭhakā devatā, antalikkhe ākāsaṭṭhadevatī Nāgabhavanam ādim katvā cakkavāḷapariyantena² yāva brahmalokā chattānichattāni ussāpitāni ahesum. Chattantaresu dhajā, dhajantaresu paṭākā, tesam antarantarā³ pupphadāmavāsacuṇṇadhūmādīhi⁴ sakkāro aho. Sabbālaṅkārapaṭimaṇḍitā devaputtā chaṇavesam gahetvā ugghosayamānā ākāse vicarimsu. Tayo eva kira samāgamā mahantā ahesum—yamakapāṭihāriyasamāgamō devoroḥaṇasamāgamō ayaṃ gaṅgorohaṇasamāgamoti.

Paratīre Bimbisāropi Licchavīhi katasakkārato diguṇam sakkāram sajjetvā Bhagavato āgamanam udikkhamāno aṭṭhāsī. Sathā Gaṅgāya ubhosu passesu rājūnam mahantam pariccāgamam oloketvā nāgādīnañca ajjhāsayaṃ viditvā ekekāya nāvāya pañcapanācabhikkhusataparivāram ekekaṃ nimmitabuddham māpesi. So ekekassa setacchattassa ceva kapparukkhassa ca pupphadāmassa ca heṭṭhā nāgagaṇaparivuto nisinno hoti. Bhūmaṭṭhakadevatādīsipi ekekasmim okāse saparivāram ekekaṃ nimmitabuddham māpesi. Evaṃ sakalacakkavāḷagabbhe ekālaṅkāre ekussave ekachaṇeyeva ca jāte Sathā nāgānāmanuggaḥam karonto ekaṃ ratanānāvaṃ abhiruhi. Bhikkhūsipi ekeko ekekameva abhiruhi. Nāgarājāno Buddhappamukham bhikkhusamgham Nāgabhavanam pavesetvā sabbarattim Sathu santike dhammakatham sutvā dutiyadivase dibbena khādanīyena bhojanīyena Buddhappamukham bhikkhusamgham parivisimsu. Sathā anumodanam katvā Nāgabhavanā nikkhamitvā sakalacakkavāḷadevatāhi pūjyamāno pañcahi nāvāsatehi Gaṅgānam atikkami.

Rājā paccuggantvā Sathāram nāvāto otāretvā āgamanakāle Licchavīhi katasakkārato diguṇam sakkāram katvā purimanayeneva pañcahi divasehi Rājagaham abhinesi. Dutiyadivase bhikkhū piṇḍapātaṭṭhikkantā sāyanhasamaye dhammasabhāyaṃ sannisinnā katham samuṭṭhāpesum “aho Buddhānam mahānubhāvo, aho Sathari devamanussānam pasādo, Gaṅgāya nāma

1. Bhūmitalarukkhagacchapabbatādīsu (Sī), bhūmitale manussā
rukkhagacchapabbatādīsu (Syā)

2. Cakkavāḷapariyante (Sī)

3. Tesu antarantarā (Sī)

4. Pupphadāmavāsacuṇṇadhūpādīhi (Sī)

orato ca pārato ca aṭṭhajojane magge Buddhagatena pasādena rājūhi samatalaṃ bhūmim katvā vālukā okiṇṇā, jaṇṇumattena odhinā nānāvaṇṇāni pupphāni santhatāni, Gaṅgāya udakaṃ nāgānubhāvena pañcavaṇṇehi padumehi sañchannaṃ, yāva Akaniṭṭhabhavanā chattātichattāni ussāpitāni, sakalacakkavāḷagabbhaṃ ekālaṅkāraṃ ekussavaṃ viya jātan”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave esa pūjāsakkāro mayham Buddhānubhāvena nibbato, na nāgadevabrahmānubhāvena. Atīte pana appamattakapariccāgānubhāvena nibbato”ti vatvā bhikkhūhi yācito atītaṃ āhari.

Atīte Takkasilāyaṃ Saṅkho nāma brāhmaṇo ahosi. Tassa putto Susīmo nāma māṇavo soḷasavassuddesiko ekadivasaṃ pitarāṃ upasaṅkamitvā āha “icchāmahaṃ tāta Bārāṇasim gantvā mante ajjhāyitun”ti. Atha naṃ pitā āha “tena hi tāta asuko nāma brāhmaṇo mama sahāyako, tassa santikaṃ gantvā adhīyassū”ti. So “sādhū”ti paṭissuṇitvā anupubbena Bārāṇasim gantvā taṃ brāhmaṇaṃ upasaṅkamitvā pitarā pahitabhāvamācikkhi. Atha naṃ so “sahāyakassa me putto”ti sampaṭicchitvā paṭipassaddhadarathaṃ bhaddakena divasena mante vācetumārabhi. So lahuṅca gaṇhanto bahuṅca gaṇhanto attano uggahituggahitaṃ suvaṇṇabhājane pakkhittasīhatelamiva avinassamānaṃ dhārento na cirasseva ācariyassa sammukhato uggaṇhitabbaṃ sabbaṃ uggaṇhitvā sajjhāyaṃ karonto attano uggaṇhitasippassa ādimajjhameva passati, no pariyosānaṃ.

So ācariyaṃ upasaṅkamitvā “ahaṃ imassa sippassa ādimajjhameva passāmi, no pariyosānaṃ”ti vatvā ācariyena “ahampi tāta na passāmi”ti vutte “atha ko ācariya pariyosānaṃ jānāti”ti pucchitvā “ime tāta isayo Isipatane viharanti, te jāneyyūṃ, tesaṃ santikaṃ upasaṅkamitvā pucchassū”ti ācariyena vutte Paccekabuddhe upasaṅkamitvā pucchi “tumhe kira pariyosānaṃ jānāthā”ti. Āma jānāmāti. Tena hi me ācikkhathāti. Na mayaṃ apabbajitassa ācikkhāma. Sace te pariyosānenattho, pabbajassūti. So “sādhū”ti

sampaṭicchitvā tesam̐ santike pabbaji. Athassa te “idaṃ tāva sikkhassū”ti vatvā “evaṃ te nivāsetabbaṃ, evaṃ pārupitabbaṃ”ti-ādinā nayena ābhisamācārikaṃ ācikkhimsu. So tattha sikkhanto upanissayasampannattā na cirasseva paccekasambodhiṃ abhisambujjhivā sakalabārāṇasinagare gaganatale puṇṇacando viya pākaṭo lābhagayyasaggappatto ahoṣi, so appāyukasamvattanikassa kammaṣṣa katattā na cirasseva parinibbāyi. Athassa Paccekabuddhā ca mahājano ca sarīrakiccaṃ katvā dhātuyo ca gahetvā nagaradvāre thūpaṃ kāresuṃ.

Saṅkhopi brāhmaṇo “putto me ciram̐ gato, pavattimassa jānissāmī”ti taṃ daṭṭhukāmo Takkasilāto nikkhamitvā anupubbena Bārāṇasiṃ patvā mahājanakāyaṃ sannipatitaṃ disvā “addhā imesu ekopi me puttassa pavattiṃ jānissatī”ti upasaṅkamtivā pucchi “Susīmo nāma māṇavo idhāgami, api nu kho tassa pavattiṃ jānāthā”ti. Āma brāhmaṇa jānāma, asukassa brāhmaṇassa santike tayo vede sajjhāyitvā pabbajitvā paccekasambodhiṃ sacchikatvā parinibbuto, ayamassa thūpo patiṭṭhāpitoti. So bhūmiṃ hatthena paharivā roditvā kanditvā taṃ cetiyaṅgaṇaṃ gantvā tiṇāni uddharitvā uttarasāṭakena vālukaṃ āharitvā cetiyaṅgaṇe ākiritvā kamaṇḍaluto udakena pariṭṭhositvā vanapupphehi pūjaṃ katvā sāṭakena paṭākāṃ āropetvā thūpassa upari attano chattakaṃ bandhitvā pakkāmi.

Satthā idaṃ atītaṃ āharitvā “tadā bhikkhave ahaṃ Saṅkho brāhmaṇo ahoṣiṃ. Mayā Susīmassa Paccekabuddhassa cetiyaṅgaṇe tiṇāni uddhaṭāni, tassa me kammaṣṣa nissandena aṭṭhajojanamaggaṃ vihatakhāṇukakaṇṭakaṃ katvā suddhaṃ samatalaṃ karimsu. Mayā tattha vālukā okiṇṇā, tassa me nissandena aṭṭhajojanamagge vālukaṃ okirimsu. Mayā tattha vanakusumehi pūjā katā, tassa me nissandena aṭṭhajojanamagge nānāvāṇṇāni pupphāni okiṇṇāni, ekajojanaṭṭhāne Gaṅgāya udakaṃ pañcavaṇṇehi padumehi sañchannaṃ. Mayā tattha kamaṇḍalu-udakena bhūmi pariṭṭhositā, tassa me nissandena Vesāliyaṃ pokkharavassaṃ vassi. Mayā tattha paṭākā, āropitā, chattakaṅca baddhaṃ, tassa me nissandena yāva akaniṭṭhabhavanā dhajapaṭākachattātichattādīhi sakalacakkavāḷagabbhaṃ ekussavaṃ

viya jātaṃ. Iti kho bhikkhave esa pūjāsakkāro mayhaṃ neva Buddhānubhāvena nibbatto, na nāgadevabrahmānubhāvena, atīte pana appamattakapariccāgānubhāvenā”ti vatvā dhammaṃ desento imaṃ gāthamāha—

290. “Mattāsukhapariccāgā, passe ce vipulaṃ sukhaṃ.

Caje mattāsukhaṃ dhīro, sampassaṃ vipulaṃ sukhaṃ”ti.

Tattha **mattāsukhapariccāgāti mattāsukhanti** pamāṇayuttakaṃ parittasukhaṃ vuccati¹, tassa pariccāgena. **Vipulaṃ sukhaṃ** uḷāraṃ sukhaṃ nibbānasukhaṃ vuccati, taṃ ce passeyyāti attho. Idaṃ vuttaṃ hoti—ekaṃ hi bhojanapātiṃ sajjāpetvā bhuñjantassa mattāsukhaṃ nāma uppajjati, taṃ pana pariccajivā uposathaṃ vā karontassa dānaṃ vā dadantassa vipulaṃ uḷāraṃ nibbānasukhaṃ nāma nibbattati. Tasmā sace evaṃ tassa mattāsukhassa pariccāgā vipulaṃ sukhaṃ passati, athetaṃ vipulaṃ sukhaṃ sammā passanto paṇḍito taṃ mattāsukhaṃ cajejyāti.

Desanāvasāne bahū sotāpattiphalādīni pāpuṇṇimsūti.

Attanopubbakammavatthu paṭhamāṃ.

2. Kukkuṭa-aṇḍakhādikāvattu

Paradukkhūpadhānenāti imaṃ dhammadesanaṃ Satthā Jetavane viharanto ekaṃ kukkuṭa-aṇḍakhādikaṃ ārabha kathesi.

Sāvattiyā kira avidūre Paṇḍuraṃ² nāma eko gāmo, tattheke kevaṭṭo vasati. So Sāvattihīṃ gacchanto Aciravatiyaṃ Kacchapa-aṇḍāni disvā tāni ādāya Sāvattihīṃ gantvā ekasmiṃ gehe pacāpetvā khādanto tasmīṃ gehe kumārikāyapi ekaṃ aṇḍaṃ adāsi. Sā taṃ khādītva tato paṭṭhāya aññaṃ khādānīyaṃ nāma na icchi. Athassā mātā kukkuṭiyā vijātaṭṭhānato ekaṃ aṇḍaṃ gahetvā adāsi. Sā taṃ khādītva rasataṇhāya baddhā tato paṭṭhāya sayameva kukkuṭiyā aṇḍāni gahetvā khādati. Kukkuṭi vijātavijātakāle taṃ attano aṇḍāni

1. Tattha mattāsukhanti pamāṇasukhaṃ parittasukhaṃ vuccati (Sī)

2. Paṇḍupuraṃ (Sī)

gahetvā khādanīm disvā tāya upaddutā āghātaṃ bandhitvā “ito dāni cutā yakkhinī hutvā tava jātaḍārake khādituṃ samatthā hutvā nibbatteyyan”ti patthanaṃ paṭṭhapetvā kālaṃ katvā tasmimyeva gehe majjārī hutvā nibbatti. Itarāpi kālaṃ katvā tattheva kukkuṭī hutvā nibbatti. Kukkuṭī aṇḍāni vijāyi, majjārī āgantvā tāni khāditvā dutiyampi tatiyampi khādiyeva. Kukkuṭī “tayo vāre mama aṇḍāni khāditvā idāni mampi khāditukāmāsi, ito cutā saputtakaṃ taṃ khādituṃ labheyyan”ti patthanaṃ katvā tato cutā dīpinī hutvā nibbatti. Itarāpi kālaṃ katvā migī hutvā nibbatti. Tassā vijātakāle dīpinī āgantvā taṃ saddhiṃ puttehi khādi. Evaṃ khādanā pañcasu attabhāvasatesu aññaṃaññaṃ dukkhaṃ uppādetvā avasāne ekā yakkhinī hutvā nibbatti, ekā Sāvatthiyaṃ kuladhītā hutvā nibbatti. Ito param “na hi verena verāni”ti¹gāthāya vuttanayeneva veditabbaṃ. Idha pana Satthā “veram hi averena upasammati, no verena”ti vatvā ubhinnampi dhammaṃ desento imaṃ gāthamāha—

291. “Paradukkhūpadhānena, attano sukhamicchati.

Verasaṃsaggasaṃsaṭṭho, verā so na parimuccatī”ti.

Tattha **paradukkhūpadhānenā**ti parasmiṃ dukkhūpadhānena, parassa dukkhuppādanenāti attho. **Verasaṃsaggasaṃsaṭṭho**ti yo puggalo akkosanapaccakkosanapaharaṇapaṭiharaṇādīnaṃ vasena aññaṃaññaṃ katena verasaṃsaggena saṃsaṭṭho. **Verā so na parimuccatī**ti niccakālaṃ veravasena dukkhameva pāpuṇātīti attho.

Desanāvasāne yakkhinī saraṇesu paṭiṭṭhāya pañca sīlāni samādiyitvā verato mucci, itarāpi sotāpattiphale paṭiṭṭhahi, sampattānampi sātthikā dhammadesanā ahoṣīti.

Kukkuṭa-aṇḍakhādikāvattu dutiyaṃ.

3. Bhaddiyabhikkhuvatthu

Yaṃ hi kiccanti imaṃ dhammadesanaṃ Satthā Bhaddiyaṃ nissāya Jātiyāvane viharanto Bhaddiye bhikkhū ārabha kathesi.

Te kira pādukamaṇḍane uyyuttā ahesuṃ. Yathāha “tena kho pana samayena Bhaddiyā bhikkhū anekavihitaṃ pādukamaṇḍanānuyogamanuyuttā viharanti, tiṇapādukaṃ karontipi kārāpentipi, muñjapādukaṃ karontipi kārāpentipi, pabbajapādukaṃ hintālapādukaṃ kamalapādukaṃ kambalapādukaṃ karontipi kārāpentipi, riñcanti uddesaṃ paripucchaṃ adhisīlaṃ adhicittaṃ adhipaññaṃ”¹. Bhikkhū tesāṃ tathākaraṇabhāvaṃ jānitvā ujjhāyitvā Satthu ārocesuṃ. Satthā te bhikkhū garahitvā “bhikkhave tumhe aññaena kiccena āgatā aññaasmimyeva kicce uyyuttā”²ti vatvā dhammaṃ desento imā gāthā abhāsi—

292. “Yaṃ hi kiccaṃ apaviddhaṃ, akiccaṃ pana karīyati.
Unnaḷānaṃ pamattānaṃ, tesāṃ vaḍḍhanti āsavā.

293. Yesañca susamāradhā, niccaṃ kāyagatā sati.
Akiccaṃ te na sevanti, kicce sātaccakārino.
Satānaṃ sampajānānaṃ, atthaṃ gacchanti āsavā”³ti.

Tattha **yaṃ hi kiccanti** bhikkhuno hi pabbajitakālato paṭṭhāya aparimāṇasīlakkhandhagopanaṃ araññāvāso dhutaṅgapariharaṇaṃ bhāvanārāmatāti evamādīni kiccaṃ nāma. Imehi pana yaṃ attano kiccaṃ, taṃ apaviddhaṃ chaḍḍitaṃ. **Akiccanti** bhikkhuno chattamaṇḍanaṃ upāhanamaṇḍanaṃ pādukapattathālakadhammakaraṇakāyabandhana-amsabaddhakamaṇḍanaṃ akiccaṃ nāma. Yehi taṃ kayirati, tesāṃ mānanaḷaṃ ukkhipitvā caraṇena unnaḷānaṃ sativossaggena pamattānaṃ cattāro āsavā vaḍḍhantīti attho. **Susamāradhāti** supaggahitā². **Kāyagatā satīti** kāyānupassanābhāvanā. **Akiccanti** te etaṃ chattamaṇḍanādikaṃ akiccaṃ na sevanti na karontīti attho. **Kicceti** pabbajitakālato paṭṭhāya kattabbe aparimāṇa sīlakkhandhagopanaḍike karaṇīye. **Sātaccakārino**ti satatakārino atṭhitakārino. Tesāṃ satiyā avippavāsena satānaṃ

1. Vi 3. 278 piṭṭhe.

2. Supariggahitā (Sī)

sāthakasampajaññaṃ sappāyasampajaññaṃ gocarasampajaññaṃ
asammohasampajaññanti catūhi sampajaññehi sampajānānaṃ cattāropi
āsavā atthaṃ gacchanti, parikkhayaṃ abhāvaṃ gacchantīti attho.

Desanāvasāne te bhikkhū arahatte patiṭṭhahiṃsu, sampattānampi
sāthikā dhammadesanā ahoṣīti.

Bhaddiyavattu tatiyaṃ.

4. Lakuṇḍakabhaddiyattheravattu

Mātaranti imaṃ dhammadesanaṃ Satthā Jetavane viharanto
Lakuṇḍakabhaddiyattheraṃ ārabba kathesi.

Ekadivasaṃ hi sambahulā āgantukā bhikkhū Satthāraṃ divāṭṭhāne
nisinnaṃ upasaṅkamtivā vanditvā ekamantaṃ nisīdimṃsu. Tasmim̐ khaṇe
Lakuṇḍakabhaddiyatthero Bhagavato avidūre atikkamati. Satthā tesam̐
bhikkhūnaṃ citta-cāraṃ ñatvā oloketvā “passatha bhikkhave ayaṃ bhikkhu
mātāpitaro hantvā niddukkho hutvā yāti”ti vatvā tehi bhikkhūhi “kiṃ nu kho
Satthā vadatī”ti aññaṃaññaṃ mukhāni oloketvā saṃsayapakhandehi
“bhante kiṃ nāmetaṃ vadethā”ti vutte tesam̐ dhammaṃ desento imaṃ
gāthamāha—

293. “Mātaraṃ pitaraṃ hantvā, rājāno dve ca khattiye.

Raṭṭhaṃ sānucaraṃ hantvā, anīgho yāti brāhmaṇo”ti.

Tattha **sānucaranti** āyasādhakena āyuttakena sahitaṃ. Ettha hi “taṇhā
janeti purisaṃ”ti¹ vacanato tīsu bhavesu sattānaṃ jananato taṇhā mātā nāma.
“Ahaṃ asukassa nāma rañño vā rājamahāmatassa vā putto”ti pitaraṃ
nissāya asmimānassa uppajjanato asmimāno pitā nāma. Loko viya rājānaṃ
yasmā sabbadiṭṭhigatāni dve sassatucchedadiṭṭhiyo bhajanti, tasmā dve
sassatucchedadiṭṭhiyo dve khattiyarājāno nāma. Dvādasāyatanāni
vitthataṭṭhena raṭṭhasadisattā raṭṭhaṃ nāma.

1. Saṃ 1. 34, 35 piṭṭhesu.

āyasādhako āyuttakapuriso viya tannissito nandirāgo anucaro nāma. **Anīgho**ti niddukkho. **Brāhmaṇo**ti khīṇāsavo. Etesaṃ taṇhādīnaṃ arahattamaggañāṇāsinaṃ hatattā khīṇāsavo niddukkho hutvā yāṭīti ayametthattho.

Desanāvasāne te bhikkhū arahatte paṭiṭṭhahimsu.

Dutiyagāthāyapi vatthu purimasadisameva. Tadā hi Sathā Lakuṇḍakabhaddiyattherameva ārabba kathesi. Tesāṃ dhammaṃ desento imaṃ gāthamāha—

295. “Mātaraṃ pitaraṃ hantvā, rājāno dve ca sotthiye.

Veyagghapañcamaṃ hantvā, anīgho yāti brāhmaṇo”ti.

Tattha **dve ca sotthiyeti** dve ca brāhmaṇe. Imissā gāthāya Sathā attano dhammissaratāya ca desanāvīdhikusalatāya ca sassatucchedadiṭṭhiyo dve brāhmaṇarājāno ca katvā kathesi. **Veyagghapañcamanti** ettha byagghānucarito sappāṭibhayo duppaṭipanno¹ maggo veyaggho nāma, vicikicchānīvaraṇampi tena sadisatāya veyagghaṃ nāma, taṃ pañcamaṃ assāti nīvaraṇapañcakaṃ veyagghapañcamaṃ nāma. Idañca veyagghapañcamaṃ arahattamaggañāṇāsinaṃ nissesaṃ hantvā anīghova yāti brāhmaṇoṭi ayametthattho. Sesāṃ purimasadisamevāti.

Lakuṇḍakabhaddiyattheravatthu catuttham.

5. Dārusākaṭikaputtavatthu

Suppabuddhanti imaṃ dhammadesanaṃ Sathā Veḷuvane viharanto Dārusākaṭikassa puttaṃ ārabba kathesi.

Rājagahasmim hi sammādiṭṭhikaputto micchādiṭṭhikaputtoti dve dārakā abhikkhaṇaṃ guḷakīḷaṃ kīḷanti. Tesu sammādiṭṭhikaputto guḷaṃ khipamāno Buddhānussatiṃ āvajjetvā “namo Buddhassā”ti vatvā vatvā guḷaṃ khipati. Itaro titthiyaguṇe uddisitvā “namo arahantānaṃ”ti vatvā vatvā khipati. Tesu

1. Duppaṭipajjo (Sī)

sammādiṭṭhikassa putto jināti, itaro pana parājayati. So tassa kiriyaṃ disvā “ayaṃ evaṃ anussarivā evaṃ vatvā guḷaṃ khipanto mamaṃ jināti, ahampi evarūpaṃ karissāmi”ti Buddhānussatiyaṃ paricayamakāsi. Athekadivasam tassa pitā sakaṭaṃ yojetvā dārūnaṃ atthāya gacchanto tampi dāraṃ ādāya gantvā aṭaviyaṃ dārūnaṃ sakaṭaṃ pūretvā āgacchanto bahinagare susānasāmaṇṭe udakaphāsukaṭṭhāne goṇe mocetvā bhattavissaggamakāsi. Athassa te goṇā sāyanhasamaye nagaraṃ pavisantena gogaṇena saddhiṃ nagarameva pavisimsu. Sākaṭikopi goṇe anubandhanto nagaraṃ pavisitvā sāyaṃ goṇe disvā ādāya nikkhamanto dvāraṃ na sampāpuṇi. Tasmiṃhi asampatteyeva dvāraṃ pihitaṃ.

Athassa putto ekakova rattibhāge sakaṭassa heṭṭhā nipajjitvā niddam okkami. Rājagahaṃ pana pakatiyāpi amanussabahuḷaṃ. Ayaṅca susānasantike nipanno. Tattha naṃ dve amanussā passimsu. Eko sāsanassa paṭikaṇḍako micchādiṭṭhiko, eko sammādiṭṭhiko. Tesu micchādiṭṭhiko āha “ayaṃ no bhakkho, imaṃ khādissāma”ti. Itaro “alaṃ mā te rucci”ti nivāreti. So tena nivāriyamānopi tassa vacanaṃ anādiyitvā dāraṃ pādesu gahetvā ākaḍḍhi. So Buddhānussatiyā paricitattā tasmiṃ khaṇe “namo Buddhassa”ti āha. Amanusso mahābhayaabhīto paṭikkamitvā aṭṭhāsi. Atha naṃ itaro “amhehi akiccaṃ kataṃ, daṇḍakammaṃ tassa karoma”ti vatvā taṃ rakkhamāno aṭṭhāsi. Micchādiṭṭhiko nagaraṃ pavisitvā raṅṅo bhojanapātiṃ pūretvā bhojanaṃ āhari. Atha naṃ ubhopi tassa mātāpitaro viya hutvā upaṭṭhāpetvā bhojetvā “imāni akkharāni rājāva passatu, mā aṅṅo”ti taṃ pavattiṃ pakāsentā yakkhānubhāvena bhojanapātiyaṃ akkharāni chinditvā pātiṃ dārusakaṭe pakkhipitvā sabbarattiṃ ārakkhaṃ katvā pakkamimsu.

Punadivase “rājakulato corehi bhojanabhaṇḍaṃ avahaṭaṃ”ti kolāhalaṃ karontā dvārāni pidahitvā oloketā tattha apassantā nagarā nikkhamitvā ito cito ca oloketā dārusakaṭe suvaṇṇapātiṃ disvā “ayaṃ coro”ti taṃ dāraṃ gahetvā raṅṅo dassetuṃ. Rājā akkharāni disvā “kiṃ etaṃ tātā”ti pucchitvā

“nāhaṃ deva jānāmi, mātāpitaro me āgantvā rattiṃ bhojetvā rakkhamānā aṭṭhaṃsu, ahampi mātāpitaro maṃ rakkhantīti nibbhayova niddaṃ upagato. Ettakaṃ ahaṃ jānāmi”ti. Athassa mātāpitaropi taṃ ṭhānaṃ āgamaṃsu. Rājā taṃ pavattiṃ ṇatvā te tayopi jane ādāya Satthu santikaṃ gantvā sabbaṃ ārocetvā “kiṃ nu kho bhante Buddhānussati eva rakkhā hoti, udāhu dhammānussati-ādayopi”ti pucchi. Athassa Satthā “mahārāja na kevalaṃ Buddhānussatiyeva rakkhā, yesaṃ pana chabbidhena cittaṃ subhāvitā, tesāṃ aññena rakkhāvaraṇena vā mantosadhehi vā kiccaṃ natthi”ti vatvā cha ṭhānāni dassento imā gāthā abhāsi—

296. “Suppabuddhaṃ pabujjhanti, sadā Gotamasāvaka.

Yesāṃ divā ca ratto ca, niccaṃ Buddhagatā sati.

297. Suppabuddhaṃ pabujjhanti, sadā Gotamasāvaka.

Yesāṃ divā ca ratto ca, niccaṃ dhammagatā sati.

298. Suppabuddhaṃ pabujjhanti, sadā Gotamasāvaka.

Yesāṃ divā ca ratto ca, niccaṃ saṃhagatā sati.

299. Suppabuddhaṃ pabujjhanti, sadā Gotamasāvaka.

Yesāṃ divā ca ratto ca, niccaṃ kāyagatā sati.

300. Suppabuddhaṃ pabujjhanti, sadā Gotamasāvaka.

Yesāṃ divā ca ratto ca, ahimsāya rato mano.

301. Suppabuddhaṃ pabujjhanti, sadā Gotamasāvaka.

Yesāṃ divā ca ratto ca, bhāvanāya rato mano”ti.

Tattha **suppabuddhaṃ pabujjhantīti** Buddhagataṃ satim gahetvā supantā, gahetvāyeva ca pabujjhantā suppabuddhaṃ pabujjhanti nāma. **Sadā Gotamasāvakāti** Gotamagottassa Buddhassa savanante jātattā tasseva anusāsaniyā savanatāya Gotamasāvakā. **Buddhagatā satīti** yesaṃ “itipi so Bhagavā”ti-ādippabhede Buddhaguṇe ārabbha uppajjamānā sati niccakālaṃ atthi, te sadāpi suppabuddhaṃ pabujjhantīti attho. Tathā asakkontā pana

ekadivasam̐ tīsu kālesu dvīsu kālesu ekasmimpi kāle Buddhānussatiṃ manasi karontā suppubuddham̐ pabujjhantiyeva nāma. **Dhammagatā satīti** “svākhāto Bhagavatā dhammo”ti-ādippabhede dhammaguṇe ārabha uppajjamānā sati. **Sam̐hagatā satīti** “suppaṭipanno Bhagavato sāvakaśam̐gho”ti-ādippabhede sam̐haguṇe ārabha uppajjamānā sati. **Kāyagatā satīti** dvattiṃ sākāravasena vā navasivathikāvasena vā catudhātuvavatthānavasena vā ajjhattanīlakaśiṇādirūpajjhānavasena vā uppajjamānā sati. **Ahimsāya ratoti** “so karuṇāśahagatena cetasā ekaṃ disaṃ pharivā viharati”ti¹ evaṃ vuttāya karuṇābhāvanāya rato. **Bhāvanāyāti** mettābhāvanāya. Kiñcāpi heṭṭhā karuṇābhāvanāya vuttattā idha sabbāpi avasesā bhāvanā nāma, idha pana mettābhāvanāva adhippetā. Sesam̐ paṭhamagāthāya vuttanayeneva veditabham̐.

Desanāvasāne dārako saddhim̐ mātāpitūhi sotāpattiṭṭhale patiṭṭhahi. Pacchā pana pabbajitvā sabbepi arahattaṃ pāpuṇiṃsu, sampattānampi sātthikā dhammadesanā ahoṣīti.

Dārusākaṭikaputtavatthu pañcamam̐.

6. Vajjiputtakabhikkhuvatthu

Duppabbajanti imam̐ dhammadesanam̐ Satthā Vesālim̐ nissāya Mahāvane viharanto aññataram̐ vajjiputtakam̐ bhikkhum̐ ārabha kathesi. Tam̐ sandhāya vuttam̐—“aññataro vajjiputtako bhikkhu Vesāliyam̐ viharati aññatarasmim̐ vanasaṇḍe, tena kho pana samayena Vesāliyam̐ sabbarattichaṇo hoti. Atha kho so bhikkhu Vesāliyā tūriyatāḷitavāditanigghosāsaddam̐ sutvā paridevamāno tāyam̐ velāyam̐ imam̐ gātham̐ abhāsi—

‘Ekakā mayam̐ araññe viharāma,
Apaviddham̐va vanasmim̐ dārukam̐.
Etādisikāya rattiyā,
Kosu nāmamhehi pāpiyo’ti”².

1. Abhi 2. 284 piṭṭhe.

2. Sam̐ 1. 203 piṭṭhe.

So kira Vajjiraṭṭhe rājaputto vārena sampattaṃ rajjaṃ pahāya pabbajito Vesāliyaṃ cātumahārājikehi saddhiṃ ekābaddhaṃ katvā sakalanagare dhajapaṭākādīhi paṭimaṇḍite komudiyā puṇṇamāya sabbarattim chaṇavāre¹ vattamāne bheriyādīnaṃ tūriyānaṃ tālitānaṃ nigghosaṃ viṇādīnaṃ vādītānaṃ saddaṃ sutvā yāni Vesāliyaṃ satta rājasahassāni satta rājasatāni satta rājāno, tattakā eva ca nesaṃ uparājasenāpati-ādayo², tesu alaṅkatapaṭiyattesu nakkhattakīlanatthāya vīthim otiṇṇesu satṭhihatthe mahācaṅkame caṅkamamāno gaganamajjhe ṭhitaṃ puṇṇacandaṃ disvā caṅkamakoṭiyāṃ phalakaṃ nissāya ṭhito veṭṭhanālaṅkāravirahitattā vane chaḍḍitadārukaṃ viya attabhāvaṃ oloketvā “atthi nu kho añño amhehi lāmakataro”ti cintento pakatiyā āraññakādiguṇayuttopi tasmim khaṇe anabhiratiyā piḷḷito evamāha. So tasmim vanasaṇḍe adhivatthāya devatāya “imaṃ bhikkhum saṃvejessāmi”ti adhippāyena—

“Ekakova tvaṃ araññe viharasi, apaviddhaṃva vanasmim dārukaṃ.

Tassa te bahukā ca pihayanti, nerayikā viya saggagāminan”ti³—

Vuttaṃ imaṃ gāthaṃ sutvā punadivase Satthāraṃ upasaṅkamitvā vanditvā nisīdi. Satthā taṃ pavattim ṇatvā gharāvāsassa dukkhataṃ pakāsetukāmo pañca dukkhāni samodhānetvā imaṃ gāthamāha—

302. “Duppabbajjaṃ durabhiramaṃ, durāvāsā gharā dukkhā.

Dukkho’samānasaṃvāso, dukkhānupatitaddhagū.

Tasmā na caddhagū siyā, na ca dukkhānupatito siyā”ti.

Tattha **duppabbajjanti** appaṃ vā mahantaṃ vā bhogakkhandhañceva ṇātiparivaṭṭaṅca pahāya imasmim sāsane uraṃ datvā pabbajjaṃ nāma dukkhaṃ. **Durabhiramanti** evaṃ pabbajitenāpi bhikkhācariyāya jīvitavuttim ghaṭentena aparimāṇasīlakkhandhagopanadhammānudhammappaṭipattipūraṇavasena abhiramituṃ dukkhaṃ. **Durāvāsāti** yasmā pana gharaṃ āvasantena rājūnaṃ rājakiccaṃ, issarānaṃ issarakiccaṃ vahitabbaṃ, parijanā ceva dhammikā samaṇabrāhmaṇā ca saṅgahitabbā. Evaṃ santepi gharāvāso chiddaghaṭo viya mahāsamuddo viya ca duppūro. Tasmā

1. Chaṇacāre (Ka)

2. Yuvarājasenāpati-ādayo (Sī)

3. Saṃ 1. 204 piṭṭhe.

gharāvāsā nāmete durāvāsā dukkhā āvasitum, teneva kāraṇena dukkhāti attho. **Dukkho'samānasamvāsoti** gihino vā hi ye jātigottakulabhogehi pabbajitā vā sīlācārabāhusaccādīhi samānāpi hutvā “kosi tvam, kosmi ahan”ti-ādīni vatvā adhikaraṇapasutā honti, te asamānā nāma, tehi saddhim samvāso dukkhoti attho. **Dukkhānupatitaddhagūti** ye vaṭṭasaṅkhātāṃ addhānaṃ paṭipannattā addhagū, te dukkhe¹anupatitāva. **Tasmā na caddhagūti** yasmā dukkhānupatitabhāvopi dukkho addhagūbhāvopi, tasmā vaṭṭasaṅkhātāṃ addhānaṃ gamanatāya addhagū na bhaveyya, vuttappakārena dukkhena anupatitopi na bhaveyyāti attho.

Desanāvasāne so bhikkhu pañcasu ṭhānesu dassite dukkhe nibbindanto pañcorambhāgiyāni pañca uddhambhāgiyāni saṃyojanāni padāletvā arahatte patiṭṭhahīti.

Vajjiputtakabhikkhuvatthu chaṭṭham.

7. Cittagahapativatthu

Saddhoti imaṃ dhammadesanaṃ Sathā Jetavane viharanto Cittagahapatim ārabba kathesi. Vatthu Bālavagge “asantam bhāvanamiccheyyā”ti gāthavaṇṇanāya vitthāritam. Gāthāpi tattheva vuttā. Vuttam hetam tattha²—

“Kiṃ pana bhante etassa tumhākaṃ santikaṃ agacchantassevāyaṃ lābhasakkāro uppajjati³, udāhu aññattha gacchantassāpi uppajjati”ti. “Ānanda mama santikaṃ āgacchantassāpi aññattha gacchantassāpi tassa uppajjateva. Ayaṃ hi upāsako saddho pasanno sampannasīlo, evarūpo puggalo yaṃ yaṃ padesaṃ bhajati, tattha tathevassa lābhasakkāro nibbattati”ti vatvā imaṃ gāthamāha—

303. “Saddho sīlena sampanno, yasobhogasamappito.

Yaṃ yaṃ padesaṃ bhajati, tattha tattheva pūjito”ti.

1. Te Dukkheṇa (Syā)

2. Dhammapada-Ṭṭha 1. 331 piṭṭhe.

3. Uppajjetha (Sī)

Tattha **saddhoti** lokiyalokuttarasaddhāya samannāgato. **Silenāti** āgāriyasīlam anāgāriyasīlanti duvidham sīlam. Tesu idha āgāriyasīlam adhippetam, tena samannāgatoti attho. **Yasobhogasamappitoti** yādiso Anāthapiṇḍikādīnam pañca-upāsakasataparivārasaṅkhāto āgāriyaso, tādīseneva yasena dhanadhaññādiko ceva¹ sattavidha-ariyadhanasaṅkhāto cāti duvidho bhogo, tena samannāgatoti attho. **Yam Yam padesanti** puratthimādīsu disāsu evarūpo kulaputto Yam Yam padesam bhajati, tattha tattha evarūpena lābhasakkārena pūjitova hotīti attho.

Desanāvasāne bahū sotāpattiphalādīni pāpuṇimsūti.

Cittagahapativatthu sattamam.

8. Cūḷasubhaddāvatthu

Dūre santoti imam dhammadesanam Sathā Jetavane viharanto Anāthapiṇḍikassa dhītaram Cūḷasubhaddam nāma ārabha kathesi.

Anāthapiṇḍikassa kira daharakā lato paṭṭhāya Ugganagaravāsī Uggo nāma seṭṭhiputto sahāyako ahosi. Te ekācariyakule sippam uggaṇhantā aññamaññam katikam karimsu “amhākam vayappattakāle puttadhītasu jātāsu yo puttassa² dhītaram vāreti, tena tassa dhīta dātabbā”ti. Te ubhopi vayappattā attano attano nagare seṭṭhiṭṭhāne patiṭṭhahimsu. Athekasmim samaye Uggaseṭṭhi vaṇijjam payojento pañcahi sakaṭasatehi Sāvattim agamāsi. Anāthapiṇḍiko attano dhītaram Cūḷasubhaddam āmantetvā “amma pitā te Uggaseṭṭhi nāma āgato, tassa kattabbakiccam sabbam tava bhāro”ti āṇāpesi. Sā “sādhū”ti paṭissuṇitvā tassa āgatadivasato paṭṭhāya sahattheneva sūpabyañjanādīni sampādeti, mālāgandhavilepanādīni abhisāṅkharoti, bhojanakāle tassa nhānodakam paṭiyādāpetvā nhānakā lato paṭṭhāya sabbakiccāni sādhu kam karoti.

1. Dhaññādiko ceva (Sī)

2. Puttassa atthāya (Syā)

Uggasetṭhi tassā ācārasampattiṃ disvā pasannacitto ekadivasam
 Anāthapiṇḍikena saddhiṃ sukhakathāya sannisinno “mayam daharakāle
 evam nāma¹ katikam karimhā”ti sāretvā Cūḷasubhaddam attano
 puttassatthāya vāresi. So pana pakatiyāva micchādiṭṭhiko. Tasmā
 Dasabalassa tamattham ārocetvā Satthārā Uggasetṭhissūpanissayam disvā
 anuññāto bhariyāya saddhiṃ mantetvā tassa vacanam sampaṭicchitvā
 divasam vavatthapetvā dhītarāṃ Visākhāṃ datvā uyyojento
 Dhanañcayasetṭhi viya mahantam sakkāram katvā Subhaddam āmantetvā
 “amma sasurakule vasantiyā nāma anto-aggi bahi na nīharitabbo”ti²
 Dhanañcayasetṭhinā Visākhāya dinnanayeneva dasa ovāde datvā “sace me
 gataṭṭhāne dhītu doso uppajjati, tumhehi sodhetabbo”ti aṭṭha kuṭumbike
 pāṭibhoge gahetvā tassā uyyojanadivase Buddhappamukhassa
 bhikkhusamghassa mahādānam datvā purimabhava dhītarā katānam
 sucaritānam phalavibhūtiṃ lokassa pākaṭam katvā dassento viya mahantena
 sakkārena dhītarāṃ uyyojesi. Tassā anupubbena Ugganagaraṃ pattakāle
 sasurakulena saddhiṃ mahājano paccuggamanamakāsi.

Sāpi attano sirivibhavam pākaṭam kātuṃ Visākhā viya sakalanagaraṃ
 attānam dassentī rathe ṭhatvā nagaram pavisitvā nāgarehi pesite paṇṇākāre
 gahetvā anurūpavasena tesam tesam pesentī sakalanagaraṃ attano guṇehi
 ekābaddhamakāsi. Maṅgaladivasādīsu panassā sasuro acelakānam sakkāram
 karonto “āgantvā amhākam samaṇe vandatū”ti pesesi. Sā lajjāya nagge
 passitum asakkontī gantum na icchati. So punappunam pesetvāpi tāya
 paṭikkhitto kujjhivā “nīharatha nan”ti āha. Sā “na sakkā mama akāraṇena
 dosam āropetun”ti kuṭumbike pakkosāpetvā tamattham ārocesi. Te tassā
 niddosabhāvam ṇatvā seṭṭhiṃ saññāpesum. So “ayam mama samaṇe
 ahirikāti na vandī”ti bhariyāya ārocesi. Sā “kīdisā nu kho imissā samaṇā,
 ativiya tesam pasamsatī”ti tam pakkosāpetvā āha—

“Kīdisā samaṇā tuyham, bālham kho ne pasamsasi.

Kimsilā kim samācārā, tam me akkhāhi pucchitā”ti³.

1. Evam kira (Ka)

2. Am-Ṭṭha 1. 315; Dhammapada-Ṭṭha 1. 251 piṭṭhesupi.

3. Am-Ṭṭha 2. 271 piṭṭhesu.

athassā Subhaddā Buddhānañceva Buddhasāvakānañca guṇe pakāsentī—

“Santindriyā santamānasā, santam tesam gataṃ ʘhitam.

Okkhittacakkhū mitabhāṇī, tādisā samaṇā mama.

Kāyakammaṃ suci nesaṃ, vācākammaṃ anāvilaṃ.

Manokammaṃ suvisuddham, tādisā samaṇā mama.

Vimalā saṅkhamuttābhā, suddhā antarabāhirā.

Puṇṇā suddhehi dhammehi, tādisā samaṇā mama.

Lābhena unnato loko, alābhena ca onato.

Lābhālābhena ekaṭṭhā, tādisā samaṇā mama.

Yasena unnato loko, ayasena ca onato.

Yasāyasena ekaṭṭhā, tādisā samaṇā mama.

Pasaṃsāyunnato loko, nindāyāpi ca onato.

Samā nindāpasaṃsāsu, tādisā samaṇā mama.

Sukhena unnato loko, dukkhenāpi ca onato.

Akampā sukhadukkhesu, tādisā samaṇā mamā”ti—

Evamādīhi vacanehi sassum tosesi.

Atha naṃ “sakkā tava samaṇe amhākampi dassetun”ti vatvā “sakkā”ti vutte “tena hi yathā mayam te passāma, tathā karohī”ti vutte sā “sādhū”ti Buddhappamukhassa bhikkhusaṃghassa mahādānaṃ sajjetvā uparipāsādāte ʘatvā Jetavanābhimukhī sakkaccaṃ pañcapatiṭṭhitena vanditvā Buddhaguṇe āvajjetvā gandhavāsapupphadhumehi¹ pūjam katvā “bhante svātanāya Buddhappamukhaṃ bhikkhusaṃghaṃ nimantemi, iminā me saññāṇena Satthā nimantitabhāvaṃ jānātū”ti sumanapupphānaṃ aṭṭha muṭṭhiyo ākāse khipi. Pupphāni gantvā catuparisamajjhe dhammaṃ desentassa Satthuno upari mālāvitānaṃ hutvā aṭṭhaṃsu. Tasmim khaṇe Anāthapiṇḍikopi dhammakathaṃ sutvā svātanāya Satthāraṃ nimantesi. Satthā “adhivutthaṃ mayā gahapati svātanāya bhattan”ti vatvā “bhante mayā puretaraṃ āgato natthi, kassa nu kho vo adhivutthan”ti vutte “Cūlasubhaddāya gahapati

1. Gandhavāsapupphadhūpehi (Sī, Syā)

nimantito”ti vatvā “nanu bhante Cūlasubbhaddā dūre vasati ito vīsatiyojanasatamatthake”ti vutte “āma gahapati dūre vasantāpi hi sappurisā abhimukhe ʘhitā viya pakāseti”ti vatvā imam gāthamāha—

304. “Dūre santo pakāseti, Himavantova pabbato.

Asantettha na dissanti, rattim khittā yathā sarā”ti.

Tattha **santoti** rāgādīnaṃ santatāya Buddhādayo santā nāma. Idha pana pubbabuddhesu katādhikārā ussannakusalamūlā bhāvitabhāvanā sattā santoti adhippetā. **Pakāseti**ti dūre ʘhitāpi Buddhānaṃ nāṇapathaṃ āgacchantā pākāṭā honti. **Himavantovā**ti yathā hi tiyojanasahassavitthato pañcayojanasatubbedho caturāsītiyā kūṭasahashehi paṭimaṇḍito Himavantapabbato dūre ʘhitānampi abhimukhe ʘhito viya pakāseti, evam pakāseti ti attho. **Asantetthā**ti diṭṭhadhammagarukā vitiṇṇaparalokā āmisacakkhukā jīvikatthāya pabbajitā bālapuggalā asanto nāma, te ettha Buddhānaṃ dakkhiṇassa jāṇumaṇḍalassa santike nisinnāpi na dissanti na paññāyanti. **Rattim khittā**ti rattim caturaṅgasamannāgate andhakāre khittasārā viya tathārūpassa¹ upanissayabhūtassa pubbahetuno abhāvena na paññāyanti ti attho.

Desanāvasāne bahū sotāpattiphalādīni pāpuṇimsūti.

Sakko devarājā “Satthārā Subhaddāya nimantanam adhiṇāsitaṃ”ti ñatvā Vissakammadevappaṭṭam āṇāpesi “pañca kūṭāgārasatāni nimminivā sve Buddhappamukhaṃ bhikkhusaṃghaṃ Ugganagaraṃ nehi”ti. So punadivase pañcasatāni kūṭāgārāni nimminivā Jetavanadvāre aṭṭhāsi. Satthā uccinitvā visuddhakhīṇāsavānaṃyeva pañcasatāni ādāya saparivāro kūṭāgāresu nisīditvā Ugganagaraṃ agamāsi. Uggaseṭṭhipi saparivāro Subhaddāya dinnanayeneva Tathāgatassa āgatamaggaṃ olokento Satthāraṃ mahantena sirivibhavana āgacchantam disvā pasannamānaso mālādīhi mahantam sakkāraṃ karonto saparivāro sampaṭicchitvā vanditvā mahādānaṃ datvā punappunam nimantetvā sattāham mahādānaṃ adāsi. Satthāpissa sappāyam sallakkhetvā

1. Tathārūpā (Sī)

dhammaṃ desesi. Taṃ ādiṃ katvā caturāsītiyā pānasahassānaṃ dhammābhisamayo ahoṣi. Satthā “Cūḷasubhaddāya anuggahaṇattham¹ tvaṃ idheva hohī”ti Anuruddhattheraṃ nivattāpetvā Sāvattthimeva agamāsi. Tato paṭṭhāya taṃ nagaraṃ saddhāsampannaṃ² ahoṣīti.

Cūḷasubhaddāvattu aṭṭhamaṃ.

9. Ekavīhārittheravattu

Ekāsananti imaṃ dhammadesanaṃ Satthā Jetavane viharanto Ekavīhārittheraṃ nāma ārabba kathesi.

So kira thero ekakova seyyaṃ kappeti, ekakova nisīdati, ekakova caṅkamati, ekakova tiṭṭhatīti catuparisantare pākaṭo ahoṣi. Atha naṃ bhikkhū “bhante evarūpo nāmāyaṃ thero”ti Tathāgatassārocesuṃ. Satthā “sādhu sādhu”ti tassa sādhuḱāraṃ datvā “bhikkhunā nāma pavivittena bhavitabban”ti viveke ānisaṃsaṃ kathetvā imaṃ gāthamāha—

305. “Ekāsanam ekaseyyam, eko caramatandito.

Eko damayamattānaṃ, vanante ramito siyā”ti.

Tattha **ekāsanam ekaseyyanti** bhikkhusahassamajjhēpi mūlakammaṭṭhānaṃ avijahitvā teneva manasikārena nisinnassa āsanaṃ ekāsanam nāma. Lohapāsādasadisēpi ca pāsāde bhikkhusahassamajjhēpi paññatte vicitrapaccattharaṇūpadhāne mahārahe sayane satim upaṭṭhapetvā dakkhiṇena passena mūlakammaṭṭhānāmanasikārena nipannassa bhikkhuno seyyā ekaseyyā nāma. Evarūpaṃ ekāsanañca ekaseyyañca bhajethāti attho. **Atanditoti** jaṅghabalaṃ nissāya jīvitakappanena akusīto hutvā sabbīriyāpathesu ekakova carantoti attho. **Eko damayanti**

1. Anuggahena (Sī, Ka)

2. Saddham pasannaṃ (Sī, Syā)

rattiṭṭhānādīsu kammaṭṭhānaṃ anuyuñjitvā maggaphalādhigamavasena ekova hutvā attānaṃ damentoti attho. **Vanante ramito siyāti** evaṃ attānaṃ damento itthipurisasaddādīhi pavivitte vananteyeva abhiramito bhaveyya. Na hi sakkā ākiṇṇavihārinā evaṃ attānaṃ dametunti attho.

Desanāvasāne bahū sotāpattiṭṭhalādīni pāpuṇimsu. Tato paṭṭhāya mahājano ekavihārikameva patthesīti.

Ekavihārittheravatthu navamaṃ.

Pakiṇṇakavaggavaṇṇanā niṭṭhitā.

Ekavīsatimo vaggo.

22. Nirayavagga

1. Sundarīparibbājikāvattu

Abhūtavādīti imarū dhammadesanāṃ Satthā Jetavane viharanto Sundarīm paribbājikāṃ ārabha kathesi.

“Tena kho pana samayena Bhagavā sakkato hoti garukato mānito pūjito”ti vatthu vitthārato Udāne¹ āgatameva. Ayam panettha saṅkhepo— Bhagavato kira bhikkhusaṅghassa ca pañcannaṃ mahānadānaṃ mahoghasadise lābhasakkāre uppanne hatalābhasakkārā aññatitthiyā sūriyuggamanakāle khajjopanakā viya nippabhā hutvā ekato sannipatitvā mantayimāsu “mayāṃ samaṇassa Gotamassa uppannakālato paṭṭhāya hatalābhasakkārā, na no koci atthibhāvampi jānāti, kena nu kho saddhim ekato hutvā samaṇassa Gotamassa avaṇṇaṃ uppādetvā lābhasakkāramassa antaradhāpeyyāma”ti. Atha nesaṃ etadahosi “Sundariyā saddhim ekato hutvā sakkuṇissāma”ti. Te ekadivasaṃ Sundarīm titthiyārāmaṃ pavisitvā vanditvā ṭhitaṃ nālapimsu. Sā punappunaṃ sallapantīpi paṭivacanaṃ alabhitvā “api panayyā kenaci viheṭhitatthā”ti pucchi. Kiṃ bhagini samaṇaṃ Gotamaṃ amhe vihethevā hatalābhasakkāre katvā vicarantaṃ na passasīti. Mayā ettha kiṃ kātuṃ vaṭṭatīti. Tvaṃ khosi bhagini abhirūpā sobhaggappattā, samaṇassa Gotamassa ayasaṃ āropetvā mahājanaṃ tava kathaṃ gāhāpetvā hatalābhasakkāraṃ karohīti. Sā taṃ sutvā “sādhū”ti sampaṭicchitvā pakkantā tato paṭṭhāya mālāgandhavilepanakappūrakaṭukaphalādīni gahetvā sāyaṃ mahājanaṃ Satthu dhammadesanaṃ sutvā nagaraṃ pavisaṇakāle Jetavanābhimukhī gacchati, “kahaṃ gacchasi”ti ca puṭṭhā “samaṇassa Gotamassa santikaṃ gamissāmi, ahaṃ hi tena saddhim ekagandhakuṭiyaṃ vasāmi”ti vatvā aññatarasmiṃ titthiyārāme vasitvā pātova Jetavanamaggaṃ otaritvā nagarābhimukhī āgacchantī “kiṃ Sundari kahaṃ gatāsī”ti puṭṭhā “samaṇena Gotamena saddhim ekagandhakuṭiyaṃ vasitvā taṃ kilesaratiyā ramāpetvā āgatāmhī”ti vadati.

1. Khu 1. 128 piṭṭhe.

Atha te katipāhaccayena dhuttānaṃ kahāpaṇe datvā “gacchatha Sundariṃ māretvā samaṇassa Gotamassa Gandhakuṭiyā samīpe mālākacavarantare nikkhipitvā ethā”ti vadimsu. Te tathā akaṃsu. Tato titthiyā “Sundariṃ na passāmā”ti kolāhahaṃ katvā rañño ārocetvā “kahaṃ vo āsaṅkā”ti vuttā “imesu divasesu¹ Jetavane vasati, tatthassā pavattiṃ na jānāmā”ti vatvā “tena hi gacchatha, naṃ vicinathā”ti raññā anuññātā attano upaṭṭhāke gahetvā Jetavanaṃ gantvā vicinantā mālākacavarantare taṃ disvā mañcakaṃ āropetvā nagaraṃ pavesetvā “samaṇassa Gotamassa sāvaka ‘Satthārā kataṃ pāpakammaṃ paṭicchādessāmā’ti Sundariṃ māretvā mālākacavarantare nikkhipimsū”ti rañño ārocayimsu. Rājā “tena hi gacchatha, nagaraṃ āhiṇḍathā”ti āha. Te nagaravīthīsu “passatha samaṇānaṃ Sakyaputtiyānaṃ kamman”ti-ādīni vatvā puna rañño nivesanadvāraṃ āgamimsu. Rājā Sundariyā sarīraṃ āmakasusāne aṭṭakaṃ āropetvā rakkhāpesi. Sāvattvivāsino ṭhapetvā ariyasāvake sesā yebhuyyena “passatha samaṇānaṃ Sakyaputtiyānaṃ kamman”ti-ādīni vatvā antonagarepi bahinagarepi bhikkhū akkosantā vicaranti. Bhikkhū taṃ pavattiṃ Tathāgatassa ārocesuṃ. Satthā “tena hi tumhepi te manusse evaṃ paṭicodethā”ti vatvā imaṃ gāthamāha—

306. “Abhūtavādī nirayaṃ upeti,
Yo vāpi katvā na karomi’cāha.
Ubhopi te pecca samā bhavanti,
Nihīnakammā manujā paratthā”ti.

Tattha **abhūtavādī**ti parassa dosaṃ adisvāva musāvādaṃ katvā tucchena paraṃ abbhācikkhanto. **Katvā**ti yo vā pana pāpakammaṃ katvā “nāhaṃ etaṃ karomī”ti āha. **Pecca samā bhavanti**ti te ubhopi janā paralokaṃ gantvā nirayaṃ upagamanena gatiyā² samā bhavanti. Gatiyeva³ nesaṃ paricchinnā, āyu pana nesaṃ na paricchinnaṃ. Bahukaṃ hi pāpakammaṃ katvā ciraṃ niraye paccanti, parittaṃ katvā appamattakameva kālaṃ. Yasmā pana nesaṃ

1. Imasmim divase (Syā, Ka) 2. Duggatiyā (Syā, Ka) 3. Duggatiyeva (Syā, Ka)

ubhinnampi lāmakameva kammaṃ, tena vuttaṃ “**nihīnakammā manujā paratthā**”ti. Paratthāti imassa pana padassa purato peccapadena sambandho. Pecca parattha ito gantvā te nihīnakammā paraloke samā bhavantīti attho. Desanāvasāne bahū sotāpattiṭṭhānīni pāpuṇiṃsūti.

Rājā “Sundariyā aññehi mārītabhāvaṃ jānāthā”ti purise uyyojesi. Atha te dhuttā tehi kahāpaṇehi suraṃ pivantā aññamaññaṃ kalahaṃ karīṃsu. Eko ekaṃ āha “tvaṃ Sundariṃ ekappahāreṇeva māretvā mālākacavarantare nikkhipitvā tato laddhakahāpaṇehi suraṃ pivasi, hotu hotū”ti. Rājapurisā te dhutte gahetvā rañño dassesuṃ. Atha ne rājā “tumhehi sā mārītā”ti pucchi. Āma devāti. Kehi mārāpitāti. Aññatitthiyehi devāti. Rājā titthiye pakkosāpetvā pucchi. Te tatheva vadīṃsu. Tena hi gacchatha tumhe evaṃ vadantā nagaraṃ āhiṇḍatha “ayaṃ Sundarī samaṇassa Gotamassa avaṇṇaṃ āropetukāmehi amhehi mārāpitā, neva samaṇassa Gotamassa, na sāvakānaṃ doso atthi, amhākameva doso”ti. Te tathā karīṃsu. Bālamahājano tadā saddahi, titthiyāpi dhuttāpi purisavadhandaṇḍaṃ pāpuṇiṃsu. Tato paṭṭhāya Buddhānaṃ sakkāro mahā ahoṣīti.

Sundarīparibbājikāvattu paṭṭhamaṃ.

2. Duccaritaphalapīlitavattu

Kāsāvakaṇṭhāti imaṃ dhammadesanaṃ Satthā Veḷuvane viharanto duccaritaphalānubhāvena pīlite satte ārabha kathesi.

Āyasmā hi Moggallāno Lakkhaṇattherena saddhiṃ Gijjhakūṭā orohanto aṭṭhisankhalikapetādīnaṃ attabhāve disvā sitaṃ karonto Lakkhaṇattherena sitakāraṇaṃ puṭṭho “akālo āvuso imassa pañhassa, Tathāgatassa santike maṃ puccheyyāsī”ti vatvā Tathāgatassa santike therena puṭṭho aṭṭhisankhalikapetādīnaṃ diṭṭhabhāvaṃ ācikkhitvā “idhāhaṃ āvuso Gijjhakūṭā pabbatā orohanto addasaṃ bhikkhuṃ

vehāsaṃ gacchantāṃ, tassa saṃghāṭipi ādittā sampajjalitā sajotibhūtā -pakāyopi āditto”ti-ādinā¹ nayena saddhiṃ pattacīvarakāyabandhanādīhi ḍayhamāne pañca sahadhammike ārocesi. Satthā tesāṃ Kassapadasabalassa sāsane pabbajitvā pabbajjāya anurūpaṃ kātuṃ asakkontānaṃ pāpabhāvaṃ ācikkhitvā tasmim̄ khaṇe tattha nisinnānaṃ bahūnaṃ pāpabhikkhūnaṃ duccharitakammasa vipākaṃ dassento imaṃ gāthamāha—

307. “Kāsāvakaṇṭhā bahavo, pāpadhammā asaṅṅatā.
Pāpā pāpehi kammehi, nirayaṃ te upapajjare”ti.

Tattha **kāsāvakaṇṭhā**ti kāsāvena paliveḥhitakaṇṭhā. **Pāpadhammā**ti lāmakadhammā. **Asaṅṅatā**ti kāyādisaṃyamarahitā, tathārūpā pāpappuggalā attanā katehi akusalakammehi nirayaṃ upapajjanti, te tattha paccitvā tato cutā vipākāvasesena petesupi evaṃ paccantīti attho.

Desanāvasāne bahū sotāpattiphalādīni pāpuṇimsūti.

Duccharitaphalapīlitavattu dutiyaṃ.

3. Vaggumudātīriyabhikkhukavattu

Seyyo ayoguloti imaṃ dhammadesanaṃ Satthā Vesāliṃ upanissāya Mahāvane viharanto Vaggumudātīriye bhikkhū ārabba katesi. Vatthu Uttarimanussadhammapārājike² āgatameva.

Tadā hi Satthā te bhikkhū “kiṃ pana tumhe bhikkhave udarassatthāya gihīnaṃ aṅṅamaṅṅassa uttarimanussadhammasa vaṇṇaṃ bhāsithā”ti vatvā tehi “āma bhante”ti vutte te bhikkhū anekapariyāyena garahitvā imaṃ gāthamāha—

308. “Seyyo ayogulo bhutto, tatto aggisikhūpamo.
Yañce bhuñjeyya dussilo, raṭṭhapiṇḍamasāṅṅato”ti.

1. Vi 1. 148; Saṃ 1. 451 piṭṭhesu.

2. Vi 1. 112 piṭṭhe.

Tattha **yañce bhuñjeyyā**ti yaṃ dussīlo nissīlapuggalo kāyādīhi asaṅṅato raṭṭhavāsīhi saddhāya dinnam raṭṭhapiṇḍam “samaṇomhī”ti paṭijānanto gahetvā bhuñjeyya, tatto āditto aggivaṇṇo ayoguḷova bhutto seyyo sundarataro. Kim kāraṇā? Tappaccayā hi ekova attabhāvo jhāyeyya, dussīlo pana saddhādeyyam bhuñjitvā anekānipi jāṭisatāni niraye pacceyyāti attho.

Desanāvasāne bahū sotāpattiphalādīni pāpuṇimsūti.

Vaggumudātīriyabhikkhuvatthu tatiyam.

4. Khemakaseṭṭhiputtavatthu

Cattāri ṭhānānīti imam dhammadesanam Sathā Jetavane viharanto Anāthapiṇḍikassa bhāgineyyam Khemakam nāma seṭṭhiputtam ārabha katesi.

So kira abhirūpo ahosi, yebhuyyena itthiyo tam dīsvā rāgābhibhūtā sakabhāvena saṅṭhātum nāsakkhimsu. Sopi paradārakammābhiratova ahosi. Atha nam rattim rājapurisā gahetvā raṅṅo dassetum. Rājā mahāseṭṭhissa lajjamīti tam kiñci avatvā vissajjāpesi. So pana neva virami. Atha nam dutiyampi tatiyampi rājapurisā gahetvā raṅṅo dassetum. Rājā vissajjāpesiyeva. Mahāseṭṭhi tam pavattim sutvā tam ādāya Sathu santikam gantvā tam pavattim ārocetvā¹ “bhante imassa dhammam desethā”ti āha. Sathā tassa samvegakatham vatvā paradārasevanāya dosam dassento imā gāthā abhāsi—

309. “Cattāri ṭhānāni naro pamatto,

Āpajjati paradārūpasevī.

Apuññalābham na nikāmaseyyam,

Nindam tatīyam nirayam catuttham.

1. Ārocāpetvā (Sī)

310. Apuññalābho ca gatī ca pāpikā,
 Bhītassa bhītāya ratī ca thokikā.
 Rājā ca daṇḍaṃ garukaṃ paṇeti,
 Tasmā naro paradāraṃ na seve”ti.

Tattha **ṭhānānī**ti dukkhakāraṇāni. **Pamattoti** sativossaggena samannāgato. **Āpajjati**ti pāpuṇāti. **Paradārūpasevī**ti paradāraṃ upasevanto uppathacārī. **Apuññalābhanti** akusalalābham. **Na nikāmaseyyanti** yathā icchati, evaṃ seyyaṃ alabhitvā anicchitaṃ parittakameva kālaṃ seyyaṃ labhati. **Apuññalābho cāti** evaṃ tassa ayañca apuññalābho, tena ca apuññena nirayasāṅkhātā pāpikā gati hoti. **Ratī ca thokikā**ti yā tassa bhītassa bhītāya itthiyā saddhiṃ rati, sāpi thokikā parittā hoti. **Garukanti** rājā ca hatthacchedādivasena garukaṃ daṇḍaṃ paṇeti. **Tasmāti** yasmā paradāraṃ sevanto etāni apuññādīni pāpuṇāti, tasmā paradāraṃ na seveyyāti attho.

Desanāvasāne Khemako sotāpattiphale patiṭṭhahi. Tato paṭṭhāya mahājano sukhaṃ vītināmesi. Kiṃ panassa pubbakammanti? So kira Kassapabuddhakāle uttamamallo hutvā dve suvaṇṇapaṭākā Dasabalassa kañcanathūpe āropetvā patthanaṃ paṭṭhapesi “ṭhapetvā nātisālohititthiyo avasesā maṃ disvā rajjantū”ti. Idamassa pubbakammanti. Tena taṃ nibbattanibbattaṭṭhāne disvā paresaṃ itthiyo sakabhāvena saṅṭhātum nāsakkhimsūti.

Khemakaseṭṭhiputtavatthu catutthaṃ.

5. Dubbacabhikkhuvatthu

Kuso yathāti imaṃ dhammadesanaṃ Satthā Jetavane viharanto aññatarāṃ dubbacabhikkhum ārabba kathesi.

Eko kira bhikkhu asañcicca ekaṃ tiṇaṃ chinditvā kukkuce uppanne ekaṃ bhikkhum upasaṅkamitvā “āvuso yo tiṇaṃ chindati, tassa kiṃ hotī”ti taṃ attanā katabhāvaṃ ārocetvā pucchi. Atha naṃ itaro

“tvaṃ tiṇassa chinnakāraṇā kiñci hotīti saññaṃ karosi, na ettha kiñci hoti, desetvā pana muccatī”ti vatvā sayampi ubhohi hatthehi tiṇaṃ luñcivā aggaheṣi. Bhikkhū taṃ pavattim Satthu ārocesuṃ. Satthā taṃ bhikkhuṃ anekapariyāyena vigarahitvā dhammaṃ desento imā gāthā abhāsi—

311. “Kuso yathā duggahito, hatthamevā’ nukantati.
Sāmaññaṃ dupparāmaṭṭhaṃ, nirayāyu’ pakaḍḍhati.
312. Yaṃ kiñci sithilaṃ kammaṃ, saṃkiliṭṭhañca yaṃ vataṃ.
Saṅkassaraṃ brahmacariyaṃ, na taṃ hoti mahapphalaṃ.
313. Kayirā ce kayirāthenaṃ, daḷhamenaṃ parakkame.
Sithilo hi paribbājo, bhiiyo ākirate rajan”ti.

Tattha **kusoti** yaṃ kiñci tikhiṇadhāraṃ tiṇaṃ antamaso tālappaṇṇampi, yathā so kuso yena duggahito, tassa hatthaṃ anukantati phāleti, evameva samaṇadhammasaṅkhātaṃ sāmaññaṃampi khaṇḍasīlādītāya dupparāmaṭṭhaṃ **nirayāyupakaḍḍhati**, niraye nibbattāpetīti attho. **Sithilanti** oliyitvā karaṇena sithilagāhaṃ katvā kataṃ yaṃkiñci kammaṃ. **Saṃkiliṭṭhanti** vesiyādikesu agocaresu caraṇena saṃkiliṭṭhaṃ. **Saṅkassaranti** saṅkāhi saritabbaṃ, uposathakiccādīsu aññatarakiccena sannipatitampi saṅghaṃ disvā “addhā ime mama cariyaṃ ñatvā maṃ ukkhipitukāmāva sannipatitā”ti evaṃ attano āsaṅkāhi saritaṃ ussaṅkitaṃ parisāṅkitaṃ. **Na taṃ hotīti** taṃ evarūpaṃ samaṇadhammasaṅkhātaṃ brahmacariyaṃ tassa puggalassa mahapphalaṃ na hoti, tassa mahapphalābhāveneva bhikkhadāyakānampissa na mahapphalaṃ hotīti attho. **Kayirā ceti** tasmā yaṃ kammaṃ kareyya, taṃ kareyyātheva. **Daḷhamenaṃ parakkameti** thirakatameva katvā avattasamādāno¹ hutvā enaṃ kayirā. **Paribbājoti** sithilabhāvena kato khaṇḍādibhāvappatto samaṇadhammo. **Bhiiyo ākirate rajanti** abbhantare vijjamaṇaṃ rāgarajādīṃ evarūpo samaṇadhammo apanetuṃ na sakkoti, atha kho tassa upari aparaṃpi rāgarajādīṃ ākiratīti attho.

1. Avaṭṭhitasamādāno (Syā)

Desanāvasāne bahū sotāpattiphalādīni pāpuṇimsu, sopi bhikkhu samvare ṭhatvā pacchā vipassanaṃ vaḍḍhetvā arahattaṃ pāpuṇīti.

Dubbacabhikkhuvatthu pañcamam.

6. Issāpakatitthivatthu

Akatanti imaṃ dhammadesanaṃ Satthā Jetavane viharanto aññataraṃ issāpakataṃ itthiṃ ārabha kathesi.

Tassā kira sāmiko ekāya gehadāsiyā saddhiṃ santhavaṃ akāsi. Sā issāpakatā taṃ dāsiṃ hatthapādesu bandhitvā tassā kaṇṇanāsaṃ chinditvā ekasmiṃ guḷhagabbhe pakkhipitvā dvāraṃ pidahitvā tassa kammaṃ attanā katabhāvaṃ paṭicchādetuṃ “ehi ayya, vihāraṃ gantvā dhammaṃ suṇissāma”ti sāmikaṃ ādāya vihāraṃ gantvā dhammaṃ suṇantī nisīdi. Athassā āgantukañātakā gehaṃ āgantvā dvāraṃ vivaritvā taṃ vipākāraṃ disvā dāsiṃ mocayimsu. Sā vihāraṃ gantvā catuparisamajjhe ṭhitā tamatthaṃ Dasabalassa ārocesi. Satthā tassā vacanaṃ sutvā “duccaritaṃ nāma ‘idaṃ me aññe na jānantī’ti appamattakampi na kātappaṃ, aññasmiṃ ajānantepi sucaritameva kātappaṃ. Paṭicchādetvā katampi hi duccaritaṃ nāma pacchānutāpaṃ karoti, sucaritaṃ pāmojjameva janetī”ti vatvā imaṃ gāthamāha—

314. “Akataṃ dukkaṭaṃ seyyo, pacchā tappati dukkaṭaṃ.

Katañca sukataṃ seyyo, yaṃ katvā nānutappatī”ti.

Tattha **dukkāṇanti** sāvajjaṃ apāyasaṃvattanikaṃ kammaṃ akatameva seyyo varaṃ uttamaṃ. **Pacchātappatīti** taṃ hi anussaritaṇussaritaḷe tappatiyeva. **Sukatanti** anavajjaṃ pana sukhadāyakaṃ sugatisaṃvattanikameva kammaṃ kataṃ seyyo. **Yaṃ katvāti** yaṃ kammaṃ katvā pacchā anussaraṇakāle na tappati nānutappati, somanassajātova hoti, taṃ kammaṃ varanti attho.

Desanāvasāne upāsako ca sā ca itthī sotāpattiphale paṭiṭṭhahimsu. Tañca pana dāsiṃ tattheva bhujissaṃ katvā dhammacāriṇiṃ karimsūti.

Issāpakatitthivatthu chaṭṭhaṃ.

7. Sambahulabhikkhuvatthu

Nagaram yathāti imam dhammadesanam Satthā Jetavane viharanto sambahule āgantuke bhikkhū ārabha kathesi.

Te kira ekasmiṃ paccante vassam upagantvā paṭhamamāse sukham viharimsu. Majjhimamāse corā āgantvā tesam gocaragāmam paharivā karamare gahetvā agamaṃsu. Tato paṭṭhāya manussā corānam paṭibāhanatthāya tam paccantanagaram abhisankharontā te bhikkhū sakkaccam upaṭṭhātum okāsam na labhimsu. Te aphāsukam vassam vasitvā vutthavassā Satthu dassanāya Sāvattim gantvā Satthāram vanditvā ekamantam nisidimsu. Satthā tehi saddhim katapaṭisanthāro “kim bhikkhave sukham vasitthā”ti pucchitvā “bhante mayam paṭhamamāsameva sukham vasimhā, majjhimamāse corā gāmam paharimsu, tato paṭṭhāya manussā nagaram abhisankharontā sakkaccam upaṭṭhātum okāsam na labhimsu. Tasmā aphāsukam vassam vasimhā”ti vutte “alam bhikkhave mā cintayittha, phāsuvihāro nāma niccakālam dullabho, bhikkhunā nāma yathā te manussā nagaram gopayimsu, evam attabhāvameva gopayitum vaṭṭati”ti vatvā imam gāthamāha—

315. “Nagaram yathā paccantam, guttam santarabāhiram.

Evam gopetha attānam, khaṇo vo¹ mā upaccagā.

Khaṇātītā hi socanti, nirayamhi samappitā”ti.

Tattha **santarabāhiranti** bhikkhave yathā tehi manussehi tam paccantanagaram dvārapākārādīni thirāni karontehi sa-antaram, aṭṭalakarikhādīni thirāni karontehi sabāhiranti santarabāhiram suguttam katam, evam tumhepi satim upaṭṭhapetvā ajjhattikāni cha dvārāni pidahitvā dvārarakkhikam² satim avissajjetvā yathā gayhamānāni bāhirāni cha āyatanāni ajjhattikānam upaghātāya samvattanti, tathā aggahaṇena tānipi³ thirāni katvā tesam appavesāya dvārarakkhikam² satimappahāya vicarantā attānam gopethāti attho. **Khaṇo vo mā upaccagāti** yo hi evam attānam na gopeti, tam puggalam ayam Buddhuppādakhaṇo Majjhimadese uppattikhaṇo sammādiṭṭhiyā paṭiladdhakhaṇo channam āyatanānam avekallakhaṇoti sabbopi ayam

1. Ve (Sī)

2. Dvārarakkhitam (Ka)

3. Aggahitānipi (Sī)

khaṇo atikkamati, so khaṇo tumhe mā atikkamatu. **Khaṇātītā**ti ye hi taṃ khaṇaṃ atītā, te ca puggale so ca khaṇo atīto, te nirayamhi samappitā hutvā tattha nibbattitvā socantīti attho.

Desanāvasāne te bhikkhū uppannasamvegā arahatte patiṭṭhahimsūti.

Sambahulabhikkhuvatthu sattamaṃ.

8. Nigaṇṭhavatthu

Alajjitāyēti imam dhammadesanaṃ Satthā Jetavane viharanto Nigaṇṭhe ārabha kathesi.

Ekasmiṃhi divase bhikkhū Nigaṇṭhe disvā kathaṃ samuṭṭhāpesuṃ “āvuso sabbaso appaṭicchannehi acelakehi ime Nigaṇṭhā varatarā, ye ekaṃ¹ purimapassampi tāva paṭicchādenti, sahirikā maññe etc”ti. Taṃ sutvā Nigaṇṭhā “na mayam etena kāraṇena paṭicchādema, paṃsurajādayo pana puggalā eva, jīvitindriyapaṭibaddhā eva, te no bhikkhābhājanesu mā patimsūti iminā kāraṇena paṭicchādemā”ti vatvā tehi saddhim vādapaṭivādavasena bahuṃ kathaṃ kathesuṃ. Bhikkhū Satthāraṃ upasaṅkamitvā nisinnakāle taṃ pavattim ārocesuṃ. Satthā “bhikkhave alajjitabbena² lajjitvā lajjitabbena³ alajjamānā nāma duggatiparāyaṇāva hontī”ti vatvā dhammaṃ desento imā gāthā abhāsi—

316. “Alajjitāye lajjanti, lajjitāye na lajjare.

Micchādiṭṭhisamādānā, sattā gacchanti duggatim.

317. Abhaye bhayadassino, bhaye cābhayadassino.

Micchādiṭṭhisamādānā, sattā gacchanti duggatin”ti.

Tattha **alajjitāyēti** alajjitabbena. Bhikkhābhājanaṃhi alajjitabbam nāma, te pana taṃ paṭicchādetvā vicarantā tena lajjanti nāma. **Lajjitāyēti** appaṭicchannena hirikopīnaṅgena lajjitabbena. Te pana taṃ appaṭicchādetvā

1. Sakam (Sī)

2. Alajjitabbe (Sī, Syā)

3. Lajjitabbe (Sī, Syā)

vicarantā lajjitāye na lajjanti nāma. Tena tesaṃ alajjitabbena lajjitaṃ lajjitabbena alajjitaṃ tucchagahaṇabhāvena ca aññathāgahaṇabhāvena ca micchādīṭṭhi hoti. Taṃ samādiyitvā vicarantā pana te micchādīṭṭhisamādānā sattā nirayādibhedam duggatiṃ gacchantīti attho. **Abhayeti** bhikkhābhājanam nissāya rāgadosamohamānadīṭṭhikilesaduccaritabhayānam anuppajjanato bhikkhābhājanam abhayaṃ nāma, bhayena taṃ paṭicchādentā pana abhaye **bhayadassino** nāma. Hirikopīnaṅgam pana nissāya rāgādīnam uppajjanato taṃ bhayaṃ nāma, tassa apaṭicchādanena **bhaye cābhayadassino**. Tassa taṃ ayathāgahaṇassa samādinattā micchādīṭṭhisamādānā sattā duggatiṃ gacchantīti attho.

Desanāvasāne bahū Nigaṇṭhā samviggamānasā pabbajimsu, sampattānampi sātthikā dhammadesanā ahoṣīti.

Nigaṇṭhavatthu aṭṭhamam.

9. Titthiyasāvakaivatthu

Avajjeti imaṃ dhammadesanaṃ Satthā Jetavane viharanto titthiyasāvake ārabha kathesi.

Ekasmim hi samaye aññatitthiyasāvakā attano putte sammādīṭṭhikānam upāsakānam puttehi saddhiṃ saporivāre kīlamāne disvā gehaṃ āgatakāle “na vo samaṇā Sakyaputtiyā vanditabbā, nāpi tesaṃ vihāraṃ pavisitabban”ti sapaṭham kārāyimsu. Te ekadivasam Jetavanavihārassa bahidvārakoṭṭhakasāmante kīlantā pipāsītā ahesum. Athekam upāsakadārakam “tvaṃ ettha gantvā pānīyam pivitvā amhākampi āharāhī”ti paṇiṃsu. So vihāraṃ pavisitvā Satthāraṃ vanditvā pānīyam pivitvā tamattham ārocesi. Atha nam Satthā “tvameva pānīyam pivitvā gantvā itarepi pānīyapivanatthāya idheva pesehī”ti āha. So tathā akāsi. Te āgantvā pānīyam pivimsu. Satthā te pakkosāpetvā tesaṃ sappāyam dhammakatham kathetvā te acalasaddhe katvā saraṇesu ca sīlesu ca patīṭṭhāpesi. Te sakāni gehāni gantvā tamattham mātāpitūnam

ārocesum. Atha nesaṃ mātāpitaro “puttakā no vipannadiṭṭhikā jātā”ti domanassappattā parideviṃsu. Atha tesam chekā sambahulā paṭivissakā manussā āgantvā domanassavūpasamanatthāya dhammaṃ kathayiṃsu. Te tesam kathaṃ sutvā “ime dārake samaṇassa Gotamasseva niyyādessāmā”ti mahantena nātigaṇena saddhiṃ vihāraṃ nayiṃsu. Satthā tesam ajjhāsayam oloketvā dhammaṃ desento imā gāthā abhāsi—

318. “Avajje vajjamatino, vajje cāvajjadassino.
Micchādiṭṭhisamādānā, sattā gacchanti duggatiṃ.

319. Vajjañca vajjato ñatvā, avajjañca avajjato.
Sammādiṭṭhisamādānā, sattā gacchanti suggatiṃ”ti.

Tattha **avajjeti** dasavatthukāya sammādiṭṭhiyā, tassā upanissayabhūte dhamme ca. **Vajjamatinoti** vajjam idanti uppannamatino. Dasavatthukāya micchādiṭṭhiyā pana tassā upanissayabhūte dhamme ca avajjadassino, etissā avajjam vajjato vajjañca avajjato ñatvā gahaṇasaṅkhātāya micchādiṭṭhiyā samādinattā micchādiṭṭhisamādānā sattā duggatiṃ gacchantīti attho. Dutiyagāthāya vuttavipariyāyena attho veditabbo.

Desanāvasāne sabbepi te tīsu saraṇesu paṭiṭṭhāya aparāparaṃ dhammaṃ suṇantā sotāpattiphale paṭiṭṭhahimsūti.

Titthiyasāvakaṃ navamaṃ.

Nirayavaggavaṇṇanā niṭṭhitā.

Dvāvīsatiṃ vaggo.

23. Nāgavagga

1. Attadantavatthu

Ahaṃ nāgovāti imañ dhammadesanaṃ Satthā Kosambiyaṃ viharanto attānaṃ ārabha kathesi. Vatthu Appamādavaggassa ādigāthāvaṇṇanāya vitthāritameva. Vuttaṃ hetam tattha¹—

Māgaṇḍiyā tāsam kiñci kātum asakkuṇivā “samaṇassa Gotamasseva kattabbaṃ karissāmī”ti nāgarānaṃ lañjaṃ datvā “samaṇaṃ Gotamaṃ antonagaraṃ pavisitvā carantaṃ dāsakammakaraporisehi saddhiṃ akkosetvā paribhāsetvā palāpethā”ti añāpesi. Micchādiṭṭhikā tīsu ratanesu appasannā antonagaraṃ pavitṭhaṃ Satthāraṃ anubandhitvā “corosi bālosi mūḷhosi thenosi oṭṭhosi goṇosi gadrabhosi nerayikosi tiracchānagatosi, natthi tuyhaṃ sugati, duggatiyeva tuyhaṃ pāṭikaṅkhā”ti dasahi akkosavatthūhi akkosanti paribhāsanti. Tam sutvā āyasmā Ānando Satthāraṃ etadavoca “bhante ime nāgarā amhe akkosanti paribhāsanti, ito aññattha gacchāmā”ti. Kuhiṃ Ānandāti. Aññaṃ nagaraṃ bhanteti. Tattha manussesu akkosantesu paribhāsantesu puna kattha gamissāmānandāti. Tatopi aññaṃ nagaraṃ bhanteti. Tattha manussesu akkosantesu paribhāsantesu kuhiṃ gamissāmānandāti. Tatopi aññaṃ nagaraṃ bhanteti. Ānanda na evaṃ kātum vaṭṭati, yattha adhikaraṇaṃ uppannaṃ, tattheva tasmim vūpasante aññattha gantum vaṭṭati, ke pana te Ānanda akkosantīti. Bhante dāsakammakare upādāya sabbe akkosantīti. “Ahaṃ Ānanda saṅgāmaṃ otiṇṇahatthisadiso. Saṅgāmaṃ otiṇṇahatthino hi catūhi disāhi āgate sare sahitum bhāro, tattheva bahūhi dussīlehi kathitakathānaṃ sahanaṃ nāma mayhaṃ bhāro”ti vatvā attānaṃ ārabha dhammaṃ desento imā gāthā abhāsi—

320. “Ahaṃ nāgo va saṅgāme, cāpato patitaṃ saraṃ.

Ativākyaṃ titikkhissaṃ, dussīlo hi bahujjano.

1. Dhammapada-Ṭṭha 1. 135 piṭṭhe.

321. Dantaṃ nayanti samitiṃ, dantaṃ rājā’bhirūhati.

Danto seṭṭho manussesu, yo’tivākyam titikkhati.

322. Varamassatarā dantā, ājāniyā ca sindhavā.

Kuñjarā ca mahānāgā, attadanto tato varan’’ti.

Tattha **nāgovā**ti hatthī viya. **Cāpato patitanti** dhanuto muttam.

Ativākyanti aṭṭha-anariyavohāravasena pavattam vītikkamavacanam.

Titikkhissanti yathā saṅgāmāvacaro sudanto mahānāgo khamo

sattipahārādīni cāpato mucchivā attani patite sare avihaññamāno titikkhati,

evameva evarūpaṃ ativākyam titikkhissam, sahissāmīti attho. **Dussīlo hīti**

ayam hi lokiyamahājano bahudussīlo attano attano rucivasena vācam

nicchāretvā ghaṭṭento carati, tattha adhivāsanaṃ ajjupekkhanameva mama

bhāro. **Samitinti** uyyānakīlamanḍalādīsu mahājanamajjham gacchantā

dantameva goṇajātiṃ vā assajātiṃ vā yāne yojetvā nayanti. **Rājāti**

tathārūpeheva vāhanehi gacchanto rājāpi dantameva abhirūhati. **Manussesūti**

manussesupi catūhi ariyamaggehi danto nibbisevano seṭṭho. **Yo’tivākyanti**

yo evarūpaṃ atikkamavacanam punappunam vuccamānampi titikkhati na

paṭippharati na vihaññati, evarūpo danto seṭṭhoti attho.

Assatarāti vaḷavāya gadrabhena jātā. **Ājāniyāti** yam assadamasārathi

kāraṇam kāreti, tassa khippam jānanasamatthā. **Sindhavāti** Sindhavaratṭhe

jātā assā. **Mahānāgāti** kuñjarasaṅkhātā mahāhatthino. **Attadantoti** ete

assatarā ca sindhavā ca kuñjarā ca dantāva varam, na adantā. Yo pana

catūhi ariyamaggehi attano dantatāya attadanto nibbisevano, ayam tatopi

varam, sabbehipi etehi uttaritaroti attho.

Desanāvasāne lañjam gahetvā vīthisiṅghāṭakādīsu ṭhatvā akkosanto

paribhāsanto sabbopi so mahājano sotāpattiphalādīni pāpuṇīti.

Attadantavatthu paṭhamam.

2. Hatthācariyapubbakabhikkhuvatthu

Na hi etehīti imaṃ dhammadesanaṃ Satthā Jetavane viharanto ekaṃ hatthācariyapubbakaṃ bhikkhuṃ ārabha kathesi.

So kira ekadivasaṃ Aciravatīnadītīre hatthidamakaṃ “ekaṃ hatthiṃ damessāmī”ti attanā icchitaṃ kāraṇaṃ sikkhāpetuṃ asakkontaṃ disvā samīpe ṭhite bhikkhū āmantetvā āha “āvuso sace ayaṃ hatthācariyo imaṃ hatthiṃ asukaṭṭhāne nāma vijjheyya, khippameva imaṃ kāraṇaṃ sikkhāpeyyā”ti. So tassa kathaṃ sutvā tathā katvā taṃ hatthiṃ sudantaṃ damesi. Te bhikkhū taṃ pavattiṃ Satthu ārocesuṃ. Satthā taṃ bhikkhuṃ pakkosāpetvā “saccaṃ kira tayā evaṃ vuttan”ti pucchitvā “saccaṃ bhante”ti vutte vigarahitvā “kiṃ te moghapurisa hatthiyānena vā aññena vā dantena. Na hi etehi yānehi agatapubbaṃ ṭhānaṃ gantuṃ samatthā nāma atthi, attanā pana sudantena sakkā agatapubbaṃ ṭhānaṃ gantuṃ, tasmā attānameva damehi, kiṃ te etesaṃ damanena”ti vatvā imaṃ gāthamāha—

323. “Na hi etehi yānehi, gaccheyya agataṃ disaṃ.

Yathā’ttanā sudantena, danto dantena gacchati”ti.

Tassattho—yāni tāni hatthiyānādīni yānāni, na hi etehi yānehi koci puggalo supinantenapi agatapubbattā “agatan”ti saṅkhātaṃ nibbānadisaṃ tathā gaccheyya¹, yathā pubbabhāge indriyadamena aparabhāge ariyamaggabhāvanāya sudantena danto nibbisevano sappañño puggalo taṃ agatapubbaṃ disaṃ gacchati, dantabhūmiṃ pāpuṇāti. Tasmā attadamanameva tato varanti attho.

Desanāvasāne bahū sotāpattiphalādīni pāpuṇimsūti.

Hatthācariyapubbakabhikkhuvatthu dutiyam.

1. Nibbānadisaṃ gaccheyya (Syā)

3. Parijññabrāhmaṇaputtavattu

Dhanapāloti imaṃ dhammadesanaṃ Satthā Sāvattthiyaṃ viharanto aññatarassa Parijññabrāhmaṇassa putte ārabha kathesi.

Sāvattthiyaṃ kireko brāhmaṇo aṭṭhasatasahassavibhavo vayappattānaṃ catunnaṃ puttānaṃ āvāhaṃ katvā cattāri satasahassāni adāsi. Athassa brāhmaṇiyā kālakatāya puttā sammantayimsu “sace ayaṃ aññaṃ brāhmaṇiṃ ānessati, tassā kucchiyaṃ nibbattānaṃ vasena kulasantakaṃ¹ bhijjissati, handa naṃ mayaṃ saṅgaṇhissāmā”ti te taṃ paṇītehi ghāsacchādanādīhi upaṭṭhahantā hatthapādasambāhanādīni karontā upaṭṭhahitvā ekadivasamassa divā niddāyitvā vuṭṭhitassa hatthapāde sambāhantā pāṭiyekkaṃ gharāvāse ādīnavaṃ vatvā “mayaṃ tumhe iminā nīhārena yāvajīvaṃ upaṭṭhahissāma, sesadhanampi no dethā”ti yācimsu. Brāhmaṇo puna ekekassa satasahassaṃ datvā attano nivatthapārūpanamattaṃ ṭhapetvā sabbaṃ upabhogaparibhogaṃ cattāro koṭṭhāse katvā niyyādesi. Taṃ jeṭṭhaputto katipāhaṃ upaṭṭhahi. Atha naṃ ekadivasam nhatvā āgacchantam dvārakoṭṭhake ṭhatvā² suṇhā evamāha “kiṃ tayā jeṭṭhaputtassa satam vā sahassaṃ vā atirekaṃ dinnam atthi, nanu sabbesaṃ dve dve satasahassāni dinnāni, kiṃ sesaputtānaṃ gharassa maggaṃ na jānāsi”ti. Sopi “nassa vasalī”ti kujjhitvā aññassa gharaṃ agamāsi. Tatopi katipāhaccayena imināva upāyena palāpito aññassāti evaṃ ekagharampi³ pavesanaṃ alabhamāno paṇḍaraṅgapabbajjaṃ pabbajitvā bhikkhāya caranto kālānamaccayena jarājiṇṇo dubbhojanadukkhasēyyāhi⁴ milātasarīro bhikkhāya caranto āgamma pīṭhikāya nipanno niddaṃ okkamitvā utṭhāya nisinna attānaṃ oloketvā puttesu attano patiṭṭham apassanto cintesi “samaṇo kira Gotamo abbhākuṭiko uttānamukho sukhasambhāso paṭisanthārakusalo, sakkā samaṇaṃ Gotamaṃ upasaṅkamitvā paṭisanthāraṃ labhitun”ti. So nivāsanapārūpanaṃ saṅṭhāpetvā bhikkhabhājanaṃ gahetvā daṇḍamādāya Bhagavato santikaṃ agamāsi. Vuttampi cetam⁵—

1. Kulam (Sī, Syā)

2. Katvā (Sī)

3. Ekagharepi (Sī, Syā)

4. Dubbhojanadukkhasēyyādīhi (Sī)

5. Sam 1. 178 piṭṭhe.

Atha kho aññataro brāhmaṇamahāsālo lūkho lūkhapāvuraṇo yena Bhagavā tenupasaṅkami, upasaṅkamtivā ekamantaṃ nisīdi. Sathā ekamantaṃ nisinnena tena saddhiṃ paṭisanthāraṃ katvā etadavoca “kinnu tvaṃ brāhmaṇa lūkho lūkhapāvuraṇo”ti. Idha me bho Gotama cattāro puttā, te maṃ dārehi saṃpuccha gharā nikkhāmentīti. Tena hi tvaṃ brāhmaṇa imā gāthāyo pariyāpuṇitvā sabhāyaṃ mahājanakāye sannipatite puttesu ca sannisinesu bhāsassu—

“Yehi jātehi nandissam, yesāṅca bhavamicchissam.

Te maṃ dārehi saṃpuccha, sāva vārenti sūkaram.

Asantā kira maṃ jammā, tāta tātāti bhāsare.

Rakkhasā puttārūpena, te jahanti vayogataṃ.

Assova jiṇṇo nibbhogo, khādanā apanīyati.

Bālakānaṃ pitā thero, parāgāresu bhikkhati.

Daṇḍova kira me seyyo, yañce puttā anassavā.

Caṇḍampi goṇaṃ vāreti, atho caṇḍampi kukkuram.

Andhakāre pure hoti, gambhīre gādhamedhati.

Daṇḍassa ānubhāvena, khalitvā patitiṭṭhati”¹.

So Bhagavato santike tā gāthāyo uggaṇhitvā tathārūpe brāhmaṇānaṃ samāgamadivase sabbālaṅkārapaṭimaṇḍitesu puttesu taṃ sabhaṃ ogāhitvā brāhmaṇānaṃ majjhe mahārahesu āsanesu nisinesu “ayaṃ me kālo”ti sabhāya majjhe pavisitvā hatthaṃ ukkhipitvā “aham bho tumhākaṃ gāthāyo bhāsitukāmo, suṇissathā”ti vatvā “bhāsassu brāhmaṇa, suṇomā”ti vutte ṭhitakova abhāsi. Tena ca samayena manussānaṃ vattaṃ hoti “yo mātāpitūnaṃ santakaṃ khādanto mātāpitāro na poseti, so māretabbo”ti. Tasmā te brāhmaṇaputtā pitu pādesu patitvā “jīvitam no tāta dethā”ti yāciṃsu. So pitu hadayamudutāya “mā me bho puttake vināsayittha, possessanti man”ti āha. Athassa putte manussā āhaṃsu “sace

1. Saṃ 1. 178 piṭṭhe.

bho ajja paṭṭhāya pitarāṃ na sammā paṭijaggissatha, ghāteṣṣāma vo”ti. Te bhītā pitarāṃ pīthe nisīdāpetvā sayāṃ ukkhipitvā gehāṃ netvā sarīraṃ telena abbhañjitvā ubbaṭṭetvā gandhacuṇṇādihi nhāpetvā brāhmaṇiyo pakkosāpetvā “ajja paṭṭhāya amhākaṃ pitarāṃ sammā paṭijaggatha, sace tumhe pamādaṃ āpajjissatha, niggaṇhissāma vo”ti vatvā paṇītabhojanaṃ bhojesuṃ.

Brāhmaṇo subhojanañca sukhasēyyañca āgamma katipāhaccayena sañjātabalo pīṇdriyo attabhāvaṃ oloketvā “ayaṃ me sampatti samaṇaṃ Gotamaṃ nissāya laddhā”ti paṇṇākāratthāya ekaṃ dussayugaṃ ādāya Bhagavato santikaṃ gantvā katapaṭisanthāro ekamantaṃ nisinno taṃ dussayugaṃ Bhagavato pādāmūle ṭhapetvā “mayāṃ bho Gotama brāhmaṇā nāma ācariyassa ācariyadhaṇaṃ pariyeṣāma, paṭiggaṇhātu me bhavaṃ Gotamo ācariyo ācariyadhaṇaṃ”ti āha. Bhagavā tassa anukampāya taṃ paṭiggahetvā dhammaṃ desesi. Desanāvasāne brāhmaṇo saraṇesu paṭiṭṭhāya evamāha “bho Gotama mayhaṃ puttehi cattāri dhuvabhattāni dinnāni, tato ahaṃ dve tumhākaṃ dammī”ti. Atha naṃ Satthā “kalyāṇaṃ brāhmaṇa, mayāṃ pana ruccanaṭṭhānameva gamissāmā”ti vatvā uyyojesi. Brāhmaṇo gharāṃ gantvā putte āha “tātā samaṇo Gotamo mayhaṃ sahāyo, tassa me dve dhuvabhattāni dinnāni, tumhe tasmīṃ sampatte mā pamajjitthā”ti. Te “sādhū”ti sampaṭicchimsu.

Satthā punadivase piṇḍāya caranto jeṭṭhaputtassa gharadvāraṃ agamāsi. So Satthāraṃ disvā pattamādāya gharāṃ pavesetvā mahārahe pallaṅke nisīdāpetvā paṇītabhojanamadāsi. Satthā punadivase itarassa itarassāti paṭipāṭiyā sabbesaṃ gharāni agamāsi. Sabbe te tatheva sakkāraṃ akaṃsu. Ekadivasaṃ jeṭṭhaputto maṅgale paccupaṭṭhite pitarāṃ āha “tāta kassa maṅgalaṃ demā”ti. Nāhaṃ aññe jānāmi, samaṇo Gotamo mayhaṃ sahāyoti. Tena hi taṃ svātanāya pañcahi bhikkhusatehi saddhiṃ nimantethāti. Brāhmaṇo tathā akāsi. Satthā punadivase saporivāro tassa gehāṃ agamāsi. So haritupalitte sabbālaṅkārapaṭimaṇḍite gehe Buddhappamukhaṃ bhikkhusaṃghaṃ nisīdāpetvā

appodakamadhupāyasena ceva paṇītena khādanīyena ca parivisi.
Antarābhattasmiṃyeva brāhmaṇassa cattāro puttā Satthu santike nisīditvā
āhamsu “bho Gotama mayam amhākam pitaram paṭijaggāma na pamajjāma,
passathimassa attabhāvan”ti.

Satthā “kalyāṇam vo kataṃ, mātāpituuposanam nāma
porāṇakapaṇḍitānam āciṇṇamevā”ti vatvā “tassa nāgassa vippavāsena,
virūḷhā sallakī ca kuṭajā cā”ti imam ekādasanipāte
Mātuposakanāgarājajātakam¹ vitthārena kathetvā imam gātham abhāsi—

324. “Dhanapālo nāma kuṅjaro,
Kaṭukabhedano dunnivārayo.
Baddho kabaḷam na bhuṅjati,
Sumarati nāgavanassa kuṅjaro”ti.

Tattha **Dhanapālonāmā**ti tadā Kāsikaraññā hatthācariyam pesetvā
ramaṇīye nāgavane gāhāpitassa hatthino etaṃ nāmam. **Kaṭukabhedanoti**
tikhiṇamado. Hatthīnam hi madakāle kaṇṇacūlikā pabhijjanti, pakatiyāpi
hatthino tasmim kāle aṅkuse vā kuntatomare vā² na gaṇenti, caṇḍā bhavanti.
So pana aticaṇḍoyeva. Tena vuttam **kaṭukabhedano dunnivārayoti**. **Baddho**
kabaḷam na bhuṅjatiti so baddho hatthisālam pana netvā vicitrasāṇiyā
parikkhipāpetvā katagandhaparibhaṇḍāya upari baddhavicitravitānāya
bhūmiyā ṭhapito raññā rājārahena nānaggarasena bhojanena upaṭṭhāpitopi
kiñci bhuṅjituṃ na icchi, tamattham³ sandhāya “baddho kabaḷam na
bhuṅjati”ti vuttam. **Sumarati nāgavanassāti** so ramaṇīyam me
vasanaṭṭhānanti nāgavanam sarati. “Mātā pana me araṇṇe puttaviyogena
dukkhappattā ahosi, mātāpitu-upaṭṭhānadhammo na me pūreti⁴, kim me
iminā bhojanenā”ti dhammikam⁵ mātāpitu-upaṭṭhānadhammeva sari.
Tam pana yasmā tasmim nāgavaneyeva ṭhito sakkā pūretuṃ, tena vuttam
sumarati nāgavanassa kuṅjaroti. Satthari imam attano

1. Khu 4. 399; Khu 5. 226 piṭṭhesu. 2. Aṅkusam vā tunnam vā tomaram vā (Syā)

3. Hatthisālam pavisitamattam pana (Syā, Ka)

4. Mātupaṭṭhānadhamme na pūrente (Sī), mātāpitu-upaṭṭhānadhammeva pūreti (Syā)

5. Dhammikattā (Sī)

pubbacariyaṃ ānetvā kathente kathenteyeva sabbepi te assudhārā pavattetvā muduhadayā ohitasotā bhaviṃsu. Atha nesam Bhagavā sappāyaṃ viditvā saccāni pakāsetvā dhammaṃ desesi.

Desanāvasāne saddhim puttehi ceva suṇisāhi ca brāhmaṇo sotāpattiphale patiṭṭhahīti.

Parijññabrāhmaṇaputtavatthu tatiyaṃ.

4. Pasenadikosalavatthu

Middhī yadā hotīti imam dhammadesanam Satthā Jetavane viharanto rājānam Pasenadikosalam ārabha kathesi.

Ekasmiṃ hi samaye rājā taṇḍuladoṇassa odanam tadupiyena¹ sūpabyañjanena bhuñjati. So ekadivasaṃ bhuttaṭṭarāso bhattasammadam avinodetvāva Satthu santikaṃ gantvā kilantarūpo ito cito ca samparivattati, niddāya abhibhuyyamaṇopi ujukaṃ nipajjitum² asakkonto ekamantaṃ nisīdi. Atha nam Satthā āha “kiṃ mahārāja avissamitvāva āgatosī”ti. Āma bhante, bhuttakālato paṭṭhāya me mahādukkhaṃ hotīti. Atha nam Satthā “mahārāja atibahubhojanam evam dukkhaṃ hotī”ti vatvā imam gāthamāha—

325. “Middhī yadā hoti mahagghaso ca,
Niddāyitā samparivattasāyī.
Mahāvarāhova nivāpapaṭṭho,
Punappunam gabbhamupeti mando”ti.

Tattha **middhīti** thinamiddhābhibhūto. **Mahagghaso cāti** mahābhujano āharahatthaka-alaṃsāṭakatatravaṭṭakakākamāsakabhuttavamitakānam aññataro viya. **Nivāpapaṭṭhoti** kuṇḍakādīnā sūkarabhattena paṭṭho. Gharasūkaro hi daharakālato paṭṭhāya posiyamāno thūlasarīrakāle gehā bahi nikkhamitum alabhanto heṭṭhāmañcādīsu

1. Tadanurūpena (Sī, Ka)

2. Nisīditum (Sī)

samparivattitvā assasanto passasanto sayateva. Idam vuttam hoti—yadā puriso middhī ca hoti mahagghaso ca, nivāpapuṭṭho mahāvarāho viya ca aññena iriyāpathena yāpetum¹ asakkonto niddāyanasīlo samparivattasāyī, tadā so “aniccam dukkham anattā”ti tīṇi lakkhaṇāni manasi kātuṃ na sakkoti. Tesam amanasikārā mandapañño punappunam gabbhamupeti, gabbhavāsato na parimuccatīti. Desanāvasāne Satthā rañño upakāravasena—

“Manujassa sadā satīmato, mattam jānato laddhabhojane.

Tanukassa bhavanti vedanā, saṇikam jīrati āyu pālayan”ti²—

Imam gātham vatvā Uttaramāṇavam uggaṇhāpetvā “imam gātham rañño bhojanavelāya pavedeyyāsi³, iminā upāyena bhojanam parihāpeyyāsi”ti upāyam ācikkhi, so tathā akāsi. Rājā aparena samayena nālikodanaparamatāya saṇḥito susallahukasarīro sukhappatto Satthari uppannavissāso sattāham asadisadānam pavattesi. Dānānumodanāya mahājano mahantam visesam pāpuṇīti.

Pasenadikosalavatthu catuttham.

5. Sānusāmaṇeravatthu

Idam pureti imam dhammadesanam Satthā Jetavane viharanto Sānum nāma sāmaṇeram ārabba kathesi.

So kira ekissā upāsikāya ekaputtako ahosi. Atha nam sā daharakāleyeva pabbājesi. So pabbajitakālato paṭṭhāya sīlavā-ahosi vattasampanno, ācariyupajjhāya-āgantukānam vattam katameva hoti. Māsassa aṭṭhame divase⁴ pātova uṭṭhāya udakamālake udakam upaṭṭhāpetvā dhammassavanaggaṃ sammajjitvā āsanam paññāpetvā dīpaṃ jāletvā madhurassarena dhammassavanam ghoṣeti. Bhikkhū tassa thāmam

1. Ṭhātuṃ (Sī)

2. Sam 1. 82 piṭṭhe.

3. Vadeyyāsi (Sī, Syā)

4. Aṭṭha divase (Sī, Syā) Am-Ṭṭha 1. 280 piṭṭhe passitabban.

ñatvā “sarabhaññaṃ¹ bhaṇa sāmaṇera”ti ajjhesanti. So “mayhaṃ hadayavāto rujati, kāyo vā bādhati”ti kiñci paccāhāraṃ akatvā dhammāsaṇaṃ abhirūhitvā ākāsagaṅgaṃ otārento viya sarabhaññaṃ vatvā otaranto “mayhaṃ mātāpitūnaṃ imasmiṃ sarabhaññaṃ pattim dammi”ti vadati. Tassa manussā mātāpitāro pattiya dinnabhāvaṃ na jānanti. Anantarattabhāve panassa mātā yakkhinī hutvā nibbattā, sā devatāhi saddhim āgantvā dhammaṃ sutvā “sāmaṇereṇa dinnapattim anumodāmi tāta”ti vadati. “Sīlasampanno ca nāma bhikkhu sadevakassa lokassa piyo hoti”ti tasmim sāmaṇere devatā salajjā sagāravā mahābrahmānaṃ viya aggikkhandhaṃ viya ca naṃ maññanti. Sāmaṇere gāravena tañca yakkhinim garukaṃ katvā passanti. Tā dhammassavanayakkhasamāgamādīsu “sānumātā sānumātā”ti yakkhiniyā aggāsaṇaṃ aggodakaṃ aggapiṇḍaṃ denti. Mahesakkhāpi yakkhā taṃ disvā maggā okkamanti, āsanā vuṭṭhahanti.

Atha kho sāmaṇero vuṭṭhimanvāya paripakkindriyo anabhiratiyā pīḷito anabhiratim vinodetum asakkonto paruḷhakesanakho kiliṭṭhanivāsanapārurupano kassaci anārocetvā pattacīvaramādāya ekakova mātugharaṃ agamaṃsi. Upāsikā puttaṃ disvā vanditvā āha “kim tāta tvaṃ pubbe ācariyupajjhāyehi vā daharasāmaṇerehi vā saddhim idhāgacchasi, kasmā ekakova ajja āgatosi”ti. So ukkaṇṭhitabhāvaṃ ārocesi. Sā upāsikā nānappakāreṇa gharāvāse ādīnaṃ dassetvā puttaṃ ovadamānāpi saññāpetum asakkonti “appeva nāma attano dhammatāyapi sallakkheyyā”ti anuyyojetvā “tiṭṭha tāta, yāva te yāgubhattaṃ sampādemī, yāguṃ pivitvā katabhattakiccassa te manāpāni vatthāni nīharitvā dassāmi”ti vatvā āsaṇaṃ paññāpetvā adāsi. Nisīdi sāmaṇero. Upāsikā muhutteneva yāgukhajjakaṃ sampādetvā adāsi. Atha “bhattaṃ sampādessāmi”ti avidūre nisinnā taṇḍule dhovati. Tasmim samaye sā yakkhinī “kahaṃ nu kho sāmaṇero, kacci bhikkhāhāraṃ labhati, no”ti āvajjamānā tassa vibbhamitukāmatāya nisinnabhāvaṃ ñatvā “sāmaṇero me mahesakkhānaṃ devatānaṃ antare lajjaṃ uppādeyya², gacchamissa vibbhamane antarāyaṃ karissāmi”ti āgantvā tassa sarīre

1. Padabhāṇaṃ (Sī, Syā)

2. Ñatvā māheva kho me devatānaṃ antare lajjaṃ uppajjeyya (Sī)

adhimuccitvā gīvaṃ parivattetvā kheḷena paggharantena bhūmiyaṃ nipati¹.
 Upāsikā puttassa taṃ vippekāraṃ disvā vegena gantvā puttaṃ āliṅgetvā
 ūrūsu² nipajjāpesi. Sakalagāmaṃvāsino āgantvā balikammādīni karīmsu.
 Upāsikā pana paridevamānā imā gāthā abhāsi—

“Cātuddasiṃ pañcadasiṃ, yā ca pakkhassa aṭṭhamī.
 Pāṭihāriyapakkhañca, aṭṭhaṅgasusamāgataṃ.
 Uposathaṃ upavasanti, brahmacariyaṃ caranti ye.
 Na tehi yakkhā kīḷanti, iti me arahataṃ sutāṃ.
 Sā dāni ajja passāmi, yakkhā kīḷanti sānuna”³ti.

Upāsikāya vacanaṃ sutvā—

“Cātuddasiṃ pañcadasiṃ, yā ca pakkhassa aṭṭhamī.
 Pāṭihāriyapakkhañca, aṭṭhaṅgasusamāgataṃ.
 Uposathaṃ upavasanti, brahmacariyaṃ caranti ye.
 Na tehi yakkhā kīḷanti, sāhu te arahataṃ sutān”ti—

Vatvā āha—

“Sānuṃ pabuddhaṃ vajjāsī, yakkhānaṃ vacanaṃ idaṃ.
 Mākāsī pāpakaṃ kammaṃ, āvi vā yadi vā raho.
 Sace ca pāpakaṃ kammaṃ, karissasi karosi vā.
 Na te dukkhā pamutyatthi, uppacāpi palāyato”ti.

Evam pāpakaṃ kammaṃ katvā sakuṇassa viya uppatitvā palāyatopi te
 makkho natthīti vatvā sā yakkhinī sāmaṇeraṃ muñci. So akkhīni ummīletvā
 mātaraṃ kese vikiriya assasantiṃ passasantiṃ rodamaṇaṃ
 sakalagāmaṃvāsino ca sannipatite disvā attano yakkhena gahitabhāvaṃ
 ajānanto “ahaṃ pubbe piṭṭhe nisinno, mātā me avidūre nisīditvā taṇḍule
 dhovi, idāni panamhi bhūmiyaṃ nipanno, kiṃ nu kho etan”ti nipannakova
 mātaraṃ āha—

1. Vipphandi (Sī, Syā)

2. Ure (Ka)

3. Saṃ 1. 210 piṭṭhe.

“Mataṃ vā amma rodanti, yo vā jīvaṃ na dissati.
Jīvantaṃ amma passantī, kasmā maṃ amma rodasī”¹ti.

Athassa mātā vatthukāmakilesakāme pahāya pabbajitassa puna
vibbhamanattamaṃ āgamane ādīnavaṃ dassentī āha—

“Mataṃ vā putta rodanti, yo vā jīvaṃ na dissati.
Yo ca kāme cajitvāna, punarāgacchate idha.
Taṃ vāpi putta rodanti, puna jīvaṃ mato hi so”²ti.

Evañca pana vatvā gharāvāsaṃ kukkuḷasadiṣaṇceva narakasadiṣaṇca
katvā gharāvāse ādīnavaṃ dassentī puna āha—

“Kukkuḷā ubbhato tāta, kukkuḷaṃ² patitumicchasi.
Narakā ubbhato tāta, narakam patitumicchasi”²ti.

Atha naṃ “putta bhaddaṃ tava hotu, mayā pana ‘ayaṃ no puttako
ḍayhamāno’²ti gehā bhaṇḍaṃ viya nīharitvā Buddhasāsane pabbājito,
gharāvāse puna ḍayhitum icchasi. Abhidhāvatha parittāyatha noti
imamatthaṃ kassa ujjhāpayāma kaṃ nijjhāpayāmā”²ti dīpetum imaṃ
gāthamāha—

“Abhidhāvatha bhaddante, kassa ujjhāpayāmase.
Ādittā nīhataṃ bhaṇḍaṃ, puna ḍayhitumicchasi”²ti.

So mātari kathentiyā kathentiyā sallakkhetvā “natthi mayhaṃ
gihibhāvena attho”²ti āha. Athassa mātā “sādhu tātā”²ti tuṭṭhā paṇītabhojanaṃ
bhojetvā “kativassosi tātā”²ti pucchitvā paripuṇṇavassabhāvaṃ ñatvā
ticīvaraṃ paṭiyādesi. So paripuṇṇapattacīvaro upasampadaṃ labhi. Athassa
acirūpasampannassa Satthā cittaniggahe ussāhaṃ janento “cittaṃ nāmetaṃ
nānārammaṇesu dīgharattaṃ cārikaṃ carantaṃ aniggaṇhantassa sotthibhāvo
nāma natthi, tasmā aṅkusena mattahatthino viya cittassa niggaṇhane yogo
karaṇīyo”²ti vatvā imaṃ gāthamāha—

1. Khu 2. 229; Saṃ 1. 211 piṭṭhesu. 2. Kukkuḷe (Sī) Saṃ 1. 211 piṭṭhe passitabbaṃ.

326. “Idaṃ pure cittamacāri cārikaṃ,
 Yenicchakaṃ yatthakāmaṃ yathāsukhaṃ.
 Tadajjahaṃ niggahessāmi yoniso,
 Hatthippabhinnaṃ viya aṅkusaggaho”ti.

Tassattho—idaṃ cittaṃ nāma ito pubbe¹ rūpādīsu ca ārammaṇesu rāgādīnaṃ yena kāraṇena icchati, yatthevassa kāmo uppajjati, tassa vasena yattha kāmaṃ yathārucci carantassa sukhaṃ hoti, tatheva vicaraṇato² yathāsukhaṃ dīgharattaṃ cārikaṃ cari, taṃ³ ajja ahaṃ pabhinnaṃ mattahatthiṃ hatthācariyasaṅkhāto cheko aṅkusaggaho aṅkusena viya yonisomanasikārena niggahessāmi, nāssa vītikkamituṃ dassāmīti.

Desanāvasāne Sānunaṃ saddhiṃ dhammassavanāya upasaṅkamantānaṃ bahūnaṃ devatānaṃ dhammābhisamayo ahosi. Sopāyasmā tepiṭakaṃ Buddhavacanaṃ uggaṇhitvā mahādhammakathiko hutvā vīsavassasataṃ ṭhatvā sakalajambudīpaṃ saṅkhobhetvā parinibbāyīti.

Sānusāmaṇeravatthu pañcamaṃ.

6. Pāveyyakahatthivatthu

Appamādaratāti imaṃ dhammadesanaṃ Satthā Jetavane viharanto Kosalarañño Pāveyyakaṃ⁴ nāma hatthiṃ ārabha kathesi.

So kira hatthī taruṇakāle mahābalo hutvā aparena samayena jarāvātavegabbhāhato hutvā ekaṃ mahantaṃ saraṃ oruyha kalale laggitvā uttarituṃ nāsakkhi. Mahājano taṃ disvā “evarūpopi nāma hatthī imaṃ dubbalabhāvaṃ patto”ti kathaṃ samuṭṭhāpesi. Rājā taṃ pavattiṃ sutvā hatthācariyaṃ āṇāpesi “gaccha ācariya taṃ hatthiṃ sakalato uddharāhi”ti. So gantvā tasmim ṭhāne saṅgāmasīsaṃ dassetvā saṅgāmaṃherimākoṭāpesi. Mānajātiko hatthī vegenuṭṭhāya thale patiṭṭhahi. Bhikkhū taṃ kāraṇaṃ disvā Satthu ārocesuṃ. Satthā “tena

1. Puretaraṃ (Sī) 2. Carantaṃ (Sī) 3. Cārikaṃ akāsi (Sī) 4. Baddherakaṃ (Sī)

bhikkhave hatthinā pakatipaṅkaduggato attā uddhaṭo, tumhe pana kilesadugge pakkhandā. Tasmā yoniso padahitvā tumhepi tato attānaṃ uddharathā”ti vatvā imaṃ gāthamāha—

327. “Appamādaratā hotha, sacittamanurakkhatha.

Duggā uddharatha’ttānaṃ, paṅke sannova kuṅjaro”ti.

Tattha **appamādaratā**ti satiyā avippavāse abhiratā hotha. **Sacittanti** rūpādīsu ārammaṇesu attano cittaṃ yathā vītikkamaṃ na karoti, evaṃ rakkhatha. **Duggā**ti yathā so paṅke sanno kuṅjaro hatthehi ca pādehi ca vāyāmaṃ katvā paṅkaduggato attānaṃ uddharitvā thale patiṭṭhito, evaṃ tumhepi kilesaduggato attānaṃ uddharatha, nibbānathale patiṭṭhāpethāti attho.

Desanāvasāne te bhikkhū arahatte patiṭṭhahiṃsūti.

Pāveyyakahatthivatthu chaṭṭham.

7. Sambahulabhikkhuvatthu

Sace labhethāti imaṃ dhammadesanaṃ Satthā Pālileyakamā nissāya rakkhitavanasaṅde viharanto sambahule bhikkhū ārabha katesi. Vatthu Yamakavagge “pare ca na vijānanti”ti gāthavaṇṇanāya āgatameva. Vuttaṃ hetam¹—

Tathāgatassa tattha hatthināgena upaṭṭhiyamānassa vasanabhāvo sakalajambudīpe pākaṭo ahosi. Sāvattinagarato “Anāthapiṇḍiko Visākhā mahā-upāsikā”ti evamādinī mahākulāni Ānandattherassa sāsanaṃ paṇiṃsu “Satthāraṃ no bhante dassethā”ti. Disāvāsīnopi pañcasatā bhikkhū vuṭṭhavassā Ānandattheraṃ upasaṅkamitvā “cirassutā no āvuso Ānanda Bhagavato sammukhā dhammī kathā, sādhu mayam āvuso Ānanda, labheyyāma Bhagavato sammukhā dhammiṃ katham savanāyā”ti yāciṃsu. Thero te bhikkhū ādāya tattha gantvā

1. Dhammapada-Ṭṭha 1. 39 piṭṭhe.

“temāsaṃ ekavīhārino Tathāgatassa santikaṃ ettakehi bhikkhūhi saddhiṃ upasaṅkamaṇaṃ ayuttan”ti cintetvā te bhikkhū bahi ṭhapetvā ekakova Sathhāraṃ upasaṅkami. Pālīleyyako taṃ disvā daṇḍamādāya pakkhandi. Taṃ Sathhā oloketvā “apehi apehi Pālīleyyaka, mā vārayi, Buddhupaṭṭhāko eso”ti āha. So tattheva daṇḍaṃ chaḍḍetvā pattacīvaraapaṭiggahaṇaṃ āpucchi. Thero nādāsi. Nāgo “sace uggahitavatto bhavissati, Saththu nisīdanapāsāṇaphalake attano parikkhāraṃ na ṭhapessati”ti cintesi. Thero pattacīvaraṃ bhūmiyaṃ ṭhapesi. Vattasampannā hi garūnaṃ āsane vā sayane vā attano parikkhāraṃ na ṭhapenti.

Thero Sathhāraṃ vanditvā ekamantaṃ nisīdi. Sathhā “ekakova āgatosī”ti pucchitvā pañcāhi bhikkhusatehi āgatabhāvaṃ sutvā “kahaṃ pana te”ti pucchitvā “tumhākaṃ cittaṃ aṅānanto bahi ṭhapetvā āgatomhi”ti vutte “pakkosāhi ne”ti āha. Thero tathā akāsi. Sathhā tehi bhikkhūhi saddhiṃ paṭisanthāraṃ katvā tehi bhikkhūhi “bhante Bhagavā Buddhasukhumālo ceva khattiyasukhumālo ca, tumhehi temāsaṃ ekakehi tiṭṭhantehi nisīdantehi ca dukkaraṃ kataṃ, vattapaṭivattakāraṃ kopī mukhodakādīdayakopī nāhosi maññe”ti vutte “bhikkhave Pālīleyyakahatthinā mama sabbakiccāni katāni. Evarūpaṃ hi sahāyaṃ labhantena ekakova vasitum¹ yuttam, alabhantassa ekacārikabhāvova seyyo”ti vatvā Nāgavagge imā gāthā abhāsi—

328. “Sace labhetha nipakaṃ sahāyaṃ,
Saddhiṃ caraṃ sādhuvihāri dhīraṃ.
Abhibhuyya sabbāni parissayāni,
Careyya tena’ttamano satīmā.

329. No ce labhetha nipakaṃ sahāyaṃ,
Saddhiṃ caraṃ sādhuvihāri dhīraṃ.
Rājāva raṭṭhaṃ vijitaṃ pahāya,
Eko care Mātaṅga’raññeva nāgo.

1. Labhantena saddhiṃ tena vasitum (Sī)

330. Ekassa caritaṃ seyyo,
 Natthi bāle sahāyatā.
 Eko care na ca pāpāni kayirā,
 Appossukko Mātaṅga'raññeva nāgo”ti.

Tattha **nipakanti** nepakkapaññāya samannāgataṃ. **Sādhuvihāri dhīranti** bhaddakavīhāriṃ paṇḍitaṃ. **Parissayānīti** tādisaṃ mettāvīhāriṃ sahāyaṃ labhanto sīhabyagghādayo pākaṭaparissaye ca rāgabhayadosabhayamohabhayādayo paṭicchannaparissaye cāti sabbeva parissaye abhibhavitvā tena saddhiṃ attamano upaṭṭhitasatī hutvā careyya, vihareyyāti attho.

Rājāva raṭṭhanti raṭṭhaṃ hitvā gato mahājanakarājā viya. Idaṃ vuttaṃ hoti—yathā vijitabhūmipadeso rājā “idaṃ rajjaṃ nāma mahantaṃ pamādaṭṭhānaṃ, kiṃ me rajjena kāritena”ti vijitaṃ raṭṭhaṃ pahāya ekakova mahāraññaṃ pavisitvā tāpasapabbajjaṃ pabbajitvā catūsu iriyāpathesu ekakova carati, evaṃ ekakova careyyāti. **Mātaṅga'raññeva nāgoti** yathā ca “ahaṃ kho ākiṅṅo viharāmi hatthīhi hatthinīhi hatthikaḷabhehi hatthicchāpehi, chinnaggāni ceva tiṇāni khādāmi, obhaggobhaggañca me sākhabhaṅgaṃ khādanti, āvilāni ca pānīyāni pivāmi, ogāhā ca me uttiṅṅassa hatthiniyo kāyaṃ upanighamsantiyo gacchanti, yaṃnūnāhaṃ ekakova gaṇamhā vūpakaṭṭho vihareyyan”ti¹ evaṃ paṭisañcikkhitvā gamanato mātaṅgoti laddhanāmo imasmīṃ araññe ayaṃ hatthināgo yūthaṃ pahāya sabbiriyāpathesu ekakova sukhaṃ carati, evampi ekova careyyāti attho.

Ekassāti pabbajitassa hi pabbajitakālato paṭṭhāya ekībhāvābhīratassa ekakasseva caritaṃ seyyo. **Natthi bāle sahāyatāti** cūlasīlaṃ majjhimasīlaṃ mahāsīlaṃ dasa kathāvatthūni terasa dhutaṅgaguṇāni vipassanāññaṇaṃ cattāro maggā cattāri phalāni tisso vijjā cha abhiññā amatamahānibbānanti ayañhi sahāyatā nāma. Sā bāle nissāya

1. Vi 3. 500; Khu 1. 125 piṭṭhesu.

adhigantum na sakkāti natthi bāle sahāyatā. **Ekoti** iminā kāraṇena sabbiriyāpathesu ekakova careyya, appamattakānipi na ca pāpāni kayirā. Yathā so apposukko nirālayo imasmim araññe Mātaṅganāgo icchiticchitaṭṭhāne sukhaṃ carati, evaṃ ekakova hutvā careyya, appamattakānipi na ca pāpāni kareyyāti attho. Tasmā tumhehi patirūpaṃ sahāyaṃ alabhantehi ekacārīheva bhavitabbanti imamattamaṃ dassento Satthā tesam bhikkhūnaṃ imaṃ dhammadesanaṃ desesi.

Desanāvasāne pañcasatāpi te bhikkhū arahatte patiṭṭhahimsūti.

Sambahulabhikkhuvatthu sattamaṃ.

8. Māravatthu

Atthamhīti imaṃ dhammadesanaṃ Satthā Himavantapadesa araññakuṭīkāyaṃ viharanto māraṃ ārabba kathesi.

Tasmim kira kāle rājāno manusse pīletvā rajjaṃ kārenti. Atha Bhagavā adhammikarājūnaṃ rajje daṇḍakaraṇapīlite¹ manusse disvā kāruññaena evaṃ cintesi “sakkā nu kho rajjaṃ kāretum ahanam aghātayaṃ, ajinaṃ ajāpayam, asocam asocāpayam dhammena”ti, māro pāpimā taṃ Bhagavato parivitakkaṃ ṇatvā “samaṇo Gotamo ‘sakkā nu kho rajjaṃ kāretun’ti cintesi, idāni rajjaṃ kāretukāmo bhavissati, rajjañca nāmetaṃ pamādaṭṭhānaṃ, taṃ kārente² sakkā okāsam labhitum, gacchāmi ussāhamassa janessāmī”ti cintetvā Satthāraṃ upasaṅkamitvā āha “kāretu bhante Bhagavā rajjaṃ, kāretu Sugato rajjaṃ ahanam aghātayaṃ, ajinaṃ ajāpayam, asocam asocāpayam dhammena”ti. Atha nam Satthā “kim pana me tvaṃ pāpima passasi, yaṃ³ maṃ tvaṃ evaṃ vadesī”ti vatvā “Bhagavatā kho bhante cattāro iddhipādā subhāvitā. Ākaṅkhamāno hi Bhagavā Himavantaṃ pabbatarājaṃ ‘suvaṇṇaṃ’ti adhimucceyya, tañca suvaṇṇameva assa, ahampi kho dhanena dhanakaraṇīyaṃ karissāmi, tumhe dhammena rajjaṃ kāressathā”ti tena vutte—

1. Daṇḍakaramarapīlite (Sī)

2. Kārentassa (Syā)

3. Kim (Sī) Saṃ 1. 117 piṭṭhe passitabbaṃ.

“Pabbatassa suvaṇṇassa, jātarūpassa kevalo.
Dvittāva nālamakassa, iti vidvā samañcare.

Yo dukkhamadakkhi yatonidānaṃ,
Kāmesu so jantu kathaṃ nameyya.
Upadhiṃ viditvā saṅgoti loke,
Tasseva jantu vinayāya sikkhe”ti¹—

Imāhi gāthāhi samvejetvā “añño eva kho pāpima tava ovādo, añño mama,
tayā saddhiṃ dhammasaṃsandana² nāma natthi, ahaṃ hi evaṃ ovaḍāmi”ti
vatvā imā gāthā abhāsi—

331. “Atthamhi jātamhi sukhā sahāyā,
Tuṭṭhī sukhā yā itarītarena.
Puññaṃ sukhaṃ jīvitasāṅkhayamhi,
Sabbassa dukkhassa sukhaṃ pahānaṃ.

332. Sukhā matteyyatā loke,
Atho petteyyatā sukhā.
Sukhā sāmāññatā loke,
Atho brahmaññatā sukhā.

333. Sukhaṃ yāva jarāsilaṃ, sukhā saddhā patiṭṭhitā.
Sukho paññāya paṭilābho, pāpānaṃ akaraṇaṃ sukhaṃ”ti.

Tattha **atthamhī**ti pabbajitassāpi hi cīvarakaraṇādike vā
adhikaraṇavūpasamādike vā gihinopi kasikammādike vā
balavapakkkhasannissitehi abhibhavanādike vā kicce uppanne ye taṃ kiccaṃ
nipphādetuṃ vā vūpasametūṃ vā sakkonti, evarūpā sukhā sahāyāti attho.
Tuṭṭhī sukhāti yasmā pana gihinopi sakena asantuṭṭhā sandhicchedādīni
ārabhanti, pabbajitāpi nānappakāraṃ anesanaṃ. Iti te sukhaṃ na
vindantiyeva. Tasmā yā itarītarena parittena vā vipulena vā attano santakena
santuṭṭhi, ayameva sukhāti attho. **Puññaṃ**anti maraṇakāle pana yathājjhāsayena
pattharivā

1. Saṃ 1. 118 piṭṭhe.

2. Sammantaṇā (Sī, Syā)

katapuññakammameva sukhaṃ. **Sabbassā**ti sakalassapi pana vaṭṭadukkhasa pahānasaṅkhātāṃ arahattameva imasmim loke sukhaṃ nāma.

Matteyyatāti mātari sammā paṭipatti. **Petteyyatā**ti pitari sammā paṭipatti. Ubhayenapi mātāpitūnaṃ upaṭṭhānameva kathitaṃ. Mātāpitāro hi puttānaṃ anupaṭṭhahanabhāvaṃ ñatvā attano santakaṃ bhūmiyaṃ vā nidahanti, paresaṃ vā vissajjenti, “mātāpitāro na upaṭṭhahanti”ti nesaṃ nindāpi vaḍḍhati, kāyassa bhedaṃ gūthanirayepi nibbattanti. Ye pana mātāpitāro sakkaccaṃ upaṭṭhahanti, te tesaṃ santakaṃ dhanampi pāpuṇanti, pasamsampi labhanti, kāyassa bhedaṃ sagge nibbattanti. Tasmā ubhayampetaṃ sukhanti vuttaṃ. **Sāmaññatā**ti pabbajitesu sammā paṭipatti. **Brahmaññatā**ti bāhitapāpesu Buddhapaccekabuddhasāvakesu sammā paṭipattiyeva. Ubhayenapi tesaṃ catūhi paccayehi paṭijagganabhāvo kathito, idampi loke sukhaṃ nāma kathitaṃ.

Sīlanti maṇikuṇḍalarattavatthādayo hi alaṅkāraṃ tasmim tasmim vaye ṭhitānaṃyeva sobhanti. Na daharānaṃ alaṅkāro mahallakakāle, mahallakānaṃ vā alaṅkāro daharakāle sobhati, “ummattako esa maññe”ti garahuppādanena pana dosameva janeti. Pañcasīladasasīlādibhedānaṃ pana sīlaṃ daharassāpi mahallakassāpi sabbavayesu sobhatiyeva, “aho vatāyaṃ sīlavā”ti pasamsuppādanena somanassameva āvahati. Tena vuttaṃ **sukhaṃ yāva jarā sīlanti**. **Saddhā paṭiṭṭhitā**ti lokiyalokuttarato duvidhāpi saddhā niccalā hutvā paṭiṭṭhitā. **Sukho paññāya paṭilābhoti** lokiyalokuttarapaññāya paṭilābho sukho. **Pāpānaṃ akaraṇanti** setughātavasena pana pāpānaṃ akaraṇaṃ imasmim loke sukhanti attho.

Desanāvasāne bahūnaṃ devatānaṃ dhammābhisamayo ahoṣīti.

Māravatthu aṭṭhamaṃ.

Nāgavaggavaṇṇanā niṭṭhitā.

Tevīsatiṃ vaggo.

24. Taṇhāvagga

1. Kapilamacchavatthu

Manujassāti imaṃ dhammadesanaṃ Satthā Jetavane viharanto Kapilamacchaṃ ārabha kathesi.

Atīte kira Kassapabhagavato parinibbutakāle dve kulabhātaro nikkhamitvā sāvakānaṃ santike pabbajīṃsu. Tesu jeṭṭho Sāgato¹ nāma ahosi, kaniṭṭho Kapilo nāma. Mātā pana nesaṃ Sādhinī nāma, kaniṭṭhabhaginī Tāpanā nāma. Tāpi bhikkhunīsu pabbajīṃsu. Evaṃ tesu pabbajitesu ubho bhātaro ācariyupajjhāyānaṃ vattapaṭivattaṃ katvā viharantā ekadivasaṃ “bhante imasmiṃ sāsane kati dhurānī”ti pucchitvā “ganthadhuraṃ vipassanādhurañcāti dve dhurānī”ti sutvā jeṭṭho “vipassanādhuraṃ pūressāmī”ti pañca vassāni ācariyupajjhāyānaṃ santike vasitvā yāva arahattā kammaṭṭhānaṃ gahetvā araññaṃ pavisitvā vāyamanto arahattaṃ pāpuṇi. Kaniṭṭho “ahaṃ tāva taruṇo, vuḍḍhakāle vipassanādhuraṃ pūressāmī”ti ganthadhuraṃ paṭṭhapetvā tīṇi piṭakāni uggaṇhi. Tassa pariyattim nissāya mahāparivāro, parivāraṃ nissāya lābho udapādi. So bāhusaccamadena matto lābhataṇhāya abhibhūto atipaṇḍitamānitāya parehi vuttaṃ kappiyampi “akappiyan”ti vadeti, akappiyampi “kappiyan”ti vadeti, sāvajjampi “anavajjan”ti, anavajjampi “sāvajjan”ti. So pesalehi bhikkhūhi “mā āvuso Kapila evaṃ avacā”ti vatvā dhammañca vinayañca dassetvā ovadiyamānopi “tumhe kiṃ jānātha, rittamuṭṭhisadisā”ti-ādīni vatvā khumsento vambhento carati. Athassa bhātu Sāgatattherassāpi bhikkhū tamatthaṃ ārocesuṃ. Sopi naṃ upasaṅkamitvā “āvuso Kapila tumhādisānañhi sammāpaṭipatti sāsanaṃ āyu nāma, tasmā paṭipattim pahāya kappiyādīni paṭibāhanto mā evaṃ avacā”ti ovadi. So tassapi vacanaṃ nādiyi. Evaṃ santepi thero dvattikkhattuṃ ovaditvā ovādaṃ agaṇhantaṃ “nāyaṃ mama vacanaṃ karotī”ti ñatvā “tena āvuso paññāyissasi sakena kammenā”ti vatvā pakkāmi. Tato paṭṭhāya naṃ aññe pesalā bhikkhū chaḍḍayīṃsu.

1. Sodhano (Sī, Syā)

So durācāro hutvā durācāraparivuto viharanto ekadivasam uposathagge “pātimokkham uddisissāmī”ti bījanim ādāya dhammāsane nisīditvā “vattati āvuso ettha sannipatitānam bhikkhūnam pātimokkhan”ti pucchitvā “ko attho imassa paṭivacanena dinnenā”ti tuṅhībhūte bhikkhū disvā “āvuso dhammo vā vinayo vā natthi, pātimokkhena sutena vā asutena vā ko attho”ti vatvā āsanā vuṭṭhahi. Evaṃ so Kassapassa Bhagavato pariyattisāsanam osakkāpesi. Sāgatatheropi tadaheva parinibbāyi. Kapilo āyupariyosāne Avīcimhi mahāniraye nibbatti. Sāpissa mātā ca bhaginī ca tasseva diṭṭhānugatiṃ āpajjitvā pesale bhikkhū akkositvā paribhāsivā tattheva nibbattisu.

Tasmim pana kāle pañcasatā purisā gāmaghātakādīni katvā corikāya jīvantā janapadamanussehi anubaddhā palāyamānā araṇṇam pavisitvā tattha kiñci paṭisaraṇam apassantā aññataram āraṇṇikam bhikkhum disvā vanditvā “paṭisaraṇam no bhante hothā”ti vadimsu. Thero “tumhākam sīlasadisam paṭisaraṇam nāma natthi, sabbepi pañcasīlāni samādiyathā”ti āha. Te “sādhū”ti sampācchitvā sīlāni samādiyimsu. Atha ne thero ovadi “idāni tumhe sīlavantā, jīvitahetupi vo neva sīlam atikkamitabbam, na manopadoso kātabbo”ti. Te “sādhū”ti sampācchimsu. Atha ne janapadamanussā tam ṭhānam patvā ito cito ca pariyesamānā te core disvā sabbe te jīvitā voropesum. Te kālam katvā devaloke nibbattimsu. Corajēṭṭhako jēṭṭhakadevaputto ahoṣi.

Te anulomapaṭilomavasena ekam Buddhantaram devaloke saṃsaritvā imasmim Buddhuppāde Sāvattinagaradvāre pañcasatakulike¹ Kevaṭṭagāme nibbattimsu. Jēṭṭhakadevaputto Kevaṭṭajēṭṭhakassa gehe paṭisandhim gaṇhi, itare itaresu. Evaṃ tesam ekadivaseyeva paṭisandhigahaṇaṇca mātukucchito nikkhamanaṇca ahoṣi. Kevaṭṭajēṭṭhako “atthi nu kho imasmim gāme aññepi dārakā ajja jātā”ti pariyesāpetvā tesam jātabhāvam ñatvā “ete mama puttassa saḥāyakā bhavissanti”ti sabbesam

1. Pañcakulasatike (Sī)

posāvanikaṃ dāpesi. Te sabbepi sahaṃsukīlakā sahāyakā hutvā anupubbena vayappattā ahesuṃ. Tesāṃ Kevaṭṭajetṭhakaputtova yasato ca tejato ca aggapuriso ahoṣi.

Kapilopi ekaṃ Buddhantaraṃ niraye paccitvā vipākāvasesena tasmim kālē Aciravatiyā suvaṇṇavaṇṇo duggandhamukho maccho hutvā nibbatti. Athekadivasāṃ te sahāyakā “macche bandhissāmā”ti jālādīni gahetvā nadiyā khipiṃsu. Atha nesāṃ antojālaṃ so maccho pāvīsi. Tam disvā sabbe Kevaṭṭagāmaṃvāsino uccāsaddamaṃsu “puttā no paṭhamaṃ macche bandhantā suvaṇṇamacchaṃ bandhiṃsu, idāni no rājā bahudhanaṃ¹ dassatī”ti. Tepi kho sahāyakā macchaṃ nāvāya pakkhipitvā nāvaṃ ukkhipitvā rañño santikaṃ agamaṃsu. Raññāpi tam disvāva “kim etan”ti vutte “maccho devā”ti āhaṃsu. Rājā suvaṇṇavaṇṇaṃ macchaṃ disvā “Satthā etassa suvaṇṇavaṇṇakāraṇaṃ jānissatī”ti macchaṃ gāhāpetvā Bhagavato santikaṃ agamaṃsi. Macchena mukhe vivaṭamattēyeva sakalajetavanaṃ ativiya duggandhaṃ ahoṣi. Rājā Satthāraṃ pucchi “kasmā bhante maccho suvaṇṇavaṇṇo jāto, kasmā cassa mukhato duggandho vāyati”ti.

Ayaṃ mahārāja Kassapabhagavato pāvācane Kapilo nāma bhikkhu ahoṣi bahussuto mahāparivāro lābhataṇhāya abhibhūto attano vacanaṃ aḡaṇhantānaṃ akkosakaparibhāsako, tassa ca Bhagavato sāsanaṃ osakkāpesi, so tena kammaṃ Avīcimhi nibbattitvā vipākāvasesena idāni maccho hutvā jāto. Yaṃ pana so dīgharattaṃ Buddhavacanaṃ vācesi, Buddhassa ca guṇaṃ kathesi, tassa nissandena imaṃ suvaṇṇavaṇṇaṃ paṭilabhi. Yaṃ bhikkhūnaṃ akkosakaparibhāsako ahoṣi, tenassa mukhato duggandho vāyati. Kathāpemi naṃ mahārājāti. Kathāpetha bhanteti. Atha naṃ Satthā pucchi “tvaṃsi Kapilo”ti. Āma bhante ahaṃ Kapiloti. Kuto āgatosīti. Avīcimahānirayato bhanteti. Jetṭhabhātiko te Sāgato kuhiṃ gatoti. Parinibbuto bhanteti. Mātā pana te Sādhinī kahanti. Mahāniraye nibbattā bhanteti. Kaniṭṭhabhaginī ca te tāpanā kahanti. Mahāniraye nibbattā bhanteti. Idāni tvaṃ kahaṃ gamissasīti. “Avīcimahānirayameva bhante”ti vatvā vippaṭisārābhībhūto

1. Pahūtadhanaṃ (Sī), pahūtaṃ dhanaṃ (Syā)

nāvaṃ sīsenā paharivā tāvadeva kālaṃ katvā niraye nibbatti. Mahājano saṃviggo ahosi lomahaṭṭhajāto.

Atha Bhagavā tasmim̐ khaṇe sannipatitāya parisāya cittacāraṃ oloketvā taṅkhaṇānurūpaṃ dhammaṃ desetum̐ “dhammacariyaṃ brahmacariyaṃ, etadāhu vasuttaman”ti Suttanipāte **Kapilasuttaṃ**¹ kathetvā imā gāthā abhāsi—

334. “Manujassa pamattacārino, taṅhā vaḍḍhati māluvā viya.
So plavatī hurā huram̐, phalamiccham̐va vanasmi vānaro.

335. Yam̐ esā sahate jammī, taṅhā loke visattikā.
Sokā tassa pavaḍḍhanti, abhivaṭṭham̐va bīraṇam̐.

336. Yo cetam̐ sahate jammim̐, taṅham̐ loke duraccayam̐.
Sokā tamhā papatanti, udabinduva pokkharā.

337. Tam̐ vo vadāmi bhaddam̐ vo, yāvante’ttha samāgatā.
Taṅhāya mūlam̐ khaṇatha, usīratthova bīraṇam̐.
Mā vo naḷam̐va sotova, māro bhañji punappunan”ti.

Tattha **pamattacārinoti** sativossaggalakkhaṇena pamādena pamattacārissa puggalassa neva jhānam̐ na vipassanā na maggaphalāni vaḍḍhanti. Yathā pana rukkham̐ saṃsibbantī pariyonandhantī tassa vināsāya māluvālatā vaḍḍhati, evamassa cha dvārāni nissāya punappunam̐ uppajjanato taṅhā vaḍḍhatīti attho. **So plavatī hurā huranti** so taṅhāvasiko puggalo bhava bhava uplavati dhāvati. Yathā kim̐ viyāti? **Phalamiccham̐va vanasmi vānaro**, yathā rukkaphalam̐ icchanto vānaro vanasmim̐ dhāvati, tassa tassa rukkassa sākham̐ gaṇhāti, tam̐ muñcitvā aññam̐ gaṇhāti, tampi muñcitvā aññam̐ gaṇhāti, “sākham̐ alabhitvā sannisinno”ti vattabbatam̐ nāpajjati, evameva taṅhāvasiko puggalo hurā huram̐ dhāvanto “ārammaṇam̐ alabhitvā taṅhāya apavattam̐ patto”ti vattabbatam̐ nāpajjati.

1. Khu 1. 321 piṭṭhe.

Yanti yaṃ puggalaṃ eṣā lāmakabhāvena jammī visāhāratāya visapupphatāya visaphalatāya visaparibhogatāya rūpādīsu visattatāya āsattatāya visattikāti saṅkhyāṃ gatā chadvārikataṇhā abhibhavati. Yathā nāma vassāne punappunāṃ vassantena devena abhivaṭṭhaṃ bīraṇaṭṭhaṃ vadḍhati, evaṃ tassa puggalassa anto vaṭṭamūlakā sokā abhivaḍḍhantīti attho.

Duraccayanti yo pana puggalo evaṃ vuttappakāraṃ atikkamituṃ pajahituṃ dukkaratāya duraccayaṃ taṇhaṃ sahati abhibhavati, tamhā puggalā vaṭṭamūlakā sokā papatanti. Yathā nāma pokkhare padumapatte patitaṃ udakabindu na patiṭṭhāti, evaṃ na patiṭṭhahantīti attho.

Tam vo vadāmīti tena kāraṇena ahaṃ tumhe vadāmi. **Bhaddaṃ voti** bhaddaṃ tumhākaṃ hotu, mā ayaṃ Kapilo viya vināsaṃ pāpuṇathāti attho. **Mūlanti** imissā chadvārikataṇhāya arahattamaggañāṇena mūlaṃ khaṇatha. Kim viyāti? **Usīratthova bīraṇaṃ**, yathā usīrena atthiko puriso mahantena kudālena bīraṇaṃ khaṇāti, evamassā mūlaṃ khaṇathāti attho. **Mā vo naḷaṃva sotova, māro bhaṅgi punappunanti** mā tumhe nadīsote jātaṃ naḷaṃ mahāvegena āgato nadīsoto viya kilesamāro maraṇamāro devaputtamāro ca punappunāṃ bhaṅjatūti attho.

Desanāvasāne pañcasatāpi Kevaṭṭaputtā saṃvegaṃ āpajjitvā dukkhassantakiriyaṃ¹ patthayamānā Satthu santike pabbajitvā na cirasseva dukkhassantaṃ katvā Satthārā saddhiṃ āneṅjavihārasamāpattidhammaparibhogena ekaparibhogā ahesunti.

Kapilamacchavatthu paṭhamāṃ.

2. Sūkarapotikāvatthu

Yathāpi mūleti imaṃ dhammadesanaṃ Satthā Veḷuvane viharanto gūthasūkarapotikaṃ ārabha kathesi.

1. Dukkhasantaṃ kiriyāya (Ka)

Ekasmiṃ kira samaye Satthā Rājagahaṃ piṇḍāya pavisanto ekaṃ Sūkarapotikaṃ disvā sitaṃ pātvākāsi. Tassa sitaṃ karontassa mukhavivaraniggataṃ dantobhāsamaṇḍalaṃ disvā Ānandatthero “ko nu kho bhante hetu sitassa pātukammāyā”ti sitakāraṇaṃ pucchi. Atha naṃ Satthā āha “passasetam Ānanda Sūkarapotikaṃ”ti. Āma bhanteti. Esā Kakusandhassa Bhagavato sāsane ekāya āsanasālāya sāmantaṃ kukkuṭi ahoṣi. Sā ekassa yogāvacarassa vipassanākammatṭhānaṃ sajjhāyantassa dhammaghosam sutvā tato cutā rājakule nibbattitvā Ubbarī nāma¹ rājadhītā ahoṣi. Sā aparabhāge sarīravalañjaṭṭhānaṃ pavīṭṭhā puḷavakarāsim disvā tattha puḷavakasaññaṃ uppādetvā paṭhamam jhānaṃ paṭilabhi. Sā tattha yāvatāyukaṃ thatvā tato cutā brahmaloke nibbatti. Tato cavitvā puna gativasena ālulamānā idāni sūkarayoniyaṃ nibbatti, idaṃ kāraṇaṃ disvā mayā sitaṃ pātukatanti. Tam sutvā Ānandattherappamukhā bhikkhū mahantaṃ samvegaṃ paṭilabhiṃsu. Satthā tesam samvegaṃ uppādetvā bhavataṇhāya ādīnavaṃ pakāsento antaravīthiyaṃ ṭhitakova imā gāthā abhāsi—

338. “Yathāpi mūle anupaddave daḷhe,
Chinnopi rukkho punareva rūhati.
Evampi taṇhānusaye anūhate,
Nibbattatī dukkhamidaṃ punappunaṃ.

339. Yassa chattimsati sotā, manāpasavanā bhusā.
Mahāvahanti duddiṭṭhim, saṅkappā rāganissitā.

340. Savanti sabbadhi sotā, latā uppajja tiṭṭhati.
Taṅca disvā lataṃ jātaṃ, mūlaṃ paññāya chindatha.

341. Saritāni sinehitāni ca,
Somanassāni honti jantuno.
Te sātāsītā sukhesino,
Te ve jātijarūpagā narā.

1. Upari nāma (Ka)

342. Tasiṇāya purakkhatā pajā,
Parisappanti sasova bandhito.
Saṃyojanasaṅgasattakā,
Dukkhamupenti punappunam cirāya.

343. Tasiṇāya purakkhatā pajā,
Parisappanti sasova bandhito.
Tasmā tasiṇam vinodaye,
Ākaṅkhanta virāgamattano”ti.

Tattha **mūleti** yassa rukkhasa catūsu disāsu catudhā heṭṭhā ca ujukameva gate pañcavidhamūle chedanaphālanapācanavijjhanādīnam kenaci upaddavena anupaddave thirapattatāya daḷhe so rukkho uparicchinnopi sākhanam vasena punadeva rūhati, evameva chadvārikāya taṇhāya anusaye arahattamaggañāṇena anuhate asamucchinne tasmim tasmim bhava jāti-ādibhedam idam dukkham punappunam nibbattatiyevāti attho.

Yassāti yassa puggalassa “iti ajjhattikassūpādāya aṭṭhārasa taṇhāvicaritāni bāhirassūpādāya aṭṭhārasa taṇhāvicaritāni”ti imesam taṇhāvicaritānam vasena chattimsatiyā sotehi samannāgatā manāpesu rūpādīsu āsavati pavattatīti manāpasavanā taṇhā bhusā balavatī hoti, tam puggalam vipannañāṇatāya duddiṭṭhim punappunam uppajjanato mahantabhāvena mahā hutvā jhānam vā vipassanam vā anissāya rāganissitā saṅkappā vahantīti attho.

Savanti sabbadhi sotāti ime taṇhāsotā cakkhudvārādīnam vasena sabbesu rūpādīsu ārammaṇesu savanato, sabbāpi rūpataṇhā -pa-dhammataṇhāti sabbabhavesu vā savanato sabbadhi savanti nāma. **Latāti** paliveṭhanaṭṭhena saṃsibbanaṭṭhena ca latā viyāti latā. **Uppajja tiṭṭhatīti** chahi dvārehi uppajjitvā rūpādīsu ārammaṇesu tiṭṭhati. **Taṅca disvāti** tam pana taṇhālatam “etthesā taṇhā uppajjamānā uppajjati”ti jātaṭṭhānavasena disvā. **Paññāyāti** Satthena vane jātam latam viya maggapaññāya mūle chindathāti attho.

Saritānīti anusaṭāni payātāni. **Sinehitānī**ti cīvarādīsu pavattasinehavasena sinehitā ni ca, taṇhāsinehamakkhitānīti attho. **Somanassānī**ti taṇhāvasikassa jantuno evarūpāni somanassāni bhavanti. **Te sātasiṭā**ti te taṇhāvasikā puggalā sātaniṣṣitā sukhaniṣṣitā ca hutvā sukhesino sukhapariyesino bhavanti. **Te veti** ye evarūpā narā, te jātijarābyādhimaraṇāni upagacchantiyevāti jātijarūpagā nāma honti. **Pajāti** ime sattā tāsakaraṇena tasiṇāti saṅkhyam gatāya taṇhāya purakkhatā parivāritā hutvā.

Bandhitoti luddena araṅṅe baddho saso viya parisappanti bhāyanti. **Samyojanasaṅgasattakā**ti dasavidhena samyojanasaṅgena ceva sattavidhena rāgasāṅgādinā ca sattā baddhā tasmim vā laggā hutvā. **Cirāyāti** ciram dīghamaddhānam punappunam jāti-ādikaṃ dukkham upagacchantīti attho. **Tasmāti** yasmā tasiṇāya purakkhatā paliveṭhitā sattā, tasmā attano virāgam rāgādivigamaṃ nibbānaṃ patthento ākaṅkhamāno bhikkhu arahattamaggenetaṃ tasiṇam vinodaye panuditvā nīharitvā chaḍḍeyyāti attho.

Desanāvasāne bahū sotāpattiphalādīni pāpuṇimsu.

Sāpi kho Sūkarapotikā tato cavitvā Suvaṇṇabhūmiyam rājakule nibbatti, tato cutā Bārāṇasiyam, tato cutā supparakapaṭṭane assavaṇṇijagehe nibbatti, tato cutā Kāvīrapaṭṭane nāvikkassa¹ gehe nibbatti, tato cutā Anurādhapure issarakulagehe nibbatti, tato cutā tasseva dakkhiṇadisāya Bhokkantagāme² Sumanassa nāma kuṭumbikassa dhītā nāmena Sumanā eva hutvā nibbatti. Athassā pitā tasmim gāme chaḍḍite Dīghavāpīraṭṭham gantvā Mahāmuniḡāme nāma vasi. Tattha nam Duṭṭhagāmaṇiraṅṅo amacco Lakuṇḍaka-atimbaro nāma kenacideva karaṇīyena gato disvā mahantaṃ maṅgalaṃ katvā ādāya Mahāpuṇṇagāmaṃ gato. Atha nam Koṭṭipabbatamahāvihāravāsī Mahā-anuruddhatthero³ nāma tattha piṇḍāya caritvā tassā gehadvāre ṭhito disvā bhikkhūhi saddhim kathesi “āvuso Sūkarapotikā nāma Lakuṇḍaka-atimbaramahāmattassa bhariyabhāvaṃ pattā, aho acchariyam”ti. Sā tam katham sutvā

1. Vikkayikassa (Sī)

2. Bhekkantagāme (Syā)

3. Mahā-atulaththero (Sī, Syā)

atītabhave ugghāṭetvā jātissaraññaṇaṃ paṭilabhi. Taṅkhaṇaṇṇeva
 uppannasaṃvegā sāmikaṃ yācitvā mahantena issariyena
 pañcabalakattherīnaṃ santike pabbajitvā Tissamahāvihāre
 Mahāsatiṭṭhānasuttakathaṃ sutvā sotāpattiphale patiṭṭhahi. Pacchā
 dāmaḷamaddane kate ñātīnaṃ vasanaṭṭhānaṃ Bhokkantaḡāmaṃeva gantvā
 tattha vasantī Kallamahāvihāre Āsīvisopamasuttantaṃ sutvā arahattaṃ
 pāpuṇi.

Sā parinibbānavase bhikkhubhikkhunīhi pucchitā bhikkhunisaṃghassa
 sabbaṃ imaṃ pavattiṃ nirantaraṃ kathetvā sannipatitassa
 bhikkhusaṃghassa majjhe Maṇḍalārāmaṃvāsinaṃ
 Dhammapadabhāṇakamahātis Sattherena saddhiṃ saṃsanditvā “ahaṃ pubbe
 manussayoniyaṃ nibbattitvā tato cutā kukkuṭṭhitvā tattha senassa santikā
 sīsacchedaṃ patvā Rājagahe nibbattā, paribbājikāsu pabbajitvā
 paṭhamajjhānabhūmiyaṃ nibbattitvā tato cutā seṭṭhikule nibbattā na
 cirasseva cavitvā sūkarayoniṃ gantvā tato cutā suvaṇṇabhūmiṃ, tato cutā
 Bārāṇasim, tato cutā supparakapaṭṭanaṃ, tato cutā Kāvīrapaṭṭanaṃ, tato cutā
 Anurādhapuraṃ, tato cutā Bhokkantaḡāmaṃ”ti evaṃ samavisame terasa
 attabhāve patvā “idāni ukkaṇṭhitvā pabbajitvā arahattaṃ pattā, sabbepi¹
 appamādena sampādeṭhā”ti vatvā catasso parisā saṃvejetvā parinibbāyīti.

Sūkarapotikāvattu dutiyaṃ.

3. Vibbhantabhikkhuvatthu

Yo nibbanathoti imaṃ dhammaḡesanaṃ Satthā Veḷuvane viharanto
 ekaṃ vibbhantaḡaṃ bhikkhuṃ ārabba kathesi.

Eko kira Mahākassapattherassa saddhivihāriko hutvā cattāri jhānāni
 uppādetvāpi attano mātulassa suvaṇṇakārassa gehe visabhāḡārammaṇaṃ
 disvā tattha paṭibaddhacitto vibbhami. Atha naṃ manussā alasabhāvena
 kammaṃ kātuṃ anicchantāṃ gehā nīharimsu. So pāpamittasaṃsaggena
 corakammaṃ jīvikaṃ kappento vicari. Atha naṃ ekadivasaṃ

1. Idāni ukkaṇṭhitā sabbepi (Sī)

gahetvā pacchābāhaṃ gāḷhabandhanaṃ bandhitvā catukke catukke kasāhi tāḷentā āghātaṇaṃ nayimsu. Thero piṇḍāya carituṃ pavisanto taṃ dakkhiṇena dvārena nīhariyamānaṃ disvā bandhanaṃ sithilaṃ kāretvā “pubbe tayā paricitakammaṭṭhānaṃ puna āvajjehī”ti āha. So tena ovādena satuppādaṃ labhitvā puna catutthajjhānaṃ nibbattesi. Atha naṃ “āghātaṇaṃ netvā ghāteṣṣāmā”ti sūle uttāsesuṃ¹. So na bhāyati na santasati. Athassa tasmim̐ tasmim̐ disābhāge ṭhitā manussā asisattitomarādīni āvudhāni ukkhipitvāpi taṃ asantasantameva disvā “passatha bho imaṃ purisaṃ, anekasatānaṃ hi āvudhahatthānaṃ purisānaṃ majjhe neva chambhati na vedhati, aho acchariyaṇaṃ”ti acchariyabbhutaṅgajātā mahānādaṃ naditvā rañño taṃ pavattim̐ ārocesuṃ. Rājā taṃ kāraṇaṃ sutvā “vissajjetha naṃ”ti āha. Satthu santikampi gantvā tamatthaṃ ārocayimsu. Sattha obhāsaṃ pharitvā tassa dhammaṃ desento imaṃ gāthamāha—

344. “Yo nibbanatho vanādhimutto,
Vanamutto vanameva dhāvati.
Taṃ puggalametha passatha,
Mutto bandhanameva dhāvati”ti.

Tassattho—yo puggalo gihibhāve ālayasaṅkhātāṃ vanathaṃ chaḍḍetvā pabbajitātāya nibbanatho dibbavīhārasaṅkhāte tapovane adhimutto gharāvāsabandhanasaṅkhātā taṇhāvanā mutto hutvā puna gharāvāsabandhanasaṅkhātāṃ taṇhāvanameva dhāvati, etha taṃ puggalaṃ passatha, eso gharāvāsabandhanato mutto gharāvāsabandhanameva dhāvati.

Imaṃ pana desanaṃ sutvā so rājapurisānaṃ antare sūlagge nisinnova udayabbayaṃ paṭṭhapetvā tilakkhaṇaṃ āropetvā saṅkhāre sammasanto sotāpattiphalaṃ patvā samāpattisukhaṃ anubhavanto vehāsaṃ uppatitvā ākāse neva Satthu santikaṃ gantvā Satthāraṃ vanditvā sarājikāya parisāya majjheyeva arahattaṃ pāpuṇīti.

Vibbhantabhikkhuvatthu tatiyaṃ.

1. Uttāpetuṃ ārabhimsu (Ka)

4. Bandhanāgāravatthu

Na taṃ dalhanti imaṃ dhammadesanaṃ Satthā Jetavane viharanto bandhanāgāraṃ ārabha kathesi.

Ekasmim kira kāle bahū sandhicchedakapanthaghātakamanussaghātake core ānetvā Kosalarañño dassayimsu. Te rājā andubandhanarajjubandhanasaṅkhalikabandhanehi bandhāpesi. Timsamattāpi¹ kho jānapadā bhikkhū Satthāraṃ daṭṭhukāmā āgantvā disvā vanditvā punadivase Sāvattim piṇḍāya carantā bandhanāgāraṃ gantvā te core disvā piṇḍapātaṭikkantā sāyanhasamaye Tathāgataṃ upasaṅkamtivā “bhante ajja amhehi piṇḍāya carantehi bandhanāgāre bahū corā andubandhanādīhi baddhā mahādukkhaṃ anubhavantaṃ diṭṭhā, te tāni bandhanāni chinditvā palāyituṃ na sakkonti, atthi nu kho bhante tehi bandhanehi thirataṃ aññaṃ bandhanaṃ nāma”ti pucchimsu. Satthā “bhikkhave kiṃ bandhanāni nāmetāni, yaṃ panetaṃ dhanadhaññaputtadārādīsū taṅhāsaṅkhātaṃ kilesabandhanaṃ, etaṃ etehi sataguṇena sahasaguṇena satahasaguṇena thirataṃ, evaṃ mahantampi panetaṃ ducchindaniyaṃ bandhanaṃ porāṇakapaṇḍitā chinditvā Himavantaṃ pavisitvā pabbajimsū”ti vatvā atītaṃ āhari—

Atīte Bārāṇasiyaṃ Brahmadataṃ rajjaṃ kārente bodhisatto ekasmim duggatagahapatikule nibbatti. Tassa vayappattassa pitā kālamakāsi. So bhatim katvā mātaraṃ posesi. Athassa mātā anicchamānasseva ekaṃ kuladhītaṃ gehe katvā aparabhāge kālamakāsi. Bhariyāyapissa kucchiyaṃ gabbho patiṭṭhahi. So gabbhassa patiṭṭhitabhāvaṃ ajānantova “bhadde tvaṃ bhatim katvā²jīva, ahaṃ pabbajissāmi”ti āha. “Sāmi nanu³ gabbho me patiṭṭhito, mayi vijātāya dārakaṃ disvā pabbajissasi”ti āha. So “sādhū”ti sampaṭicchitvā tassā vijātakāle “bhadde tvaṃ sotthinā vijātā, idāni ahaṃ pabbajissāmi”ti āpucchi. Atha naṃ sā “puttassa tāva thanapānato apagamanakālaṃ āgamehi”ti vatvā puna gabbhaṃ gaṇhi. So cintesi “imaṃ sampaṭicchāpetvā gantuṃ na sakkā, imissā anācikkhitvāva palāyitvā pabbajissāmi”ti.

1. Samantāpi (Sī)

2. Bhatim vā vatim vā katvā (Sī)

3. Sāpi taṃ (Sī)

so tassā anācikkhitvāva rattibhāge uṭṭhāya palāyi. Atha namā nagaraguttikā aggahesuṃ. So “ahaṃ sāmi mātuposako nāma, vissajjetha maṃ”ti attānaṃ vissajjāpetvā ekasmim̐ ṭhāne vasitvā isipabbajjāṃ pabbajitvā abhiññāsamāpattiyo labhitvā jhānakīḷāya kīḷanto vihāsi. So tathā vasantoyeva “evarūpampi nāma me ducchindaniyaṃ puttadārabandhanaṃ kilesabandhanaṃ chinnaṃ”ti imaṃ udānaṃ udānesi.

Satthā imaṃ atītaṃ āharitvā tena udānitaṃ udānaṃ pakāseto imā gāthā abhāsi—

345. “Na taṃ daḷhaṃ bandhanaṃāhu dhīrā,
Yadāyasaṃ dārujapabbajaṅca.
Sārattarattā maṇikuṇḍalesu,
Puttesu dāresu ca yā apekkhā.

346. Etaṃ daḷhaṃ bandhanaṃāhu dhīrā,
Ohāriṇaṃ sithilaṃ duppamuṅcaṃ.
Etampi chetvāna paribbajanti,
Anapekkhino kāmasukhaṃ pahāyā”ti.

Tathā **dhīrā**ti Buddhādayo paṇḍitapurisā yaṃ saṅkhalikasaṅkhātāṃ ayasā nibbattaṃ āyasaṃ, andubandhanasaṅkhātāṃ dārujaṃ, yaṅca pabbajatiṅchi vā aññchi vā vākādīhi rajjuṃ katvā kataṃ rajjubandhanaṃ, taṃ asi-ādīhi chinditūṃ sakuṇeyyabhāvena thiranti na vadantīti attho.

Sārattarattāti sārattā hutvā rattā, bahalatararāgarattāti attho.

Maṇikuṇḍalesūti maṇīsu ceva kuṇḍalesu ca, maṇivicittesu vā kuṇḍalesu.

Etaṃ

daḷhanti ye maṇikuṇḍalesu sārattarattā, tesāṃ so rāgo ca yā puttadāresu apekkhā taṅhā, etaṃ kilesamayāṃ bandhanaṅca paṇḍitapurisā daḷhanti vadanti. **Ohāriṇanti** ākaḍḍhitvā catūsu apāyesu pātanato avaharati heṭṭhā haratīti ohāriṇaṃ. **Sithilanti** bandhanaṭṭhāne chavicammamaṃsāni na chindati, lohitaṃ na nīharati, bandhanaabhāvampi ajānāpetvā thalapathajalpathādīsu kammāni kātuṃ deṭṭīti sithilaṃ. **Duppamuṅcanti** lobhavasena hi ekavāraṃpi uppannaṃ kilesabandhanaṃ daṭṭhaṭṭhānato

kacchapo viya dummociyaṃ hotīti duppamuñcaṃ. **Etampi chetvānāti** etaṃ daḷhampi kilesabandhanaṃ ñāṇakhaggena chinditvā anapekkhino hutvā kāmasukhaṃ pahāya paribbajanti, pakkamanti pabbajantīti attho.

Desanāvasāne bahū sotāpattiphalādīni pāpuṇimsūti.

Bandhanāgāravatthu catutthaṃ.

5. Khemātherīvatthu

Ye rāgarattāti imaṃ dhammadesanaṃ Satthā Veḷuvane viharanto Khemaṃ nāma rañño Bimbisārassa aggamahesiṃ ārabba kathesi.

Sā kira Padumuttarapādamūle patthitapatthanā ativiya abhirūpā pāsādikā ahosi. “Satthā kira rūpassa dosaṃ kathetī”ti sutvā pana Satthu santikaṃ gantuṃ na icchi. Rājā tassā rūpamadammattabhāvaṃ ñatvā Veḷuvanavaṇṇanāpaṭisaṃyuttāni gītāni kāretvā naṭādīnaṃ dāpesi. Tesā tāni gāyantānaṃ saddaṃ sutvā tassā Veḷuvanaṃ adiṭṭhapubbaṃ viya asutapubbaṃ viya ca ahosi. Sā “kataraṃ uyyānaṃ sandhāya gāyathā”ti pucchitvā “devī tumhākaṃ Veḷuvanuyyānamevā”ti vutte uyyānaṃ gantukāmā ahosi. Satthā tassā āgamaṇaṃ ñatvā parisamajjhe nisīditvā dhammaṃ desentova tālavaṇṇaṃ ādāya attano passe ṭhatvā bījamānaṃ abhirūpaṃ itthiṃ nimmini. Khemā devīpi pavisaṃmānāva taṃ itthiṃ disvā cintesi “Sammāsambuddho rūpassa dosaṃ kathetīti vadanti, ayañcassa santike itthi bījayamānā ṭhitā, nāhaṃ imissā kalabhāgampi upemi, na mayā īdisaṃ itthirūpaṃ diṭṭhapubbaṃ, Satthāraṃ abhūtena abbhācikkhanti maññe”ti cintetvā Tathāgatassa kathāsaddampi anisāmetvā tameva itthiṃ olokayamānā aṭṭhāsi. Satthā tassā tasmim rūpe uppannabahumānataṃ ñatvā taṃ rūpaṃ paṭhamavayādivasena dassetvā heṭṭhā vuttanayeneva pariyoṣāne aṭṭhimattavasānaṃ katvā dassesi. Khemā taṃ disvā “evarūpampi nāmetaṃ rūpaṃ muhutteneva khayavayaṃ sampattaṃ, natthi vata imasmim rūpe sāro”ti cintesi. Satthā tassā cittācāraṃ oloketvā “Kheme tvaṃ ‘imasmim rūpe sāro atthi’ti cintesi, passa dānissa asārabhāvan”ti vatvā imaṃ gāthamāha—

“Āturaṃ asuciṃ pūtiṃ, passa Kheme samussayaṃ.
Uggharantaṃ paggharantaṃ, bālānaṃ abhipatthitaṃ”¹.

Sā gāthāpariyosāne sotāpattiṃhale patiṭṭhahi. Atha naṃ Satthā “Kheme ime sattā rāgarattā dosapaduṭṭhā mohamūḷhā attano taṇhāsotaṃ samatikkamituṃ na sakkonti, tattheva lagganti”¹ti vatvā dhammaṃ desento imaṃ gāthamāha—

347. “Ye rāgarattā’ nupatanti sotaṃ,
Sayam kamaṃ makkaṭakova jālaṃ.
Etampi chetvāna vajanti dhīrā,
Anapekkhino sabbadukkhaṃ pahāyā”¹ti.

Tattha **makkaṭakova jālanti** yathā nāma makkaṭako suttaajālaṃ katvā majjhe ṭhāne nābhimaṇḍale nipanno pariyaṇṭe patitaṃ paṭaṅgaṃ vā makkhikaṃ vā vegena gantvā vijjhivā tassa rasaṃ pivivā puna gantvā tasmiṃyeva ṭhāne nipajjati, evameva ye sattā rāgarattā dosapaduṭṭhā mohamūḷhā sayamkataṃ taṇhāsotaṃ anupatanti, te taṃ samatikkamituṃ na sakkonti, evaṃ duratikkamaṃ. **Etampi chetvāna vajanti dhīrā**ti paṇḍitā etaṃ bandhanaṃ chetvā anapekkhino nirālayā hutvā arahattamaggena sabbadukkhaṃ pahāya vajanti, gacchantīti attho.

Desanāvasāne Khemā arahatte patiṭṭhahi, mahājanassāpi sātthikā dhammadesanā ahoṣi. Satthā rājānaṃ āha “mahārāja Khemāya pabbajituṃ vā parinibbāyituṃ vā vaṭṭati”¹ti. Bhante pabbājetha naṃ, alaṃ parinibbānenāti. Sā pabbajivā aggasāvika ahoṣīti.

Khemātherīvatthu pañcamaṃ.

6. Uggasenavatthu

Muñca pureti imaṃ dhammadesanaṃ Satthā Veḷuvane viharanto Uggasenaṃ ārabha kathesi.

1. Khu 4. 226 piṭṭhe Therī-apadāne.

Pañcasatā kira naṭā saṁvacchare vā chamāse vā patte Rājagahaṁ gantvā rañño sattāhaṁ samajjaṁ katvā bahuṁ hiraññasuvaṇṇaṁ labhanti, antarantare ukkhepadāyānaṁ pariyanto natthi. Mahājano mañcātimañcādīsu ṭhatvā samajjaṁ olokesi. Athekā laṅghikadhītā¹ vaṁsaṁ abhiruyha tassa upari parivattivā tassa pariyante ākāse caṅkamamānā naccati ceva gāyati ca. Tasmim samaye Uggaseno nāma seṭṭhiputto sahāyakena saddhim mañcātimañce ṭhito taṁ oloketvā tassā hatthapādavikkhepadīsu uppannasineho gehaṁ gantvā “taṁ labhanto jīvissāmi, alabhantassa me idheva maraṇaṁ”ti āhārūpacchedaṁ katvā mañcake nipajji. Mātāpitūhi “tāta kiṁ te rujjati”ti² pucchitopi “taṁ me naṭadhītaraṁ labhantassa jīvitaṁ atthi, alabhantassa me idheva maraṇaṁ”ti vatvā “tāta mā evaṁ kari, aññaṁ te amhākaṁ kulassa ca bhogānaṅca anurūpaṁ kumārikaṁ ānessāmā”ti vuttepi tatheva vatvā nipajji. Athassa pitā bahuṁ yācitvāpi taṁ saññāpetuṁ asakkonto tassa sahāyaṁ pakkosāpetvā kahāpaṇasahassaṁ datvā “ime kahāpaṇe gahetvā attano dhītaraṁ mayhaṁ puttassa detū”ti paṇiṇi. So “nāhaṁ kahāpaṇe gahetvā demi, sace pana so imaṁ alabhitvā jīvituṁ na sakkoti, tena hi amhehi saddhimyeva vicaratu³, dassāmissa dhītaraṁ”ti āha. Mātāpitāro puttassa tamatthaṁ ārocesuṁ. So “ahaṁ tehi saddhim vicarissāmi”ti vatvā yācantānampi tesāṁ kathaṁ anādiyivā nikkhamitvā nāṭakassa santikaṁ agamāsi. So tassa dhītaraṁ datvā tena saddhimyeva gāmanigamarājadhānīsu sippaṁ dassento vicari.

Sāpi tena saddhim saṁvāsamanvāya na cirasseva puttaṁ labhitvā kīlāpayamānā “sakaṭagopakassa putta, bhaṇḍahārakassa putta, kiñci ajānakassa puttā”ti vadati. Sopi nesaṁ sakaṭaparivattakaṁ katvā ṭhitaṭṭhāne goṇānaṁ tiṇaṁ āharati⁴, sippadassanaṭṭhāne laddhabhaṇḍakaṁ ukkhipitvā harati. Tadeva kira sandhāya sā itthī puttaṁ kīlāpayamānā tathā vadati. So attānaṁ ārabha tassā gāyanabhāvaṁ ṇatvā taṁ pucchi “maṁ sandhāya kathesi”ti. Āma taṁ sandhāyāti. Evaṁ sante ahaṁ

1. Lāsakadhītā (Si), laṅghakadhītā (Syā)

2. Ruccatīti (Si)

3. Carituṁ sakkoti (Ka)

4. Goṇācārikaṁ carati (Ka)

palāyissāmīti. Sā “kiṃ pana mayhaṃ tayā palāyitena vā āgatena¹ vā”ti punappunaṃ tadeva gītaṃ gāyati. Sā kira attano rūpasampattiṃ ceva dhanalābhañca nissāya taṃ kismiñci na maññati. So “kiṃ nu kho nissāya imissā ayaṃ māno”ti cintento “sippaṃ nissāyā”ti ñatvā “hotu, sippaṃ uggaṇhissāmī”ti sasuraṃ upasaṅkamtivā tassa jānanakasippaṃ uggaṇhitvā gāmanigamādīsu sippaṃ dassento anupubbena Rājagahaṃ āgantvā “ito sattame divase Uggaseno seṭṭhiputto nagaravāsīnaṃ sippaṃ dassessatī”ti ārocāpesi.

Nagaravāsīno mañcātimañcādayo bandhāpetvā sattame divase sannipatiṃsu. Sopi saṭṭhihatthaṃ vaṃsaṃ abhiruyha tassa matthake aṭṭhāsi. Taṃ divasaṃ Satthā paccūsakāle lokaṃ volokento taṃ attano ñāṇajālassa anto pavīṭṭhaṃ disvā “kiṃ nu kho bhavissatī”ti āvajjento “sve seṭṭhiputto sippaṃ dassessāmīti vaṃsamatthake ṭhassati, tassa dassanattamaṃ mahājanaṃ sannipatissati. Tatra ahaṃ catuppadikaṃ gāthaṃ desessāmi, taṃ sutvā caturāsītiyā pāṇasahassānaṃ dhammābhisamayo bhavissati, Uggasenopi arahatte patiṭṭhahissatī”ti aññāsi. Satthā punadivase kālaṃ sallakkhetvā bhikkhusaṃghaparivuto Rājagahaṃ piṇḍāya pāvīsi. Uggasenopi Satthari antonagaraṃ apaviṭṭheyeva unnādanattāyā mahājanassa aṅgulisaññaṃ datvā vaṃsamatthake patiṭṭhāya ākāseyeva satta vāre parivattitvā oruyha vaṃsamatthake aṭṭhāsi. Tasmīṃ khaṇe Satthā nagaraṃ pavisanto yathā taṃ parisā na oloketi, evaṃ katvā attānameva olokāpesi. Uggaseno parisāṃ oloketvā “na maṃ parisā oloketī”ti domanassappatto “idaṃ mayā saṃvacchare kattabbaṃ sippaṃ, Satthari nagaraṃ pavisante parisā maṃ anoloketvā Satthārameva oloketi, moghaṃ vata me sippadassanaṃ jātan”ti cintesi.

Satthā tassa cittaṃ ñatvā Mahāmogallānaṃ āmantetvā “gaccha Mogallāna seṭṭhiputtaṃ vadehi ‘sippaṃ kira dassetū’ti” āha. Thero gantvā vaṃsassa heṭṭhā ṭhito seṭṭhiputtaṃ āmantetvā imaṃ gāthamāha—

1. Gatena vā agatena (Sī)

“Ingha passa naṭaputta, Uggasena mahabbala.
Karohi raṅgaṃ parisāya, hāsayassu mahājanan”ti.

So therassa kathaṃ sutvā tuṭṭhamānaso hutvā “Satthā maññe mama sippaṃ passitukāmo”ti vaṃsamatthake ṭhitakova imaṃ gāthamāha—

“Ingha passa mahāpañña, Moggallāna mahiddhika.
Karomi raṅgaṃ parisāya, hāsayāmi mahājanan”ti.

Evañca pana vatvā vaṃsamatthakato vehāsaṃ abbhuggantvā ākāseva cuddasakkhattuṃ parivattitvā oruyha vaṃsamatthakeva aṭṭhāsi. Atha naṃ Satthā “Uggasena paṇḍitena nāma atītānāgatapaccuppannesu khandhesu ālayaṃ pahāya jāti-ādīhi muccituṃ vaṭṭati”ti vatvā imaṃ gāthamāha—

348. “Muñca pure muñca pacchato,
Majjhe muñca bhavassa pāragū.
Sabbattha vimuttamānaso,
Na punaṃ jātijaraṃ upehisi”ti.

Tattha **muñca pureti** atītesu khandhesu ālayaṃ nikantiṃ ajjhosānaṃ patthanāṃ pariyuṭṭhānaṃ gāhaṃ parāmāsaṃ taṇhaṃ muñca. **Pacchatoti** anāgatesupi khandhesu ālayādīni muñca. **Majjheti** paccuppannesupi tāni muñca. **Bhavassa pāragūti** evaṃ sante tividhassāpi bhavassa abhiññāpariññāpahānabhāvanāsacchikiriyavasena pāragū pāraṅgato hutvā khandhadhātu-āyatanādibhede sabbasaṅkhate vimuttamānaso viharanto puna jātijarāmarañāni na upagacchatīti attho.

Desanāvasāne caturāsītiyā pāṇasahassānaṃ dhammābhisamayo ahoṣi. Seṭṭhiputtopi vaṃsamatthake ṭhitakova saha paṭisambhidāhi arahattaṃ patvā vaṃsato oruyha Satthu santikaṃ āgantvā pañcapatiṭṭhitena Satthāraṃ vanditvā pabbajjaṃ yāci. Atha naṃ Satthā dakkhiṇahatthaṃ pasāretvā “ehi bhikkhū”ti āha. So tāvadeva aṭṭhaparikkhāradharo saṭṭhivassikatthero viya ahoṣi. Atha naṃ bhikkhū “āvuso Uggasena saṭṭhihatthassa te vaṃsassa matthakato otarantassa bhayaṃ nāma nāhoṣī”ti pucchitvā “natthi me āvuso bhayan”ti vutte Satthu ārocesuṃ “bhante

Uggaseno ‘na bhāyāmi’^{ti} vadati, abhūtaṃ vatvā aññaṃ byākaroti^{ti}. Satthā “na bhikkhave mama puttena Uggasenena sadisā chinnasaṃyojanā bhikkhū bhāyanti, na tasanti^{ti}”^{ti} vatvā Brāhmaṇavagge imaṃ gāthamāha—

“Sabbasaṃyojanaṃ chetvā, yo ve na paritassati.

Saṅgātigaṃ visamyuttaṃ, tamahaṃ brūmi brāhmaṇaṃ^{ti}¹.

Desanāvasāne bahūnaṃ dhammābhisamayo ahoṣi. Punekadivasāṃ bhikkhū dhammasabhāyaṃ kathaṃ samuṭṭhāpesuṃ “kiṃ nu kho āvuso evaṃ arahattūpanissayasampannaṃ bhikkhuno naṭadhītaṃ nissāya naṭehi saddhiṃ vicaraṇakāraṇaṃ, kiṃ arahattūpanissayakāraṇaṃ^{ti}. Satthā āgantvā “kāya nuttha bhikkhave etarahi kathāya sannisinnā^{ti}”^{ti} pucchitvā “imāya nāmā^{ti}”^{ti} vutte “bhikkhave ubhayampetaṃ iminā eva katan^{ti}”^{ti} vatvā tamatthaṃ pakāsetuṃ atītaṃ āhari.

Atīte kira Kassapadasabalassa suvaṇṇacetiye kariyamāne Bārāṇasivāsino kulaputtā bahuṃ khādanīyabhojanīyaṃ yānakesu āropetvā “hatthakammaṃ karissāmā^{ti}”^{ti} cetiyatṭhānaṃ gacchantā antarāmagge ekaṃ therāṃ piṇḍāya pavisaṃtaṃ passimsu. Athekā kuladhītā therāṃ oloketvā sāmikaṃ āha “sāmi ayyo piṇḍāya pavisati, yānake ca no bahuṃ khādanīyaṃ bhojanīyaṃ, pattamassa āhara, bhikkhaṃ dassāmā^{ti}. So taṃ pattaṃ āharitvā khādanīyabhojanīyassa pūretvā therassa hatthe patiṭṭhapetvā ubhopi patthanāṃ karimsu “bhante tumhehi diṭṭhadhammasseva bhāgino bhavyeyyāmā^{ti}. Sopi thero khīṇāsavova, tasmā olokeno tesāṃ patthanāya samijjhanabhāvaṃ ṇatvā sitaṃ akāsi. Taṃ disvā sā itthī sāmikaṃ āha “amhākaṃ ayyo sitaṃ karoti, eko naṭakārako bhavissati^{ti}. Sāmikopissā “evaṃ bhavissati bhadde^{ti}”^{ti} vatvā pakkāmi. Idaṃ tesāṃ pubbakammaṃ. Te tattha yāvatāyukaṃ ṭhatvā devaloke nibbattitvā tato cavitvā sā itthī naṭagehe nibbatti, puriso seṭṭhigehe. So “evaṃ bhadde bhavissati^{ti}”^{ti} tassā paṭivacanassa dinnatā naṭehi saddhiṃ vicari.

1. Khu 1. 70, 376 piṭṭhesu.

khīṇāsavattherassa dinnapiṇḍapātaṃ nissāya arahattaṃ pāpuṇi. Sāpi naṭadhītā “yā me sāmikassa gati, mayhampi sā eva gati”ti pabbajitvā arahatte patiṭṭhahīti.

Uggasenavatthu chaṭṭhaṃ.

7. Cūḷadhanuggahapaṇḍitavatthu

Vitakkamathitassāti imarū dhammadesanaṃ Satthā Jetavane viharanto Cūḷadhanuggahapaṇḍitaṃ ārabha kathesi.

Eko kira daharabhikkhu salākagge attano pattasalākaṃ gahetvā salākayāguṃ ādāya āsanasālaṃ gantvā pivi. Tattha udakaṃ alabhitvā udakatthāya ekaṃ gharaṃ agamāsi. Tattha taṃ ekā kumārikā disvāva uppannasinehā “bhante puna pānīyena atthe sati idheva āgaccheyyāthā”ti āha. So tato paṭṭhāya yadā pānīyaṃ na labhati, tadā tattheva gacchati. Sāpissa pattaṃ gahetvā pānīyaṃ deti. Evaṃ gacchante kāle yāgumpi datvā punekadivasaṃ tattheva nisīdāpetvā bhattaṃ adāsi. Santike cassa nisīditvā “bhante imasmīṃ gehe na kiñci natthi nāma, kevalaṃ mayaṃ vicaraṇakamanussameva na labhāmā”ti kathaṃ samuṭṭhāpesi. So katipāheneva tassā kathaṃ sutvā ukkaṇṭhi. Atha naṃ ekadivasaṃ āgantukā bhikkhū disvā “kasmā tvaṃ āvuso kiso uppaṇḍupaṇḍukajātosī”ti pucchitvā “ukkaṇṭhitomhi āvuso”ti vutte ācariyupajjhāyānaṃ santikaṃ nayimṃsu. Tepi naṃ Satthu santikaṃ netvā tamatthaṃ ārocesuṃ. Satthā “saccaṃ kira tvaṃ bhikkhu ukkaṇṭhitosī”ti pucchitvā “saccan”ti vutte “kasmā tvaṃ mādisassa āraddhavīriyassa Buddhassa sāsane pabbajitvā ‘sotāpanno’ti vā ‘sakadāgāmī’ti vā attānaṃ avadāpetvā ‘ukkaṇṭhito’ti vadāpesi, bhāriyaṃ te kammaṃ katan”ti vatvā “kiṃ kāraṇā ukkaṇṭhitosī”ti pucchi. “Bhante ekā maṃ itthī evamāhā”ti vutte “bhikkhu anacchariyaṃ etaṃ tassā kiriyaṃ. Sā hi pubbe sakalajambudīpe aggadhanuggahapaṇḍitaṃ pahāya taṃmuhuttadiṭṭhake ekasmīṃ sinehaṃ uppādetvā

taṃ jīvitakkhayaṃ pāpesī”ti vatvā tassatthassa pakāsanattham bhikkhūhi
yācito—

Atīte Cūladhanuggahapaṇḍitakāle Takkasilāyaṃ disāpāmokkhassa
ācariyassa santike sippaṃ uggahetvā tena tuṭṭhena dinnam dhītaram ādāya
Bārāṇasim gacchantassa ekasmiṃ aṭavimukhe ekūnapaññāsāya kaṇḍehi
ekūnapaññāsacore māretvā kaṇḍesu khīṇesu corajeṭṭhakam gahetvā
bhūmiyaṃ pātetvā “bhadde asim āharā”ti vutte tāya taṅkhaṇam diṭṭhacore
sineham katvā corassa hatthe asitharum ṭhapetvā corena
Dhanuggahapaṇḍitassa māritabhāvaṃ āvikatvā corena ca taṃ ādāya
gacchantena “mampi esā aññaṃ disvā attano sāmikam viya mārāpessati,
kiṃ me imāyā”ti ekam nadiṃ disvā orimatīre taṃ ṭhapetvā tassā bhaṇḍakam
ādāya “tvaṃ idheva hohi, yāvāham bhaṇḍikam uttāremī”ti tattheva taṃ
pahāya gamanabhāvañca āvikatvā—

“Sabbaṃ bhaṇḍam samādāya, pāram tiṇṇosi brāhmaṇa.
Paccāgaccha lahum khippaṃ, mampi tārehi dāni’to.

Asanthutaṃ maṃ cirasanthutena,
Nimīni bhotī addhuvaṃ dhuvēna.
Mayāpi bhotī nimineyya aññaṃ,
Ito aham dūrataram gamissam.

Kā’yaṃ eḷagalāgumbe, karoti ahuhāsiyaṃ.
Nayīdha naccam vā gītāṃ vā, tāḷam vā susamāhitam.
Anamhikāle susoṇi, kimnu jagghasi sobhane.

Siṅgāla bāla dummedha, appapaññosi jambuka.
Jīno macchañca pesiñca, kapaṇo viya jhāyasi.

Sudassam vajjamaññesaṃ, attano pana duddasaṃ.
Jīnā patiñca jārañca, maññe tvaññeva jhāyasi.

Evametaṃ migarāja, yathā bhāsasi jambuka.
 Sā nūnāhaṃ ito gantvā, bhattu hessaṃ vasānugā.
 Yo hare mattikaṃ thālaṃ, kamsathālampi so hare.
 Kataṃ ceva tayā pāpaṃ, punapevaṃ karissasī”ti¹—

Imaṃ Pañcakanipāte Cūḷadhanuggahajātakāṃ vitthāretvā “tadā Cūḷadhanuggahapaṇḍito tvaṃ ahoṣi, sā itthī etarahi ayaṃ kumārikā, siṅgālarūpena āgantvā tassā niggaḥakāraḥko Sakko devarājā ahamevā”ti vatvā “evaṃ sā itthī taṃmuhuttadiṭṭhake ekasmiṃ sinehena sakalajambudīpe aggapaṇḍitaṃ jīvitaṃ voropesi, taṃ itthiṃ ārabba uppannaṃ tava taṇhaṃ chinditvā viharāhi bhikkhū”ti taṃ ovaditvā uttarimpi dhammaṃ desento imā dve gāthā abhāsi—

349. “Vitakkamathitassa jantuno,
 Tibbarāgassa subhānupassino.
 Bhiyyo taṇhā pavaḍḍhati,
 Esa kho daḷhaṃ karoti bandhanaṃ.

350. Vitakkūpasame ca yo rato,
 Asubhaṃ bhāvayate sadā sato.
 Esa kho byanti kāhiti,
 Esa checchati mārabandhanan”ti.

Tattha **vitakkamathitassā**ti kāmavitakkādīhi vitakkehi nimmathitassa. **Tibbarāgassā**ti bahalarāgassa. **Subhānupassinoti** iṭṭhārammaṇe subhanimittagāhādivasena vissaṭṭhamānasatāya subhanti anupassantassa. **Taṇhā**ti evarūpassa jhānādīsū ekampi na vaḍḍhati, atha kho chadvārikā taṇhāyeva bhiyyo vaḍḍhati. **Esa khoti** eso puggalo taṇhābandhanaṃ daḷhaṃ suthiraṃ karoti. **Vitakkūpasameti** micchāvitakkādīnaṃ vūpasamasāṅkhāte dasasu asubhesu paṭhamajjhāne. **Sadā satoti** yo ettha abhirato hutvā niccaṃ upaṭṭhitasatitāya sato taṃ asubhajhānaṃ bhāveti. **Byanti kāhīti**

1. Khu 5. 135 piṭṭhe jātake.

esa bhikkhu tīsu bhavesu uppajjanakam taṇham vigatantam karissati.
Mārabandhananti eso tebhūmakavaṭṭasaṅkhātāṃ mārabandhanampi
 chindissatīti attho.

Desanāvasāne so bhikkhu sotāpattiphale patitṭhati, sampattānampi
 sātthikā dhammadesanā ahoṣīti.

Cuḷadhanuggahapaṇḍitavatthu sattamaṃ.

8. Māravatthu

Niṭṭhaṅgatoti imaṃ dhammadesanaṃ Satthā Jetavane viharanto māraṃ
 ārabha kathesi.

Ekadivasañhi vikāle sambahulā therā Jetavanavihāraṃ pavisitvā
 Rāhulatherassa vasanaṭṭhānaṃ gantvā taṃ uṭṭhāpesuṃ. So aññattha
 vasanaṭṭhānaṃ apassanto Tathāgatassa Gandhakuṭiyā pamukhe nipajji. Tada
 so āyasmā arahattaṃ patto avassikova hoti. Māro Vasavattibhavane¹
 ṭhitoyeva taṃ āyasmantaṃ Gandhakuṭipamukhe nipannaṃ disvā cintesi
 “samaṇassa Gotamassa rujanaka-aṅgulī bahi nipanno², sayam
 antogandhakuṭiyam nipanno, aṅguliya pīḷiyamānāya sayampi pīḷito
 bhavissati”ti. So mahantaṃ hatthirājavaṇṇam abhinimminivā āgamma
 soṇḍāya therassa matthakam parikkhipivā mahantena saddena koñcanādam
 ravi. Satthā Gandhakuṭiyam nisinnova tassa mārabhāvam ṇatvā “māra
 tādisānaṃ satahassenāpi mama puttassa bhayam uppādetuṃ na sakkā.
 Putto hi me asantāsī vītataṇho mahāvīriyo mahāpaṇṇo”ti vatvā imā gāthā
 abhāsi—

351. “Niṭṭhaṅgato asantāsī, vītataṇho anaṅgaṇo.

Acchindi bhavasallāni, antimoyam samussayo.

352. Vītataṇho anādāno, niruttipadakovido.

Akkharānaṃ sannipātaṃ, jaññā pubbāparāni ca.

Sa ve ‘antimasārīro,

Mahāpaṇṇo mahāpuriso’ti vuccatī”ti.

1. Vasavattī sabhāvena (Sī)

2. Rujanaka-aṅguliyaṃ bahi nipannāyaṃ (Sī)

Tattha **niṭṭhaṅgato**ti imasmim̄ sāsane pabbajitānaṃ arahattaṃ niṭṭhaṃ nāma, taṃ gato pattoti attho. **Asantāsī**ti abbhantare rāgasantāsādīnaṃ abhāvena asantasanako. **Acchindi bhavasallānī**ti sabbānipi bhavagāmīni sallāni acchindi. **Samussayoti** ayaṃ etassa antimo deho.

Anādānoti khandhādīsū niggahaṇo. **Niruttipadakovidoti** niruttiyañca sesapadesu cāti catūsipi paṭisambhidāsū chekoti attho. **Akkharānaṃ sannipātaṃ, jaññā pubbāparāni cāti** akkharānaṃ sannipātasāṅkhātaṃ akkharapiṇḍaṃ jānāti, pubbakkharena aparakkharaṃ, aparakkharena pubbakkharañca jānāti. Pubbakkharena aparakkharaṃ jānāti nāma—ādimhi paññāyamāne majjhapariyosānesu apaññāyamānesupi “imesaṃ akkharānaṃ idaṃ majjhaṃ, idaṃ pariyosānaṃ”ti jānāti. Aparakkharena pubbakkharaṃ jānāti nāma—ante paññāyamāne ādimajjhesu apaññāyamānesu “imesaṃ akkharānaṃ idaṃ majjhaṃ, ayaṃ ādi”ti jānāti. Majjhapaññāyamānēpi “imesaṃ akkharānaṃ ayaṃ ādi, ayaṃ anto”ti jānāti. Evaṃ mahāpañño. **Sa ve antimasāriro**ti esa koṭiyaṃ ṭhitasāriro, mahantānaṃ atthadhammaniruttipaṭibhānānaṃ¹ sīlakkhandhādīnañca pariggāhikāya paññāya samannāgatattā mahāpañño, “vimuttacittattā khvāhaṃ Sāriputta mahāpurisoti vadāmi”ti² vacanato vimuttacittatāya ca mahāpurisoti vuccatīti attho.

Desanāvasāne bahū sotāpattiphalādīni pāpuṇiṃsu. Māropi pāpimā “jānāti maṃ samaṇo Gotamo”ti tatthevantaradhāyīti.

Māravatthu aṭṭhamaṃ.

9. Upakājīvakavatthu

Sabbābhībhūti imaṃ dhammadesanaṃ Sattā antarāmagge Upakaṃ ājīvakaṃ ārabha kathesi.

Ekasmiñhi samaye Sattā pattasabbaññutaññāṇo Bodhimaṇḍe sattasattāhaṃ vītināmetvā attano pattacīvaramādāya dhammacakkapavattanaṭṭhaṃ Bārāṇasim̄ sandhāya aṭṭhārasayojanamaggaṃ paṭipanno antarāmagge Upakaṃ

1. Atthadhammaniruttipaṭisambhidānaṃ (Sī)

2. Saṃ 3. 137 piṭṭhe.

ājīvakaṃ addasa. Sopi Satthāraṃ disvā “vip̄pasannāni kho te āvuso indriyāni, parisuddho chavivaṇṇo pariyodāto, kaṃsi tvaṃ āvuso uddissa pabbajito, ko vā te Satthā, kassa vā tvaṃ dhammaṃ rocesī”ti pucchi. Athassa Satthā “mayhaṃ upajjhāyo vā ācariyo vā natthī”ti vatvā imaṃ gāthamāha—

353. “Sabbābhibhū sabbavidūhamasmi,
Sabbesu dhammesu anūpalitto.
Sabbañjaho taṇhakkhaye vimutto,
Sayam abhiññāya kamuddiseyyan”ti.

Tattha **sabbābhibhū**ti sabbesaṃ tebhūmakadhammānaṃ abhibhavanato sabbābhibhū. **Sabbavidū**ti viditasabbacatubhūmakadhammo. **Sabbesu dhammesū**ti sabbesupi tebhūmakadhammesu taṇhādiṭṭhīhi anūpalitto. **Sabbañjahoti** sabbe tebhūmakadhamme jahitvā ṭhito. **Taṇhakkhaye vimuttoti** taṇhakkhayante¹ uppādite taṇhakkhayasaṅkhāte arahatte asekhāya vimuttiyā vimutto. **Sayam abhiññāyāti** abhiññeyyādibhede dhamme sayameva jānitvā. **Kamuddiseyyanti** “ayaṃ me upajjhāyo vā ācariyo vā”ti kaṃ nāma uddiseyyanti.

Desanāvasāne Upako ājīvako Tathāgatassa vacanaṃ nevābhinandi, na paṭikkosi. Sīsaṃ pana cāletvā jivhaṃ nillāletvā ekapadikamaggaṃ gahetvā aññataraṃ luddakanivāsanaṭṭhānaṃ agamāsīti.

Upakājīvakavatthu navamaṃ.

10. Sakkapañhavatthu

Sabbadānanti imaṃ dhammadesanaṃ Satthā Jetavane viharanto Sakkam devarājānaṃ ārabba kathesi.

1. Taṇhakkhayaṃ (Ka)

Ekasmiñhi samaye Tāvatisadevaloke devatā sannipatitvā cattāro pañhe samuṭṭhāpesuṃ “katarāṃ dānaṃ nu kho dānesu, kataro raso rasesu, katarā rati ratīsu jeṭṭhakā, taṇhakkhayova kasmā jeṭṭhakoti vuccatī”ti. Te pañhe ekā devatāpi vinicchitūṃ nāsakkhi. Eko pana devo ekaṃ devaṃ, sopi aparanti evaṃ aññamaññaṃ pucchantā dasasu cakkavālasahassesu dvādasa samvaccharāni vicarīmsu. Ettakenāpi kālena pañhānaṃ atthaṃ adisvā dasasahassacakkavāladevatā sannipatitvā catunnaṃ mahārājānaṃ santikaṃ gantvā “kiṃ tātā mahādevatāsannipāto”ti vutte “cattāro pañhe samuṭṭhāpetvā vinicchitūṃ asakkontā tumhākaṃ santikaṃ āgatamhā”ti. Kiṃ pañham nāmetāṃ tātāti. “Dānarasaratīsu katamā dānarasaratī nu kho seṭṭhā, taṇhakkhayova kasmā seṭṭho”ti ime pañhe vinicchitūṃ asakkontā āgatamhāti. Tātā mayampi imesaṃ atthe na jānāma, amhākaṃ pana rājā janasahassena cintite atthe cintetvā taṅkhaṇeneva jānāti, so amhehi paññāya ca puññaena ca visiṭṭho, etha, tassa santikaṃ gacchāmāti tameva devagaṇaṃ ādāya Sakkassa devaraṅgānaṃ santikaṃ gantvā tenāpi “kiṃ tātā mahanto devasannipāto”ti vutte tamatthaṃ ārocesuṃ. “Tātā imesaṃ pañhānaṃ atthaṃ aññopi jānitūṃ na sakkoti, Buddhavisayā hete. Satthā panetarahi kahaṃ viharatī”ti pucchitvā “Jetavane”ti sutvā “etha, tassa santikaṃ gamissāmā”ti devagaṇena saddhiṃ rattibhāge sakalaṃ Jetavanaṃ obhāsetvā Satthāraṃ upasaṅkamtivā vanditvā ekamantaṃ ṭhito “kiṃ mahārāja mahatā devasaṅghena āgatosī”ti vutte “bhante devagaṇena ime nāma pañhā samuṭṭhāpitā, añño imesaṃ atthaṃ jānitūṃ samattho nāma natthi, imesaṃ no atthaṃ pakāsethā”ti āha.

Satthā “sādhu mahārāja, mayā hi pāramiyo pūretvā mahāpariccāge pariccajivvā tumhādisānaṃ kaṅkhachedanattameva sabbaññutaññāṇaṃ paṭividdhaṃ, tayā pucchitapañhesu hi¹ sabbadānānaṃ dhammadānaṃ seṭṭham, sabbarasānaṃ dhammaraso seṭṭho, sabbaratīnaṃ dhammarati seṭṭhā, taṇhakkhayo pana arahattaṃ sampāpakattā seṭṭhoyevā”ti vatvā imaṃ gāthamāha—

1. Pucchitapañhe suṇāhi (Syā), pucchitapañhassa hi (Ka)

354. “Sabbadānaṃ dhammadānaṃ jināti,
 Sabbarasaṃ dhammaraso jināti.
 Sabbaratiṃ dhammarati jināti,
 Taṇhakkhayo sabbadukkhaṃ jināti”ti.

Tattha **sabbadānaṃ dhammadānanti** sacepi hi cakkavāḷagabbhe yāva brahmalokā nirantaraṃ katvā sannisinnānaṃ Buddhapaccekabuddhakhīṇāsavānaṃ kadaligabbhasadisāni cīvarāni dadeyya, tasmim̐ samāgame catuppadikāya gāthāya katānumodanāva seṭṭhā. Taṃ hi dānaṃ tassā gāthāya soḷasiṃ kalaṃ nāgghati. Evaṃ dhammassa desanāpi vācanampi savanampi mahantaṃ. Yena ca puggalena bahūnaṃ taṃ dhammassavanaṃ kāritaṃ, tasseva ānisaṃso mahā. Tathārūpāya eva parisāya paṇṭapīṇḍapātassa patte pūretvā dinnadānatopi sappitelādīnaṃ patte pūretvā dinnabhesajjadānatopi mahāvihārasadisānaṃ vihārānaṃ ca lohapāsādasadisānaṃ pāsādānaṃ anekāni satasahassāni kāretvā dinnasenāsanadānatopi Anāthapīṇḍikādīhi vihāre ārabba katapariccāgatopi antamaso catuppadikāya gāthāya anumodanāvassenāpi pavattitaṃ dhammadānameva varaṃ seṭṭhaṃ. Kim̐ kāraṇā? Evarūpāni hi puññāni karontā dhammaṃ sutvāva karonti, no asutvā. Sace hi ime sattā dhammaṃ na suṇeyyūṃ, uḷūkamattaṃ yāgumpi kaṭacchumattaṃ bhattampi na dadeyyūṃ. Iminā kāraṇena sabbadānehi dhammadānameva seṭṭhaṃ. Apica ṭhapetvā Buddhē ca Paccēkabuddhē ca sakalakappaṃ deve vassante udakabindūni gaṇetuṃ samatthāya paññāya samannāgatā Sāriputtādayopi attano dhammatāya sotāpattiphalādīni adhigantuṃ nāsakkhimsu, Assajittherādīhi kathitadhammaṃ sutvā sotāpattiphalāṃ sacchikarimsu, Satthu dhammadeśanāya sāvakaṃpāramīṇānaṃ sacchikarimsu. Imināpi kāraṇena mahārāja dhammadānameva seṭṭhaṃ. Tena vuttaṃ “**sabbadānaṃ dhammadānaṃ jināti**”ti.

Sabbe pana gandharasādayopirasā ukkaṃsato devatānaṃ sudhābhojanarasopi saṃsāravatṭe pātetvā dukkhānubhavanasseva paccayo. Yo panesa sattatimsabodhipakkhiyadhammasaṅkhāto ca navalokuttaradhammasaṅkhāto ca dhammaraso, ayameva sabbarasānaṃ seṭṭho. Tena vuttaṃ “**sabbarasaṃ dhammaraso**

jināti”ti. Yāpesā puttaratidhīturatidhanarati-itthiratinaccagītavāditādiratipabhedā ca anekappabhedā ratī, sāpi saṃsāravaṭṭe pātetvā dukkhānubhavanasseva paccayo. Yā panesā dhammaṃ kathentassa vā suṇantassa vā vācentassa vā anto uppajjamānā pīti udaggabhāvaṃ janeti, assūni pavatteti, lomahaṃsaṃ janeti, sāyaṃ saṃsāravaṭṭassa antaṃ katvā arahattapariyosānā hoti. Tasmā sabbaratīnaṃ evarūpā dhammaratiyeva seṭṭhā. Tena vuttaṃ **“sabbaratīṃ dhammarati jināti**”ti. Taṇhakkhayo pana taṇhāya khayante uppannaṃ arahattaṃ sakalassapi vaṭṭadukkhasa abhibhavanato sabbasetṭhameva. Tena vuttaṃ **“taṇhakkhayo sabbadukkhaṃ jināti**”ti.

Evam Sathhari imissā gāthāya atthaṃ kathenteyeva caturāsītiyā pāṇasahassānaṃ dhammābhisamayo ahoṣi. Sakkopi Satthu dhammakathaṃ sutvā Sathhāraṃ vanditvā evamāha “bhante evaṃjeṭṭhake nāma dhammadāne kimatthaṃ amhākaṃ pattim na dāpetha, ito paṭṭhāya no bhikkhusaṃghassa kathetvā pattim dāpetha bhante”ti. Sathhā tassa vacanaṃ sutvā bhikkhusaṃghaṃ sannipātetvā “bhikkhave ajjādiṃ katvā mahādhammassavanaṃ vā pakatikadhammassavanaṃ vā¹ upanisinnakathaṃ vā antamaso anumodanampi kathetvā sabbasattānaṃ pattim dadeyyāthā”ti āha.

Sakkapañhavatthu dasamaṃ.

11. Aputtakasetṭhivatthu

Hananti bhogāti imaṃ dhammadesanaṃ Sathhā Jetavane viharanto Aputtakasetṭhiṃ nāma ārabha kathesi.

Tassa kira kālakiriyaṃ sutvā rājā Pasenadi Kosalo “aputtakaṃ sāpateyyaṃ kassa pāpuṇāti”ti pucchitvā “rañño”ti sutvā sattahi divasehi tassa gehato dhanam rājakulaṃ abhiharāpetvā Satthu santikaṃ upasaṅkamtivā “handa kuto nu tvaṃ mahārāja āgacchasi divādivassā”ti vutte “idha bhante Sāvattiyaṃ seṭṭhi gahapati kālakato, tamahaṃ aputtakaṃ sāpateyyaṃ rājantepuraṃ abhiharitvā āgacchāmi”ti āha. Sabbaṃ sutte² āgatanayeneva veditabbaṃ.

1. Pakatidhammasavanaṃ (Sī, Syā)

2. Saṃ 1. 90 piṭṭhādīsu.

So kira suvaṇṇapātiyā nānaggarasabhojane upanīte “evarūpaṃ nāma manussā bhuñjanti, kiṃ tumhe mayā saddhiṃ imasmim̐ gehe keḷim̐ karoṭhā”ti bhojane upaṭṭhite leḍḍudaṇḍādīhi paharivā palāpetvā “idaṃ manussānaṃ bhojanan”ti kaṇājakam̐ bhuñjati biḷaṅgadutiyaṃ. Vatthayānachattesupi manāpesu upaṭṭhāpitesu te manusse leḍḍudaṇḍādīhi paharanto palāpetvā sāṇāni dhāreti, jajjararathakena yāti paṇṇachattakena dhāriyamānenāti evaṃ raññā ārocite Satthā tassa pubbakammaṃ kathesi.

Bhūtapubbaṃ so mahārāja seṭṭhi gahapati Tagarasikhim̐ nāma Paccekabuddham̐ piṇḍapātena paṭipādesi. “Detha samaṇassa piṇḍan”ti vatvā so utṭhāyāsanā pakkāmi. Tasmim̐ kira assaddhe bāle evaṃ vatvā pakkante tassa bhariyā saddhā pasannā “cirassam̐ vata me imassa mukhato ‘dehī’ti vacanam̐ sutam̐, ajja mama manoratham̐ pūrentī piṇḍapātam̐ dassāmī”ti Paccekabuddhassa pattam̐ gahetvā paṇītabhojanassa pūretvā adāsi. Sopi nivattamāno tam̐ disvā “kiṃ samaṇa kiñci te laddhan”ti pattam̐ gahetvā paṇītapīṇḍapātam̐ disvā vipaṭṭisārī hutvā evaṃ cintesi “varametaṃ piṇḍapātam̐ dāsā vā kammakarā vā bhuñjeyyūṃ. Te hi imam̐ bhuñjitvā mayham̐ kammaṃ karissanti, ayaṃ pana gantvā bhuñjitvā niddāyissati, naṭṭho me so piṇḍapāto”ti. So bhātu ca pana ekaputtakam̐ sāpateyyassa kāraṇā jīvitā voropesi. So kirassa aṅgulim̐ gahetvā vicaranto “idaṃ mayham̐ pitusantakam̐ yānakam̐, ayaṃ tassa goṇo”ti-ādīni āha. Atha nam̐ so seṭṭhi “idāni tāvesa evaṃ vadeti, imassa pana vuḍḍhippattakāle imasmim̐ gehe bhoge ko rakkhissatī”ti tam̐ araññaṃ netvā ekasmim̐ gacchamūle gīvāya gahetvā mūlakandaṃ viya gīvaṃ phāletvā māretvā tattheva chaḍḍesi. Idamassa pubbakammaṃ. Tena vuttam̐—

“Yaṃ kho so mahārāja seṭṭhi gahapati Tagarasikhim̐ Paccekabuddham̐ piṇḍapātena paṭipādesi, tassa kammaṃ vipākena sattakkhattuṃ sugatim̐ saggam̐ lokam̐ upapajji, tasseva kammaṃ vipākāvasesena imissāyeva Sāvatthiyā sattakkhattuṃ seṭṭhittam̐ kāresi. Yaṃ kho so mahārāja seṭṭhi gahapati datvā pacchā vipaṭṭisārī ahosi ‘varametaṃ piṇḍapātam̐ dāsā vā kammakarā vā bhuñjeyyūṃ’ti, tassa kammaṃ vipākena nāssuḷārāya

bhattabhogāya cittaṃ namati, nāssuḷārāya vatthabhogāya, nāssuḷārāya yānabhogāya, nāssuḷārānaṃ pañcannaṃ kāmagaṇānaṃ bhogāya cittaṃ namati. Yam kho so mahārāja seṭṭhigahapati bhātu ca pana ekaputtam sāpateyyassa kāraṇā jīvitā voropesi, tassa kammaṃ vipākena bahūni vassasatāni bahūni vassasahassāni bahūni vassasatasahassāni niraye pacchittha, tasseva kammaṃ vipākāvasesena idaṃ sattamaṃ aputtakam sāpateyyaṃ rājakosaṃ paveseti. Tassa kho pana mahārāja seṭṭhissa gahapatissa purāṇaṅca puññaṃ parikkhānaṃ, navaṅca puññaṃ anupacitaṃ. Ajja pana mahārāja seṭṭhigahapati Mahārōruve niraye paccati”ti¹.

Rājā Satthu vacanaṃ sutvā “aho bhante bhāriyaṃ kammaṃ, ettake nāma bhoge vijjamāne neva attanā paribhuñji, na tumhādise Buddhe dhuravihāre viharante puññakammaṃ akāsi”ti āha. Satthā “evametaṃ mahārāja, dummedhapuggalā nāma bhoge labhivā nibbānaṃ na gavesanti, bhoge nissāya uppannataṅhā panete dīgharattaṃ hanatī”ti vatvā imaṃ gāthamāha—

355. “Hananti bhogā dummedhaṃ, no ca pāragavesino.

Bhogataṅhāya dummedho, hanti aññeva attanan”ti.

Tattha **no ca pāragavesinoti** ye pana nibbānapāragavesino puggalā, na te bhogā hananti. **Aññeva attananti** bhoge nissāya uppannāya taṅhāya duppañño puggalo pare viya attānameva hanatīti attho.

Desanāvasāne bahū sotāpattiphalādīni pāpuṇimsūti.

Aputtakaseṭṭhivatthu ekādasamaṃ.

12. Aṅkuravatthu

Tiṇadosānīti imaṃ dhammadesanaṃ Satthā Paṇḍukambalasilāyaṃ viharanto Aṅkuraṃ ārabha kathesi. Vatthu “ye jhānappasutā dhīrā”ti²

1. Sam 1. 92 piṭṭhe.

2. Khu 1. 40 piṭṭhe.

gāthāya vitthāritameva. Vuttañhetam tatha¹ Indakam ārabha. So kira Anuruddhattherassa antogāmam piṇḍāya pavittḥassa attano ābhatam kaṭacchumattakam bhikkham dāpesi. Tadassa puññam Aṅkurena dasavassasahassāni dvādasayojanikam uddhanapantiṃ katvā dinnadānato mahapphalataram jātam. Tasmā evamāha. Evam vutte Satthā “Aṅkura dānam nāma viceyya dātuṃ vaṭṭati, evam tam sukhette suvuttabijam viya mahapphalam hoti. Tvam pana tathā nākāsi, tena te dānam na mahapphalam jātan”ti imamattham vibhāvento—

“Viceyya dānam dātabbam, yattha dinnam mahapphalam.
Viceyya dānam sugatappasattham,
Ye dakkhiṇeyyā idha jīvaloke.
Etesu dinnāni mahapphalāni,
Bijāni vuttāni yathāsukhette”ti²—

Vatvā uttarimpi dhammam desento imā gāthā abhāsi—

356. “Tiṇadosāni khettāni, rāgadosā ayam pajā.

Tasmā hi vītarāgesu, dinnam hoti mahapphalam.

357. Tiṇadosāni khettāni, dosadosā ayam pajā.

Tasmā hi vītadosesu, dinnam hoti mahapphalam.

358. Tiṇadosāni khettāni, mohadosā ayam pajā.

Tasmā hi vītamohesu, dinnam hoti mahapphalam.

359. Tiṇadosāni khettāni, icchādosā ayam pajā.

Tasmā hi vigaticchesu, dinnam hoti mahapphalan”ti.

Tattha **tiṇadosānī**ti sāmākādīni tiṇāni uṭṭhahantāni pubbaṇṇāparaṇṇāni khettāni dūseti, tena tāni na bahuphalāni honti. Evam sattānampi anto rāgo uppajjanto satte dūseti, tena tesu dinnam mahapphalam na hoti. Khīṇāsavesu dinnam pana mahapphalam hoti. Tena vuttam—

1. Dhammapada-Ṭṭha 2. 143 piṭṭhe.

2. Khu 2. 160; Sam 1. 20 piṭṭhesu.

“Tiṇadosāni khattāni, rāgadosā ayaṃ pajā.
Tasmā hi vītarāgesu, dinnam hoti mahapphalan”ti.

Sesagāthāsupi eśeva nayo.

Desanāvasāne Aṅkuro ca Indako ca sotāpattiphale patiṭṭhahimsu,
sappattānampi sātthikā dhammadesanā ahoṣīti.

Aṅkuravatthu dvādasamaṃ.

Taṇhāvaggavaṇṇanā niṭṭhitā.

Catuvīsatiṃ vaggero.

25. Bhikkhuvagga

1. Pañcabhikkhuvatthu

Cakkhunā samvaroti imam dhammadesanam Satthā Jetavane viharanto pañca bhikkhū ārabha kathesi.

Tesu kira ekeko cakkhudvārādīsu pañcasu dvāresu ekekameva rakkhi. Athekadivasam sannipatitvā “aham durakkham rakkhāmi, aham durakkham rakkhāmi”ti vivaditvā “Satthāram pucchitvā imamattham jānissāmā”ti Satthāram upasaṅkamtivā “bhante mayam cakkhudvārādīni rakkhantā attano attano rakkhanadvārameva durakkhanti maññāma, ko nu kho amhesu durakkham rakkhatī”ti pucchimsu. Satthā ekaṃ bhikkhumpi anosādetvā¹ “bhikkhave sabbāni petāni durakkhāneva, apī ca kho pana tumhe na idāneva pañcasu ṭhānesu asaṃvutā, pubbepi asaṃvutā, asaṃvutattāyeva ca paṇḍitānam ovāde avattitvā jīvitakkhayaṃ pāpuṇitthā”ti vatvā “kadā bhante”ti tehi yācito atīte Takkasilajātakassa vatthum vitthāretvā rakkhasīnam vasena rājakule jīvitakkhayaṃ patte pattābhisekena mahāsattena setacchattassa heṭṭhā rājāsane nisinnena attano sirisampattim oloketvā “vīriyam nāmetam sattehi kattabbamevā”ti udānavasena udānitam—

“Kusalūpadese dhitiyā dalhāya ca,
Anivattitattābhayabhīrutāya ca.
Na rakkhasīnam vasamāgamimhase,
Sa sotthibhāvo mahatā bhayena me”ti²—

Imam gātham dassetvā “tadāpi tumheva pañca janā Takkasilāyam rajjagahaṇatthāya nikkhantam mahāsattam āvudhahatthā parivāretvā maggam gacchantā antarāmagge rakkhasīhi cakkhudvārādivasena upanītesu rūpārammaṇādīsu asaṃvutā paṇḍitassa ovāde avattitvā oliyantā rakkhasīhi khādītā jīvitakkhayaṃ pāpuṇittha. Tesu pana ārammaṇesu susaṃvuto piṭṭhito piṭṭhito anubandhantim devavaṇṇim yakkhinim anādiyitvā sotthinā Takkasilam gantvā

1. Anosāretvā anusāretvā (Ka)

2. Khu 5. 31 piṭṭhe Jātake.

rajjaṃ patto rājā ahamevā”ti jātaṃ samodhānetvā “bhikkhave bhikkhunā nāma sabbāni dvārāni saṃvaritabbāni. Etāni hi saṃvaranto eva sabbadukkhā pamuccatī”ti vatvā dhammaṃ desento imā gāthā abhāsi—

360. “Cakkhunā saṃvaro sādhu, sādhu sotena saṃvaro.
Ghānena saṃvaro sādhu, sādhu jivhāya saṃvaro.

361. Kāyena saṃvaro sādhu, sādhu vācāya saṃvaro.
Manasā saṃvaro sādhu, sādhu sabbattha saṃvaro.
Sabbattha saṃvuto bhikkhu, sabbadukkhā pamuccatī”ti.

Tattha **cakkhunā**ti yadā hi bhikkhuno cakkhudvāre rūpārammaṇaṃ āpāthamāgacchati, tadā iṭṭhārammaṇe arajjantassa aniṭṭhārammaṇe adussantassa asamapekkhanena moham anuppādentassa tasmim dvāre saṃvaro thakanam pidahanam gutti katā nāma hoti. Tassa so evarūpo cakkhunā saṃvaro sādhu. Esa nayo sotadvārādīsupi. Cakkhudvārādīsuyeva pana saṃvaro vā asaṃvaro vā nuppajjati, parato pana javanavīthiyam esa labbhati. Tadā hi asaṃvaro uppajjanto assaddhā akkhanti kosajjam muṭṭhasaccaṃ aññāṇanti akusalavīthiyam ayam pañcavidho labbhati. Saṃvaro uppajjanto saddhā khanti vīriyam sati ñāṇanti kuslavīthiyam ayam pañcavidho labbhati.

Kāyena saṃvaroti ettha pana pasādakāyopi copanakāyopi labbhati. Ubhayampi panetaṃ kāyadvārameva. Tattha pasādadvāre saṃvarāsaṃvaro kathitova. Copanadvārepi tamvatthukā pāṇātipāta-adinnādānakāmesumicchācārā. Tehi pana saddhim akusalavīthiyam uppajjantehi tam dvāram asaṃvutam hoti, kuslavīthiyam uppajjantehi pāṇātipātāveramaṇi-ādīhi saṃvutam. **Sādhu vācāyāti** etthāpi copanavācāpi vācā. Tāya saddhim uppajjantehi musāvādādīhi tam dvāram asaṃvutam hoti, musāvādāveramaṇi-ādīhi saṃvutam. **Manasā saṃvaroti** etthāpi javanamanato aññena manena saddhim abhijjhādayo natthi. Manodvāre pana javanakkhaṇe uppajjamānehi abhijjhādīhi tam dvāram asaṃvutam hoti, anabhijjhādīhi saṃvutam hoti. **Sādhu sabbatthāti** tesu cakkhudvārādīsu sabbesupi saṃvaro sādhu. Ettāvata hi aṭṭha saṃvaradvārāni aṭṭha ca asaṃvaradvārāni kathitāni. Tesu aṭṭhasu asaṃvaradvāresu ṭhito bhikkhu

sakalavaṭṭamūlakadukkhato na muccati, saṁvaradvāresu pana ṭhito sabbasmāpi vaṭṭamūlakadukkhā muccati. Tena vuttaṁ “sabbattha saṁvuto bhikkhu, sabbadukkhā pamuccati”ti.

Desanāvasāne te pañca bhikkhū sotāpattiphale patiṭṭhahimsu, sampattānampi sātthikā dhammadesanā ahoṣīti.

Pañcabhikkhuvatthu paṭhamam.

2. Haṁsaghātakabhikkhuvatthu

Hatthasamyatoti imaṁ dhammadesanaṁ Sattā Jetavane viharanto ekaṁ haṁsaghātaṁ bhikkhuṁ ārabha kathesi.

Sāvattvivāsino kira dve saḥāyakā bhikkhūsu pabbajitvā laddhūpasampadā yebhuyyena ekato vicaranti. Te ekadivasaṁ Aciravatim gantvā nhatvā ātape tappamānā sāraṇīyakathaṁ kathentā aṭṭhamso. Tasmim̐ khaṇe dve haṁsā ākāseṇa gacchanti. Atheko daharabhikkhu sakkharaṁ gahetvā “ekassa haṁsapotakassa akkhiṁ paharissāmī”ti āha, itaro “na sakkhissasī”ti āha. Tiṭṭhatu imasmim̐ passe akkhi, parapasse akkhiṁ paharissāmīti. Idampi na sakkhissasiyevāti. “Tena hi upadhārehī”ti dutiyam¹ sakkharaṁ gahetvā haṁsassa pacchābhāge khipi, haṁso sakkharasaddaṁ sutvā nivattitvā olokesi. Atha naṁ itaraṁ vaṭṭasakkharaṁ gahetvā parapasse akkhiṁhi paharitvā orimakkhinā nikkhāmesi. Haṁso viravanto parivattitvā tesam̐ pādamūleyeva pati. Tattha tattha ṭhitā bhikkhū disvā “āvuso Buddhasāsane pabbajitvā ananucchavikaṁ vo kataṁ paṇātipātaṁ karontehī”ti vatvā te ādāya gantvā Tathāgatassa dassesuṁ.

Sattā “saccaṁ kira tayā bhikkhu paṇātipāto kato”ti pucchitvā “saccaṁ bhante”ti vutte “bhikkhu kasmā evarūpe niyyānikasāsane pabbajitvā evamakāsi, porāṇakapaṇḍitā anuppanne Buddhē

1. Tiyantam (St)

agāramajjhe vasamānā appamattakesupi ṭhānesu kukkucçaṃ karim̄su, tvaṃ
pana evarūpe Buddhasāsane pabbajitvā kukkucçaṃ attampi na akāsī”ti vatvā
tehi yācito atītaṃ āhari.

Atīte Kururaṭṭhe Indapattanagare Dhanañcaye¹ rajjaṃ kārente
bodhisatto tassa aggamaheṣiyā kucchismiṃ paṭisandhiṃ gahetvā
anupubbena viññutaṃ patto Takkasilāyaṃ sippāni uggahetvā pitarā uparajje
paṭiṭṭhāpito aparabhāge pitu accayena rajjaṃ patvā dasa rājadhamme
akopento kurudhamme² vattittha. Kurudhammo³ nāma pañcasilāni, tāni
bodhisatto parisuddhāni katvā rakkhi. Yathā ca bodhisatto, evamassa mātā
aggamaheṣī kaniṭṭhabhātā uparājā purohito brāhmaṇo rajjugāhako amacco
sārathi seṭṭhi Doṇamāpako mahāmatto Dovāriko nagarasobhinī vaṇṇadāsīti
evametesu ekādasasu janesu kurudhammaṃ rakkhantesu Kaliṅgaratṭhe
Dantapuraganare Kaliṅge rajjaṃ kārente tasmim̄ ratṭhe devo na vassi.
Mahāsattassa pana Añjanasannibho⁴ nāma maṅgalaṭṭhī mahāpuñño hoti.
Raṭṭhavāsino “tasmim̄ ānīte devo vassissatī”ti saññāya rañño ārocayim̄su.
Rājā tassa hatthissa ānayanatthāya brāhmaṇe paṇiṇi. Te gantvā mahāsattaṃ
hatthim̄ yācim̄su. Satthā tesam̄ yācanakāraṇaṃ dassetuṃ āha—

“Tava saddhañca silañca, viditvāna janādhipa.

Vaṇṇaṃ añjanavaṇṇena, Kaliṅgasmim̄ nimimhase”ti⁵—

Imaṃ Tikanipāte jātaṃ kathesi. Hatthimhi pana ānītepi deve avassante
“so rājā kurudhammaṃ rakkhati, tenassa ratṭhe devo vassatī”ti saññāya
“yaṃ so kurudhammaṃ rakkhati, taṃ suvaṇṇapaṭṭe likhitvā ānethā”ti puna
Kālīṅgo brāhmaṇe ca amacce ca pesesi. Tesu gantvā yācantesu rājānaṃ
ādim̄ katvā sabbepi te attano attano sīlesu kiñci kukkucçaṃ attam̄ katvā
“aparissuddhaṃ no sīlan”ti paṭikkhipitvāpi “na ettāvatā sīlabhedo hotī”ti tehi
punappunaṃ yācitā attano attano sīlāni kathayim̄su. Kālīṅgo suvaṇṇapaṭṭe
likhāpetvā

1. Dhanañjaye (Sī)

2. Garudhamme (Ka)

3. Garudhammo (Ka)

4. Añjanavasabho (Sī, Syā)

5. Khu 5. 81 piṭṭhe.

ābhataṃ kurudhammaṃ disvāva samādāya sādhukaṃ pūresi. Tassa raṭṭhe devo pāvassi, raṭṭhaṃ khemaṃ subhikkhaṃ ahosi. Satthā imaṃ atītaṃ āharitvā—

“Gaṇikā Uppalavaṇṇā, Puṇṇo Dovāriko tadā.
Rajjugāho ca kaccāno, Doṇamāpako ca Kolito.
Sāriputto tadā seṭṭhī, Anuruddo ca sārathī.
Brāhmaṇo Kassapo thero, uparājā’ nandapaṇḍito.
Mahesī Rāhulamātā, Māyādevī janettikā.
Kururājā bodhisatto, evaṃ dhāretha jātakaṃ”ti—

Jātakaṃ samodhānetvā “bhikkhu evaṃ pubbepi paṇḍitā appamattakepi kukkucce uppanne attano sīlabhede āsaṅkaṃ karimsu, tvaṃ pana mādisassa Buddhassa sāsane pabbajitvā paṇātipātaṃ karonto atibhāriyaṃ kammamakāsi, bhikkhunā nāma hatthehi pādehi vācāya ca saṃyatena bhavitabban”ti vatvā imaṃ gāthamāha—

362. “Hatthasaṃyato pādasāṃyato,
Vācāsaṃyato saṃyatuttamo.
Ajjhattarato samāhito,
Eko santusito tamāhu bhikkhun”ti.

Tattha **hatthasaṃyato**ti hatthakīḷāpanādīnaṃ vā hatthena paresaṃ paharaṇādīnaṃ vā abhāvena hatthasaṃyato. Dutiyapadepe eseva nayo. Vācāya pana musāvādādīnaṃ akaraṇato vācāya saṃyato. **Saṃyatuttamoti** saṃyatattabhāvo, kāyacalanasīsukkipanabhamukavikārādīnaṃ akārakoti attho. **Ajjhattarato**ti gocarajjhattasaṅkhātāya kammaṭṭhānabhāvanāya rato. **Samāhitoti** suṭṭhu ṭhapito. **Eko santusitoti** ekavihārī hutvā suṭṭhu tusito vipassanācārato paṭṭhāya attano adhigamena tuṭṭhamānaso. Puthujjanakalyāṇakaṃ hi ādīm katvā sabbepi sekhā attano adhigamena santussantīti santusitā, arahā pana ekantasantusitova. Taṃ sandhāyetaṃ vuttaṃ.

Desanāvasāne bahū sotāpattiphalādīni pāpuṇimsūti.

Hamsaghātakabhikkhuvatthu dutiyaṃ.

3. Kokālikavatthu

Yo mukhasaṃyatoti imañ dhammadesanaṃ Satthā Jetavane viharanto Kokālikam ārabha kathesi. Vatthu “atha kho Kokāliko bhikkhu yena Bhagavā tenupasaṅkamī”ti sutte¹ āgatameva. Atthopissa Aṭṭhakathāya vuttanayeneva vedītabbo.

Kokālike pana Padumaniraye uppanne dhammasabhāyaṃ katham samuṭṭhāpesum “aho Kokāliko bhikkhu attano mukham nissāya vināsam patto, dve aggasāvake akkosantasseva hissa pathavī vivaram adāsī”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave idāneva, pubbepi Kokāliko bhikkhu attano mukhameva nissāya naṭṭho”ti vatvā tamattham sotukāmehi bhikkhūhi yācito tassa pakāsanattham atītam āhari.

Atīte Himavantapadesa ekasmiṃ sare kacchapo vasati. Dve haṃsapotakā gocarāya carantā tena saddhim viśāsam katvā dalhaviśāsikā hutvā ekadivasaṃ kacchapaṃ pucchimsu “samma amhākaṃ Himavante Cittakūṭapabbatatale² Kañcanaguhāya vasanaṭṭhānaṃ, ramaṇiyo padeso, gacchissasi amhehi saddhin”ti. Samma aham katham gamissāmīti. Mayam tam nessāma, sace mukham rakkhitum sakkhissasīti. Rakkhissāmi, sammā gahetvā maṃ gacchathāti. Te “sādhū”ti vatvā ekaṃ daṇḍakaṃ kacchapena ḍaṃsāpetvā sayam tassa ubho koṭiyo ḍaṃsitvā ākāsaṃ pakkhandimsu. Tam tathā haṃsehi nīyamānaṃ gāmadārakā disvā “dve haṃsā kacchapaṃ daṇḍena harantī”ti āhaṃsu. Kacchapo “yadi maṃ sahāyakā nenti, tumhākaṃ ettha kiṃ hoti duṭṭhaceṭakā”ti vattukāmo haṃsānaṃ sīghavegatāya Bārāṇasinagare rājanivesanassa uparibhāgaṃ sampattakāle daṭṭhaṭṭhānato daṇḍakaṃ viśajjetvā ākāsaṅgaṇe³ patitvā dvedhā bhijji. Satthā imam atītam āharitvā—

1. Saṃ 1. 152; Khu 1. 379; Am 3. 393 piṭṭhesu.

2. Cittakūṭapabbatapāde (Ka)

3. Rājaṅgaṇe (Syā)

“Avadhī vata attānaṃ, kacchapo byāharaṃ giraṃ.
Suggahītasmiṃ kaṭṭhasmiṃ, vācāya sakiyā’vadhī.

Etampi disvā naravīriyaseṭṭha,
Vācaṃ pamañce kusalaṃ nātiavelaṃ.
Passasi bahubhāṇena,
Kacchapaṃ byasanaṃ gatan”ti¹.

Imaṃ Dukanipāte **Bahubhāṇijātakam** vitthāretvā “bhikkhave bhikkhunā
nāma mukhasaṃyateṇa samacārinā anuddhatena nibbutacittena
bhavitabban”ti vatvā imaṃ gāthamāha—

363. “Yo mukhasaṃyato bhikkhu, mantabhāṇī anuddhato.
Atthaṃ dhammañca dīpeti, madhuraṃ tassa bhāsitaṃ”ti.

Tattha **mukhasaṃyato**ti dāsacaṇḍālādayopi “tvaṃ dujjāto, tvaṃ
dussīlo”ti-ādīnaṃ avacanaṭṭhāya mukhena saṃyato. **Mantabhāṇī**ti mantā
vuccati paññā, tāya bhaṇanasīlo. **Anuddhatoti** nibbutacitto. **Atthaṃ**
dhammañca dīpetiti bhāsitaṭṭhañceva desanādhammañca katheti.
Madhuranti evarūpassa bhikkhuno bhāsitaṃ madhuraṃ nāma. Yo pana
atthameva sampādeti, na Pāḷiṃ, Pāḷiṃyeva sampādeti, na atthaṃ, ubhayaṃ
vā pana na sampādeti, tassa bhāsitaṃ madhuraṃ nāma na hotīti.

Desanāvasāne bahū sotāpattiphalādīni pāpuṇimsūti.

Kokālikavatthu tatiyaṃ.

4. Dhammārāmattheravatthu

Dhammārāmoti imaṃ dhammadesanaṃ Satthā Jetavane viharanto
Dhammārāmattheraṃ ārabha katesi.

Satthārā kira “ito me catumāsaccayena parinibbānaṃ bhavissatī”ti
ārocite anekasahassā bhikkhū Satthāraṃ parivāretvā vicarimsu. Tattha

1. Khu 5. 58 piṭṭhe.

puthujjanā bhikkhū assūni sandhāretum nāsakkhimsu, khīṇāsavānaṃ dhammasaṃvego uppajji. Sabbepi “kiṃ nu kho karissāmā”ti vaggabandhanena vicaranti. Eko pana Dhammārāmo nāma bhikkhu bhikkhūnaṃ santikaṃ na upasaṅkamati. Bhikkhūhi “kiṃ āvuso”ti vuccamāno paṭivacanampi adatvā “Satthā kira catumāsaccayena parinibbāyissati, ahañcamhi avītarāgo, Satthari dharamāneyeva vāyāmitvā arahattaṃ pāpuṇissāmī”ti ekakova viharanto Satthārā desitaṃ dhammaṃ āvajjeti cinteti anussarati. Bhikkhū Tathāgatassa ārocesum “bhante Dhammārāmassa tumhesu sinehamattampi natthi, ‘Satthā kira parinibbāyissati, kiṃ nu kho karissāmā’ti amhehi saddhiṃ sammantanamattampi¹ na karotī”ti. Satthā taṃ pakkosāpetvā “saccaṃ kira tvaṃ evaṃ karosī”ti pucchi. Saccaṃ bhanteti. Kiṃ kāraṇāti. Tumhe kira catumāsaccayena parinibbāyissatha, ahañcamhi avītarāgo, tumhesu dharantesuyeva vāyāmitvā arahattaṃ pāpuṇissāmīti tumhehi desitaṃ dhammaṃ āvajjāmi cintemi anussarāmīti.

Satthā “sādhu sādhu”ti tassa sādhu kāraṃ datvā “bhikkhave aññenāpi mayi sinehavantena bhikkhunā nāma Dhammārāmasadiseneva bhavitabbaṃ. Na hi mayhaṃ mālāgandhādīhi pūjaṃ karontā mama pūjaṃ karonti nāma, dhammānudhammaṃ paṭipajjantāyeva pana maṃ pūjenti nāmā”ti vatvā imaṃ gāthamāha—

364. “Dhammārāmo dhammarato, dhammaṃ anuvicintayaṃ.

Dhammaṃ anussaraṃ bhikkhu, saddhammā na parihāyati”ti.

Tattha nivāsanatṭhena samathavipassanādhammo ārāmo assāti **dhammārāmo**. Tasmimīyeva dhamme ratoti **dhammarato**. Tasseva dhammassa punappunaṃ vicintanāyā **dhammaṃ anuvicintayaṃ**, taṃ dhammaṃ āvajjento manasikarontoti attho. **Anussaranti** tameva dhammaṃ anussaranto. **Saddhammāti** evarūpo bhikkhu sattatimsabhedā bodhipakkhiyadhammā navavidhalokuttaradhammā ca na parihāyatīti attho.

Desanāvasāne so bhikkhu arahatte patiṭṭhahi, sampattānampi sātthikā dhammadesanā ahoṣīti.

Dhammārāmattheravatthu catutthaṃ.

1. Saṃsandanamattampi (Ka)

5. Vipakkhasevakabhikkhuvatthu

Salābhanti imam dhammadesanam Satthā Veļuvane viharanto aññataram vipakkhasevakam bhikkhum ārabba kathesi.

Tassa kireko Devadattapakkhiko bhikkhu sahāyo ahosi. So tam bhikkhūhi saddhim piṇḍāya caritvā katabhattakiccam āgacchantam disvā “kuhim gatosī”ti pucchi. Asukaṭṭhānam nāma piṇḍāya caritunti. Laddho te piṇḍapātoti. Āma laddhoti. Idha amhākam mahālābhasakkāro, katipāham idheva hohīti. So tassa vacanena katipāham tattha vasitvā sakaṭṭhānameva agamāsi. Atha nam bhikkhū “ayam bhante Devadattassa uppannalābhasakkāram paribhuñjati, Devadattassa pakkhiko eso”ti Tathāgatassa ārocesum. Satthā tam pakkosāpetvā “saccam kira tvam evamakāsī”ti pucchi. Āma bhante, aham tattha ekam daharam nissāya katipāham vasim, na ca pana Devadattassa laddhim rocemīti. Atha nam Bhagavā “kiñcāpi tvam laddhim na rocesi, diṭṭhadiṭṭhakānamyeva pana laddhim rocento viya vicarasi. Na tvam idāneva evam karosi, pubbepi evarūpoyevā”ti vatvā “idāni tāva bhante amhehi sāmam diṭṭho, pubbe panesa kesam laddhim rocento viya vicari, ācikkhatha no”ti bhikkhūhi yācito atītam āharitvā—

“Purāṇacorāna vaco nisamma,
Mahilāmukho pothayamanvacārī.
Susaññatānam hi vaco nisamma,
Gajuttamo sabbaguṇesu aṭṭhā”ti¹—

Imam **Mahilāmukhajātakam** vitthāretvā “bhikkhave bhikkhunā nāma sakalābheneva santuṭṭhena bhavitabbam, paralābham patthetum na vaṭṭati. Paralābham patthentassa hi jhānavipassanāmaggaphalesu ekadhammopi nuppajjati, sakalābhasantuṭṭhasseva pana jhānādīni uppajjantī”ti vatvā dhammam desento imā gāthā abhāsi—

365. “Salābham nātimaññeyya, nā’ññesam pihayam care.
Aññesam pihayam bhikkhu, samādhim nādhigacchati.

1. Khu 5. 7 piṭṭhe.

366. Appalābhopi ce bhikkhu, salābham nātimaññati.

Taṃ ve devā pasamsanti, suddhājīviṃ atanditaṃ”ti.

Tattha **salābhanti** attano uppajjanakalābham. Sapadānacāram hi parivajjetvā anesanāya jīvikam kappento salābham atimaññati hīleti jigucchati nāma. Tasmā evaṃ akaraṇena salābham nātimaññeyya. **Aññesaṃ vihayanti** aññesaṃ lābham patthento na careyyāti attho. **Samādhiṃ nādhigacchatīti** aññesañhi lābham pihayanto tesam cīvarādikaraṇe ussukkam āpanno bhikkhu appanāsamādhiṃ vā upacārasamādhiṃ vā nādhigacchati. **Salābham nātimaññatīti** appalābhopi samāno uccanīcakule paṭipāṭiyā sapadānam caranto bhikkhu salābham nātimaññati nāma. **Taṃ veti** taṃ evarūpaṃ bhikkhum sārājīvitatāya suddhājīviṃ jaṅghabalam nissāya jīvitakappanena akusītatāya atanditaṃ devā pasamsanti thomentīti attho.

Desanāvasāne bahū sotāpattiphalādīni pāpuṇimsūti.

Vipakkhasevakabhikkhuvatthu pañcamam.

6. Pañcaggadāyakabrāhmaṇavatthu

Sabbasoti imaṃ dhammadeśanam Satthā Jetavane viharanto Pañcaggadāyakaṃ nāma brāhmaṇam ārabha kathesi.

So kira sasse khetto ṭhitakāleyeva¹ khettaggaṃ nāma deti, khalakāle khalaggaṃ nāma deti, khalabhaṇḍakāle khalabhaṇḍaggaṃ nāma deti, ukkhalikakāle kumbhaggaṃ nāma deti, pāṭiyam vaḍḍhitakāle pātaggaṃ nāma detīti imāni pañca aggadānāni deti, sampattassa adatvā nāma na bhuñjati. Tenassa **Pañcaggadāyakotveva** nāmaro ahosi. Satthā tassa ca brāhmaṇiyā cassa tiṇṇam phalānam upanissayam disvā brāhmaṇassa bhojanavelāyam gantvā dvāre aṭṭhāsi. Sopi dvārapamukhe antogehābhimukho nisīditvā bhuñjati, Satthāram dvāre ṭhitam na passati. Brāhmaṇi pana taṃ parivissamānā Satthāram disvā cintesi “ayam brāhmaṇo

1. Sassakhettaṃ sodhitakāleyeva (Syā), sassakhettaṃ sodhitakāleyeva (Ka)

pañcasu ṭhānesu aggaṃ datvā bhuñjati, idāni ca samaṇo Gotamo āgantvā dvāre ṭhito. Sace brāhmaṇo etaṃ disvā attano bhattaṃ haritvā dassati, punapāhaṃ pacitum na sakkhissāmi”ti. Sā “evaṃ ayaṃ samaṇaṃ Gotamaṃ na passissati”ti Satthu piṭṭhiṃ datvā tassa pacchato taṃ paṭicchādentī onamitvā puṇṇacandaṃ pāṇinā paṭicchādentī viya aṭṭhāsi. Tathā ṭhitā eva ca pana “gato nu kho no”ti Satthāraṃ aḍḍhakkhikena olokesi. Satthā tattheva aṭṭhāsi. Brāhmaṇassa pana savanabhayena “aticchathā”ti na vadeti, osakkitvā pana saṇikameva “aticchathā”ti āha. Satthā “na gamissāmi”ti sīsaṃ cālesi. Lokagarunā Buddhena “na gamissāmi”ti sīse cālīte sā sandhāretum asakkontī mahāhasitaṃ hasi. Tasmim̃ khaṇe Satthā gehābhimukhaṃ obhāsaṃ muñci. Brāhmaṇopi piṭṭhiṃdatvā nisinnoyeva brāhmaṇiyā hasitasaddaṃ sutvā chabbaṇṇānaṅca rasmīnaṃ obhāsaṃ oloketvā Satthāraṃ addasa. Buddhā hi nāma gāme vā araṅṅe vā hetusampannānaṃ attānaṃ adassetvā na pakkamanti. Brāhmaṇopi Satthāraṃ disvā “bhoti nāsitomhi tayā, rājaputtaṃ āgantvā dvāre ṭhitaṃ mayhaṃ anācikkhantiyā bhāriyaṃ te kammaṃ katan”ti vatvā aḍḍhabhuttaṃ bhojanapātiṃ ādāya Satthu santikaṃ gantvā “bho Gotama ahaṃ pañcasu ṭhānesu aggaṃ datvāva bhuñjāmi, ito ca me majjhe bhinditvā ekova bhattakoṭṭhāso bhutto, eko koṭṭhāso avasiṭṭho, paṭiggaṇhissasi me idaṃ bhattaṃ”ti. Satthā “na me tava ucchiṭṭhabhattena attho”ti avatvā “brāhmaṇa aggampi mayhameva anucchavikaṃ, majjhe bhinditvā aḍḍhabhuttabhattampi, carimakabhattapiṇḍopi mayhameva anucchaviko. Mayaṃ hi brāhmaṇa paradattūpajīvipetasadisā”ti vatvā imaṃ gāthamāha—

“Yadaggato majjhato sesato vā,
Piṇḍaṃ labhetha paradattūpajīvī.
Nālaṃ thutum¹ nopi nipaccavādī,
Taṃ vāpi dhīrā muni vedayanti”ti².

Brāhmaṇo taṃ sutvāva pasannacitto hutvā “aho acchariyaṃ, dīpasāmiko nāma rājaputto ‘na me tava ucchiṭṭhabhattena attho’ti avatvā evaṃ vakkhati”ti dvāre ṭhitakova Satthāraṃ pañhaṃ pucchi “bho

1. Nālattha taṃ (Sī)

2. Khu 1. 310 piṭṭhe.

Gotama tumhe attano sāvake bhikkhūti vadatha, kittāvatā bhikkhu nāma hotī”ti. Sathā “kathamrūpā nu kho imassa dhammadesanā sappāyā”ti upadhārento “ime dvepi janā Kassapabuddhakāle ‘nāmarūpan’ti vadantānaṃ katham suṇimsu, nāmarūpaṃ avissajjitvāva nesam dhammaṃ desetum vaṭṭatī”ti “brāhmaṇa nāme ca rūpe ca¹ arajjanto asajjanto asocanto bhikkhu nāma hotī”ti vatvā imaṃ gāthamāha—

367. “Sabbaso nāmarūpasmiṃ, yassa natthi mamāyitaṃ.
Asatā ca na socati, save ‘bhikkhū’ti vuccatī”ti.

Tattha **sabbasoti** sabbasmimpi vedanādīnaṃ catunnaṃ, rūpakkhandhassa cāti pañcannaṃ khandhānaṃ vasena pavatte nāmarūpe. **Mamāyitanti** yassa ahanti vā mamanti vā gāho natthi. **Asatā ca na socatīti** tasmim ca nāmarūpe khayavayaṃ patte “mama rūpaṃ khīṇaṃ, -pa- mama viññāṇaṃ khīṇaṃ”ti na socati na vihaññati, “khayavayadhammaṃ me² khīṇaṃ”ti passati. **Sa veti** so evarūpo vijjamānepi³ nāmarūpe mamāyitarahitopi asatāpi tena asocanto bhikkhūti vuccatīti attho.

Desanāvasāne ubhopi jayampatikā anāgāmiphale patiṭṭhahimsu, sampattānampi sātthikā dhammadesanā ahoṣīti.

Pañcaggadāyakabrāhmaṇavatthu chaṭṭham.

7. Sambahulabhikkhuvatthu

Mettāvihārīti imaṃ dhammadesanaṃ Sathā Jetavane viharanto sambahule bhikkhū ārabha katesi.

Ekasmim hi samaye āyasmante Mahākaccāne Avantijanapade Kuraragharaṃ⁴ nissāya Pavattapabbate viharante Soṇo nāma koṭikaṇṇo upāsako therassa dhammakathāya pasīditvā therassa santike

1. Nāmarūpe (Syā)

3. Bhijjamānepi (Ka)

2. Khayavayadhamameva (Syā)

4. Kulagharanagaraṃ (Ka)

pabbajitukāmo therena “dukkaram kho Soṇa yāvajīvaṃ ekabhattaṃ ekaseyyaṃ brahmacariyaṃ”ti vatvā dve vāre paṭikkhittopi pabbajjāya ativiya ussāhajāto tatiyavāre theram yācitvā pabbajitvā appabhikkhukattā dakkhiṇāpathe tiṇṇaṃ vassānaṃ accayena laddhūpasampado Satthāraṃ sammukhā daṭṭhukāmo hutvā upajjhāyaṃ āpucchitvā tena dinnam sāsanaṃ gahetvā anupubbena Jetavanaṃ gantvā Satthāraṃ vanditvā katapaṭisanthāro Satthārā ekagandhakuṭiyamiyeva anuññātasenāsano bahudeva rattim ajjhokāse vītināmetvā rattibhāge Gandhakuṭim pavisitvā attano pattasenāsane taṃ rattibhāgaṃ vītināmetvā paccūsasamaye Satthārā ajjhittṭho soḷasa aṭṭhakavaggikāni¹ sabbāneva sarabhaññaena abhaṇi. Athassa Bhagavā sarabhaññapariyosāne abbhānumodento “sādhu sādhu bhikkhū”ti sādhu-kāraṃ adāsi. Satthārā dinnasādhu-kāraṃ sutvā bhūmaṭṭhakadevā nāgā supaṇṇāti evaṃ yāva brahmalokā ekasādhu-kārameva ahoṣi.

Tasmim khaṇe Jetavanato vīsayojanasatamatthake Kuraragharanagare therassa mātu mahā-upāsikāya gehe adhivatthā devatāpi mahantena saddena sādhu-kāramadāsi. Atha naṃ upāsikā āha “ko esa sādhu-kāraṃ deti”ti. Ahaṃ bhaginīti. Kosi tvanti. Tava gehe adhivatthā devatāti. Tvaṃ ito pubbe mayhaṃ sādhu-kāraṃ adatvā ajja kasmā desīti. Nāhaṃ tuyhaṃ sādhu-kāraṃ dammīti. Atha kassa te sādhu-kāro dinnoti. Tava puttassa koṭikaṇṇassa Soṇattherassāti. Kim me puttena katanti. Putto te ajja Satthārā saddhim ekagandhakuṭiyaṃ vasitvā dhammaṃ desesi, Satthā tava puttassa dhammaṃ sutvā pasanno sādhu-kāramadāsi. Tenassa mayāpi sādhu-kāro dinno. Sammāsambuddhassa hi sādhu-kāraṃ sampaṭicchitvā bhūmaṭṭhakadeve ādim katvā yāva brahmalokā ekasādhu-kārameva jātanti. Kim pana sāmi mama puttena Satthu dhammo kathito, Satthārā mama puttassa kathitoti. Tava puttena Satthu kathitoti. Evaṃ devatāya kathenti yāva upāsikāya pañcavaṇṇā pīti uppajjitvā sakalasarīraṃ phari.

Athassā etadahosi “sace me putto Satthārā saddhim ekagandhakuṭiyaṃ vasitvā Satthu dhammaṃ kathetuṃ sakkhi, mayhampi kathetuṃ

1. Khu 1. 399 piṭṭhe.

sakkhissatiyeva. Puttassa āgatakāle dhammassavanam kāretvā dhammakatham suṇissāmī”ti. Soṇattheropi kho Satthārā sādhuḥkāre dinne “ayam me upajjhāyena dinnasāsanam ārocetum kālo”ti Bhagavantam paccantimesu janapadesu vinayadharapañcamena gaṇena upasampadam ādim katvā¹ pañca vare yācitvā katipāham Satthu santikeyeva vasitvā “upajjhāyam passisāmī”ti Satthāram āpucchitvā Jetavanā nikkhamitvā anupubbena upajjhāyassa santikam agamāsi.

Thero punadivase tam ādāya piṇḍāya caranto mātu upāsikāya gehadvāram agamāsi. Sāpi puttam disvā tuṭṭhamānasā vanditvā sakkaccam parivisitvā pucchi “saccam kira tvam tāta Satthārā saddhim ekagandhakuṭiyam vasitvā Satthu dhammakatham kathesi”ti. Upāsike tuyham kena idam kathitanti. Tāta imasmim gehe adhivatthā devatā mahantena saddena sādhuḥkāram datvā mayā “ko eso”ti vutte “ahan”ti vatvā evaṅca evaṅca kathesi. Tam sutvā mayham etadahosi “sace me putto Satthu dhammakatham kathesi, mayhampikathetum sakkhissatī”ti. Atha nam āha “tāta yato tayā Satthu sammukhā dhammo kathito, mayhampi kathetum sakkhissasi eva. Asukadivase nāma dhammassavanam kāretvā tava dhammam suṇissāmi tātā”ti. So adhivāsesi. Upāsikā bhikkhusamghassadānam datvā pūjam katvā “puttassa me dhammakatham suṇissāmī”ti ekameva dāsim geharakkhikam ṭhapetvā sabbam parijanam ādāya antonagare dhammassavanatthāya kārīte maṇḍape alaṅkatadhammāsanam abhiruyha dhammam desentassa puttassa dhammakatham sotum agamāsi.

Tasmim pana kāle navasatā corā tassā upāsikāya gehe otāram² olokentā vicaranti. Tassā pana geham sattahi pākārehi parikkhittam saddadvārakoṭṭhakayuttam, tattha tesu tesu ṭhānesu caṇḍasunakhe bandhitvā ṭhapayimsu. Antogehe chadanassa udakapātaṭṭhāne pana parikham khaṇitvā tipunā pūrayimsu. Tam divā ātapena vilīnam pakkuthitam viya tiṭṭhati, rattim kathinam³ kakkhaḷam hutvā tiṭṭhati. Tassānantarā mahantāni ayasaṅghāṭakāni nirantaram bhūmiyam odahiṃsu. Iti imaṅcārakkham upāsikāya ca antogehe ṭhitabhāvam paṭicca te corā okāsam alabhantā tam divasam gatabhāvam ṇatvā umaṅgam bhinditvā

1. Vi 3. 287 piṭṭhe.

2. Okāsam (Syā, Ka)

3. Tikhiṇam (Sī), thīnam (Syā)

tipuparikhāya ca ayasaṅghāṭakānañca heṭṭhābhāgeneva gehaṃ pavisitvā corajeṭṭhakaṃ tassā santikaṃ pahīṃsu “sace sā amhākaṃ idha pavitṭhabhāvaṃ sutvā nivattitvā gehābhimukhī āgacchati, asinā naṃ paharitvā mārethā”ti. So gantvā tassā santike aṭṭhāsi.

Corāpi antogehe dīpaṃ jāletvā kahāpaṇagabbhadvāraṃ vivarīṃsu. Sā dāsī core disvā upāsikāya santikaṃ gantvā “ayye bahū corā gehaṃ pavisitvā kahāpaṇagabbhadvāraṃ vivarīṃsū”ti ārocesi. “Corā attanā diṭṭhakahāpaṇe harantu, ahaṃ mama puttassa dhammakathaṃ suṇāmi, mā me dhammassa antarāyaṃ kari, gehaṃ gacchā”ti taṃ pahīṃ. Corāpi kahāpaṇagabbhaṃ tucchaṃ katvā rajatagabbhaṃ vivarīṃsu. Sā punapi gantvā tamatthaṃ ārocesi. Upāsikāpi “corā attanā icchitaṃ harantu, mā me antarāyaṃ kari”ti puna taṃ pahīṃ. Corā rajatagabbhampi tucchaṃ katvā suvaṇṇagabbhaṃ vivarīṃsu. Sā punapi gantvā upāsikāya tamatthaṃ ārocesi. Atha naṃ upāsikā āmantetvā “bhoti je tvaṃ anekavāraṃ mama santikaṃ āgatā, ‘corā yathārucitaṃ harantu, ahaṃ mama puttassa dhammakathaṃ suṇāmi, mā me antarāyaṃ kari’ti mayā vuttāpi mama kathaṃ anādiyitvā punappunaṃ āgacchasiyeva. Sace idāni tvaṃ āgacchissasi, jānissāmi te kattabbaṃ, gehameva gacchā”ti pahīṃ.

Corajeṭṭhako tassā kathaṃ sutvā “evarūpāya itthiyā santakaṃ harantānaṃ asani patitvā matthakaṃ bhindeyyā”ti corānaṃ santikaṃ gantvā “sīghaṃ upāsikāya santakaṃ paṭipākatikaṃ karoṭhā”ti āha. Te kahāpaṇehi kahāpaṇagabbhaṃ, rajatasuvaṇṇehi rajatasuvaṇṇagabbhe puna pūrayīṃsu. Dhammatā kiresā, yaṃ dhammo dhammacāriṇaṃ rakkhati. Tenevāha—

“Dhammo have rakkhati dhammacāriṃ,
Dhammo suciṇṇo sukhamāvahati.
Esānisamso dhamme suciṇṇe,
Na duggatiṃ gacchati dhammacāri”ti¹.

Corāpi gantvā dhammassavanaṭṭhāne aṭṭhaṃsu. Theropi dhammaṃ kathetvā vibhātāya rattiyā āsanā otari. Tasmīṃ khaṇe corajeṭṭhako

1. Khu 2. 272; Khu 5. 215 piṭṭhesu.

upāsikāya pādamūle nipajjitvā “khamāhi me ayye”ti āha. Kim idaṃ tātāti. Ahaṃ hi tumhesu āghātaṃ katvā tumhe māretukāmo aṭṭhāsinti. Tena hi te tāta khamāmīti. Sesacorāpi tatheva vatvā “tātā khamāmī”ti vutte āhamsu “ayye sace no khamatha, puttassa vo santike amhākaṃ pabbajjaṃ dāpethā”ti. Sā puttaṃ vanditvā āha “tāta ime corā mama guṇesu tumhākañca dhammakathāya pasannā pabbajjaṃ yācanti, pabbājetha ne”ti. Thero “sādhū”ti vatvā tehi nivatthavattānaṃ dasāni chindāpetvā tambamattikāya rajāpetvā te pabbājetvā silesu patitṭhāpesi. Upasampannakāle ca nesam ekekassa¹visuṃ visuṃ kammaṭṭhānamadāsi. Te navasatā bhikkhū visuṃ visuṃ navasatakammaṭṭhānāni² gahetvā ekaṃ pabbataṃ abhiruyha tassa tassa rukkhassa chāyāya nisīditvā samaṇadhammaṃ karimsu.

Sathā vīsayojanasatamatthake Jetavanamahāvihāre nisinnova te bhikkhū oloketvā tesam cariyavasena dhammadesanaṃ vavatthāpetvā obhāsam pharitvā sammukhe nisīditvā kathento viya imā gāthā abhāsi—

368. “Mettāvihārī yo bhikkhu, pasanno Buddhasāsane.
Adhigacche padaṃ santaṃ, saṅkhārūpasamaṃ sukhaṃ.
369. Siñca bhikkhu imaṃ nāvaṃ, sittā te lahumessati.
Chetvā rāgañca dosañca, tato nibbānamehisi.
370. Pañca chinde pañca jahe, pañca cuttari bhāvaye.
Pañcasāṅgātigo bhikkhu, oghatiṇṇoti vuccati.
371. Jhāya bhikkhu mā pamādo,
Mā te kāmaguṇe ramessu³ cittaṃ.
Mā lohaguḷaṃ gilī pamatto,
Mā ‘kandī dukkhamidan’ti dayhamāno.

1. Ekekassa satassa (Syā)

2. Nava kammaṭṭhānasatāni (Sī), nava kammaṭṭhānāni (Syā)

3. Bhamassu (Sī, Syā)

372. Natthi jhānaṃ apaññassa, paññā natthi ajhāyato¹.
Yamhi jhānañca paññā ca, sa ve nibbānasantike.
373. Suññāgāraṃ paviṭṭhassa, santacittassa bhikkhuno.
Amānusi ratī hoti, sammā dhammaṃ vipassato.
374. Yato yato sammasati, khandhānaṃ udayabbayaṃ.
Labhatī pītipāmojjaṃ, amataṃ taṃ vijānataṃ.
375. Tatrāyamādi bhavati, idha paññassa bhikkhuno.
Indriyagutti santuṭṭhi, pātimokkhe ca saṃvaro.
376. Mitte bhajassu kalyāṇe, suddhājīve atandite.
Paṭisanthāravutyassa, ācāraḥkusalo siyā.
Tato pāmojjabahulo, dukkhassantaṃ karissatī²ti.

Tattha **mettāvihārīti** mettākammaṭṭhāne kammaṃ karontopi mettāvasena tikacatukkajjhāne nibbattetvā ṭhitopi mettāvihārīyeva nāma. **Pasannoti** yo pana Buddhasāsane pasanno hoti, pasādaṃ rocetiyevāti² attho. **Paḍaṃ santanti** nibbānassetamā nāmaṃ. Evarūpo hi bhikkhu santaṃ koṭṭhāsaṃ sabbasaṅkhārānaṃ upasantatāya saṅkhārūpasamaṃ, paramasukhatāya sukhanti laddhanāmaṃ nibbānaṃ adhigacchati, vindatiyevāti attho.

Siñca bhikkhu imamā nāvanti bhikkhu imamā attabhāvasaṅkhātāṃ nāvanti micchāvitakkodakaṃ chaḍḍento siñca³. **Sittā te lahumessatīti** yathā hi mahāsamudde udakasseva bharitā nāvā chiddāni pidahitvā udakassa sittatāya sittā sallahukā hutvā mahāsamudde anosīditvā sīghaṃ supaṭṭanaṃ gacchati, evaṃ tavāpi ayaṃ micchāvitakkodakabharitā attabhāvanāvā cakkhudvārādichiddāni saṃvarena pidahitvā uppannassa micchāvitakkodakassa sittatāya sittā sallahukā saṃsāraṇaṭṭe anosīditvā sīghaṃ nibbānaṃ gamissati. **Chetvāti** rāgadosabandhanāni chinda. Etāni hi chinditvā arahattappatto tato aparabhāge anupādisesanibbānameva chisi, gamissasīti attho.

1. Ajhāyino (Syā, Ka)

2. Ropetiyevāti (Syā)

3. Siñcitvā chaḍḍento siñca (Syā), siñcitvā chaḍḍetvā siñca (Ka)

Pañca chindeti heṭṭhā-apāyasampāpakāni pañcorambhāgiyasamyojanāni pāde baddharajjuṃ puriso Satthena viya heṭṭhāmaggattayena chindeyya. **Pañca jaheti** uparidevalokasampāpakāni pañcuddhambhāgiyasamyojanāni puriso gīvāya baddharajjukam viya arahattamaggena jaheyya pajaheyya, chindeyyāti attho. **Pañca cuttari bhāvayeti** uddhambhāgiyasamyojanānam pahānatthāya saddhādīni pañcindriyāni uttari bhāveyya. **Pañcasanṅātigoti** evaṃ sante pañcannam rāgadosamohamānadiṭṭhisanṅānam atikkamanena pañcasanṅātigo bhikkhu **oghatinṇoti vuccati**, cattāro oghe tiṇṇoyevāti vuccatīti attho.

Jhāya bhikkhūti bhikkhu tvaṃ dvinnam jhānānam vasena jhāya ceva, kāyakammādīsu ca appamattavīhāritāya mā pamajji. **Ramessūti**¹ pañcavidhe ca kāmaguṇe te cittam mā ramessu². **Mā lohaguḷanti** sativossaggalakkhaṇena hi pamādena pamattā niraye tattam lohaguḷam gilanti, tena tam vadāmi “mā pamatto hutvā lohaguḷam gili, mā niraye ḍayhamāno ‘dukkhamidan’ti kandī”ti attho.

Natthi jhānanti jhānuppādikāya vāyāmapaññāya apaññassa jhānam nāma natthi. **Paññā natthīti** ajhāyantassa “samāhito bhikkhu yathābhūtam jānāti passatī”ti vuttalakkhaṇā paññā natthi. **Yamhi jhānañca paññā cāti** yamhi puggale idaṃ ubhayampi atthi, so nibbānassa santike ṭhitoyevāti attho.

Suññāgāram pavitṭhassāti kismiñcīdeva vivittokāse kammaṭṭhānam avijahitvā kammaṭṭhānamanasikārena nisinnassa. **Santacittassāti** nibbutacittassa. **Sammāti** hetunā kāraṇena dhammam vipassantassa vipassanāsānkhātā amānusī rati aṭṭhasamāpattisañkhātā dibbāpi rati hoti uppajjatīti attho.

Yato yato sammāsati aṭṭhatimsāya ārammaṇesu kammaṃ karonto yena yenākārena, purebhattādīsu vā kalesu yasmim yasmim attanā abhirucite kāle, abhirucite vā kammaṭṭhāne kammaṃ karonto sammāsati. **Udayabbayanti** pañcannam khandhānam pañcavīsatiyā lakkhaṇehi

1. Bhamassūti (Sī, Syā)

2. Mā bhamatu (Sī, Syā)

udayaṃ, pañcavīsatiyā eva ca lakkhaṇehi vayaṃ. **Pītipāmojjanti** evaṃ khandhānaṃ udayabbayaṃ sammasanto dhammapītiṃ dhammapāmojjaṇca labhati. **Amatanti** taṃ sappaccaye nāmarūpe pākaṭe hutvā upaṭṭhahante uppannaṃ pītipāmojjaṃ amatanibbānasampāpakattā vijānataṃ paṇḍitānaṃ amatamevāti attho.

Tatrāyamādi bhavatīti tatra ayaṃ ādi, idaṃ pubbaṭṭhānaṃ hoti. **Idha paññassāti** imasmiṃ sāsane paṇḍitabhikkhuno. Idāni “taṃ ādī”ti vuttaṃ pubbaṭṭhānaṃ dassento **indriyaguttīti**-ādimāha. Catupārisuddhisīlaṃ hi pubbaṭṭhānaṃ nāma. Tattha **indriya guttīti** indriyasamvaro. **Santuṭṭhīti** catupaccayasantoso. Tena ājīvapārisuddhi ceva paccayasannissitaṇca sīlaṃ kathitaṃ. **Pātimokkheti** pātimokkhasaṅkhāte jeṭṭhakasīle paripūrakāritā kathitā.

Mitte bhajassu kalyāṇeti vissatṭhakammante apatirūpasahāye vajjetvā sādhujīvitāya suddhājīve jaṅghabalaṃ nissāya jīvikakappanāya akusīte atandite kalyāṇamitte bhajassu, sevassūti attho. **Paṭisanthāravutyassāti** āmisapaṭisanthārena ca dhammapaṭisanthārena ca sampannavuttitāya paṭisanthāravutti assa, paṭisanthārassa kāraṅko bhaveyyāti attho. **Ācārakusaloti** sīlampi ācāro, vattapaṭivattampi ācāro. Tattha kusalo siyā, cheko bhaveyyāti attho. **Tato pāmojjabahuloti** tato paṭisanthāravuttito ca ācārakosallato ca uppanna dhammapāmojjena pāmojjabahulo hutvā taṃ sakalassāpi vaṭṭadukkhassa antaṃ karissatīti attho.

Evam Satthārā desitāsu imāsu gāthāsu ekamekissāya gāthāya pariyosāne ekamekaṃ bhikkhusataṃ nisinnanisinnaṭṭhāneyeva saha paṭisambhidāhi arahattaṃ patvā vehāsaṃ abbhuggantvā sabbepi te bhikkhū ākāseṇeva vīsayojanasatikāṃ kantāraṃ atikkamitvā Tathāgatassa suvaṇṇavaṇṇaṃ sarīraṃ vaṇṇentā thomentā pāde vandimsūti.

Sambahulabhikkhuvatthu sattamaṃ.

8. Pañcasatabhikkhuvatthu

Vassikā viya pupphānīti imaṃ dhammadesanaṃ Satthā Jetavane viharanto pañcasate bhikkhū ārabha kathesi.

Te kira Satthu santike kammaṭṭhānaṃ gahetvā araṇṇe samaṇadhammaṃ karontā pātova pupphitāni vassikapupphāni sāyaṃ vaṇṭato muccantāni disvā “pupphānaṃ¹ vaṇṭehi muccanato mayaṃ paṭhamataraṃ rāgādīhi muccissāmā”ti vāyamimsu. Satthā te bhikkhū oloketvā “bhikkhave bhikkhunā nāma vaṇṭato muccanapupphena viya dukkhato muccitum vāyamiṭabbamevā”ti vatvā Gandhakuṭiyaṃ nisinnova ālokaṃ pharivā imaṃ gāthamāha—

377. “Vassikā viya pupphāni, maddavāni pamuñcati.

Evam rāgañca dosañca, vippamuñcetha bhikkhavo”ti.

Tattha **vassikā**ti sumanā. **Maddavānī**² milātāni. Imaṃ vuttaṃ hoti—
yathā vassikā hiyyo pupphitapupphāni punadivase purāṇabhūtāni muñcati,
vaṇṭato vissajjeti, evaṃ tumhepi rāgādayo dose vippamuñcethāti.

Desanāvasāne sabbepi te bhikkhū arahatte patiṭṭhahimsūti.

Pañcasatabhikkhuvatthu aṭṭhamaṃ.

9. Santakāyattheravatthu

Santakāyoti imaṃ dhammadesanaṃ Satthā Jetavane viharanto Santakāyattheraṃ nāma ārabha kathesi.

Tassa kira hatthapādakukkuccaṃ nāma nāhosi, kāyavijambhanarahito santa-attabhāvova ahoṣi. So kira sīhayonito āgato thero. Sīhā kira ekadivasaṃ gocaraṃ gahetvā rajatasuvaṇṇamaṇipavāḷaguhānaṃ aññataraṃ pavisitvā manosilātale haritālacuṇṇesu sattāhaṃ nipajjitvā sattame divase uṭṭhāya nipannaṭṭhānaṃ oloketvā sace naṅguṭṭhassa vā kaṇṇānaṃ vā hatthapādānaṃ vā calitattā manosilāharitālacuṇṇānaṃ vippakiṇṇataṃ passanti, “na te idam jātiyā vā gottassa vā

1. Tumhākaṃ (Sī, Ka)

2. Majjavānīti (Syā), paccavānīti (Ka)

patirūpan”ti puna sattāhaṃ nirāhārā nipajjanti, cuṇṇānaṃ pana vippakiṇṇabhāve asati “idaṃ te jātigottānaṃ anucchavikan”ti āsayā¹ nikkhamitvā vijambhitvā disā anuviloketvā tikkhattuṃ sīhanādaṃ nadvitvā gocarāya pakkamanti. Evarūpāya sīhayoniyā āgato ayaṃ bhikkhu. Tassa kāyasamācāraṃ disvā bhikkhū Satthu ārocesuṃ “na no bhante Santakāyattherasadiso bhikkhu diṭṭhapubbo. Imassa hi nisinnaṭṭhāne hatthacalanāṃ vā pādacalanāṃ vā kāyavijambhitā vā natthī”ti. Taṃ sutvā Satthā “bhikkhave bhikkhunā nāma Santakāyattherena viya kāyādīhi upasanteneva bhavitabban”ti vatvā imaṃ gāthamāha—

378. “Santakāyo santavāco, santavā susamāhito.

Vantalokāmisso bhikkhu, ‘upasanto’ti vuccatī”ti.

Tattha **santakāyo**ti pāṇātipātādīnaṃ abhāvena santakāyo, musāvādādīnaṃ abhāvena **santavāco**, abhijjhādīnaṃ abhāvena **santavā**², kāyādīnaṃ tiṇṇampi suṭṭhu samāhitattā **susamāhito**, catūhi maggehi lokāmisassa vantatāya **vantalokāmisso** bhikkhu abbhantare rāgādīnaṃ upasantatāya **upasantoti** vuccatīti attho.

Desanāvasāne so thero arahatte patiṭṭhahi, sampattānampi sātthikā dhammadesanā ahosīti.

Santakāyattheravatthu navamaṃ.

10. Naṅgalakulattheravatthu

Attanā codayattānanti imaṃ dhammadesanaṃ Satthā Jetavane viharanto Naṅgalakulattheraṃ³ ārabha kathesi.

Eko kira duggatamanusso paresaṃ bhatim katvā jīvati, taṃ eko bhikkhu pilotikakhaṇḍanivatthaṃ naṅgalaṃ ukkhipitvā gacchantāṃ disvā evamāha “kiṃ pana te evaṃ jīvanato pabbajitūṃ na varan”ti⁴. Ko maṃ bhante evaṃ jīvantaṃ pabbājessatīti. Sace pabbajissasi, ahaṃ taṃ pabbājessāmīti. Sādhu

1. Bilāsayā (Ka)

3. Naṅgalakūṭattheraṃ (Syā)

2. Santamano (Syā)

4. Na vaṭṭatīti (Si, Ka)

bhante, sace maṃ pabbājessatha, pabbajissāmīti. Atha naṃ so thero Jetavanam netvā sahatthena nhāpetvā māḷake ṭhapetvā pabbājetvā nivatthapilotikakhaṇḍena saddhim naṅgalam māḷakasīmāyameva rukkhasākhāyam ṭhapāpesi. So upasampannakālepi **Naṅgalakulatthero**veva paññāyi. So Buddhānam uppannalābhasakkāram nissāya jīvanto ukkaṇṭhitvā ukkaṇṭhitam vinodetum asakkonto “na dāni saddhādeyyāni kāsāyāni paridahitvā gamissāmī”ti tam rukkhamūlam gantvā attanāva attānam ovadi “ahirika nillajja idam nivāsetvā vibbhamitvā bhatim katvā jīvitukāmo jāto”ti. Tassevam attānam ovadantasseva cittaṃ tanukabhāvam gataṃ. So nivattitvā puna katipāhaccayena ukkaṇṭhitvā theva attānam ovadi, punassa cittaṃ nivatti. So imināva nīhārena ukkaṇṭhita-ukkaṇṭhitakāle tatha gantvā attānam ovadi. Atha naṃ bhikkhū tatha abhiṇham gacchantam disvā “āvuso Naṅgalatthera kasmā ettha gacchasi”ti pucchimsu. So “ācariyassa santikam gacchāmi bhante”ti vatvā katipāheneva¹ arahattam pāpuṇi.

Bhikkhū tena saddhim keḷim karontā āhamso “āvuso Naṅgalatthera tava vicaraṇamaggo avaḷaṅjo viya jāto, ācariyassa santikam na gacchasi maññe”ti. Āma bhante mayam sāmsagge sati agamimhā, idāni pana so sāmsaggo chinno, tena na gacchāmāti. Tam sutvā bhikkhū “esa abhūtam vatvā aññam byākarotī”ti Satthu tamattham ārocesum. Satthā “āma bhikkhave mama putto attanāva attānam codetvā pabbajitakiccassa matthakam patto”ti vatvā dhammam desento imā gāthā abhāsi—

379. “Attanā codayattānam, paṭimamsetha attanā.

So attagutto satimā, sukham bhikkhu vihāhisi.

380. Attā hi attano nātho,

(Ko hi nātho paro siyā.)²

Attā hi attano gati.

Tasmā samyamamattānam,

Assam bhadramva vāṇijo”ti.

1. Katipāhaccayena (Sī), katipāhasseva (Syā)

2. () natthi Sī-Syā-potthakesu.

Tattha **codayattānanti** attanāva attānaṃ codaya sārāya. **Paṭimaṃsethāti**¹ attanāva attānaṃ parivīmaṃsatha². **Soti** so tvaṃ bhikkhu evaṃ sante attanāva guttatāya **attagutto**, upaṭṭhitasatitāya **satimā** hutvā sabbiriyāpathesu sukhaṃ viharissasīti attho.

Nāthoti avassayo patiṭṭhā. **Ko hi nātho paroti**³ yasmā parassa attabhāve patiṭṭhāya kusalaṃ vā katvā saggaparāyaṇena maggaṃ vā bhāvetvā sacchikataphalena bhavituṃ na sakkā, tasmā ko hi nāma paro nātho bhaveyyāti attho. **Tasmāti** yasmā attāva attano gati patiṭṭhā saraṇaṃ, tasmā yathā bhadraṃ assājānīyaṃ nissāya lābhaṃ patthayanto vāṇijo tassa visamaṭṭhānacāraṃ pacchinditvā divasassa tikkhattuṃ nahāpento bhojento saṃyameṭi paṭijaggati, evaṃ tvampi anuppanassa akusalassa uppādaṃ nivārento satisammosena uppannaṃ akusalaṃ pajahanto attānaṃ saṃyama gopaya, evaṃ sante paṭhamajjhānaṃ ādiṃ katvā lokiyalokuttaravisesaṃ adhigamissasīti attho.

Desanāvasāne bahū sotāpattiphalādīni pāpuṇimsūti.

Naṅgalakulattheravatthu dasamaṃ.

11. Vakkalitttheravatthu

Pāmojjabahuloti imaṃ dhammaḍḍanaṃ Satthā Veḷuvane viharanto Vakkalitttheraṃ ārabba kathesi.

So kirāyasmā Sāvattīyaṃ brāhmaṇakule nibbattitvā vayappatto piṇḍāya paviṭṭhaṃ Tathāgataṃ disvā Satthu sarīrasampattiṃ oloketvā sarīrasampattidassanena atitto “evāhaṃ niccakālaṃ Tathāgataṃ daṭṭhumaṃ labhissāmi”ti Satthu santike pabbajitvā yattha ṭhitena sakkā Dasabalaṃ passituṃ, tattha ṭhito sajjhāyakammaṭṭhānāmanasikārādīni pahāya Satthāraṃ oloketova vicarati. Satthā tassa nāṇaparipākāṃ āgamento kiñci avatvā “idānissa nāṇaṃ paripākāṃ gataṃ”ti nātvā “kiṃ te Vakkali

1. Paṭimāsethāti (Sī), paṭimaṃseti (Syā) 2. Parivīmaṃse (Sī), parivīmaṃsa (Syā)

3. Attā hi attano gatīti (Sī), ko hi nātho paro bhaveyya (Syā)

iminā pūtikāyena diṭṭhena, yo kho Vakkali dhammaṃ passati, so maṃ passati. Yo maṃ passati, so dhammaṃ passatī”¹ti¹ vatvā ovadi. So evaṃ ovaditopi Satthu dassanaṃ pahāya neva aññattha gantum sakkoti. Atha naṃ Satthā “nāyaṃ bhikkhu samvegaṃ alabhitvā bujjhissatī”ti upakaṭṭhāya vassūpanāyikāya Rājagahaṃ gantvā vassūpanāyikadivase “apehi Vakkali, apehi Vakkalī”ti paṇāmesi. So “na maṃ Satthā ālapatī”ti temāsaṃ Satthu sammukhe ṭhātum asakkonto “kim mayhaṃ jīvitena, pabbatā attānaṃ pātessāmi”ti Gijjhakūṭaṃ abhiruhi.

Satthā tassa kilamanabhāvaṃ ñatvā “ayaṃ bhikkhu mama santikā assāsaṃ alabhanto maggaphalānaṃ upanissayaṃ nāseyyā”ti attānaṃ dassetum obhāsaṃ muñci. Athassa Satthu diṭṭhakālato paṭṭhāya tāvamahantopi soko pahīyi. Satthā sukkhataḷakāṃ oghena pūrento viya therassa balavapītipāmojjaṃ uppādetum imaṃ gāthamāha—

381. “Pāmojjabahulo bhikkhu, pasanno Buddhasāsane.

Adhigacche padaṃ santaṃ, saṅkhārūpasamaṃ sukhaṃ”ti.

Tassattho—pakatiyāpi pāmojjabahulo bhikkhu Buddhasāsane pasādaṃ roceti, so evaṃ pasanno Buddhasāsane santaṃ padaṃ saṅkhārūpasamaṃ sukhanti laddhanāmaṃ nibbānaṃ adhigaccheyyāti. Imañca pana gāthaṃ vatvā Satthā Vakkalittherassa hatthaṃ pasāretvā—

“Ehi Vakkali mā bhāyi, olokehi Tathāgataṃ.

Ahaṃ taṃ uddharissāmi, pañke sannaṃva kuñjaraṃ.

Ehi Vakkali mā bhāyi, olokehi Tathāgataṃ.

Ahaṃ taṃ mocayissāmi, rāhuggahaṃva sūriyaṃ.

Ehi Vakkali mā bhāyi, olokehi Tathāgataṃ.

Ahaṃ taṃ mocayissāmi, rāhuggahaṃva candimaṃ”ti—

Imā gāthā abhāsi. So “Dasabalo me diṭṭho, ehīti ca avhānampi laddhan”ti balavapītiṃ uppādetvā “kuto nu kho gantabban”ti gamanamaggaṃ apassanto Dasabalassa sammukhe ākāse uppatitvā paḷhamapāde

1. Saṃ 2. 98 piṭṭhe.

pabbate ʒhiteyeva Satthārā vuttagāthā āvajjento ākāseyeva pītiṃ
vikkhambhetvā saha paṭisambhidāhi arahattaṃ patvā Tathāgataṃ
vandamānova otarivā Satthu santike aṭṭhāsi. Atha naṃ Satthā aparabhāge
saddhādhimuttānaṃ aggaṭṭhāne ʒhapesīti.

Vakkalitheravattu ekādasamaṃ.

12. Sumanasāmaṇeravattu

Yo haveti imaṃ dhammadeśanaṃ Satthā Pubbārāme viharanto
Sumanasāmaṇeraṃ ārabha kathesi. Tatrāyaṃ anupubbī kathā—

Padumuttarabuddhakālasmiṃhi eko kulaputto Satthārā catuparisamajjhe
ekaṃ bhikkhuṃ dibbacakkhukānaṃ aggaṭṭhāne ʒhapentaṃ disvā taṃ
sampattiṃ patthayamāno Satthāraṃ nimantevā sattāhaṃ
Buddhappamukhassa bhikkhusaṃghassa mahādānaṃ datvā “bhante ahampi
anāgate ekassa Buddhassa sāsane dibbacakkhukānaṃ aggo bhaveyyan”ti
patthanaṃ ʒhapesi. Satthā kappasatasahassaṃ olokento tassa patthanāya
samijjhanabhāvaṃ viditvā “ito kappasatasahassamatthake
Gotamabuddhasāsane dibbacakkhukānaṃ aggo Anuruddo nāma
bhavissasī”ti byākāsi. So taṃ byākaraṇaṃ sutvā sve pattabbaṃ viya taṃ
sampattiṃ maññaṃāno parinibbute Satthari bhikkhū
dibbacakkhuparikammaṃ pucchitvā sattayojanikaṃ kañcanathūpaṃ
parikkhipitvā anekāni dīparukkhasahassāni kāretvā dīpapūjaṃ katvā tato
cuto devaloke nibbattitvā devamanussesu kappasatasahassāni saṃsaritvā
imasmiṃ kappe Bārāṇasīyaṃ daliddakule nibbatto Sumanaseṭṭhiṃ nissāya
tassa tiṇahārako hutvā jīvikaṃ kappesi. **Annabhārotissa** nāmaṃ ahosi.
Sumanaseṭṭhīpi tasmīṃ nagare niccakālaṃ mahādānaṃ deti.

Athekadivasāṃ Upariṭṭho nāma Paccekabuddho Gandhamādane
nirodhasamāpattito vuṭṭhāya “kassa nu kho ajja anuggahaṃ karissāmī”ti
cintetvā “ajja mayā annabhārassa anuggahaṃ kātuṃ vaṭṭati, idāni ca so
aṭavito tiṇaṃ ādāya gehaṃ āgamissatī”ti ṇatvā pattacīvaramādāya iddhiyā
gantvā annabhārassa sammukhe paccuṭṭhāsi. Annabhāro taṃ
tucchapattahattaṃ disvā

“api bhante bhikkhaṃ labhitthā”ti pucchitvā “labhissāma mahāpuññā”ti vutte “tena hi bhante thokaṃ āgamethā”ti tiṇakājaṃ chaḍḍetvā vegena gehaṃ gantvā “bhadde mayhaṃ ṭhapitabhāgabhataṃ atthi, natthi”ti bhariyaṃ pucchitvā “atthi sāmī”ti vutte vegena paccāgantvā Paccekabuddhassa pattaṃ ādāya “mayhaṃ dātukāmatāya sati deyyadhammo na hoti, deyyadhamme sati paṭiggāhakaṃ na labhāmi. Ajja pana me paṭiggāhako ca diṭṭho, deyyadhammo ca atthi, lābhā vata me”ti gehaṃ gantvā bhataṃ patte pakkhipāpetvā¹ paccāharitvā Paccekabuddhassa hatthe patiṭṭhapetvā—

“Iminā pana dānena, mā me dāliddiyaṃ ahu.

Natthīti vacanaṃ nāma, mā ahosi bhavābhava.

Bhante evarūpā dujjīvitā mucceyyaṃ, ‘natthi’ti padameva² na suṇeyyaṃ”ti patthanāṃ ṭhapesi. Paccekabuddho “evaṃ hotu mahāpuññā”ti vatvā anumodanaṃ katvā pakkāmi.

Sumanaseṭṭhinopi chatte adhivatthā devatā “aho dānaṃ paramadānaṃ, Upariṭṭhe supatiṭṭhitan”ti vatvā tikkhattuṃ sādhu-kāramadāsi. Atha naṃ seṭṭhi “kiṃ maṃ ettakaṃ kālāṃ dānaṃ dadamānaṃ na passasī”ti āha. Nāhaṃ tava dānaṃ ārabha sādhu-kāraṃ demi, Annabhārena pana Upariṭṭhassa dinnapiṇḍapāte pasīditvā mayā esa sādhu-kāro pavattitoti. So “acchariyaṃ vata bho, ahaṃ ettakaṃ kālāṃ dānaṃ dadanto devataṃ sādhu-kāraṃ dāpetuṃ nāsakkhiṃ, Annabhāro maṃ nissāya jīvanto ekapiṇḍapāteneva sādhu-kāraṃ dāpesi, tassa dāne anucchavikaṃ katvā taṃ piṇḍapātaṃ mama santakaṃ karissāmī”ti cintetvā taṃ pakkosāpetvā “ajja tayā kassaci kiñci dinnan”ti pucchi. Āma sāmī Upariṭṭhapaccekabuddhassa me ajja bhāgabhataṃ dinnanti. Handa bho kahāpaṇaṃ gahetvā etaṃ mayhaṃ piṇḍapātaṃ dehīti. Na demi sāmīti. So yāva sahasaṃ vaḍḍhesi, itaro sahasaṃ nādāsi. Atha naṃ “hotu bho yadi piṇḍapātaṃ na desi, sahasaṃ gahetvā pattiṃ me dehī”ti āha. So “ayyena saddhiṃ mantetvā jānissāmī”ti vegena Paccekabuddhaṃ sampāpuṇitvā “bhante Sumanaseṭṭhi sahasaṃ datvā tumhākaṃ piṇḍapāte pattiṃ yācati, kiṃ karomī”ti pucchi.

1. Ākirāpetvā (Sī, Syā)

2. Padañceva (Sī)

Athassa so upamaṃ āhari “seyyathāpi paṇḍita kulasatike gāme ekasmiṃ ghare dīpaṃ jāleyya, sesā attano telena vaṭṭim temetvā jālapetvā gaṇheyyum, purimapadīpassa pabhā atthīti vattabbā natthī”ti. Atirekatarā bhante pabhā hotīti. Evamevaṃ paṇḍita uḷunkayāgu vā hotu, kaṭacchubbhikkhā vā, attano piṇḍapāte paresaṃ pattim dentassa¹ yattakānaṃ deti, tattakaṃ vaḍḍhati. Tvaṃ hi ekameva piṇḍapātaṃ adāsi, seṭṭhissa pana pattiyā dinnāya dve piṇḍapātā honti eko tava, eko tassāti.

So “sādhu bhante”ti taṃ abhivādetvā seṭṭhissa santikaṃ gantvā “gaṇha sāmi pattin”ti āha. Tena hi ime kahāpaṇe gaṇhāti. Nāhaṃ piṇḍapātaṃ vikkiṇāmi, saddhāya te pattim dammīti. “Tvaṃ saddhāya desi², ahampi tava guṇe pūjemi, gaṇha tāta, ito paṭṭhāya ca pana mā sahatthā kammamakāsi, vīthiyaṃ gharaṃ māpetvā vasa. Yena ca te attho hoti, sabbaṃ mama santikā gaṇhāhi”ti āha. Nirodhā vuṭṭhitassa pana dinnapiṇḍapāto tadaheva vipākaṃ deti. Tasmā rājāpi taṃ pavattim sutvā Annabhāraṃ pakkosāpetvā pattim gahetvā mahantaṃ bhogaṃ datvā tassa seṭṭhiṭṭhānaṃ dāpesi.

So Sumanaseṭṭhissa sahāyako hutvā yāvajīvaṃ puññāni katvā tato cuto devaloke nibbattivā devamanussesu saṃsaranto imasmiṃ Buddhuppāde Kapilavatthunagare amitodanassa Sakkassa gehe paṭisandhim gaṇhi, Anuruddotissa nāmaṃ akaṃsu. So Mahānāmasakkassa kaniṭṭhabhātā, Satthu cūlapitu putto paramasukhumālo³ mahāpuñño ahoṣi. Ekadivasam kira chasu khattiyesu pūve⁴ lakkhaṃ katvā guḷehi kīlantesu Anuruddo parājito pūvānaṃ atthāya mātu santikaṃ paṇiṇi. Sā mahantaṃ suvaṇṇathālaṃ pūretvā pūve pesesi. Pūve khādīvā puna kīlanto parājito tatheva paṇiṇi. Evaṃ tikkhattum pūvesu āhaṭesu catutthe vāre mātā “idāni pūvā natthī”ti paṇiṇi. Tassā vacanaṃ sutvā “natthī”ti padassa asutapubbatāya “natthipūvā nāma idāni bhavissanti”ti saññaṃ katvā “gaccha natthipūve āharā”ti pesesi.

1. Dento (Sī)

3. Paramasukumālo (Sī, Ka)

2. Dehi (Sī)

4. Pūvehi (Ka)

athassa mātā “natthipūve kira ayye dethā”ti vutte “mama puttana natthīti padaṃ na sutapubbaṃ, kathaṃ nu kho natthibhāvaṃ jānāpeyyan”ti suvaṇṇapātim dhovivā aparāya suvaṇṇapātiyā paṭikujjitvā “handā tāta imaṃ mama puttassa dehī”ti pahīni. Tasmim̄ khaṇe nagarapariggāhikā devatā “amhākaṃ sāminā Annabhārakāle Upariṭṭhassa Paccekabuddhassa bhāgabhattaṃ datvā ‘natthīti padameva na suṇeyyan’ti patthanā nāma ṭhapitā. Sace mayā tamatthaṃ ṇatvā ajjuhekkhēyāma, muddhāpi no sattadhā phaleyyā”ti cintevā dibbapūvehi pātim pūrayimsu. So puriso pātim āharitvā tassa santike ṭhapetvā vivari. Tesaṃ gandho sakalanagaraṃ phari. Pūvo pana mukhe ṭhapitamattova sattarasaharaṇisahassāni pharivā aṭṭhāsi.

Anuruddhōpi cintesi “na maṃ maññe ito pubbe mātā piyāyati. Na hi me aññadā tāya natthipūvā nāma pakkapubbā”ti. So gantvā mātaraṃ evamāha “amma nāhaṃ tava piyo”ti. Tāta kiṃ vadesi, mama akkhīhipi hadayamaṃsatopi tvaṃ piyataroti. Sacāhaṃ amma tava piyo, kasmā mama pubbe evarūpe natthipūve nāma na adāsīti. Sā taṃ purisaṃ pucchi “tāta kiñci pātiyaṃ ahosi”ti. Āma ayye pūvānaṃ pāti paripuṇṇā ahosi, na me evarūpā diṭṭhapubbāti. Sā cintesi “putto me katapuñño, devatāhissa dibbapūvā pahitā bhavissanti”ti. Sopi mātaraṃ āha “amma na mayā evarūpā pūvā khāditapubbā, ito paṭṭhāya me natthipūvameva paceyyāsī”ti¹. Sā tato paṭṭhāya tena “pūve khāditukāmomhī”ti vuttakāle suvaṇṇapātim dhovivā aññāya pātiyā paṭikujjitvā pahīnati, devatā pātim pūrenti. Evaṃ so agāramajjhe vasanto natthīti padassa atthaṃ ajānitvā dibbapūveyeva paribhuñji.

Satthu pana parivāratthaṃ kulapaṭipātiyā sākiyakumāresu pabbajantesu Mahānāmena Sakkena “tāta amhākaṃ kulā koci pabbajito natthi, tayā vā pabbajitabbaṃ, mayā vā”ti vutte so āha “ahaṃ atisukhumālo² pabbajitum̄ na sakkhissāmī”ti. Tena hi kammantaṃ uggaṇha, ahaṃ pabbajissāmīti. Ko esa kammanto nāmāti. So hi bhattassa uṭṭhānaṭṭhānampi na jānāti, kammantaṃ kimeva jānissati, tasmā evamāha. Ekadivasam̄

1. Peseyyāsīti (Ka)

2. Atisukumālo (Sī, Ka)

hi Anuruddo Bhaddiyo Kimiloti¹ tayo janā “bhattam nāma khamam uṭṭhātī”ti mantayim̄su. Tesu Kimilo “koṭṭhesu uṭṭhātī”ti āha. So kirekadivasam̄ vihī koṭṭhamhi pakkhipante addasa, tasmā “koṭṭhe bhattam̄ uppajjati”ti saññāya evamāha. Atha nam̄ Bhaddiyo “tvam̄ na jānāsī”ti vatvā “bhattam̄ nāma ukkhaliyam̄ uṭṭhātī”ti āha. So kirekadivasam̄ ukkhalito bhattam̄ vaḍḍhente disvā “etthevetam̄ uppajjati”ti saññamakāsi, tasmā evamāha. Anuruddo te ubhopi “tumhe na jānāthā”ti vatvā “bhattam̄ nāma ratanubbedhamakuḷāya mahāsuvannaṇapātiyam̄ uṭṭhātī”ti āha. Tena kira neva vihīm̄ koṭṭentā, na bhattam̄ pacantā diṭṭhapubbā, suvaṇṇapātiyam̄ vaḍḍhetvā purato ṭhapitabhattameva passati, tasmā “pātiyam̄yevetam̄ uppajjati”ti saññamakāsi, tasmā evamāha. Evam̄ bhattuṭṭhānaṭṭhānampi ajānanto mahāpuñño kulaputto kammante kim̄ jānissati.

So “ehi kho te Anuruddha gharāvāsattam̄ anusāsissāmi, paṭhamam̄ khettam̄ kasāpetabban”ti-ādinā nayena bhātarā vuttānam̄ kammantānam̄ apariyantabhāvam̄ sutvā “na me gharāvāsena attho”ti mātaram̄ āpucchitvā Bhaddiyapamukhehi pañcahi Sākiyakumārehi saddhim̄ nikkhamitvā Anupiyambavane Sattāram̄ upasaṅkamtivā pabbaji. Pabbajitvā ca pana sammāpaṭipadam̄ paṭipanno anupubbena tisso vijjā sacchikatvā dibbena cakkhunā ekāsane nisinnova hatthatale ṭhapita-āmalakāni viya sahasalokadhātuyo olokanasamattho hutvā—

“Pubbenivāsam̄ jānāmi, dibbacakkhu visodhitam̄.

Tevijjo iddhipattomhi, kataṃ Buddhassa sāsanam̄”ti²—

Udānam̄ udānetvā “kim̄ nu kho me katvā ayaṃ sampatti laddhā”ti olokeno “Padumuttarapādamūle patthanam̄ ṭhapesin”ti ñatvā puna “saṃsāre saṃsaranto asukasmim̄ nāma kāle Bārāṇasiyam̄ Sumanasetṭhim̄ nissāya jīvantō Annabhāro nāma ahoṣin”tipi ñatvā—

“Annabhāro pure āsim̄, daliddo tiṇahārako³.

Piṇḍapāto mayā dinno, Upariṭṭhassa tādino”ti⁴—

1. Kimbiloti (Sī, Syā)

3. Kājahārako (Sī)

2. Khu 2. 337 piṭṭhe.

4. Yasassinoti (Syā)

āha. Athassa etadahosi “yo so tadā mayā Upariṭṭhassa dinnapiṇḍapātato kahāpaṇe datvā pattim aggahesi, mama sahāyako Sumanasetṭhi kahaṃ nu kho so etarahi nibbato”ti. Atha naṃ “viñjhāṭaviyaṃ pabbatapāde Muṇḍanigamo nāma atthi, tattha Mahāmuṇḍassa nāma upāsakassa Mahāsumano Cūlasumanoti dve puttā, tesu so Cūlasumano hutvā nibbato”ti addasa. Disvā ca pana cintesi “atthi nu kho tattha mayi gate upakāro, natthi”ti. So upadhārento idaṃ addasa “so tattha mayi gate sattavassikova nikkhamitvā pabbajissati, khuraggeyeva ca arahattaṃ pāpuṇissati”ti. Disvā ca pana upakaṭṭhe antovasse ākāseṇa gantvā gāmadvāre otari. Mahāmuṇḍo pana upāsako therassa pubbepi vissāsiko eva. So theram piṇḍapātakāle cīvaraṃ pārupantaṃ disvā puttaṃ Mahāsumanaṃ āha “tāta ayyo me Anuruddhatthero āgato, yāvassa añño koci pattaṃ na gaṇhāti, tāvassa gantvā pattaṃ gaṇha, ahaṃ āsanaṃ paññāpessāmi”ti. So tathā akāsi. Upāsako theram antonivesane sakkaccaṃ parivisitvā temāsaṃ vasanatthāya paṭiññam gaṇhi, theropi adhivāsesi.

Atha naṃ ekadivasaṃ paṭijagganto viya temāsaṃ paṭijaggitvā mahāpavāraṇāya ticīvaraṇceva guḷatelaṇḍulādīni ca āharitvā therassa pādāmūle ṭhapetvā “gaṇhatha bhante”ti āha. Alaṃ upāsaka, na me iminā atthoti. Tena hi bhante vassāvāsikalābho nāmesa, gaṇhatha nanti. Na gaṇhāmi upāsakāti. Kimatthaṃ na gaṇhatha bhanteti. Mayhaṃ santike kappiyakārako sāmaṇero pi natthīti. Tena hi bhante mama putto Mahāsumano sāmaṇero bhavissatīti. Na me upāsaka Mahāsumanenatthoti. Tena hi bhante Cūlasumanam pabbājethāti. Thero “sādhū”ti sampaṭicchitvā Cūlasumanam pabbājesi. So khuraggeyeva arahattaṃ pāpuṇi. Thero tena saddhim aḍḍhamāsamattaṃ tattheva vasitvā “Sattāraṃ passissāmi”ti tassa ñātake āpucchitvā ākāseṇeva gantvā Himavantapadese araṇṇakuṭikāya otari.

Thero pana pakatiyāpi āradhaviṇṇiyo, tassa tattha pubbarattāpararattaṃ caṅkamantassa udaravāto samuṭṭhahi. Atha naṃ kilantarūpaṃ disvā sāmaṇero pucchi “bhante kiṃ vo rujjati”ti. Udaravāto me

samuṭṭhitoti. Aññadāpi samuṭṭhitapubbo bhanteti. Āmāvusoti. Kena phāsukaṃ hoti bhanteti. Anotattato pānīye laddhe phāsukaṃ hoti āvusoti. Tena hi bhante āharāmīti. Sakkhissasi sāmaṇerāti. Āma bhanteti. Tena hi Anotatte Pannago¹ nāma nāgarājā maṃ jānāti, tassa ācikkhitvā bhesajjatthāya ekaṃ pānīyavāraṃ āharāti. So sādhiṭi upajjhāyaṃ vanditvā vehāsaṃ abbhuggantvā pañcayojanasataṃ ṭhānaṃ agamāsi. Taṃ divasaṃ pana nāgarājā nāganāṭakaparivuto udakakīlaṃ kīlitukāmo hoti. So sāmaṇeraṃ āgacchantāṃ disvāva kujjhi, “ayaṃ Muṇḍakasamaṇo attano pādapaṃsumṃ mama matthake okiranto vicarati, Anotatte pānīyatthāya āgato bhavissati, na dānissa pānīyaṃ dassāmī”ti paṇṇāsayojanikaṃ Anotattadahaṃ mahāpātiyā ukkhalimṃ pidahanto viya phaṇena pidahitvā nipajji. Sāmaṇero nāgarājassa ākāraṃ oloketvāva “kuddho ayan”ti ñatvā imaṃ gāthamāha—

“Suṇohi me nāgarāja, uggateja mahabbala.
Dehi me pānīyaghaṭaṃ, bhesajjatthamhi āgato”ti.

Taṃ sutvā nāgarājā imaṃ gāthamāha—

“Puratthimasmimṃ disābhāge, Gaṅgā nāma mahānadī.
Mahāsamuddamappeti, tato tvaṃ pānīyaṃ harā”ti.

Taṃ sutvā sāmaṇero “ayaṃ nāgarājā attano icchāya na dassati, ahaṃ balakkāraṃ katvā ānubhāvaṃ² jānāpetvā imaṃ abhibhavitvāva pānīyaṃ gaṇhissāmī”ti cintetvā “mahārāja upajjhāyo maṃ Anotattatova pānīyaṃ āharāpeti, tenāhaṃ idameva harissāmī, apehi, mā maṃ vārehi”ti vatvā imaṃ gāthamāha—

“Itova pānīyaṃ hāssaṃ³, imināvamhi atthiko.
Yadi te thāmabalaṃ atthi, nāgarāja nivārayā”ti.

Atha naṃ nāgarājā āha—

“Sāmaṇera sace atthi, tava vikkama porisaṃ.
Abhinandāmi te vācaṃ, harassu pānīyaṃ mamā”ti.

1. Pannako (Sī, Syā)

2. Manussabhāvaṃ (Sī), mahānubhāvaṃ (Syā)

3. Harissaṃ (Sī, Kam)

Atha nam sāmaṇero “evaṃ mahārāja harāmī”ti vatvā “yadi sakkonto harāhī”ti vutte “tena hi suṭṭhu jānassū”ti tikkhattum paṭiññam gahetvā “Buddhasāsanassa ānubhāvaṃ dassetvā mayā pānīyaṃ haritum vaṭṭati”ti cintetvā ākāsaṭṭhadevatānaṃ tāva santikaṃ agamāsi. Tā āgantvā vanditvā “kiṃ bhante”ti vatvā aṭṭhaṃsu. “Etasmim Anotattadahapiṭṭhe Pannaganāgarājena saddhim mama saṅgāmo bhavissati, tattha gantvā jayaparājayaṃ olokethā”ti āha. So eteneva nīharena cattāro lokapāle Sakkasuyāmasantusitaparanimmitavasavattī¹ ca upasaṅkamtivā tamattham ārocesi. Tato param paṭipāṭiyā yāva brahmalokaṃ gantvā tattha tattha brahmehi āgantvā vanditvā ṭhitehi “kiṃ bhante”ti puṭṭho tamattham ārocesi. Evaṃ so asaṅṅe ca arūpibrahmāno ca ṭhapetvā sabbattha muhutteneva āhiṇḍitvā ārocesi. Tassa vacanaṃ sutvā sabbāpi devatā Anotattadahapiṭṭhe nāḷiyam pakkhittāni piṭṭhacuṇṇāni² viya ākāsaṃ nirantaram pūretvā sannipatiṃsu. Sannipatite devasaṅghe sāmaṇero ākāse ṭhatvā nāgarājam āha—

“Suṇohi me nāgarāja, uggateja mahabbala.

Dehi me pānīyaghaṭam, bhesajjattamhi āgato”ti.

Atha nam nāgo āha—

“Sāmaṇera sace atthi, tava vikkama porisaṃ.

Abhinandāmi te vācaṃ, harassu pānīyaṃ mamā”ti.

So tikkhattum nāgarājassa paṭiññam gahetvā ākāse ṭhitatova dvādasayojanikaṃ brahmattabhāvaṃ māpetvā ākāsaṭṭhadevatānaṃ tāva santikaṃ agamāsi. Tā āgantvā vanditvā “kiṃ bhante”ti vatvā aṭṭhaṃsu. “Etasmim Anotattadahapiṭṭhe Pannaganāgarājena saddhim mama saṅgāmo bhavissati, tattha gantvā jayaparājayaṃ olokethā”ti āha. So eteneva nīharena cattāro lokapāle Sakkasuyāmasantusitaparanimmitavasavattī¹ ca upasaṅkamtivā tamattham ārocesi. Tato param paṭipāṭiyā yāva brahmalokaṃ gantvā tattha tattha brahmehi āgantvā vanditvā ṭhitehi “kiṃ bhante”ti puṭṭho tamattham ārocesi. Evaṃ so asaṅṅe ca arūpibrahmāno ca ṭhapetvā sabbattha muhutteneva āhiṇḍitvā ārocesi. Tassa vacanaṃ sutvā sabbāpi devatā Anotattadahapiṭṭhe nāḷiyam pakkhittāni piṭṭhacuṇṇāni² viya ākāsaṃ nirantaram pūretvā sannipatiṃsu. Sannipatite devasaṅghe sāmaṇero ākāse ṭhatvā nāgarājam āha—

So tikkhattum nāgarājassa paṭiññam gahetvā ākāse ṭhitatova dvādasayojanikaṃ brahmattabhāvaṃ māpetvā ākāsaṭṭhadevatānaṃ tāva santikaṃ agamāsi. Tā āgantvā vanditvā “kiṃ bhante”ti vatvā aṭṭhaṃsu. “Etasmim Anotattadahapiṭṭhe Pannaganāgarājena saddhim mama saṅgāmo bhavissati, tattha gantvā jayaparājayaṃ olokethā”ti āha. So eteneva nīharena cattāro lokapāle Sakkasuyāmasantusitaparanimmitavasavattī¹ ca upasaṅkamtivā tamattham ārocesi. Tato param paṭipāṭiyā yāva brahmalokaṃ gantvā tattha tattha brahmehi āgantvā vanditvā ṭhitehi “kiṃ bhante”ti puṭṭho tamattham ārocesi. Evaṃ so asaṅṅe ca arūpibrahmāno ca ṭhapetvā sabbattha muhutteneva āhiṇḍitvā ārocesi. Tassa vacanaṃ sutvā sabbāpi devatā Anotattadahapiṭṭhe nāḷiyam pakkhittāni piṭṭhacuṇṇāni² viya ākāsaṃ nirantaram pūretvā sannipatiṃsu. Sannipatite devasaṅghe sāmaṇero ākāse ṭhatvā nāgarājam āha—

1. ...sunimmitavasavattī (Syā)

3. Obhijjivā (Syā)

2. Pakkhittā pūvacuṇṇā (Syā)

4. Muttaṭṭhāne (Syā, Ka)

nāgarājā lajjitvā sāmaṇerassa kujjhi, jayakusumavaṇṇānissa¹ akkhīni ahesuṃ. So “ayaṃ maṃ devasaṃghaṃ sannipātetvā pānīyaṃ gahetvā² lajjāpesi, etaṃ gahetvā mukhe hatthaṃ pakkhipitvā hadayamaṃsaṃ vāssa maddāmi, pāde vā naṃ gahetvā pāragaṅgāyaṃ khipāmī”ti vegena anubandhi. Anubandhantopi naṃ pāpuṇitum nāsakkhiyeva. Sāmaṇero gantvā upajjhāyassa hatthe pānīyaṃ ṭhapetvā “pivatha bhante”ti āha. Nāgarājāpi pacchato āgantvā “bhante Anuruddha sāmaṇero mayā adinnaeva pānīyaṃ gahetvā āgato, mā pivitthā”ti āha. Evaṃ kira sāmaṇerāti. “Pivatha bhante, iminā me dinnam pānīyaṃ āhaṭan”ti āha. Thero “khīṇāsavasāmaṇerassa musākathanam nāma natthī”ti ṇatvā pānīyaṃ pivi. Taṅkhaṇaṇṇevassa ābādho paṭipassambhi. Puna nāgo theram āha “bhante sāmaṇerenamhi sabbam devagaṇam sannipātetvā lajjāpito, ahamassa hadayaṃ vā phālessāmi, pāde vā naṃ gahetvā pāragaṅgāya khipissāmī”ti. Mahārāja sāmaṇero mahānubhāvo, tumhe sāmaṇerena saddhiṃ saṅgāmetum na sakkhissatha, khamāpetvā naṃ gacchathāti. So sayampi sāmaṇerassa ānubhāvaṃ jānātiyeva, lajjāya pana anubandhitvā āgato. Atha naṃ therassa vacanena khamāpetvā tena saddhiṃ mittasanthavaṃ katvā “ito paṭṭhāya Anotatta-udakena atthe sati tumhākaṃ āgamanakiccaṃ natthi, mayham paṇeyyātha, ahameva āharitvā dassāmī”ti vatvā pakkāmi.

Theropi sāmaṇeram ādāya pāyāsi. Satthā therassa āgamanabhāvaṃ ṇatvā Migāramātupāsāde therassa āgamanam olokento nisīdi. Bhikkhūpi theram āgacchantam disvā paccuggantvā pattacīvaraṃ paṭiggahesuṃ. Athekacce sāmaṇeram sīsepi kaṇṇesupi bāhāyampi gahetvā sañcāletvā “kiṃ sāmaṇera cūḷakaniṭṭha³ na ukkaṇṭhitosī”ti āhaṃsu. Satthā tesam kiriyaṃ disvā cintesi “bhāriyaṃ vatimesam bhikkhūnam kammaṃ, āsīvisaṃ gīvāya gaṇhantā viya sāmaṇeram gaṇhanti, nāssa ānubhāvaṃ jānanti, ajja mayā Sumanasāmaṇerassa guṇam pākaṭam kātum vaṭṭatī”ti. Theropi āgantvā Satthāram vanditvā nisīdi. Satthā tena saddhiṃ paṭisanthāram katvā Ānandattheram āmantesi “Ānanda Anotatta-udakenamhi pāde

1. Guṇjjavaṇṇānissa (Sī)

2. Phaṇe ṭhatvā (Sī)

3. Sāmaṇerapillaka (Sī)

dhovitukāmo, sāmaṇerānaṃ ghaṭaṃ¹ datvā pānīyaṃ āharāpehī”ti. Thero vihāre pañcamattāni sāmaṇerasatāni sannipātesi. Tesu Sumanasāmaṇero sabbanavako ahosi. Thero sabbamahallakaṃ sāmaṇeraṃ āha “sāmaṇera Satthā Anotattadaha-udakena pāde dhovitukāmo, ghaṭaṃ ādāya gantvā pānīyaṃ āharā”ti. So “na sakkomi bhante”ti na icchi. Thero sesepi paṭipāṭiyā pucchi, tepi tatheva vatvā paṭikkhipimsu. Kim panettha Khīṇāsavasāmaṇerā natthīti? Atthi, te pana “nāyaṃ amhākaṃ baddho mālāpuṭo, Sumanasāmaṇerasseva baddho”ti na icchimsu, puthujjanā pana attano asamattatāyeva na icchimsu. Pariyosāne pana Sumanassa vāre sampatte “sāmaṇera Satthā Anotattadaha-udakena pāde dhovitukāmo, kuṭaṃ ādāya kira udakaṃ āharā”ti āha. So “Satthari āharāpente āharissāmī”ti Satthāraṃ vanditvā “bhante Anotattato kira maṃ udakaṃ āhārāpethā”ti āha. Āma Sumanāti. So Visākhāya kārītesu ghanasuvaṇṇakoṭṭimesu senāsanakuṭesu ekaṃ saṭṭhikuṭa-udakagaṇhanakaṃ mahāghaṭaṃ hatthena gahetvā “iminā me ukkhipitvā aṃsakūṭe ṭhapitena attho natthī”ti olambakaṃ katvā vehāsaṃ abbhuggantvā Himavantābhimukho pakkhandī.

Nāgarājā sāmaṇeraṃ dūratova āgacchantāṃ disvā paccuggantvā kuṭaṃ aṃsakūṭena ādāya “bhante tumhe mādise dāse vijjamāne kasmā sayāṃ āgatā, udakenatthe sati kasmā sāsanamattampi na paṇiṇathā”ti kuṭena udakaṃ ādāya sayāṃ ukkhipitvā “purato hotha bhante, ahameva āharissāmī”ti āha. “Tiṭṭhatha tumhe mahārāja, ahameva Sammāsambuddhena āṇatto”ti nāgarājānaṃ nivattāpetvā kuṭaṃ mukhavaṭṭiyāṃ hatthena gahetvā ākāsenāgañchi. Atha naṃ Satthā āgacchantāṃ oloketvā bhikkhū āmantesi “passatha bhikkhave sāmaṇerassa līlaṃ, ākāse haṃsarājā viya sobhatī”ti āha. Sopi pānīyaghaṭaṃ ṭhapetvā Satthāraṃ vanditvā aṭṭhāsi. Atha naṃ Satthā āha “kativassosi tvaṃ Sumanā”ti. Sattavassomhi bhanteti. “Tena hi Sumana ajja paṭṭhāya bhikkhu hohī”ti vatvā dāyajja-upasampadaṃ adāsi.

Dveyeva kira sāmaṇerā sattavassikā upasampadaṃ labhiṃsu—ayañca Sumano Sopāko cāti.

Evam tasmiṃ upasampanne dhammasabhāyaṃ kathaṃ samuṭṭhāpesuṃ “acchariyaṃ āvuso, evarūpo hi nāma daharasāmaṇerassa ānubhāvo hoti, na no ito pubbe evarūpo ānubhāvo diṭṭhapubbo”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “bhikkhave mama sāsane daharopi sammā paṭipanno evarūpaṃ sampattiṃ labhatiyevā”ti vatvā dhammaṃ desento imaṃ gāthamāha—

382. “Yo have daharo bhikkhu, yuñjati Buddhasāsane.

So’maṃ lokaṃ pabhāseti, abbhā muttova candimā”ti.

Tattha **yuñjatī**ti ghaṭati vāyamati. **Pabhāsetī**ti so bhikkhu attano arahattamaggañāṇena abbhādīhi mutto candimā viya lokaṃ khandhādibhedaṃ lokaṃ obhāseti, ekālokaṃ karotīti attho.

Desanāvasāne bahū sotāpattiphalādīni pāpuṇṇisūti.

Sumanasāmaṇeravatthu dvādasamaṃ.

Bhikkhuvaggavaṇṇanā niṭṭhitā.

Pañcavīsatiso vaggo.

26. Brāhmaṇavagga

1. Pasādabahulabrāhmaṇavatthu

Chinda sotanti imaṃ dhammadesanaṃ Satthā Jetavane viharanto pasādabahulaṃ brāhmaṇaṃ ārabha kathesi.

So kira brāhmaṇo Bhagavato dhammadesanaṃ sutvā pasannacitto attano gehe soḷasamattānaṃ bhikkhūnaṃ niccabhattaṃ paṭṭhapetvā bhikkhūnaṃ āgatavelāya pattaṃ gahetvā “āgacchantu bhonto arahanto, nisīdantu bhonto arahanto”ti yamkiñci vadanto arahantavādapaṭisaṃyuttameva vadati. Tesu puthujjanā “ayaṃ amhesu arahantasaññī”ti cintayimsu, khīṇāsavā “ayaṃ no khīṇāsavabhāvaṃ jānāti”ti. Evaṃ te sabbepi kukkucāyantā tassa gehaṃ nāgamimsu. So dukkhī dummano “kinnu kho ayyā nāgacchantī”ti vihāraṃ gantvā Satthāraṃ vanditvā tamatthaṃ ārocesi. Satthā bhikkhū āmantetvā “kiṃ etaṃ bhikkhave”ti pucchitvā tehi tasmim̐ atthe ārocite “sādiyatha pana tumhe bhikkhave arahantavādan”ti āha. Na sādiyāma mayaṃ bhanteti. “Evaṃ sante manussānaṃ etaṃ pasādabhaññaṃ, anāpatti bhikkhave pasādabhaññe, api ca kho pana brāhmaṇassa arahantesu adhimattaṃ pemaṃ, tasmā tumhehipi taṇhāsotaṃ chetvā arahattameva pattuṃ yuttan”ti vatvā dhammaṃ desento imaṃ gāthamāha—

383. “Chinda sotaṃ parakkamma, kāme panuda brāhmaṇa.
Saṅkhārānaṃ khayāṃ ṇatvā, akataññūsi brāhmaṇā”ti.

Tattha **parakkammā**ti taṇhāsotaṃ nāma na appamattakena vāyāmena chindituṃ sakkā, tasmā ṇāṇasampayuttena mahantena parakkamena parakkamitvā taṃ sotaṃ chinda. Ubhopi **kāme panuda** nīhara. **Brāhmaṇā**ti khīṇāsavānaṃ ālapanametaṃ. **Saṅkhārānaṃ**ti pañcannaṃ khandhānaṃ khayāṃ jānitvā. **Akataññū**ti evaṃ sante tvaṃ suvaṇṇādīsu kenaci akatassa nibbānassa jānanato akataññū nāma hosīti.

Desanāvasāne bahū sotāpattiphalādīni pāpuṇimsūti.

Pasādabahulabrāhmaṇavatthu paṭhamāṃ.

2. Sambahulabhikkhuvatthu

Yadā dvayesūti imaṃ dhammadesanaṃ Satthā Jetavane viharanto sambahule bhikkhū ārabha kathesi.

Ekadivasañhi timsamattā disāvāsikā bhikkhū āgantvā Satthāraṃ vanditvā nisīdimṣu. Sāriputtatthero tesāṃ arahattassa upanissayaṃ disvā Satthāraṃ upasaṅkamtivā ʘhitakova imaṃ pañhaṃ pucchi “bhante dve dhammāti vuccanti, katame nu kho dve dhammā”ti. Atha naṃ Satthā “dve dhammāti kho Sāriputta samathavipassanā vuccanti”ti vatvā imaṃ gāthamāha—

384. “Yadā dvayesu dhammesu, pāragū hoti brāhmaṇo.

Athassa sabbe saṃyogā, atthaṃ gacchanti jānato”ti.

Tattha **yadāti** yasmim̄ kāle dvidhā ʘhitesu samathavipassanādhammesu abhiññāpāragādivasena ayaṃ khīṇāsavo pāragū hoti, athassa vaṭṭasmim̄ saṃyojanasamatthā sabbe kāmayogādayo saṃyogā evaṃ jānantassa atthaṃ parikkhayaṃ gacchantīti attho.

Desanāvasāne sabbepi te bhikkhū arahatte patiṭṭhahimsūti.

Sambahulabhikkhuvatthu dutiyaṃ.

3. Māravatthu

Yassa pāranti imaṃ dhammadesanaṃ Satthā Jetavane viharanto māraṃ ārabha kathesi.

So kirekasmim̄ divase aññataro puriso viya hutvā Satthāraṃ upasaṅkamtivā pucchi “bhante pāraṃ pāranti vuccati, kinnu kho etaṃ pāraṃ nāmā”ti. Satthā “māro ayan”ti viditvā “pāpima kim̄ tava pārena, taṃ hi vitarāgehi pattabban”ti vatvā imaṃ gāthamāha—

385. “Yassa pāraṃ apāraṃ vā, pārāpāraṃ na vijjati.

Vītaddaraṃ visaṃyuttaṃ, tamaṃ brūmi brāhmaṇaṃ”ti.

Tattha **pāraṇti** ajjhattikāni cha āyatanāni. **Apāraṇti** bāhirāni cha āyatanāni. **Pārāpāraṇti** tadubhayaṃ. **Na vijjatīti** yassa sabbampetaṃ “ahan”ti vā “maman”ti vā gahaṇābhāvena natthi, taṃ kilesadarathānaṃ¹ vigamena **vītaddaraṃ** sabbakilesehi **visaṃyuttaṃ ahaṃ brāhmaṇaṃ** vadāmīti attho.

Desanāvasāne bahū sotāpattiphalādīni pāpuṇimsūti.

Māravatthu tatiyaṃ.

4. Aññatarabrāhmaṇavatthu

Jhāyinti imaṃ dhammadesanaṃ Satthā Jetavane viharanto aññataraṃ brāhmaṇaṃ ārabha kathesi.

So kira cintesi “Satthā attano sāvake ‘brāhmaṇā’ti vadati, ahañcamhi jātigottena brāhmaṇo, mampi nu kho evaṃ vattum vaṭṭatī”ti. So Satthāraṃ upasaṅkamitvā tamatthaṃ pucchi. Satthā “nāhaṃ jātigottamattena brāhmaṇaṃ vadāmi, uttamatthaṃ arahattaṃ anuppattameva panevaṃ vadāmi”ti vatvā imaṃ gāthamāha—

386. “Jhāyim viraja’ māsīnaṃ, katakicca’ manāsavaṃ.

Uttamattha’ manuppattaṃ, tamahaṃ brūmi brāhmaṇaṃ”ti.

Tattha **jhāyinti** duvidhena jhānena jhāyantaṃ kāmarajena **virajaṃ** vane ekakamāsīnaṃ catūhi maggehi soḷasannaṃ kiccānaṃ katattā **katakiccaṃ** āsavānaṃ abhāvena **anāsavaṃ uttamatthaṃ arahattaṃ anuppattaṃ ahaṃ brāhmaṇaṃ** vadāmīti attho.

Desanāvasāne so brāhmaṇo sotāpattiphale patiṭṭhahi, sampattānampi sātthikā dhammadesanā ahoṣīti.

Aññatarabrāhmaṇavatthu catutthaṃ.

1. Saṃkilesadarathānaṃ (Sī), kilesadarānaṃ (Syā)

5. Ānandattheravatthu

Divā tapatīti imam dhammadesanam Satthā Migāramātupāsāde viharanto Ānandattheram ārabba kathesi.

Pasenadi Kosalo kira mahāpavāraṇāya sabbābharaṇapaṭimaṇḍito gandhamālādīni ādāya vihāram agamāsi. Tasmim khaṇe Kāḷudāyitthero jhānam samāpajjitvā parisapariyante nisinno hoti, nāmameva panassetam, sarīram suvaṇṇavaṇṇam. Tasmim pana khaṇe cando uggacchati, sūriyo atthameti. Ānandatthero atthamentassa ca sūriyassa uggacchantassa ca candassa obhāsam olokento rañño sarīrobhāsam therassa sarīrobhāsam Tathāgatassa ca sarīrobhāsam olokesi. Tattha sabbobhāse atikkamitvā Satthāva virocāti. Thero Satthāram vanditvā “bhante ajja mama ime obhāse olokentassa tumhākameva obhāso ruccati. Tumhākam hi sarīram sabbobhāse atikkamitvā virocāti”ti āha. Atha nam Satthā “Ānanda sūriyo nāma divā virocāti, cando rattim, rājā alaṅkatakāleyeva, khīṇāsavo gaṇasaṅgaṇikam pahāya antosamāpattiyamyeva virocāti, Buddhā pana rattimpi divāpi pañcavidhena tejena virocanti”ti vatvā imam gāthamāha—

387. “Divā tapati ādicco, rattimābhāti candimā.

Sannaddho khattiyo tapati, jhāyī tapati brāhmaṇo.

Atha sabbamahorattim, Buddho tapati tejasā”ti.

Tattha **divā tapatīti** divā virocāti, rattim panassa gatamaggopi na paññāyati. **Candimāti** candopi abbhādīhi vimutto rattimeva virocāti, no divā. **Sannaddhoti** suvaṇṇamaṇivicittehi sabbābharaṇehi paṭimaṇḍito caturaṅginīyā senāya parikkhittova rājā virocāti, na aññātakavesena ṭhito. **Jhāyīti** khīṇāsavo pana gaṇam vinodetvā jhāyantova virocāti. **Tejasāti** Sammāsambuddho pana sīlatejena dussilyatejam, guṇatejena niggūṇatejam, paññātejena duppaññatejam,

puññatejena apuññatejaṃ, dhammatejena adhammatejaṃ pariyādiyivā
iminā pañcavidhena tejasā niccakālemeva virocatīti attho.

Desanāvasāne bahū sotāpattiphalādīni pāpuñimsūti.

Ānandattheravatthu pañcamaṃ.

6. Aññatarabrāhmaṇapabbajitavatthu

Bāhitapāpoti imaṃ dhammadesanaṃ Satthā Jetavane viharanto
aññataram brāhmaṇapabbajitaṃ ārabha kathesi.

Eko kira brāhmaṇo bāhirakapabbajjāya pabbajivā “samaṇo Gotamo
attano sāvake ‘pabbajitā’ti vadati, ahañcamhi pabbajito, mampi kho evaṃ
vattuṃ vaṭṭatī”ti cintetvā Satthāraṃ upasaṅkamtivā etamatthaṃ pucchi.
Satthā “nāhaṃ ettakena ‘pabbajito’ti vadāmi, kilesamalānaṃ pana
pabbājittatā pabbajito nāma hotī”ti vatvā imaṃ gāthamāha—

388. “Bāhitapāpoti brāhmaṇo,
Samacariyā samaṇoti vuccati.
Pabbājayamattano malaṃ,
‘Tasmā pabbajito’ti vuccatī”ti.

Tattha **samacariyā**ti sabbākusalāni sametvā caraṇena. **Tasmā**ti yasmā
bāhitapāpatāya brāhmaṇo, akusalāni sametvā caraṇena samaṇoti vuccati,
tasmā yo attano rāgādimalaṃ pabbājayanto vinodento carati, sopi tena
pabbājanena pabbajitoti vuccatīti attho.

Desanāvasāne so brāhmaṇapabbajito sotāpattiphale patiṭṭhahi,
sampattānampi sātthikā dhammadesanā ahosīti.

Aññatarabrāhmaṇapabbajitavatthu chaṭṭhaṃ.

7. Sāriputtattheravattu

Na brāhmaṇassāti imaṃ dhammadesanaṃ Satthā Jetavane viharanto Sāriputtattheraṃ ārabha kathesi.

Ekasmim kira ṭhāne sambahulā manussā “aho amhākaṃ ayyo khantibalena samannāgato, aññesu akkosantesu vā paharantesu vā kopamattampi natthī”ti therassa guṇe kathayimsu. Atheko micchādiṭṭhiko brāhmaṇo “ko esa na kujjhātī”ti pucchi. Amhākaṃ theroti. Naṃ kujjhāpento na bhavissatīti. Natthetaṃ brāhmaṇāti. Tena hi ahaṃ naṃ kujjhāpessāmīti. Sace sakkosi, kujjhāpehīti. So “hotu, jānissāmissa kattabban”ti theram bhikkhāya pavitṭhaṃ disvā pacchābhāgena gantvā piṭṭhimajjhe¹ mahantaṃ pānippahāramadāsi. Thero “kiṃ nāmetan”ti anoloketvāva gato. Brāhmaṇassa sakalasarīre dāho uppajji. So “aho guṇasampanno ayyo”ti therassa pādamūle nipajjitvā “khamatha me bhante”ti vatvā “kiṃ etan”ti ca vutte “ahaṃ vīmaṃsanatthāya tumhe paharin”ti āha. Hotu khamāmi teti. Sace me bhante khamatha, mama geheyeva nisīditvā bhikkhaṃ gaṇhathāti therassa pattam gaṇhi, theropi pattam adāsi. Brāhmaṇo theram geham netvā parivisi.

Manussā kujjhitvā “iminā amhākaṃ niraparādho ayyo pahaṭo, daṇḍenapissa mokkho natthi, ettheva naṃ māressāmā”ti leḍḍudaṇḍādihatthā brāhmaṇassa gehadvāre aṭṭhaṃsu. Thero utṭhāya gacchanto brāhmaṇassa hatthe pattam adāsi. Manussā taṃ therena saddhim gacchantam disvā “bhante tumhākaṃ pattam gahetvā brāhmaṇam nivattethā”ti āhaṃsu. Kim etaṃ upāsakāti. Brāhmaṇena tumhe pahaṭā, mayamassa kattabban jānissāmāti. Kim pana tumhe iminā pahaṭā, udāhu ahanti. Tumhe bhanteti. “Maṃ esa paharivā khamāpesi, gacchatha tumhe”ti manusse uyyojetvā brāhmaṇam nivattāpetvā thero vihārameva gato. Bhikkhū ujjhāyimsu “kiṃ nāmetam Sāriputtatthero yena brāhmaṇena pahaṭo, tasseva gehe nisīditvā bhikkham gahetvā āgato. Therassa pahaṭakālato paṭṭhāya idāni so kassa² lajjissati, avasese pothento vicarissatī”ti. Satthā

1. Piṭṭhipassena ṭhatvā (Sī)

2. Na idāni so kassaci (Syā)

āgantvā “kāya nuttha bhikkhave etarahi kathāya sannisinnā”ti pucchitvā
 “imāya nāmā”ti vutte “bhikkhave brāhmaṇo brāhmaṇam paharanto nāma
 natthi, gihibrāhmaṇena pana samaṇabrāhmaṇo pahaṭo bhavissati, kodho
 nāmesa anāgāmimaggena samugghātaṃ gacchatī”ti vatvā dhammam desento
 imā gāthā abhāsi—

389. “Na brāhmaṇassa pahareyya, nāssa muñcetha brāhmaṇo.
 Dhī brāhmaṇassa hantāraṃ, tato dhī yassa muñcati.

390. Na brāhmaṇasse’tadakiñci seyyo,
 Yadā nisedho manaso piyehi.
 Yato yato himsamano nivattati,
 Tato tato sammatimeva dukkhan”ti.

Tattha **pahareyyāti** “khīṇāsavabrāhmaṇohamasmi”ti jānanto
 khīṇāsavassa vā aññatarassa vā jātibrāhmaṇassa na pahareyya. **Nāssa
 muñcethāti** sopi pahaṭo khīṇāsavabrāhmaṇo assa paharivā ṭhitassa veram na
 muñcetha, tasmim kopam na kareyyāti attho. **Dhī brāhmaṇassāti**
 khīṇāsavabrāhmaṇassa hantāraṃ garahāmi. **Tato dhīti** yo pana taṃ
 paharantaṃ paṭipaharanto tassa upari veram muñcati, taṃ tatopi
 garahāmiyeva.

Etadakiñci seyyoti yaṃ khīṇāsavassa akkosantaṃ vā apaccakkosanaṃ,
 paharantaṃ vā appaṭipaharaṇaṃ, etaṃ tassa khīṇāsavabrāhmaṇassa na kiñci
 seyyo, appamattaṃ seyyo na hoti, adhimattameva seyyoti attho. **Yadā
 nisedho manaso piyehīti** kodhanassa hi kodhuppādova manaso piyo nāma.
 Kodho hi panesa mātāpitūsupi Buddhādīsipi aparajjhati¹. Tasmā yo assa
 tehi manaso nisedho kodhavasena uppajjamānassa cittassa niggaho, etaṃ na
 kiñci seyyoti attho². **Himsamanoti** kodhamano. So tassa yato yato vatthuto
 anāgāmimaggena samugghātaṃ gacchanto

1. Tehi kodhuppādehi manussā -pa- aparajjhanti (Sī),
 tehi panesa -pa- aparajjhanti (Syā)

2. Yo So avassaṃ tehi manaso nisedho -pa- seyyo,
 adhimattameva seyyoti attho (Sī, Ka)

nivattati. **Tato tatoti** tato tato vatthuto sakalampi vaṭṭadukkhāṃ nivattatiyevāti attho.

Desanāvasāne bahū sotāpattiphalādīni pāpuṇimsūti.

Sāriputtatheravattu sattamaṃ.

8. Mahāpajāpatigotamīvattu

Yassa kāyena vācāyāti imaṃ dhammadesanaṃ Satthā Jetavane viharanto Mahāpajāpatim Gotamim ārabba kathesi.

Bhagavatā hi anuppanne vatthusmim paññatte aṭṭha garudhamme maṇḍanakajātiyo puriso surabhipupphadāmaṃ viya sirasā sampaṭicchitvā saparivārā Mahāpajāpati Gotamī upasampadaṃ labhi, añño tassā upajjhāyo vā ācariyo vā natthi. Evaṃ laddhūpasampadaṃ therim ārabba aparena समयena kathaṃ samuṭṭhāpesuṃ “Mahāpajāpatiyā Gotamiyā ācariyupajjhāyā na paññāyanti, sahattheneva kāsāyāni gaṇhi”ti. Evañca pana vatvā bhikkhuniyo kukkucāyantiyo tāya saddhim neva uposathaṃ na pavāraṇaṃ karonti, tā gantvā Tathāgatassapi tamatthaṃ ārocesuṃ. Satthā tāsāṃ kathaṃ sutvā “mayā Mahāpajāpatiyā Gotamiyā aṭṭha garudhammā dinnā, ahamevassācariyo, ahameva upajjhāyo. Kāyaduccaritādivirahitesu khīṇāsavesu kukkucāṃ nāma na kātabban”ti vatvā dhammaṃ desento imaṃ gāthamāha—

391. “Yassa kāyena vācāya, manasā natthi dukkaṭaṃ.

Saṃvutaṃ tīhi ṭhānehi, tamaṃ brūmi brāhmaṇaṃ”ti.

Tattha **dukkāṭanti** sāvajjaṃ dukkhudrayaṃ apāyasaṃvattanikaṃ kammaṃ. **Tīhi ṭhānehi**ti etehi kāyādīhi tīhi kāraṇehi kāyaduccaritādipavesanivāraṇatthāya dvāraṃ pihitaṃ, taṃ ahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Mahāpajāpatigotamīvattu aṭṭhamaṃ.

9. Sāriputtattheravatthu

Yamhāti imam dhammadesanam Satthā Jetavane viharanto Sāriputtattheram ārabha kathesi.

So kirāyasmā Assajittherassa santike dhammam sutvā sotāpattiphalam pattakālato paṭṭhāya “yassam disāyam thero vasatī”ti suṇāti, tato añjalim paggayha tatova sīsam katvā nipajjati. Bhikkhū “micchādīṭṭhiko Sāriputto, ajjāpi disā namassamāno vicarati”ti tamattham Tathāgatassa ārocesum. Satthā theram pakkosāpetvā “saccam kira tvam Sāriputta disā namassanto vicarasī”ti pucchivā “bhante mama disā namassanabhāvam vā anamassanabhāvam vā tumheva jānāthā”ti vutte “na bhikkhave Sāriputto disā namassati, Assajittherassa pana santikā dhammam sutvā sotāpattiphalam pattatāya attano ācariyam namassati. Yam hi ācariyam nissāya bhikkhu dhammam vijānāti, tena so brāhmaṇena aggi viya sakkaccam namassitabbo evā”ti vatvā dhammam desento imam gāthamāha—

392. “Yamhā dhammam vijāneyya, Sammāsambuddhadesitam.
Sakkaccam tam namasseyya, aggihuttamva brāhmaṇo”ti.

Tattha **aggihuttamvā**ti yathā brāhmaṇo aggihuttam sammā paricaraṇena ceva añjalikammādīhi ca¹ sakkaccam namassati, evam yamhā ācariyā Tathāgatapaveditam dhammam vijāneyya, tam sakkaccam namasseyyāti attho.

Desanāvasāne bahū sotāpattiphalaḍḍini pāpuṇimsūti.

Sāriputtattheravatthu navamam.

10. Jaṭilabrāhmaṇavatthu

Na jaṭāhīti imam dhammadesanam Satthā Jetavane viharanto ekam Jaṭilabrāhmaṇam ārabha kathesi.

1. Balikammādīhi ca (Sī)

So kira “ahaṃ mātito ca pitito ca sujāto brāhmaṇakule nibbatto. Sace samaṇo Gotamo attano sāvake brāhmaṇāti vadati, mampi nu kho tathā vattuṃ vaṭṭati”ti Satthu santikaṃ gantvā tamatthaṃ pucchi. Atha naṃ Satthā “nāhaṃ brāhmaṇa jaṭāmettena, na jātigottamattena brāhmaṇaṃ vadāmi, paṭividdhasaccameva panāhaṃ brāhmaṇoti vadāmi”ti vatvā dhammaṃ desento imaṃ gāthamāha—

393. “Na jaṭāhi, na gottena, na jaccā hoti brāhmaṇo.

Yamhi saccaṇca dhammo ca, so suci so ca brāhmaṇo”ti.

Tattha **saccanti** yasmim̐ puggale cattāri saccāni soḷasahākārehi paṭivijjhivā ṭhitāṃ saccaṇṇaṇceva navavidho ca lokuttaradhammo atthi, so suci, so brāhmaṇo cāti attho.

Desanāvasāne bahū sotāpattiphalādīni pāpuṇimsūti.

Jaṭilabrāhmaṇavatthu dasamaṃ.

11. Kuhakabrāhmaṇavatthu

Kim̐ teti imaṃ dhammadesanaṃ Satthā Kūṭāgārasālāyaṃ viharanto ekaṃ Vaggulivataṃ Kuhakabrāhmaṇaṃ ārabha kathesi.

So kira Vesālinagaradvāre ekaṃ kakudharukkhaṃ āruyha dvīhi pādehi rukkhāsākhāṃ gaṇhitvā adhosiro olambanto “kapilānaṃ me sataṃ detha, kahāpaṇe detha, paricārikaṃ detha, no ce dassatha, ito pativā maranto nagaraṃ anagaraṃ karissāmi”ti vadati. Tathāgatassa bhikkhusaṃghaparivutassa nagaraṃ pavisanakāle bhikkhū taṃ brāhmaṇaṃ disvā nikkhamaṇakālepi naṃ tatheva olambantaṃ passimsu. Nāgarāpi “ayaṃ pātova paṭṭhāya evaṃ olambanto pativā maranto nagaraṃ anagaraṃ kareyyā”ti cintevā nagaravināsabhītā “yaṃ so yācati, sabbaṃ demā”ti paṭissuṇivā adamsu. So otarivā sabbaṃ gahetvā agamāsi. Bhikkhū vihārūpacāre taṃ gāvim̐ viya viravitvā gacchantāṃ disvā sañjānitvā “laddhaṃ

te brāhmaṇa yathāpatthitan”ti pucchitvā “āma laddham me”ti sutvā antovihāraṃ gantvā Tathāgatassa tamattham ārocesum. Satthā “na bhikkhave idāneva so kuhakacoro, pubbepi kuhakacoroyeva ahosi. Idāni panesa bālayanam vañceti, tadā pana paṇḍite vañcetuṃ nāsakkhī”ti vatvā tehi yācito atītamāhari.

Aṭīte ekam Kāsikagāmaṃ nissāya eko Kuhakatāpaso vāsam kappesi. Tam ekam kulam paṭijaggi. Divā uppannakhādanīyabhojanīyato attano puttānam viya tassapi ekam koṭṭhāsam deti, sāyam uppannakoṭṭhāsam ṭhapetvā dutiyadivase deti. Athekadivasam sāyam godhamamsam labhitvā sādhuḥkam pacitvā tato koṭṭhāsam ṭhapetvā dutiyadivase tassa adamsu. Tāpaso mamsam khāditvāva¹ rasataṇhāya baddho “kiṃmamsam nāmetan”ti pucchitvā “godhamamsan”ti sutvā bhikkhāya caritvā sappidadhikaṭukabhaṇḍādīni gahetvā paṇṇasālam gantvā ekamantam ṭhapesi. Paṇṇasālāya pana avidūre ekasmim vammike godharājā viharati. So kālena kālam tāpasam vanditum āgacchati. Tamdivasam panesa “tam vadhissamī”ti daṇḍam paṭicchādetvā tassa vammikassa avidūre ṭhāne niddāyanto viya nisīdi. Godharājā vammikato nikkhamitvā tassa santikam āgacchantova ākāram sallakkhetvā “na me ajja ācariyassa ākāro rucati”ti tatova nivatti. Tāpaso tassa nivattanabhāvam ṇatvā tassa māraṇatthāya daṇḍam khiṇi, daṇḍo virajjhivā gato. Godharājāpi vammikam pavisitvā tato sīsam nīharitvā āgatamaggam olokento tāpasam āha—

“Samaṇam tam maññamāno, upagacchi’masaññatam.

So mam daṇḍena pāhāsi, yathā asamaṇo tathā.

Kiṃ te jaṭāhi dummedha, kiṃ te ajinasāṭiyā.

Abbhantaram te gahanam, bāhiram parimajjasī”²ti.

Atha nam tāpaso attano santakena palobhetum evamāha—

“Ehi godha nivattassu, bhuñja sālīnamodanam.

Telaṃ loṇaṅca me atthi, pahūtam mayha pipphalī”²ti.

1. Sāyitvāva (Sī)

2. Khu 5. 105 piṭṭhe.

Taṃ sutvā godharājā “yathā yathā tvaṃ kathesi, tathā tathā me palāyitukāmatāva hotī”ti vatā imaṃ gāthamāha—

“Esa bhiyyo pavekkhāmi, vammikaṃ sataporisaṃ.
Telaṃ loṇaṅca kittesi, ahitaṃ mayha pippalī”ti.

Evaṅca pana vatvā “ahaṃ ettakaṃ kālaṃ tayi samaṇasaññaṃ akāsiṃ, idāni pana te maṃ paharitukāmatāya daṇḍo khitto, tassa khittakāleyeva asamaṇo jāto. Kiṃ tādissa duppaññaṃ puggalassa jaṭāhi, kiṃ sakhurena ajinacamma. Abbhantaraṃ hi te gahanaṃ, kevalaṃ bāhirameva parimajjasī”ti āha. Satthā imaṃ atītaṃ āharitvā “tadā esa Kuhako tāpaso ahosi, godharājā pana ahamevā”ti vatvā jātaṃ samodhānetvā tadā godhapaṇḍitena tassa niggahitakāraṇaṃ dassento imaṃ gāthamāha—

394. “Kiṃ te jaṭāhi dummedha, kiṃ te ajinasāṭiyā.

Abbhantaraṃ te gahanaṃ, bāhiraṃ parimajjasī”ti.

Tattha **kiṃ te jaṭāhī**ti ambho duppañña tava baddhāhipi imāhi jaṭāhi sakhurāya nivatthāyapi imāya ajinacammaṣāṭikāya ca kimatthoti.

Abbhantaranti abbhantaraṃ hi te rāgādikilesagahanaṃ, kevalaṃ hatthilaṇḍaṃ assalaṇḍaṃ viya maṭṭhaṃ bāhiraṃ parimajjasīti attho.

Desanāvasāne bahū sotāpattiphalādīni pāpuṇimsūti.

Kuhakabrāhmaṇavatthu ekādasamaṃ.

12. Kisāgotamīvatthu

Pamsukūladharanti imaṃ dhammaḍḍanaṃ Satthā Gijjhakūṭe pabbate viharanto Kisāgotamiṃ ārabha kathesi.

Tadā kira Sakko paṭhamayāmāvasāne devaparisāya saddhiṃ Satthāraṃ upasaṅkamtivā vanditvā ekamante saraṇīyadhammakathaṃ suṇanto nisīdi. Tasmim̄ khaṇe Kisāgotamī “Satthāraṃ passissāmī”ti ākāsenāgantvā sakkam̄ disvā nivatti. So taṃ vanditvā nivattantiṃ disvā Satthāraṃ pucchi “kā

nāmesā bhante, āgacchamānāva tumhe disvā nivattatī”ti. Satthā “Kisāgotamī nāmesā mahārāja mama dhītā paṃsukūlikattherīnaṃ aggā”ti vatvā imaṃ gāthamāha—

395. “Paṃsukūladharaṃ jantuṃ, kisaṃ dhamanisanthataṃ.

Ekam vanasmim jhāyantaṃ, tamahaṃ brūmi brāhmaṇaṃ”ti.

Tattha **kisanti** paṃsukūlikā hi attano anurūpaṃ paṭipadaṃ pūrentā appamaṃsalohitā ceva honti dhamanisanthatagattā ca, tasmā evamāha. **Ekam vanasminti** vivittaṭṭhāne ekakaṃ vanasmim jhāyantaṃ tamahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Kisāgotamīvatthu dvādasamaṃ.

13. Ekabrāhmaṇavatthu

Na cāhanti imaṃ dhammadesanaṃ Satthā Jetavane viharanto ekam brāhmaṇaṃ ārabha kathesi.

So kira “samaṇo Gotamo attano sāvake brāhmaṇāti vadati, ahañcamhi brāhmaṇayoniyaṃ nibbatto, mampi nu kho evaṃ vattuṃ vaṭṭatī”ti Satthāraṃ upasaṅkamitvā tamatthaṃ pucchi. Atha naṃ Satthā “nāhaṃ brāhmaṇa brāhmaṇayoniyaṃ nibbattamattenevaṃ vadāmi, yo pana akiñcano agahaṇo¹, tamahaṃ brāhmaṇaṃ vadāmī”ti vatvā imaṃ gāthamāha—

396. “Na cāhaṃ brāhmaṇaṃ brūmi, yonijaṃ mattisambhavaṃ.

Bhovādi nāma so hoti, sace hoti sakiñcano.

Akiñcanaṃ anādānaṃ, tamahaṃ brūmi brāhmaṇaṃ”ti.

Tattha **yonijanti** yoniyā jātā. **Mattisambhavanti** brāhmaṇiyā mātu santake udarasmiṃ sambhūtaṃ. **Bhovādīti** so pana āmantanādīsu “bho bho”ti vatvā vicaranto bhovādi nāma hoti, sace

1. Agahaṇo anaṅgaṇo (Sī)

rāgādīhi kiñcanehi sakiñcano. Ahaṃ pana rāgādīhi **akiñcanam** catūhi upādānehi **anādānam brāhmaṇam** vadāmīti attho.

Desanāvasāne so brāhmaṇo sotāpattiṭṭhale patiṭṭhati, sampattānampi sātthikā dhammadesanā ahoṣīti.

Ekabrāhmaṇavatthu terasamaṃ.

14. Uggasenasetṭhiputtavatthu

Sabbasaṃyojananti imaṃ dhammadesanaṃ Satthā Veḷuvane viharanto Uggasenaṃ nāma setṭhiputtaṃ ārabha kathesi. Vatthu “muñca pure muñca pacchato”¹ti gāthavaṇṇanāya vitthāritameva.

Tadā hi Satthā “bhante Uggaseno ‘na bhāyāmī’²ti vadati, abhūtena maññe aññaṃ byākaroti”²ti bhikkhūhi vutte “bhikkhave mama puttasadisā chinnaṃyojanā na bhāyantiyevā”²ti vatvā imaṃ gāthamāha—

397. “Sabbasaṃyojanaṃ chetvā, yo ve na paritassati.

Saṅgātigaṃ viṣaṃyuttaṃ, tamahaṃ brūmi brāhmaṇaṃ”²ti.

Tattha **sabbasaṃyojananti** dasavidhasaṃyojanaṃ. **Na paritassatīti** taṇhāya na bhāyati. **Tamahanti** taṃ ahaṃ rāgādīnaṃ saṅgānaṃ atītattā² **saṅgātigaṃ**, catunnampi yogānaṃ abhāvena **viṣaṃyuttaṃ brāhmaṇam** vadāmīti attho.

Desanāvasāne bahū sotāpattiṭṭhalādīni pāpuṇiṃsūti.

Uggasenasetṭhiputtavatthu cuddasamaṃ.

15. Dvebrāhmaṇavatthu

Chetvā naddhinti imaṃ dhammadesanaṃ Satthā Jetavane viharanto dve brāhmaṇe ārabha kathesi.

1. Khu 1. 63 piṭṭhe.

2. Atigatattā (Si)

Tesu kirekassa Cūlarohito nāma goṇo ahoṣi, ekassa Mahārohito nāma. Te ekadivasam “tava goṇo balavā, mama goṇo balavā”ti vivaditvā “kiṃ no vivādena, pājetvā jānissāmā”ti Aciravatīṭire sakaṭam vālukāya pūretvā goṇe yojayimsu. Tasmim̄ khaṇe bhikkhūpi nhāyitum̄ tattha gatā honti. Brāhmaṇā goṇe pājesum̄. Sakaṭam̄ niccalam̄ aṭṭhāsi, naddhivarattā pana chijjimsu. Bhikkhū disvā vihāram̄ gantvā tamattham̄ Satthu ārocayimsu. Satthā “bhikkhave bāhirā etā naddhivarattā, yo koci etā chindateva, bhikkhunā pana ajjhattikam̄ kodhanaddhiñceva taṇhāvarattañca chinditum̄ vaṭṭati”ti vatvā imam̄ gāthamāha—

398. “Chetvā naddhim̄ varattañca, sandānam̄ sahanukkamam̄.

Ukkhittapaligham̄ Buddham̄, tamaham̄ brūmi brāhmaṇam̄”ti.

Tattha **naddhinti** nayhanabhāvena pavattam̄ kodham̄. **Varattanti** bandhanabhāvena pavattam̄ taṇham̄. **Sandānam̄ sahanukkamanti** anusayānukkamasahitam̄ dvāsattḥiditṭhisandānam̄, idam̄ sabbampi chinditvā ṭhitam̄ avijjāpalighassa ukkhittattā **ukkhittapaligham̄**, catunnam̄ saccānam̄ buddhattā Buddham̄ tam̄ aham̄ brāhmaṇam̄ vadāmīti attho.

Desanāvasāne pañcasatā bhikkhū arahatte patiṭṭhahimsu, sampattānampi sātthikā dhammadesanā ahoṣīti.

Dvebrāhmaṇavatthu pannarasamam̄.

16. Akkosabhāradvājavatthu

Akkosanti imam̄ dhammadesanam̄ Satthā Veḷuvane viharanto Akkosabhāradvājam̄ ārabha kathesi.

Tassa hi bhātu Bhāradvājassa Dhanañjānī nāma brāhmaṇī sotāpannā ahoṣi. Sā khīpitvāpi kāsitvāpi pakkhalitvāpi “namo tassa Bhagavato Arahato Sammāsambuddhassā”ti imam̄ udānam̄ udānesi. Sā ekadivasam̄ brāhmaṇaparivesanāya pavattamānāya pakkhalitvā tatheva mahāsaddena udānam̄ udānesi. Brāhmaṇo kujjhitvā “evamevāyam̄ vasalī yattha vā tattha vā pakkhalitvā tassa muṇḍakassa samaṇakassa vaṇṇam̄

bhāsati”ti vatvā “idāni te vasali gantvā tassa Satthuno vādaṃ āropessāmī”ti āha. Atha naṃ sā “gaccha brāhmaṇa, nāhaṃ taṃ passāmi, yo tassa Bhagavato vādaṃ āropeyya, api ca gantvā taṃ Bhagavantam pañhaṃ pucchassū”ti āha. So Satthu santikaṃ gantvā avanditvāva ekamantaṃ ṭhito pañhaṃ pucchanto imaṃ gāthamāha—

“Kiṃsu chetvā sukhaṃ seti, kiṃsu chetvā na socati.
Kissassu ekadhammassa, vadhaṃ rocesi Gotamā”ti¹.

Athassa pañhaṃ byākaronto Satthā imaṃ gāthamāha—

“Kodhaṃ chetvā sukhaṃ seti, kodhaṃ chetvā na socati.
Kodhassa visamūlassa, madhuraggassa brāhmaṇa.
Vadhaṃ ariyā pasānsanti, taṃ hi chetvā na socatī”ti².

So Satthari pasīditvā pabbajitvā arahattaṃ pāpuṇi. Athassa kaniṭṭho Akkosabhāradvājo “bhātā kira me pabbajito”ti sutvā kuddho āgantvā Satthāraṃ asabbhāhi pharusāhi vācāhi akkosi. Sopi Satthārā atithīnaṃ khādanīyādidāna-opammaena saññatto Satthari pasanno pabbajitvā arahattaṃ pāpuṇi. Aparepissa Sundarikabhāradvājo Biliṅgakabhāradvājoti dve kaniṭṭhabhātaro Satthāraṃ akkosantāva Satthārā vinītā pabbajitvā arahattaṃ pāpuṇiṃsu.

Athekadivasāṃ dhammasabhāyaṃ kathaṃ samuṭṭhāpesuṃ “āvuso acchariyā vata Buddhaguṇā, catūsu nāma bhātikesu akkosantesu Satthā kiñci avatvā tesāmyeva patiṭṭhā jāto”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “bhikkhave ahaṃ mama khantibaleṇa samannāgatattā duṭṭhesu adussanto mahājanassa patiṭṭhā homiyevā”ti vatvā imaṃ gāthamāha—

399. “Akkosaṃ vadhabandhañca, aduṭṭho yo titikkhati.

Khantībalaṃ balānikāṃ, tamahaṃ brūmi brāhmaṇaṃ”ti.

Tattha **aduṭṭho**ti etaṃ dasahi akkosavatthūhi akkosañca paṇi-ādīhi pothanañca andubandhanādīhi bandhanañca yo akuddhamānaso hutvā

1. Saṃ 1. 162 piṭṭhe.

2. Saṃ 1. 163 piṭṭhe.

adhivāseti, khantibalena samannāgatattā **khantibalaṃ**, punappunaṃ uppattiyā anīkabhūtena teneva khantibalena samannāgatattā **balānīkaṃ taṃ** evarūpaṃ **ahaṃ brāhmaṇaṃ** vadāmīti attho.

Desanāvasāne bahū sotāpattiphalādīni pāpuṇimsūti.

Akkosakabhāradvājavatthu soḷasamaṃ.

17. Sāriputtattheravatthu

Akkodhananti imaṃ dhammadeśanaṃ Satthā Veḷuvane viharanto Sāriputtattheraṃ ārabha kathesi.

Tadā kira thero pañcahi bhikkhusatehi saddhiṃ piṇḍāya caranto Nālakagāme mātu gharadvāraṃ agamāsi. Atha naṃ sā nisīdāpetvā parivisaṃānā akkosi “ambho ucchiṭṭhakhādaka ucchiṭṭhakañjīyaṃ alabhitvā paragharesu uḷuṅkapiṭṭhena ghaṭṭitakañjīyaṃ paribhuñjituṃ¹ asīti koṭṭidhanaṃ pahāya pabbajitosi, nāsitaṃhā tayā, bhuñjāhi dānī”ti. Bhikkhūnampi bhantaṃ dadamānā “tumhehi mama putto attano cūḷupaṭṭhāko kato, idāni bhuñjathā”ti vadeti. Thero bhikkhaṃ gahetvā vihārameva agamāsi. Athāyasmā Rāhulo Satthāraṃ piṇḍapātena āpucchi. Atha naṃ Satthā āha “Rāhula kahaṃ gamitthā”ti. Ayyikāya gāmaṃ bhanteti. Kiṃ pana te ayyikāya upajjhāyo vuttoti. Ayyikāya me bhante upajjhāyo akkuṭṭhoti. Kinti vatvāti. Idaṃ nāma bhanteti. Upajjhāyena pana te kiṃ vuttanti. Na kiñci bhanteti. Taṃ sutvā bhikkhū dhammasabhāyaṃ kathaṃ samuṭṭhāpesuṃ “āvuso acchāriyā vata Sāriputtattherassa guṇā, evaṃnāmaṃ mātaṃ akkosantiyā kodhamattampi nāhosī”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāma”ti vutte “bhikkhave khīṇāsavā nāma akkodhanāva hontī”ti vatvā imaṃ gāthamāha—

400. “Akkodhanaṃ vatavantaṃ, sīlavantaṃ anussadaṃ.

Dantaṃ antimasārīraṃ, tamahaṃ brūmi brāhmaṇaṃ”ti.

1. Paribhuñjituṃ arahasi (Syā)

Tattha **vatavantanti** dhutavatena, samannāgataṃ catupārisuddhisilena **sīlavantaṃ**, taṇhā-ussadābhāvena **anussadaṃ**,¹ chaḷindriyadamanena **dantaṃ**, koṭiyaṃ ṭhitena attabhāvena **antimasarīraṃ tamahaṃ brāhmaṇaṃ** vadāmīti attho.

Desanāvasāne bahū sotāpattiphalādīni pāpuṇimsūti.

Sāriputtattheravatthu sattarasamaṃ.

18. Uppalavaṇṇātherīvatthu

Vāri pokkharapattevāti imaṃ dhammadesanaṃ Satthā Jetavane viharanto Uppalavaṇṇatheriṃ ārabbhakathesi. Vatthu “madhuvāmaññāti bālo”ti gāthavaṇṇanāya² vitthāritameva. Vuttañhi tattha³—

Aparena samayena mahājano dhammasabhāyaṃ kathaṃ samuṭṭhāpesi “khīṇāsavāpi maññe kāmasukhaṃ sādīyanti, kāmaṃ sevanti, kiṃ na sevissanti. Na hete koḷāparukkhā, na ca vammikā, allamaṃsasārīrāva, tasmā etepi kāmasukhaṃ sādīyanti”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave khīṇāsavā kāmasukhaṃ sādīyanti, na kāmaṃ sevanti. Yathā hi padumapatte patitaṃ udakabindu na limpanti na saṅṭhāti, vinivattitvā pana patateva. Yathā ca āragge sāsapo na upalimpanti na saṅṭhāti, vinivattitvā patateva, evaṃ khīṇāsavassa citte duvidhopi kāmo na limpanti na saṅṭhāti”ti anusandhiṃ ghaṭetvā dhammaṃ desento imaṃ gāthamāha—

401. “Vāri pokkharapatteva, āraggeriva sāsapo.

Yo na limpanti⁴ kāmesu, tamahaṃ brūmi brāhmaṇaṃ”ti.

Tattha **yo na limpanti**ti evamevaṃ yo abbhantare duvidhepi kāme na upalimpanti, tasmim kāme na saṅṭhāti, **tamahaṃ brāhmaṇaṃ** vadāmīti attho.

Desanāvasāne bahū sotāpattiphalādīni pāpuṇimsūti.

Uppalavaṇṇātherīvatthu aṭṭhārasamaṃ.

1. Taṇhā-ussāvābhāvena anussutaṃ (Sī)

3. Dhammapada-Ṭṭha 1. 312 piṭṭhe.

2. Khu 1. 23 piṭṭhe.

4. Lippanti (Sī)

19. Aññatarabrāhmaṇavatthu

Yo dukkhassāti imañ dhammadesanaṃ Satthā Jetavane viharanto aññataraṃ brāhmaṇaṃ ārabha kathesi.

Tassa kireko dāso apaññatte sikkhāpade palāyitvā pabbajitvā arahattaṃ pāpuṇi. Brāhmaṇo taṃ olokeno adisvā ekadivasaṃ Satthārā saddhiṃ piṇḍāya pavisantaṃ dvārantaṃ disvā cīvaram daḷhaṃ aggahehi. Satthā nivattitvā “kiṃ idaṃ brāhmaṇā”ti pucchi. Dāso me bho Gotamāti. Pannabhāro esa brāhmaṇāti. “Pannabhāro”ti ca vutte brāhmaṇo “arahā”ti sallakkhesi. Tasmā punapi tena “evaṃ bho Gotamā”ti vutte Satthā “āma brāhmaṇa Pannabhāro”ti vatvā imañ gāthamāha—

402. “Yo dukkhassa pajānāti, idheva khayamattano.

Pannabhāraṃ visaṃyuttaṃ, tamahaṃ brūmi brāhmaṇaṃ”ti.

Tattha **dukkhassā**ti khandhadukkhassa. **Pannabhāraṃ**ti ohitakhandhabhāraṃ catūhi yogehi sabbakilesehi vā **visaṃyuttaṃ tamahaṃ brāhmaṇaṃ** vadāmīti attho.

Desanāvasāne so brāhmaṇo sotāpattiṭṭhale patiṭṭhahi, sampattānampi sātthikā dhammadesanā ahoṣīti.

Aññatarabrāhmaṇavatthu ekūnavīsatiṃ.

20. Khemābhikkhunīvatthu

Gambhīrapaññanti imañ dhammadesanaṃ Satthā Gijjhakūṭe viharanto Khemaṃ nāma bhikkhuniṃ ārabha kathesi.

Ekadivasaṃ hi paṭhamayāmasamanantare Sakko devarājā parisāya saddhiṃ āgantvā Satthu santike sāraṇīyadhammakathaṃ suṇanto nisīdi. Tasmīṃ khaṇe Khemā bhikkhunī “Satthāraṃ passissāmī”ti āgantvā Sakkaṃ disvā ākāse ṭhitāva Satthāraṃ vanditvā nivatti. Sakko taṃ disvā

“Kā esā bhante āgacchamānā ākāse ʘhitāva Satthāraṃ vanditvā nivattī”ti pucchi. Satthā “esā mahārāja mama dhītā Khemā nāma mahāpaññā maggāmaggakovidā”ti vatvā imam gāthamāha—

403. “Gambhīrapaññaṃ medhāvim, maggāmaggassa kovidam.
Uttamatthamanuppattam, tamaham brūmi brāhmaṇam”ti.

Tattha **gambhīrapaññanti** gambhīresu khandhādīsu pavattāya paññāya samannāgataṃ dhammojapaññāya samannāgataṃ **medhāvim**¹ “ayaṃ duggatīyā maggo, ayaṃ sugatīyā maggo, ayaṃ nibbānassa maggo, ayaṃ amaggo”ti evaṃ magge ca amagge ca chekatāya **maggāmaggassa kovidam** arahattasankhātam **uttamattham anuppattam tamaham brāhmaṇam** vadāmīti attho.

Desanāvasāne bahū sotāpattiphalādīni pāpuṇimsūti.

Khemābhikkhunivatthu vīsatimam.

21. Pabbhāravāsītissattheravatthu

Asamsatthanti imam dhammadesanam Satthā Jetavane viharanto Pabbhāravāsītissattheram ārabba katesi.

So kira Satthu santike kammaṭṭhānam gahetvā araṇṇam pavisitvā sappāyam senāsanam olokeno ekam Leṇapabbhāram pāpuṇi, sampattakkhaṇeyevassa cittaṃ ekaggataṃ labhi. So “aham idha vasanto pabbajitakiccaṃ nipphādetum sakkhissāmī”ti cintesi. Leṇepi adhivatthā devatā “sīlavā bhikkhu āgato, iminā saddhim ekatṭhāne vasitum dukkham. Ayaṃ pana idha ekarattimeva vasitvā pakkamissatī”ti cintetvā putte ādāya nikkhami. Thero punadivase pātova gocaragāmam piṇḍāya pāvīsi. Atha nam ekā upāsikā disvāva puttasinham paṭilabhitvā gehe nisīdāpetvā bhojetvā attānam nissāya temāsam vasanatthāya yāci. Sopi “sakkā mayā imam

1. Dhammojapaññāya medhāvim (Sī)

nissāya bhavanissaraṇaṃ kātun”ti adhivāsetvā tameva leṇaṃ agamāsi.
Devatā taṃ āgacchantāṃ disvā “addhā kenaci nimantito bhavissati, sve vā
parasuve vā gamissatī”ti cintesi.

Evam aḍḍhamāsamatte atikkante “ayaṃ idheva maññe antovassaṃ
vasissati, sīlavatā pana saddhiṃ ekaṭṭhāne puttakehi saddhiṃ vasituṃ
dukkaraṃ, imaṅca ‘nikkhamā’ti vattuṃ na sakkā, atthi nu kho imassa sīle
khalitan”ti dibbena cakkhunā oloketi upasampadamālakato paṭṭhāya tassa
sīle khalitaṃ adisvā “parisuddhamassa sīlaṃ, kiṅcidevassa katvā ayaṃ
uppādessāmī”ti tassa upaṭṭhākakule upāsikāya jeṭṭhaputtassa sarīre
adhimuccivā gīvaṃ parivattesi. Tassa akkhīni nikkhamiṃsu, mukhato kheḷo
pagghari. Upāsikā taṃ disvā “kiṃ idan”ti viravi. Atha naṃ devatā
adissamānarūpā evamāha “mayā esa gahito, balikammenapi me attho natthi,
tumhākaṃ pana kulūpakaṃ therāṃ laṭṭhimadhukaṃ yācitvā tena telaṃ
pacitvā imassa natthukammaṃ detha, evāhaṃ imaṃ muñcissāmī”ti. Nassatu
vā esa maratu vā, na sakkhissāmahaṃ ayyaṃ laṭṭhimadhukaṃ yācitunti.
Sace laṭṭhimadhukaṃ yācituṃ na sakkotha, nāsikāya’ssa hiṅgucuṇṇaṃ
pakkhipituṃ vadethāti. Idampi vattuṃ na sakkomāti. Tena hissa
pādadhovana-udakaṃ ādāya sīse āsiñcathāti. Upāsikā “sakkā idan kātun”ti
velāya āgataṃ therāṃ nisīdāpetvā yāgukhajjakaṃ datvā antarabhatte
nisinnassa pāde dhovivā udakaṃ gahetvā “bhante idan udakaṃ dārakassa
sīse āsiñcāmā”ti āpucchivā “tena hi āsiñcathā”ti vutte tathā akāsi. Sā devatā
tāvadeva taṃ muñcivā gantvā leṇadvāre aṭṭhāsi.

Theropi bhattakiccāvasāne uṭṭhāyāsanaṃ avissaṭṭhakammaṭṭhānatāya
dvattiṃsākāraṃ sajjhāyantova pakkāmi. Atha naṃ leṇadvāraṃ pattakāle sā
devatā “mahāvejja mā idha pavisa”ti āha. So tattheva ṭhatvā “kāsi tvan”ti
āha. Ahaṃ idha adhivatthā devatāti. Thero “atthi nu kho mayā
vejjakammaṃ kataṭṭhānan”ti upasampadamālakato paṭṭhāya oloketo
attano sīle tilakaṃ vā kāḷakaṃ vā¹

1. Tilamattampi kāḷaṃ (Ka)

adisvā “aham mayā vejjakammasa kataṭṭhānaṃ na passāmi, kasmā evaṃ vadesī”ti āha. Na passasīti. Āma na passāmīti. Ācikkhāmi teti. Āma ācikkhāhīti. Tiṭṭhatu tāva dūre kataṃ, ajjeva tayā amanussagahitassa upaṭṭhākaputtassa pādadhovana-udakaṃ sīse āsittaṃ, nāsittanti. Āma āsittanti. Kiṃ etaṃ na passasīti. Etaṃ sandhāya tvaṃ vadesīti. Āma etaṃ sandhāya vadāmīti. Thero cintesi “aho vata me sammā paṇihito attā, sāsanaṃ anurūpaṃ vata me caritaṃ, devatāpi mama catupārisuddhisīle tilakaṃ vā kāḷakaṃ vā¹ adisvā dāraḷakassa sīse āsittapādadhovanamattaṃ addasā”ti tassa sīlaṃ ārabha balavapīti uppajji. So taṃ vikkhambhetvā pāduddhāraṃpi akatvā tattheva arahattaṃ patvā “mādisaṃ parisuddhaṃ samaṇaṃ dūsetvā mā idha vanasaṇḍe vasi², tvameva nikkhamāhī”ti devataṃ ovadanto imaṃ udānaṃ udānesi—

“Visuddho vata me vāso, nimmalaṃ maṃ tapassinaṃ.

Mā tvaṃ visuddhaṃ dūsesi, nikkhama pavanā tuvaṃ”ti.

So tattheva temāsaṃ vasitvā vutthavasso Satthu santikaṃ gantvā bhikkhūhi “kiṃ āvuso pabbajitakiccaṃ te matthakaṃ pāpitaṃ”ti puṭṭho tasmim leṇe vassūpagamanato paṭṭhāya sabbaṃ taṃ pavattiṃ bhikkhūnaṃ ārocetvā “āvuso tvaṃ devatāya evaṃ vuccamāno na kujjhī”ti vutte “na kujjhin”ti āha. Bhikkhū Tathāgatassa ārocesuṃ “bhante ayaṃ bhikkhu aññaṃ byākaroti, devatāya idaṃ nāma vuccamānopi na kujjhinti vadatī”ti. Satthā tesāṃ kathaṃ sutvā “neva bhikkhave mama putto kujjhati, etassa gihīhi vā pabbajitehi vā saṃsaggo nāma natthi, asaṃsaṭṭho esa appiccho santuṭṭho”ti vatvā dhammaṃ desento imaṃ gāthamāha—

404. “Asaṃsaṭṭhaṃ gahaṭṭhehi, anāgārehi cūbhayaṃ.

Anokasāri’ mappicchaṃ, tamahaṃ brūmi brāhmaṇaṃ”ti.

Tattha **asaṃsaṭṭhanti**

dassanasavanasamullapanaparibhogakāyasaṃsaggānaṃ abhāvena asaṃsaṭṭhaṃ. **Ubhayanti** gihīhi ca anāgārehi cāti ubhayehipi

1. Kāḷakaṃ vā tilamattaṃ (Ka)

2. Vasanaṭṭhāne vasittha (Si)

asaṃsaṭṭham¹. **Anokasārinti** anālayacāriṃ taṃ² evarūpaṃ ahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Pabbhāravāsītissattheravattu ekavīsatiṃmaṃ.

22. Aññatarabhikkhuvatthu

Nidhāya daṇḍanti imaṃ dhammadeśanaṃ Satthā Jetavane viharanto aññataraṃ bhikkhuṃ ārabba kathesi.

So kira Satthu santike kammaṭṭhānaṃ gahetvā araṇṇe vāyamanto arahattaṃ patvā “paṭiladdhaguṇaṃ Satthu āroccsāmī”ti tato nikkhami. Atha naṃ ekasmiṃ gāme ekā itthī sāmikena saddhiṃ kalahaṃ katvā tasmim̄ bahi nikkhante “kulagharaṃ gamissāmī”ti maggaṃ paṭipannā antarāmagge disvā “imaṃ therāṃ nissāya gamissāmī”ti piṭṭhito piṭṭhito anubandhi. Thero pana taṃ na passati. Athassā sāmiko gehaṃ āgato taṃ adisvā “kulagāmaṃ gatā bhavissati”ti anubandhanto taṃ disvā “na sakkā imāya ekikāya imaṃ aṭaviṃ paṭipajjitum̄, kaṃ nu kho nissāya gacchatī”ti olokeno therāṃ disvā “ayaṃ imaṃ gaṇhitvā nikkhanto bhavissati”ti cintetvā therāṃ santajjesi. Atha naṃ sā itthī “neva maṃ esa bhaddanto passati, na ālapati, mā naṃ kiñci avacā”ti āha. So “kiṃ pana tvaṃ attānaṃ gahetvā gacchantāṃ mama ācikkhissasi, tuyhameva anucchavikaṃ imassa karissāmī”ti uppannakodho itthiyā āghātena therāṃ pothetvā taṃ ādāya nivatti. Therassa sakalasarīraṃ sañjātagaṇḍaṃ ahoṣi. Athassa vihāraṃ gatakāle bhikkhū sarīraṃ sambāhantā gaṇḍe disvā “kiṃ idan”ti pucchimsu. So tesāṃ tamatthaṃ ārocesi. Atha naṃ bhikkhū “āvuso tasmim̄ purise evaṃ paharante tvaṃ kiṃ avaca, kiṃ vā te kodho uppanno”ti. “Na me āvuso kodho uppajjī”ti vutte Satthu santikaṃ gantvā tamatthaṃ ārocetvā “bhante esa bhikkhu ‘kodho

1. Asaṃsaṭṭham̄ anālayacāranti attho (Sī), asaṃsaṭṭham̄ anālayaṃ caritanti attho (Ka)

2. Anālayacāriṇaṃ (Sī)

te uppajjati'ti vuccamāno 'na me āvuso kodho uppajjati'ti abhūtaṃ vatvā aññaṃ byākaroti'ti ārocesuṃ. Satthā tesāṃ kathaṃ sutvā “bhikkhave khīṇāsavā nāma nihitadaṇḍā, te paharantesupi kodhaṃ na karontiyevā”ti vatvā imaṃ gāthamāha—

405. “Nidhāya daṇḍaṃ bhūtesu, tasesu thāvaresu ca.

Yo na hanti na ghātetī, tamahaṃ brūmi brāhmaṇaṃ”ti.

Tattha **nidhāyā**ti nikkhipitvā oropetvā. **Tasesu thāvaresu cāti** taṇhātāsena¹ tasesu, taṇhā-abhāvena thiratāya thāvaresu ca. **Yo na hantī**ti yo evaṃ sabbasattesu vigatapaṭighatāya nikkhittadaṇḍo neva kañci sayāṃ hanati, na aññe ghātetī, tamahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Aññatarabhikkhuvatthu bāvīsatiṃ.

23. Sāmaṇerānaṃvatthu

Aviruddhanti imaṃ dhammadesanaṃ Satthā Jetavane viharanto cattāro sāmaṇere ārabha kathesi.

Ekā kira brāhmaṇī catunnaṃ bhikkhūnaṃ uddesabhataṃ sajjetvā brāhmaṇaṃ āha “vihāraṃ gantvā cattāro mahallakabrāhmaṇe uddisāpetvā² ānehī”ti. So vihāraṃ gantvā “cattāro me brāhmaṇe uddisitvā³ dethā”ti āha. Tassa Saṃkicco Paṇḍito Sopāko Revatoti sattavassikā cattāro khīṇāsavasāmaṇerā pāpuṇimsu. Brāhmaṇī mahārahāni āsanāni paññāpetvā ṭhitā sāmaṇere disvāva kupitā uddhane pakkhittaloṇaṃ viya taṭataṭāyamānā “tvaṃ vihāraṃ gantvā attano nattumattepi appahonte cattāro kumārake gahetvā āgatosī”ti vatvā tesāṃ tesu āsanesu nisīdituṃ adatvā nīcapīṭhakāni attharivā “etesu nisīdathā”ti vatvā “gaccha brāhmaṇa, mahallake oloketvā

1. Taṇhāvasena (Ka)

2. Uddisitvā (Sī, Syā)

3. Uddisāpetvā (Sī)

ānehī”ti āha. Brāhmaṇo vihāraṃ gantvā Sāriputtattheraṃ disvā “etha, amhākaṃ gehaṃ gamissāmā”ti ānesi. Thero āgantvā sāmaṇere disvā “imehi brāhmaṇehi bhattaṃ laddhan”ti pucchitvā “na laddhan”ti vutte catunnameva bhattassa paṭiyattabhāvaṃ ñatvā “āhara me pattan”ti pattam gahetvā pakkāmi. Brāhmaṇīpi “kiṃ iminā vuttan”ti pucchitvā “etesam nisinnānaṃ brāhmaṇānaṃ laddhuṃ vaṭṭati, āhara me pattan”ti attano pattam gahetvā gato, na bhuñjitukāmo bhavissati, sīghaṃ gantvā aññaṃ oloketvā ānehīti. Brāhmaṇo gantvā Mahāmogallānattheraṃ disvā tatheva vatvā ānesi. Sopi sāmaṇere disvā tatheva vatvā pattam gahetvā pakkāmi. Atha naṃ brāhmaṇī āha “ete na bhuñjitukāmā, brāhmaṇavādakam¹ gantvā ekam mahallakabrāhmaṇaṃ ānehī”ti.

Sāmaṇerāpi pātova paṭṭhāya kiñci alabhamānā jighacchāya pīlītā nisīdimisu. Atha nesaṃ guṇatejena Sakkassa āsanaṃ uṇhākāraṃ dassesi. So āvajjento tesam pātova paṭṭhāya nisinnānaṃ kilantabhāvaṃ ñatvā “mayā tattha gantuṃ vaṭṭatī”ti jarājīṇṇo mahallakabrāhmaṇo hutvā tasmim brāhmaṇavādake brāhmaṇānaṃ aggāsane nisīdi. Brāhmaṇo taṃ disvā “idāni me brāhmaṇī attamanā bhavissatī”ti “ehi gehaṃ gamissāmā”ti taṃ ādāya gehaṃ agamāsi. Brāhmaṇī taṃ disvāva tuṭṭhacittā dvīsu āsanesu attharaṇaṃ ekasmimyeva attharivā “ayya idha nisīdāhī”ti āha. Sakko gehaṃ pavisitvā cattāro sāmaṇere pañcapaṭiṭṭhitena vanditvā tesam āsanapariyante bhūmiyaṃ pallaṅkena nisīdi. Atha naṃ disvā brāhmaṇī brāhmaṇaṃ āha “aho te ānīto brāhmaṇo, etampi ummattakam² gahetvā āgatosi, attano nattumatte vandanto vicarati, kiṃ iminā, nīharāhi nan”ti. So khandhepi hatthehi kacchāyapi gahetvā nikkadḍhiyamāno uṭṭhātumpi na icchatī. Atha naṃ brāhmaṇī “ehi brāhmaṇa, tvaṃ ekasmim hatthe gaṇha, ahaṃ ekasmim hatthe gaṇhissāmī”ti ubhopi dvīsu hatthesu gahetvā piṭṭhiyaṃ pothentā gehadvārato bahi akāmsu. Sakkopi nisinnaṭṭhāneyeva nisinnō hatthaṃ parivattesi. Te nivattitvā taṃ nisinnaṃ disvā bhītaravaṃ ravantā vissajjesuṃ. Tasmim khaṇe Sakko attano Sakkabhāvaṃ jānāpesi. Atha nesaṃ āhāraṃ adāmsu. Pañcapi

1. Brāhmaṇavādakam (Sī)

2. Etaṃ pitumattakam (Sī, Ka)

janā āhāraṃ gahetvā eko kaṇṇikāmaṇḍalaṃ vinivijjhivā, eko chadanassa purimabhāgaṃ, eko pacchimabhāgaṃ, eko pathaviyaṃ nimujjitvā, Sakkopi ekena thānena nikkhamīti¹ evaṃ pañcadhā agamaṃsu². Tato paṭṭhāya ca pana taṃ gehaṃ pañcachiddagehaṃ kira nāma jātaṃ.

Sāmaṇerepi vihāraṃ gatakāle bhikkhū “āvuso kīdisan”ti pucchimsu. Mā no pucchittha, amhākaṃ diṭṭhakālato paṭṭhāya brāhmaṇī kodhābhībhūtā paññattāsanesu no nisīditumpi adatvā “sīghaṃ sīghaṃ mahallakabrāhmaṇaṃ ānehi”ti āha. Amhākaṃ upajjhāyo āgantvā amhe disvā “imesaṃ nisinnabrāhmaṇānaṃ laddhuṃ vaṭṭatī”ti pattam āharāpetvā nikkhami. “Aññaṃ mahallakaṃ brāhmaṇaṃ ānehi”ti vutte brāhmaṇo Mahāmogallānattheraṃ ānesi, sopi amhe disvā tatheva vatvā pakkāmi. Atha brāhmaṇī “na ete bhuñjitukāmā, gaccha brāhmaṇavādakato ekaṃ mahallakabrāhmaṇaṃ ānehi”ti brāhmaṇaṃ paḥiṇi. So tattha gantvā brāhmaṇavesena āgataṃ Sakkam ānesi, tassa āgatakāle amhākaṃ āhāraṃ adaṃsūti. Evaṃ karontānaṃ pana tesaṃ tumhe na kujjhithhāti. Na kujjhimhāti. Bhikkhū taṃ sutvā Satthu ārocesuṃ “bhante ime ‘na kujjhimhā’ti abhūtaṃ vatvā aññaṃ byākarontī”ti. Satthā “bhikkhave khīṇāsavā nāma viruddhesupi³ na virujjhantiyevā”ti vatvā imaṃ gāthamāha—

406. “Aviruddhaṃ viruddhesu, attadaṇḍesu nibbutaṃ.

Sādānesu anādānaṃ, tamahaṃ brūmi brāhmaṇaṃ”ti.

Tattha **aviruddhanti** āghātavasena viruddhesupi lokiyamahājanesu āghātābhāvena⁴ aviruddhaṃ. Hatthagate daṇḍe vā satthe vā avijjamānepi⁵ paresaṃ pahāradānato aviratattā attadaṇḍesu janesu nibbutaṃ nikkhattadaṇḍaṃ, pañcannaṃ khandhānaṃ ahaṃ mamanti gahitattā sādānesu tassa gahaṇassa abhāvena anādānaṃ taṃ evarūpaṃ ahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Sāmaṇerānaṃ vatthu tevīsatiamaṃ.

1. Nikkhamitvāti (Sī, Ka) 2. Evaṃ pañcapi janā pañcaṭṭhānāni agamaṃsu (Syā, Ka)
 3. Viruddhehipi (Sī, Ka) 4. Āghātavasena (Ka)
 5. Hatthagatchi daṇḍehi vā satthehi vā (Sī)

24. Mahāpanthakattheravattu

Yassa rāgo cāti imaṃ dhammadesanaṃ Satthā Veḷuvane viharanto Mahāpanthakaṃ ārabha kathesi.

So hāyasmā Cūḷapanthakaṃ catūhi māsehi ekaṃ gātham paṇaṃ kātuṃ asakkontaṃ “tvaṃ sāsane abhabbo, gihibhogāpi parihīno, kiṃ te idha vāseṇa, ito nikkhamā”ti viharā nikkadḍhitvā dvāraṃ thakesi. Bhikkhū katham samuṭṭhāpesuṃ “āvuso Mahāpanthakattherena idaṃ nāma kataṃ, khīṇāsavānampi maññe kodho uppajjatī”ti. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave khīṇāsavānaṃ rāgādayo kilesā atthi, mama puttena atthapurekkhāratāya ceva dhammapurekkhāratāya ca katan”ti vatvā imaṃ gāthamāha—

407. “Yassa rāgo ca doso ca, māno makkho ca pātito.

Sāsaporiva āraggā, tamahaṃ brūmi brāhmaṇaṃ”ti.

Tattha **āraggā**ti yassete rāgādayo kilesā, ayañca parapaṇamakkhanalakkhaṇo makkho āraggā sāsapo viya pātito, yathā sāsapo āragge na santiṭṭhati, evaṃ citte na santiṭṭhati, tamahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Mahāpanthakattheravattu catuvīsatimaṃ.

25. Pilindavacchattheravattu

Akakkasanti imaṃ dhammadesanaṃ Satthā Veḷuvane viharanto Pilindavacchattheraṃ ārabha kathesi.

So kirāyasmā “ehi vasali, yāhi vasali”ti-ādīni vadanto gihīpi pabbajitepi vasalivādeneva samudācarati. Atheskadivasam sambahulā bhikkhū Satthu ārocesuṃ “āyasmā bhante Pilindavaccho bhikkhū vasalivādēna samudācarati”ti. Satthā taṃ pakkosāpetvā “saccaṃ kira

tvam̐ Pilindavaccha bhikkhū vasalivādena samudācarasī”ti pucchitvā “evam̐ bhante”ti vutte tassāyasmato pubbenivāsam̐ manasikaritvā “mā kho tumhe bhikkhave Vacchassa bhikkhuno ujjhāyittha, na bhikkhave Vaccho dosantaro bhikkhū vasalivādena samudācarati, Vacchassa bhikkhave bhikkhuno pañca jāṭisatāni abbokiṇṇāni sabbāni tāni brāhmaṇakule paccājātāni, so tassa dīgharattam̐ vasalivādo samudāciṇṇo, khīṇāsavassa nāma kakkasam̐ pharusam̐ paresam̐ mammaghaṭṭanavacanameva¹ natthi. Āciṇṇavasena hi mama putto evam̐ katheti”ti vatvā imam̐ gāthamāha—

408. “Akakkasam̐ viññāpanim̐, giram̐ sacca’ mudīraye.

Yāya nābhisaje kañci, tamaham̐ brūmi brāhmaṇan”ti.

Tattha **akakkasanti** aphasam̐. **Viññāpaninti** atthaviññāpanim̐. **Saccanti** bhūtattam̐. **Nābhisajeti** yāya girāya aññam̐ kujjhāpanavasena na laggāpeyya, khīṇāsavo nāma evarūpameva giram̐ bhāseyya, tasmā tamaham̐ brāhmaṇam̐ vadāmīti attho.

Desanāvasāne bahū sotāpattiphalādīni pāpuṇimsūti.

Pilindavacchattheravatthu pañcavīsatimam̐.

26. Aññatarattheravatthu

Yodha dīghanti imam̐ dhammadesanam̐ Satthā Jetavane viharanto aññatarattheram̐ ārabha kathesi.

Sāvatthiyam̐ kireko micchādiṭṭhiko brāhmaṇo sarīragandhagahaṇabhayena uttarasāṭakam̐ apanetvā ekamante ṭhapetvā gehadvārābhimukho² nisīdi. Atheko khīṇāsavo bhattakiccam̐ katvā vihāram̐ gacchanto tam̐ sāṭakam̐ disvā ito cito ca oloketvā kañci apassanto “nissāmiko ayan”ti paṃsukūlam̐ adhiṭṭhahitvā gaṇhi. Atha nam̐ brāhmaṇo disvā akkosanto upasaṅkamitvā “muṇḍaka samaṇa mama sāṭakam̐ gaṇhasī”ti āha. Taveso brāhmaṇāti. Āma samaṇāti.

1. Ghaṭṭanavasena (Ka)

2. Gehadvāre bahimukho (Syā, Ka)

“Mayā kañci apassantena paṁsukūlasaññāya gaḥito, gaṇha nan”ti tassa datvā vihāraṁ gantvā bhikkhūnaṁ tamatthaṁ ārocesi. Athassa vacanaṁ sutvā bhikkhū tena saddhiṁ keḷim karontā “kiṁ nu kho āvuso sātako dīgho rasso thūlo saṇho”ti. Āvuso dīgho vā hotu rasso vā thūlo vā saṇho vā, natthi mayhaṁ tasmim ālayo, paṁsukūlasaññāya naṁ gaṇhinti. Taṁ sutvā bhikkhū Tathāgatassa ārocesuṁ “esa bhante bhikkhu abhūtaṁ vatvā aññaṁ byākarotī”ti. Satthā “bhūtaṁ bhikkhave esa katheti, khīṇāsavā nāma paresaṁ santakaṁ na gaṇhantī”ti vatvā imaṁ gāthamāha—

409. “Yodha dīghaṁ va rassaṁ vā, aṇuṁ thūlaṁ subhāsubhaṁ.
Loke adinnaṁ nādiyati, tamahaṁ brūmi brāhmaṇaṁ”ti.

Tassattho—sātakābharaṇādīsu dīghaṁ vā rassaṁ vā maṇimuttādīsu aṇuṁ vā thūlaṁ vā mahagga-appagghavasena subhaṁ vā asubhaṁ vā yo puggalo imasmim loke parapariggahitaṁ nādiyati, tamahaṁ brāhmaṇaṁ vadāmīti attho.

Desanāvasāne bahū sotāpattiphalādīni pāpuṇimsūti.

Aññatarattheravatthu chabbīsatiṁ.

27. Sāriputtattheravatthu

Āsā yassāti imaṁ dhammadesanaṁ Satthā Jetavane viharanto Sāriputtattheraṁ ārabha katesi.

Thero kira pañcabhikkhusataparivāro janapade ekaṁ vihāraṁ gantvā vassaṁ upagañchi. Manussā therāṁ disvā bahuṁ vassāvāsikaṁ paṭissuṇimsu. Thero pavāretvā sabbasmim vassāvāsike asampattheyeva Satthu santikaṁ gacchanto bhikkhū āha “daharānañceva sāmaṇerānañca manussehi vassāvāsike āhaṭe gahetvā peseyyātha, ṭhapetvā vā sāsanaṁ paṇeyyāthā”ti. Evaṁ vatvā ca pana Satthu santikaṁ agamāsi. Bhikkhū kathaṁ samuṭṭhāpesuṁ “ajjāpi maññe Sāriputtattherassa taṇhā atthiyeva.

Tathā hi manussehi vassāvāsike dinne attano saddhivihārikānaṃ
 ‘vassāvāsikaṃ peseyyātha, ṭhapetvā vā sāsanaṃ pahiṇeyyāthā’^{ti}
 bhikkhūnaṃ vatvā āgato”^{ti}. Sathā āgantvā “kāya nuttha bhikkhave etarahi
 kathāya sannisinnā”^{ti} pucchitvā “imāya nāmā”^{ti} vutte “na bhikkhave mama
 puttassa taṇhā atthi, manussānaṃ pana puññato daharasāmaṇerānañca
 dhammikalābhato parihāni mā ahosīti tenevaṃ kathitan”^{ti} vatvā imaṃ
 gāthamāha—

410. “Āsā yassa na vijjanti, asmiṃ loke paramhi ca.

Nirāsāsaṃ visaṃyuttaṃ, tamahaṃ brūmi brāhmaṇaṃ”^{ti}.

Tattha āsāti taṇhā. **Nirāsāsanti**¹ nittaṇhaṃ. **Visaṃyuttanti** sabbakilesehi
 visaṃyuttaṃ tamahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Sāriputtattheravatthu sattavīsatiṃ.

28. Mahāmoggallānattheravatthu

Yassālayāti imaṃ dhammadesanaṃ Sathā Jetavane viharanto
 Mahāmoggallānattheraṃ ārabba kathesi. Vatthu purimasadisameva. Idha
 pana Sathā Moggallānattherassa nittaṇhabhāvaṃ vatvā imaṃ gāthamāha—

411. “Yassālayā na vijjanti, aññāya akathaṃkathī.

Amatogadha’manuppattaṃ, tamahaṃ brūmi brāhmaṇaṃ”^{ti}.

Tattha ālayāti taṇhā. **Aññāya akathaṃkathī**ti aṭṭha vatthūni yathābhūtaṃ
 jānitvā aṭṭhavatthukāya vicikicchāya nibbicikiccho.

Amatogadhamanuppattanti amataṃ nibbānaṃ ogāhetvā anuppattaṃ
 tamahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Mahāmoggallānattheravatthu aṭṭhavīsatiṃ.

29. Revatatheravatthu

Yodha puññañcāti imaṃ dhammadesanaṃ Satthā Pubbārāme viharanto Revatatheraṃ ārabha kathesi. Vatthu “gāme vā yadi vāraññe”¹ti gāthavaṇṇanāya vitthāritameva. Vuttam hi tattha²—

Puna ekadivasaṃ bhikkhū kathaṃ samuṭṭhāpesuṃ “aho sāmaṇerassa lābho, aho puññaṃ, yena ekakena pañcannaṃ bhikkhusatānaṃ pañcakūṭāgārasatāni katāni”^{ti}. Satthā āgantvā “kāya nuttha bhikkhave etarahi kathāya sannisinnā”^{ti} pucchitvā “imāya nāmā”^{ti} vutte “bhikkhave mayhaṃ puttassa neva puññaṃ atthi, na pāpaṃ, ubhayamassa pahīnaṃ”^{ti} vatvā imaṃ gāthamāha—

412. “Yodha puññañca pāpañca, ubho saṅga’ mupaccagā.

Asokaṃ virajaṃ suddhaṃ, tamahaṃ brūmi brāhmaṇaṃ”^{ti}.

Tattha **ubhoti** dvepi puññaṇi ca pāpāni ca chaḍḍetvāti attho. **Saṅganti** rāgādibhedam saṅgam. **Upaccagā**ti atikkanto. Vaṭṭamūlakasokābhāvena asokaṃ abbhantare rāgarajādīnaṃ abhāvena virajaṃ nirupakkilesatāya suddham tamahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Revatatheravatthu ekūnatimsatimaṃ.

30. Candābhattheravatthu

Candaṃvāti imaṃ dhammadesanaṃ Satthā Jetavane viharanto Candābhattheraṃ ārabha kathesi.

Tatrāyaṃ anupubbī kathā—atīte eko Bārāṇasivāsī vāṇijo “paccantaṃ gantvā candanaṃ āharissāmī”^{ti} bahūni vatthābharaṇādīni gahetvā pañcahi sakaṭasatehi paccantaṃ gantvā gāmadvāre nivāsaṃ gahetvā aṭaviyaṃ gopālādārake pucchi “imasmiṃ gāme pabbatapādakammiko

1. Khu 1. 27 piṭṭhe.

2. Dhammapada-Ṭṭha 1. 403 piṭṭhe.

koci manusso atthī”ti. Āma atthīti. Ko nāmesoti. Asuko nāmāti. Bhariyāya panassa puttānaṃ vā kiṃnāmanti¹. Idañcidañcāti. Kahaṃ panassa ṭhāne gehanti. Asukaṭṭhāne nāmāti. So tehi dinnasaññāya sukhayānake nisīditvā tassa gehadvāraṃ gantvā yānā oruyha gehaṃ pavisitvā “asukanāme”ti taṃ itthiṃ pakkosi. Sā “eko no ñātako bhavissatī”ti vegenāgantvā āsanaṃ paññāpesi. So tattha nisīditvā nāmaṃ vatvā “mama sahāyo kahan”ti pucchi. Araññaṃ gato sāmīti. “Mama putto asuko nāma, mama dhītā asukā nāma kahan”ti sabbesaṃ nāmaṃ kittentova pucchitvā “imāni nesaṃ vatthābharaṇāni dadeyyāsi, sahāyassāpi me aṭavito āgatakāle idaṃ vatthābharaṇaṃ dadeyyāsi”ti adāsi. Sā tassa uḷāraṃ sakkāraṃ katvā sāmikassa āgatakāle “sāmi iminā āgatakālato paṭṭhāya sabbesaṃ nāmaṃ vatvā idañcidañca dinnan”ti āha. Sopissa kattabbayuttakaṃ kari.

Atha naṃ sāyaṃ sayane nisinno pucchi “samma pabbatapāde carantena te kiṃ bahuṃ diṭṭhapubban”ti. Aññaṃ na passāmi, rattasākhā pana me bahū rukkhā diṭṭhāti. Bahū rukkhāti. Āma bahūti. Tena hi te amhākaṃ dassēhīti tena saddhiṃ gantvā rattacandanarukkhe chinditvā pañca sakaṭasatāni pūretvā āgacchanto taṃ āha “samma Bārāṇasiyaṃ asukaṭṭhāne nāma mama gehaṃ, kālena kālaṃ mama santikaṃ āgaccheyyāsi, aññaena ca me paṇṇākārena attho natthi, rattasākharukkhe eva āhareyyāsi”ti. So “sādhū”ti vatvā kālena kālaṃ tassa santikaṃ āgacchanto rattacandanameva āharati, sopissa bahudhanaṃ deti.

Tato aparena samayena parinibbute Kassapadasabale patiṭṭhite kañcanathūpe so puriso bahuṃ candanaṃ ādāya Bārāṇasiṃ agamāsi. Athassa so sahāyako vāṇijo bahuṃ candanaṃ pisāpetvā pātiṃ pūretvā “ehi samma, yāva bhattaṃ pacati, tāva cetiyakaraṇaṭṭhānaṃ gantvā āgamissāmā”ti taṃ ādāya tattha gantvā candanapūjaṃ akāsi. Sopissa paccantavāsī sahāyako cetiyakucchiyaṃ candanena candamaṇḍalaṃ akāsi. Ettakamevassa pubbakammaṃ.

1. Kimkinnāmanti (Sī)

So tato cuto devaloke nibbattivā ekaṃ Buddhantaraṃ tattha khepetvā imasmim Buddhuppāde Rājagahanagare brāhmaṇamahāsālakule nibbatti. Tassa nābhimaṇḍalato candamaṇḍalasadisā pabhā uṭṭhahi, tenassa **Candābhot**veva nāmaṃ karimsu. Cetiye kirassa candamaṇḍalakaraṇanissando esa. Brāhmaṇā cintayimsu “sakkā amhehi imaṃ gahetvā lokaṃ khādītun”¹. Tam yāne nisīdāpetvā “yo imassa sarīraṃ hatthena parāmasati, so evarūpaṃ nāma issariyasampattim labhatī”²ti vatvā vicarimsu. Sataṃ vā sahasaṃ vā dadamānā eva tassa sarīraṃ hatthena phusitum labhanti. Te evaṃ anu vicarantā Sāvattim anuppattā nagarassa ca vihārassa ca antarā nivāsaṃ gaṇhimsu. Sāvattiyampi pañcakoṭimattā ariyasāvaka purebhattaṃ dānaṃ datvā pacchābhattaṃ gandhamālavatthabhesajjādihatthā dhammassavanāya gacchanti. Brāhmaṇā te disvā “kahaṃ gacchathā”³ti pucchimsu. Satthu santikaṃ dhammassavanāyāti. Etha tattha gantvā kiṃ karissatha, amhākaṃ Candābhassa brāhmaṇassa ānubhāvasadiso ānubhāvo natthi. Etassa hi sarīraṃ phusantā idaṃ nāma labhanti, etha passatha nanti. Tumbhākaṃ Candābhassa brāhmaṇassa ko ānubhāvo nāma, amhākaṃ Satthāyeva mahānubhāvoti. Te aññamaññaṃ saññāpetum asakkontā “vihāraṃ gantvā Candābhassa vā amhākaṃ vā Satthu ānubhāvaṃ jānissāmā”⁴ti taṃ gahetvā vihāraṃ agamaṃsu.

Satthā tasmim attano santikaṃ upasaṅkamanteyeva Candābhāya antaradhānaṃ akāsi. So Satthu santike aṅgārapacchiyaṃ kāko viya ahoṣi. Atha naṃ ekamantaṃ nayimsu, ābhā paṭipākatikā ahoṣi. Puna Satthu santikaṃ ānayimsu, ābhā tatheva antaradhāyi. Evaṃ tikkhattum gantvā antaradhāyamānaṃ ābhaṃ disvā Candābho cintesi “ayaṃ ābhāya antaradhānamantaṃ⁵ jānāti maññe”⁶ti. So Satthāraṃ pucchi “kiṃ nu kho ābhāya antaradhānamantaṃ jānāthā”⁷ti. Āma jānāmīti. Tena hi me dethāti. Na sakkā apabbajitassa dātunti. So brāhmaṇe āha “etasmim mante gahite ahaṃ sakalajambudīpe jeṭṭhako bhavissāmi, tumhe ettheva hotha, ahaṃ pabbajitvā katipāheneva mantaṃ gaṇhissāmī”⁸ti. So Satthāraṃ pabbajjaṃ yācitvā upasampajji. Athassa

1. Vañcetunti (Ka)

2. Antaradhāpanamantaṃ (Si)

dvattim sākāraṃ ācikkhi. So “kiṃ idan”ti pucchi. Idan mantassa parikammaṃ sajjhāyitum vaṭṭatīti. Brāhmaṇāpi antarantarā āgantvā “gahito te manto”ti pucchanti. Na tāva gaṇhāmīti. So katipāheneva arahattaṃ patvā brāhmaṇehi āgantvā pucchitakāle “yātha tumhe, idānāhaṃ anāgamanadhammo jāto”ti āha. Bhikkhū Tathāgatassa ārocesum “ayaṃ bhante abhūtaṃ vatvā aññaṃ byākaroti”ti. Satthā “khīṇāsavo idāni bhikkhave mama putto Candābho¹, bhūtamevesa katheti”ti vatvā imaṃ gāthamāha—

413. “Candaṃva vimalaṃ suddhaṃ, vipasannamanāvilāṃ.
Nandībhavaparikkhīṇaṃ, tamaḥaṃ brūmi brāhmaṇaṃ”ti.

Tattha **vimalanti** abbhādimalarahitaṃ. **Suddhanti** nirupakkilesaṃ. **Vipasannanti** pasannacittaṃ. **Anāvilanti** kilesāvilattarahitaṃ². **Nandībhavaparikkhīṇanti** tīsu bhavesu parikkhīṇataṇhaṃ tamaḥaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Candābhattheravatthu timsatimaṃ.

31. Sīvalittheravatthu

Yo imanti imaṃ dhammadesanaṃ Satthā Kuṇḍakoliyaṃ³ nissāya Kuṇḍadhānavane viharanto Sīvalittheraṃ ārabba kathesi.

Ekasmiṃ hi samaye Suppavāsā nāma Koliyadhītā sattavassāni gabbhaṃ dhāretvā sattāhaṃ mūlhaḡabbhā dukkhāhi tībāhi kaṭukāhi vedanāhi phuṭṭhā “Sammāsambuddho vata so Bhagavā, yo imassa evarūpassa dukkhassa pahānāya dhammaṃ deseti. Suppaṭipanno vata tassa Bhagavato sāvakaṃgho, yo imassa evarūpassa dukkhassa pahānāya paṭipanno. Susukhaṃ vata taṃ nibbānaṃ, yathidaṃ evarūpaṃ dukkhaṃ na saṃvijjati”ti⁴ imehi tīhi vitakkehi

1. Khīṇā dāni bhikkhave mama puttassa nandī (Sī)

2. Nikkilesaṃ kilesāvilattarahitaṃ (Sī), kilesādimalarahitaṃ (Syā), kilesavirahitaṃ (Ka)

3. Kuṇḍikoliyaṃ (Syā) khu 1. 93 piṭṭhepi passitabbaṃ.

4. Khu 1. 93 piṭṭhe.

taṃ dukkhaṃ adhivāsentī sāmikaṃ Satthu santikaṃ pesetvā tena tassā vacanena Satthu vandanāya ārocitāya “sukhinī hotu Suppavāsā Koliyadhītā, arogā arogaṃ puttaṃ vijāyatū”ti Satthārā vuttakkhaṇeyeva sukhinī arogā arogaṃ puttaṃ vijāyitvā Buddhappamukhaṃ bhikkhusaṅghaṃ nimantetvā sattāhaṃ mahādānaṃ adāsi. Puttopissā jātadivasato paṭṭhāya dhammakaraṇaṃ ādāya saṅghassa udakaṃ parissāvesi. So aparabhāge nikkhamitvā pabbajito arahattaṃ pāpuṇi.

Athekadivasam bhikkhū dhammasabhāyaṃ kathaṃ samuṭṭhāpesuṃ “passathāvuso evarūpo nāma arahattassa upanissayasampanno bhikkhu ettakaṃ kālaṃ mātukucchismiṃ dukkhaṃ anubhosi, kimaṅgaṃ pana aññe, bahuṃ vata iminā dukkhaṃ nitthiṇṇan”ti¹. Satthā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “āma bhikkhave mama putto ettakā dukkhā muccitvā idāni nibbānaṃ sacchikatvā viharatī”ti vatvā imaṃ gāthamāha—

414. “Yo’maṃ palipathaṃ duggaṃ, saṃsāraṃ mohamaccagā.

Tiṇṇo pāraṅgato jhāyī, anejo akathaṃkathī.

Anupādāya nibbuto, tamahaṃ brūmi brāhmaṇan”ti.

Tassattho—yo bhikkhu imaṃ rāgapalipathaṃ ceva kilesaduggaṅgaṃ saṃsāravatṭaṅgaṃ catunnaṃ ariyasaccānaṃ appaṭivijjhanakamohaṅgaṃ atīto, cattāro oghe tiṇṇo hutvā pāraṃ anupatto, duvidhena jhānena jhāyī, taṇhāya abhāvena anejo, kathaṃkathāya abhāvena akathaṃkathī, upādānānaṃ abhāvena anupādiyitvā kilesanibbānena nibbuto, tamahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Sīvalittheravatthu ekatimsatimaṃ.

1. Kīva bahū vata iminā dukkhaṃ nitthiṇṇanti (Sī), kimaṅgaṃ pana aññesaṃ bahū vata iminā dukkhaṃ nitthiṇṇanti (Ka)

32. Sundarasamuddattheravatthu

Yodha kāmeti imam dhammadesanam Sathā Jetavane viharanto Sundarasamuddattheram ārabha kathesi.

Sāvattiyam kireko kulaputto Sundarasamuddakumāro nāma cattālīsakoṭivibhave mahākule nibbatto. So ekadivasam pacchābhattam gandhamālādihattham mahājanam dhammassavanatthāya Jetavanam gacchantam disvā “kham gacchathā”ti pucchitvā “satthu santikam dhammassavanatthāyā”ti vutte “ahampi gamissāmi”ti vatvā tena saddhim gantvā parisapariyante nisīdi. Sathā tassa āsayam viditvā anupubbim katham kathesi. So “na sakkā agāram ajjhāvasantena saṅkhalikhitam brahmacariyam caritun”ti Satthu dhammakatham nissāya pabbajjāya jātussāho parisāya pakkantāya Sathāram pabbajjam yācitvā “mātāpitūhi ananuññātam Tathāgatā na pabbājentī”ti sutvā geham gantvā Raṭṭhapālakulaputtādayo viya mahantena vāyāmena mātāpitaro anujānāpetvā Satthu santike pabbajitvā laddhūpasampado “kim me idha vāsenā”ti tato nikkhamitvā Rājagaham gantvā piṇḍāya caranto vītināmesi.

Athekadivasam Sāvattiyam tassa mātāpitaro ekasmiṃ chaṇḍadvase mahantena sirisobhaggena tassa sahāyakakumārake kīlāmāne disvā “amhākam puttassa idam dullabham jātan”ti paridevimsu. Tasmim khaṇe ekā gaṇikā tam kulam gantvā tassa mātaram rodamanam nisinnam disvā “amma kim kāraṇā rodasī”ti pucchi. Puttam anussaritvā rodāmīti. Kham pana so ammāti. Bhikkhūso pabbajitoti. Kim uppabbājetum na vaṭṭatīti. Vaṭṭati, na pana icchati, ito nikkhamitvā Rājagaham gatoti. Sacāham tam uppabbājeyyam, kim me kareyyāthāti. Imassa te¹ kulassa kuṭumbasāminim kareyyāmāti. Tena hi me paribbāyam dethāti paribbāyam gahetvā mahantena parivārena Rājagaham gantvā tassa piṇḍāya caraṇavīthim sallakkhetvā tatthekam nivāsageham gahetvā pātova paṇitam āharam paṭiyādetvā therassa piṇḍāya pavitṭhakāle bhikkham datvā katipāhaccayena “bhante idheva nisīditvā bhattakiccam karoṭhā”ti pattam gaṇhi. So pattamadāsi.

1. Me (Sī)

Atha nam paṇītena āhārena parivisitvā “bhante idheva piṇḍāya caritum phāsukan”ti vatvā katipāham ālinde nisīdāpetvā bhojetvā dārake pūvehi saṅgaṇhitvā “etha tumhe therassa āgatakāle mayi vārentiyāpi idhāgantvā rajam uṭṭhāpeyyāthā”ti āha. Te punadivase therassa bhojanavelāya tāya vāriyamānāpi rajam uṭṭhāpesum. Sā punadivase “bhante dārakā vāriyamānāpi mama vacanam asuṇitvā idha rajam uṭṭhāpenti, antogehe nisīdathā”ti anto nisīdāpetvā katipāham bhojesi. Puna dārake saṅgaṇhitvā “tumhe mayā vāriyamānāpi therassa bhojanakāle mahāsaddam kareyyāthā”ti āha. Te tathā karimsu. Sā punadivase “bhante imasmim ṭhāne ativiya mahāsaddo hoti, dārakā mayā vāriyamānāpi vacanam na gaṇhanti, uparipāsādeyeva nisīdathā”ti vatvā therena adhvāsīte theram purato katvā pāsadam abhiruhantī dvārāni pidahamānāva pāsadam abhiruhi. Thero ukkaṭṭhasapadānacāriko samānopi rasataṇhāya baddho tassā vacanena sattabhūmikam pāsadam abhiruhi.

Sā theram nisīdāpetvā “cattālīsāya khalu samma puṇṇamukha ṭhānehi itthī purisam accāvadati vijambhati vinamati vilasati vilajjati nakhena nakham ghaṭṭeti, pādēna pādāṃ akkamati, kaṭṭhena pathaviṃ vilikhati, dārakam ullaṅgheti olaṅgheti, kīḷati kīḷāpeti, cumbati cumbāpeti, bhuñjati bhuñjāpeti, dadāti āyāceti, katamanukaroti, uccam bhāsati, nīcam bhāsati, aviccam bhāsati, viviccam bhāsati, naccena gītena vādītena rodītena vilasītena vibhūsitena jagghati, pekkhati, kaṭim cāleti, guyhabhaṇḍakam cāleti, ūrum vivarati, ūrum pidahati, thanam dasseti, kaccham dasseti, nābhim dasseti, akkhim nikhaṇati, bhamukam ukkhipati, oṭṭham palikhati, jivham nillāleti, dussam muñcati, dussam bandhati, sirasam muñcati, sirasam bandhati”ti¹ evam āgataṃ itthikuttaṃ itthilīlam dassetvā tassa purato ṭhitā imam gāthamāha—

“Alattakakatā pādā, pādukāruyha vesiyā.

Tuvampi daharo mama, ahampi daharā tava.

Ubhopi pabbajissāma, jīṇṇā daṇḍaparāyaṇā”ti².

1. Khu 6. 121 piṭṭhe Jātake.

2. Khu 2. 291 piṭṭhe.

Therassa “aho vata me bhāriyaṃ anupadhāretvā katakamman”ti mahāsaṃvego udapādi. Tasmim̄ khaṇe Satthā pañcaccattālīsajjanamatthake Jetavane nisinnova taṃ kāraṇaṃ disvā sitaṃ pātvākāsi. Atha naṃ Ānandatthero pucchi “bhante ko nu kho hetu, ko paccayo sitassa pātukammāyā”ti. Ānanda Rājagahanagare sattabhūmikapāsādatale Sundarasamuddassa ca bhikkhuno gaṇikāya ca saṅgāmo vattatīti. Kassa nu kho bhante jayo bhavissati, kassa parājayoti. Satthā “Ānanda Sundarasamuddassa jayo bhavissati, gaṇikāya parājayo”ti therassa jayaṃ pakāsetvā tatha nisinnakova obhāsaṃ pharivā “bhikkhu ubhopi kāme nirapekkho pajahā”ti vatvā imaṃ gāthamāha—

415. “Yodha kāme pahantvāna, anāgāro paribbaje.

Kāmabhavaparikkhīṇaṃ, tamaḥaṃ brūmi brāhmaṇaṃ”ti.

Tassattho—yo puggalo idha loke ubhopi kāme hitvā anāgāro hutvā paribbajati, taṃ parikkhīṇakāmañceva parikkhīṇabhavañca ahaṃ brāhmaṇaṃ vadāmīti attho.

Desanāvasāne so thero arahattaṃ patvā iddhibalena vehāsaṃ abbhuggantvā kaṇṇikāmaṇḍalaṃ vinivijjhivā Satthu sarīraṃ thomentoyeva āgantvā Satthāraṃ vandi. dhammasabhāyampi kathaṃ samuṭṭhāpesuṃ “āvuso jivhāvīñṇeyyaṃ rasaṃ nissāya manāṃ naṭṭho Sundarasamuddatthero, Satthā panassa avassayo jāto”ti. Satthā taṃ kathaṃ sutvā “na bhikkhave idāneva, pubbepāhaṃ etassa rasataṇhāya baddhamanassa¹ avassayo jātoyevā”ti vatvā tehi yācito tassatthassa pakāsanatthaṃ atītaṃ āharivā—

“Na kiratthi rasehi pāpiyo,

Āvāsehi vā santhavehi vā.

Vātamiḡaṃ gahananissitaṃ²,

Vasamānesi rasehi sañjayo”ti³—

1. Bajjhamānassa (Syā)

2. Gahanissitaṃ (Sī)

3. Khu 5. 4 piṭṭhe.

Ekakanipāte imañ **Vātamigajātakam** vitthāretvā “tadā Sundarasamuddo vātamigo ahosi, imañ pana gātham vatvā tassa vissajjāpetā rañño mahāmacco ahamevā”ti jātakam samodhānesīti.

Sundarasamuddattheravatthu battimsatimam.

33. Jaṭilattheravatthu

Yodha taṇhanti imañ dhammadesanam Sathā Veḷuvane viharanto Jaṭilattheram¹ ārabba kathesi.

Tatrāyam anupubbī kathā—atīte kira Bārāṇasiyam dve bhātaro kuṭumbikā mahantaṃ ucchukhettaṃ kāresuṃ. Athekadivasam kaniṭṭhabhātā ucchukhettaṃ gantvā “ekam jeṭṭhabhātikassa dassāmi, ekam mayham bhavissati”ti dve ucchuyaṭṭhiyo rasassa anikkhamanattāya chinnaṭṭhāne bandhitvā gaṇhi. Tadā kira ucchūnam yantena² pīlanakiccaṃ natthi, agge vā mūle vā chinditvā ukkhittakāle dhammakaraṇato udakam viya sayameva raso nikkhamati. Tassa pana khettato ucchuyaṭṭhiyo gahetvā āgamanakāle Gandhamādane Paccekabuddho samāpattito vuṭṭhāya “kassa nu kho ajja anuggaham karissāmi”ti upadhārento tam attano nāṇajāle pavitṭham disvā saṅgaham kātuṃ samatthabhāvañcassa ñatvā pattacīvaram ādāya iddhiyā āgantvā tassa purato aṭṭhāsi. So tam disvāva pasannacitto uttarasāṭakam uccatare bhūmipadese attharivā “bhante idha nisīdathā”ti Paccekabuddham nisīdāpetvā “pattam upanāmethā”ti ucchuyaṭṭhiyā bandhanaṭṭhānam mocetvā pattassa upari akāsi, raso otarivā pattam pūresi. Paccekabuddhena tasmim rase pīte “sādhukam vata me ayyena raso pīto. Sace me jeṭṭhabhātikiko mūlam āharāpessati, mūlam dassāmi. Sace pattim āharāpessati, pattim dassāmi”ti cintetvā “bhante pattam me upanāmethā”ti dutiyampi ucchuyaṭṭhim mocetvā rasam adāsi. “Bhātā me ucchukhettaṃ aññam ucchūm āharitvā khādissati”ti ettakampi kirassa vañcanacittam nāhosi. Paccekabuddho pana paṭhamam ucchurasassa pītattā tam

1. Jotiyattheram (Sī), jotikattheram (Syā)

2. Yante (Sī)

ucchurasam aññehipi saddhim samvibhajitukāmo hutvā gahetvāva nisīdi. So tassa ākāram nātvā pañcapatiṭṭhitena vanditvā “bhante yo ayam¹ mayā dinno aggaraso, imassa nissandena devamanussesu sampattim anubhavitvā pariyosāne tumhehi pattadhamameva pāpuṇeyyan”ti patthanam paṭṭhapesi. Paccekabuddhopissa “evam hotū”ti vatvā “icchitam patthitam tuyhan”ti dvīhi gāthāhi anumodanam katvā yathā so passati, evam adhiṭṭhahitvā ākāsenā Gandhamādanam gantvā pañcannam Paccekabuddhasatānam tam rasam adāsi.

So tam pāṭihāriyam disvā bhātu santikam gantvā “kham gatosī”ti vutte “ucchukhettam oloketum gatomhī”ti. “Kim tādisena ucchukhettam gatena, nanu nāma ekam vā dve vā ucchuyaṭṭhiyo ādāya āgantabban bhaveyyā”ti bhātārā vutto “āma bhātika dve me ucchuyaṭṭhiyo gahitā, ekam pana Paccekabuddham disvā mama ucchuyaṭṭhito rasam datvā ‘mūlam vā pattim vā dassamī’ti tumhākampi me ucchuyaṭṭhito raso dinno, kim nu kho tassa mūlam gaṇhissatha, udāhu pattin”ti āha. Kim pana Paccekabuddhena katanti. Mama ucchuyaṭṭhito rasam pivitvā tumhākam ucchuyaṭṭhito rasam ādāya ākāsenā Gandhamādanam gantvā pañcasatānam Paccekabuddhānam adāsīti. So tasmim kathenteyeva nirantaram pītiyā phuṭṭhasarīro hutvā “tena me Paccekabuddhena diṭṭhadhammasseva adhigamo bhaveyyā”ti patthanam akāsi. Evam kaniṭṭhena tisso sampattiyo patthitā, jeṭṭhena pana ekapadeneva arahattam patthitanti idam tesam pubbakammaṃ.

Te yāvatāyukam ṭhatvā tato cutā devaloke nibbattitvā ekam Buddhantaram khepayimsu. Tesam devaloke ṭhitakāleyeva Vipassī Sammāsambuddho loke uppajji. Tepi devalokato cavitvā Bandhumatiyā ekasmim kulagehe jeṭṭho jeṭṭhova, kaniṭṭho kaniṭṭhova hutvā paṭisandhim gaṇhimsu. Tesu jeṭṭhassa **Senoti** nāmam akaṃsu, kaniṭṭhassa **Aparājjitoti**. Tesu vayappattakāle kuṭumbam saṅṭhāpetvā viharantesu “Buddharatanam loke uppannam, dhammaratanam, samgharatanam, dānāni detha, puññāni karotha, ajja aṭṭhamī, ajja cātuddasī, ajja pannarasī, uposatham karotha,

1. Yo so (Sī), yoyam (Ka)

dhammaṃ suṇāthā”ti dhammaghosakassa Bandhumatīnagare ghosanaṃ
 sutvā mahājanaṃ purebhattaṃ dānaṃ datvā pacchābhattaṃ
 dhammassavanāya gacchantaṃ disvā Senakuṭumbiko “kahaṃ gacchathā”ti
 pucchitvā “Satthu santikaṃ dhammassavanāyā”ti vutte “ahampi
 gamissāmi”ti tehi saddhiṃ yeva gantvā parisapariyante nisīdi.

Satthā tassa ajjhāsayaṃ viditvā anupubbiṃ kathaṃ kathesi. So Satthu
 dhammaṃ sutvā pabbajjāya ussāhajāto Satthāraṃ pabbajjaṃ yāci. Atha naṃ
 Satthā “atthi pana te apaloketabbā ñātakā”ti pucchi. Atthi bhanteti. Tena hi
 apaloketvā ehi. So kaniṭṭhassa santikaṃ gantvā “yaṃ imasmim kule
 sāpateyyaṃ, taṃ sabbaṃ tava hotū”ti āha. Tumhe pana sāmīti. Ahaṃ Satthu
 santike pabbajissāmi. Sāmi kiṃ vadetha, ahaṃ mātari matāya mātaraṃ
 viya, pitari mate pitaraṃ viya tumhe alatthaṃ, idaṃ kulaṃ mahābhogaṃ,
 gehe ṭhiteneva sakkā puññāni kātuṃ, mā evaṃ karitthāti. Mayā Satthu
 santike dhammo suto, na sakkā taṃ agāramajjhe ṭhitena pūretuṃ,
 pabbajissāmevāhaṃ, tvaṃ nivattāhi. Evaṃ so kaniṭṭhaṃ nivattāpetvā
 Satthu santike pabbajitvā laddhūpasampado na cirasseva arahattaṃ pāpuṇi.
 Kaniṭṭhopi “bhātu pabbajitasakkāraṃ karissāmi”ti sattāhaṃ
 Buddhappamukhassa bhikkhusaṃghassa dānaṃ datvā bhātaraṃ vanditvā
 āha “bhante tumhehi attano bhavanissaraṇaṃ kataṃ, ahaṃ pana pañcahi
 kāmaguṇehi baddho nikkhamitvā pabbajituṃ na sakkomi, mayhaṃ gehe
 ṭhitasseva anucchavikaṃ mahantaṃ puññakammaṃ ācikkhathā”ti. Atha naṃ
 thero “sādhu sādhu paṇḍita, Satthu Gandhakuṭiṃ karohi”ti āha. So “sādhu”ti
 sampañcchitvā nānādārūni āharāpetvā thambhādīnaṃ atthāya tacchāpetvā
 ekaṃ suvaṇṇakhacitaṃ, ekaṃ rajatakhacitaṃ, ekaṃ maṇikhacitanti sabbāni
 sattaratanakhacitāni kāretvā tehi Gandhakuṭiṃ kāretvā
 sattaratanakhacitāheva chadaniṭṭhakāhi chādāpesi. Gandhakuṭiyā
 karaṇakāleyeva pana taṃ attanā samānanāmakko Aparājito yeva nāma
 bhāgineyyo upasaṅkamitvā “ahampi karissāmi, mayhampi pattim detha
 mātulā”ti āha. Na demi tāta, aññehi asādhāraṇaṃ karissāmi. So bahumpi
 yācitvā pattim alabhamāno “Gandhakuṭiyā purato kuñjarasālaṃ laddhuṃ
 vaṭṭati”ti sattaratanamayaṃ kuñjarasālaṃ kāresi. So imasmim Buddhuppāde
Meṇḍakasetṭhi hutvā nibbatti.

Gandhakuṭiyam pana sattaratanamayāni tīṇi mahāvātapānāni ahesum. Tesam abhimukhe heṭṭhā sudhāparikkammakatā tisso pokkharāṇiyo kāretvā catujjātikagandhodakassa pūretvā Aparājito gahapati pañcavaṇṇāni kusumāni ropāpesi Tathāgatassa anto nisinnakāle vātavegena samuṭṭhitāhi reṇuvaṭṭhi sarīrassa okiraṇattham. Gandhakuṭithūpikāya kapallam rattasuvaṇṇamayam ahosi, pavālamayā sikharā, heṭṭhā maṇimayā chadaniṭṭhakā. Iti sā naccanto viya moro sobhamānā aṭṭhāsi. Sattasu pana ratanesu koṭṭetabbayuttakam koṭṭetvā itaram sakalameva gahetvā jaṇṇumattena odhinā Gandhakuṭim parikkhipitvā pariveṇam pūresi.

Evam Gandhakuṭim niṭṭhāpetvā Aparājito gahapati bhātikattheram upasaṅkamitvā āha “bhante niṭṭhitā Gandhakuṭi, paribhogamassā paccāsīsāmi, paribhogena kira mahantam puñṇam hoti”ti. So Satthāram upasaṅkamitvā “bhante iminā kira vo kuṭumbikena Gandhakuṭi kāritā, idāni pana paribhogam paccāsīsati”ti āha. Satthā uṭṭhāyāsanā Gandhakuṭi-abhimukham gantvā Gandhakuṭim parikkhipitvā parikkhittaratanarāsim¹ olokento dvārakoṭṭhake aṭṭhāsi. Atha nam kuṭumbiko “pavisatha bhante”ti āha. Satthā tattheva ṭhatvā tatiyavāre tassa bhātikattheram olokesi. So olokitākārenea ñatvā kaniṭṭhabhātaram āha “ehi tāta, ‘mameva rakkhā bhavissati, tumhe yathāsukham vasathā’ti Satthāram vadehi”ti. So tassa vacanam sutvā Satthāram pañcapatiṭṭhitena vanditvā “bhante yathā manussā rukkhamūle pavisitvā anapekkhā pakkamanti, yathā vā nadim taritvā uḷumpanam anapekkhā pariccajanti², evam anapekkhā hutvā tumhe vasathā”ti āha. Kimattham pana Satthā aṭṭhāsi? Evam kirassa ahosi “Buddhānam santikam purebhattampi pacchābhattampi bahū āgacchanti, tesu ratanāni ādāya pakkamantesu na sakkā amhehi vāretum, pariveṇamhi ettake ratane vokiṇṇe attano upaṭṭhāke harantepi na vāretūti kuṭumbiko mayi āghātam katvā apāyūpago bhaveyyā”ti iminā kāraṇena aṭṭhāsi. Tena pana “bhante mameva rakkhā bhavissati, tumhe vasathā”ti vutte pāvisi.

1. Pakkhittam ratanarāsim (Syā)

2. Apanetvā paribbajanti (Sī)

Kuṭumbiko samantārakkhaṃ ṭhapetvā manusse āha “tātā-ucchaṅgena vā pacchipasibbakehi vā ādāya gacchante vāreyyātha, hatthena gahetvā gacchante pana mā vārayitthā”ti. Antonagarepi ārocāpesi “mayā Gandhakuṭipariveṇe satta ratanāni okiṇṇāni, Satthu santike dhammaṃ sutvā gacchantā duggatamanussā ubho hatthe pūretvā gaṇhantu, sukhitāpi ekena gaṇhantū”ti. Evaṃ kirassa ahosi “saddhā tāva dhammaṃ sotukāmā gamissantiyeva, assaddhāpi pana dhanalobhena gantvā dhammaṃ sutvā dukkhato muccissantī”ti. Tasmā janasaṅgahatthāya evaṃ ārocāpesi. Mahājano tena vuttaniyāmeneva ratanāni gaṇhi. Sakim okiṇṇaratanesu khīṇesu yāvatiyam jaṇṇumattena odhinā okirāpesiyeva. Satthu pana pādamūle tipusamattaṃ anagghaṃ maṇiratanam ṭhapesi. Evaṃ kirassa ahosi “Satthu sarīrato suvaṇṇavaṇṇāya pabhāya saddhim maṇipabham olokentānam titti nāma na bhavissatī”ti. Tasmā evamakāsi. Mahājanopi atittova olokesi.

Athekadivasam eko micchādiṭṭhikabrāhmaṇo “Satthu kira pādamūle mahaggham maṇiratanam nikkhattam, harissāmi nan”ti vihāram gantvā Satthāram vanditum āgatassa mahājanassa antarena pāvīsi. Kuṭumbiko tassa pavisanākāreneva “maṇim gaṇhitukāmo”ti sallakkhetvā “aho vata na gaṇheyyā”ti cintesi. Sopi Satthāram vandanto viya pādamūle hattham upanāmetvā maṇim gahetvā ovaṭṭikāya katvā pakkāmi. Kuṭumbiko tasmim cittam pasādetum nāsakkhi. So dhammakathāvasāne Satthāram upasaṅkamitvā āha “bhante mayā tikkhattum Gandhakuṭim parikkhipitvā jaṇṇumattena odhinā satta ratanāni okiṇṇāni, tāni me gaṇhantesu āghāto nāma nāhosi, cittam bhiyyo bhiyyo pasīdiyeva. Ajja pana ‘aho vatāyam brāhmaṇo maṇim na gaṇheyyā’ti cintetvā tasmim maṇim ādāya gate cittam pasādetum nāsakkhin”ti. Satthā tassa vacanam sutvā “nanu upāsaka attano santakam parehi anāharaṇīyam katum sakkosī”ti nāyam adāsi. So Satthārā dinnanaye ṭhatvā Satthāram vanditvā “ajja ādim katvā mama santakam dasikasuttamattampi mam abhibhavitvā anekasatāpi rājāno vā corā vā gaṇhitum samatthā nāma mā honu, aggināpi mama santakam mā ḍayhatu, udakenapi mā vuyhatū”ti patthanam

akāsi. Satthāpissa “evam hotū”ti anumodanam akāsi. So Gandhakuṭimahaṃ karonto aṭṭhasaṭṭhiyā bhikkhusatasahassānam antovihāreyeva nava māse mahādānam datvā dānapariyosāne sabbesaṃ ticīvaram adāsi. Saṃghanavakassa cīvarasātakā saḥassagghanakā ahesum.

So evam yāvatāyukam puññāni karitvā tato cuto devaloke nibbattivā ettakam kālam devamanussesu saṃsaritvā imasmim Buddhuppāde Rājagahe ekasmim seṭṭhikule paṭisandhim gahetvā aḍḍhamāsādhike nava māse mātukucchiyam vasi. Jātadivase panassa sakalanagare sabbāvudhāni pajjalimsu, sabbesaṃ kāyarūḷhāni ābharaṇānipi pajjalitāni viya obhāsaṃ muñcimsu, nagaram ekapajjotam ahoṣi. Seṭṭhipi pātova rājūpaṭṭhānam agamāsi. Atha nam rājā pucchi “ajja sabbāvudhāni pajjalimsu, nagaram ekapajjotam jātam, jānāsi nu kho ettha kāraṇam”ti. Jānāmi devāti. Kim seṭṭhīti. Mama gehe tumhākam dāso jāto, tassa puññatejeveram ahoṣīti. Kim nu kho coro bhavissatīti. Natthetam deva, puññavā satto katābhinihāroti. “Tena hi nam sammā posetum vaṭṭati, idamassa khīramulam hotū”ti devasikam saḥsam paṭṭhapesi. Athassa nāmagahaṇadivase sakalanagarassa ekapajjotabhūtattā **Jotikotveva**¹ nāmam karimsu.

Athassa vayappattakāle gehakaraṇatthāya bhūmitale sodhiyamāne Sakkassa bhavanam uṇhākāram dassesi. Sakko “kim nu kho idan”ti upadhārayamāno “Jotikassa gehaṭṭhānam gaṇhantī”ti ñatvā “nāyam etehi katagehe vasissati, mayāpettha gantum vaṭṭatī”ti vaḍḍhakīvesena tattha gantvā “kim karoṭhā”ti āha. Jotikassa gehaṭṭhānam gaṇhāmāti. “Apetha, nāyam tumhehi katagehe vasissatī”ti vatvā soḷasakarīsamattam bhūmipadesam olokesi, so tāvadeva kasiṇamaṇḍalam viya samo ahoṣi. Puna “imasmim ṭhāne pathavim bhinditvā sattaratanamayo sattabhūmikapāsādo uṭṭhahatū”ti cintetvā olokesi, tāvadeva tathārūpo pāsādo uṭṭhahi. Puna “imam parikkhipitvā sattaratanamayā satta pākārā uṭṭhahantū”ti cintetvā olokesi, tathārūpā pākārā uṭṭhahimsu. Atha “nesam pariyante kapparukkhā uṭṭhahantū”ti

1. Jotiyotveva (Sī)

cintetvā olokesi, tathārūpā kapparukkhā uṭṭhahimsu. “Pāsādassa catūsu kaṅṅesu catasso nidhikumbhiyo uṭṭhahantū”ti cintetvā olokesi, sabbaṃ tatheva ahosi. Nidhikumbhīsu pana ekā yojanikā ahosi, ekā tigāvutikā, ekā adḍhayojanikā, ekā gāvutappamāṇā. Bodhisattassa nibbattanidhikumbhīnaṃ pana ekamukhappamāṇaṃ¹ ahosi, heṭṭhā pathavīpariyantāva ahesuṃ. Jotikassa nibbattanidhikumbhīnaṃ mukhaparimāṇaṃ na kathitaṃ, sabbā mukhachinnatālaphalaṃ viya paripuṇṇāva uṭṭhahimsu. Pāsādassa catūsu kaṅṅesu taruṇatālakkhandhappamāṇā catasso suvaṇṇamayā ucchuyaṭṭhiyo nibbattimsu. Tāsaṃ maṇimayāni pattāni, sovaṇṇamayāni khandhāni² ahesuṃ. Pubbakammassa dassanatthaṃ kiretāni, nibbattimsu.

Sattasu dvārakoṭṭhakesu satta yakkhā ārakkhaṃ gaṇhimsu. Paṭhame dvārakoṭṭhake Yamakoḷī nāma³ yakkho attano parivārena yakkhasahassena saddhiṃ ārakkhaṃ gaṇhi, dutiye Uppalo nāma attano parivārayakkhānaṃ dvīhi sahassehi saddhiṃ, tatiye Vajiro nāma tīhi sahassehi saddhiṃ, catutthe Vajirabāhu nāma catūhi sahassehi saddhiṃ, pañcame Kasakando⁴ nāma pañcahi sahassehi saddhiṃ, chaṭṭhe Kaṭattho⁵ nāma chahi sahassehi saddhiṃ, sattame Disāmukho⁶ nāma sattahi sahassehi saddhiṃ ārakkhaṃ gaṇhi. Evaṃ pāsādassa anto ca bahi ca gālharakkhā ahosi. “Jotikassa kira sattaratanamayo sattabhūmikapāsādo uṭṭhito, satta pākārā sattadvārakoṭṭhakā catasso nidhikumbhiyo uṭṭhitā”ti sutvā Bimbisāro rājā seṭṭhicchattaṃ paṇiṇi. So Jotikaseṭṭhi nāma ahosi.

Tena pana saddhiṃ katapuññakammā itthī Uttarakurūsu nibbatti. Atha naṃ devatā tato ānetvā sirigabbhe nisīdāpesuṃ. Sā āgacchamānā ekaṃ taṇḍulanāḷim tayo ca jotipāsāṇe gaṇhi. Tesā yāvajīvaṃ tāyeva taṇḍulanāḷiyā bhattaṃ ahosi. Sace kira te sakaṭasatampi taṇḍulanāṃ pūretukāmā honti, sā taṇḍulanāḷi nāḷiyeva hutvā tiṭṭhati. Bhattapacanakāle taṇḍule ukkhaliyaṃ pakkhipitvā tesāṃ

1. Etaṃ mukhappamāṇaṃ (Sī)

3. Yamakacolī nāma (Sī), yamamoli nāma (Syā)

5. Sakaṭattho (Syā)

2. Pabbāni (Sī)

4. Sakaṭo (Sī, Syā)

6. Disāpāmukho (Ka)

pāsāṇānaṃ upari ṭhapeti, pāsāṇā tāvadeva pajjalitvā bhatte pakkamatte nibbāyanti. Teneva saññāna bhattassa pakkabhāvaṃ jānanti. Sūpeyyādipacanakālepi eseva nayo. Evaṃ tesam jotipāsāṇehi āhāro paccati. Maṇi-ālokena ca vasanti, aggissa vā dīpassa vā obhāsam neva jānimsu. “Jotikassa kira evarūpā sampatti”ti sakalajambudīpe pākaṭo ahoṣi. Mahājano yānādīni yojetvā dassanattāya āgacchati. Jotikaseṭṭhi āgatāgatānaṃ Uttarakurutaṇḍulānaṃ bhattam pacāpetvā dāpesi. “Kapparukkhehi vatthāni gaṇhantu, ābharaṇāni gaṇhantū”ti āṇāpesi. “Gāvutikanidhikumbhiyā¹ mukham vivarāpetvā yāpanamattam dhanam gaṇhantū”ti āṇāpesi. Sakalajambudīpavāsikesu dhanam gahetvā gacchantesu nidhikumbhiyā aṅgulimattampi ūnam nāhoṣi. Gandhakuṭipariveṇe vālukaṃ katvā okiṇṇaratanānaṃ kirassa eso nissando.

Evaṃ mahājane vatthābharaṇāni ceva dhanañca yadicchakaṃ ādāya gacchante Bimbisāro tassa pāsādam daṭṭhukāmopi mahājane āgacchante okāsam nālattha. Aparabhāge yadicchakaṃ ādāya gatattā manussesu mandībhūtesu rājā Jotikassa pitaram āha “tava puttassa pāsādam daṭṭhukāmamhā”ti. So “sādhu devā”ti vatvā gantvā puttassa kathesi “tāta rājā te pāsādam daṭṭhukāmo”ti. Sādhu tāta āgacchatūti. Rājā mahantena parivārena tattha agamāsi. Paṭhamadvārakoṭṭhake sammajjitvā kacavarachaḍḍikā dāsī rañño hattham adāsi, rājā “seṭṭhiyāyā”ti saññāya lajjamāno tassā bhāyā hattham na ṭhapesi. Evaṃ sesadvārakoṭṭhakesupi dāsīyo “seṭṭhibhariyāyo”ti maññamāno tāsam bhāyā hattham na ṭhapesi. Jotiko āgantvā rājānam paccuggantvā vanditvā pacchato hutvā “purato yātha devā”ti āha. Rañño maṇipathavī sataporisapapāto viya hutvā upaṭṭhahi. So “iminā mama gahaṇattāya opāto khaṇito”ti maññamāno pādam nikkhipitum na visahi. Jotiko “nāyam deva opāto, mama pacchato āgacchathā”ti purato ahoṣi. Rājā tena akkantakāle bhūmim akkamitvā

1. Tigāvutāya nidhikumbhiyā (Sī)

heṭṭhimatalato paṭṭhāya pāsādaṃ olokeno vicari. Tadā Ajātasattukumāropi pitu aṅgulim gahetvā vicaranto cintesi “aho andhabālo mama pitā, gahapatike nāma sattaratanamaye pāsāde vasante esa rājā hutvā dārumaye gehe vasati, ahaṃ dāni rājā hutvā imassa imasmim pāsāde vasitum na dassāmi”ti.

Raññopi uparimatalāni abhiruhantasseva pātarāsavelā jātā. So seṭṭhim āmantetvā “mahāseṭṭhi idheva pātarāsaṃ bhuñjissāma”ti. Jānāmi deva, sajjito devassāhāroti. So soḷasahi gandhodakaghaṭehi nhatvā ratanamaye seṭṭhissa nisīdanamaṇḍape paññatte tasseva nisīdanapallaṅke nisīdi. Athassa hatthadhovanūdakaṃ datvā satasahassagghanikāya suvaṇṇapātiyā kilinnapāyāsaṃ vaḍḍhetvā purato ṭhapayimsu. Rājā “bhojanam”ti saññāya bhuñjitum ārabhi. Seṭṭhi “nayidaṃ deva bhojanam, kilinnapāyāso-eso”ti aññissā suvaṇṇapātiyā bhojanam vaḍḍhetvā purimapātiyaṃ ṭhapayimsu. Tato uṭṭhita-utunā kira taṃ¹ bhuñjitum sukhaṃ hoti. Rājā madhurabhojanam bhuñjanto pamāṇam na aññāsi. Atha naṃ seṭṭhi vanditvā añjalim paggayha “alaṃ deva ettakameva hotu, ito uttarim jirāpetum na sakkā”ti āha. Atha naṃ rājā āha “kim gahapati garukaṃ katvā kathesi attano bhattan”ti. Deva natthetaṃ, tumhākaṃ² sabbassāpi hi balakāyassa idameva bhattam idam supeyyam. Api ca kho ahaṃ ayasassa bhāyāmīti. Kim kāraṇāti? Sace devassa kāyālasiyamattaṃ bhavye, “hiyyo raññā seṭṭhissa gehe bhattam bhuttaṃ, seṭṭhinā kiñci kataṃ bhavissati”ti vacanassa bhāyāmi devāti. Tena hi bhattam hara, udakaṃ āharāti. Rañño bhattakiccāvasāne sabbo rājaparivāro tadeva bhattam paribhuñji.

Rājā sukhakathāya nisinnō seṭṭhim āmantetvā “kim imasmim gehe seṭṭhibhariyā natthi”ti āha. Āma atthi devāti. Kahaṃ sāti. Sirigabbhe nisinnā, devassa āgatabhāvaṃ na jānāti. Kiñcāpi hi pātova rājā saparivāro āgato, sā panassa āgatabhāvaṃ na jānāteva. Tato seṭṭhi “rājā me bhariyaṃ daṭṭhukāmo”ti tassā santikaṃ gantvā “rājā āgato, kim tava rājānaṃ daṭṭhum na vaṭṭati”ti āha. Sā

1. Upariṭṭhitam kira nam uṇhattā (Sī)

2. Natthetaṃ amhākaṃ garu (Sī)

nipannakāva “ko esa sāmī rājā nāmā”ti vatvā “rājā nāma amhākaṃ issaro”ti vutte anattamanataṃ pavedentī “dukkaṭāṇi vata no puññakammāni, yesaṃ no issaropi atthi. Assaddhāya nāma puññakammāni katvā mayāṃ sampattiṃ pāpuṇitvā¹ aññassa issariyaṭṭhāne nibbattamhā. Addhā amhehi asaddahitvā dānaṃ dannaṃ bhavissati, tassetāṃ phalaṃ”ti vatvā “kiṃ dāni karomi sāmī”ti āha. ²Tālavaṇṭaṃ ādāya āgantvā rājānaṃ bījāhīti². Tassā tālavaṇṭaṃ ādāya āgantvā rājānaṃ bījentiyaṃ rañño veṭṭhanassa gandhavāto akkhīni pahari, athassā akkhīhi assudhārā pavattiṃsu. Taṃ disvā rājā seṭṭhiṃ āha “mahāseṭṭhi mātugāmo nāma appabuddhiko, ‘rājā me sāmikassa sampattiṃ gaṇheyyā’ti bhayena rodati maññe, assāsehi naṃ ‘na me tava sampattiyaṃ attho’ti”. Na esā deva rodatīti. Atha kiṃ etanti. Tumbhākaṃ veṭṭhanagandhenassā assūni pavattiṃsu. Ayañhi dīpobhāsaṃ vā aggi-obhāsaṃ vā adisvā maṇi-ālokeneva bhuñjati ca nisīdati ca nipajjati ca, devo pana dīpālokena nisīno bhavissatīti. Āma seṭṭhīti. Tena hi deva ajja paṭṭhāya maṇi-ālokena nisīdathāti mahantaṃ tipusamattaṃ anagghaṃ maṇirataṇaṃ adāsī. Rājā gehaṃ oloketaṃ “mahatī vata jotikassa sampatti”ti vatvā agamāsī. Ayaṃ tāva **Jotikassa uppatti**.

Idāni Jaṭilassa uppatti veditabbā—Bārāṇasiyaṃ hi ekā seṭṭhidhītā abhirūpā ahoṣi, taṃ pannarasasoḷasavassuddesikakāle rakkhaṇatthāya ekaṃ dāsīṃ datvā sattabhūmikassa pāsādassa uparimatale sirigabbhe vāsayaṃsu. Taṃ ekadivasaṃ vātapānaṃ vivarivaṃ bahi olokayamaṇaṃ ākāseṇa gacchanto eko vijjādharo disvā uppannasineho vātapāneṇa pavisitvā tāya saddhiṃ santhavamakāsī. Sā tena saddhiṃ saṃvāsamanvāya na cirasseva gabbhaṃ paṭilabhi. Atha naṃ sā dāsī disvā “amma kiṃ idan”ti vatvā “hotu mā kassaci ācikkhī”ti tāya vuttā bhayena tuṇhī ahoṣi. Sāpi dasamāsaccayena³ puttaṃ vijāyitvā navabhājanaṃ āharāpetvā tattha taṃ dārakaṃ nipajjāpetvā taṃ bhājanaṃ pidahitvā upari pupphadāmāni ṭhapetvā “imaṃ sīsena ukkhipitvā

1. Apāpuṇitvā (Sī)

2-2. Vijetabbaṃ bhaddeti (Sī)

3. Dasameva māse (Sī)

Gaṅgāya vissajjehi, ‘kiṃ idan’ti ca puṭṭhā ‘ayyāya me balikamman’ti vadeyyāsī”ti dāsīm āṇāpesi. Sā tathā akāsi.

Heṭṭhāgaṅgāyampi dve itthiyo nhāyamānā taṃ bhājanam̐ udakenāhariyamānam̐ disvā ekā “mayhetam̐ bhājanam̐”ti āha. Ekā “yam̐ etassa anto, taṃ mayhan”ti vatvā bhājane sampatte taṃ ādāya thale ṭhapetvā vivarivā dāraḥam̐ disvā ekā “mama bhājananti vuttatāya dāraḥo mameva hotī”ti āha. Ekā “yam̐ bhājanassa anto, taṃ mameva hotūti vuttatāya mama dāraḥo”ti āha. Tā vivadamānā vinicchayaṭṭhānam̐ gantvā tamattham̐ ārocetvā amaccesu vinicchitum̐ asakkontesu rañño santikaḥam̐ agamaṃsu. Rājā tāsam̐ vacanam̐ sutvā “tvam̐ dāraḥam̐ gaṇha, tvam̐ bhājanam̐ gaṇhā”ti āha. Yāya pana dāraḥo laddho, sā Mahākaccānattherassa upaṭṭhāyikā ahoṣi. Tasmā sā dāraḥam̐ “imam̐ therassa santike pabbājessāmī”ti posesi. Tassa jātadivase gabbhamalassa dhovivā anapanītatāya kesā jaṭitā¹ hutvā aṭṭham̐su, tenassa **Jaṭilot**veva nāmam̐ karim̐su. Tassa padasā vicaraṇakāle thero taṃ geham̐ piṇḍāya pāvisi. Upāsikā theram̐ nisīdāpetvā āhāramadāsi. Thero dāraḥam̐ disvā “kiṃ upāsike dāraḥo laddho”ti pucchi. “Āma bhante, imāham̐ dāraḥam̐ tumhākam̐ santike pabbājessāmīti posesim̐, pabbājetha nan”ti adāsi. Thero “sādhū”ti ādāya taṃ gacchanto “atthi nu kho imassa gihisampattim̐ anubhavitum̐ puññakamman”ti olokento “mahāpuñño satto mahāsampattim̐ anubhavissati, daharo esa tāva, ñāṇampissa paripākam̐ na gacchatī”ti cintetvā taṃ ādāya Takkasilāyam̐ ekassa upaṭṭhākassa geham̐ agamāsi.

So theram̐ vandivā ṭhito taṃ dāraḥam̐ disvā “dāraḥo vo bhante laddho”ti pucchi. Āma upāsaka pabbajissati, daharo tāva, taveva santike hotūti. So “sādhū bhante”ti taṃ puttaṭṭhāne ṭhapetvā paṭijaggi. Tassa pana gehe dvādasa vassāni bhaṇḍakam̐ ussannam̐ hoti. So gāmantaram̐ gacchanto sabbampi taṃ bhaṇḍam̐ āpaṇam̐ harivā dāraḥam̐ āpaṇe nisīdāpetvā tassa tassa bhaṇḍakassa mūlam̐ ācikkhitvā “idañca idañca ettakam̐

1. Jaṭilā (Ka)

nāma dhanam gahetvā dadeyyāsī”ti vatvā pakkāmi. Tamdivasam nagarapariggāhikā devatā antamaso maricajīrakamattenāpi atthike tasseva āpaṇābhimukhe karimsu. So dvādasa vassāni ussannam bhaṇḍakam ekadivaseneva vikkiṇi. Kuṭumbiko āgantvā āpaṇe kiñci adisvā “sabbam te tāta bhaṇḍakam nāsitan”ti āha. Na nāsemi, sabbam tumhehi vuttanayeneva vikkiṇim, idam asukassa mūlam, idam asukassāti. Kuṭumbiko pasīditvā “anaggho puriso, yattha katthaci jīvitum samattho”ti attano gehe vayappattam dhītaram tassa datvā “gehamassa karothā”ti purise āṇāpetvā niṭṭhite gehe “gacchatha, tumhe attano gehe vasathā”ti āha.

Athassa gehapavisanakāle ekena pādena ummāre akkantamatte gehassa pacchimabhāge bhūmim bhinditvā asītihattho suvaṇṇapabbato uṭṭhahi. Rājā “Jaṭilakumārassa kira gehe bhūmim bhinditvā suvaṇṇapabbato uṭṭhito”ti sutvāva tassa seṭṭhicchattam pesesi. So **Jaṭilasetṭhi** nāma ahosi. Tassa tayo puttā ahesum. So tesam vayappattakāle pabbajjāya cittam uppādetvā “sace amhehi samānabhogam seṭṭhikulam bhavissati, pabbajitum dassanti. No ce, na dassanti. Atthi nu kho jambudīpe amhehi samānabhogam kulan”ti vīmaṃsanatthāya suvaṇṇamayam iṭṭhakam suvaṇṇamayam patodalatṭhim suvaṇṇamayam pādukañca¹ kārāpetvā purisānam hatthe datvā “gacchatha, imāni ādāya kiñcideva olokayamānā viya jambudīpatale vicaritvā amhehi samānabhogassa seṭṭhikulassa atthibhāvam vā natthibhāvam vā ñatvā āgacchathā”ti pahiṇi.

Te cārikam carantā Bhaddiyanagaram pāpuṇimsu. Atha ne Meṇḍakasetṭhi disvā “tātā kim karontā vicarathā”ti pucchitvā “ekam oloketā vicarāmā”ti vutte “imesam imāni gahetvā kiñcideva oloketum vicaraṇakiccam natthi, raṭṭham² pariggaṇhamānā vicaranti”ti ñatvā “tātā amhākam pacchimageham pavisitvā olokethā”ti āha. Te tattha aṭṭhakarīsamatte ṭhāne hatthi-assa-usabhappamāṇe piṭṭhiyā piṭṭhim āhacca pathavim bhinditvā uṭṭhite heṭṭhā vuttappakāre suvaṇṇameṇḍake disvā tesam

1. Pāmaṅgam (Sī)

2. Seṭṭhim (Syā)

antarantarā vicarivā nikkhamiṃsu. Atha ne seṭṭhi “tātā yaṃ olokenā vicaratha, diṭṭho vo so”ti pucchitvā “passāma sāmī”ti¹ vutte “tena hi gacchathā”ti uyyojesi. Te tatova gantvā attano seṭṭhinā “kiṃ tātā diṭṭhaṃ vo amhākaṃ samānabhogaṃ seṭṭhikulan”ti vutte “sāmi tumhākaṃ kiṃ atthi, Bhaddiyanagare Meṇḍakaseṭṭhino evarūpo nāma vibhavo”ti sabbaṃ taṃ pavattiṃ ācikkhiṃsu. Taṃ sutvā seṭṭhi attamano hutvā “ekaṃ tāva seṭṭhikulaṃ laddhaṃ, aparaṃpi nu kho atthī”ti satasahassagghanikaṃ kambalaṃ datvā “gacchatha tātā, aññampi. Seṭṭhikulaṃ vicinathā”ti paṇiṇi.

Te Rājagahaṃ gantvā Jotikaseṭṭhissa gehato avidūre dārurāsīṃ katvā aggiṃ datvā aṭṭhaṃsu. “Kiṃ idan”ti puṭṭhakāle ca “ekaṃ no mahagghakambalaṃ vikkiṇantānaṃ kayiko² natthi, gahetvā vicarantāpi corānaṃ bhāyāma, tena taṃ jhāpetvā gamissāmā”ti vadīṃsu. Atha ne Jotikaseṭṭhi disvā “ime kiṃ karontī”ti pucchitvā tamatthaṃ sutvā pakkosāpetvā “kiṃ agghanako kambalo”ti pucchi. “Satasahassagghanako”ti vutte satasahassaṃ dāpetvā “dvārakoṭṭhakaṃ sammajjitvā kacavarachaṭṭikāya dāsiyā dethā”ti tesāmyeva hatthe paṇiṇi. Sā kambalaṃ gahetvā rodamaṇā sāmikassa santikaṃ āgantvā “kiṃ maṃsāmi aparādhe sati paharituṃ na vaṭṭati, kasmā me evarūpaṃ thūlakambalaṃ paṇiṇittha, kathāhaṃ³ imaṃ nivāsessāmi vā pārūpissāmi vā”ti. Nāhaṃ tava etadatthāya paṇiṇiṃ, etaṃ pana paliveṭhetvā tava sayanapādamūle⁴ ṭhapetvā nipajjanakāle gandhodakena dhotānaṃ pādānaṃ puñchanatthāya te paṇiṇiṃ, kiṃ etampi kātuṃ na sakkosīti. Sā “etaṃ pana kātuṃ sakkhissāmi”ti gahetvā agamāsi. Te ca purisā taṃ kāraṇaṃ disvā attano seṭṭhissa santikaṃ gantvā “kiṃ tātā diṭṭhaṃ vo seṭṭhikulan”ti vutte “sāmi kiṃ tumhākaṃ atthi, Rājagahanagare Jotikaseṭṭhissa evarūpā nāma sampattī”ti sabbaṃ ghasampattiṃ ārocetvā taṃ pavattiṃ ācikkhiṃsu. Seṭṭhi tesāṃ vacanaṃ sutvā tuṭṭhamānaso “idāni pabbajituṃ labhissāmi”ti rañño santikaṃ gantvā “pabbajitukāmomhi devā”ti āha. Sādhu mahāseṭṭhi,

1. Na diṭṭho sāmīti (Sī)

3. Katthāhaṃ (Sī)

2. Kāyako (Sī)

4. Sayanamūle (Syā, Ka)

pabbajāhīti. So gehaṃ gantvā putte pakkosāpetvā suvaṇṇadaṇḍaṃ vajirakuddālaṃ¹ jeṭṭhaputtassa hatthe ṭhapetvā “tāta pacchimagehe suvaṇṇapabbatato suvaṇṇapiṇḍaṃ uddharāhī”ti āha. So kuddālaṃ ādāya gantvā suvaṇṇapabbataṃ pahari, piṭṭhipāsāṇe pahaṭakālo viya ahosi. Tassa hatthato kuddālaṃ gahetvā majjhimaputtassa hatthe datvā paṇiṇi, tassapi suvaṇṇapabbataṃ paharantassa piṭṭhipāsāṇe pahaṭakālo viya ahosi. Atha naṃ kaniṭṭhaputtassa hatthe datvā paṇiṇi, tassa taṃ gahetvā paharantassa koṭṭetvā rāsikatāya mattikāya pahaṭakālo viya ahosi. Atha naṃ seṭṭhi “ehi tāta, alaṃ ettakenā”ti vatvā itare dve jeṭṭhabhātike pakkosāpetvā “ayaṃ suvaṇṇapabbato na tumhākaṃ nibbato, mayhañca kaniṭṭhassa ca nibbato, iminā saddhiṃ ekato hutvā paribhuñjathā”ti āha. Kasmā pana so tesameva nibbattati, kasmā ca Jaṭilo jātakāle udake pātītoti? Attano katakammeneva.

Kassapasammāsambuddhassa hi cetiye kariyamāne eko khīṇāsavo cetiyaṭṭhānaṃ gantvā oloketvā “tātā kasmā cetiyassa uttarena mukhaṃ na uṭṭhahatī”ti pucchi. “Suvaṇṇaṃ nappahotī”ti āhaṃsu. Ahaṃ antogāmaṃ pavisitvā samādapessāmi, tumhe ādarena kammaṃ karothātī. So evaṃ vatvā nagaraṃ pavisitvā “ammā tātā tumhākaṃ cetiyassa ekasmiṃ mukhe suvaṇṇaṃ nappahoti, suvaṇṇaṃ jānāthā”ti mahājanaṃ samādapento suvaṇṇakāraḷaṃ agamāsi. Suvaṇṇakāropi taṅkhaṇeyeva bhariyāya saddhiṃ kalahaṃ karonto nisinno hoti. Atha naṃ thero “cetiye tumhehi gahitamukhassa suvaṇṇaṃ nappahoti, taṃ jānituṃ vaṭṭatī”ti āha. So bhariyāya kopena “tava Satthāraṃ udake khipitvā gacchā”ti āha. Atha naṃ sā “atisāhasikakammaṃ te kataṃ, mama kuddhena te ahameva akkositabbā vā paharitabbā vā, kasmā atītānāgatapaccuppannesu Buddhesu veramakāsi”ti āha. Suvaṇṇakāro tāvadeva saṃvegappatto hutvā “khamatha me bhante”ti vatvā therassa pādamaḷe nipajji. Tāta ahaṃ tayā na kiñci vutto, Satthāraṃ khamāpehīti. Kinti katvā khamāpemi bhanteti. Suvaṇṇapupphānaṃ

1. Vajiratalaṃ kuddālaṃ (Sī), vajīraphālaṃ kuddālaṃ (Syā)

tayo kumbhe katvā antodhātunidhāne pakkhipitvā allavattho allakeso hutvā khamāpehi tātāti.

So “sādhu bhante”ti vatvā suvaṇṇapupphāni karonto tīsu puttesu jeṭṭhaputtam pakkosāpetvā “ehi tāta, aham Sathhāram veravacanena avacam, tasmā imāni pupphāni katvā dhātunidhāne pakkhipitvā khamāpessāmi, tvampi kho me sahāyo hoti”ti āha. So “na tvaṃ mayā veravacanam vadāpito, tvaṃyeva karohi”ti kātum na icchi. Majjhimaputtam pakkositvā tathēvāha, sopi tatheva vatvā kātum na icchi. Kaniṭṭham pakkositvā tathēvāha, so “pitu uppanakiccam nāma puttassa bhāro”ti vatvā pitusahāyo hutvā pupphāni akāsi. Suvaṇṇakāro vidatthippamāṇānam pupphānam tayo kumbhe niṭṭhāpetvā dhātunidhāne pakkhipitvā allavattho allakeso Sathhāram khamāpesi. Iti so sattakkhattum jātakāle udake pātanam labhi. Ayaṃ panassa koṭiyam ṭhito attabhāvo. Idhāpi tasseva nissandena udake pātito. Ye panassa dve jeṭṭhabhātikā puttā suvaṇṇapupphānam karaṇakāle sahāyā bhavitum na icchimsu, tesam tena kāraṇena suvaṇṇapabbato na nibbatti, Jaṭilassa ceva kaniṭṭhaputtassa ca ekato katabhāvena nibbatti. Iti so putte anusāsivā Satthu santike pabbajitvā katipāheneva arahattam pāpuṇi. Sathhā aparena samayena pañcahi bhikkhusatehi saddhim piṇḍāya caranto tassa puttānam gehadvāram agamāsi, te Buddhappamukhassa bhikkhusamghassa aḍḍhamāsam bhikkhādānam adamsu.

Bhikkhū dhammasabhāyam katham samuṭṭhāpesum “ajjāpi te āvuso Jaṭila asītihatthe suvaṇṇapabbate ca puttesu ca taṇhā atthi”ti. Na me āvuso etesu taṇhā vā māno vā atthīti. Te “ayam Jaṭilatthero abhūtam vatvā aññam byākaroti”ti vadimsu. Sathhā tesam katham sutvā “na bhikkhave mama puttassa tesu taṇhā vā māno vā atthi”ti vatvā dhammam desento imam gāthamāha—

416. “Yodha taṇham pahantvāna, anāgāro paribbaje.

Taṇhābhavaparikkhīnam, tamaham brūmi brāhmaṇan”ti.

Tassattho—yo idha loka chadvārikaṃ taṇhaṃ vā mānaṃ vā jahitvā gharāvāsena anattiko anāgāro hutvā paribbajati, taṇhāya ceva bhavassa ca parikkhīṇattā taṇhābhavaparikkhīṇaṃ tamahaṃ brāhmaṇaṃ vadāmīti.

Desanāvasāne bahū sotāpattiphalādīni pāpuṇimsūti.

Jaṭilattheravatthu tettimsatimaṃ.

34. Jotikattheravatthu

Yodha taṇhanti puna imaṃ dhammadesanaṃ Satthā Veḷuvane viharanto Jotikattheraṃ ārabha kathesi.

Ajātasattukumāro hi Devadattena saddhiṃ ekato hutvā pitaraṃ ghātetvā rajje patiṭṭhito “Jotikaseṭṭhissa mahāpāsādaṃ gaṇhissāmī”ti yuddhasajjo nikkhamitvā maṇipākāre saparivārassa attano chāyaṃdisvā “gahapatiko yuddhasajjo hutvā balaṃ ādāyanikkhanto”ti sallakkhetvā upagantuṃ na visahi. Seṭṭhipi taṃ divasaṃ uposathiko hutvā pātova bhuttapātarāso vihāraṃ gantvā Satthu santike dhammaṃ suṇanto nisinno hoti. Paṭhame dvārakoṭṭhake ārakkhaṃ gahetvā ṭhito pana Yamakoḷi nāma yakkho taṃ disvā “kahaṃ gacchasi”ti saparivāraṃ viddhaṃsetvā disāvidisāsu anubandhi. Rājā vihārameva agamāsi.

Atha naṃ seṭṭhi disvāva “kiṃ devā”ti vatvā uṭṭhāyāsanaṃ aṭṭhāsi. Gahapati kiṃ tvaṃ tava purise “mayā saddhiṃ yujjhathā”ti¹ āṇāpetvā idhāgamma dhammaṃ suṇanto viya nisinnoti. Kiṃ pana devo mama gehaṃ gaṇhituṃ gatoti. Āma gatomhīti. Mama anicchāya mama gehaṃ gaṇhituṃ rājasahassampi na sakkoti devāti. So “kiṃ pana tvaṃ rājā bhavissasi”ti kujjhi. Nāhaṃ rājā, mama santakaṃ pana dasikasuttampi mama anicchāya rājūhi vā corehi vā gahetuṃ na sakkāti. Kiṃ panāhaṃ tava ruciyaṃ gaṇhissāmīti. Tena hi deva imā me dasasu aṅgulīsu vīsati muddikā, imāhaṃ tumhākaṃ na demi. Sace sakkotha, gaṇhathāti. So pana rājā bhūmiyaṃ ukkuṭikaṃ nisīditvā ullaṅghanto aṭṭhārasahatthaṃ ṭhānaṃ abhiruhati, ṭhatvā ullaṅghanto

1. Yujjhantūti (Sī)

asītihattham ṭhānam abhiruhati. Evaṃmahābalo samānopi ito cito ca parivattento ekaṃ muddikampi kaḍḍhituṃ nāsakkhi. Atha naṃ seṭṭhi “sātakam patthara devā”ti vatvā aṅguliyo ujukā akāsi, vīsatiṃ muddikā nikkhamiṃsu. Atha naṃ seṭṭhi “evaṃ deva mama santakam mama anicchāya na sakkā gaṇhituṃ”ti vatvā rañño kiriyāya uppanasamvego “pabbajituṃ me anujāna devā”ti āha. So “imasmiṃ pabbajite sukham pāsadam gaṇhissāmi”ti cintetvā ekavacaneneva “tvaṃ pabbajāhi”ti āha. So Satthu santike pabbajitvā na cirasseva arahattam patvā Jotikatthero nāma ahosi. Tassa arahattam pattakkhaṇeyeva sabbāpi sā sampatti antaradhāyi, tampissa satulakāyim¹ nāma bhariyam devatā Uttarakurumeva nayiṃsu.

Athekadivasam bhikkhū tam āmantetvā “āvuso Jotika tasmim pana te pāsāde vā itthiyā vā taṇhā atthi”ti pucchitvā “natthāvuso”ti vutte Satthu ārocesuṃ “ayam bhante abhūtam vatvā aññam byākaroti”ti. Satthā “nattheva bhikkhave mama puttassa tasmim taṇhā”ti vatvā imam gāthamāha—

416. “Yodha taṇham pahantvāna, anāgāro paribbaje.

Taṇhābhavaparikkhīnam, tamaham brūmi brāhmaṇan”ti.

Imissā gāthāyattho heṭṭhā Jaṭilattheravatthumhi vuttanayeneva veditabbo.

Desanāvasāne bahū sotāpattiphalādīni pāpuṇiṃsūti.

Jotikattheravatthu catutimsatimam.

35. Naṭaputtakattheravatthu

Hitvāti imam dhammadesanam Satthā Veḷuvane viharanto ekaṃ Naṭaputtakam ārabha katesi.

So kira ekaṃ naṭakīlam kīlayamāno vicaranto Satthu dhammakatham sutvā pabbajitvā arahattam pāpuṇi. Tasmim Buddhappamukhena bhikkhusamghena

1. Satulakāyam (Sī, Syā)

saddhiṃ piṇḍāya pavisante bhikkhū ekaṃ Naṭaputtaṃ kīlantaṃ disvā
 “āvuso esa tayā kīlitakīlitaṃ kīlati, atthi nu kho te ettha sineho”ti pucchitvā
 “natthī”ti vutte “ayaṃ bhante abhūtaṃ vatvā aññaṃ byākaroti”ti āhaṃsu.
 Sathā tesāṃ kathaṃ sutvā “bhikkhave mama putto sabbayoge atikkanto”ti
 vatvā imaṃ gāthamāha—

417. “Hitvā mānusaṃ yogaṃ, dibbaṃ yogaṃ upaccagā.
 Sabbayogavisaṃyuttaṃ, tamahaṃ brūmi brāhmaṇaṃ”ti.

Tattha **mānusaṃ yogaṃ** mānusaṃ āyuñceva pañca kāmagaṇe ca.
 Dibbayogepi eseva nayo. **Upaccagā**ti yo mānusaṃ yogaṃ hitvā dibbaṃ
 yogaṃ atikkanto, taṃ sabbehi catūhipi yogehi visaṃyuttaṃ ahaṃ
 brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Naṭaputtakattheravatthu pañcatimsatimaṃ.

36. Naṭaputtakattheravatthu

Hitvā ratiñcāti imaṃ dhammadeśanaṃ Sathā Veḷuvane viharanto ekaṃ
 Naṭaputtakaṃyeva ārabha kathesi. Vatthu purimasadisameva. Idha pana
 Sathā “bhikkhave mama putto ratiñca aratiñca pahāya ṭhito”ti vatvā imaṃ
 gāthamāha—

418. “Hitvā ratiṃ ca aratiṃ ca, sītibhūtaṃ nirūpadhiṃ.
 Sabbalokābhibhuṃ vīraṃ, tamahaṃ brūmi brāhmaṇaṃ”ti.

Tattha **ratinti** pañcakāmaguṇaratiṃ. **Aratinti** araññavāse
 ukkaṇṭhitattam¹. **Sītibhūtanti** nibbutaṃ. **Nirūpadhinti** nirupakkilesaṃ.
Vīranti taṃ evarūpaṃ sabbaṃ khandhalokaṃ abhibhavitvā ṭhitaṃ
 vīriyavantaṃ ahaṃ brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Naṭaputtakattheravatthu chattimsatimaṃ.

1. Ukkaṇṭhiṃ (Syā), ukkaṇṭhitaṃ (Ka)

37. Vaṅḡisattheravatthu

Cutiṃ yo vedīti imaṃ dhammadesanaṃ Satthā Jetavane viharanto Vaṅḡisattheraṃ ārabba kathesi.

Rājagahe kireko brāhmaṇo Vaṅḡiso nāma matamanussānaṃ sīsaṃ ākoṭetvā “idaṃ niraye nibbattassa sīsaṃ, idaṃ tiracchānayaniyaṃ, idaṃ pettivisaye, idaṃ manussaloke, idaṃ devaloke nibbattassa sīsaṃ”ti jānāti. Brāhmaṇā “sakkā imaṃ nissāya lokam khādituṃ”ti cintetvā taṃ dve rattavatthāni paridahāpetvā ādāya janapadaṃ carantā manusse vadanti “eso Vaṅḡiso nāma brāhmaṇo matamanussānaṃ sīsaṃ ākoṭetvā nibbattaṭṭhānaṃ jānāti, attano nātakānaṃ nibbattaṭṭhānaṃ pucchathā”ti. Manussā yathābalaṃ dasapi kahāpaṇe vīsati pi satampi datvā nātakānaṃ nibbattaṭṭhānaṃ pucchanti. Te anupubbena Sāvattiṃ patvā Jetavanassa avidūre nivāsaṃ gaṇhiṃsu. Te bhuttapātarāsā mahājanaṃ gandhamālādihatthaṃ dhammassavanāya gacchantam disvā “kahaṃ gacchathā”ti pucchitvā “vihāraṃ dhammassavanāya”ti vutte “tattha gantvā kiṃ karissatha, amhākaṃ Vaṅḡisabrāhmaṇena sadiso nāma natthi, matamanussānaṃ sīsaṃ ākoṭetvā nibbattaṭṭhānaṃ jānāti, nātakānaṃ nibbattaṭṭhānaṃ pucchathā”ti āhaṃsu. Te “Vaṅḡiso kiṃ jānāti, amhākaṃ Satthārā sadiso nāma natthi”ti vatvā itarehi pi “Vaṅḡisasadiso natthi”ti vutte kathaṃ vaḍḍhetvā “etha, dāni vo Vaṅḡisassa vā amhākaṃ vā Satthu jānanabhāvaṃ jānissāmā”ti te ādāya vihāraṃ agamaṃsu. Satthā tesam āgamanabhāvaṃ nātvā niraye tiracchānayaniyaṃ manussaloke devaloketi catūsu ṭṭhānesu nibbattānaṃ cattāri sīsāni, khīṇāsavasīsāncāti pañca sīsāni āharāpetvā paṭipāṭiyā ṭṭhapetvā āgatakāle Vaṅḡisaṃ pucchi “tvaṃ kira sīsaṃ ākoṭetvā matakānaṃ nibbattaṭṭhānaṃ jānāsī”ti. Āma jānāmīti. Idaṃ kassa sīsanti. So taṃ ākoṭetvā “niraye nibbattassā”ti āha. Athassa Satthā “sādhu sādhu”ti sādhu kāraṃ datvā itarāni pi tiṇi sīsāni pucchitvā tena avirajjhivā vuttavuttakkaṇe tatheva tassa sādhu kāraṃ datvā pañcamaṃ sīsaṃ dassetvā “idaṃ kassa sīsaṃ”ti pucchi, so tampi ākoṭetvā nibbattaṭṭhānaṃ na jānāti.

Atha naṃ Satthā “kiṃ Vaṅgīsa na jānāsī”ti vatvā “āma na jānāmī”ti vutte “ahaṃ jānāmī”ti āha. Atha naṃ Vaṅgīso yāci “detha me imaṃ mantan”ti. Na sakkā apabbajitassa dātunti. So “imasmim̃ mante gahite sakalajambudīpe ahaṃ jeṭṭhako bhavissāmī”ti cintetvā te brāhmaṇe “tumhe tattheva katipāhaṃ vasatha, ahaṃ pabbajissāmī”ti uyyojetvā Satthu santike pabbajitvā laddhūpasampado Vaṅgīsatthero nāma ahoṣi. Athassa Satthā dvattiṃ sākārakammaṭṭhānaṃ datvā “mantassa parikammaṃ sajjhāyāhī”ti āha. So taṃ sajjhāyanto antarantarā brāhmaṇehi “gahito te manto”ti pucchiyamāno “āgametha tāva, gaṇhamī”ti vatvā katipāheneva¹ arahattaṃ patvā puna brāhmaṇehi puṭṭho “abhabbo dānāhaṃ āvuso gantun”ti āha. Taṃ sutvā bhikkhū “ayaṃ bhante abhūtena aññaṃ byākarotī”ti Satthu ārocesuṃ. Satthā “mā bhikkhave evaṃ avacuttha, idāni bhikkhave mama putto cutipaṭisandhikusalo jāto”ti vatvā imā gāthā abhāsi—

419. “Cutim̃ yo vedī sattānaṃ, upapattiñca sabbaso.

Asattaṃ Sugataṃ Buddhaṃ, tamahaṃ brūmi brāhmaṇaṃ.

420. Yassa gatiṃ na jānanti, devā gandhabbamānusā.

Khīṇāsavaṃ arahantaṃ, tamahaṃ brūmi brāhmaṇaṃ”ti.

Tattha **yo vedī**ti yo sattānaṃ sabbākārena cutim̃ ca paṭisandhim̃ ca pākaṭaṃ katvā jānāti, tamahaṃ alaggaṭāya **asattaṃ**, paṭipattiyā suṭṭhu gatattā **sugataṃ**, catunnaṃ saccānaṃ Buddhatāya **Buddhaṃ** brāhmaṇaṃ vadāmīti attho. **Yassāti** yassete devādayo gatiṃ na jānanti, tamahaṃ āsavānaṃ khīṇatāya **khīṇāsavaṃ**, kilesehi ārakattā **arahantaṃ** brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Vaṅgīsattheravatthu sattatimsatimam̃.

1. Katipāhasseva (Syā, Ka)

38. Dhammadinnattherīvatthu

Yassāti imaṃ dhammadesanaṃ Satthā Veḷuvane viharanto
Dhammadinnaṃ nāma bhikkhuniṃ ārabbha kathesi.

Ekadivasaṃ hi tassā gihikāle sāmiko Visākho upāsako Satthu santike dhammaṃ sutvā anāgāmiphalaṃ patvā cintesi “mayā sabbaṃ sāpateyyaṃ Dhammadinnaṃ paṭicchāpetuṃ vaṭṭati”ti. So tato pubbe āgacchanto Dhammadinnaṃ vātapānena oloketiṃ disvā sitaṃ karoti. Taṃ divasaṃ pana vātapānena ṭhitaṃ anolokentova agamāsi. Sā “kiṃ nu kho idan”ti cintetvā “hotu, bhojanakāle jānissāmī”ti bhojanavelāya bhattaṃ upanāmesi. So aññesu divasesu “ehi, ekato bhuñjāmā”ti vadati, taṃ divasaṃ tuṅhībhūtova bhuñji. Sā “kenacideva kāraṇena kupito bhavissati”ti cintesi. Atha naṃ Visākho sukhanisinnavelāya taṃ pakkosivā “Dhammadinne imasmim gehe sabbaṃ sāpateyyaṃ paṭicchāhi”ti āha. Sā “kuddhā nāma sāpateyyaṃ na paṭicchāpenti, kiṃ nu kho etan”ti cintetvā “tumhe pana sāmī”ti āha. Ahaṃ ito paṭṭhāya na kiñci vicāremīti. Tumhehi chaḍḍitaṃ kheḷaṃ ko paṭicchissati, evaṃ sante mama pabbajjaṃ anujānāthāti. So “sādhu bhaddhe”ti sampācchitvā mahantena sakkārena taṃ bhikkhunī-upassayaṃ netvā pabbājesi. Sā laddhūpasampadā Dhammadinnattherī nāma ahosi.

Sā pavivekakāmatāya bhikkhunīhi saddhiṃ janapadaṃ gantvā tattha viharantī na cirasseva saha paṭisambhidāhi arahattaṃ patvā “idāni maṃ nissāya ñātijaṇā puññāni karissanti”ti punadeva Rājagahaṃ paccāgañchi. Upāsako tassā āgatabhāvaṃ sutvā “kena nu kho kāraṇena āgatā”ti bhikkhunī-upassayaṃ gantvā therim vanditvā ekamantaṃ nisinno “ukkaṇṭhitā nu khosi ayyeti vattuṃ appatirūpaṃ, pañhamekaṃ naṃ pucchissāmī”ti cintetvā sotāpattimagge pañhaṃ pucchi¹, sā taṃ vissajjesi. Upāsako teneva upāyena sesamaggesupī pañhaṃ pucchitvā atikkamma pañhassa puṭṭhakāle tāya “accayāsi² āvuso Visākhā”ti vatvā “ākankhamāno Satthāraṃ upasaṅkamtivā imaṃ pañhaṃ puccheyyāsi”ti vutte therim vanditvā uṭṭhāyāsanā Satthu

1. Ma 1. 373 piṭṭhe vitthārato āgataṃ.

2. Accasarā te (Sī, Syā) Ma 1. 379 piṭṭhe passitabbaṃ.

santikam gantvā tam kathāsallāpaṃ sabbaṃ Bhagavato ārocesi. Satthā
“sukathitaṃ mama dhītāya Dhammadinnāya, ahampetaṃ pañhaṃ vissajjento
evameva vissajjeyyan”ti vatvā dhammaṃ desento imaṃ gāthamāha—

421. “Yassa pure ca pacchā ca, majjhe ca natthi kiñcanaṃ.
Akiñcanaṃ anādānaṃ, tamahaṃ brūmi brāhmaṇaṃ”ti.

Tattha **pureti** atītesu khandhesu. **Pacchāti** anāgatesu khandhesu.
Majjheti paccuppannesu khandhesu. **Natthi kiñcananti** yassetesu ṭhānesu
taṇhāgāhasaṅkhātāṃ kiñcanaṃ natthi, tamahaṃ rāgakiñcanādīhi **akiñcanaṃ**
kassaci gahaṇassa abhāvena **anādānaṃ** brāhmaṇaṃ vadāmīti attho.

Desanāvasāne bahū sotāpattiphalādīni pāpuṇimsūti.

Dhammadinnattherīvatthu aṭṭhatimsatimaṃ.

39. Aṅgulimālattheravatthu

Usabhanti imaṃ dhammadesanaṃ Satthā Jetavane viharanto
Aṅgulimālattheraṃ ārabha katesi. Vatthu “na ve kadariyā devalokaṃ
vajanti”ti¹ gāthāvaṇṇanāya vuttameva. Vuttañhi tattha²—

Bhikkhū Aṅgulimālaṃ pucchimsu “kiṃ nu kho āvuso Aṅgulimāla
duṭṭhatthiṃ chattaṃ dhāretvā ṭhitaṃ disvā bhāyī”ti³. Na bhāyim⁴ āvusoti.
Te Satthāraṃ upasaṅkamtivā āhaṃsu “Aṅgulimālo bhante aññaṃ
byākarotī”ti. Satthā “na bhikkhave mama putto Aṅgulimālo bhāyati.
Khīṇāsava-usabhānañhi antare jeṭṭhaka-usabhā mama puttasadisā bhikkhū
na bhāyanti”ti vatvā imaṃ gāthamāha—

422. “Usabhaṃ pavaraṃ vīraṃ, mahesiṃ vijitāvinam.

Anejaṃ nhātaṃ Buddhaṃ, tamahaṃ brūmi brāhmaṇaṃ”ti.

1. Khu 1. 40 piṭṭhe.

3. Bhāyasīti (Sī, Syā, Ka)

2. Dhammapada-Ṭṭha 2. 121 piṭṭhe.

4. Na bhāyāmi (Syā, Ka)

Tassattho—acchambhitaṭṭhena usabhasadisatāya **usabham** uttamaṭṭhena **pavaram** vīriyasampattiya **vīram** mahantānam sīlakkhandhādīnam esitattā **mahesim** tiṇṇam mārānam vijitattā **vijitāvinam** nhātakilesatāya **nhātakam** catusaccabuddhatāya **Buddham** tam evarūpaṃ aham brāhmaṇam vadāmīti attho.

Desanāvasāne bahū sotāpattiphalādīni pāpuṇimsūti.

Aṅgulinālattheravatthu ekūnacattālīsam.

40. Devahitabrāhmaṇavatthu

Pubbenivāsanti imaṃ dhammadesanam Satthā Jetavane viharanto Devahitabrāhmaṇassa¹ pañham ārabha kathesi.

Ekasmim hi samaye Bhagavā vātarogena ābādhiko hutvā Upavāṇattheram uṇhodakattāya Devahitabrāhmaṇassa santikam paṇiṇi. So gantvā Satthu ābādhikabhāvam ācikkhitvā uṇhodakam yāci, tam sutvā brāhmaṇo tuṭṭhamānaso hutvā “lābhā vata me, yam mama santikam Sammāsambuddho uṇhodakassatthāya sāvakam paṇiṇi”ti uṇhodakassa kājam purisena gāhāpetvā phāṇitassa ca puṭam Upavāṇattherassa pādāsi. Thero tam gāhāpetvā vihāram gantvā Satthāram uṇhodakena nhāpetvā uṇhodakena phāṇitam āloṭevā Bhagavato pādāsi, tassa taṅkhaṇeyeva so ābādhō paṭipassambhi. Brāhmaṇo cintesi “kassa nu kho deyyadhammo dinno mahapphalo hoti, Satthāram pucchissāmī”ti so Satthu santikam gantvā tamattham pucchanto imaṃ gāthamāha—

“Kattha dajjā deyyadhammam, kattha dinnam mahapphalam.

Katham hi yajamānassa, katham ijjhati dakkhiṇā”ti².

Athassa Satthā “evarūpassa brāhmaṇassa dinnam mahapphalam hoti”ti vatvā brāhmaṇam pakāsento imaṃ gāthamāha—

1. Devaṅgikabrāhmaṇassa (Sī)

2. Sam 1. 177 piṭṭhe.

423. “Pubbenivāsaṃ yo vedi, saggāpāyañca passati.
 Atho jātikkhayaṃ patto, abhiññāvosito Muni.
 Sabbavositavosānaṃ, tamahaṃ brūmi brāhmaṇaṃ”ti.

Tassattho—yo pubbenivāsaṃ pākaṭaṃ katvā jānāti,
 chabbīsasidevalokabhedāṃ saggāñca catubbidhaṃ apāyañca dibbacakkhunā
 passati, atho jātikkhayasaṅkhātaṃ arahattaṃ patto, abhiññeyyaṃ dhammaṃ
 abhijānitvā pariññeyyaṃ pari jānitvā pahātabbaṃ pahāya sacchikātabbaṃ
 sacchikatvā vosito niṭṭhānaṃ patto¹, vusitavosānaṃ vā patto,
 āsavakkhayapaññāya monabhāvaṃ pattattā muni, tamahaṃ sabbesaṃ
 kilesānaṃ vosānaṃ arahattamaggaññaṃ brahmacariyavāsaṃ
 vutthabhāvena sabbavositavosānaṃ brāhmaṇaṃ vadāmi.

Desanāvasāne bahū sotāpattiphalādīni pāpuṇṇiṃsu, brāhmaṇopi
 pasannaṃānaso saraṇesu patiṭṭhāya upāsakattaṃ pavedesīti.

Devahitabrāhmaṇavatthu cattālīsaṃ.

Brāhmaṇavaggavaṇṇanā niṭṭhitā.

Chabbīsatiso vaggo.

1. Nibbānaṃ patto (Syā), nibbānappatto (Ka)

Nigamanakathā

Ettāvatā sabbapaṭhame Yamakavagge cuddasa vatthūni,
 Appamādavagge nava, Cittavagge nava, Pupphavagge dvādasa¹, Bālavagge
 pannarasa, Paṇḍitavagge ekādasa, Arahantavagge dasa, Sahassavagge
 cuddasa, Pāpavagge dvādasa, Daṇḍavagge ekādasa, Jarāvagge nava,
 Attavagge dasa, Lokavagge ekādasa, Buddhavagge nava, Sukhavagge aṭṭha,
 Piyavagge nava, Kodhavagge aṭṭha, Malavagge dvādasa, Dhammaṭṭhavagge
 dasa, Maggavagge dvādasa, Pakiṇṇakavagge nava, Nirayavagge nava,
 Nāgavagge aṭṭha, Taṇhāvagge dvādasa, Bhikkhuvagge dvādasa,
 Brāhmaṇavagge cattālīsāti pañcādhikāni² tīṇi vatthusatāni pakāsetvā
 nātisāṅkhepanātivitthāravasena uparacitā dvāsattatibhāṇavārapamāṇā
Dhammapadassa atthavaṇṇanā niṭṭhitāti.

Pattaṃ Dhammapadaṃ yena, dhammarājenanuttaram.
 Gāthā Dhammapade tena, bhāsītā yā Mahesinā.

Satevīsā catussatā, catusaccavibhāvinā.
 Satattayaṃ hi vatthūnaṃ, pañcādhikā³ samuṭṭhitā.

Vihāre adhirājena, kāritamhi kataññunā.
 Pāsāde sirikūṭassa⁴, rañño viharatā mayā.

Atthabyañjanasampannaṃ, atthāya ca hitāya ca.
 Lokassa Lokanāthassa, saddhammaṭṭhitikamyatā.

Tāsaṃ Aṭṭhakathaṃ etaṃ, karontena sunimmalaṃ.
 Dvāsattatipamāṇāya, bhāṇavārehi Pāḷiyā.

Yaṃ pattaṃ kusalaṃ tena, kusalā sabbapāṇinaṃ.
 Sabbe ijjhantu saṅkappā, labhantu madhuraṃ phalanti.

Paramavi suddhasaddhābuddhivīriyapaṭimaṇḍitena
 sīlācārajjavamaddavādiguṇasamudayasamuditena
 sakasamayasaṃsāraṅgahanajjho gāhaṇasamatthena
 paññāveyyattiyasamannāgatena tipīṭakapariyattippabhede sātṭhakathe
 Satthusāsane appaṭihatañāṇappabhāvena mahāveyyākaraṇena
 karaṇasampattijanitasukhaviniggaṭamadhurodāravacanalāvaṇṇayuttana
 yuttamuttavādinā vādīvarena

1. Ekādasa (Sī)

3. Ekenūnā (Sī, Ka), ekenūne (Syā)

2. Ekūnāni (Sī), ekenūnāni (Syā)

4. Sirikuḍḍassa (Sī)

mahākavinā pabhinnapaṭisambhidāparivāre
 chaḷabhiññāpaṭisambhidādippabhedaguṇa-paṭimaṇḍite
 uttarimanussadhamme suppatiṭṭhitabuddhīnaṃ Theravaṃsappadīpānaṃ
 therānaṃ Mahāvihāravāsīnaṃ Vaṃsālankārabhūtena
 vipulavisuddhabuddhinā **Buddhaghosoti** garūhi gahitanāmadheyena therena
 katāyaṃ **Dhammapadaṭṭhakathā**—

Tāva tiṭṭhatu lokasmiṃ, lokanittaraṇesinaṃ.
 Dassentī kulaputtānaṃ, nayaṃ saddhādibuddhiyā¹.
 Yāva Buddhoti nāmampi, suddhacittassa tādino.
 Lokamhi Lokajetṭhassa, pavattati Mahesinoti.

Iti tevīsādhikacatusatagāthāpañcādhikatisatavattupaṭimaṇḍitā
 Chabbīsativaggasamannāgatā Dhammapadavaṇṇanā samattā.

Dhammapadaṭṭhakathā

Sabbākārena niṭṭhitā.

1. Sīlavissuddhiyā (Sī)

Dhammapadaṭṭhakathāya dutiyabhāge

Saṁvaṇṇitapadānaṃ anukkamaṇikā

Padānukkamo	Piṭṭhāṅkā	Padānukkamo	Piṭṭhāṅkā
[A]		[A]	
Akakkasaṃ	420	Atidhonacāriṇaṃ	220
Akataṃ	101	Ativākyāṃ	309
Akataññū	393	Atulā	210
Akathamkathī	422	Attagutto	380
Akaraṇaṃ	326	Attaghātāya	100
Akiccaṃ	282	Attadatthamabhiññāya	103
Akiñcanaṃ	406, 452	Attadanto	309
Akutobhaye	164	Attanā	96, 101
Akubbato	18	Attanāva	101
Akkodhena	202	Attano	94
Akkharānaṃ sannipātaṃ	349	Attasambhavaṃ	97
Aggi	45	Attā	91
Aggiḍaḍdhova	41	Attānaṃ	87
Aggihuttaṃva	401	Attānañce	91
Acaritvā	83	Attānameva	90
Accantadussīlyaṃ	97	Atthaṃ	241
Accutaṃ	206	Atthaṃ anatthañca	242
Acchindī	349	Atthaṃ gacchanti	208
Ajjatanāmiva	210	Atthaṃ dhammañca	364
Ajjhattarato	362	Atthaṃ hitvā	179
Aññaṃ	101	Atthaṃhi	325
Aññāya	254, 422	Atha	10, 41
Aññeva attanaṃ	355	Athaññaṃ	90
Aññesaṃ	367	Adaṇḍesu	45
Añño	101	Adinnaṃ	227
Atandito	294	Aduṭṭho	408

Padānukkamo	Piṭṭhaṅkā	Padānukkamo	Piṭṭhaṅkā
[A]		[A]	
Adhammo	227	Antarā	216
Adhicitte	154	Antarāyam	269
Adhippatī rājā	151	Antalikkhe	28
Adhimuttānaṃ	208	Antimasarīraṃ	410
Anakkhāte	189	Antimasārīro	349
Anaṅgaṇassa	22	Andhabhūto	114
Anattā	256	Apatthāni	71
Anantagocaraṃ	129	Apabodheti	54
Anādānaṃ	406, 452	Apāraṃ	395
Anādāno	349	Api dibbesu	156
Anāvilam	426	Apuññalābhaṃ	301
Anāsavaṃ	395	Apuññalābho	301
Aniccā	255	Aputhujjanasevitaṃ	252
Anibbisaṃ	81	Appaṭibaddhacitto	189
Anīgho	284	Appaduṭṭhassa	22
Anuṭṭhahāno	258	Appaduṭṭhesu	45
Anuṭṭhānamalā gharā	222	Appamādaratā	321
Anutthunaṃ	84	Appasattho	15
Anuddhato	364	Appassādā	156
Anupubbena	217	Appassutāyaṃ	79
Anuppattaṃ	395, 412	Appo	114
Anuyuñjati	227	Abbato	247
Anusāseyya	90	Abbhakkhānaṃ	45
Anussadaṃ	410	Abhayadassino	306
Anussaraṃ	365	Abhaye	306
Anūpaghāto	154	Abhittharetha	3
Anūpavādo	154	Abhinandanti	191
Aneka jātisamsāraṃ	81	Abhimatthati	97
Anokasāriṃ	415	Abhūtavādī	297
Antakenāधिpannassa	271	Amataṃ	376

Padānukkamo	Piṭṭhaṅkā	Padānukkamo	Piṭṭhaṅkā
[A]		[A]	
Amatogadhamanuppattam	422	Asantettha	293
Ayaṃ loko	114	Asādhum	202
Ayasāva	220	Asādhūni	99
Ayoge	179	Asāhasena	242
Arajjam	151	Asuddhi	101
Aratim	448	Assa	18
Arahatam	100	Assatarā	309
Arahantam	450	Asso	54
Ariyabhūmim	215	Ahimsā	245, 251
Ariyasaccāni	160	Ahimsāya rato	287
Ariyānam	100	Ahitāni	99
Arukāyam	69	Ahirikena	224
Alaṅkato	52	Ahorattānusikkhinam	208
Alajjitāye	305		
Alaso	258	[Ā]	
Alikam bhaṇam	247	Ākāse	115
Alīnena	226	Ākirate	302
Avajje	307	Āgataṃ	191
Avitiṇṇakaṅkham	49	Āgamissati	11
Avijjā	223	Ācārakusalo	376
Aviddasu	250	Ājānīyā	309
Aviruddham	418	Ātāpino	54
Avekkhantam	108	Āturaṃ	69
Asamsatṭham	414	Ādiccapathe	115
Asajjamānaṃ	193	Ādiyati	227
Asajjhāyamaḷā	222	Ānando	65
Asaññatā	227, 299	Āpajjati	301
Asattam	450	Āyuraṃ	38
Asatā ca	369	Āyogo	154
Asantāsī	349	Āraggā	419

Padānukkamo	Piṭṭhaṅkā	Padānukkamo	Piṭṭhaṅkā
[Ā]		[U]	
Ārogyaparamā lābhā	173	Upasaggam	45
Ālayā	422	Upasanto	168, 378
Āsā	422	Upasampadā	154
[I]		Upahato	37
Iñjitaṃ	240	Upeti	77
Itaro jano	195	Uppajja tiṭṭhati	333
Iti viññāya	156	Uppatitaṃ	195
Idaṃ	70	Ubhayaṃ	414
Iddhiyā	115	Ubho	242, 423
Idha paññassa	376	Ubho loke	250
Idha vassaṃ	269	Uyyogamukhe	215
Indriyagutti	376	Usabhaṃ	453
Imaṃ nāvaṃ	374	Usīratthova	331
Imaṃ lokaṃ	108	[E]	
Imettamapi	164	Ekam dhammaṃ	119
[U]		Ekam vanasmiṃ	405
Ukkhittapalighaṃ	407	Ekarajjena	124
Ukkuṭikappadhānaṃ	49	Ekaseyyaṃ	294
Uccayo	4, 7	Ekassa	323
Ucchinda	268	Ekāsaṇaṃ	294
Ujjhānasaññino	239	Eko	324
Uttamatthaṃ	395, 412	Eko damayaṃ	294
Uttiṭṭhe	106	Eko santusito	362
Uddhaṃsoto	189	Etaṃ	154, 160
Udakumbhopi	11	Etaṃ ñatvā	171
Udabindunipātena	13	Etaṃ daḷhaṃ	338
Udayabbayaṃ	375	Etaṃ Buddhāna sāsaṇaṃ	154
Upaccagā	304, 423, 448	Etañhi tumhe	254
Upanītavayo	216	Etadakiñci	399

Padānukkamo	Piṭṭhaṅkā	Padānukkamo	Piṭṭhaṅkā
[E]		[Ka]	
Etamatthavasam	272	Karoto	3
Etampi	340	Kalimva	238
Etampi chetvāna	339	Kali	169
Etehi	204	Kalyāṇe	376
Evam bho	227	Kasāmiva	54
Esa	37	Kahāpaṇavassena	156
Esa kho	347	Kākasūrena	224
Esa maggo	255	Kāpotakāni	71
[O]		Kāmato	185
Oghatiṇṇo	375	Kāme panuda	393
Onaddhā	66	Kāyagatā sati	282, 287
Ohārinam	338	Kāyaduccaritam hitvā	212
[Ka]		Kāyappakopam	212
Kaṃso	37	Kāyena	206
Kaṅci	37	Kāyena saṃvaro	359
Kaṭṭakabhedano	314	Kāyena saṃvutā	212
Kaṭṭhakassa	100	Kāyena saṃvuto	212
Katakiccam	395	Kāyena sucaritam	212
Katvā	297	Kāsāvakaṇṭhā	299
Kathamso	151	Kāhasi	81
Kadariyam	202	Kāhiti	347
Kadariyā	122	Kiṃsu	151
Kabaḷam	314	Kiccam	282
Kamuddiseyyam	350	Kicce	282
Kamma kubbānam	188	Kitavā saṭṭho	238
Kammāro	217	Kilisseyya	90
Kammehi	41	Kisam	405
Kayirā	4, 91	Kujjheyya	204
Kayirā ce	302	Kuṅjaro	314
		Kulam	161

Padānukkamo	Piṭṭhaṅkā	Padānukkamo	Piṭṭhaṅkā
[Ka]		[Ga - Gha]	
Kusalena	111	Garukaṃ	45, 301
Kusīto	258	Gavesatha	66
Kuso	302	Gavesanto	80
Kuhiñci	129	Gahakāraṃ	80
Kenaci	164	Gahakūṭaṃ	81
Kena padena	129	Gehaṃ	81
Ko	65	Gocaraṃ	38
Koci lokasmiṃ	54	Gotamasāvaka	286
Kodhaṃ	193	Gopālo	38
Kovidāṃ	412	Ghātaye	31
Ko hi nātho	380	[Ca - Cha]	
[Kha]		Cakkhunā	359
Khaṇātītā	305	Cakkhumā	254
Khaṇe khaṇe	217	Caturo padā	254
Khaṇo	304	Candimā	396
Khandhasamā	169	Care	107, 212
Khantibalaṃ	409	Cāpato patitaṃ	309
Khantī	154	Cāpātikhīṇāva	83
Khayamajjhagā	81	Cittaṃ	81, 108
Khitto	22	Cittakataṃ	69
Khīṇamacche	83	Cittakkhepaṃ	45
Khīṇāsavaṃ	450	Ciraṃ	227
Khemāṃ	160	Cirappavāsīṃ	191
[Ga]		Cirāya	334
Gacchati	114, 227	Codayattānaṃ	380
Ganthā	180	Chadvārādhīppatī rājā	151
Gabbhaṃ	24	Chandajāto	189
Gambhīrapaññaṃ	412	Chetvā	374
		Chetvāna	340

Padānukkamo	Piṭṭhaṅkā	Padānukkamo	Piṭṭhaṅkā
[Ja - Jha]		[Tha - Da]	
Jaññā	349	Ṭhānaṃ	45, 206
Jaṭāhi	404	Ṭhānāni	301
Jano	188	Ṭhitam	30
Jayaṃ	168	Ṭhiti	69
Jaraṃ	77	Ḍahati	45
Jarā	326	[Ta]	
Jāti	81	Taṃ puttapasusammattam	270
Jātijaraṃ	216	Taṃ ve	367
Jānim	45	Taṃ vo vadāmi	331
Jāyati	161	Tañca disvā	333
Jālamuttova	114	Taṇhakkhayarato	156
Jālinī	129	Taṇhakkhaye vimutto	350
Jiḡhacchāparamā	171	Taṇhakkhayo	353
Jiṇṇakoṅcā	83	Taṇhā	347
Jināti	352	Taṇhānaṃ	81
Jīrati	79	Taṇhāya	186
Jīranti	77	Taṇhāsamā	231
Jīvitam	32, 70	Tatuṭṭhāya	220
Jīvitukāmo	15	Tato	223
Jetvā	115	Tato tato	400
Jhānañca	375	Tato dhī	399
Jhānapasutā	147	Tattha	229
Jhāya bhikkhu	375	Tatrāyamādi	376
Jhāyim	395	Tatheva	191
Jhāyī	396	Tanuke'ttha	114
[Ña]		Tapo	162
Ñātimitā	191	Tappati	41
Ñātīnaṃ	45	Tamahaṃ	195, 406
Ñātīnaṃva	176	Tamhi	4

Padānukkamo	Piṭṭhaṅkā	Padānukkamo	Piṭṭhaṅkā
[Ta]		[Tha]	
Tameva bālaṃ	22	Thokaṃ thokampi	13
Tasanti	31	Thokikā	301
Tasesu	416	Thaṇḍilasāyikā	49
Tasmā	179, 301, 334, 380	[Da]	
Tasmā na caddhagū	289	Dajjā	143
Tasmā hi	176	Daṇḍena	33, 38
Tāṇatā	272	Dadato	223
Tāṇāya	271	Dadāti	229
Tādise	164	Dantaṃ	410
Tāni	71	Dandhaṃ	3
Tiṇadosāni	356	Danto	52
Tiṇṇasokapariddave	163	Dametha	91
Titikkhissam	309	Damo	245
Tibbarāgassa	347	Dasannamaññataram	45
Tīraṇaṃ	164	Dassanassa visuddhiyā	254
Tīhi ṭhānehi	400	Daḷhamenaṃ	302
Tuṭṭhī sukhā	325	Dānisi	215
Tuṇhimāsīnaṃ	211	Dāruṇaṃ	45
Tulaṃva	250	Diṭṭhiṃ	100
Te	81, 164, 374, 402	Diṭṭhosi	81
Tejasā	396	Divā tapati	396
Tena	241	Disvāna	71
Tena so muni	250	Dīghamaddhānaṃ	176
Teneva	122	Dīpeti	364
Te ve	334	Dukkaṭaṃ	303, 400
Te sāsatisā	334	Dukkassa	411
[Tha]		Dukkassantaṃ	254
Thāvaresu	416	Dukkhā	37, 81, 256
Thero	245	Dukkhānupatitaddhagū	289

Padānukkamo	Piṭṭhaṅkā	Padānukkamo	Piṭṭhaṅkā
[Da]		[Dha]	
Dukkhāya	227	Dhammaṁ anuvicintayaṁ	365
Dukkho	4	Dhammagatā sati	287
Dukkho'samānasamvāso	289	Dhammacārī	107
Dukhā	156	Dhammajīvināṁ	100
Duggā	321	Dhammatṭhaṁ	188
Duccaritaṁ	107, 223	Dhammatṭho	241
Duddamo	91	Dhammadānaṁ	352
Dunnivārayo	314	Dhammarati	353
Duppabbajjaṁ	288	Dhammarato	365
Duppamuñcaṁ	338	Dhammaraso	352
Dummedhaṁ	97	Dhammavinicchayena	55
Dummedho	41, 100	Dhammassa gutto	242
Duraccayaṁ	331	Dhammānaṁ	254
Darabhiramaṁ	288	Dhammārāmo	365
Durāvāsā	288	Dhammena	242
Dullabhaṁ	95	Dhammo ca	245
Dullabho	161	Dhāraṇaṁ	164
Dussati	22	Dhī	399
Dussīlabhāvo	97	Dhīrā	115, 338, 340
Dussīlo	309	Dhīro	13, 122, 161, 176
Dūrato	191	Dhuvaṁ	69
Devāpi	147, 211	[Na]	
Dosasamo	231	Naṁ	4, 87
Dvipadānañca	254	Nagaraṁ	75
Dvedhāpathaṁ	264	Narassa	22
[Dha]		Naro	246
Dhaṁsinā	225	Natthi	18, 169
Dhanapālo nāma	314	Natthi kiñcanaṁ	452
Dhammaṁ	106	Natthi jhānaṁ	375

Padānukkamo	Piṭṭhaṅkā	Padānukkamo	Piṭṭhaṅkā
[Na]		[Na]	
Natthi nāṭīsu	272	Niyato	52
Natthi bāle	323	Nirayaṃ	45
Naddhiṃ	407	Nirayāyupakaḍḍhati	302
Nandībhavaparikkhīṇaṃ	426	Nirāsāsaṃ	422
Nappamajjati	110, 244	Niruttipadakovidō	349
Nappamajjeyya	106	Nirūpadhiṃ	448
Nappasaheyya	30	Nivāpapuṭṭho	315
Nāgavanassa	314	Nivāraye	3
Nāgoṇa	309	Nivesaye	90
Nātimaññati	367	Nihīnakammā	298
Nāthaṃ	95	Nītavayo	216
Nātho	94, 380	Nīyanti	115
Nādhiḡacchati	367	Nekkhammasukhaṃ	252
Nānāsakā	49	Nekkhammūpasame	147
Nābbaṇaṃ	18	Netāṃ	210
Nābhisaje	420	Netāṃ saraṇaṃ	160
Nāvajīyati	129	Netuṃ	129
Nikāmasesyaṃ	301	Neresi	37
Niccaṃ	65	No	167
Niccheyya	242	No'yāti	129
Niṭṭhaṅgato	349	Nhātakaṃ	453
Niddaṃ	54	[Pa]	
Nidhāya	416	Pakāṣenti	293
Nidhāya daṇḍaṃ	53	Pakkhandinā	225
Nipakaṃ	323	Pagabbhena	226
Nippapañcā	240	Paggayha	250
Nibbanā hotha	265	Paccattaṃ	101
Nibbānaṃ	154, 171, 208	Paccati	10
Nibbānaparamaṃ sukhaṃ	173	Pacceti	22
Nibbute	164	Pacchato	343

Padānukkamo	Piṭṭhaṅkā	Padānukkamo	Piṭṭhaṅkā
[Pa]		[Pa]	
Pacchā	452	Papañcasamatikkante	163
Pacchā tappati	303	Pabbajito	154
Pajā	240, 334	Pabbatāni	160
Pajjalite	65	Pabujjhanti	186
Pañca cuttari	375	Pabhaṅguraṁ	45, 70
Pañca chinde	375	Pamajjitvā	110
Pañca jahe	375	Pamattacārino	330
Pañcasaṅgātigo	375	Pamatto	301
Paññā	80	Pamādena	105
Paññā ca	375	Pamādo	222
Paññā natthi	375	Pamohanaṁ	254
Paññāya	326, 333	Parakkamma	393
Paṭikkosati	100	Parakkame	302
Paṭidaṇḍā	37	Parattha	122, 298
Paṭimamsetha	380	Paradārañca	227
Paṭilābho	326	Paradārūpasevī	301
Paṭivadeyyuraṁ	37	Paradukkhūpadhānena	281
Paṭivātaṁ	22	Paramaṁ	154
Paṭisanthāravutyassa	376	Paramaṁ sukhaṁ	171
Paṭhamaṁ	90	Parājito	168
Paṇḍito	90	Parikkhayaṁva	45
Paṇḍupalāsova	215	Parijīṇaṁ	70
Patirūpe	90	Paritassati	406
Patissatā	55	Paripakko	245
Pattosi	37	Paribbājo	302
Pathabyā	124	Parimuccati	281
Padam	240	Parissayāni	323
Padam santam	374	Paresam	238
Pantam	154	Paro	94, 380
Pannabhāram	411	Pallale	83

Padānukkamo	Piṭṭhaṅkā	Padānukkamo	Piṭṭhaṅkā
[Pa]		[Pa]	
Plavatī	330	Piyam̄ nāṭīva	191
Pavaram̄	453	Piyaggāhī	179
Pavedayanti	77	Piyato	181
Pasanno	374	Piyāpāyo	179
Passatā	226	Pihayam̄	367
Passati	108, 160	Piheta' ttānuyoginam̄	179
Pahantvāna	224	Pītipāmojjam̄	376
Pahareyya	399	Pītibhakkhā	167
Pājeti	38	Puggalena	164
Pājenti	38	Puññam̄	164, 325
Pāṇamatipāṭeti	227	Puññassa	7, 13
Pātimokkhe	154, 376	Punappunam̄	81, 331
Pātheyyam̄	215-6	Pubbāparāni ca	349
Pāpam̄	22, 101	Pubbūlakam̄	108
Pāpakā dhammā	223	Pubbe	110
Pāpako	180	Purāṇāni	84
Pāpadhammā	227, 299	Puriso	4
Pāpasmiṃ	4	Pure	452
Pāpassa	4, 11	Pūjayato	163
Pāpā cittaṃ	3	Pūjārahā	163
Pāpānam̄	326	Pūjārahe	163
Pāpāni	15, 41	Pūraṇam̄	164
Pāpāniyeva	10	Pūrati	11, 13
Pāpikam̄	100	Pūratiyeva	11
Pāpo	10	Pecca	33
Pāmojjabahulo	376	Pecca samā	297
Pāram̄	395	Petteyyatā	326
Pāragavesino	355	Pemato	182
Pārāpāram̄	395	Porāṇametam̄	210
Piyam̄	32, 87	Posassa	22

Padānukkamo	Piṭṭhaṅkā	Padānukkamo	Piṭṭhaṅkā
[Pha - Ba]		[Ba]	
Pharusam̐	37, 45	Brahmacārī	53
Phalamicchaṁva	330	Brahmaññatā	326
Phalāni	100	Brahmunāpi	211
Phāsukā	81	Brāhmaṇam̐	406
Phuṭo	189	Brāhmaṇa	393
Phallati	100	Brāhmaṇassa	399
Balānīkam̐	409	Brāhmaṇo	53, 284
Balibaddova	79	Brūhaya	268
Bahum̐	160	[Bha]	
Bahubhāṇinam̐	211	Bhaggā	81
Bahusaṅkappam̐	69	Bhajassu	376
Baddho	314	Bhañji	331
Bandhavā	271	Bhaddam̐ vo	331
Bandhito	334	Bhadram̐	10
Bālasaṅgatacārīhi	176	Bhadram̐pi	10
Bālā	122	Bhadrāniyeva	10
Bālo	41	Bhadro	10, 54
Bāhire	240	Bhayam̐	15
Bāhusaccena	252	Bhayadassino	306
Bimbaṁ	69	Bhaye	306
Bīraṇam̐	331	Bhavati	376
Bujjhati	41	Bhavasallāni	349
Buddham̐	407, 450, 453	Bhavassa pāragū	343
Buddhagatā sati	286	Bhavāya	264
Buddhā	154	Bhāyanti	31
Buddhānamuppādo	162	Bhāvanāya	287
Buddhe	163	Bhāvaye	375
Byanti	347	Bhikkhu	53, 252
Byāsattamanasam̐	270	Bhijjati	70

Padānukkamo	Piṭṭhaṅkā	Padānukkamo	Piṭṭhaṅkā
	[Bha]		[Ma]
Bhiyyo	302	Manaso piyehi	399
Bhuñjati	314	Manujā	298
Bhuñjeyya	300	Manussesu	309
Bhūri	264	Mano	4
Bhedanaṃ	45	Mandaṃ	11
Bhovādi	405	Mantabhāṇī	364
	[Ma]	Mamāyitaṃ	369
Maṃsāni	79	Maraṇantaṃ	70
Makkaṭakova jālaṃ	340	Marīcikaṃ	107
Maggāṃ	15	Malaṃ vaṇṇassa kosajjaṃ	222
Maggānaṭṭhaṅgiko	253	Malataraṃ	223
Maggāmaggassa	412	Mahagghaso ca	315
Maccaṃ	49	Mahānāgā	309
Maccu	30	Mahesiṃ	453
Maccuno	31	Mahoghova	271
Maccurājā	108	Mataṅga'raññeva nāgo	323
Maccheraṃ	223	Mānusakaṃ yogaṃ	448
Majjhe	343, 452	Mānena	164
Maṇiṃ	96	Mā piyehi	179
Maṇikuṇḍalesu	338	Māraṃ	115
Mattaññutā	154	Mārabandhanaṃ	348
Mattāsukhaṃ	280	Mārassetaṃ	254
Mattāsukhapariccāgā	280	Mā rukkhaṃ	265
Mattisambhavaṃ	405	Māro	331
Matteyyatā	326	Māluvā	98
Maddavāni	377	Māvamaññetha	11
Madhuraṃ	364	Māvoca	37
Manasā	189	Mā vo naḷaṃva	331
Manasā saṃvaro	359	Mitabhāṇimpi	211
		Mitte	376

Padānukkamo	Piṭṭhaṅkā	Padānukkamo	Piṭṭhaṅkā
[Ma]		[Ya]	
Middhī	315	Yattha	30, 108, 161, 206
Mukhasaṃyato	364	Yathāpasādanaṃ	229
Mucceyya	28	Yathāsaddhaṃ	229
Muñca pure	343	Yadā	10, 394
Muñcetha	399	Yadā nisedho	399
Muṇḍakena	247	Yadi	163
Mutto	110	Yanti	115
Munayo	206	Yamapurisā	215
Munāti	250	Yamassa santikaṃ	216
Muni tena pavuccati	250	Yamhi	245, 375
Musāvādaṃ	227	Yasobhogasamappito	290
Musāvādissa	119	Yassa	333, 450
Mūlaṃ	331	Yassa cetam	229, 246
Mūlaṃ khaṇati	227	Yassa jitaṃ	129
Mūle	333	Yācito	204
Mūḷharūpo	250	Yāmaṃ	87
Mettāvihārī	374	Yāvata	243, 244, 248
Medhāviṃ	412	Yāva pāpaṃ	10
Medhāvī	217	Yuvā balī	258
Moghajjṇo	245	Ye	147
Monena	250	Yena	241
Mohasamaṃ	231	Yesam	167
[Ya]		Yo	54, 110
Yaṃ	331	Yogasmiraṃ	179
Yaṃ katvā	303	Yogā	264
Yaṃ ce viññū	211	Yo ca	160, 250
Yaṃ yaṃ padesaṃ	290	Yo ca appampi	244
Yañce	300	Yo'tivākyam	309
Yato yato	375	Yodha	248
		Yo dhammaṃ	244

Padānukkamo	Piṭṭhaṅkā	Padānukkamo	Piṭṭhaṅkā
	[Ya]		[La]
Yonijaṃ	405	Lajjitāye	305
Yobbane	83	Latā	333
	[Ra]	Labhate	33
Rakkhato	222	Lahumessati	374
Rakkheyya	87	Limpatī	410
Rajaṃ	302	Lokavaḍḍhano	105
Rajatasseva	217	Loke	227, 248
Rajo	22	Lobho	227
Rajojallaṃ	49	Lohaguḷaṃ	375
Rajjaṃ	151		[Va]
Rajjamāno	151	Vajanti	340
Rajjissaro	151	Vajiraṃva'smamayaṃ	96
Ratā	147	Vajjaṃ	238
Ratiṃ	448	Vajjamatino	307
Rattiṃ khittā	293	Vaḍḍhanti	79
Ratiyā	183	Vaṇṇapokkharatāya vā	246
Ratī	301	Vatavantam	410
Rathaṃ bhantaṃva	195	Vadanti	154
Randhayuṃ	227	Vanañca	265
Ramatī	4	Vanato	265
Ramito	295	Vanathañca	265
Ramessu	375	Vanatho	265
Rāgasamo	169, 231	Vanante	295
Rājato	45	Vanasmi	330
Rājā	309	Vantamalo	245
Rājāva raṭṭhaṃ	323	Vantalokāmisso	378
Rūpaṃ	70	Varattam	407
Rogaṇīlam	70	Vassikā	377
Rogā	171	Vākkaraṇamattena	246

Padānukkamo	Piṭṭhaṅkā	Padānukkamo	Piṭṭhaṅkā
[Va]		[Va]	
Vānaro	330	Vītaddaraṁ	395
Vāso	216	Vīraṁ	448, 453
Vijānataṁ	109	Ve	77, 229
Vijitāvinaṁ	453	Vedanaṁ	45
Vijjati	54, 395	Vedi	450
Vijjanti	180	Veyagghapaṅcamaṁ	284
Viññāpaniṁ	420	Verasaṁsaggasaṁsatṭho	281
Vitakkamathitassa	347	Verā	281
Vitakkūpasame	347	Vo	304
Vitiṇṇaparalokassa		[Sa]	
vipassati	114	Samkiliṭṭhaṁ	302
Vipulaṁ sukhaṁ	280	Samkiliṭṭhena jīvitaṁ	226
Vippasannaṁ	426	Samkilissati	101
Vibhavāya	264	Samghagatā sati	287
Vimalaṁ	426	Samyatuttamo	362
Virajaṁ	395	Samyamo	245
Virajo hoti	151	Samyojanaṁ	193
Virāgo	254	Samyojanasaṅgasattakā	334
Visaṁ	15	Samvaro	154
Visaṁyuttaṁ	395, 406, 411, 422	Samvase	105
Visaṅkhataṁ	81	Samvegino	54
Visaṅkhāragataṁ	81	Saṁsannaṁsaṅkappamaṇo	258
Visattikā	129	Sakkā	164
Visamanveti	18	Saggassa gamanena	124
Visujjhati	101	Saggāya	114
Visuddhiyā	255	San̄kassaraṁ	302
Visodhaye	101	San̄khayo	264
Vissaṁ	248	San̄khātum	164
Vissāsaparamā ñāti	173	San̄khāya	248
Vissāsamāpādi	252		

Padānukkamo	Piṭṭhaṅkā	Padānukkamo	Piṭṭhaṅkā
[Sa]		[Sa]	
Saṅkhārā	171, 240	Santuṭṭhiparamaṃ dhanam	173
Saṅkhārānaṃ	393	Santusito	362
Saṅgam	423	Santo	52, 77, 293
Saṅgātigam	406	Sannaddho	396
Saṅgo	109	Sandānaṃ	407
Saccaṃ	402, 420	Sandhāvissaṃ	81
Saccaṃ bhāṇe	204	Sannivāso	176
Saccañca	245	Sabbañjaho	350
Saccavedinaṃ	188	Sabbadā	176
Saccānaṃ	254	Sabbadānaṃ	352
Sacittaṃ	321	Sabbadukkhaṃ	353
Sacittapariyodapanam	154	Sabbapāpassa	154
Satañca	77	Sabbaratiṃ	353
Satīmataṃ	147	Sabbarasaṃ	352
Sadatthapasuto	103	Sabbalokādhipaccena	124
Sadā	286	Sabbavidū	350
Sadā sato	347	Sabbasaṃyojanaṃ	406
Saddhammadesanā	162	Sabbaso	369
Saddhammā	365	Sabbassa	326
Saddhā patiṭṭhitā	326	Sabbā	81
Saddhāya	55	Sabbābhibhū	350
Saddho	290	Sabbe	31
Santakāyo	378	Sabbe dhammā	256
Santacittassa	375	Sabbesaṃ	32
Santarabāhiraṃ	304	Sabbe saṅkhārā	255
Santavā	378	Sabbesu dhammesu	350
Santavāco	378	Sabbesu bhūtesu	53
Santiparam	169	Sabbhi	77
Santimaggam	268	Samaṃ careyya	52
Santuṭṭhi	376	Samaggānaṃ	162

Padānukkamo	Piṭṭhaṅkā	Padānukkamo	Piṭṭhaṅkā
[Sa]		[Sa]	
Samacariyā	397	Sādhuñca	99
Samaṇo	53, 154	Sādhu vācāya	359
Samāgamo	176	Sādhuvihāri dhīraṁ	323
Samādhiṁ	229, 367	Sādhu sabbattha	359
Samādhilābhena	252	Sānucaraṁ	283
Samāhito	362	Sāmaññatā	326
Samitiṁ	309	Sāmaggī	162
Sa muni	250	Sārattarattā	338
Samussayo	349	Sāradikaṁ	268
Samussitaṁ	69	Sārade	71
Sameti	247	Sārambhakathā	37
Samena	242	Sārambho	37
Sampannavijjācaraṇā	55	Sālamivotthataṁ	98
Sampayātosī	216	Sāsanam	100
Sammappaññāya	160	Sāhasā naye	241
Sammasati	375	Sāhu	176
Sammā	375	Siñca bhikkhu	374
Sammāsambuddhasāvako	156	Sittā	374
Sayaṁ abhiññāya	350	Sithilaṁ	302, 338
Saraṇam	160	Sinehitāni	334
Saritāni	334	Sindhavā	309
Sarīrampi	77	Siyā	295
Salābham	367	Sītibhūtaṁ	448
Sallakantaṁ	254	Sīlam	326
Savanti sabbadhi sotā	333	Sīladassanasampannaṁ	188
Savāhiniṁ	115	Sīlabbatamattena	252
Sa ve	349, 369	Sīlavantaṁ	410
Sahanukkamaṁ	407	Sīlena	290
Sahāyatā	323	Sukataṁ	303
Sātaccakāriṇo	282	Sukarāni	99

Padānukkamo	Piṭṭhaṅkā	Padānukkamo	Piṭṭhaṅkā
[Sa]		[Sa]	
Sukham	33, 326	Suhajjā	191
Sukham seti	107	Seṭṭho	254
Sukhamedhati	161	Seyyo	399
Sukhasamvāso	176	Seveyya	105
Sukhā	162	Sehi	41
Sukhī	122	So	53, 215, 380
Sukhumo	22	Socati	369
Sukho	7, 162, 326	Sotāpattiphalaṃ varam	125
Sugataṃ	450	Sotthimāgataṃ	191
Sucaritaṃ	107	Sotthiye	284
Sucigavesinā	226	Sotova	331
Sucittā	77	Sodhenti	49
Suññāgāraṃ paviṭṭhassa	375	Somanassāni	334
Suttaṃ gāmaṃ	271	[Ha]	
Sudantena	94	Haṃsā	115
Sudanto	91	Hatthasamyato	362
Sudassam	238	Haneyya	31
Suddham	426	Hanti	416
Suddhassa	22	Hareyya	18
Suddhājīvena	226	Hāso	65
Suddhi	101	Himsamano	399
Suppabuddham	286	Hitañca	99
Subbatā	63	Himavantova	293
Subhānupassino	347	Hirīnisedho	54
Sumarati	314	Hirīmatā	226
Surakkhitaṃ	87	Hīnaṃ dhammaṃ	105
Surāmerayapānaṃ	227	Hurā huram	330
Susamāradhā	282	Hemantagimhisu	269
Susamāhito	378		
Susukham	166		

Dhammapadaṭṭhakathāya dutiyabhāge

Lakkhitabbapadānaṃ anukkamaṇikā

Padānukkamo	Piṭṭhaṅkā	Padānukkamo	Piṭṭhaṅkā
[A]		[A]	
Agocaresu caraṇāni	302	Attānaṃ appiyatā	87-8
Aggadānāni pañca	367	Attānaṃ kilesaduggato	
Acalacetiyaṭṭhāna	147	uddharatha	321
Ajagarapetassa pubbakammaṃ	39	Attāva attano nātho	
Ajjeva kiccaṃ ātappaṃ	269	paro kiṃ karissati	94
Atibahubhojanaṃ evaṃ		Adhammikaṛājūnaṃ kāle	
dukkhaṃ hoti	315	bhayaṃ uppajjati	273
Attadamaṇameva tato		Anattalakkhaṇagāthā	256
varam	309, 310	Aniccalakkhaṇagāthā	255
Attanā kataṃ pāpaṃ		Aniccalakkhaṇe diṭṭhe	
attanāva saṃkilissati	101	dukkhānattalakkhaṇaṅca	
Attanā katapāpakammameva		diṭṭhameva	267
apāyesu abhimatthati	96	Anupavādānupaghātānaṃ	
Attano jīvitantarāyameva		visesatā	154
cintetuṃ vaṭṭati	269	Anupādiṇṇakepi jarāya	
Attano pubbakammaṃ		abhibhuyyati	267
atītavatthu	278	Anuruddha	384
Attano mukhameva nissāya		Andhabālānaṃ nindapasamsā	
naṭṭhatā	363	appamaṇā	210
Attano vajjaṃ atimahantampi		Annabhāra	382
duddasaṃ	238	Apaccavekkhaṇānaṃ ādīnavā	220
Attano santakena		Apaññācakkhu andhā eva	114
santuṭṭhi sukhā	325	Abhaye bhayadassino	
Attano sukhaṃ patthentena		duggatiparāyaṇāva	305
paraṃ paharituṃ na vaṭṭati	33	Amadhura	364
Attabhāvā terasa	334-5	Amānusi rati	375
		Aratī	128

Padānukkamo	Piṭṭhaṅkā	Padānukkamo	Piṭṭhaṅkā
[A]		[U]	
Ariya	251	Udakapatitassa kāraṇaṃ	444-5
Ariyānaṃ dassanampi sukhaṃ	176	Uddā dve	89
Arogānaṃ paramalābhatā	173	Uddhaṃsota	189
Alajjitabbena lajjamānā		Upakappanaka-oja	207
duggatiparāyaṇāva	305	Upajjhāyavattādīnipi	
Avajje vajjamatino		hāyanakāraṇāni	103
duggatiparāyaṇāva	305	Uppannataṇhāya dīgharattaṃ	
Avijahitaṭṭhāna	147	hanatā	355
Avijjā sabbamalānaṃ		Ubhopi kāme	
uttamamalaṃ	223	nirapekkho pajaha	430
Asajjhāya malāni	222	[E - O]	
Asaññatassa ādīnavā	299, 300	Erakapatta	149
Asadisadānassa vidhi	120	Ehi bhikkhu	343
Asaddahanadānassa phalaṃ	440	Obhāsā pañca	396
Asammajjitabbaṃ niccakālaṃ	109	Ovādapātīmokkhassa	
Asekhamunīnaṃ abhi-		kālabhedā	153
samparāyo nāma natthi	206	[Ka]	
[Ā]		Kaṇḍambarukkha	135
Ācariyo aggi viya sakkaccaṃ		Kapilamacchassa atītavatthu	329
namassitabboyeva	401	Kalahānaṃ	
Ājānīyānaṃ uppajjanakulāni	161	vūpasamakāraṇāni	166
Āsavakkhayaṃ appatvā		Kassa nukho deyyadhammo	
sukhitomhīti cittaṃ		dinno mahapphalo	453
na uppādetabbaṃ	252	Kākasūra	225
[I - U]		Kiccākiccānaṃ visesatā	282
Itthiyo nāma		Kuñjarasālāya vidhi	232
nadī-ādisadisā	223	Kumārakassapa	93
Ukkaṭṭhasapadānacāriko		Kurudhamma	361
samānopi rasataṇhāya		Kusalā akusalamalaṃ	
baddhatā	429	nīharantiyeva	217

Padānukkamo	Piṭṭhaṅkā
[Ka]	
Kusītaṣṣa viṣesaṃ nādhigacchati	257
Kokasunakhaluddakassa atītavatthu	21
Kokālikassa atītavatthu	363
Koṇḍadhānatthera	35
Koṇḍadhānattherassa pubbakammaṃ	34-5
Kodha-issā appamatta- kopi na kātabbā	193
Kodho mātāpitūsupi Buddhādīsipi aparajjhati	399
[Kha]	
Khaṇo tumhe mā atikkamatha	304-5
Khīṇāsavassa nāma paresaṃ mammaghaṭṭanavacanameva natthi	420
Khīṇāsavā kāmasukhaṃ na sādiyanti	410
Khīṇāsavānaṃ jīvitamaṇe upekkhakova	32
Khīṇāsavānaṃ dinnāṃ mahapphalāṃ	356
Khīṇāsavānaṃ dhammasaṃvegatā	174
Khīṇāsavānaṃ rāgādayo natthi	419
Khīṇāsavā nāma akkodhanāva honti	409
Khīṇāsavā nāma nihitadaṇḍā	416
Khīṇāsavā nāma paresaṃ santakaṃ na gaṇhanti	421

Padānukkamo	Piṭṭhaṅkā
[Kha]	
Khīṇāsavesu kukkuccaṃ nāma na kātabbā	400
Khemakassa pubbakammaṃ	301
[Ga]	
Gandhakuṭi	434
Gandhaseṭṭhi	55
Gihipabbajitānaṃ attānaṃ rakkhaṇatā	87
Gihipabbajitehi asaṃsaggā	414
Goghātakassa kammaṣarikkhakavipāka	214
[Gha]	
Gharāvāsānaṃ dukkhā	288
Gharāvāsānaṃ narakasadisatā	319
[Ca]	
Cakkavattisampattitopi sotāpattiphalameva varaṃ	124
Candapadumā	237
Candābha	425
Candābhattherassa pubbakammaṃ	423-4
Ciñcamāṇavikāya atītavatthu	118
Ciñcamāṇavikāya Tathāgataṃ abhūtena akkosanaṭā	117
Ciñcamāṇavikāya pathaviṃ paviṭṭhatā	117-8
Cittassa niggaṇhane yogo karaṇīyo	319

Padānukkamo	Piṭṭhaṅkā
[Ca - Cha]	
Cittassa pāpaninnatāva	4
Cittasseva padhānāni	164
Cittassūpamā catasso	194
Cūḷadhanuggahapaṇḍitassa atītavatthu	346
Cetiyāni tīṇi	163
Chadvārikārammaṇesu sesāni pidhāya manodvāre kammaṃ paṭṭhapetha	263
[Ja]	
Jaṭila	441
Jaṭilattherassa taṇhāmānānaṃ natthitā	445
Jaṭilattherassa pubbakammaṃ	431-2
Jaṭilassa uppatti	440
Jayaparājayānaṃ verāverāni	168
Jayo catubbidho	202
Jighacchāsadiso rogo nāma natthi	171
Jotika	436, 440
Jotikattherassa taṇhānaṃ natthitā	447
[Ña]	
Ñātīnaṃ samāgamo sukho	176
[Ta]	
Taṇhakkhayo sabbasetṭhameva	353
Taṇhā	128
Taṇhā nirayādīsu nibbattāpeti	219

Padānukkamo	Piṭṭhaṅkā
[Ta - Tha]	
Taṇhāya Gaṅgāsadisatā	231
Taṇhāya natthitā	422
Tiṇassa chinntā	302
Tucchāti vadeti abhikkhaṇaṃ	262
Tejā pañca	396-7
Thera	245
[Da]	
Daṇḍassa ṭhapetvā cattāro tasanti	31
Dānacatukka	11, 12
Diṭṭhadhammavedaniyassa aṅgāni cattāri	59
Dinnapiṇḍapātaṃ nissāya arahattatā	344-5
Dibbā rati	375
Dīpapūjāya ānisaṃsā	382
Dukkhalakkhaṇagāthā	256
Duccaritaṃ nāma aññe na jānantīti appamattakampi na kātabbaṃ	303
Duccaritaṃ nāma pacchānutāpaṃ karoti	303
Duccaritakammaṃ vipākā	299
Duṭṭhesu adussanto mahājanassa patiṭṭhā hotiyeva	408
Dussavanīya	230-1
Dūre vasantāpi Buddhānaṃ abhimukhe ṭhitā viya	293

Padānukkamo	Piṭṭhaṅkā
[Da]	
Devadhamma	47-8
Devānaṃ paccuggamanatā	191
Devānaṃ manussagandho yojanasatato paṭṭhāya vāyati	175
Devorohaṅakālassa vidhi	146
Dosassa gahasadisatā	231
Dvārāni sabbāni bhikkhunā saṃvaritabbāni	359
[Dha]	
Dhammakaraṇena udakaṃ parissāvesi	427
Dhammaghosaka	432-3
Dhammaṭṭha	242
Dhammadānameva varam seṭṭham	352
Dhammadinnattherī	451
Dhammadhara	244
Dhammaratiyeva seṭṭhā	353
Dhammarasoyeva seṭṭho	352
Dhammā dve	394
Dhammānudhammaṃ paṭipajjantāyeva maṃ pūjenti nāma	174, 365
Dhammo dhammacāriṇaṃ rakkhati	372
Dhīrā paresampi dānaṃ anumo- ditvā saggaparāyaṇāva	122
Dhurāni dve	327
[Na]	
Naggacariyaṃ micchādassanaṃ	49
Naṅgalakulatthera	379

Padānukkamo	Piṭṭhaṅkā
[Na]	
Naṭaputtakattherassa sabba- yogaṇaṃ atikkantatā	448
Naraṃ maccu ādāya gacchati	270-1
Navakassa santikepi aṅjalitabbo	263
Nidhikumbhiyo catasso	437
Nibbānasukhasadisaraṃ sukhampi natthiyeva	169, 171, 173
Niyatāniyatagatika	113
Niravasesadāna	58
Nesādakule nibbata- kāraṇāni	18-9
[Pa]	
Paccekabuddhānaṃ anumodanagāthā	236
Pañcaggadāyaka	367
Pañcachiddageha	418
Pañcasusīlyakammakāraka	226
Pañhā cattāro	113, 351-2
Paññācakkhu cakkhumantova	114
Paṇḍita	242-3
Paṇḍitānaṃ atītānāgata- paccuppannakhandhesu anālayatā	343
Paṇḍitānaṃ amatatā	376
Paṇḍitānaṃ avañcanatā	403
Paṇḍitānaṃ nindapasamsāva pamaṇā	210
Paṇḍitena saddhim saṃvāso sukho	176

Padānukkamo	Piṭṭhaṅkā
[Pa]	
Paṇḍukambalasilā	141
Padavārā tayo	
pādachiddāni dve	140
Padussantānaṃ anayabyasana-	
kāraṇāni dasa	44-5
Pabbajita	397
Pabbajitakiccassa	
matthakatā	379, 380
Paraṃ ovaḍantena attā	
sudanto kātabbo	91
Paraṃ ovaḍantena paṭhamameva	
attā patirūpe patiṭṭhāpetabbo	90
Paradārasevanāya dosā	300
Paralābhaṃ patthentassa	
jhānāni nuppajjanti	366
Paravajjānupassissa ādīnavā	239
Paresaṃ pattim yattakānaṃ	
deti, tattakaṃ vaḍḍhati	384
Parassa vajjaṃ sukheveva	
passitabbaṃ	238
Pasannacittānaṃ ānisaṃsā	5
Pasādabhañña	393
Pāpaṃ vipākadukkhavasena	
pacceci	22
Pāpakammaṃ katvā	
cirappakaṃ niraye paccanti	297
Pāpakammaṃ kusalena	
pihitam	110
Pāpakammaṃ nāma appakanti	
na avamaññitabbaṃ	10
Pāpassa ubhayattha dukkhameva	4

Padānukkamo	Piṭṭhaṅkā
[Pa - Pha]	
Pāpassa paccāpaccatā	9, 10
Pāpānaṃ akaraṇaṃ sukhaṃ	326
Pāpāni appamattakānīpi	
parivajjeyya	15
Pāmojjabahula	376, 381
Pārāpārānaṃ visesatā	395
Piṇḍapātadānassa vipākatā	354
Piṇḍolabhāradvājassa	
pāṭihāriyāni	133
Puññaṃ nāma appakanti na	
avamaññitabbaṃ	13
Puññaṃ ubhayattha	
sukhameva	6, 7
Puññaṃ pāpānaṃ pahīnatā	423
Puttaviyogadukkha	93
Purisājānīyassa uppajjana-	
ṭṭhānāni	161
Phāsuvihāro nāma niccakālaṃ	
dullabho	304
[Ba]	
Bahubhaṇḍikabhikkhussa	
atītavatthu	46
Bālayanassa vañcanatā	403
Bālayanānaṃ	
saṃsīdanaṭṭhānaṃ	108
Bālā parassa dānaṃ anabhi-	
nanditvā duggatiparāyaṇāva	122
Bālehi saddhiṃ sabbametaṃ	
dukkhaṃ	176
Biḷālapādakaseṭṭhi	12
Buddhadattiyavimāna	196
Buddhabuddhasāvakanānaṃ	
guṇā	292

Padānukkamo	Piṭṭhāṅkā
[Ma]	
Mahābrahmānaṃ pītisukheneva vītināmanatā	167
Mahāmogallānassa ananurūpāni maraṇāni	42-3
Mahāmogallānassa pubbakammaṃ	43
Mahimsakumāra	46
Mātāpitūnaṃ upaṭṭhahaṇaṃ sugatiparāyaṇaṃ	326
Mātāpituposanaṃ nāma porāṇakapaṇḍitānaṃ āciṇṇameva	314
Mānā tayo	164
Māradhītarānaṃ palobhanaṃ	128
Mārassa dhītarā tisso	128
Mālāgandhādīhi pūjentaṇḍi na mama pūjaṃ karonti nāma	365
Muducittassa ānisaṃsā	24
Muni	249, 250
Meṇḍakaseṭṭhi	232, 433
Meṇḍakaseṭṭhissa pubbakammaṃ	232
Mohassa jālasadisatā	231
[Ya]	
Yakkhā satta	437
Yattha adhikaraṇaṃ uppannaṃ, tattheva tasmim vūpasante aññattha gantuṃ vaṭṭati	308
Yamakapāṭihāriya	138-9
Yonīnaṃ vatāni	230

Padānukkamo	Piṭṭhāṅkā
[Ra]	
Ragā	128
Rajjañca nāmetaṃ pamādaṭṭhānaṃ	324
Ratanasuttassa ānisaṃsāni	274
Ratimca aratiṃ ca pahāya ṭhitatā	448
Rasaṃ nissāya manaṃ naṭṭhatā	430
Rāgassa aggisadisatā	231
Rukkassa chāyāya nisīditvā samaṇadhammaṃ kariṃsu	373
Rūpanandā	72
Rūpassa asāratā	339
Rohiṇīnadī	165-6
[La - Va]	
Lajjitabbena alajjamānā duggatiparāyaṇāva	305
Lokapālā cattāro	389
Vaṭṭameva patthenti	38
Vatthukilesakāmesu titthi nāma natthi	156
Vanaṃ nissāya dukkhaṃ pattaṃ	265
Vayesupi tīsu appamattatā	87-8
Vassasataṃ jīvato ekāhampi jīvitaṃ seyyo	270-1
Vinicchayassa kattabbakiccāni	241
Vipākāvasesassa ānisaṃsā	26-7, 41, 96, 299, 355
Vissāsānaṃ paramaññātītā	173
Vīriyaṃ nāmetaṃ satteti kattabbameva	358

Padānukkamo	Piṭṭhaṅkā
[Va]	
Veyaggha	284
Veram averena upasammati	281
Veram no verena upasammati	281
[Sa]	
Sakalābhasantuṭṭhasseva	
jhānādīni uppajjanti	366
Saccakathanādīni tīṇi	204
Sattavassikā khīṇāsavasāma-	
ṇerā cattāro	392, 416
Satta,saṅkhāresu piyāppiyam	
na kātabbam	179
Sattā taṇhāsotaṃ	
samatikkamituṃ na sakkonti	340
Sattānaṃ ajīrakā nāma	
natthitā	77
Satthā upakaṃ ājīvakaṃ	
addasa	349, 350
Satthā balavapītipāmojjam	
uppādeti	381
Santatimahāmatassa	
atītavatthu	51-2
Santuṭṭhānaṃ dhanatā	173
Sappurisadhammasseva jarā	
natthi	77
Sabbattha saṃvutabhikkhu	
sabbadukkhā pamuccati	360
Sabbasattānaṃ jīvitam	
maraṇapariyosānaṃ	70
Samaṇa	247

Padānukkamo	Piṭṭhaṅkā
[Sa]	
Samaṇabrāhmaṇānaṃ	
visesatā	397
Samāgamā tayo	277
Sammā paṭipannānaṃ daharatā	
natthi	392
Sammāsambuddhampi ekacce	
garahanti	210
Sahāyam labhato ekacāri-	
kabhāvova seyyo	322-3
Sādhurūpa	246
Sāsanassa osakkāpanānaṃ	
ādīnavā	328-9
Sāsane pabbajitānaṃ arahattaṃ	
niṭṭham gato nāma	349
Sīlaṃ sabbavayesu sobhati-	
yeva	326
Sīlasampannānaṃ lokassa	
piyatā	317
Sukham tividham	33
Sukhasāmaṇerassa	
atītavatthu	55
Sucaritam pāmojjameva janeti	303
Sucaritameva aññasmim	
ajānantepi kātabbam	303
Sundarasamuddattherassa	
atītavatthu	430-1
Suppabuddhassa pathaviṃ	
paviṭṭhatā	29
Subhaddaparibbājakassa pañhā	
tisso	240
Sussavanīya	230
Sūkarapetassa pubbakammaṃ	259

Padānukkamo	Piṭṭhaṅkā	Padānukkamo	Piṭṭhaṅkā
[Sa]		[Sa]	
Seṭṭhā cattāro	253-4	Sotāpannānaṃ pihitāpāya-	
Sekabhayāni kāmaṃ		dvāratā	125
nissāya uppajjanti	185	Sotāpannā na paṇātipātāni	
Sokabhayāni piyameva		karonti	18
nissāya uppajjanti	181	Sopānāni tīṇi	146
Sokabhayāni pematova		[Ha]	
jāyanti	182	Hitā, hitakammānaṃ	
Sokabhayāni ratim nissāya		dukkarasukaratā	99
uppajjanti	183		

Dhammapadaṭṭhakathāya dutiyabhāge

Nāmānaṃ anukkamaṇikā

Nāmānukkamo	Piṭṭhāṅkā	Nāmānukkamo	Piṭṭhāṅkā
[A]		[Ā]	
Aggadhanuggahapaṇḍita	345	Ānandatthera	18, 29, 49, 50,
Aggālavacetiya	111, 194		53, 65, 71, 79, 80, 82, 86,
Aggālavavihāra	112		98-9, 115, 134, 153-4, 161,
Aggidattabrāhmaṇa	78, 156-60		207, 211, 219, 230-1, 240,
Aṅkura	142-4		268-9, 275, 289, 308, 321,
Aṅga (raṭṭha)	157, 160		332, 430
Aṅguttarāpa (raṭṭha)	232	Ālavīraṭṭha	111-2, 169-70,
Aṅgulimāla	120-1		195
Aṅgulimālatthera	100-1, 452-3	[I - U]	
Aciravatīnadī	329	Indakadevaputta	142-4
Ajagarapeta	39, 41	Isigili	160
Ajātasattu	43, 97, 168,	Ugganagara	290-1
	439, 446	Uggasetṭhi	291
Atula-upāsaka	209	Uggasetṭhiputta	290
Attadattatthera	102-3	Uggasena	340-2, 345
Anāthapiṇḍika	7, 10, 35, 92,	Ujjhānasaññitthera	239
	123, 125, 228,	Uttarakuru	144, 437-8, 447
	290-2, 300, 321	Uttaramāṇava	150-2
Anitthigandhakumāra	183-5	Uttarā	66
Anurādhapura	334-5	Uttarā upāsikā	196, 200-2
Anuruddhatthera	141, 143,	Uttarātherī	70
	192, 194	Udāyitthera	220
Abhayarājakumāra	108-9	Udenacetiya	160
Asaññataparikkhārabhikkhu	10-1	Upaka-ājīvaka	349-50
Ahichattanāgarāja	157	Upanandasakyaputta	88, 90

Nāmānukkamo	Piṭṭhaṅkā
[U]	
Upavāṇatthera	453
Upālitthera	92
Uppalayakkha	437
Uppalavaṇṇātherī	137
Ubbarī	332
[E]	
Erakapattanāgarāja	149-50, 153
Ekasāṭaka	3
Ekudānatthera	243-4
[Ka]	
Kakusandha (Buddha)	153, 332
Kaṭatthayakkha	437
Kaṭṭhavāhana (rājā)	86
Kapilatthera	327, 329, 331
Kapilavatthu	165, 192
Kasakandayakkha	437
Kassapa (Buddha)	34, 39, 93, 145, 149, 153, 163-4, 255, 259, 327-9, 444
Kālatthera	99, 100
Kāvīrapaṭṭana	334-5
Kāsikagāma	168
Kisāgotamī	270-1
Kukkuṭamittanesāda	15-8, 20
Kuṇḍakoliya	426
Kuṇḍadhānavana	426
Kumārakassapatthera	92-5
Kururaṭṭha	126, 157, 160
Kusināra	239

Nāmānukkamo	Piṭṭhaṅkā
[Ka]	
Kevaṭṭagāma	328-9, 331
Kokanuda (pāsāda)	85
Kokasunakhaluddaka	20-22
Koṭipabbatamahāvihāra	334
Koṇḍadhānatthera	33, 35, 37
Koṇāgamana (Buddha)	153
Koliyanagara	165
Kosambinagara	308
Kosalaratṭha	156
Kosalarāja	49, 134, 157, 168, 171, 173, 315-6, 320, 337
[Kha - Ga]	
Khemakasetṭhiputta	300-1
Khemā	339-40
Gaṅgā (nadī)	130, 148-9, 274-9
Gandhakuṭi	107, 117, 136, 170, 219, 232
Gandhakumāra	55
Gandhamādanapabbata	57-8, 234, 236, 431
Gandhaseṭṭhi	55-7, 59, 60
Gijjhakūṭa	39, 206, 258, 298
Goghātakaputta	213-4, 216
Gotamacetiya	160
Gotama (Buddha)	8, 41, 50, 65, 112, 116-7, 133-4, 160, 163, 185-6, 248-9, 286, 296-8, 307-8, 312-3, 324, 348

Nāmānukkamo	Piṭṭhaṅkā
[Ga - Gha]	
Gosiṅgasālavana	160
Gharaṇī (upāsikā)	136
[Ca - Cha]	
Candakumāra	46, 48-9
Candapadumā	232
Candābhatthera	423
Candābhabrāhmaṇa	425-6
Ciñcamāṇavikā	116, 118-9
Cittagahapati	289-90
Cundasāmaṇera	137
Cūḷa-anāthapiṇḍika	92, 136, 142
Cūḷakāla-upāsaka	101-2
Cūḷadhanuggahapaṇḍita	345-8
Cūḷapanthakatthera	419
Cūḷasāri	224, 226
Cūḷasubhadda	290-4
Cūḷekasāṭakabrāhmaṇa	1, 3, 4
Chabbaggī bhikkhū	31-2, 211-2, 242-3
[Ja]	
Jaṭilatthera	431
Jaṭilaseṭṭhi	440-2, 444
Janapadakalyāṇī	72, 75
Jambudīpa	8, 43, 150, 232, 234-5, 238, 321, 345, 347, 438, 442, 450
Jīvaka	68
Jīvakambavana	160

Nāmānukkamo	Piṭṭhaṅkā
[Ja]	
Jetavana	1, 4, 7, 10-1, 14, 20, 22, 24, 31-3, 45, 49, 53, 55, 64, 70-2, 75, 77, 88, 90, 92, 95, 90, 101-2, 104, 107, 109-11, 115-7, 119, 123, 153, 155-7, 161-2, 168, 170-1, 178, 180-1, 183, 185, 188, 203, 209, 213, 217-8, 220, 224, 226-7, 229, 239, 241, 242-4, 246, 248-51, 253, 255-6, 262, 264, 266, 268, 270-1, 280, 283, 289-90, 292, 294, 296-7, 300-1, 303-6, 310, 315-6, 320, 327, 329, 337, 345, 348, 350-1, 420-3, 428, 449, 452-3
Jotikatthera	446-7
Jotikaseṭṭhi	436-8, 440, 443, 446
[Ta]	
Takkasilā (raṭṭha)	214, 278, 346
Tāpanā	327
Tāvatiṃsa	5, 34, 142, 190, 194, 351
Tissatthera	174, 218-20

Nāmānukkamo	Piṭṭhaṅkā
[Ta - Da - Dha]	
Tissadahara	227-9
Tusita	76
Todeyyagāma	163
Dabbamallaputta	207
Daharabhikkhu	104-5
Disāpāmokkha	346
Disāmukhayakkha	437
Dīghavāpī	334
Duṭṭhagāmaṇi	334
Devadatta	92, 94, 97-8, 446
Devahitabrāhmaṇa	453-4
Dhanañcayaseṭṭhi	232, 291
Dhammadinnattherī	451-2
[Na - Pa]	
Naṭaputtakatthera	447-8
Nandiyakulaputta	189-91
Nigaṇṭhanāṭaputta	131
Nigrodhārāma	28, 105, 192
Pañca-upāsaka	226-7, 229, 231
Pañcasatavipassakabhikkhu	107-8
Pañcasikha-	
gandhabbadevaputta	146, 175
Paṭācārā	171-2
Paṇḍukambalasilā	141-2
Padumuttara (Buddha)	92, 339
Padhānikatissatthera	90-1, 256
Parijīṇṇabrāhmaṇaputta	311, 315
Pālileyaka	321-2
Pāveyyaka (hatthi)	320-1

Nāmānukkamo	Piṭṭhaṅkā
[Pa]	
Piṇḍolabhāradvājatthera	131-2
Pippaliguḥā	5
Pilindavacchatthera	419, 420
Pilotikatissatthera	53, 55
Puṇṇa (dalidda)	196, 199
Puṇṇa (dāsa)	232
Puṇṇa (dāsī)	206-9
Pubbārāma	37, 423
Pesakāradhītā	111, 113, 115
Poṭṭhilatthera	262, 264
[Ba]	
Bandhumatīnagara	51, 433
Bahubhaṇḍikabhikkhu	45, 49
Bārāṇasī	26-7, 46, 48, 55, 78, 81, 95, 149, 150, 163, 189, 193, 233, 279, 334-5, 344, 346, 349, 423-4, 431, 440
Bālisika-ariya	250-1
Biḷālapādakaseṭṭhi	11-3
Bimbisāra	108, 133, 274, 277, 339, 437
Buddhaghosa	456
Beluvapaṇḍuvīṇa	146
Bodhirājakumāra	85, 88
Brahmadatta	337

Nāmānukkamo	Piṭṭhaṅkā
[Bha]	
Bhattabhatikaseṭṭhi	60
Bhaddiyanagara	232, 237 282, 442
Bhaddiyabhikkhū	282-3
Bhesakaḷāvana	85
Bhokkantagāma	334-5
[Ma]	
Magadharaṭṭha	160
Maṇikāraikulūpaka- tissatthera	22, 24
Mallaraṭṭha	239
Mallikādevī	75-7, 120
Mahā-anuruddhatthera	334
Mahā-ekasātakabrāhmaṇa	2
Mahākassapaṭṭha	5-6, 187, 335
Mahākāla-upāsaka	95, 97
Mahātissatthera	335
Mahādhanavāṇija	14-5
Mahādhanaseṭṭhi	81-2, 84
Mahāpadumakumāra	118
Mahāpanthakatthera	419
Mahāpuṇṇagāma	334
Mahāmuniḡāma	334
Mahāmoggallānatthera	39, 41-5, 131-2, 137-8, 141-2, 145, 147, 157, 190, 203, 220-1, 251, 258, 298, 342, 417-8, 422

Nāmānukkamo	Piṭṭhaṅkā
[Ma]	
Mahālicchavī	274
Mahāvana	160, 287, 299
Mahimsakumāra	46, 49
Māgaṇḍiyabrāhmaṇa	126
Mātali	146
Māra	126, 129, 130, 167, 254, 324, 326, 348-9, 434
Migadāya	81
Migadhenu therī	94
Meṇḍakaseṭṭhi	232, 237-8, 433, 442
[Ra]	
Raṭṭhapālakulaputta	428
Rājagaha	5, 16, 20, 39, 66, 92, 98, 130-2, 134, 187, 195-6, 199, 206, 258, 274, 277, 284-5, 332, 335, 341-2, 425, 428, 436, 443, 449, 451
Rāhulakumāra	72
Rāhulatthera	106, 348
Rūpanandā	72-4
Rūpanandātherī	72, 75
Revatatthera	109, 423
Revatī	189
Rohinī khattiyakañṇā	192

Nāmānukkamo Piṭṭhaṅkā

[La]

Lakuṇḍaka-atimbara	334
Lakuṇḍakabhaddiyatthera	244-5, 283-4
Lakkhaṇatthera	39, 258-9
Lājadevadhītā	5-7
Lāludāyitthera	220-2
Lāḷudāyitthera	4, 77, 80
Licchavī	182, 274-5, 277

[Va]

Vaggumudā (nadī)	299
Vaṅḡisatthera	449, 450
Vaṅḡisabrāhmaṇa	449-50
Vajirabāhuyakkha	437
Vajirayakkha	437
Vajjiputtakabhikkhu	287, 289
Vajjiraṭṭha	288
Vinicchayamahāmattha	241-2
Vipassī (Buddha)	51, 153, 232-3
Visākha (upāsaka)	451
Visākhā (upāsikā)	37-8, 53, 64-6, 92, 104, 181-2, 228, 232, 291, 321
Vepulla	160
Vebhāra	160
Vesālīraṭṭha	173, 182, 273, 275, 287, 288, 299
Vessantara	106

Nāmānukkamo Piṭṭhaṅkā

[Va]

Vessabhū (Buddha)	153
Veḷugāma	175
Veḷuvana	15, 39, 41, 66, 97-8, 108, 160, 187, 196, 211, 222, 258, 273- 4, 284, 298, 331, 335, 339, 340, 419, 431, 446,-8, 451

[Sa]

Sakka (devarāja)	8, 134, 136, 146, 175-7, 194, 293, 347, 350, 417-8
Sakka (raṭṭha)	165
Saṅkassanagara	130, 145-7
Saṅkhabrāhmaṇa	278
Santatimahāmattha	49, 53
Sammajjanatthera	109-10
Sāketa	204
Sāgata	327
Sādhinī	327
Sānusāmaṇera	316, 230
Sāriputtatthera	42, 49, 60, 62, 145-8, 197, 220-1, 224, 251, 266-7, 417, 421

Nāmānukkamo	Piṭṭhaṅkā	Nāmānukkamo	Piṭṭhaṅkā
	[Sa]		[Sa - Ha]
Sāvathī	1, 11, 33, 35, 38, 46, 60, 64, 72, 99, 101, 116, 134, 145, 157, 163, 178, 182-3, 209, 213-4, 218, 228, 241, 247, 250, 253, 256, 264, 280, 290, 294, 311, 321, 328, 337, 420, 428	Sundarīparibbājikā	296-8
Sikhī (Buddha)	153	Suppabuddha	28-30
Sirimā (gaṇikā)	66, 68-9, 200, 202	Suppavāsā	426
Sīvalitthera	426-7	Suppārapaṭṭana	334-5
Sukhakumāra	60	Subhaddaparibbājaka	239-40
Sukhasāmaṇera	55, 61-3	Subhaddā	292-3
Sudattā (kumārī)	181	Sumaṅgalasetṭhi	39
Suddhodanamahārāja	105, 107	Sumana (kuṭumbika)	334
Sundarasamuddatthera	428, 430, 431	Sumanadevī	232
		Sumanasetṭhi	66, 196
		Sumanā (kuṭumbikassa dhītā)	334
		Suvaṇṇabhūmi	334
		Susīmamaṇava	278
		Sūriyakumāra	46-9
		Seyyasakatthera	4
		Sotāpanna	18, 147, 150-1
		Somadattakumāra	78-9
		Himavanta	118, 324

Dhammapadaṭṭhakathāya dutiyabhāge

Nānāpāṭhā

Paṭhamo mūlapāṭho, Sī = Sīhaḷapottthakaṃ, Syā = Syāmapottthakaṃ,
I = Iṅgalisapottthakaṃ, Ka = kesuci Marammapottthakesu dissamānapāṭho,
Ka-Sī = kesuci Sīhaḷapottthakesu dissamānapāṭho.

Dhammapadaṭṭhakathāya

Nānāpāṭhā

Piṭṭhankā

[A]

Akusalameva = Akusalamūlaṃ (Sī)	227
Akhipitvā = Pakkhipitvā (Syā, Ka)	148
Agarukanti = Atigarukanti (Syā, Ka)	104
Agahaṇo = Agahaṇo anaṅgaṇo (Sī)	405
Agāravabhūtā = Aṅgārabhūtā (Sī)	223
Aggikkhandho pavattati = Aggikkhandhassa pavattim (Sī)	139
Aṅkuse vā kuntatomare vā = Aṅkusam vā tunnam vā tomaram vā (Syā)	314
Accayāsi = Accasarā te (Sī, Syā)	451
Accāyaṃ = Athāyaṃ (Sī, Syā)	89
Ajja vā suve vāti = Ajja ajjevāti (Sī, Syā)	103
Añjanasannibho = Añjanavasabho (Sī, Syā)	361
Añjalikammādīhi ca = Balikammādīhi ca (Sī)	401
Aññāṇī = Anaññamano (Syā)	68
Aṇumattampi = Tilamattampi (Syā)	34
Atisukhumālo = Atisukumālo (Sī, Ka)	385
Atītattā = Atigatattā (Sī)	406
Atula = Atulālaṃ (Sī)	210
Attaghātāya = Attaghaññāya (Sī, Syā)	100
Attaghātāyeva = Attaghaññāyeva (Sī)	100
Attanā hi = Attanāva (Sī, Syā)	101

Nānāpāṭhā

Piṭṭhānkā

[A]

Atthi = Natthi (Sī)	243
Anugacchantiyo = Anapagacchantiyo (Sī)	128
Anolokento viya = Attamano olokento viya (Sī)	224
Anosādetvā = Anosāretvā anusāretvā (Ka)	358
Antaragavesitāya = Randhagavesitāya (Sī)	239
Antaradhānamantaṃ = Antaradhāpanamantaṃ (Sī)	425
Antarameva = Randhameva (Sī)	239
Aparajjhanabhāvena = Aparajjhanavasena (Syā)	238
Abbūhaṇaṃ = Abbāhanaṃ (Syā, Ka)	254
Abhinandantāni = Abhinandathāti (Sī), Abhinandantā (Ka)	191
Ayaṃ no atthoti = Ayaṃ ayaṃ atthoti (Sī)	6
Avattasamādāno = Avaṭṭhitasamādāno (Syā)	302
Aviññū = Aññāṇī (Syā, Ka)	250
Asadisadānaṃ nāma = Yassa kassaci nāma (Sī, Syā)	122
Asampattesu = Appamattesu (Ka)	247

[Ā]

Ākāsaṅgaṇe = Rājaṅgaṇe (Syā)	363
Āgatāti = Āgatāgataṃ (Sī)	184
Āgantvā = Gantvā (Sī)	104
Ācikkhanto = Āvikaronto (Sī)	50
Ānayaṃsu = Āropayaṃsu (Sī)	221
Ānubhāvaṃ = Manussabhāvaṃ (Sī), Mahānubhāvaṃ (Syā)	388
Ārocetvā = Ārocāpetvā (Sī)	300
Āsayā = Bilāsaya (Ka)	378

[I]

Itthaṃ sudaṃ = Idaṃ suttaṃ (Ka)	74
Idaṃ vā = Aññaṃ vā (Sī, Ka)	45
Idāni katena = Idāneva khettaṭṭhāne (Syā)	3
Idāni so kassa = Na idāni so kassaci (Syā)	398
Idāneva = Idha (Sī, Syā)	115

Nānāpāṭhā

Piṭṭhaṅkā

[U - Ū]

Uggaṇhitvā = Paggaṇhitvā (Sī)	262
Uttāno = Parivattamāno (Syā)	23
Uttāsesum̐ = Uttāpetum̐ ārabhiṃsu (Ka)	336
Uddāmoti = Utrāsoti (Ka)	30
Upetīti = Karoti (Syā, Ka)	77
Ubbarī nāma = Upari nāma (Ka)	332
Ūrūsu = Ure (Ka)	318

[E]

Ekaṃ = Sakaṃ (Sī)	305
Ekantameva = Na ekameva (Sī)	231
Ekekassa = Ekekassa satassa (Syā)	373
Etaṃ = Evaṃ (Sī)	10
Etampi ummattakaṃ = Etaṃ pitumattakaṃ (Sī, Ka)	417
Evaṃ ayuttakaṃ = Etaṃ ettakaṃ (Syā)	40
Evarūpaṃ padaṃ = Evarūpassa saddaṃ (Ka)	151

[O]

Ogalitvā = Obhijjitvā (Syā)	389
Otarathāti = Uṭṭhahathāti (Sī, Ka)	36
Otāraṃ = Okāsaṃ (Ka)	14, 65, 371
Ottharantī = Otthataṃ (Syā, Ka)	98
Opānabhūtanti = Āpānabhūtanti (Sī)	228

[Ka]

Kaṭhinaṃ = Tikhiṇaṃ (Sī), Thīnaṃ (Syā)	371
Katipāheneva = Katipāhasseva (Syā, Ka)	450
Kathitaṭṭhānatova = Ṭhitaṭṭhānato (Sī, Syā)	259
Kampetum̐ = Harāpetum̐ (Sī)	8
Karontena = Tena (Syā, Ka)	87
Kākiyā = Kākāya (Ka)	265

Nānāpāṭhā

Piṭṭhānkā

[Ka]

Kālaṃ = Kalaṅkaṃ (Sī), Kāḷakaṃ (Syā)	37
Kiccaṃ na niṭṭhitaṃ = Kiccaṃ natthi (Syā)	268
Kimiloti = Kimbiloti (Sī, Syā)	386
Kilesadarathānaṃ = Saṃkilesadarathānaṃ (Sī), Kilesadarānaṃ (Syā)	395
Kuraragharaṃ = Kulagharaṃ (Ka)	369
Kurudhamme = Garudhamme (Ka)	361
Kurudhammo = Garudhammo (Ka)	361
Kulasantakaṃ = Kulaṃ (Sī, Syā)	311
Ko = Koci (Ka)	17

[Kha]

Khajjakamaṃse = Bhajjitamaṃse (Sī), Khajjamamaṃse (Syā)	82
Khandhāni = Pabbāni (Sī)	437
Khāditvāva = Sāyitvāva (Sī)	403
Khāditunti = Vañcetunti (Ka)	425
Khīye = Lakkhena (Sī, Syā)	148

[Ga]

Gacchantiṃ = Gacchatīti (Sī), Gacchissatīti (Ka)	113
Gacchanti = Āgacchanti (Sī)	158
Gaṇhituṃ = Pāpuṇituṃ (Ka)	93
Gatiyā = Duggatiyā (Syā, Ka)	297
Gatiyeva = Duggatiyeva (Syā, Ka)	297
Gantvā = Āgantvā (Sī)	6
Gantvā = Nisīditvā (Ka)	65
Gantukāmo = Gaṇhitukāmo (Sī)	131
Gabbhavokkantiṃ = Gabbhāvakkantiṃ (Sī, Syā)	275
Gahananissitaṃ = Gehanissitaṃ (Sī)	430
Gāthākathanato = Tatiyagāthāto (Sī)	276

Nānāpāṭhā

Piṭṭhaṅkā

[Ca]

Cīvaram̐ = Cīvarakaṇṇam̐ (Sī, Ka)	68
Cūḷakaniṭṭha = Pillaka (Sī)	390
Celapaṭīkam̐ = Celapattīkam̐ (Sī)	86

[Cha]

Chakkhattum̐ = Sattakkhattum̐ (Ka)	128
Chaṇavāre = Chaṇacāre (Ka)	288
Chātajjhattopi = Nipajjantopi (Sī)	68
Chijjimsu = Bhijjimsu (Syā, Ka)	117
Chinditukāmatā = Chinditukāmatācittam̐ (Syā)	265

[Ja]

Jaṭilattheram̐ = Jotiyattheram̐ (Sī), Jotikattheram̐ (Syā)	431
Jaṇṇunā = Jattunāva (Sī), Jannunāva (Syā)	151
Jayakusumavaṇṇānissa = Guṇjavavaṇṇānissa (Sī)	390
Jitam̐ yassa = Jitamassa (Sī, Syā, Ka)	128
Jīvitavuttimanallīnena = Jīvitavuttiṃ anu-anallīnena (Sī), Jīvitavuttiyā alīnena (Syā)	226

[Tha]

Ṭhatvā = Katvā (Sī)	311
Ṭhapāpesi = Chupāpesi (Sī)	193

[Da]

Ḍāhena = Dosena (Ka)	100
----------------------	-----

[Ta]

Tam̐ ṭhānam̐ = Tattha (Ka)	14
Tam̐ = Tasmā (Syā, Ka)	252
Tam̐ = So (Syā, Ka)	80
Taṇhātāsena = Taṇhāvasena (Ka)	416
Taṇḍule mināpetvā = Taṇḍulam̐ ekanāḷimattam̐ gahetvā (Ka)	237
Tattheva = Tattheva (Syā, Ka)	47
Tadupiyena = Tadanucchavikena (Sī), Tadanurūpiyena (Ka)	171

Nānāpāṭhā

Piṭṭhānkā

[Ta]

Tadupiyena = Tadanurūpena (Sī, Ka)	315
Tamatthaṃ = Hatthisālaṃ pavisitamattaṃ pana (Syā, Ka)	314
Tambamattikasadisā = Tambavammikasadisā (Sī, Syā)	135
Tasseva = Tattheva (Syā)	57
Tādinoti = Yasassinoti (Syā)	386
Tiṃsamattāpi = Samantāpi (Sī)	337
Tiṇaṃ āharati = Goṇācārikaṃ carati (Ka)	341
Tiṇahārako = Kājahārako (Sī)	386
Titthaṃ = Tattha (Sī)	184
Tumhākaṃ = Amhākaṃ garu (Sī)	439
Tusitabhavane nibbatti = Papatā (Sī)	114
Te = Me (Sī)	428
Tenevākārena = Kena kāraṇena (Syā, Ka)	77

[Da]

Dakkhissati = Rakkhissati (Ka)	13
Daṇḍakaraṇapīḷite = Daṇḍakaramarapīḷite (Sī)	324
Daṇḍako viya = Daṇḍakoṭiyaṃ (Sī, Ka)	34
Daṇḍena ghaṭṭesi = Daṇḍakena yantesi (Sī)	23
Datvā = Adattha (Sī)	143
Daḷhaṃ = Gāḷhaṃ (Sī)	132
Dāpesi = Ṭhapesi (Syā)	67
Dukkassantakiriyaṃ = Dukkassantaṃ kiriyāya (Ka)	331
Dutiyaṃ = Tiyaṃ (Sī)	360
Duppaṭipanno = Duppaṭipajjo (Sī)	284
Dussante = Dasante (Sī)	82
Dūraṃ gatova = Dūratova (Syā)	239
Devahitabrāhmaṇassa = Devaṅgikabrāhmaṇassa (Sī)	453
Dvādasa = Ekādasa (Sī)	455
Dvādasayojanikaṃ = Dvādasahatthaṃ (Syā)	5
Dvārarakkhikaṃ = Dvārarakkhitaṃ (Ka)	304

Nānāpāṭhā

Piṭṭhāṅkā

[Dha]

Dhanadhaññādiko ceva = Dhaññādiko ceva (Sī)	290
Dhammakaraṇaṃ = Dhammakarakaṃ (Sī, Syā)	237
Dhammasaṃsandana = Sammantaṇā (Sī, Syā)	325
Dhammikaṃ = Dhammikattā (Sī)	314
Dhārāvegena = Vātavegena (Ka)	107
Dhūpayamānāya = Pacamānāya (Syā)	25

[Na]

Naṅgalakulatttheraṃ = Naṅgalakūṭatttheraṃ (Syā)	378
Naccāma, gāyāmāti = Naccissāma gāyissāmāti (Sī, Syā)	65
Nattāya = Dantāya (Sī)	182
Natthīti = Atthīti (Sī)	6
Nadito = Turitena (Sī)	157
Nappatirūpaṃ nu kho = Patirūpaṃ nu kho (Syā, Ka)	71
Nalāṭaṃ = Lalāṭaṃ (Syā)	73
Nālaṃ thutuṃ = Nālattha taṃ (Sī)	368
Nikaḍḍhanto = Niggaṇhanto (Sī, Syā)	135
Nikkhaṃ = Nekkhaṃ (Sī)	210
Nikkhamathāti āha = Tiṭṭhathāti āha (Sī)	35
Nikkhamīti = Nikkhamitvāti (Sī, Ka)	418
Niṭṭhānaṃ patto = Nibbānaṃ patto (Syā), Nibbānappatto (Ka)	454
Nidhāya daṇḍaṃ = Nihitadaṇḍo (Sī)	53
Nipati = Vipphandi (Sī, Syā)	318
Nipphannaṃ = Nipphannanti maññamānā (Syā)	71
Nibbindanto = Nibbinno (Sī)	255
Niyyādentō = Nipphādentō (Ka)	190
Nivikassa = Vikkayikassa (Sī)	334
Nīcāsanaṭṭhānaṃ = Nibbānaṭṭhānaṃ (Sī, Ka)	62

Nānāpāṭhā

Piṭṭhāṅkā

[Pa]

Pakkantamatte = Pakkamante (Sī)	245
Pakkuthitaṃ = Pakkaṭṭhitaṃ (Sī)	201
Pakkhipāpetvā = Ākirāpetvā (Sī, Syā)	383
Paceyyāsīti = Peseyyāsīti (Ka)	385
Pañca-upāsake = Pañcasata-upāsake (Sī), Pañcasate upāsake (Ka)	226
Pañcasatakulike = Pañcakulasatike (Sī)	328
Pañcādhikā = Ekenūnā (Sī, Ka), Ekenūne (Syā)	455
Pañcādhikāni = Ekūnāni (Sī), Ekenūnāni (Syā)	455
Paṭicchādento = Paricchindanto (Sī)	132
Paṭibhānānaṃ = Paṭisambhidānaṃ (Sī)	349
Paṭiyādessāmīti = Paṭijaggissāmīti (Sī)	274
Paṇḍuraṃ = Paṇḍupuraṃ (Sī)	280
Pattesu ca = Mahattesu ca (Ka)	247
Padittaṃ = Padīpitaṃ (Sī), Parīdayhitaṃ (Ka)	158
Panuditvā = Opuṇāpetvā (Sī)	248
Pannago = Pannako (Sī, Syā)	388
Pabbate = Sabbete (Ka)	207
Pabhaṅguraṃ = Pabhaṅguṇaṃ (Syā)	70
Paramasukhumālo = Paramasukumālo (Sī, Ka)	384
Pariṇato = Parijīṇṇo (Sī)	245
Paribhuñjituṃ = Paribhuñjituṃ arahasi (Syā)	409
Parisāyaṃ = Parisatiṃ (Sī)	274
Pavisati = Pavisantī (Syā, Ka)	117
Pavisetvā = Piñchetvā (Sī), Vijaṭetvā (Syā)	218
Pavedeyyāsi = Vadeyyāsi (Sī, Syā)	316
Pasamsanamattampi = Vacanamattampi (Sī)	244
Passāma = Na diṭṭho (Sī)	443
Paharantassa = Hanato (Sī)	37
Paharantā = Hanantā (Sī)	33

Nānāpāṭhā

Piṭṭhaṅkā

[Pa]

Paharanti = Viharanti (Syā)	95
Pākatikadhammassavanaṃ vā = Pakatidhammasavanaṃ vā (Sī, Syā)	353
Pādukañca = Pāmaṅgaṃ (Sī)	442
Pānīyaṃ gahetvā = Phaṇe ṭhatvā (Sī)	390
Pāpuṇitvā = Apāpuṇitvā (Sī)	440
Pāveyyakaṃ = Baddherakaṃ (Sī)	320
Piṭṭhiṃ = Vitthaṃ (Sī)	43
Pittanti = Nimitanti (Ka)	10
Piyaṃ madhuraṃ = Piyataraṃ (Syā)	32
Pihayanti = Pihenti (Sī)	147
Pucchitapañhesu hi = Pucchitapañhe suṇāhi (Syā), pucchitapañhassa hi (Ka)	351
Pupphānaṃ = Tumhākaṃ (Sī, Ka)	377
Purato = Parato (Sī)	29

[Ba]

Baddhamanassa = Bajjhamānassa (Syā)	430
Balavapacchimayāme = Balavapaccūse (Syā)	3
Bahutarā = Bahujanā (Ka)	273
Biḷālapādakaseṭṭhiṃ = Biḷālapadakaseṭṭhiṃ (Syā, Ka)	11

[Bha]

Bhājanato = Uddhanato (Syā)	25
Bhāyīti = Bhāyasīti (Sī, Syā, Ka)	452
Bhāvanārāmataṃ = Bhāvanāmattaṃ (Ka)	79
Bhikkhū yācitvā = Bhikkhūnaṃ santike (Syā)	178
Bherī carati = Bheriṃ carāpeti (Syā, Ka)	56
Bhokkantaḡāme = Bhekkantaḡāme (Syā)	334

Nānāpāṭhā

Piṭṭhānkā

[Ma]

Mamsam = Sayam (Ka)	213
Maññanalakkhaṇassa = Majjanalakkhaṇassa (Syā)	75
Mathentūti = Maddentūti (Ka)	227
Maddavānīti = Majjavānīti (Syā), Paccavānīti (Ka)	377
Mantesum = Cintesum (Syā, Ka)	41
Dhammaghaṭṭanavacanameva = Ghaṭṭanavasena (Ka)	420
Mayā = Mañ (Ka)	71
Maraṇakasattarū = Amaraṇasattarū (Ka)	31
Maraṇajālena = Mārajālena (Sī, Syā)	114
Mahā-anuruddhatthero = Mahā-atulaththero (Sī, Syā)	334
Māradhītaravatthu = Māgaṇḍiyavatthu (Ka)	126
Māramanthananti = Māravacananti (Syā), Mārabandhananti (Sī, Ka)	254
Muttamuttaṭṭhānato = Muttatṭṭhāne (Syā, Ka)	389
Mūḷhadhātuko = Mandadhātuko (Syā)	75
Me satam = Gosatam (Ka)	402

[Ya]

Yasmā = Tasmā (Sī, Ka)	70
Yāpanam = Sāyapātam sabbakāle (Syā), Pātarāsakāle (Ka)	142
Yāpetum = Ṭhātum (Sī)	316
Yāva = Nava (Sī)	147
Yāva = Naveva (Sī)	146
Yāva sabbasatā = Yāvatā (Sī), Yāva satta (Ka)	3
Yujjhathāti = Yujjhantūti (Sī)	446

[Ra]

Raṭṭham = Seṭṭhim (Syā)	442
Rattasuvanṇanikkhasahassam = Tattha suvaṇṇassa nikkhasahassam (Sī)	183
Ramessu = Bhamatu (Sī, Syā)	375
Ramessu = Bhamassu (Sī, Syā)	373
Ramessūti = Bhamassūti (Sī, Syā)	375
Rucim = Ruciyā (Syā)	15

Nānāpāṭhā

Piṭṭhāṅkā

[Ra]

Rogaṇīlaṃ = Roganiḍḍhaṃ (Sī), Roganiddhaṃ (Syā)	70
Rocetiyevāti = Ropetiyevāti (Syā)	374

[La]

Lakkhaṇāhataṃ = Pakkhāhataṃ (Sī)	203
Laṅghikadhītā = Lāsakadhītā (Sī), Laṅghakadhītā (Syā)	341
Lekhaṃ = Lakkhaṃ (Sī, Syā)	148

[Va]

Va = Ca (Ka)	44
Vaggānaṃ = Suttavaggānaṃ (Syā), Pannarasavaggānaṃ (Ka)	79
Vagguvado = Vaggugado (Syā), Vaggugato (Ka)	146
Vaṭṭetvā = Vaḍḍhetvā (Sī)	112
Vattuṃ = Daṭṭhuṃ (Sī, Syā)	252
Vanaṣṇe vasi = Vasanaṭṭhāne vasittha (Sī)	414
Varanti = Vaṭṭatīti (Sī, Ka)	378
Vasituṃ = Vatthuṃ (Sī, Syā)	190
Vassasaṭṭhikatherā = Vassasatikatherā (Sī, Syā)	160
Vāsiyamānā = Posiyamānā (Sī, Ka)	16
Vikkhambhimsu = Nikkhamimsu (Ka)	267
Vicaratu = Carituṃ sakkoti (Ka)	341
Vijjamānepi = Bhijjamānepi (Ka)	369
Vitthāretvā = Vicāretvā (Syā)	218
Vināsāvahanena = Vināsāharaṇena (Syā)	222
Vinicchināthāti = Pacchindathāti (Sī), Nicchathāti (Ka)	194
Viravaṃ = Vissaraṃ (Sī), Mahāviraṃ (Syā)	25
Vissajjetā = Vissajjanto (Syā, Ka)	147
Vuttaṃ = Vuttabhāvaṃ (Sī, Syā)	40
Vuttaṭṭhāneyeva = Vuttaniyameneva (Ka)	170
Vuttā = Puṭṭhā (Syā)	92

Nānāpāṭhā

Piṭṭhāṅkā

[Va]

Vedanāpamatto = Vedanāppatto (Syā)	23
Vo = Ve (Sī)	304

[Sa]

Sakaṭaṭṭhānam = Sakaṭāvāram (Sī)	269
Sakalanagaram = Sakalavihāram nagaraṅca (Sī, Ka)	168
Sakko = Sathā (Syā)	136
Saṅgham = Jaṅgham (Ka)	80
Sajjo = Sajjito (Sī)	216
Saṅṭhāpetvā = Thapetvā (Sī)	55
Satasahassagghanikam = Sahassagghanakam (Sī)	233
Sathā = Mahāsatto (Sī, Syā)	118
Saddhādibuddhiyā = Sīlavisuddhiyā (Sī)	456
Saddhāsampannam = Saddham pasannam (Sī, Syā)	294
Sandhāretum = Nivāretum (Syā)	94
Sannisīdi = Pasīdi (Syā)	53
Sabbathāmena = Sabbatṭhāne (Syā)	3
Sambhāvento = Vibhāvento (Sī), Pabhāvento (Syā)	142
Sammajjantiyāva = Opuñchantiyāva (Sī)	192
Sammantanamattampi = Saṃsandanamattampi (Ka)	365
Sammantayitvā = Samassāsetvā (Syā, Ka)	64
Sayane ceva = Sayaniye ca (Sī)	193
Sarabhaññam = Padabhāṇam (Sī, Syā)	317
Sarabhāṇatthāya = Padabhāṇāya (Sī, Syā)	221
Sāgato = Sodhano (Sī, Syā)	327
Sādhu, sādhu = Sādhum, sādhum (Ka)	98
Sāni = Yāni (Sī)	220
Sāmi nanu = Sāpi tam (Sī)	337
Sāhasā = Sahasā (Sī, Syā)	241
Sippī, so = Sippiyo (Syā, Ka)	85

Nānāpāṭhā

Piṭṭhaṅkā

[Sa]

Suṇanto = Karonto (Sī)	95
Sudattaṃ = Dantaṃ (Sī), Sudattiṃ (Syā)	181
Supaggahitā = Supariggahitā (Sī)	282
Sumanapupphāni = Suvaṇṇapupphāni (Ka)	52
Suvaṇṇapātigahaṇaṃ viya = Suvaṇṇapātiggahaṇasadisaraṃ hi (Sī)	190
Sotukāmāti = Sotāroti (Sī, Syā)	243

[Ha]

Haṭanti = Gahitanti (Sī, Syā)	96
Hassakeḷim = Hasanakeḷim (Syā, Ka)	167
Hāpesi = Hāresi (Sī, Syā)	172
Hāssaṃ = Harissaṃ (Sī, Ka)	388
Heṭṭhāsālaṃ sammajjanādīni = Heṭṭhā opuñchanādīni (Sī)	192
Hohi = Hotu (Sī)	263

Dhammapadaṭṭhakathāya dutiyabhāge

Gāthāsūci

Paṭhamapādā	Piṭṭhankā	Paṭhamapādā	Piṭṭhankā
[A]		[A]	
Akakkasaṃ viññāpaniṃ	420	Anekajāṭisaṃsāraṃ	80
Akataṃ dukkaṭaṃ seyyo	303	Annabhāro pure āsim	386
Akkodhanaṃ vatavantaṃ	409	Andhakāre pure hoti	312
Akkodhena jine kodhaṃ	66, 202	Andhabhūto ayaṃ loko	114
Akkosaṃ vadhabandhañca	408	Api dibbesu kāmesu	156
Acaritvā brahmacariyaṃ	83	Api nu hanukā santā	265
Ajjeva kiccamātappaṃ	269	Apuññalābho ca gatī ca	
Aṭṭhīnaṃ nagaraṃ kataṃ	74	pāpikā	301
Attadatthaṃ paratthena	102	Appaṃ vata jīvitam idaṃ	206
Attanā codayattānaṃ	379	Appamādaratā hotha	321
Attanā hi kataṃ pāpaṃ	97, 101	Appalābhopi ce bhikkhu	367
Attānañce tathā kayirā	91	Appassutāyaṃ puriso	79
Attānañce piyaṃ jaññā	87	Abhaye bhayadassino	305
Attānameva paṭhamam	90	Abhittharetha kalyāṇe	3
Attā hi attano nātho	94, 379	Abhidhāvatha bhaddante	319
Atthabyañjanasampannaṃ	455	Abhūtavādī nirayaṃ upeti	297
Atthamhi jātamhi		Amātāpitarasaṃvadaḍḍho	91
sukhā sahāyā	325	Ayaṃ so indako yakkho	143
Atha pāpāni kammāni	41	Ayasāva malaṃ samuṭṭhitaṃ	219
Atha vāssa agārāni	45	Ayoge yuñjamattānaṃ	179
Adhicetaso appamajjato	243	Alaṅkato cepi samaṃ careyya	52
Anuṭṭiracāri naṅguṭṭhaṃ	89	Alajjitāye lajjanti	305
Anupubbena medhāvī	217	Alattakakatā pādā	429
Anūpavādo anūpaghāto	154	Avajje vajjamatino	307
		Avadhī vata attānaṃ	364
		Aviruddhaṃ viruddhesu	418

Paṭhamapādā	Piṭṭhaṅkā
[A - Ā]	
Asaṃsaṭṭhaṃ gahaṭṭhehi	414
Asajjhāyamaḷā mantā	222
Asantā kira maṃ jammā	312
Asanthutaṃ maṃ cirasanthutena	346
Asāhasena dhammena	241
Asucipūtilomosi	221
Asso yathā bhadro kasāniviṭṭho	54
Assova jīṇṇo nibbhogo	312
Ahaṃ nāgo va saṅgāme	308
Ahiṃsakā ye munayo	206
Ākāseva padaṃ natthi	240
Āturaṃ asuciṃ pūtiṃ	74, 340
Ārogyaparamā lābhā	173
Āsā yassa na vijjanti	422
[I]	
Īṅha passa Naṭaputta	343
Īṅha passa mahāpañña	343
Īcchitaṃ patthitaṃ tuyhaṃ	58, 236
Ītova pānīyaṃ hāssaṃ	388
Īdaṃ pure cittamacāri cārikaṃ	320
Īdha vassaṃ vasissāmi	269
Īminā pana dānena	383
[U]	
Ucchinda sinehamattano	268
Ujjaṅgale yathā khetto	143
Uṭṭhānakālamhi anuṭṭhahāno	257
Uttiṭṭhe nappamajjeyya	106

Paṭhamapādā	Piṭṭhaṅkā
[U]	
Udakaṃ hi nayanti nettikā	63
Upanītavayo ca dānisi	216
Uposathaṃ upavasanti	318
Uragova tacaṃ jīṇṇaṃ	181
Usabhaṃ pavaraṃ vīraṃ	121, 452
[E]	
Ekam dhammaṃ atītaṃ	109
Ekakā mayaṃ araññe viharaṃ	287
Ekakova tvaṃ araññe viharasi	288
Ekassa caritaṃ seyyo	323
Ekāsaṇaṃ ekaseyyaṃ	294
Etaṃ kho saraṇaṃ khemaṃ	160
Etaṃ daḷhaṃ bandhanaṃ	338
dhirā	338
Etañhi tumhe paṭipannā	253
Etamatthavasaṃ ñatvā	271
Etampi disvā naravīriyasetṭha	364
Etha passathimaṃ lokaṃ	108
Evam bho purisa jānāhi	227
Evam vihāriṃ atāpiṃ	269
Evametaṃ migarāja	347
Esa bhīyyo pavekkhāmi	404
Eseva maggo natthañño	253
Ehi godha nivattassu	403
Ehi Vakkali mā bhāyi	381
[O]	
Oghena vuyhati bālo	151
Oloketvāna sambuddho	142

Paṭhamapādā	Piṭṭhaṅkā
[Ka - Kha - Ga]	
Kattha dajjā deyyadhammaṃ	453
Kayirā ce kayirāthenaṃ	302
Kāmato jāyatī soko	185
Kā'yameḷagalāgumbe	346
Kāyakammaṃ suci nesaṃ	292
Kāyappakopaṃ rakkheyya	212
Kāyena saṃvaro sādhu	359
Kāyena saṃvutā dhīrā	212
Kāsāvakaṇṭhā bahavo	299
Kiṃ te jaṭāhi dummedha	403-4
Kiṃsu adhippatī rājā	150
Kiṃsu chetvā sukhaṃ seti	408
Kiccho manussapaṭilābho	152
Kīdisā samaṇā tuyhaṃ	291
Kukkuḷā ubbhato tāta	319
Kusalūpadese dhitiyā	
dalhāya ca	358
Kuso yathā duggahito	302
Kenassu vuyhati bālo	151
Kodhaṃ chetvā sukhaṃ seti	408
Kodhaṃ jahe vippajaheyyamā-	
naṃ	193
Ko nu hāso kimānando	65
Khantī paramaṃ tapo titikkhā	153
Gaṅgāya vālukā khīye	148
Gaṇikā uppalavaṇṇā	362
Gato nu cittakūṭaṃ vā	141
Gabbhameke uppajjanti	24
Gambhīrapaññaṃ medhāviṃ	412
Gahakāraka diṭṭhosi	80

Paṭhamapādā	Piṭṭhaṅkā
[Ca - Cha]	
Cakkhunā saṃvaro sādhu	359
Cattāri ṭhānāni naro pamatto	300
Catuppado ahaṃ samma	221
Candaṃva vimalaṃ suddhaṃ	426
Cātuddasiṃ pañcadasiṃ	318
Cirappavāsiṃ purisaṃ	191
Cutiṃ yo vedi sattānaṃ	450
Codito bhāvitattena	143
Chadvārādhippatī rājā	150
Chandaḷāto anakkhāte	189
Chindasotaṃ parakkamma	393
Chetvā naddhiṃ varattaṅca	407

[Ja - Jha - Ḍa]

Jayaṃ veraṃ pasavati	168
Jighacchāparamā rogā	171
Jīranti ve rājarathā sucittā	77
Jhāya bhikkhu mā pamādo	373
Jhāyiṃ viraja'māsīnaṃ	395
Ḍayhamāno na jānāti	181

[Ta]

Taṃ puttapasusammattaṃ	270
Taṃ vo vadāmi bhaddaṃ vo	330
Taṇhāya jāyatī soko	186
Tatrāyamādi bhavati	374
Tato malā malataraṃ	223
Tatheva katapuñṇampi	191
Tatheva dānaṃ bahukaṃ	143
Tatheva sīlavantesu	143

Paṭhamapādā	Piṭṭhāṅkā	Paṭhamapādā	Piṭṭhāṅkā
[Ta]		[Na]	
Tava saddhañca silañca	361	Na antalikkhe na	
Tasmā piyaṃ na kayirātha	179	samuddamajjhe	28-9
Tasiṇāya purakkhatā pajā	333	Na kahāpaṇavassena	156
Tāvatiṃse yadā Buddho	142	Na kiratthi rasehi pāpiyo	430
Tāva tiṭṭhatu lokasmiṃ	456	Na koci devo vaṇṇena	142
Tāsam Aṭṭhakatham etaṃ	455	Nagaraṃ yathā paccantaṃ	304
Tiṭṭhante nibbuta cāpi	164	Na cāhaṃ brāhmaṇaṃ brūmi	405
Tiṇadosāni		Na cāhu na ca bhavissati	210
khetṭāni	144, 356-7	Na jaṭāhi na gottena	402
Tumhehi kiccamātappaṃ	253	Na taṃ daḷhaṃ	
Te tādise pūjayato	163	bandhanamāhu dhīrā	338
Tvañca kho maṃ pajānāsi	209	Na tāvatā dhammadharo	244
[Da - Dha]		Na tena ariyo hoti	251
Daṇḍova kira me seyyo	312	Na tena thero so hoti	245
Dadāti ve yathāsaddhaṃ	229	Na tena paṇḍito hoti	242
Dantaṃ nayanti samitiṃ	309	Na tena bhikkhu so hoti	248
Dasasu lokadhātūsu	142	Na tena hoti dhammaṭṭho	241
Divā tapati ādicco	396	Natthi jhānaṃ apaññassa	374
Disvāna taṇhaṃ aratiṃ		Natthi rāgasamo aggi	169, 231
ragañca	130	Na naggacariyā na jaṭā	
Dukkhaṃ dukkhasamuppādaṃ	159	na paṅkā	49
Duppabbajjaṃ durabhiramaṃ	288	Na brāhmaṇassa pahareyya	399
Dullabho purisājañño	161	Na brāhmaṇasse'tadakiñci	
Dūre santo pakāsentī	293	seyyo	399
Dve me goṇā mahārāja	78-9	Na muṇḍakena samaṇo	247
Dhanapālo nāma kuñjaro	314	Na me diṭṭho ito pubbe	146
Dhammaṃ care sucaritaṃ	106	Na monena munī hoti	249
Dhammārāmo dhammarato	365	Na vākkaraṇamattena	246
Dhammo have rakkhati		Na ve kadariyā devalokaṃ	
dhammacāriṃ	372	vajanti	122
Dhīrañca paññañca		Na santi puttā tāṇāya	271
bahussutañca	176	Na sīlabbatamattena	252
		Na hi etehi yānehi	310

Paṭhamapādā Piṭṭhaṅkā

[Na]

Nā'daṭṭhā parato dosaṃ	118
Nikkhaṃ jambonadasseva	210
Nigrodhameva seveyya	94
Niṭṭhaṅgato asantāsī	348
Nidhāya daṇḍaṃ bhūtesu	416
Netarṃ kho saraṇaṃ khemaṃ	159
No ce labhetha nipakaṃ sahāyaṃ	322

[Pa]

Paṃsukūladharaṃ jantuṃ	405
Pañca chinde pañca jahe	373
Paṇḍupalāsova dānisi	215
Pattaṃ dhammapadaṃ yena	455
Pathabyā ekarajjena	124
Pabbatassa suvaṇṇassa	325
Paradukkhūpadhānena	281
Paravajjānupassissa	239
Parijñāmidam rūpaṃ	70
Parosahassampi samāgatānaṃ	149
Pavivekarato dhīro	141
Pavivekaraṃ pitvā	174
Pasaṃsāyunnato loko	292
Passa cittakataṃ bimbaṃ	69
Pāṇimhi ce vaṇo nāssa	18
Pāpañce puriso kayirā	4
Pāpāni parivajjeti	250
Pāpopi passatī bhadrāṃ	9
Pāmojjabahulo bhikkhu	381
Piyato jāyatī soko	181

Paṭhamapādā Piṭṭhaṅkā

[Pa]

Puccha vāsava maṃ pañhaṃ	175
Puññañce puriso kayirā	7
Pubbenivāsaṃ jānāmi	386
Pubbenivāsaṃ yo vedi	454
Pubbeva sannivāseṇa	20, 205
Puratthimasmiṃ disābhāge	388
Purāṇacorāna vaco nisamma	366
Pūjārahe pūjayato	163
Pemato jāyatī soko	182
Porāṇametaṃ atula	210

[Pha - Ba - Bha]

Phalaṃ ve kadaliṃ hanti	100
Phusāmi nekkhammasukhaṃ	252
Bahuṃ ve saraṇaṃ yanti	159
Bahumpi so vikattheyya	228
Bālasaṅgatacārīhi	176
Bāhitapāpoti brāhmaṇo	397
Bhadropi passatī pāpaṃ	9
Bhutvā tiṇaparighāsaṃ	208

[Ma]

Maggānaṭṭhaṅgiko seṭṭho	253
Mataṃ vā putta rodanti	319
Mataṃ vā amma rodanti	319
Mattāsukhapariccāgā	280
Manujassa pamattacārīno	330
Manujassa sadā satīmato	172, 316
Manuññameva bhāseyya	138
Manopakopaṃ rakkheyya	212

Paṭhamapādā	Piṭṭhaṅkā
[Ma]	
Malitthiyā duccharitaṃ	223
Mahādānaṃ tayā dinnāṃ	143
Mahesī Rāhulamātā	362
Mātaraṃ pitaraṃ hantvā	283-4
Mā piyehi samāgañchi	179
Māvamaññetha pāpassa	11
Māvamaññetha puññassa	13
Māvoca pharusāṃ kañci	37
Mitte bhajassu kalyāṇe	374
Middhī yadā hoti	
mahagghaso ca	172, 315
Muñca pure muñca pacchato	343
Mettāvihārī yo bhikkhu	373

[Ya]	
Yaṃ esā sahate jammī	330
Yaṃ kiñci sithilaṃ kammaṃ	302
Yaṃ ce viññū pasāṃsanti	210
Yaṃ pattaṃ kusalaṃ tena	455
Yaṃ pubbe taṃ visosehi	51
Yaṃ hi kiccaṃ apaviddhaṃ	282
Yato yato garu dhuraṃ	138
Yato yato sammasati	374
Yattha posāṃ na jānanti	208
Yathā idaṃ tathā etaṃ	74
Yathā daṇḍena gopālo	38
Yathā nadī ca pantho ca	223
Yathāpi bhaddake khetto	143
Yathāpi mūle anupaddave	
dalhe	332
Yathā pubbuḷakaṃ passe	107

Paṭhamapādā	Piṭṭhaṅkā
[Ya]	
Yadaggato majjhato	
sesato vā	368
Yadā dvayesu dhammesu	394
Yamhā dhammaṃ vijāneyya	401
Yamhi saccañca dhammo ca	245
Yasmiṃ mano nivisati	205
Yasena unnato loko	292
Yassa accantadussilyaṃ	97
Yassa kāyena vācāya	400
Yassa gatiṃ na jānanti	450
Yassa cetāṃ	
samucchinnāṃ	229, 246
Yassa chattimsati sotā	332
Yassa jālinī visattikā	129
Yassa jitaṃ nāvajīyati	128
Yassa pāpaṃ kataṃ kammaṃ	111
Yassa pāraṃ apāraṃ vā	394
Yassa pure ca pacchā ca	452
Yasa rāgo ca doso ca	419
Yassālayā na vijjanti	422
Yānimāni apatthāni	71
Yāvatā candimasūriyā	
pariharanti	156
Yāva Buddhoti nāmampi	456
Yāva hi vanatho na chijjati	265
Ye ca saṅkhātadhammāse	148
Ye jhānapasutā dhīrā	147
Ye rāgarattā'nupatanti sotāṃ	340
Yesañca susamāraddhā	282
Yehi jātehi nandissaṃ	312
Yo appaduṭṭhassa narassa	
dussati	22

Paṭhamapādā Piṭṭhaṅkā

[Ya - Ra]

Yogā ve jāyatī bhūri	263
Yo ca pubbe pamajjitvā	110
Yo ca Buddhaṅca dhammaṅca	159
Yo ca vassasataṃ jīve	270-1
Yo ca sameti pāpāni	247
Yo cetam̄ saḥate jammim̄	330
Yo daṇḍena adaṇḍesu	44
Yo dukkhamadakkhi yato- nidānaṃ	325
Yo dukkhassa pajānāti	411
Yodha kāme pahantvāna	430
Yodha taṇhaṃ pahantvāna	445, 447
Yodha dīghaṃ va rassaṃ vā	421
Yodha puññaṅca pāpaṅca	248, 423
Yo nibbanatho vanādhimutto	336
Yo pāṇamatipāṭeti	226
Yo pubbe karaṇīyāni	257
Yo'maṃ palipathaṃ duggaṃ	427
Yo mukhasamyato bhikkhu	364
Yo ve uppatitaṃ kodhaṃ	195
Yo sāsaṇaṃ arahataṃ	100
Yo hare mattikaṃ thālaṃ	347
Yo have daharo bhikkhu	392
Ratiyā jāyatī soko	183
Rattassa hi ukkuṭikaṃ padaṃ bhava	127
Rājato vā upasaggaṃ	45

[La - Va]

Lābhena unnato loko	292
Vacīpakopaṃ rakkheyya	212

Paṭhamapādā Piṭṭhaṅkā

[Va]

Vajjaṅca vajjato ñatvā	307
Vanaṃ chindatha mā rukkhaṃ	265
Varamassatarā dantā	309
Vassikā viya pupphāni	377
Vācānurakkhī manasaṃ susamvuto	261
Vāṇijova bhayaṃ maggaṃ	15
Vāri pokkharapatteva	410
Viceyya dānaṃ dātabbaṃ	144, 356
Vitakkamathitassa jantuno	347
Vitakkūpasame ca yo rato	347
Vimalā saṅkhamuttābhā	292
Visuddho vata me vāso	414
Vihāre adhirājena	455
Vītataṇho anādāno	348
Vedanaṃ pharusam̄ jānim̄	44

[Sa]

Saccaṃ bhaṇe na kujjheyya	204
Sace ca pāpakaṃ kammaṃ	318
Sace neresi attānaṃ	37
Sace labhetha nipakaṃ sahāyaṃ	322
Satevīsā catussatā	455
Sadā jāgaramānānaṃ	208
Saddho sīlena sampanno	289
Santakāyo santavāco	378
Santindriyā santamānasā	292
Sabbaṃ bhaṇḍaṃ samādāya	346
Sabbadānaṃ dhammadānaṃ jināti	352
Sabbapāpassa akaraṇaṃ	153

Paṭhamapādā	Piṭṭhaṅkā
[Sa]	
Sabbasaṃyojanam chetvā	344, 406
Sabbaso nāmarūpasmiṃ	369
Sabbābhibhū	
sabbavidūhamasmi	350
Sabbe tasanti daṇḍassa	31, 32
Sabbe dhammā anattāti	256
Sabbe saṅkhārā aniccāti	255
Sabbe saṅkhārā dukkhāti	256
Samaṇam taṃ maññaṃāno	403
Sāritāni sinehitāni ca	332
Salābham nātimaññeyya	366
Savanti sabbadhi sotā	332
Sānum pabuddham vajjāsi	318
Sāmaṇera sace atthi	388-9
Sāriputto tadā seṭṭhī	362
Sāhudassanamariyānam	176
Siṅgāla bāla dummedha	346
Siṅca bhikkhu imam nāvam	373
Sīladassanasampannam	187
Sukaram sādhunā sādhu	98
Sukarāni asādhūni	99
Sukham yāva jarā sīlam	325
Sukhakāmāni bhūtāni	33
Sukhā matteyyatā loke	325

Paṭhamapādā	Piṭṭhaṅkā
[Sa]	
Sukhena unnato loko	292
Sukho Buddhānamuppādo	162
Sujīvam ahirikena	224
Suññāgāram pavittassa	374
Suṇohi me nāgarāja	388-9
Sudassam vajjamaññesam	238, 346
Suppabuddham pabujjhanti	286
Surāmerayapānañca	227
Susukham vata jīvāma	166-7
Seyyo ayogoḷo bhutto	299
So karohi dīpamattano	215-6
[Ha]	
Haṃsā'diccapathe yanti	115
Hatthasaṃyato pādasamṃyato	362
Hananti bhogā dummedham	355
Hitvā mānusakam yogam	448
Hitvā ratim ca aratim ca	448
Hiri-ottappasampannā	48
Hirīnisedho puriso	54
Hirīmatā ca dujjīvam	224
Hīnam dhammam na seveyya	105